



## A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

## Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

## À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>






128373

qui et ce qui

16420

20000



de 3. mai 1941

B.L.  
Trace  
p. 481

46

# L'ODYSSÉE D'HOMÈRE.

304081

DE LA VERSION DE SALO-  
MON CERTON Conseiller, Notaire  
& Secrétaire du Roy, Maison & Cou-  
ronne de France, & Secrétaire de la  
Chambre de sa Majesté.

SECONDE EDITION.  
DE NOUVEAU REVUE,  
& exactement corrigée par le  
Traducteur.



A PARIS,  
Chez NICOLAS HAMEAY, rue S. Jacques,  
deuant les Mathurins.

H. D. C. XV.  
*Anc Privilège du Roy.*







AV ROY

# HENRY LE G R A N D.

EN L'VY PRESENTANT

*l'Odyssée le premier de l'annuier,  
mil six cens quatre.*

Les Vers sont Asclepiades, Choriambiques  
Alexandrins mesurez, comme en la  
premiere Ode d'Horace.



*G R A N D Roy, sorti de Rois tes genereux  
ayeux, (vieux*

*Branche illustre de Loys, sang de ce tige  
Qui tes peres assit sur le royal degre,*

*O ma force, ma gloire, & mon apuy sacré!*

*Grand Roy dont le bon-heur, & l'épée & le bras*

*Ont tes lys redressez presque cheans à bas,*

*Dont la vertu remet ton redoutable état*

*En son lustre premier, dont le Soleil rabat*

*Nos broüillars nuageux, & de rayons nouveaux*

*Enfantex de la paix rend vigoureux & beaux*

*Tous les coins de la France: Ores que Mars ne bruit,*

*Qu'on n'entend la rumeur ny l'effroyable bruit*

*à y*

Des tambours & clérons, or' qu'àplanis & coix  
 Sont les flots de la mer, vien écouter la voix  
 Du grand chantre de Grece, oy favorablement  
 Ses vers tant celebres, qu'offre présentement  
 A tes pieds sacrosaincts l'humble deuotion  
 D'un tien serf qui se met souz ta protection.

Cest Heros Ithaqueois (Prince couuert d'honneur)  
 Dont les faits genereux chante ce grand soneur  
 Bien qu'il change de langue & de pays natal,  
 Qu'au premier vestement n'ayt le second égal,  
 N'eut moins braue le cœur, moins le courage fort,  
 Qu'il fut fin, delié, sage, prudent, accort,  
 Des premiers il alloit aux perilleux hazars,  
 Son front il coronoit des glorieux feuillars  
 Qu'aux combats on aquiert : entreprenoit le fait  
 D'un sage & meur auis, puis y donnoit l'effect,  
 Par l'ardeur du Soleil, par la rigueur du froid  
 Inuincible de peine & de mal, il souffroit  
 La risque & le hasard d'un peril entrepris.  
 Neptune onc ne le vit parmy l'orage, pris  
 Des horreurs de la mort : Bien qu'à diuerses fois  
 Son flot ait fracassé son temeraire bois.  
 Moins sur terre l'assault d'une couarde peur  
 Esbranler ne put onc son magnanime cœur.  
 Son ieune aage n'étoit encore consumé,  
 Qu'aux ennuis, à la peine il fut acoustumé,  
 Il n'eut rien que trauerser, & le seuerer ciel  
 Sur luy sans nul esgard versa son aspre fiel :  
 Mars, Bellone, Enyon, armes, alarme, sang,  
 Coups, morts, feux, fer, assaults, prirent à prix le flac

*Du guerrier genereux : Et ce cruel mal-heur  
 Importun le batit d'asiduel labeur.*

*Ses voisins & amis, ses naturels sujets  
 Brassent sur son estat mille liguez projets,  
 Mangeoient ses reuenus, son patrimoine cher,  
 Ses thresors, & troupeaux, pour se pouuoir nicher  
 Sur son throsne sacré. Mais equitalement  
 Leurs complots dessus eux cheurent en un moment.*

„ Car Dieu seul donne l'estre aux regnes, & soutient  
 „ Les Rois ses fauoris : comme seul il retient  
 „ En ses mains de jeter leur diadème à bas.  
 „ Quoy donc foibles humains, ne de fumier si bas  
 „ Osez vous violer ses souuerains decrets?  
 „ Il poursuit viuement, frappe & atteint de pres  
 „ Tous autheurs de tumulte, & trouble & faction,  
 „ Tient ses oints cherement sous sa protection,  
 „ Mais les entrepreneurs, traistres & coniurez  
 „ Des grandeurs affamez, des regnes alterez,  
 „ Il renuerse, détruit, pousse sur eux la mort,  
 „ Et les vient ruiner d'un violent effort.

*Ainsi nostre Ithaquois victorieusement  
 Deffit ses ennemis, les punit asprement,  
 Les mit sur le paue, fit le rebelle sang  
 En grands flots decouler, comme de quelque estang,  
 Sur son throsne paisible il se rassit soudain,  
 Et son sceptre reprit dans sa vaillante main.*

*Grand Roy, quel pararele est-ce que i'entreuoy,  
 Non beaucoup different entre ce Prince & toy?  
 Rois tous deux genereux, forts de courage, grands  
 D'esprit, pleins de prudence, & de superbe francs,*

Nourrissions de Bellone, & rejettons de Mars  
 Dés vos plus ieunes ans, sans peur à tous hazars,  
 Affermis à la peine, & qui auez tousiours.  
 En vos ans eprouuez mille trauaux rebours.  
 Tes voisins, comme à luy, tes naturels sujets  
 Ont fait sur ton estat mille méchans projets,  
 Ont tasché de raur ton patrimoine cher  
 Et ton sceptre sacré par ligue arracher.  
 Quoy plus? des vipereaux ingratement mechants,  
 Creus dans ton propre sein, d'ambition sechans,  
 Ont voulu déchirer ton debonnaire flanc,  
 Et remplir ta famille & de deuil & de sang.

Mais Dieu les soumetant sous ta royalle main,  
 Plus qu'Ulysse ne fut, Prince tu fus humain,  
 Sans sang tes ennemis sont ramenez à toy,  
 Tu t'es fait de vaillance & de clemence Roy.  
 Sans grand meurtre tu as eu le loüable prix,  
 As conquis ta Couronne, & ton état repris.

Reste un poinct seulement, ô magnanime Roy,  
 Qu'un grand Poëte reuiue, & sone mieux que moy  
 Tes exploits valeureux, chante superbement  
 Ton los & ton honneur. Tant celebre argument  
 Vn stile autre requiert, & de si graue faits  
 Pour cent tels que ie suis trop penible est le fais:  
 Dans tes mers & dessus tes spacieuses eaux  
 Ils perdroient, étonnez, leurs vacillans bateaux,  
 Aux rayons du Soleil dont ton honneur reluit  
 Leurs yeux trop delicats plus que hybous de nuit  
 Ils clorroient esblouys, leur suputation  
 D'erreur pleine seroit & de presumption,

*S'ils pensoient vn à vn des glorieux lauriers  
Dont ton front se reuest parfaire les miliers :  
Et leur plume de plomb foible reboucheroit  
Sur l'enclume du temps, où ton honneur se voit  
Tant bien peint & gravé, qu'il ne redoute pas  
Les coups ny la fureur d'un ruineur trépas.*

*O qu'eussay-ie ta grace, & seulement ton œil  
Vn bon coup me ietast vn fauorable accueil,  
Fort assez ie serois pour brauement soner  
Vn hymne en ton honneur, pour dire & entoner  
Tes exploits genereux, & d'une mer de vers  
Enfantex de ma trompe, haut leuer au trauers  
Des grands airs spacieux ton redoutable nom,  
Tes vertus, ton honneur, ton glorieux renom.  
Car mon bac demené d'un fauorable vent  
Poussé par ta faueur, ferme d'orénauant  
Iroit, plus de la' peur il ne s'arresteroit,  
Quand ta douce faueur force me presteroit.*

S. CERTON.

F I N.



## Extraict du Privilège du Roy.

**P**AR lettres Patentes du Roy données à Paris le vingt septiesme iour de May, 1614. signees par le Roy en son Conseil, Boulleau, & scelees du grand seal: il est permis à *M. Salomon Certon, Conseiller, Notaire & Secretaire du Roy, Maison & Couronne de France, & Secretaire de la Chambre de sa Maiesté*, de faire imprimer par tel Libraire que bon luy senblera, toutes les œuvres d'Homere, sçavoir, *l'Iliade l'Odysee, la Batrachomymachie, les Hymnes & Epigrammes, le tout de la version dudit Certon.* Portant deffences à tous Libraires, & Imprimeurs, d'imprimer ou faire imprimer lesdictes œuvres, n'autres de quelque qualité & condition qu'ils soient du Royaume de France, mesmes d'en apporter ou faire apporter en iceluy aucuns exemplaires qui eussent esté faicts ailleurs, que de ceux qui auront de luy charge & son expres pouuoir & consentemēt. Lequel pouuoir & permission il a donné à *Thomas Blaise luré Libraire à Paris*, pour en disposer par luy le temps & espace de dix ans, à commencer du iour & d'acte, que lesdictes œuvres seront acheuees d'imprimer, le tout par acte passé entre eux le septiesme iour de Iuin, 1614. signé Certon.

Et ledit *Blaise* a associé avec luy *Nicolas Hameau*, aussi Libraire audit lieu.





LE  
PREMIER LIVRE  
DE L'ODYSSEE  
d'Homere.

ARGUMENT.



E conseil des Dieux se tient pour ren-  
uoyer Vlysses de l'Isle de Calypso en Itha-  
que. Pallas y va trouuer Telemachus s'e-  
stant fait semblable à Mentès Roy des  
Taphiens, elle l'exhorte des'en aller à la recherche  
de son pere Vlysses vers Nestor, à Pyle & à Sparte  
vers Menelaüs. Puis elle s'euanouït en l'air, luy lais-  
sant à penser qu'elle estoit deesse. Les poursuyvants  
de Penelope dressent leur festin.

AUTRE SOMMAIRE.

*Les Dieux sont au conseil, Pallas vient en Ithaque:  
D'aller chercher son pere exhorte Telemaque.*



*VSE dy moy qui fut l'homme fin & rusé  
Qui si long temps erra, depuis qu'il eut rasé  
Le sacré mur de Troye, & d'hommes & de  
villes*

*Remarque les façons farrouches & civiles :*

Il eut en son esprit, en courant sur les mers,  
 Maints trauaux angoisseux, & maints soucis amers,  
 Pour conseruer sa vie, il eust peine tres-grande  
 A garantir de mort les soldats de sa bande,  
 Et faire que chez eux ils peussent arriuer,  
 Mais quelque effort qu'il fist il ne les peust sauuer:  
 Car les mal-aduisez, par leur faute perirent.  
 Méchans, qui au Soleil tournant là haut se prirent,  
 Et mangerent ses beufs. Partant de leur retour  
 Apollon leur osta le desirable iour.

Inuoca-  
 tion.

Fille de Iupiter, Deesse (si ie t'ose  
 Enquerir) conte moy de cecy quelque chose.

Ceux qui sauez des eaux, & du sanglant effort  
 De la guerre, viuoient garantis de la mort,  
 Estoient en leur maison. La Deesse honorable,  
 La nymphe Calypso sur toutes venerable,  
 Auoit cestuy-cy seul en son Isle arresté  
 Dans ses sombres cachots, contre sa volonté.  
 Et (combien qu'elle sceust qu'il brusloit en son ame  
 De retourner reuoir son pais, & sa femme,)  
 Elle l'auoit du tout à mary desiré.

Mais quand avec les ans le temps fut expiré,  
 Et qu'on vit reuenir les saisons ordonnees  
 Qu'il deuoit retourner selon les destinces  
 En son pais d'Ithaque, il ne luy fut permis

tous les  
 Dieux  
 ont cõ-  
 passion  
 d'Vlyf-  
 ses, fors  
 Neptu-  
 ne.

D'estre exempt du combat, mesme entre ses amys.

Or tous les autres Dieux, horsmis le seul Neptune,  
 Auoient compassion de sa triste fortune,  
 Son depit violent ne l'auoit point quitté,  
 Et fut contre Vlysses sans relasche irrité,

*Jusqu'à ce qu'en sa terre il eust fait son entree.*

*Or il visitoit lors la lointaine contree  
Des Ethiopiens esloignez, & qui sont  
Distincts, & separez : le levant ceux-cy ont,  
Ceux-là sont situez où le Soleil se cache,  
Et qui sont les derniers des hommes, que l'on sçache.  
Là, au festin assis aysé il se delectoit,*

*A la mort des agneaux & toreaux assistoit  
Tuez à son honneur, dont la centaine tombe  
A l'usage sacré de la sainte Hecatombe :*

*Mais dessus le Palais de l'Olympe estoillé  
Fut le reste des Dieux au conseil appelé :  
Là le Roy des grands Dieux, & des hommes le pere,  
Leur parla sur le fait d'Ægistus l'adultere  
Duquel il se souvint, & qu'auoit mis à mort  
Le gentil Orestes, fils vertueux & fort  
Du grand Agamemnon. Si fit harangue telle,  
Du fait memoratif à la troupe immortelle.*

Conseil  
des  
Dieux.

*O dieux, dont les humains taxent trop dereglez  
Nos saintes deitez, & pensent auenglez,  
Que de tous leurs malheurs la source & l'origine  
Depend, & vient de nous, veu que de leur ruine  
Ils sont la plus part cause, & leurs mechancetez  
Les vienent à leur mal, entassants effrontez  
Mainte angoisse en leur cœur, contre les destinees,  
Des fautes commettans par trop desordonnees :  
Ægistus en est tesmoin, qui d'Atreide l'aisné  
Voulut auoir la femme, ô crime forcené !  
En despit du destin : & (forfait execrable,)  
Osa tuer encor le mary miserable :*

Iupiter  
aux  
Dieux.

Ægist'  
entre-  
tiét Cly-  
témestre  
femm.  
d'Agamemnon.

4            L E P R E M I E R L I V R E  
*N'ignorant de sa faute & la peine & la mort.  
 Carie luy enuoyay mon messager accort  
 Qui le garde d' Io jadis priua de vie ,  
 Luy dire qu'il quittast cette execrable enuie  
 D'auoir Clytemnestra pour femme, & ne mist pas  
 Le grand Agamemnon mechamment au trespas.  
 Car Oreste viendrait en faire la vengeance  
 Dès qu'il auroit atteint l'aage d'adolescence.  
 Le throsne de son pere aysement reprendroit,  
 ( A sa mechanceté le salaire rendroit. )  
 Egistus n'escouta ceste sage parole ,  
 Insensé ne chassa de luy ceste amour folle ,  
 De ceste remonstrance aucun conte ne fit,  
 Combien qu'il l'exortast ainsi pour son profit  
 C'est donc à tresbon droit que l'infame adultere  
 De son acte perfide a receu le salaire.*

Pallas à  
 Iupiter.

*A qui respond ainsi la Deesse aux yeux pers.  
 Opere , ô haut-tonant , grand Roy de l'uniuers,  
 Race Saturnienne , honneur des Dieux celestes,  
 Il est mort iustement. Ses actes deshonestes  
 Ont receu de leur train la satisfaction.  
 Et ie souhaitterois telle punition  
 A ceux qui commettront tant detestable vice.  
 Bien que mon soin plus gräd soit pour le pauvre Vlysse.  
 Mon cœur pour cela seul se ronge de pité:  
 Car le misérable est trop long temps tourmenté  
 Par ses plus grands amis, dans vne Isle profonde  
 Assise iustement dans le nombril de l'onde,  
 Isle pleine de bois : C'est l'habitation  
 De la fille d' Atlas, grand d'art, d'inuention,*

Calyp-  
 son fille  
 d'Atlas.



De sçauoir, de doctrine, & de qu'il la science.  
 A des profonditez de la mer cognoissance:  
 Il supporte, il soustient d'admirables efforts  
 Les immenses piliers, & les estansons forts  
 Où s'appuye le ciel d'où tombe le tonnerre;  
 Qui gardant de pancher le lourd poix de la terre.  
 La sa fille retient Vlysses gemissant,  
 Retarde son retour de propos blandissant,  
 L'eniole en son amour de parole mielleuse,  
 Pour luy faire passer la memoire oublieuse  
 De sa chere patrie: Et ne vienne le iour  
 Auquel luy est prefix d'Ithaque le retour.  
 Mais tout son desir est de reuoir la fumee  
 Qui sort à noirs replis de sa maison aymee:  
 Ayme mieux voir la flamme allumer, & courir  
 Sur sa douce patrie, & puis apres mourir,  
 ( Que de prendre d'un Dieu la semblance eternelle,  
 Mary d'une Deesse, & de vie immortelle.)  
 Mais tes affections ne peuuent s'esmouuoir  
 Grand moteur de l'Olympe, & tu te fais trop voir  
 Immuable en ton cœur. Qu'est-ce que ton courage  
 S'est tourné tellement à son desaduantage?  
 Ne t'a-il pas rendu sur les vaisseaux des Grecs.  
 Agreeables assez d'holocaustes sacrez?  
 Sous les murs d'Ilion, qui peut dire qu'Vlysse  
 N'ayt fait & à Iupiter maint & maint sacrifice?  
 Pourquoy donc contre luy es tu tant indigné  
 O grand moteur du ciel, de flambeaux entourné?  
 A tant se teut Pallas. Et ainsi recommance  
 Celuy qui dedans l'air les nuages balance.

Tupiter  
à Pallas.

*Ma fille, qu'as-tu dit? quels propos imprudents  
Eschappez de ta bouche ont peu passer tes dents?  
Quoy, puis-je estre oublieux, & n'avoir souvenance  
Du divin Vlysses, qui passe en excellence  
L'entendement de ceux qui vivent sous les Cieux?  
Qui tousiours dessus tous a fait offrande aux Dieux,  
Chargeant les saints autels de presents honorables  
De nous qui habitons dans les cieux venerables?  
Mais Neptune qui va la grand terre embrassant,  
Luy trouble son retour, ses eaux bouleversant,  
(Frappe de son trident, & sans aucun relasche  
Rend la mer agitee:) il s'indigne & se fâche  
A cause de son fils, & du vilain affront  
Que l'Ithaquois luy fit, en creuant l'œil du front  
Au plus fort des Cyclops (dans sa caverne close.)  
Ce grand Dieu l'engendra de la Nymphe Thoosé  
Fille du Dieu Phorcis Roy des gouffres profonds:  
Estant amoureux d'elle, & la cognut au fonds  
Des cachots de la mer: Depuis ce temps Neptune  
Luy porte dans son cœur immortelle rancune.  
Il ne l'a pas tué; mais loing de son pais  
Il le va promenant (troublé de mille ennuis.)*

*Mais prenons tous en fin pitié de sa misere,  
Pensons de son retour. Que Neptune modere  
Un peu de son courroux: car s'il veut contester  
Luy seul à tant de Dieux il ne peut resister.*

Pallas à  
Iupiter.

*Pallas ayant ouy, telle responce donne  
Appaisée & contante, au Dieu qui au ciel tonne.  
Tres-grand pere des Rois, divin Saturnien,  
Si c'est chose arrestee, & que le vueille bien*

De tous ces Dieux heureux la troupe venerable  
 Qu'Ulysse ayt son congé, Ulysse l'admirable  
 En sagesse & conseil, despechons promptement  
 L'Argicide Mercur : qu'il prenne vistement  
 La routte d'Ogygie, & die à la Deesse.  
 La Nymphe aux cheueux blōds, que sās faute elle laisse  
 Aller le sage Ulysse, afin, sans sejourner,  
 Qu'il puisse en son país vitement retourner.  
 Pour moy, ie m'en iray en son isle d'Ithaque  
 Exorter, donner cœur à son fils Telemaque,  
 L'induire à conuoquer, (sans craindre & redouter,)  
 Le Gregeois cheuelus, les amants rebuter  
 Qui ne font que remplir sa maison de turie  
 De brebis & d'agneaux font vne boucherie,  
 De son palais Royal, que maint toreau muglant,  
 Mainte cheure & maint bœuf redēt par tout sanglāt.  
 Apres ie l'enuoiray à Sparte la guerriere,  
 A Pyle l'areneuse, enquerir de son pere  
 L'estat & le retour. Et quand il l'apprendra  
 Par les hommes, honneur tres-grand luy en viendra.

Elle dit, & soudain elle ajance à ses plantes  
 Ses talonnières d'or diuinement luyfantes,  
 D'un ouurage immortel. Qui la portoient souuent  
 Soit par dessus les eaux avec l'ayde du vent,  
 Ou par dessus la terre, (ou par le nud des nuës,  
 Ou vers les cieux haultains, regions incogneuës.)  
 Puis sa lance elle prit, grande & pleine d'horreur,  
 Dont un fer émoulu epointe la fureur,  
 De force & de roideur qui ne pēnt iamais rompre,  
 C'est de quoy elle sçait mettre en route & derompre,

Le prie  
 de des-  
 pescher  
 Mercur  
 re à Ca-  
 lypson.

Pallas  
 part du  
 Ciel  
 pour al-  
 ler en  
 Ithaque

Lāce de  
 Pallas.

Quand elle est en courroux, les bataillons plus forts,  
 Mettre en fuitte les Rois, leur donner mille morts,  
 Elle de Iupiter la fille bien aymee  
 Et nee aux forts combats. De ceste lance armee  
 Elle vole du ciel, en Ithaque arriva,  
 Droite dessus le seuil d'Ulysse se trouua  
 Parmy les Ithaqois, & prit en diligence  
 Du Roy des Taphiens Mentès, la ressemblance.

Arriuat  
 elle  
 trouue  
 les pour-  
 suiuaus  
 de Pene-  
 lopé.

Elle rencontra lors les amans orgueilleux  
 Gaillards deuant la porte empeschez à leurs jeux,  
 Ils estoient estendus sur les peaux arrangees  
 Des bestes qu'ils auoient eux mesmes égorgées,  
 Les vallets diligents à leur deuoir couroient,  
 Les uns puisoient de l'eau, d'autres le vin tiroient,  
 Les autres essuyoient les tables arrangees  
 Des sponges de trous sans dommages rongees  
 Les viandes dessus tranchoient en quantité.  
 Et le tout apprestoient en somptuosité.

Telema-  
 chus ad-  
 uise le  
 premier  
 parleur.

Qui le vid le premier attendre sur la porte  
 Cefut le fils d'Ulysse à qui la face forte  
 Sembloit celle d'un Dieu : Car il estoit aussi  
 Entre les poursuiuaus, le cœur plein de souci,  
 Songeant, si quelque iour pouuoit venir son pere,  
 Quel charnage on verroit de ces galans luy faire,  
 Et comme il reprendroit aysement son estat,  
 Puis iouyroit de tout sans noise ne debat.  
 Il pensoit à cela, comme il vid la Deesse,  
 Et se leuant soudain il sortit de la presse,  
 Alla la receuoir, se fachant grandement  
 De la voir demeurer dehors si longuement :

Il la prend par la main, & la lance luy oste.

Soyez le bien venu, luy dit-il, mon cher hôte,  
 Vous logerez ceans en toute seureté,  
 Et puis quand de viande aurez esté traité  
 S'il vous plaist nous ferez vos paroles entendre.

Telemachus à  
 Pallas.

Ayant dit, il le prend sans le plus faire attendre  
 Et le mene dedans. La Deesse Pallas

la mene  
 dans le  
 logis.

(Contrefaisant Mentès,) de l'enfant suit les pas,  
 Entre dans la grand salle. Et Telemac s'aduançe  
 Pour serrer le pesant de sa guerriere lance,  
 Se hausse tant qu'il peut, la pend au rastelier  
 Qui de long temps estoit contre un tres-grand pilier:  
 Armes claires, (donnant blesseure & mort amere)  
 Y pendoyent, & c'estoient les armes de son pere.

La fait  
 asseoir.

Lors il le fait asseoir sur un siege apresté,  
 Des tapis bien ouurez par dessus a ietté,  
 Fait mettre souz ses pieds, (afin qu'il se delasse)  
 Un petit escabeau. Puis apres quelque espace  
 Le mene sur un liçt peint d'un excellent art:  
 De ceux des poursuyuans il le fait mettre à part  
 De peur qu'estant battu du bruit, de la crierie,  
 Il ne prit en son cœur dedain & fascherie,  
 Et ne souppast en paix. Mais principalement  
 Il le fist pour sçauoir moins incommodement  
 Nouuelles de son pere, (agité sur les ondes.)

Lors une belle fille (aux cheueleurs blondes)  
 Prit une aiguiere d'or où l'eau alloit nageant,  
 Luy apporte à lauer dans un bassin d'argent,  
 Puis apres vint couvrir bien proprement la table,  
 Apporte de Ceres le present profitable.

Luy fait  
 presen-  
 ter à  
 manger



Et l'Eſcuyer ſeruoit de bon viures chargez,  
Et de toutes façons les grands plats arrangez.  
Aſſeoyent deuant eux la veſſelle doree,  
Et le Herault verſoit la boiſſon deſiree.

Après voicy venir les rogues pourſuyuants,  
Qui ſe rangent par ordre, & les mains vont lauants.  
Les filles, le beau pain des paniers d'oſier tirent,  
Et eux de force mets le ventre ſe remplirent.

Les pages à qui veut preſentent le bon vin,  
A grands pleins gobelets. Ayant chaffé la faim

Les  
pourſui-  
uans ne  
font que  
rire &  
ſauter.

Et la ſoiſ bien loin d'eux, les amoureux ſe leuent,  
Car autres grands chagrins & ſoucis ne les greuent

Qu'après auoir bien beu aller rire & ſauter,  
Et aux airs des chanſons leurs oreilles flatter,  
Ornements des feſtins. Or le Herault ſe tire  
En auant, met en main à Phemius la lire

Phemi<sup>r</sup>. D'un ouurage tresbeau. Ce Phemius eſtoit  
Entre les pourſuyuans, par contrainte il chantoit  
Pour ce qu'ils s'y forçoient. Lors il paſſa le poulce  
Sur ſon luth, & chanta d'une voix belle & douce :

Dequoy Telemachus l'occaſion prenant,  
Son chef contre celui de Minerue ioignant,  
Afin que les amants ne le peuſſent entendre :

Telema-  
chus en-  
quiert  
Pallas.

Je te ſupply, dit il, mon cher hoſte de prendre  
Mes paroles en gré, & ne te faſcher pas  
Si ie te veux un peu entretenir tout bas.

Tu vois comme ces gens n'occupent leur penſee

Se plaint du train des pourſuyuans. Qu'à rire & qu'à gauffer, mon ame en eſt preſſee  
De deuil inſqu'au mourir : Tu apperçois comment  
Tout ſe ruine icy : & comme impunément

*Ils consomment le bien d'un misérable Prince,  
 Duquel les os, hélas, en estrange province  
 Blanchissent sur la terre, ou sur la mer flottans  
 Vont misérablement contre un roc se heurtans.  
 Que s'il pouvoit venir, la canaille maudite  
 Souhaitteroit bien plus pieds vistes pour la fuite  
 Que riches parements. Mais puis que le trespas  
 Ainsi nous l'a raui : Hélas, ie ne voy pas  
 D'espoir en nostre fait. Et si quelqu'un asteure  
 Me disoit, Vlysses sans aucune demeure  
 Sera bien tost icy, ie ne le croirois point,  
 Tant m'est desespéré son retour de tout poinct.*

*Mais dy moy pour le vray ( si cela ne t'offence )  
 Qui es-tu, d'où es-tu, où est ta demeure,  
 Où est encor ta ville, & quels sont tes parens,  
 Qui sont les mariniers sur ceste mer courans,  
 Et le vaisseau, qui t'ont mis en l'Isle d'Vlysse :  
 Car ie ne pense pas que venir tu y puisse  
 Et par terre, & à pied. Ceste hospitalité  
 Est elle de nouveau, ou d'ancienneté ?  
 Force gens autresfois voyageans ont pris cure  
 De loger chez mon pere, & ceste couuerture  
 Se haussait, ce logiss'ouvroit tres-volontiers  
 Aux amis, qui vouloient passer en ces quartiers.  
 Vlysses, des humains l'amour & la lieffe  
 Gardoit bien l'amitié. A qui lors la Deesse.*

*Ie suis Mentès le fils d'Anchial le prudent,  
 Sur les bons matelots de Taphos commandant,  
 J'arriue tout asteuré avecques mon nauire.  
 Et mes gens en ce lieu, vers Temèsie ie tire*

*S'en-  
 quiert  
 de son  
 pais.*

*Pallas  
 souz la  
 sembla-  
 ce de  
 Mentès  
 respond  
 à Tele-  
 machus*

*A des gens qui diuers de langage à nous sont,  
 Et luy porte du fer pour du cuivre qu'ils ont.  
 Hors la ville à l'escart est ma barque liee  
 Dans le port de Rethré, sous l'ombrageux Neïee,  
 Je fais gloire du droit de l'hospitalité  
 Entre ton pere & moy, qui d'ancienneté  
 Nous entre-visitons, Laërtes vieillard sage,  
 Et vertueux Heros, m'en rendra tesmoignage,  
 Si tu le veux sçauoir. On dit qu'entièrement  
 Il a quitté la ville, & ne met nullement  
 Le pié dans la muraille, ains qu'aux champs sa retraite  
 Sans nulle ambition le bon vieillard a faicte,  
 N'ayant là qu'une vieille afin de le traitter,  
 Et son boire & manger luy cuire & apprester.  
 Quand il est trauaillé, quand ses iambes malades  
 N'en peuuent quasi plus des longues promenades  
 Qu'il faiët dans son iardin gayement verdissant,  
 Ou dans sa douce vigne en raisins rougissant,  
 Ou dans son beau verger quand la saison rapporte,  
 Et qu'on le void courbé de fruits de toute sorte,  
 La fidelle seruante accourt incontinent,  
 Et soustient le bon homme à peine se trainant,  
 Et restaure son cœur de viande agreable.*

*Or à l'occasion du vieillard honorable  
 J'ay cette route pris. Pour ton pere, l'on tient  
 Qu'il est bien loin d'icy, que la mer le retient,  
 Errant par cy par là, & que les Dieux celestes  
 Luy troublent son retour ( & luy sont fort molestes:)  
 Le diuin Vlysses est sur terre, & n'a pas  
 ( Abatu de la mort, ) encor' passé le pas.*

Il est en quelque part retenu dans une Isle  
 Ceinte des larges mers ; Gens d'acord difficile,  
 Gens rudes & cruels, l'arrestent malgré luy,  
 Et durant ce séjour luy donnent maint ennuy.  
 Je te predy, sentant dans ma poitrine forte  
 S'eclercir le futur, tout de la mesme sorte  
 Que nous l'ouvrent les Dieux : Et ce qu'elle rendra,  
 Comme ie le diray sans doute il auindra :  
 Non que ie sois expert au sçauoir des augures,  
 Non que ie sois appris aux deuines figures,  
 Le temps viendra bien tost, & ne tardera pas  
 Que le fort Vlysses pressera de ses pas  
 Le desir de te voir de sa douce patrie,  
 Bien que liens de fer en toute leur furie  
 De durs & fors chainons le retinssent serré :  
 Croy qu'il inuentera son retour desiré.  
 Il est homme doiù de longue experience,  
 D'esprit bien delié, plein de grande prudence.

Or pour ce qu'il m'est pris tres-grande volonté  
 Desçauoir qui tu es, dy moy la verité.  
 Serois-tu bien le fils de ce grand personnage ?  
 Car il auoit ainsi tous les traits de visage,  
 Et les yeux ainsi beaux. Tu luy ressemble bien :  
 L'amitié nous auoit ioints d'un ferme lien,  
 Nous nous reuisions, ( & mangions à la table  
 L'un de l'autre souuent, maint propos delectable  
 Se passoit entre nous, ) ie dy auparauant  
 Qu'il eust pour s'embarquer donné la voile au vent  
 Pour passer en Phrygie, avecques la ieu nesse  
 Et la flotte des Rois & des Princes de Grece,

Pallas  
 demâde  
 à Tele-  
 machus  
 s'il est  
 fils d'V-  
 lysses.

*La fleur des bons soldats, l'honneur des combattans,  
Car ie ne l'ay parlé, ne veu depuis ce temps.*

Telemachus ref-  
pond à  
Pallas,  
que sa  
mere lui  
a dit qu'  
il estoit  
fils d'V-  
lysses,  
mais qu'  
il n'en  
sçait rié.

*A quoy Telemachus. La verité est telle  
Que ma mere tousiours m'a dit que i'estois d'elle  
Et du fort Vlysses, mais i'en suis ignorant :  
Car nul ne peut au vray s'aller trop assurant  
Du pere d'où il vient. A la volonté mienne  
Qu'un pere heureux me dist estre la race sienne,  
Qui peust en sa maison, hors de soucis cuisans  
Contant & plein de biens acheuer ses vieux ans.  
Mais on tient que ie suis le fils du miserable,  
Qui va courant les mers, que la fortune accable  
De mille afflictions. Voila mon hoste cher  
Tout ce que ie te puis de ma race toucher.*

Pallas  
s'enqui-  
ert qui  
sont les  
pour sui-  
uans.

*Pallas suit ainsi. Les Dieux bons de nature  
Ne t'ont pas fait sortir d'une lignee obscure,  
Et n'ont pas ordonné qu'une telle maison  
En noblesse croissant de si longue saison  
Vienné à se deperir, la sage Penelope  
T'ayant engendré tel. Mais qui est ceste trope,  
Dymoy la verité, que veut dire cecy ?  
D'où viennent tant de gens ? Quels bâquets sont-ce icy ?  
Est-ce nopce, ou festin public que tu veux faire ?  
Car cecyne sent point sa dépençe ordinaire :  
Ie voy par la maison gourmander, banqueter  
Des gens, d'une façon qui n'est à supporter :  
Et tout homme de cœur voyant telle insolence  
Et dissipation, s'en fasche & s'en offence.  
Puis que c'est ton plaisir, dit le fils d'Vlysses,  
D'entendre bien au vray d'où viennent ces excès :*

Telemachus en  
rédrai-  
son à  
Pallas.

Ceste maison devoit autant qu'autre du monde  
 Estre riche en grands biens, à nulle autre seconde  
 En gloire & en honneur, grand renom attendant,  
 Tant que le maistre y eust, sage, esté residant.  
 Mais le malheur des Dieux ores nous contrarie  
 (Empeschant son retour en sa douce patrie,)  
 Animez contre nous ils l'ont trop rigoureux,  
 D'entre tous les vivans faiët le plus malheureux.

Encore ma douleur seroit plus supportable,  
 Et mon cœur serreroit sa plainte lamentable,  
 S'il fust mort devant Troye ayant l'espee au poing,  
 Ou entre ses amis. Car on eust eu le soin  
 De dresser un tombeau à Prince tant insigne,  
 Ce seroit à son fils une remarque digne  
 Et de gloire & d'honneur, qui mesmes eust esté  
 Pour se faire admirer à la posterité.

Mais, hélas, maintenant les harpyes cruelles  
 L'ont mangé, depouillé de ses loüanges belles,  
 Il est mort sans renom, sans l'honneur à luy deu,  
 (Comme incogneu au monde, & de nul entendu)  
 Et ne m'a delaisé que sujet de crieries,  
 Que matiere de dueil, de pleurs, de fâcheries.

Ce n'est pas tout, car outre & la perte & la mort  
 D'un pere vertueux dont ie me plains si fort,  
 Les Dieux m'ont enuoyé plusieurs autres tristesses,  
 (Ont plongé cet estat en piteuses detresses),  
 Cruels ont attaqué mon ame rudement:  
 Car de tous les costez que le moite element  
 Ceint les Isles d'autour, une troupe ennemie  
 De tous les plus puissants, dont l'un de Dulichie

Se pleit  
 de l'in-  
 solence  
 des pour  
 suivans.

Se vante estre sorty, de Samos l'autre vient,  
 Et l'autre est arriué de Zacynthe, qu'on tient  
 Riche en bois, il en vient mesme de la sterile  
 Ithaque, à labourer plus qu'autre difficile:  
 Tous ceux finalement qui regnent en honneurs  
 Es Isles d'alentour, Princes & grands Seigneurs  
 Se sont amourachez de ma mere, la pressent  
 De se remariar, ceste maison oppressent,  
 Mangent ce patrimoine & le vont deuorant:  
 Mais ces flambeaux d'amour qu'ils vont tant desirant  
 Ma mere de tout poinct ne chasse & ne rejette,  
 Et s'il n'aperoy point qu'une fin elle y mette.  
 Eux demeurent toujours, ne veulent deloger,  
 Mais (sans aucun respect) achement de ronger  
 Ce pauvre reuenu, & de mettre en ruine  
 Ceste pauvre maison qui ja trop y encline:

A peur  
 qu'ils le  
 facent  
 mourir.

Encor ay-ie grand peur, que m'oyant plaindre, hélas,  
 Ils me mettent à mort. Lors l'ireuse Pallas:

Las, hélas, qu'Vlysses, mon fils, te fait grand faute  
 D'estre absent si long temps, errant sur la mer haute!  
 Qu'il accommoderoit ces mignons proprement,  
 Et qu'il les traitteroît du poignard brauement:

Pallas  
 souhait-  
 te qu'V-  
 lysses  
 puisse  
 retour-  
 ner.

Reuenir puisse t'il, & dedans ceste porte  
 Vn iour entrer, couuert de sa cuirasse forte,  
 Bonne espee au costé, & branlant l'inhumain  
 De deux forts iauelots en chaque forte main:  
 Tel qu'il vint autresfois, triomphant, plein de gloire  
 Loger en ma maison, s'y resiouir, y boire,  
 Et faire bonne chere. Il reuenoit, exclus  
 De ce qu'il demandoit au Mermeride Ilus

Se tenant en Ephyre. Vlyffe en peine grande  
 Estoit allé vers luy, pour luy faire demande  
 D'un venin mortifere, auquel il tremperoit  
 Le bout poinctu des traiçts qu'en guerre il porteroit.  
 Il luy en fit refus : car il avoit emprainte  
 En son ame, en son cœur, la terreur & la crainte  
 Des Dieux tousiours viuans : Mon pere toutesfois,  
 L'aima tant pour l'auoir frequenté maintesfois,  
 Qu'il luy en fit present, & ne laissant en peine  
 Ton pere, qu'il aymoit d'amitié ancienne,  
 Il l'en accommoda. Maintenant pleust aux Dieux  
 Qu'Vlysses reuint tel parmy ces amoureux.  
 Ils seroient arriuez à leurs heures dernieres,  
 Et trouueroient sous luy des nopces fort ameres.  
 Mais ce qui aduiendra, tout sera mis un iour  
 Au bon vouloir des Dieux : Soit que par son retour  
 Il prenne de ces gens & de leur insolence  
 Dans sa propre maison la trop iuste vengeance,  
 Ou ne la prenne point : Je te veux aduertir  
 Pourtant, comme tu dois les faire tous sortir  
 Dehors de ta maison. Demain conuoque, appelle,  
 Tous les Grecs au conseil, & d'une façon belle  
 Parle à eux comme il faut. Les Dieux tousiours viuant  
 T'en seront à tesmoins. Dy à ces poursuyuans  
 Qu'ils ayent à vuidier la maison de ton pere  
 Et s'en aillent chez eux : que s'il plaist à ta mere  
 De se remarier, son pere est un grand Roy,  
 Fort riche, fort puissant, & qui a bien de quoy,  
 Elley peut retourner : là pourront ils parfaire  
 Les nopces à leur gré, là pourront ils luy faire

Aduer-  
 tit Tele-  
 machus  
 comme  
 il se doit  
 dépe-  
 strer des  
 poursui-  
 uans.



Pallas  
donne  
aduis à  
Tele-  
machus  
de mon-  
ter en  
mer.

*Vn honnesté doüaire, avec tant de presents  
Qu'on pourroit requerir, & qui seroient duisants  
A leur fille tres-chere. Or ie te veux apprendre  
Encor vn bon conseil si tu me veux entendre,  
Pren moy en diligence vn vaisseau bon & fort,  
De vingt bons auirons, pour repousser l'effort  
Et des flots & des vents, mets la voile legere  
Au vent, monte dessus & va chercher ton pere,  
Absent si longuement. Peut-estre il se fera  
Que quelqu'un des viuants nouuelles t'en dira,  
Peut-estre en auras-tu de Dieu la renommee  
Par qui gloire & loüange aux hommes est semee.*

*Va t'en premierement à Pyle vers Nestor  
Pour t'enquerir de luy : Puis donne à Sparte encor  
Au blond Menelaüs, le dernier que ie sçache  
Deuers nous retourné des Grecz portant rondache,  
Si ton pere est viuant & doüe reuenir  
Selon qu'ils te diront, il te faut là tenir.  
Vn an patientant. Si le bruit au contraire  
T'asseurant de sa mort, son retour desespere,  
Renient t'en en Ithaque au regné paternel,  
Et dresse son tombeau, qu'un honneur eternel  
Soit faict à ce tombeau par seruices publiques,  
Par saintes oraisons, & par ieux authentiques.  
Adiousté à tout cela ce qui sera decent  
Aux ombres genereux d'un Heros si puissant,  
Puis ta mere pouruoy de mary conuenable.  
Tout cela faict, donne ordre à la mort miserable  
De ces beaux amoureux, ou soit subtilement,  
Ou de combat ouuert, mets les entierement*

*A mort sur les carreaux d'un genereux courage.  
Despouille tout l'enfant, plus grand de cœur que d'âge,  
Pren le sceptre en ta main, commande: de façon  
Qu'on ne te die plus que tu n'es qu'un garçon.*

*Advisé quel honneur, combien donne de gloire  
Au petit fils d'Atreus le bien de sa victoire,  
Regarde combien a de reputation*

*Le vengeur Orestes parmi sa nation ?  
Braue il a fait souffrir mort honteuse & amère  
L'envoyant aux enfers, au meurtrier de son pere,  
( Le braue Agamemnon aux armes si puissant, )  
Qu'Egistus le trompeur, dol & fraude tissant,  
Avoit aussi tué, ( souillant son mariage,  
Polluant le respect du sang, du parentage. )*

*Fais en ainsi mon fils, embrasse courageux  
L'honneur & la vertu : tu es fort & nerveux,  
Dispos, de belle taille : entre en apprentissage,  
Le ne voy rien en toy qui bon heur ne presage :  
Aux armes donc, pren les desia victorieux,  
Et pousse ton renom iusques à nos nepveux.*

*Orie te dy adieu, souvien toy, ie te prie,  
De ce que ie t'ay dit : i'entends ma compagnie  
Gronder d'attendre tant, ie m'en vay la trouver,  
Et prenant mon vaisseau les avirons leuer.*

*Auquel Telemachus, plein de prudence accorte,  
Tu me vas exhortant me d'une amitié forte  
Et de fidelité, comme ton propre fils,  
Tu m'as en peu de mots de la vertu prefix  
L'amour & le chemin, comme mon propre pere.  
Tes admonitions saintes comme i'espere,*

L'inciré  
par l'ex-  
emple  
d'Ore-  
stes;

Telema-  
chus res-  
pond  
prudem-  
ment à  
Pallas.

*Hors de mon souuenir iamais ne sortirons,  
Ains tant que ie viuray fermes y demourront.)*

*Tu pourrois toutesfois faire icy dauantage  
De sejour avec moy, sans haster ton voyage :  
Mais cependant au moins que tu te laueras,  
Que tu prendras plaisir, & te reposeras,*

luy veut  
faire des  
presens.

*Attens moy vn petit ie n'arrestera y guere,  
Je veux aller querir au thresor de mon pere  
Quelque digne ioyau pour te faire vn present :  
Il sera riche assez, mais qu'il te soit plaisant,  
Et tu le garderas pour auoir souuenance  
De moy, pour te remettre en ton cœur ma presence :  
Les amis font cela en tel cas que cecy*

Pallas  
l'en re-  
mercie.

*Pour signe d'amitié. A qui Pallas ainsi.  
Ne me retarde point, mon fils, (à la pareille)  
I'ay haste, les presens que l'amour te conseille  
De m'offrir, garde les, & quand ie reuiendray  
De tes mains de bon cœur certes ie les prendray,  
Les porteray chez moy, & recompense digne  
Te rendray de bon cœur d'amitié si insigne.*

Pallas  
s'esua-  
nouit de  
deuant  
Telema-  
chus.

*Ce disant, la Deesse esuanouit en l'air  
Tout ainsi que l'oiseau qui s'eschappe à voller  
Et bat les vents de l'aisle : au partir elle excite  
Son courage à la force au souuenir l'incite  
De son pere tant plus, & luy bien estonné  
La Deesse sentir, Il sen est retourné*

Phenius  
chante  
les mal-  
heurs  
des  
Grecs.

*Trouuer les poursuuans, entr'eux a repris place  
Semblable à quelque Dieu de façon & de grace.  
Là le chantre excellent haussait sa belle voix,  
Et r'animoit les nerfs de son resonnant bois,*

Et le silence estoit. Il chantoit l'infortune  
Des Capitaines Grecs sur l'onde de Neptune  
A leur retour de Troye, ausquels Pallas frappa  
Les vaisseaux en son ire & loing les dissipa.

Jusqu'en la chabre en hault donna la chanson rare,

Penelope  
l'oit,  
& descēd  
en bas.

Et se fit écouter à la fille d'Icare

La sage Penelope. Adonc elle descend

Non seulc, ains avec soy deux filles elle prend,

(Deux Nymphes en beauté l'accōpagnōient gentilles,

Et ses pas vertueux suiuoient les ieunes filles.)

Quand des femmes l'hōneur vers les Princes paruint

Sur le seuil bien basti de la sale ell' se tint,

D'un voile delié se couuroit le visage,

A son costé estoit chacune Nymphes sage

En pudique maintien. Lors au Poète chantant

Ces propos elle dit pleurant & sanglotant.

Phemius, si tu veux ie sçay que tu n'as faute

De sujet, de matiere & delectable & haute,

En chantant les exploits des hommes & des Dieux.

Penelope  
à Phe  
mius.

Chanteles s'il te plaist à ces beaux amoureux

Pendant qu'ils sont beuuans & qu'ils te font silence,

Mais ne ramentoy point la triste souuenance

De ces fascheux sujets, ne vueilles raconter

Ce qui me faiēt pleurant, sans cesse tourmenter,

Qui me ronge le cœur, qui l'ame me bourrelle,

Larmoyant sans répit vne plainte eternelle,

A la triste pensee, au fascheux souuenir

D'un que i'ay tant au cœur, qui ne peut reuenir;

Ie dy de mon mari dont l'honneur, dont la gloire

Eclairant par la Grece en Argos est notoire.

Telemachus à  
Penelope.

*Chere mere, pourquoy vous faschez vous ainsi,  
Dit lors Telemachus, contre ce chancre icy  
Qui chante ce qu'il a le plus en fantasie?  
(Souffrez qu'il se delecte avec sa poésie  
Et chante à son plaisir, puis que d'un feu puissant  
La verue qui le pousse ainsi le va pressant, )  
Il ne luy en faut pas attribuer la faute.*

Iupiter  
suggere  
aux poë-  
tes tel  
subiet  
qu'il luy  
plaist.

*La matiere du chant vient de la voute haute,  
Descend de Iupiter, qui sel on son desir  
Aux esprits excellens suggere à son plaisir,  
Le sujet tel qu'il veut. Vous n'avez donc ma mere,  
Assez d'occasion de vous mettre en colere  
De ce que cestui-cy chante comme les eaux  
Ont tourmenté les Grecs, ont brisé leurs vaisseaux,  
Comme les Princes forts ont par triste aduenture  
Servi pour la pluspart aux poissons de pasture,  
Un poëme nouveau plaist avec volupté,  
Et prend-on grand plaisir à quelque nouveauté.  
Les recentes chansons sont tousiours les plus belles.  
N'avez donc point horreur de ces chansons nouvelles,  
Ulysses n'est pas seul au monde de perdu,  
Auquel n'a pas bien dit son retour pretendu,  
Et luy seul n'est pery sous l'onde de Neptune,  
Aiant, hélas, couru trop amere fortune.  
Tant de Grecs ont laissé la vie sur les champs  
De Troye, & sont tombez sous les glaines tréchants,  
Tant d'autres sous les eaux ont souffert mort amere.*

*Vous retournerez d'oc, s'il vous plaist, ô ma mere,  
En vostre chambre, & là vostre temps passerez  
A faire vostre ouurage, & d'exemple serez*

*A n'estre pas oisive à tant de Damoiselles  
 Qui sont autour de vous, agreables & belles,  
 Car la parole est deuë aux hommes seulement,  
 A eux en est le soin, & le commandement  
 Amoy Telemachus qui ay toute puissance,  
 Et à qui ceste cour doit toute obeissance.*

Penelope  
 se  
 s'e-  
 stonne  
 des pro-  
 pos de  
 son fils.

*La mere à ces propos grandement s'estonna,  
 Et soudain en sa chambre en haut s'en retourna  
 ( Ses filles avec elle, ) & la parole sage  
 De son fils engrauoit au fonds de son courage.  
 Pleuroit tousiours pourtant l'absence ou le trépas  
 D'Ulysses son mari, iusqu'à tant que Pallas  
 Luy vint le doux sommeil assoir sur ses paupieres.*

*Mais tous les poursuiuans de voix rudes & fieres,  
 Crioient par la maison, & vouloient se pancher  
 Encore sur les lits, Quant se vint approcher  
 Pres d'eux Telemachus. Et de parole sage,*

Telemachus  
 aux  
 Pursui-  
 uants.

*Vous dit-il, qui cherchez ma mere en mariage  
 Mais avec trop d'orgueil : traittons nous ie vous pri  
 Avec ioyé & plaisir sans faire un si grand cri,  
 Sans tant tant tumultuer. C'est chose bien plaisante  
 D'ouïr les airs diuins que ce bon Poëte chante,  
 Et dont le chant peut estre aux Dieux comparé.  
 Demain, dès que le iour nous aura réclairé,  
 Nous vous trouverons tous au conseil ordinaire,  
 Où ie vous veus parler & librement vous faire  
 Entendre mes raisons : C'est que sortiez d'icy  
 Et que d'autres festins vous cherchiez, que ceux cy,  
 Mangiez vos reuenuz, mesme si bon vous semble  
 L'un l'autre tour à tour vous vous traittiez ensemble*

*Que s'il vous est meilleur, & si vous persistez  
 A vouloir consumer ainsi les facultez,  
 D'un seul impunément, mangez à la bonne heure,  
 Mais ie priray les Dieux dont ferme est la demeure,  
 Si iamais Iupiter à vos mechancetez  
 Deuoit retribuer les guerdons meritez,  
 Qu'impunément aussi d'un chastiment extreme  
 Vous perissiez bien tost dans ceste maison mesme.*

*Ainsi leur parloit-il. Eux indignez mordans  
 Leurs levres de despit grondoient entre leurs dents,  
 Bien estonnez d'ouir de telle hardiesse  
 Telemachus parler à leur folle ieunesse.*

Antinoïus  
à Tele-  
machus. *Auquel Antinoïus fils d'Eupitheé, entre eux  
 Respondit le premier : Certainement les Dieux  
 T'ont auioird'huy rendu eloquent à merueille,  
 Et hardi harangueur. Iupiter ne le vueille  
 Te rendre Roy d'Ithaque encceinte entierement  
 De mers, & ne t'y doint onc le commandement  
 Encores que te soit paternel heritage.*

Telema-  
chus à  
Anti-  
noïus. *Auquel Telemachus de responce bien sage,  
 Te fuscheras tu point Antinoïus ? Ouy:  
 Ie le voudrois, & tant Iupiter m'eust ouy  
 Que ie vinsse à porter en main ce braue sceptre.  
 Penses-tu que regner soit un crime commettre?*

Regner  
est bon-  
ne chose. *Regner est bonne chose, un Roy est reueré  
 Comme un Dieu en sa Cour: de tous est honoré,  
 De tous est enrichy, ( & à luy sa couronne  
 Sur villes, sur sujets toute puissance donne.)  
 Il y a toutesfois autour de ceste mer  
 Des Rois, ieunes & vieux, qui peuvent gouverner*

Ithaque enceinte d'eaux, soit que l'un d'eux se prène  
 A supporter le poix onereux de ce regne,  
 Puis qu'est mort, comme on dit, le divin Vlysses.  
 Mais des biens qui me sont escheus par son decés  
 J'en seray le vray Roy, j'en auray la puissance,  
 Et de tous ses tresors prendrai la iouissance,  
 Sur ses esclaves mesme aurai commandement  
 Que par guerre il m'acquit combatant vaillamment,

Eurima-  
 chus à  
 Telema-  
 chus.

Lors respondit le fils de Polybe Eurimaque:  
 Les Dieux y pourvoiront, cela est, Telemaque,  
 Soubs leur entier pouuoir. Et des Grecs regnera  
 Sur Ithaque & ses eaux celuy qu'ordonnera  
 Leur bonne volonte. Mais toy commande & regne  
 Sur ta mai son, jouy de ton antien domaine:  
 Personne que ie croy ne viendra pour t'oster  
 Ton bien, ton reuenu, nul pour t'en contester  
 L'administration (iustement limitee)  
 Tant qu'Itaque sera d'habitans frequentee.

S'en-  
 quiert.  
 L'estran-  
 ger ve-  
 nu chez  
 luy.

Mais dy moy ie te pry, qui est cest estranger  
 Qui ceans est venu si hardiment loger?  
 D'où est il, d'où vient-il, de quel pais, & quelle  
 Sagent, sa nation, sa race & parentelle?  
 Dit il point que ton pere en bref doieue approcher:  
 Ou est-il point venu quelque debte chercher?  
 Il s'est bien engardé qn' on eust sa cognoissance,  
 Mais agagné au pied en grande diligence.  
 Il n'a pas toutesfois la façon d'un mechant.

Telema-  
 chus  
 feint le  
 retour  
 d'Vlyf-  
 ses dese-  
 speré.

Aquoy Telemachus (finement le cachant)  
 L'attente d'Vlysses tousiours tant desirée  
 Est maintenant dit-il du tout desesperee.



*Je ne me fieray plus à ce que me diront.*

*Ces porteurs de nouvelle. Et ne me tromperont  
Deormais les Deuins, bien que pour les entendre  
Ma Mere les appelle, & veille d'eux apprendre  
Des nouvelles du Roy. Or, si tu ne le sçais  
Cestuy cy est Mentès, vieil hôte d'Ulysses:  
Anchialus, qui a reputation grande*

*Aux armes est son pere: Aux Paphois il commande:  
Il vient de Tapheicy, pais enceint de flots,  
Et dont les habitans sont braues matelots.  
Industrieux en l'art de guider dessus l'onde  
Les hazardeux vaisseaux, s'il y en a au monde.*

*Ainsi luy respondit l'Ulyside. Combien (bien  
Qu'il l'eust pris pour un Dieu, & qu'il le sceust fort  
En soy mesme en son cœur. Alors on recommance  
A chanter de plus belle, à reprendre la dance,  
A rire, à folastrer, (Car c'est tout leur soucy.)  
En attendant le soir. Continuent ainsi,*

Telema-  
chus se  
retire a-  
pres les  
poursui-  
uans re-  
tirez.

*Tant que Vesper au soir la nuit au ciel attire:  
Chacun d'eux en sa chambre adoncques se retire  
Pour prendre doucement le sommeil gracieux:  
Et le fils d'Ulysses se retire apres eux  
En sa chambre, au plus haut de la maison dresse  
Force choses pensant en sa triste pensee.*

Eury-  
clea.

*Euryclea qui chaste & bien aprise estoit  
Deuant luy les flambeaux tous allumez portoit,  
Ops la Pisenoride au monde la fit naitre:  
Et Laërtes auoit esté son premier maître.  
L'ayant bien ieune encor achetee autrefois  
La valeur de cent boeufx. Il la tint toutes fois*

Avec beaucoup d'honneur pres de sa chaste femme,  
Et ne fut d'elle épris par amoureuse flamme  
Pour la mettre en son lit : pour ce qu'il redoutoit  
Le courroux de sa femme. Alors elle portoit  
Deuant luy les flambeaux & les lampes ardantes,  
Car elle laymoit plus que les autres seruantes.  
Et l'auoit nourry ieune. Adonc il a poussé  
La porte de la chambre, & s'estant aduancé,  
S'est ietté sur son liét. A la sage seruante  
Tend ses accoustremens d'une estoffe excellante,  
Elle les prend soudain, les plie proprement,  
Et pres du riche liét les met bien nettement.  
Puis de la chambre sort la vieillotte fidelle,  
Ferme la porte à clef, & la tire apres elle  
Par la boucle d'argent ; luy couuert mollement  
D'une mante legere ouuree gentiment  
Passa toute la nuit, pensif en son courage,  
Et songeant en soy-mesme au peril du voyage  
Que Pallas luy auoit enioint un peu deuant :  
( Et fut en cest estat iusqu'au Soleil leuant. )

Fin du premier Liure.



LE  
SECOND LIVRE  
DE L'ODYSSEE  
d'Homere.

ARGUMENT.

**D**Elemachus denonce en pleine assemblée  
aux poursuyvants de sortir de la maison  
de son pere Vlysses. Et ayant pris d'Euric-  
lee sa nourrice, ce qui faisoit besoin pour  
son voyage, & de Pallas des hommes & vn vaisseau,  
il s'embarque sur le soir.

AUTRE SOMMAIRE.

*Le conseil en Ithaque est plein de trouble amer,  
Et le fils d'Vlysses se met dessus la mer.*

**D**Es qu'on a veu l'Aurore à la main rougi-  
sante.  
Et aux beaux doigts de rose au ciel re-  
splendissante,  
Le cher fils d'Vlysses hors du lit s'est jetté,  
S'est vestu, a pendu son espée au costé.  
Si tost qu'il est sorty, (son apparence belle

Telema-  
chus se  
leve dès  
le point  
du iour.

*Estoit comme d'un Dieu) les herauts il appelle,  
Et venus deuers luy, leur fait commandement  
D'aller, & conuoquer au conseil vistement  
Les Gregeois cheuelus, qui vont en diligence,  
Et à son mandement rendent obeissance.*

Fait & cō-  
uoquer  
le cōseil.

*Ils viennent à la foule, accourent vistement,  
Et dedans le palais entrent ensemblement.*

telema-  
ch' viēt  
en l'as-  
sembles

*Chacun selon son rang s'estoit mis en sa place,  
Quand on vid arriuer l'Vlyssienne race.  
Un espieu bien ferré en sa main il tenoit  
Se branlant brauement. Seul il ne chëminoit,  
Car deux dogues puissants venoient apres leur maistre,  
Et vistes & legers. Pallas le fit paroistre  
Orné de Majesté. Le peuple l'admiroit,  
Au trône paternel monté le reueroit :  
Des vieillards luy cedit la troupe venerable  
(Et des vieux Seigneurs Grecs le senat honorable.)*

Pallas le  
fait pa-  
roistre

*Entre eux Egyptius pour l'heure se trouuoit  
Plein de parler facond, que la vieillesse auoit  
Là rendu tout courbé, mais remply de prudence,  
De bon sens, & pourueu de grande experience,  
Le braue guerroyeur Antiphus son aîné  
Compagnon d'Vlysses, s'estoit acheminé  
En la guerre de Troye, en la plaine d'Ilie  
Qui florissoit alors en grand cheualerie :  
Antiphus qui toujours combattoit vaillamment :  
C'est luy que le Cyclops tua cruellement,  
Et de luy le dernier dans son antre effroyable  
Le barbare dressa son past abominable.  
Il eut encor trois fils. Entre les poursuivants*

Ægyp-  
tius.

*Estoit Eurynomus, les deux autres suiuaunts  
De leur pere le train, semblables en leur vie  
Imitoient son honneur, & n'auoient autre enuie :  
( Car il auoit uescu en reputation : )  
Et l'oubly n'auoit pas esteint l'affection  
Qu'il portoit à son Prince, ains regrettoit sans feinte  
L'absence d'Vlysses d'une eternelle plainte.*

Propos  
d'Ægyp-  
tius en  
l'assem-  
blee.

*Il commença, ses yeux de larmes degouttans.  
Oyez, seigneurs d'Ithaque; il y a fort long temps  
Qu'on auoit fait aucune assemblée de ville  
Pour voir & consulter des affaires de l'Isle:  
Mesme depuis qu'on vid Vlysses s'en aller.  
Qui donc ainsi nous fait si soudain appeller?  
Quel en est le sujet? est-ce par le message  
Ou des vieux, ou de ceux qui sont en plus ieune âge?  
Est-ce que quelqu'un d'eux ayt sceu, ayt entendu  
Qu'un vaisseau d'ennemis soit icy descendu?  
S'il l'a sceu le premier qu'il vienne: ou qu'il s'explique  
S'il veut mettre en auant quelque affaire publique,  
Quel qu'il soit, il me semble homme de probité:  
Et prie, que cela qu'il aura projeté  
En son entendement, Iupiter l'autorise,  
Et conduise à bon heur toute son entreprise.*

Telemachus  
ay-  
se des  
propos  
d'Ægyp-  
tius.

*Telemachus ayant à sa loüange ouï  
Vn tel propos, en sent son cœur tout resioüi,  
Il ne demeura plus assis, boüillant d'enuie  
De parler en public en telle compagnie.  
Il se tint donc debout: & soudain Pisenor  
Herant sage & discret, luy tend le sceptre d'or  
Et luy met en la main. Lors tournant le visage*

Vers le vieillard, il dit. Vieillard prudent & sage  
 Celuy là que tu dis n'est pas fort loin d'icy,  
 Tu le uerras. C'est moy que touche ce foncey.  
 Je n'ay point veu venir de vaisseaux de coursaires,  
 Je ne parleray point des publiques affaires :  
 Mais en particulier un dommage priué,  
 Un malheur domestique est sur moy arriué :  
 Un double ennuy m'accable, ayant trop misérable  
 Mon cher pere perdu, dont le sceptre honorable  
 Vous gouvernoit si bien, homme plein de douceur,  
 Insigne en probité. Puis un autre malheur  
 Qui sappe cest estat, qui le mine & le perse,  
 Qui perd ceste maison, la met à la renuerse,  
 Ruine ses moyens les plus beaux & meilleurs :  
 Nombre de poursuiuants, enfans de ces seigneurs  
 Que vous voyez icy, d'honneur & de courage,  
 Veulent outre son gré ma mere en mariage,  
 Ils ne veulent aller à Sparte, en la maison  
 D'Icarus, l'amener à la fin à raison  
 De luy donner un dot, & prendre au prealable  
 Celuy qui luy sera de tous plus agreable,  
 Pour en faire son gendre. Et ce pendant ils sont  
 Tousiours en ma maison, où sans respect ils sont  
 Dix mille indignitez, ils mangent, ils rauagent,  
 Tuent brebis, moutons, tous nos troupeaux s'accagēt,  
 Et dedans la maison du vaillant Vlysses  
 En magnifique train commettent mille excès.  
 Ils boient tous nos vins, les furettent, les persent.  
 ( Et parmy la maison les gastent & renuersent. )  
 Et ie n'ay près de moy personne assez puissant

Rédrai-  
 son de  
 son fait

Douleur  
 de la per-  
 te de son  
 pere.

Ennuy  
 de l'in-  
 solence  
 des pour-  
 suiuaits.

*Qui voise de ceans ceste peste chassant :*

*Tel que fut autrefois mon magnanime pere.*

*Mais mes debiles mains ne le peuuent pas faire.*

*Si nous l'entreprenons par les armes, hélas*

*A ce faiët nous deffaut & la force & le bras,*

*Et nous ne sommes pas encores grands gendarmes.*

*En fin si nous auions vn peu d'adresse aux armes*

*Conionëte avec la force, hà, nous essayerions*

*De repousser l'iniure, & nous nous deffendrions,*

*Car on commet icy vn cas intolérable :*

*Et du grand Vlysses la maison honorable*

*Certe on la traiëte icy par trop indignement,*

*Elle est par ces excez perdue entierement.*

*Las! soyeZ en en fin emeuZ en vos courages,*

*AyeZ quelque respect aux proches voisinages,*

*Sur tout craignëZ les Dieux, qu'en fin trop irriteZ*

*Ils n'enuoyent la peine à vos meschanceteZ.*

*Or, par le haut-tonnant qui sur l'Olympe habite*

*Et par Themis encor' qui assemble & excite*

*Le conseil des humains, ou leur donne congé,*

*Abstenez vous amis, & me laissez rongé*

*De douleur & de mal : & si i'amaïs Vlysse*

*Mon pere, homme de bien, a faiët quelque iniustice*

*Aux magnanimes Grecs, faiëtes m'en repentir,*

*Vengez vous en sur moy : faiëtes en ressentir*

*Ceux icy contre moy; il me seroit sans doute*

*Meilleur, que de manger mon bien, ma maison toute,*

*Mais si vous perdez tout, possible qu'à son tour*

*La vengeance pour moy s'en fera quelque iour.*

*Ie redemanderay mes facultez perdues,*

Et criray, iusqu'à tant qu'elles me soient rendues  
 Par toute la cité. Car de me contrister,  
 De m'affliger ainsi, de me persecuter,  
 C'est grand folie à vous, en vain vostre pensée  
 Rend mon ame d'ennuis, & de maux oppresse.

Il finit indigné : puis son sceptre ietta  
 En terre : & son visage en larmes degouta.

Chascun en eut pitié, le peuple en son offence  
 Fut grandement esmeu : mais on faisoit silence,  
 Et personne n'osa respondre seulement  
 A ce qu'il auoit dit parlant si brauement :

Le seul Antinoüs ( de colere & de rage : )  
 Grand orateur, dit-il, indompté de courage,  
 Comme tu parles haut, & iette dessus nous  
 Le blasme & le venin du feu de ton courroux ?  
 La faute de cecy, ce mal, ceste misere  
 Ne doit tomber sur nous, mais plustost sur ta mere :  
 Dont nous vont deceuant les feintes actions,  
 Et qui nous va tissant cent mille fictions.  
 Voicy le troisieme an, ( que Titan de son coche  
 A ramenè sur nous, ) & le quatrieme approche,  
 Quelle nous nourrit tous d'un vain espoir, paissant  
 Nostre ame d'un amour qu'elle vient accroissant.  
 Car elle nous promet, nous enuoye messages,  
 Pour nous faire esperer, ( enflamme nos courages )  
 Et à chacun de nous promet tacitement.

Mais en son cœur secret elle pense autrement,  
 Feint des retardements, inuente des excuses,  
 Et nous ourdit sans fin la toile de ses ruses.  
 Elle a donc commence sur son mestier gentil

Anti-  
noüs re-  
spond à  
Telema-  
chus.

Il met  
la faute  
du de-  
sordre  
sur Penè-  
lope.

La toile  
de Penè-  
lope.



Dedans sa chambre à part un ouvrage subtil,  
 Et nous a dit ainsi. Amis, pour assurance  
 Puis qu'*Vlysses* est mort, vivez en esperance,  
 Soustenez, patissez, & me pressez tousiours,  
 Tant que j'auray finy, (sera dans peu de iours,)  
 Ces funebres linceux au bon homme *Laërte*.  
 Cest œuvre demourroit, & ce seroit grand perte.  
 De peur que si la *Parque* au cizeau bien tranchant  
 L'enuoyoit au sepulchre, on ne fust reprochant  
 A moy, qui entendrois quelcune des *Gregeoises*  
 Du peuple medisant me susciter des noises,  
 Si *Laërtes* estoit couché dans le cercueil  
 Sans le riche ornement d'un funebre linceuil,  
 Veu qu'il a tant de biens, un si grand labourage,  
 Un domaine si riche, un si bel heritage.  
 A ces propositant doux nostre cœur a cédé,  
 Il a fort aysement esté persuadé.

De iour  
 aduāce  
 de nuit  
 despe-  
 ccc.

Or de iour pour le vray s'aduançoit son ouvrage,  
 Mais elle en deffaisoit toute nuit & dauantage.  
 Durant trois ans entiers sa ruse nous trompa,  
 Et iusques au quatriesme elle nous atrapa.  
 Mais une qui scauoit toute son entreprise  
 Nous en vint aduertir. Puis elle fut surprise  
 Sur le fait, deffaisant son ouvrage gentil.  
 Et plus ne luy seruit son esprit tant subtil:  
 Car il luy a fallu en fin en dépit d'elle  
 Acheuer le tissu de ceste toile belle,  
 Et l'aller iusqu'au bout par contrainte suiuant.  
 Mais voy, ce que chacun amoureux poursuiuant  
 Te dit, à celle fin que ton cœur ne l'ignore,

*Le sçachent tous les Grecs & l'entendent encore  
 Malgré ton ordonnance & ta belle oraison,  
 Renuoye, & au plustost, ta mere en sa maison,  
 Conseille luy d'en prendre un le plus conuenable  
 D'entre nous pour mary, & à elle agreable  
 Et à son pere aussi. Si par ses tours secrets  
 Elle pensoit tousiours beffler ainsi les Grecs,  
 ( Elle se trompe fort, ) bien qu'elle soit tres-sage  
 Qu'elle pratique bien en son ruzé courage  
 Ce dont luy a faiët don Pallas abondamment,  
 Ses ouvrages tissant industrieusement,  
 Qu'elle ayt l'esprit posé, plus subtil en finesse  
 Que ne l'eurent jadis les Princesses de Grece,  
 Reynes aux beaux cheueux : comme fut Alcmené.  
 Et Tyro, & encor la blonde Mycené,  
 Dont nulle ne sceut onc art ne finesse telle  
 Que les sçait anjourd'huy Penelope la belle,  
 Elle verra pourtant que sa subtilité  
 N'aura comme elle croit grandement profité.*

*Car c'est un point conclu contre elle, Telemaque,  
 Nous ne sortirons point hors du chasteau d'Itaque,  
 ( Qui fut à son mary, ) mais nous consumerons  
 Tous les biens de ceans, nous tuerons, mangerons  
 Tout le bestail d'icy, tant & tant que trompee  
 Nostre attente sera par ta Penelopee:  
 Qu'elle continuera sa resolution.  
 Que pour certain les Dieux pour ton affliction  
 Ont mise dans son cœur, & pour ta grande oppresse  
 Ont ainsi son esprit trauersé de finesse:  
 Elle s'acquiert par là grand bruit, grande clarté,*

Antino°  
 conseil-  
 le Tele-  
 machus  
 de ren-  
 uoyer sa  
 mere en  
 sa mai-  
 son.

Resolu-  
 tions  
 des  
 pour sui-  
 uans.

De renom, mais à toy grande calamité,

Ruynes, detriments, pertes continuelles,

Nous ne verròs d'oc point nos maisons paternelles,

Nos affaires lairrons plus pressez & meilleurs,

Ne bougerons d'icy & n'irons point ailleurs,

Qu'elle ne se resolue à choisir, & à prendre

Telemachus de rechef à Antino<sup>s</sup> L'un de nous pour mary, qu'elle ne veille attendre

A se remarier. Adonc Telemachus.

Il ne me seroit pas seant, Antinoüs,

De chasser de ceans, d'enuoyer malgré elle

Celle qui m'engendra, de faire sortir celle

Qui m'a fait & nourry. Car mon pere Vlysses,

Soit qu'il soit ja pery d'un defastreux decez,

Soit qu'il respire encor cest air frais & humide

En quelque coin du monde, a pris de l'Oebalide

Icarus, de grands biens, lesquels, ô dur ennuy!

Il luy faut rendre tous, en renuoyant chez luy

Penelopé, ma mere. Et puis, si mon cher pere

Vit encor, en aura marisson tres-amere,

Et m'en fera patir. Comme feront les Dieux,

Si tant est que ma mere en partant de ces lieux

Inuoque dessus moy Erynnis l'infernale,

Et ses sœurs les fureurs qui sont en l'enfer pasle.

Que ie n'encoure encor' la malediçtion,

Et la hayne du monde, & de la nation.

Enioint aux poursui uants de desloger. Vostre opinion donc, tant que i'auray de vie,

O Achiens, par moy ne sera point suiue,

Ains i'en fay peu de conte : encores que vous tous

En soyez indignez, en entriez en courroux.

Mais plustost deslogez messieurs les venerables,

*Cherchez autres festins, allez à d'autres tables,  
Mangez vos reuenus & de nuit & de iour,  
Et vous reuistez l'un l'autre tour à tour.*

*Mais s'il vous est meilleur de consumer sans cesse  
Impunément d'un seul le bien & la richesse,  
Mâgez: Mais aux grâds Dieux mes cris i'iray leuât,  
I'iray de mes clameurs les hauts Dieux poursuuant.  
Dieux dont ferme est sans fin la vie & la demeure,  
Ie les inuoyeray tous les iours, à toute heure,  
Si iamais Iupiter à vos méchancetex  
Venoit retribuer les guerdons meritez,  
Qu'impunément aussi d'un chastiment extrême  
Vous perissiez bien tost dans ceste maison mesme.*

*A peine auoit-il dit, que Iupiter transmet  
Deux grands aigles volants du plus haut du sommet  
D'un mont proche de là, qui d'aïles estenduës  
Batoient d'un vol égal les vents dedans les nuës,  
L'un contre l'autre ioint: puis approchans du lieu  
Où l'assemblée estoit, & fondans au milieu  
Du peuple là seant, se prirent à combattre  
Donnans l'un contre l'autre, & des aïles se battre.  
Ils designoient un mal plus grand que tout cela,  
Car regardant, hagards, de ceux qui estoient là  
Les testes, (en faisant par dessus eux les rouës)  
Vindrent à deschirer & leurs cols & leur ionës:  
Puis à la droicte main volcrent à la fois  
Par dessus les maisons & par dessus les toits.*

*Chacun des assistans admire & considere,  
Le vol de ces oyseaux, & ce qu'ils doivent faire  
Les tenoit en suspens: quand le fils de Mastor*

Iupiter  
enuoye  
deux ai-  
gles  
pour bñ  
augure  
à Tele-  
machus

Hali-  
therfes  
augure.

*Halitherfes, prudent d'aage & d'usage encor,  
( Qui sur ses compagnons auoit en sa notice,  
Sçauoit & deuinait, tout cela que l'Auspice  
Pouuoit coniecturer des oyseaux demisant  
Ou des fatalitez le futur predisant, )  
Se leuant dit ainsi. Oyez ie vous supplie  
Vous citoyens d'Ithaque, & sur tous ie vous prie  
Poursuiuants, escoutez. Ces prodiges puissants  
Vous vont d'un grand malheur & danger menaçans:  
Soyez seurs qu'Vlysses ne tardera plus guere  
A reuoir ses amis ( & son Ithaque chere )  
Il est en quelque lieu bien pres de son pais,  
Fort proche est son retour : ( Il vient rendre esbahis  
Force gens, ) il est pres, il vient, & sa main forte  
A messieurs les amans mal & malheur apporte.  
Et à d'autres encor. Nous donc qui habitons  
Dans la fameuse Ithaque, ( & qui la frequentons, )  
Aduisons de cesser en fin tout ce desordre:  
Considerons comment nous y pourrons mettre ordre,  
Que ceux-cy mettent fin aussi à ce malheur,  
Car le plustost pour eux leur sera le meilleur.  
Ie ne suis ignorant, ny sans experience  
De ce qui doit venir, ie parle en assurance,  
Et ie croy fermement que tout soit accompli:  
Ie m'en souuiens fort bien, & n'ay mis en oubly  
Ce que ie luy predy, ( d'une bouche sacree )  
Parauant que sa nef fust encor' desencree,  
Qu'il eust laissé la terre, & que les Grecs en mer  
Eussent mis les vaisseaux pour Troye consumer,*

Donne  
aduis  
aux Itha  
quois.

Qu'il souffriroit beaucoup sur la mer animee,  
 Que ses amis perdus, & sa flotte abismee  
 Il reuiendrait tout seul incogneu, sur les champs  
 De sa patrie, au bout du terme de vingt ans.  
 Et voicy de son point la chose presque approche.  
 Auquel Eurymachus usa de ce reproche.

Euryma-  
 chus re-  
 prend  
 Hali-  
 therse.

Vieillard (tout courbé dans, insensé, sans raison)  
 Chante cela sur toy, tes enfans, ta maison,  
 Va t'en viste d'icy, que quelque grand ruyne  
 N'arriue dessus toy. Ce que ie te deuine  
 Meilleur deuin que toy. Certes beaucoup d'oysaux  
 Au dessous du Solcil exercent leur cerceaux,  
 Et tous ne monstrent pas ce qui est veritable,  
 (Ny des Dieux tout puissants la pensee inscrutable.)

Quant au reste, Vlysses est mort bien loing d'icy  
 (En la guerre, aux combats.) Le fusses tu aussi,  
 Et des oysaux du Ciel comme luy, la pasture,  
 Tu ne me viendrois pas chanter mal aduanture  
 Deuin malencontr'eux, & brulant de courroux  
 Tu n'inciterois pas Telemaque sur nous,  
 Esperans dons de luy & quelque recompense.  
 Mais ie te dy aussi, & prens en assurance,  
 Si tu persistes plus d'esmouuoir, d'inciter  
 Ce ieune Prince icy, de le plus exhorter  
 Par tes mots ennuyeux, & si plus tu abuses,  
 Eguillonant son cœur, de tes fraudes & ruses  
 Dont tu te fais si fort, ô faux vieillard pipeur,  
 Et d'ancienneté rué, fin & trompeur,  
 Pour faire que tant plus il hausse son courage,  
 L'enfle de vanité, l'esleue dauantage,

Le me-  
 nace.

Tu le feras tumber en un plus grand malheur,  
 Et ne parferas point ce que pense ton cœur,  
 Et le mal mesme, dont les autres tu menaces,  
 Le mesme chastiment que malin tu leur brasses  
 Tombera dessus toy de par les amoureux,  
 En porteras la peine en ton cœur douloureux.

Reprend  
 le con-  
 seil d'An-  
 tinous.

Mais ie conseilleray Telemachus de prendre  
 Sa mere en bonne humeur, la faire condescendre  
 De retourner bientost chez son pere puissant,  
 A fin qu'il la marie, & la soit fournissant  
 De ce qu'il faut donner à une honneste fille  
 De si riche maison, & de si grand famille.  
 Et ie ne pense pas que iamaïs autrement  
 Les Gregeois mettent fin de poursuivre asprement  
 De ces nopces lesséct. Nous n'auons point affaire  
 De tant d'oracles vains ausquels tu te veux plaire,  
 O futile imposteur, nous ne nous soucions  
 Du vol de tes oyseaux, ny de tes fictions,  
 Vieux courbé, que d'un cœur aussi plein de mensonges  
 Comme de mauuaistié, sot refuseur tu nous songes  
 D'Eloquence tonnant, n'ayant rien remporté  
 Qu'enuie & hayne, deux à ta meschanceté:  
 Nous ne craignons icy ny sceptre ny empire  
 Qui qu'en veille parler, nous n'en ferons que rire,  
 Nous n'en auons soucy, moins de ce grand parleur  
 De ce fils d'Vlysses auons nous de frayeur.  
 Que tout soit deuoré, ce regne lamentable  
 S'en aille renuersé, n'atten rien d'equitable  
 Tant que Penelopé par tant & tant de fois  
 Remet son mariage, & trompe les Gregeois,

Nous demeurrons icy à tous les iours attendre,  
 Et pour sa grand vertu ne ferons que contendre:  
 A d'autre n'irons point, dont seante seroit  
 L'amour & la poursuite à qui l'entreprendroit.

Telema-  
 chus à  
 Euryma-  
 chus.

Deman-  
 de vne  
 fregate  
 pour se  
 mettre  
 en mer.

Telemachus adonc, plein de sages paroles.  
 Eurymachus, & vous pris de ces amours folles,  
 Je ne vous priray plus, & plus dorenavant  
 Soumis ne vous iray pressant & poursuivant,  
 Mais i'en pren tous les Grecs & la puissance grande  
 Des haults Dieux à tesmoïs. Au moins ie vous demãde  
 Vne bonne fregate, & vingt bons compagnons  
 Qui facent bien sur mer aller les auirons,  
 Qui me facent chemin sur les glissantes ondes,  
 Qui m'entrouurent des eaux les plissures profondes,  
 Qui viennent avec moy iusqu'en Lacedæmon  
 Ou à Pyle areneuse à l'excellent renom,  
 Pour aller recercher nouvelles de mon pere  
 Absent si longuement. ( Et si comme i'espere  
 I'y paruiens seurement ) peut-estre il se fera  
 Que quelqu'un des viuans nouvelles m'en dira,  
 Peut-estre i'en auray de Dieu la renommee  
 Par qui gloire & loüange aux hommes est semee.  
 Que si i'appren qu'il viue encores au doux iour,  
 Qu'il soit au monde encor, & i'ay de son retour  
 Quelque espoir asscuré: i'ay mis en ma pensee  
 D'attendre qu'une annee entiere soit passêe,  
 Confit en amertume, en deuil & en soucy,  
 Autant qu'on peut penser, Mais si i'entens aussi  
 Qu'Ulysses ne soit plus au monde ( & que ses ombres  
 Errent là bas, parmi les diuinitez sombres )



*Je m'en retourneray , bien qu'en aduersité,  
 Au pays gratieux de ma natiuité,  
 Et luy feray bastir un sepulchre honorable,  
 Rendray à son tombeau un honneur conuenable,  
 Ainsi qu'il est decent, ma mere mariray,  
 (Et en un stable estat ie la colloqueray.)*

*Il fit fin, & apres se rassit en sa place.*  
 Lors Mentor, que l'amour estroittement enlace  
 A l'absent Vlysses, & qui semblablement  
 Fut aimé d'Vlysses affectueusement,  
 (Auquel, comme il partit pour faire son voyage,  
 Et iettoit hors ses nefes du paternel riuage:  
 Il auoit par expres le soing, l'autorité  
 De son regne & son train fidemment transporté,  
 Commandant de luy rendre entiere obeissance,  
 Et que chacun fist iouir deffous son ordonnance, )  
 Dit ainsi: Oyez moy citoyens Ithaquois,  
 Et soyeZ attentifs aux discours de ma voix,  
 Que nul Roy ne soit plus ny benin ny placable,  
 Ne porte plus en luy un courage amiable,  
 Ne soit plus debonnaire, & ne face aucun bien:  
 Mais soit inaccessible, & ne respire rien  
 Que toute cruauté, qu'il s'addonne à tout vice,  
 Qu'il ne regne iamais qu'avec toute iniustice,  
 Et face mille maux. Le souuenir, bons Dieux,  
 D'Vlysse est bien perdu, & comme gracieux  
 Il a sceu commander jadis sur ceste place,  
 Comme il a gouuerné toute vne populace  
 Avec grande douceur, & comme entierement  
 Tel qu'un pere, en son regne, il s'est monstré clement,

Je ne me fâche point quand ie voy ceste bande  
 De superbes amans, qui deuore & gourmande  
 La maison d'Ulysses, croians qu'il perira  
 S'il ne l'est, & de Troie onc ne retournera.  
 C'est pourquoy s'esgayans tant en leurs arrogances  
 Ils font à leur malheur toutes ces insolences:  
 Trop bien contre le peuple, indigné iustement,  
 Ie brusle de colere. A quoy si longuement  
 Ceste muette peur? Pourquoi deffonx silence,  
 Citoyens souffrez-vous une telle insolence?  
 Pourquoi à les reprendre estes-vous negligens?  
 Et pourquoy quand ils sont sur tout si peu de gens,  
 Vous plusieurs, & armez, ô lasche populace!  
 Ne venez-vous aumoins reprimer leur audace?

Les pouf-  
 fe & ani-  
 me con-  
 tre les  
 pour-  
 suiuians.

Alors Leocritus qui fut fils d'Euenor,  
 Tu parles donc ainsi, ô bauard de Mentor,  
 Et fol d'entendement; Ainsi donc tu opine,  
 Ou que nous desistions, (ou qu'on nous exterminne.)  
 Il sera difficile à toy, à tes mutins  
 D'empescher tant de gens de faire leurs festins,  
 Et de les en chasser. Non quand l'Ithaquois mesme  
 Ulysses y viendrait, bien que de force extrême,  
 S'il auoit rencontré les amans genereux  
 Beuuans dans sa maison ses vins plus doucereux,  
 Et s'il auoit pensé de les chasser de force  
 Dehors de sa maison, son audace, sa force  
 Ne luy seruiroient guere: Et sa femme en son cœur  
 Ne iouiroit long temps du bien de ce bon heur  
 Qu'elle souhaite tant: Car la mort toute seure  
 Le trouueroit ceans, si seul en la mal heur

Leocri-  
 tus à  
 Mentor.

*Il en attaquoit tant. Et nous vouloit troubler,  
Cest donc mal à propos que tu en veux parler.*

*Mais vous peuple chacun retourne à son ouvrage,  
Et quant à cestui-cy, què Mentor l'accourage  
Avec Halitherses au chemin qu'il a mis  
En son entendement, car ils sont ses amis.  
Paternels de tout temps. Or certes Telemaque  
Se tenant à recoy aura dedans Ithaque  
Messagers de son pere, & son retour sçaura:  
Mais iamaïs ce chemin ne paracheuera.*

L'assem-  
blee est  
licentiee

*Ayant de la façon paracheué de dire,  
Le peuple il licentie, & chacun se retire.  
La troupe des amans au chasteau demeura,  
Et Telemachus seul deuers la mer tira:  
Là s'arrosant les mains de londe mariniere  
Il fit de grand ardeur à Pallas sa priere.*

Telema-  
chus fait  
sa suppli-  
cation à  
Pallas.

*Toy Dieu qui voulus bien me venir visiter  
Hier en ma maison, vueille moy escouter,  
Et qui me commandas de me mettre sur londe,  
Pour chercher d'Ulysses errant par tout le monde  
Nouvelles quelque part. Les Grecs entierement  
A ce voyage mien donnent empeschement,  
Et principalement des gens pleins d'insolence  
Qui pourchassent ma mere, & me font violence.*

Pallas en  
l'abséce  
de Men-  
tor vient  
à Tele-  
machus.

*Comme il disoit ainsi: Pallas qui emprunta  
De Mentor le parler & l'œil, se presenta  
Sur le lieu mesme à luy, & luy dit: Fils d'Ulysse,  
Si tu peux faire tant que dedans toy fleurisse  
La vertu de ton pere, & te monstres pareil  
Qu'il estoit à la main & prudent au conseil,*

Tu ne seras iamais ny lasche de courage,  
 Ny d'esprit estourdy : & si ce tien voyage  
 A souhait te viendra. Mais aussi si tu n'es  
 Et de Penelopé & du sort Vlysses  
 Le germe vigoureux, & leurs costes puissantes  
 Ne t'ont point engendré : C'est en vain que tu tentes  
 Entreprise si haute, & si ie ne croy point  
 Que la puisses conduire à fauorable poinct.

“ Car certes peu de fils ressemblent à leur peres

“ En vertu, fort souuent ils naissent degeneres

“ Et pires, mais meilleurs on les void rarement.

Mais puis que tu te porte, & bien & dignement

Successeur de ton pere, & ta pensee esmeue

N'est point d'aucucune doute, ains d'ame resoluë

Tu oses entreprendre, & ie ne te voy pas

Abiect en ta pensee & d'un courage bas :

Au contraire, pourueu de vertu, de prudence

Telle que l'eut ton pere, Heros plein d'excellence :

Ie me tiens assure que emporteras le pris

Du vertueux exploit que tu as entrepris.

Donc ( genereux enfant, ) dedaigne les paroles

De ces beaux poursuiuans & leurs vanitez folles,

Ils sont primez d'esprit, forclos d'entendement,

Aueugles en prudence, & lourds entierement.

Ils n'apperçoient pas leur ruine imminente,

Ils ne voyent leur mort prochainement venante,

Leur vie est à la fin, leur mort hastiue vient,

Eten un iour le spec à la gorge les tient.

Or croy que tu n'auras faute de compagnie,

Moy qui te viens fournir d'une nef bien garnie,

L'encou-  
 rage cō-  
 tre les  
 poursui-  
 uants.

Moi qui fus par ton pere au regne associé  
Te suiuray compaignon de peine & d'amitié.

Sus donc, retourne t'en & parmi eux te iette,  
Mais fay provision sagement en cachette  
De viures, pain & vin, qui rapellent au cœur  
Et aux moëllles des os la force & la vigueur.  
Mets le tout dans des peaux, (& le porte au nauire)  
Moy mesme ie m'en vay d'entre ce peuple eslire  
Des compaignons pourueuz de bonne volonté:  
I'ay des vaisseaux au port en grande quantité  
Et de vieux & de neufs: le meilleur ie veux prèdre,  
L'armer, & tout soudain dessus la mer nous rendre.

Telema  
chus re-  
vient au  
chasteau

Au ieune Prince ainsi la Deesse parla.  
Soudain qu'il eut ouy sa voix, il s'en alla  
Droit au chasteau, l'esprit plein de grande pensee:  
Où il vid des amans la ietnesse insensee  
Pour suiure leur desordre, assommer les Taureaux,  
Les Cheures escorcher, & brusler les pourceaux.

Antino<sup>s</sup>  
gauffre  
Telema  
chus.

Antinoüs lui vint au deuant, le visage  
Riant, & l'embrassant il lui tint ce langage,  
Lui touchant en la main. Superbe harangueur  
Telemaque, & encor inuincible de cœur,  
Tu ne dois plus auoir tant à cœur cet affaire,  
Modere à la parfin toute ceste colere.  
Je te conseille aussi de ne plus disputer  
De parole, & deffect ne plus tant resister:  
Plustost fay bonne chere, & nous tient bonne table:  
Traitte toy de bon viure & de vin delectable,  
Ainsi qu'auparauant. Les Grègeois, & me croy,  
Feront ta volonté, assure t'en sur moy.

*Ils te feront fournir de gens & de navire  
Pour te mettre sur mer, afin de te conduire  
A Pyle vers Nestor, pour voir si tu auras  
Nouvelles d'Ulysses, & si le trouveras.*

*Auquel le prudent fils d'Ulysses Prince sage:  
Vous estes trop fascheux pour viure davantage  
Parmi vous, luy dit-il, i'en ay trop, ô beueurs,  
Jusqu'icy supporté, i'ay trop, plaisants causeurs,  
Craintif patienté: ie n'ay que trop encore  
Regardé ma ruine, & comme on me deuore:  
Sera-ce point tantost assez m'auoir mangé,  
Sera-ce point tantost assez auoir rongé  
Vn enfant? Ie le fus enfant, mais le meur aage  
Me rend maintenant homme: & i'ay le conseil sage:  
Et l'aduis des aagez. I'appren les frequentant  
La vertu, comme il faut que i'aille supportant  
La rude aduersité, lors en la belle flamme  
De la forte vertu, mon courage s'enflamme  
Contre mes ennemis, & ceux qui m'ont fait tort.  
Et pour bastir plustost l'arrest de vostre mort,  
Pour me rendre tant plus vostre perte facile,  
Soit que i'aille trouver le vieux Nestor à Pyle,  
Soit que ie sois icy, i'y emploiray le tout,  
Et n'entreprendray rien dont ie ne vienne à bout.  
Et ie prendray plustost vn navire à loiage  
(Car ie ne suis encor expert au nauigage)  
Pourselon vostre aduis aller commodement.*

*Il dit, & retira sa main facilement  
Qu'Antinoüs tenoit. Mais comme à l'ordinaire,  
Les poursuiuans leans ne laissent pas de faire*

Telemachus par le hardi mēt aux poursuiuans.

Ils continuent leurs desordres.

Et festins & banquets, chacun d'eux attaquant  
Telemachus de mots offensifs & piquans.

Car ils luy vouloient mal, & d'envie notoire  
Malins ils médisoient haut & clair de sa gloire,  
Comme fit l'un d'entr'eux à table ainsi parlant.

Se gaus-  
sent de  
Telema-  
chus.

Hélas, Telemachus, nous brasse violent,  
Quelque bien grand malheur, ou la mort effroyable,  
Car à Pyle il s'en va, qui est ceinte de sable,

Où vers Sparte, chercher gens, armes & secours  
Pour nous faire finir dans peu de temps nos iours:  
Puis que si résolu il va prendre naivre.

Peut-estre aussi veut-il donner jusqu'en Ephyre  
Terroir fertile & gras, afin d'en rapporter.

Quelque mortel poison, & le nous présenter  
Mêlé dans nostre viure, ou dans nostre breuvage  
Pour nous faire mourir de douleur & de rage:

Puis un autre adionsta: Que si sorti du port  
Il estoit agité de vent contraire & fort,  
Estoit poussé en mer, couroit tant de fortune  
Comme a fait Ulysses sur l'onde de Neptune,  
Qu'il perist à la fin: il nous donneroit bien  
De la peine & du mal, nous laissant tant de bien.

Nous les partagerions ces richesses si belles,  
Et ces possessions & rentes paternelles  
Nous les separerions, & les mettrions à part,  
Et de ses portions chacun auroit sa part.

Mais à sa mere alors tant belle & tant aimable,  
Et à celui aussi qu'elle auroit agreable,  
En qui elle auroit mis son cœur & son amour;  
Nous lairriens la maison & ce plaisant séjour.

Voilà

Voila comme ils passoient le temps: & Telemaque  
 Entre dans l'arsenac du sage Roy d'Ithaque,  
 Proche des hautes tours du palais orgueilleux.  
 Là, d'or, d'argent, estoient des monceaux merueilleux,  
 Riches accoustremens és armoires serrantes,  
 Grandes provisions d'huiles bien odorantes:  
 Et de l'autre costé les tonneaux arrangez  
 Estoit d'excellens vins, & remplis & chargez  
 Sile maistre venoit apres tant de souffrance,  
 Pour le moins qu'il y prist quelque resiouissance.  
 Ce lieu a doubles clefs fermoit bien seurement,  
 Et la chaste Euryclée auoit entierement  
 La charge de cela nuit & iour, elle fille  
 D'Opis Peseuoride, & fidelle & habille.  
 Telemachus l'appelle, & luy dit: Tire moy  
 Icy du meilleur vin apres celuy du Roy,  
 Et qu'on garde pour luy s'il retourne de Troye  
 Sans estre de la mort & des Parques la proye.  
 Remply-m'en douze muids, couz-moy bien en apres  
 Dans de bons sacs de peaux, des bons fruitz de Ceres,  
 Force blanche farine, estreinte soubz la meule.  
 Et fais-en vingt bichet. Scaches-le toute seule,  
 Et m'apreste bien tout: Car dès qu'il sera nuit  
 Et que ma mere ira se coucher en son liét  
 Je viendray tout querir. Car ie vays en personne  
 A Pyle la sableuse, Et à Lacedamone  
 M'enquerir de mon pere. Et voir si j'en pourray  
 Des nouvelles auoir quelque part que j'iray.  
 Il dit, & la nourrice en pleurs toute perduë  
 Criant, ceste responce à son fils a renduë.

Telemachus va  
 en l'arsenac  
 pour en  
 tirer des  
 provisions  
 pour se  
 mettre  
 sur mer.



Eury-  
clée le  
veut de-  
mou-  
noir de  
partir.

*Cher enfant, d'où te vient au cœur untel aduis?*

*Las! où veux-tu aller? Et partant de pais*

*Aux dangers t'exposer en peine si extreme?*

*Toy fils seul, & que tant on cherit & on ayme?*

*Vlysses loin d'icy en pais incogneu*

*Hors de son doux pais est de mort retenu:*

*Et ces fiers enragez sur ceste confiance*

*Brasseront contre toy trahison & nuisance*

*Pour te faire mourir (tant ils sont malheureux)*

*Et ces biens que voicy partageront entr'eux.*

*Change doncque d'aduis, mon enfant, & demeure*

*Icy entre les tiens en repos en bonne heure.*

*Laisse ton entreprise, & ne te commets point*

Telemachus af- *Aux dangers de la mer. Elle dit en ce point:*

seure sa *Et Telemachus respond. Ma nourrice fidele*

nourri- *Cecy ne se fait point, sans qu'un grād Dieu s'en mesle.*

ce. *Iure moy seulement que tu n'aduertiras*

*De ce depart ma mere, & point ne luy diras*

Luy de- *Iusqu'à tant que l'Aurore au carrosse de roses*

fid d'en *En terre ait deux fois six matinées écloses,*

ni dire *Et que Titan passé n'ait fourny iustement*

à Penc- *Ou vnze, ou douze iours. N'en dy rien mesmement*

lo pé. *Qu'elle n'ait apperceu mon absence elle mesme,*

*Et que l'amitié grande & le regret extrême*

*Ne la face genir, si qu'ainsi gemissant*

*Elle n'aille par trop sa beauté flestrissant.*

La nour *La vieille luy iura prise de ses prieres,*

rice luy *Le grand sermēt des Dieux & leurs sacrez mysteres,*

iure. *Puis remplit les vaisseaux & les sacs bien cousus,*

*Et de bonne farine & de friant Bacchus,*

Et descendant en bas le prudent fils d'Ulysse  
Entre les poursuivans tout doucement se glisse.

Pallas cetempendant comme elle eut emprunté  
Du gentil Telemach' la taille & la beauté,  
Court parmy la cité, commande de voix forte  
Que si tost que Vesper aura fermé la porte  
Du Ciel, les compagnons se rendent diligens

Au port dans le navire avecques tous leurs gens,  
Et qu'ils l'attendent là : Il demande à Phroïe

Le fils de Neëmon une nef bien fournie,  
Des plus vistes sur tout, lequel luy presenta  
(Tant son parler courtois doucement le flatta.)

Tandis Titan voulant visiter l'autre monde  
Pour revoir le Levant, se plonge a dedans l'onde,  
Et des ombres l'espaïs par tout se respandit  
Son vaisseau dans la mer lors elle descendit,  
L'appresta bellement: les compagnons assemble,  
Les armes accommode, & tout le reste ensemble  
Qu'il faut avoir sur mer. Ils viennent vistemment,  
Et elle les exhorte à ramer galamment:

Puis s'encourt au chasteau, & iette sur la teste  
Des beuveurs poursuivans une eau qui les arreste  
D'enuie de dormir. Ils errent chancelans,  
Ont la teste pesante, (& les genoux branlans  
De sommeil & de vin. Toute la maison rouë  
Pensent-ils, soubz leurs pieds,) car elle leur secouë  
Les verres hors des mains, & les enuoye au lit.

Et puis allant trouver Telemachus, luy dit,  
Toute à Mentor semblable: A lerte Telemaque,  
On n'attend plus que toy, sus viste, hors d'Ithaque,

Pallas  
soubz le  
semblar  
de Tele-  
machus.

Fait les  
prepara-  
tifs du  
voyage.

Endor-  
mit les  
poursui-  
vans.

Appelle  
Tele-  
machus  
pour  
partir.

Donnons la voile au vent, & vollons sur la mer:  
 Il n'est plus de besoin icy de consumer  
 Le temps en grands propos, chassons toute paresse.

Se met  
 devant  
 luy pour  
 mar-  
 cher.

Elle se met devant, & il suit la Deesse  
 Pas à pas, & soudain qu'ils furent arrivez  
 Ils ont les compagnons sur le vaisseau trouvez,  
 Auxquels Telemachus à dire ainsi commence.

Sus vistes compagnons, allons en diligence  
 Querir ce qu'il nous faut là haut dans ce chasteau,  
 Pain & vin, & mettons le tout dans le bateau,  
 Paravant que quelqu'un l'aille dire à ma mere.  
 Personne n'en sçait rien que ma nourrice chere,  
 (Mais elle m'est fidelle.) Il chemine devant  
 Ayant ainsi parlé, & eux le vont suivant,  
 Chargent le tout sans bruit, portent en diligence

Telema-  
 chus  
 s'embar-  
 que &  
 Pallas a-  
 vec luy.

Au bateau: cela fait Telemachus s'advance  
 Et se jette dedans. Pallas le suit soudain,  
 Se met auprès, & prend le gouvernail en main.

Luy dō-  
 ne le vêt  
 favora-  
 ble.

Les autres par la nef se mettent en besongne,  
 Le cordage deffont, la terre les eslongne,  
 Et Neptune les prend. Pallas leur donne à dos  
 Un Zephir favorable, & le vent à propos.  
 Armes & auirons les uns les autres prennent,  
 D'autres leuent le voile & oblique le tiennent  
 Pour mieux prédre le vêt. Mais tout en premier lieu  
 Ils haussent le grand mast, le posent au milieu  
 Du vaisseau, l'asseurans avec force cordage.  
 Puis ils ouurent le voile, & Zephire fait rage  
 De le remplir de son soufflé: alors a l'entour d'eux  
 Sonne le flot rougeastre au battement hideux,

*Et le vaisseau gaillard poussé de mains rameuses  
Fend & coupe léger les ondes escumeuses.  
Ils vont après de vin les tasses remplissans,  
Pour sainte effusion aux grands Dieux les versans,  
Sur tout à roy Pallas, qui d'eux as soin & cure.  
Elle tient le timon, & tant que la nuit dure  
Les guide en leur chemin, & du verd élément  
Les routes sans hazard leur ouvre seurement:  
Tant que du vieux Tithon la femme claire & belle  
Le iour & la lumière au monde renouvelle*

Fin du deuxiesme Livre.



# LE TROISIÈME

## LIVRE

# DE L'ODYSSÉE

### d'Homère.

## ARGUMENT.

**N**Estor reçoit Telemachus arriuant avec Pallas, luy conte ce qui aduint aux Grecs au departir de Troye, & ayant ouy ce qu'il luy auoit dit touchant les poursuiuans, & recognoissant Pallas à son depart, il fait vn sacrifice. Telemachus ayant eu de luy vn chariot s'en va à Sparte avec Pisistratus, l'un des fils de Nestor, & la nuit les surprenant ils logent chez Diocles à Phères.

## AUTRE SOMMAIRE.

*Telemach' vient à Pyle ayant le vent prospere,  
Et là Nestor luy dit ce qu'il sçait de son pere.*

**E***Andis le beau Soleil hors des ondes sortant  
Quitte les flots moitteux, & dans les cieux  
montant,*

*Aux homes & aux Dieux sa claire torche apporte,  
Et sur la terre aussi feconde en toute sorte.*

Or desjà touchoient-ils aux champs Neleïens,  
 Et leur nef approchoit des murs des Peliens,  
 Qui de gras Toreaux bruns faisoient lors sur le sable,  
 Au cheueu-pers Neptun' sacrifice honorable,

Telema  
 chus ar-  
 rive à  
 Pyle.

Neuf sieges ils auoient sur le riuage mis:  
 Où cinq cens citoyens par ordre estoient assis,  
 Et là chacun d'entr'eux pour le service iettent  
 Neuf bouueaux égorgez, en pieces ils les mettent  
 Escorchez, estrippez. Les cuissots qu'à leur Dieu  
 Ils font au feu bruler petillent sur le feu,  
 (Et des morceaux iettez sur la braise enflammee,  
 Le sang tout tiede encor' rendoit mainte fumee.)

Les Itaqois à bord le vaisseau vont poussant,  
 Plient le voile blanc, & lors chacun descend:  
 Aussi fait Telemach', lequel en ceste sorte  
 Pallas, qui se rendoit son conducteur, exhorte.

C'est maintenant qu'il faut, ô Prince, prendre cœur,  
 Dechasser toute honte, & n'auoir point de peur,  
 Va doncques sans trembler trouuer le vieillard sage:

Pallas à  
 Telemachus.

Pour ceste occasion as tu fait ton voyage,  
 As tu passé la mer, as tu voulu courir  
 L'Empire de Neptune, afin de t'enquerir  
 De ton pere Vlysses: quelle terre, quel monde,  
 Quel coing tant reculé, ou quelle Ile profonde  
 Le cache & le retient, on s'il n'est plus comment  
 Il a esté tué. Va doncques hardiment  
 Trouuer le Roy Nestor, caualier d'excellence,  
 Voyons, si dans son cœur de nous celer il pense  
 Ce qu'il y a caché: (s'il voudra rendre ouuert  
 Ce qu'il pourroit tenir & douteux & couuert)

1

*Humble tu le priras instamment qu'il te die*

*Toute la verité, fraude ne menterie*

*Onc il ne ie dira: car le sage vieillard*

*A de beaucoup de faictz l'experience & l'art.*

*Adonc Telemachus respond à la Deesse,*

*Où iray-je, Mentor, de quelle hardiesse*

Telemachus *Puis-je le saluer? Je suis en verité*

*A parler prudemment peu experimenté,*

*Je n'ay iamais encor acquis l'art de bien dire,*

*Vn ieune homme est hôteux, & sans peur n'ose induire*

*Vn plus vieux à parler. Auquel adiouste ainsi,*

Mentor *Pallas aux beaux yeux vers. (Nō, n'aye aucun soucy)*

Pallas *Encore qu'autrement tu tienne en ta pensee,*

*Ta bouche par vn Dieu se sentira dressee*

*Pour parler comme il faut, ie ne croy nullement*

*Que ta mere t'ait faict en son enfantement,*

*Les Dieux y repugnans, & qu'en ta nourriture*

*Ils n'ayent eu, benins, de toy soucy & cure.*

*Elle eut dit, & soudain s'en va trouver les Grecs*

*Ayant tourné ses pas, & Telemaque apres*

Ils trou *Le suit au mesme temps. Alors Nestor le sage*

*Avec tous ses enfans estoit sur le riuage :*

*Les compagnons autour le banquet conduisoient*

*Dignement appresté, les chairs rostir faisoient:*

*En la broche mettoient les grand pieces tremblantes,*

*Et les membres posoient sur les braises flambantes.*

*Mais dès qu'ils eurent veu les Grecs approcher d'eux*

*Soudain ils laissent tout, accourent, gracieux,*

*Et les vont recueillir. ( Se leuent hors de table, )*

*Les prient de propos courtois & amiable*

Des'asseoir avec eux, ( & agreablement  
 Prendre part du festin qu'ils font ensemblement.)  
 Mais le premier de tous, & encor le plus proche,  
 Pisistratus vaillant aux armes, les approche,  
 Prend les mains de tous deux, les embrasse serré,  
 Pour manger les fait s'oir sur du sable doré  
 Couvert de belles peaux, entre Nestor son pere  
 Pres de Thrasimedes, & leur faisant grand chere  
 Leur sert de la viande, A fait remplir encor  
 Du doux fruit de Bacchus un grand plein vase d'or  
 Puis regardant Pallas Egidienne, fille  
 Du puissant Iupiter, d'une grace gentille  
 Commence à dire ainsi. Amy fay humblement  
 Ta priere à Neptun', puis qu'opportunément  
 En ce iour solemnel venus icy vous estes,  
 Celebrez avec nous ces annuelles festes:  
 Puis quand tu auras fait, tu donneras aussi  
 Ce vase de vin doux tout plein, à cestui cy,  
 Afin que comme toy il face le semblable:  
 Je croy que ce luy est aussi chose agreable  
 „ De faire offrande aux Dieux. Il nous faut tous auoir  
 „ En eux nostre fiance, & vous pouuez scauoir  
 „ Que leur aide en tout tēps nous est tres-necessaire.  
 Or voyant cestui-cy le plus ieune, & ne faire  
 Encores que fleurir, semblable d'aage à moy.  
 Cepot d'or, plein de vin ie t'ens premier à toy.  
 Ce disant il le met en main à la Deesse,  
 Et son cœur elle sent tenté d'une allegresse,  
 De se voir honorer d'un hoste homme de bien,  
 ( De se voir resjouir d'un honneste entretien.)

Pisistratus va recueillir  
 Pallas & Telemachus.

Nestor à Pallas.



*Et de ce que premier, (de façon si humaine)*

*Il luy a mis en main la coupe de vin pleine.*

*Lors resspandant le vin hors des dorez vaisseaux*

*Elle fit sa priere ainsi au Roy des eaux.*

Pallas  
sous le  
semblât  
de Men-  
tor prie  
Neptu-  
ne.

*Neptune, qui enceins toutes les rives molles*

*Dé la terre habitable, escoute mes paroles,*

*Et ne te faschant point que nous t'offrions icy*

*Offertes & presens, benin assiste icy,*

*Mes prieres & vœux accepte favorable,*

*Et les ratifiant, donne honneur desirable*

*Au Nelide Nestor, enuoye à ses enfans*

*(Qui sont si gens de bien) d'estre tous triumphans*

*En louange & vertu, & donne recompense*

*Aux Pyliens qui sont pleins de beneficence*

*Pour leur belle hecatumbe, & puis finalement*

*Que Telemaque & moy puissons prospérerment*

*Retourner au país. Bien achené l'affaire*

*Pour lequel, ô Neptun, nostre barque legere*

*Nous a heureusement portez dessus ton dos.*

*Pallas ayant ainsi achené ses propos*

*A Telemaque rend la grand coupe doree*

*D'un grand cercle tout d'or richement entourée,*

*Et la plus belle encor. Luy semblablement fit*

*Ses prieres & vœux & l'offerte parfit.*

*Comme il eut achené les compagnons rostirent*

*Les chairs, & puis apres en pieces les partirent,*

*Firent le festin beau, mangerent plainement,*

*(Et passerent le temps fort agreablement.)*

*Estans rassasiez de vin & de viande*

*Nestor Geremien leur fit lors sa demande*

Nestor  
en-  
quiert  
Pallas &  
Telema-  
chus.

Il faiët béau maintenant deuifer à plaisir,  
 C'est-asteure qu'il faut s'enquerir à loisir  
 Qui vous amene icy, quand la table est leuee,  
 Et qu'on a bien repeu. Enfans, vostre arriuee  
 D'où est-elle en ce lieu, de quelle nation,  
 Qui estes-vous, quelle est vostre condition,  
 Pour quelle occasion prenez vous cesteroutte  
 Estans venus par mer? mettez m'en hors de doute,  
 Ou si vous trafiquez chargeans vostre vaisseau  
 De mainte marchandise, ou si vous courez leau  
 Comme font aujourdhuy pyrates en grand nombre,  
 Portans aux passagers menaces & encombre,  
 Trauersans en la mer, courans de toutes parts  
 Infortunes, dangers, miseres & hazards.

Auquel Telemachus respond de sage sorte,  
 Car Pallas luy donnoit cœur & faconde forte,  
 Afin d'acquérir gloire, & aussi s'informer  
 D'Ulysses vagabond & miserable en mer.  
 Neleïde Nestor, digne honneur de la Grece  
 Ce que tu veux scauoir, de quelle contree est-ce  
 Que nous sommes partis, ie t'en informeray  
 Et nostre vray pais au vray ie te diray.

Nous venons donc d'Ithaque, où le iette-fontaine  
 Le mont Neïus s'estend. L'affaire qui nous meïne  
 Nous est particulier : Rien du tout du public,  
 (Nyle bien general de l'estat Argolic)  
 Ne nous à faiët venir. Plein d'amour paternelle  
 Ie viens scauoir icy quel bruit, quelle nouvelle  
 Court du fort Ulysses, qu'on dit auecques toy  
 Avoir raxé les murs de Priam le grand Roy.

Telemachus en-  
 hardy  
 par Pal-  
 las, res-  
 pend à  
 Nestor.

Luy de-  
 mande .  
 nouuel-  
 les d'U-  
 lysses  
 son pere

Des autres qui estoient à Troye la guerriere  
 Combatans, nous sçavons leur mort, & la maniere.  
 Mais Iupiter, hélas, nous cache rigoureux  
 Qu'est deuenu depuis ce Prince malheureux.  
 Nous n'en pouuons sçauoir chose au monde certaine  
 Et personne ne peut nous mettre hors de peine,  
 Nous declarant au vray en quel lieu proprement  
 Il peut s'estre perdu si misérablement,  
 Si sur la terre ferme il est mort en la guerre,  
 Ou si la noire mer sous ses ondes l'enferme.

Or pour l'amour de luy me voicy maintenant,  
 Je viens à tes genoux humble me prosternant,  
 Pour de toy, s'il te plaist, sçauoir sa mort cruelle,  
 Si toy-mesmes l'as veüe, ou bien si la nouvelle  
 Par le rapport d'un autre errant en lieu loitain  
 En est venue à toy : Sa mere pour certain  
 Infortuné par trop au monde le fit naistre :  
 Et ne me flatte pas, comme tu crains peut-estre  
 De m'attrister de mal, mais dy moy rondement  
 Ce que tu en as veu ou sceu certainement :  
 Iet en pry, si iamis Vlysse mon bon pere  
 Te fit voir qu'il sçauoit & bien dire & bien faire  
 Sur le peuple Troyen, où tant que vous estiez  
 En ce siege de Grecs tant de maux supportiez,  
 Souuien-t'en maintenant pour moy, & ne me cele  
 La pure verité de ceste fin cruelle.

Nestor à  
 Telema-  
 chus.

Auquel le vieux Nestor curieux de cheuaux,  
 Tu me presse mon fils te conter nos trauaux  
 Me les renouvelant. Trauaux grands au possible  
 Que nous auons portez de courage inuincible

Nous les enfans des Grecs, entre les peuples fiers  
De la puissante Troye, aux Phrygiens cartiers,  
(Naton genereuse incomparable en force,) i  
Que si point apres point de conter ie m'efforce  
Tout ce qui s'y passa, soit lors que nos vaisseaux  
Pour ravager couvroient la campagne des eaux  
Soubs le fort Achilles (general de l'armee.)  
Soit lors que soubs les murs de Troye renommee  
Soubs les puissantes tours du demy Dieu Priam,  
Soubs les roides rémparts de la haute Pergam  
Nous sommes tant de fois des cris venus aux armes,  
Où nous ont tant de fois mis aux mains les alarmes,  
Où tant de caualiers grands en guerre sont morts,  
Où dort le grand Ajax fort entre les plus forts,  
Où le braue Achilles, Patroclus, semblable  
En conseil aux grands Dieux, à nul comparable  
Gisent, de dure mort atterrez & vaincuz.  
Où le fort, hélas! où mon pauvre Antilochus  
Enfant sans nulle tare, ores les accompagne,  
Braue soit qu'il fallust sur la raze campagne  
Des pieds vaincre à la course, où sous l'habit de Mars  
Vaillamment combatant ne craindre nuls hazardz;  
Digne & puissant guerrier & remply de proüesse:  
Et tant d'autres travaux que les Princes de Grece  
En ce siege ont paty, qui les pourroit narrer?  
Non : quand expressément tu voudrois demeurer  
Icy cinq ou six ans, & n'aurois autre affaire  
Qu'à tousiours t'enquerir, ie ne le pourrois faire:  
Et t'en retournerois en ton pais natal  
En regret, plein d'ennuy, de tristesse & de mal.

Car en neuf ans entiers nous auons d'ame forte  
 Contr'eux ourdy des maux, des dols de toute sorte  
 Et si à toute peine à bout nous en à mis

Iupiter, & la fin presque en a permis.

Là, personne ne peut en langue bien diserte,  
 En esprit, en conseil, au preux fils de Laërte

Nestor  
 loué  
 Vlyssé.

Ton pere s'égalé. Tous il les surpassoit,  
 ( Et loing tant qu'ils estoient derriere il les lai  
 Ce tien pere Vlysses, en ruses, en prudence,  
 En astuce de Mars seul grand par excellence:  
 Ie le dy si tu es son fils certainement.

Car ie te diray bien, plus attentifiquement  
 Ie te regarde, & plus ie te trouue admirable:  
 Et certes ton langage est tout en tout semblable.  
 Et ne te dirois point estre plus ieunes d'ans,  
 Tant vous estes fort peu de parler differens.

Or tout le temps du siege, oncques en nuls affaires  
 Quand le conseil tenoit, nous ne fumes contraires  
 Le fort Vlyssé & moy, en ce que nous sentions  
 Estre du bien public: Tousiours nous consentions  
 En nos opinions: soit qu'il fust nécessaire  
 D'eüiter quelque mal, ou d'obtenir victoire,  
 Et trophées d'honneur dessus nos ennemis.

Mais quand Ilium fut à destruction mis,  
 ( Que Priam fut tombé sous nos fortes batailles,  
 Que nous eümes à l'herbe égalé ses murailles, )  
 Nous montâmes sur mer. Et Dieu se courrouça,  
 Et les Grecs par les vents çà & là dispersa.  
 Iupiter de long temps nous auoit destinee  
 Nostre route en pais triste & infortunée.

Iupiter  
 disperse  
 les  
 Grecs  
 au re-  
 tour de  
 Troye.

Certes tous n'auoient pas cheminé droittement  
 Et tous ne s'estoient pas comportez prudemment.  
 C'est pourquoy la plus part des Princes de la Grece  
 Perirent, accablez de misere & detresse  
 Et tout pour le despit de la Deesse, ayant  
 Pour pere Iupiter horrible & foudroyant.  
 Elle rendit les cœurs des Pelopides freres  
 En fureur, en discord l'un à l'autre contraires,  
 Car comme ils eussent fait publier hautement,  
 Assez mal à propos, que les Grecs vistement  
 S'assemblassent en un, quand le flambeau du monde  
 Se noyeroit au soir dans l'occidentale onde,  
 Eux enyurez de boire, appesantis de vin,  
 Pour tenir le conseil s'assemblerent en vain.  
 Menelaüs vouloit que les Grecs s'embarquassent,  
 Et que diligemment en Grece ils repassassent,  
 Missent les naus au vent sur le grand flot ondeux:  
 Mais au grand Atrides, (qui comendoit bien mieux,)  
 Son conseil ne pleust pas, soustenant de courage  
 Qu'on ne deuoit bouger, tant que sur le riuage,  
 Vne sainte hecatumbe aux dieux il eust dressé  
 Et sur tout appaisé le pouuoir courroucé  
 De la Tritonniene. Imprudent par trop certes  
 Qui ne cogneut iamais que toutes ses offertes  
 N'estoient pour appaiser les Dieux aucunement:  
 Les Dieux ne changent pas ainsi legerement.  
 Donc, cependant qu'on void se courrousser les freres,  
 Debattre follement en leurs aduis contraires,  
 Le reste est mi-party, & chacun de trauers  
 Suit son affection. (Vn bruit s'esment diuers,

Pallas  
 irritée  
 contre  
 les  
 Grecs.

Confu-  
 sion en-  
 tre les  
 Grecs.

64 LE TROISIÈME LIVRE

*Parmy les Achiens, le murmure se double,  
La discorde s'accroist, tout le monde est en trouble.  
Nous eusmes ceste nuit un sommeil bien amer  
Tristement espanduz sur le bord de la mer:  
Là mediterent bien nos pensees profondes  
Le mal dont menaçoient nostre retour les ondes,  
Et Iupiter deuoit, (tels estoient ses secrets)  
Donner mille travaux aux miserables Grecs.*

Depart des Grecs dedeuât Troye. *Dés que l'Aurore vint à la coche doree  
Nous mîmes nos vaisseaux dessus l'onde azurée,  
Ayant chargé dedans de biens un million  
Que nous auions gaignez par le sac d'Ilion:  
Nymphes de grand beauté, filles, femmes Troyennes,  
Mais plus de la moitié des troupes Doriennes  
Auec Agamemnon demeurèrent au port:  
L'autre part monte en mer, hors du riuage sort,  
Poussé à beaux auirons l'onde Neptunienne,  
Et la nef coupe l'eau de sa course soudaine.  
Neptune alors assis, son marbre hâzardeux  
(Où se vont egayant les balenes hydeux,)  
Nous rendit aplaný. Dans le port nous entraîmes  
Portez en Tenedos, & là sacrifiaîmes  
Aux hauts Dieux immortels pour nostre partemêt.  
Là Iupiter encor' empesche ouuertement  
Nostre entrepris retour, iettant en nos courages  
Et de toute la flotte, ires, discords, & rages.  
Ceux qui suiuoient Vlysse, aux batailles ardent,  
D'esprit bien cultivé, d'entendement prudent,  
Remonterent en mer, & retournerent bride  
Pour retourner trouuer le camp du grand Atride.*

Moy ayant assemblé vistement mes vaisseaux  
 Et tous mes compagnons, ie pren l'azur des eaux,  
 Hausse tacitement le voile. Ainsi i'en uite  
 Le naufrage cruel que Neptune nous medite,  
 De mesme en fait Tydide exhortant ses soldars,  
 (Tydide genereux vray nourrisson de Mars.)  
 Apres nous, entamant le sein marbreux de londe  
 S'en vint Menelaüs à la perruque blonde,  
 Qui nous trouue en Lesbos, comme nous consulions  
 Nos routtes en la mer, & en suspens estions  
 Où nous deuions surgir, s'il nous falloit reprendre  
 Encor la haute mer : ainsi le dessus prendre  
 De Chio la pierreuse, obliquement tournans  
 A gauche, où Psyria ses costaux eminens  
 Fait paroistre en la mer, la laissant à senestre:  
 Ou si nous hausserions nos voiles sur la dextre  
 Au dessus de Chio, iouxte les rocs venteux  
 De l'esuenté Mimas. Nous demandons aux Dieux  
 Que fauorablement leur bouche nous responde,  
 Quel chemin nous deuons eslire dessus londe:  
 Ils respondent. Vos naus iustement garderont  
 Le milieu de la mer, la rade razeront  
 D'Eubee, à ceste fin qu'éuitiez la fortune  
 Des tristes accidents qu'on court d'essus Neptune:  
 Donc, si tost que le vent eut esmeu en soufflant  
 Son aleine siffante, & son souffle ronflant:  
 Nous nous iettons en mer, & le bon vent nous porte  
 Dessus le viste appuy de son aleine forte.  
 Tant que nous arriuons au cap vulgairement  
 Appellé Gerestus. mais de nuit seulement:

Nestor  
 deloge  
 des pre-  
 miers.

Diome-  
 des  
 apres  
 Puis Me-  
 nelaüs.

Respon-  
 se des  
 Dieux  
 aux  
 Grecs.



Là nous sacrifions au puissant Roy Neptune  
Force bestail cornu, taureaux à la peau brune,

Desjà par quatre fois à nostre heureux retour  
L'aurore iaunissante avoit donné le iour,  
Lors que les compagnons du genereux Tydide  
Avoient surgy heureux en Argos Inachide,  
Je m'en venois aussi, & le prospere vent  
Avoit tousiours esté son doux soufflé eslevant,  
Et tant plus que le Dieu nous enuoye esperance  
Du vent, tant plus, mō fils, je me haste & m'advance.  
Je vins donc incertain, & n'ay depuis appris  
Quels des Princes des Grecs se trouverent surpris,  
Et perirent en mer, ou ceux qui eschapperent  
Les dangers de Thetis & d'elle se sauverent.

Nestor  
racōtra  
Telema  
chus ce  
qu'il a  
ouy d'*V*  
lysses de  
puis son  
retour.

Or depuis mon retour, ie te veux raconter  
Ce que i'en ay ouy si tu veux m'escouter :

Les Myrmidons conduits du fameux fils d'Achille  
( Qui d'ennemis Troyens tuerent tant de mille, )

Retournerent, dit-on, comme semblablement  
Avec ses compagnons repassa seurement

Le fort Idomenee au riuage de Crete,

Et le fils de Pean le fameux Philoctete,

Garantis du danger des combats hâzardeux:

Ils vindrent sans peril & sans que pas un d'eux

Ait esté emporté des vagues furieuses,

Noyé sous le cruel des plisseures onduises,

Et pour Agamemnon, bien qu'esloignez d'icy

Vous avez peu sçavoir comme il vint, comme aussi

Egysthus luy trama sa fin triste & cruelle:

Mais il a bien payé le meurtrier infidelle

Ceste déloyauté: Tant il est bon qu'un fils  
 Ait esté delaisé qui püst venger l'occis,  
 Comme a faict ce fils là, tuant le parricide,  
 De son pere si braue Agamemnon l'Atride.

*A l'imitation de ce Prince gentil*

Il te faut allümer ton courage, au fusil  
 Des actes vertueux, afin que de ta gloire  
 Nos enfans à venir ayent un iour memoire,  
 Et portent dans le Ciel le fameux de ton nom.  
 Je te voy bien formé, d'esprit gentil & bon,  
 Et de corps grand & fort. Auquel alors s'adresse  
 Telemachus disant. Grand honneur de la Grece  
 Neleide Nestor, le grand contentement  
 Qu'Orestes doit auoir, d'auoir si brauement  
 Vengé Agamemnon: dont sa gentille gloire  
 Doit receuoir des Grecs un honneur meritoire  
 De louange eternelle, & doivent nos nepueux  
 Exalter à iamais un acte si fameux.

O que les Dieux ainsi me pourneussent aßeure  
 De force suffisante, afin que sans demeure  
 Je m'allasse venger des forfaits malheureux  
 Qui me sont faits chez moy par un tas d'amoureux,  
 Et leur faire payer & le tort & l'iniure  
 Que meschamment me fait la canaille pariure.  
 Mais les Dieux ne m'ont point à tel bien destiné,  
 N'ont point tant honoré mon pere infortuné  
 Ny moy semblablement pour auoir tant de gloire  
 Puis qu'il me faut souffrir ceste honte notoire.

Lors Nestor de cheuaux le domteur excellent,  
 Puis que tu ramentoy, mon fils, en me parlant,

Orestes  
 tuë Æ-  
 gythus.  
 le meur-  
 drier de  
 son pere  
 Nestor  
 incite  
 Telema-  
 chus par  
 l'exem-  
 ple d'O-  
 restes.

Telema-  
 chus à  
 Nestor.

Ces affaires, dit-il, on conte qu'une bande  
D'amoureux en ta court, importune demande  
Ta mere en mariage, & qu'en despit de toy  
Ils font là mille maux : Or' ie te pry, dy moy,  
Cedes-tu de ton gré, à leur force inhumaine,  
Ou, le peuple meschant t'a-il en quelque hayne?

Predit  
qu'Ulys-  
ses en fe-  
ra ven-  
geance.

Qui se fortifiant des oracles des Dieux  
Poursuit encontre toy ses fais malicieux?  
Qui sçait si Vlysses raporté par fortune  
En son pays natal, & sauvé de Neptune  
La vengeance en prendra, les percera de traits  
Soit tout seul, soit suivy d'une troupe de Grecs?  
Que si Pallas t'aymoit d'affection semblable  
Qu'elle faisoit ton pere, au siege incomparable  
De Troye, où nous auons fait de si braues faitts,  
Et pati tant de mal (car ie ne vy iamais  
A quelq'un tant a gré l'assistance celeste,  
Qu'à ton pere Pallas se rendoit manifeste)  
Si son affection t'estoit telle, croy moy  
Que tous ces amoureux s'enfuiroient deuant toy  
Laisans les nopces là. Vieillard sur tous aymable  
Dit le fils d'Vlysses, chose tant fauorable  
Ne m'aduiendra iamais. Tu parles brauement,  
Ton discours me rawit : ie ne puis nullement  
Toutesfois l'esperer, non pas si les Dieux mesme  
Tout-puissans le vouloient en leur pouuoir suprême.

Pallas  
reprend  
Telema-  
chus.

La Tritonide alors Pallas aux beaux yeux vers  
Luy couppant son propos. Quel mot tant de trauers  
T'est, dit-elle, eschappé? (Quelle rage te touche  
De blasphemer ainsi de ta prophane bouche?)

« Car Dieu peut preserver la personne en tous lieux  
 « Quelque esloigné qu'il soit. Et j'aymerois biẽ mieux  
 Apres beaucoup de mal de travail & de peine  
 Revenir, bien que tard, ma vie sauve & saine,  
 Et voir le iour heureux qui fauorablement  
 Me rameneroit tel : qu'arriuant vistement  
 Dedans mon cher pais, mourir de mort cruelle,  
 Ainsi qu' Agamemnon, par la ruzẽ & cautelle  
 Du fils de Thyestes, & la meschancetẽ  
 De sa femme maudite, a pauurement este'  
 Roide mort estendu ( dedans sa maison mesme: )

Or les Dieux de qui est le pouuoir tressuprẽme  
 N'osteront à la mort l'homme de qui les sœurs  
 Ont rompu le filet, bien que pleins de douceurs  
 Ils l'aimassent d'amour cher & recommandable.

Telema  
 chus à  
 Pallas,  
 la pre-  
 nãt tou-  
 jours -  
 pour  
 Mentor

Adonc respond le fils d'Vlysses miserable:  
 Helas ! nous n'auons pas occasion, Mentor,  
 De nous repaistre en vain de tels discours, encor'  
 Qu'il m'en face bien mal, le malheur trop contraire  
 Son retour luy denie en sa patrie chere:  
 La mort noire l'a pris, & ses destins sont tels:  
 Ils luy furent donnez par les Dieux immortels.  
 Mais j'interrogueraý Nestor d'une autre chose  
 Dedans le cœur de qui grand' sagesse repose,  
 Plein d'equité, d'honneur. Tout le monde est vaincu  
 Des ses grandes vertus : on tient qu'il a vescu  
 Trois generations, & sa vieillesse grande  
 Par trois siecles entiers sur les hommes commande:  
 A son regard aussi ie le dirois semblant [ blant.)  
 Aux grãds Dieux (deßous qui les hõmes vont trem-

Or nous raconte au vray, ô Nestor Neleïde,  
 La façon que mourut le généreux Atride,  
 Dont le Royaume beau largement s'estendoit  
 Par les plaines de Grece: & où pour lors estoit  
 Menelaüs son frere & quelle mort cruelle  
 Osa luy machiner Ægistus l'infidelle,  
 Car l'autre estoit beaucoup plus puissant & plus fort,  
 Vn plus foible l'a mis ce n'eantmoins à mort.  
 Où estoit en ce temps le beau mary d'Heleine,  
 En Achaïe, ou bien en l'Argolique plaine,  
 Ou s'il estoit dehors en voyage lointain,  
 Quand le lasche adultere avec ceste putain  
 Firent de ce grand Prince vn si piteux carnage?  
 Sur cela luy respond Nestor le vieillard sage,

Nestor  
 raconte  
 comme  
 Agamé-  
 non au  
 retour  
 de troie  
 fut mis à  
 mort  
 par Cly-  
 tème-  
 tra  
 sa fême,  
 & par  
 Ægy-  
 stus.

Tu sçauras tout de moy ; Tu soubçonnes cela  
 Que la fortune alors sur luy amoncela,  
 Je le voy bien, mon fils : Sois donc seur ie te prie  
 Que si Menelaüs eust rencontré en vie  
 L'infidelle Ægistus, alors qu'il retourna  
 De Troye, (& que la mer chez luy le ramena,)  
 Il n'eust pas seulement sur luy daigné respandre  
 De la terre, (en l'honneur de sa parjure cendre,)  
 Mais les chiens, les oyseaux leussent finalement  
 De leurs dents, de leurs becs, mangé cruellement,  
 Sur la terre estendu, sans honneur & sans gloire,  
 Dehors de sa cité, loing de son territoire.  
 Et si iamais son corps n'eust esté désiré  
 Des femmes d'Achaïe, & par elles pleuré,  
 Tant il auoit rendu ce vice abominable  
 Perpetrant vn forfait horrible & detestable.

Durant doncques le temps qu'à Troye nous estions,  
 Que sous le dur harnois la fatigue portions,  
 Il estoit en Argos l'excellente nourrice  
 Des cheuaux viste-pieds, tout confit en delice,  
 Enjoignant au chasteau, de doux propos pressant  
 La femme toute belle, & (l'honneur flestrissant)  
 Du grand Agamemnon. Combien qu'elle rejette  
 Le sale accouplement, la couche deshonneste  
 Dont-il l'importunoit. (car au commencement  
 Elle auoit le renom de viure chastement  
 Et son mary montant sur la campagne large  
 Pour aller à Pergam, la lascia sous la charge  
 D'un poëte qu'il auoit, homme docte & prudent,  
 La luy donnant en garde & luy recommandant.)  
 Mais quand, (Destin des Dieux) ceste Princesse belle  
 Vaincuë se rendit, elle deuint cruelle,  
 Et (par l'aduis meschant d'Aegistus son mignon)  
 Relega des neuf sœurs le docte compagnon  
 Dans vne Isle deserte en la mer effroyable:  
 Barbare delaisant le pauvre miserable  
 Aux aigles, aux oyseaux pour proye à deuorer;  
 Aegistus cela faiçt la faisant retirer,  
 La meine en sa maison, où, selon la coustume  
 Aegistus des grands Dieux les saints autels parfume,  
 D'offertes leur fait dons, d'or, d'habits precieux,  
 Dresse force tableaux, force images des Dieux,  
 Ayant conduit un faiçt de tresgrande importance,  
 Et qu'il n'eust onc osé conceuoir d'esperance.

Clytem-  
 nestra  
 chaste  
 au com-  
 mence-  
 ment.

En fin se  
 laisse al-  
 ler.

Or estans demarez du riuage Troyen  
 Nous venions à plein voile, & par mesme moyen

Gagnions la haute mer. Alors le ieune Atride  
Et moy voguions ensemble, ouvrâs la pleine humide,  
Vni<sup>z</sup> de volonté, de me<sup>s</sup>me opinion,  
Tant que nous fusmes pres du sacré Sunion  
Qui sur l'Athenien son grand ombrage iette.  
Ià Phœbus mit à mort d'une douce saiete  
Qui tomba dessus luy, le pilote prudent  
Du Roy Menelaüs, comme il alloit guidant  
Le timon de la nef, Phrontis Onetoride,  
Qui seul auoit l'honneur sur la plaine liquide  
Entre tous les mortels de sçauoir sagement  
Gouuerner vn vaisseau, le mener dextrement,  
Au temps plus orageux. Menelaüs demeure  
Pour rendre l'honneur deub dessus la sepulture  
De son amy perdu, bien qu'il fust fort pressé.  
Mais comme il eust encor le voile rehaussé  
Retenant plein d'espoir la campagne salee,  
Comme il doubloit le cap de l'eminent Malee,  
Vn trespiteux chemin Iupiter luy trama:  
Les vents horriblement sifflants il anima,  
Les orages esment, les eaux rendit enslees,  
Les vagues en leuant hautes & boursouflees  
Comme les plus grands monts: les barques dispersa  
Errantes par les eaux, en Crete les poussa  
Vers les Cydoniens à l'enboucheure estroite  
De Iardan. Or est là une roche assez droite:  
Mais petite en la mer, aux confins de Gortin.  
Là le vent orageux pousse le flot mutin  
A gauche, vers le cap à Phæste, & le flot proche  
Bien que grand, est rompu de la petite roche:

La flotte l'a portée avec horrible effort,  
 Les hommes à grand peine eurent la mort.  
 Mais les flots irrités les barques enfoncerent  
 Sous les autres hideux, les orages froissèrent  
 Les vaisseaux peints, & sous les noires eaux  
 Entre les creux rochers les mirent par morceaux.  
 La tourmente pourtant & la tempeste viste  
 En contraignirent cinq de lascher en Egypte,  
 Où se trouvant porté l'Atride, diligent  
 Il fit un grand amas de trésors, & d'argent  
 Cependant qu'il erroit en étranger riuage  
 Par nation à luy diuers de langage.

Cependant Agistius tramoit en sa maison  
 Le malencontre fier d'une grand trahyson  
 Tuant Agamemnon: & renga nouveau Prince  
 Sous son commandement le peuple & la Prouince.  
 Tout subiugué luy fut & tout luy defera,  
 Il prit le sceptre en main, le peuple obtempera:  
 Et se vid paruenue à la septiesme année  
 Que Mycenes par luy fut tousiours gouvernée,  
 Or l'an d'après arriva à son tres-grand malheur  
 Le divin Orestes, le furieux vengeur:  
 Qui d'Athenes partit pour donner mort amere  
 Au perfide Agistius le meurdrier de son pere,  
 Et fit en le tuant, le sepulchral festin  
 Aux citoyens d'Argos, de la traistre putin  
 Sa mere, & du ruffien. Or en ce iour là mesme  
 Reuint Menelaüs plein de richesse extrême  
 Et d'autant que sa flotte en pouuoit apporter.  
 Mais toy, mon cher amy, ne veilles t'absenter



Conseil Long temps de ta maison ( & si riche & si bonne, )  
 de Ne- Ne t'escarte point trop, & de loin n'abandonne  
 stor à Tans de biens, & chez toy ces superbes amans  
 Telema chus. Qui les deuoreront, sans respect consumans  
 Ton bien, ton reuenu, cependant que sur l'onde  
 Trotteroit pour neant ta barque vagabonde.

Luy dô- Trop bien ie suis d'aduis que tu voisies trouuer  
 ne aduis Le Roy Menelaüs, qui ne faiët qu'arriuer  
 d'aller D'un pais eslongné, des regions lointaines  
 trouuer Où il a tant souffert de perils & de peines  
 Menela<sup>s</sup> Qu'il n'en pensoit iamais reuenir en seurté:  
 Ayant par la tourmente esté tant agité  
 Et destourné si loing par les cruels orages,  
 Que les oyseaux volants sur leurs vistes plumages  
 A peine passeroient en un an sans danger  
 Vne telle estendue, vne si large mer.

Va doncque iusques là sur le mobile verre.  
 Si ta commodité t'est meilleure par terre,  
 J'ay coches, j'ay cheuaux (les vërs des pieds gagnans,) )  
 Et mes enfans encor t'iront accompagnans.  
 Iusqu'à tant que tu sois dedans Lacedæmone  
 Où l'Atreïde puisné porte Sceptre & couronne,  
 (Florissant en honneur.) Là tu le suplieras  
 Te dire verité, & fort t'en presseras,  
 Il ne te mentira. Car son gentil courage  
 Est orné de prudence & de parole sage.  
 Cependant qu'il parloit le Soleil descendit,  
 Et le soir à l'instant les tenebres tendit  
 Lors Pallas aux yeux pers Deesse venerable  
 Respondant dit ainsi: ô vieillard honorable

Tu parles en amy, mais fais aujourdhuy voir  
 Que tu veux t'acquitter au vray de ton deuoir.  
 Or des langues tranchez un peu, & dans les tasses  
 Venex mesler le vin, puis, auoir rendu graces  
 A Neptune, & aux Dieux consecutiuelement,  
 Nous nous irans coucher, c'est l'heure iustement,  
 Car il est desia nuict : Soir tant, n'est pas honnest  
 Au festin des grands Dieux, sans faire la retraite

Pallas à  
 Nestor.

La fille à Iupiter parla de la façon,  
 Et l'on vid tout soudain porter à maint garçon  
 Aiguières pour lauer, les tasses ils remplissent,  
 Et versant le bon vin à tous le departissent.  
 Lors ils prennent leur vin, & apres auoir beu  
 Ils iettent le couppé des langues dans le feu,  
 Puis ils se leuent tous, & de rechef respandent  
 Le doux vin au grās Dieux, ausquels graces ils redēt.

Graces  
 rendues  
 aux  
 Dieux.

Cela fait, & chacun ayant beu tout autant  
 Que portoit son desir: Telemaque sortant  
 Avec Pallas vouloit retourner au nauiere,  
 Quand Nestor s'escriant se prit ainsi à dire :  
 ( Or il les retenoit, & les alloit tancant  
 De propos gracieux : ( O Iupiter puissant  
 ( Qui tiens le foudre au ciel, ) & vous grands Dieux  
 Chassez loin ce méchef, qu'à ne me deshonore (encore  
 En la façon, dit-il, qu'ils ne s'en aillent pas  
 Ainsi dans leurs vaisseaux, faisant si peu de cas  
 De moy, de ma maison : Comme si, miserable,  
 Je n'auois lits, linceux, ny maison honorable,  
 Ny riches vestemens, ny rideaux precieux,  
 Couuertes, ny matras mols & delicieux

Pallas &  
 Telemach<sup>e</sup> veu-  
 lent al-  
 ler cou-  
 cher en  
 leur vais-  
 seaux.  
 Nestor  
 s'en of-  
 fence.

Pour les accommoder, & leur faire service.  
 Tant que seray viuant iamaïs le fils d'Ulysse  
 N'ira de ma maison coucher dans un batteau  
 Sur un aux, (appuyant sa teste à un poteau.)  
 Mesmes apres ma mort, dans ceste forteresse  
 Je lairray des enfans, qui de franche allaigresse  
 Receuront mes amis, & tous ceux qui encor  
 Daigneront visiter la maison de Nestor.

Pallas à  
 Nestor.

Auquel Minerve dit: O vieillard Neleïde,  
 Certes tu as bien dit. Retien donc l'Ulysïde  
 Et le mene chez toy, pour moy ie m'en iray  
 Trouuer les compagnons, & les aduertiray,  
 Auray soin du nauire & de tout l'equipage,  
 Car ie suis seul de nous le plus aduancé d'aage,  
 Les autres sont encor ieunes & florissans  
 Telemaque le fort d'aage ne deuançans,  
 Tous pour l'amour de moy, en aage tous semblables  
 Vont volontairement sur les eaux nauigables.  
 Donc ie coucheray là, & puis dès que le iour  
 (Au chariot de rose) aura faict son retour,  
 Il me faudra donner un peu iusqu'en Cauconne,  
 Quelque argent m'y est deu, la somme est assez bonne  
 Pour ne la mespriser. Quant à toy, ô Nestor,  
 Tu peux d'un de tes fils, & de cheuaux encor  
 Pour uoir ce ieune Prince, & qu'ils soient en vitesse  
 Excellens, & choisis de courage & d'adresse,  
 Puis qu'il t'est venu voir. Pallas ainsi parla,  
 Puis comme une grande aigle en volant s'en alla.  
 Vn estourdissement les suprit admirable,  
 Nestor demeura court, voyant l'emerveillable

Pallas  
 s'esua-  
 nouit  
 de deuant  
 Nestor  
 & Tele-  
 machus

Departir de Pallas. Puis la main saisissant  
Du ieune Vlyssien, dit : ces mots prononçant.

Amy, tu ne seras onc de lasche courage,  
Ny de cœur trop craintif, puis qu'en vn si ieune aage  
Tant fauorablement t'accompagnent les Dieux.

Nestor  
à Tele-  
machus

Et si ce n'est aucun des Olympiques lieux :  
C'est l'heureuse aux butins Pallas Tritonienne,  
Qui deuant tous les Rois de la gent Argicenne  
Au siege d'Ilion à ton pere porta

Vn admirable amour, qui tousiours l'asista :

Et luy firent auoir ses aides secourables

Sur villes & citez maints trophéz honorables,

Inuo-  
que Pal-  
las.

Deesse, ie te pry donne honneurs triomphans,

Et reputation à moy & mes enfans,

Et à ma femme aussi. Sois nous douce & propice,

Et nous t'immollerons vne haute genisse

( Sur ton autel sacré, ) ayant les cornes d'or,

Et que le ioug pesant n'a point domtee encor :

( Que le dur laboureur encores n'a trainee

Dans le motteux gueret, elle t'est ordonnee

Pour victime, ô Pallas, haut elle portera

Le front, & riche d'or sa double corne aura. )

Comme il faisoit ainsi de bon cœur sa priere

La Deesse aux yeux pers l'entendit debonnere :

Puis delaisant la mer & le riuage bas

Il se prit à marcher. Ses fils suiuiroient ses pas

Et ses gendres aussi, & comme ils arriuerent

Au superbe chasteau, les Rois se reposerent

Sur les sieges dressez. Nestor les honora,

Et dans les couppes d'or le doux vin mesura,

Nestor  
mene  
Telema-  
chus au  
chasteau

*Vin qu'une fille avoit (sommelière fidelle)  
Serré depuis unze ans, & maintenant c'est elle  
Qui de la tonne antique ainsi le va tirant,  
Et Nestor le versoit, la Deesse adorant,  
La fille à Iupiter qui le tonnerre élance.*

*Puis ils s'en vont coucher repeuz à suffisance,  
Chacun dedans son lit. Mais le bon Chevalier*

A soin  
du cou-  
cher de  
Telema-  
chus.

*Nestor Gerenien eut en soing singulier  
De faire aller coucher dans un lit magnifique  
Le cher fils d'Ulysse, soubz le sonnant portique  
Sa chambre estoit dressée, (où la fraîcheur du vent  
Alloit sans fin le doux de son soufle esleuant :)  
Pres de luy Pisistrat dormoit, plein de courage,  
Qui n'estoit mis encor au ioug de mariage,*

Nestor  
debout  
des l'au-  
be du  
iour.

*Mais la chambre du Roy sur le haut d'une tour  
Se tiroit hors du bruit, là faisoit son séjour,  
Là prenoit son sommeil le vieillard honorable,  
Aulicé que luy dressoit sa femme venerable.*

*Mais l'aube aux doigts rosins, fille du iour naissant,  
N'eut si tost attelé son coche rougissant  
Que le Gerenien Nestor du lit se iette,  
Sort dehors, & se sied sur une pierre nette,  
Qui pour un siege estoit mise anciennement:  
Deuant le grand portail, polie extremement,  
D'admirable blancheur, de liqueurs reluisante.  
Et de rare onction, plus que resplendissante:  
Iadis s'assit dessus le grand Neleus, pareil  
Aux Olympiques Dieux de cœur & de conseil,  
Mais par la mort dompté, dans l'espaisse tenebre  
Il estoit descendu de l'Erebe funebre.*

O Nestor porte-sceptre Heros brave & puissant, Ses fils  
 Rempart des Grecs, pour lors en estoit iouissant : le vien-  
 Pres duquel de ses fils la brigade leuee nent  
 S'assemblant vistement est soudain arriuee, trouuer  
 Stratus, Echephron, Perseüs, Arctus, avec Te-  
 Le fort Thrasimedes, ausquels Pisistratus lema-  
 Aux armes renommé des enfans le sixiesme chus.  
 En nombre, s'adioignit d'une vitesse extrême,  
 Conduisans avec eux Telemachus, le soing  
 Et le soucy des Dieux. Ausquels Nestor de loing:

Nestor  
 veut sa-  
 crifier à  
 Pallas.

Enfans, ie vous supply executez la chose  
 Que de tout mon desir ores ie vous propose  
 Pour auoir la faueur de Pallas, que ie veux  
 Merendre fauorable entre les autres Dieux,  
 Car elle a bien daigné, manifeste & prospere,  
 Assister au festin que i'ay fait de n'aguere.  
 Or quel'un coure tost par les champs florissans  
 (Où nos troupeaux errans les herbes sont paissans,) Met or-  
 Face que le bouuier une genisse ameine. dre à  
 L'autre haste ses pas à la barque prochaine. tout.  
 Et tous les compagnons appelle vistement  
 Pour s'en venir icy, fors que deux seulement  
 ( Qui demeureront là, & du long darriuage  
 Garderont l'attirail & tout le nauigage.)  
 Qu'un autre aille querir Laërtes le doreur,  
 (Au mestier de Vulcan plein de gloire & d'honneur)  
 Et qu'il se haste, afin qu'il dore & qu'il brunisse  
 Les cornes & le front de la belle genisse.  
 Vous autres donnez ordre au dedans promptement,  
 Faiçtes que le banquet s'apreste vistement.

*Les filles ayent soing que les chambres soient nettes,  
Les liëts soiët bië dressëz, que les tables soiët prestes,  
Que le vin soit tiré, l'eau fraische & nette avec  
Ne nous defaille point, & que le bois soit sec.*

*Ce disant, tout le monde obeit, & la tore  
Viët cependât des chäps, viennent des nef's encore  
Les compagnons du fils du diuin Vlysses.*

*Vient au mesme moment le doreur Laërces,  
Les armes du mestier quant & quant soy apporte,  
Outils d'un si digne art, & la tenaille forte,  
L'enclume & le marteau, desquels il induit l'or  
De faire son vouloir. Pallas y vient encor' •*

Pallas  
assiste  
au sacri-  
fice.

*(Au vœu du Neleïde) & veut estre presente  
Pour iouyr de l'offerte & de l'odeur plaisante.  
Nestor l'or reluisant fournit suffisamment,  
Et l'orfeure enrichit les cornes proprement,  
Pour faire que Pallas regardant la genisse  
En triomphe de ioye, & son cœur resiouysse,*

*Stratie & Echephron la victime menoient*

Descri-  
ption  
du sacri-  
fice.

*Les bras entortillez aux cornes qu'ils tenoient,  
Aretus portoit l'eau fraische, & nette à merueille,  
Dedans un chauderon, & dans une corbeille  
Huille, farine, & sel. Apres qui l'excellent  
Thrasymedes alloit la grand hache esbranlant,  
Pour dessus le sablon roide morte l'estendre.*

*Perseus portoit le vase, auquel il devoit prendre  
Le sang tiede coulant. Quand Nestor le puissant,  
Dompteur des forts cheuaux, les brins du poil naïsât  
Sur le front luy couppa, les brulant pour premice,  
Fit les aspersions du diuin sacrifice,*

Priant beaucoup Pallas. Le vœu parfait ainsi  
 Les fruits sont espanchez, & tout le reste aussi.  
 Et lors Thrasymedes tout prest, bouillant d'enuie,  
 Oste de la genisse & le col & la vie  
 Avec le fer luisant: ses forces à l'instant  
 La quittent, (& à terre elle chet tremblottant.)  
 Filles & brus alors font un cry pitoyable,  
 Et Euridice aussi la Reyne venerable,  
 Qui fut iointe à Nestor d'un bien-heureux hymen,  
 Et la plus vieille d'ans des filles de Clymen.  
 Eux doncques la tenans ferme dessus l'arene  
 Le grand Pisistratus des hommes capitaine,  
 (Pres de l'autel sacré) l'égorgeant l'immoloit,  
 Et le sang noir espais des veines découloit:  
 L'esprit quitte les os, & la chaleur les laisse.  
 Or en grand diligence un chacun la depeffe,  
 Detranche les cuissots, les partissent tout creus  
 En deux parts, vont iettant force gresse dessus,  
 Et puis les vont grillans. Le vieillard s'en approche,  
 Et verse le vin noir, on void tourner la broche  
 Par ordre, & à cinq rangs, que les ieunes tenoient,  
 (Et tant que tout fust cuit sur le feu la menoient.)  
 Les cuissots estans cuits, des entrailles tastèrent,  
 Le reste de la tore apres ils apprestèrent,  
 Le mirent par morceaux, & puis le rembrochans  
 Ils le vont derechef à la flamme approchans,  
 Et rotissans tenoient en main le pointu haste  
 Pour le faire bien cuire. Adoncques Polycaste  
 La moins aagée d'ans des filles de Nestor  
 Excellente en beauté, (non mariée encor.

Polycaste  
 fille  
 de Ne-  
 stor  
 mene  
 Telema-  
 chus au  
 baing.



Lave Telemachus en eau délicate,  
 Et l'oint, lavé qu'il est, de liqueur précieuse,  
 Puis iette dessus luy vestement précieux.  
 Lors il sort hors du bain, semblable à l'un des Dieux  
 (De corps, de maïesté, de maitien, & de face,) *&*  
 Puis auprès de Nestor, s'en vient prendre sa place,  
 Lors on couvre la table, & pour le saint banquet  
 Vn chacun prend sa place, & sur les bancs se met,  
 Et les forts compagnons à l'entour de la table  
 Servent à qui a soif le bon vin delectable.

Nestor - Mais quand la soif finit & l'appetit cessa  
 preste Nestor ouvrant la bouche à ses fils s'adressa.  
 ses che- Mes chers enfans dit-il, qu'au carrosse on attelle  
 uaux à Vistement les cheuaux, dont la criniere belle  
 Telemachus. Sur le col va battant, à fin de desloger  
 Et porter Telemach, d'un pied viste & léger.

Ils obeissent prompts, courent en diligence  
 Lier au chariot (doré par excellence)  
 Les cheuaux pieds de vent, & la servante apres.  
 Leur fournit largement & Bacchus & Ceres,  
 Force fruiçts saoureux, & viures delectables  
 Que l'on appreste aux Rois, & qu'on met sur leurs ta-

Telemachus & Pisistratus fils de Nestor. L'heritier d'Ulysses saute disposément (bles.  
 Sur le carrosse haut, si faïst semblablement  
 Le gentil Pisistrat' pour luy servir de guide,  
 Il foïette les cheuaux & leur baille la bride:  
 Les roussins pieds de vent de ces deux excitez  
 S'allongent sur le champ, volent precipitez,  
 Le léger chariot par leur prompte carriere  
 Tourne d'un viste effort, laisse Pyle derriere,

Pyle cité penible, & son tournoyant tour  
 Exerce, estant porté tant que dure le iour,  
 Et tant qu'il dure encor les rousins n'ont relasche  
 De branler le collier. Sa iournaliere tasche.  
 Ia Titan acheuoit, & les ombres cachoient  
 Presque tous les chemins, ainsi qu'ils approchoient  
 Pheres, & ta maison Diocles, qui te treuve  
 Issu d'Ortilochus, sorty d'Alphe, Dieu-fleuve.  
 Là leur couchée ils font, apres s'estre repeus  
 Des dons de Diocles, qui les a bien receus.

Mais si tost qu'il fut iour, quand l'aube matiniere  
 Apparoissant au Ciel eut rendu la lumiere,  
 Ils reprennent le coche & font le foïet sonner,  
 Retouchent les cheuaux, hastez de leur donner  
 Les resnes & la main, le chemin ils reprennent,  
 Et les rousins courans tout le iour les amenant  
 Dans les champs porte-fruiets, & puis finalement  
 Ils parfont leur chemin : tant courageusement  
 Galopoient ces cheuaux. Et tant fort on les touche.  
 Cependant le Soleil dans les ondes se couche,  
 Sur les larges chemins on void s'obscurcir l'air,  
 Et des costaux hautains les ombres deualler.

Fin du troisieme Liure.



# LE QVATRIESME

## LIVRE DE L'ODYSSEE

D'HOMERE.

### ARGVMENT.

**T**elemachus & Pisistratus arriuent chez Menelaüs, auquel Telemachus raconte le desordre que les poursuiuans faisoient en Ithaque, & Menelaüs à luy le retour des Grecs, de Troye, & la Prophetie de Protheus Dieu marin, par laquelle il sceut la mort d'Agamemnon, & entendit comme Vlysses estoit en l'Isle de Calypso. Les poursuiuans tiennent conseil, pour faire mourir Telemachus. Pallas apparoit en songe à Penelopé, & la console de la tristesse qu'elle auoit du depart de son fils.

### AUTRE SOMMAIRE.

*A Sparte le surplus d'Vlysses il entend,  
Antinoüs sur mer pour le tuer l'attend,*

Telemachus & Pisistratus arriuent deuers Menelaüs.

**E**s Princes dedans Sparte ample & grande arriuerent,  
Et chez Menelaüs plein de gloire aborderet,  
Qu'ils trouuerent pour lors dedans son palais grand

D'une fille & d'un fils les nopces celebrant  
 En bonne compagnie. Il enuoyoit la fille,  
 Au magnanime fils du genereux Achille  
 Dès Troye à luy promise, & lors les puissans Dieux  
 Paracheuoient l'effet de l'Hymene ioyeux,  
 Il la luy enuoyoit pour parfaire les nopces,  
 Avec force cheuaux & force beaux carrosses,  
 Aux champs des Mirmidons, où pour lors il regnoit,  
 (Et d'Achille heritier les peuples gouuernoit.)

Le trou  
 uët fai-  
 sant des  
 maria-  
 ges.

A son fils d'autre-part pour espouse on ameine  
 Vne fille de Sparte en beauté souueraine,  
 La fille d'Aleëtor, & ce fils auoit nom  
 Megapenthé, vaillant, ( & plein de grand renom.)  
 Au temps de sa vieillesse & grisonne & derniere  
 Cct enfant luy estoit né d'une chambriere.  
 Car les Dieux (qui au ciel habitent triomphans)  
 Ne permirent qu' Helene eust de luy plus d'enfans  
 Depuis l'heure & le iour qu'elle auoit mise au monde  
 Hermione l'aymable, à Venus non seconde  
 En beauté singuliere, & qui eust emporté  
 Fort aisément le prix de grace & de beauté.  
 Ainsi donc banquettoient & se traitoient à table  
 Les amis & voisins d'Atride l'honorable  
 En grande esiouissance. Et l'excellence estoit  
 Au chantre qui diuin au milieu d'eux chantoit  
 Et jouïoit de son luth. Deux sauteurs, (à la dance  
 Experts & bien appris) par l'art de la cadance  
 Encommencent le chant, & tournans & sautans,  
 Force belles chansons à l'enuy vont chantans.  
 D'Ulysse & de Nestor la race braue & forte

Arresterent leur char à la premiere porte,  
 Et furent apperceus du gentil Eteon  
 Seruiteur domestique d'Atride au grand renom,  
 Et fidele & soigneux, qui promptement s'aduança,  
 Les nouvelles en veut porter en diligence :  
 Et le Pasteur du peuple ainsi vient accoster.

Eteon  
 annōce  
 à Mene-  
 laüs leur  
 arriuee.

Puissant Menelaüs, nourry de Iupiter,  
 Deux estrangers sont là dans un carrosse ensemble  
 Arrestez à la porte : & si, comme il me semble,  
 Ils sont de fort bon lieu, dignes d'estre tenus  
 Enfans de Iupiter, on les diroit venus  
 De la race des Dieux. Te plaist-il qu'on délie  
 Leurs cheuaux du carrosse? Ou veux-tu qu'on leur die  
 De prendre ailleurs chemin ; & chercher doucement  
 Logis où on les aime? Auquel amerement

Mene-  
 laüs tan-  
 se Eteon

Le Roy dit indigné : Cy-deuant Eteone  
 Enfant de Boëthes, il n'y auoit personne  
 Ne si prudent que toy, ne si civilisé,  
 Mais or comme un enfant tu es mal aduise.  
 J'ay mangé cy-deuant j'ay vescu à la table  
 Des estrangers, errant par terre habitable  
 Jusqu'à ce que ie fois arriué en ce lieu,  
 ( Sans naufrage & malheur ) si le plaisir de Dieu  
 ( Soubz qui le monde entier fléchit & obtempere, )  
 Veut que ce soit icy la fin de ma misere.

Luy cō-  
 mande  
 de les  
 faire en-  
 trer.  
 Il y va  
 luy mes-  
 me.

Va, cours, détache & char & cheuaux pieds legers,  
 Ameine, fais entrer ces Princes estrangers,  
 Pour faire bonne chere. Il se leue luy-mesme,  
 S'encourt au deuant d'eux en diligence extrême,  
 Commande qu'on le suie. On oste les cheuaux

Vistement du carrosse, & l'eau comme à ruisseaux  
 Leur chet de tous costez, la sueur les consume,  
 L'encouleure & les flancs sont tous couuerts d'écume.  
 On les meine à l'estable, on leur donne à manger  
 Orge blanc & auoine, apres on va loger  
 Le peinturé carrosse au dedans de la porte  
 A l'endroit le plus clair de la muraille forte,  
 Les deux Princes apres estre conduits dedans  
 Demeurent tous ravis, admirent regardans  
 L'apparence Royale & l'art & la structure  
 Du grand palais du Roy, de Iupin nourriture.  
 Telle que du Soleil est la nette clarté  
 Et de sa sœur, semblable en claire netteté  
 Del' Atride luysoit la maison venerable,  
 A part soy chasque chose ils trouuent admirable,  
 Et vont tous regardans. Quant ils eurent leurs yeux  
 Soulevez de contempler ce palais precieux  
 Et la riche maison de l' Atride leur hôte,  
 Pour les faire lauer gentiment on leur oste  
 Leurs beaux accoustremens, ils entrent dans le bain  
 Et les filles apres les lauent de leur main,  
 Les oignent de liqueurs plus que delicieuses,  
 Puis leur iettent dessus les robes precieuses.

Les Prin  
 ces in-  
 troduit.

Quand ils sont retournez grād hōneur leur est fait,  
 Sont assis pres du Roy, (contemplant à souhait  
 Sa cour & sa maison.) La fille bien apprise  
 Leur presente à lauer, une aiguiere elle a prise  
 D'or entier & massif, & son bras net & gent  
 Verse Thetis, qui chet dans vn bassin d'argent.  
 Puis par la sala dresse excellenment les tables,

Leur  
 fait grād  
 hōneur.

Vne autre de Ceres les presens profitables  
 Porte dans un panier: car la charge elle auoit  
 De faire la despence, & les tables deuoit  
 Charger & de bons metz, & de force delices.  
 Le cuisinier apres ordonnoit les seruices,  
 Les grands plats portoit pleins de tous viures chargez  
 Qui sont premierement sur les tables rangez,  
 Puis on verse le vin plaisant & delectable  
 Dans des grāds couppes d'or. Lors du haut de la table  
 Le Roy Menelaüs d'un visage gaillard  
 Dit au fils genereux du Pylien vieillard,  
 Et à Telemachus: Rejouissez-vous ores,  
 Prenez-en gré ce pain & ces viures encores:  
 Puis quand aurez repeu, d'un propos gracieux  
 Nous vous demanderons vos noms, & de quels lieux  
 Vous pouuez estre issus: la souche n'est pas morte  
 Dont vous estes sortis, & de la race forte  
 Des Rois vous procedez, & des Princes sceptrez:  
 Car tels peres couiards ne vous ont engendrez,  
 Apres qu'il eut parlé, il prend de sa fourchette  
 Le gras filet d'un bœuf, le met sur leur assiette  
 De façon gracieuse: & bien qu'un present tel  
 Luy auoit esté fait par honneur solennel,  
 Il les en veut orner, & eux dessus se iettent,  
 Les mains dedans les plats les plus proches d'eux met-  
 Puis quand la soif finit & l'appetit cessa, (tent,  
 Telemachus au fils de Nestor s'adressa,  
 Et se baissant vers luy, luy dit bas à l'oreille  
 De peur qu'on ne l'oüist: Nestoride à merueille  
 Agreable à mon cœur, (des Pyliens l'honneur,)

Mene-  
 laüs aux  
 Princes

Telema-  
 ch° par-  
 le bas à  
 Pisistra-  
 tus.

Regarde ie te pry l'admirable splendeur  
 De ce riche palais, comme en or il abonde,  
 En argent, en yuoire, (autant qu'autre du monde,)  
 En ambre preticux. Les manifestes lieux  
 Où le grand Iupiter, où les celestes Dieux  
 Sur l'Olympe estoillé habitent venerables,  
 Si ie ne suis trompé, sont à cecy semblables:  
 Par ainsi regardant ceste perfection  
 Je ne puis que ie n'entre en admiration.

Menelaüs l'ouyt, & en ceste maniere  
 Leur parla doucement: Race des Rois tres-chere,  
 Certes nul des mortels n'oseroit contester  
 En biens, avec le Roy tres-puissant Iupiter.  
 Car de Iupiter est la maison eternelle,  
 Eternels les palais: sa richesse immortelle,  
 Et qui n'a point de fin. Des hommes, qui pourra,  
 Ou qui ne pourra pas à moy s'esgallera,  
 (En splendide maison, en richesse, en cheuance,  
 En or ou en argent, ou en autre abondance.)  
 J'ay merueilleusement paty dessus les eaux,  
 Par maint & maint danger ont passé mes vaisseaux,  
 J'ay esté tourmenté sur la terre & les ondes,  
 Errant deçà delà sur les vagues profondes.  
 En fin au huiëtiesme an, nous sommes paruenus  
 En Cypre renommee, (où s'adore Venus,)  
 Puis nous fusmes portez insques dans la contree  
 De Phenicie, apres nostre nef fut encree  
 Errante çà & là par le pays fertile  
 Que de ses grasses eaux arrose le grand Nil.  
 Nous passasmes Sidon, & puis l'Aethiopie,

Menelaüs  
 l'ouyt, &  
 luy re-  
 spond.

Luy nar-  
 re ses  
 erreurs.



*Les Erembes apres, & vinsmes en Libye:*

*(Par estranges pays errans & tracassans.)*

*C'est en ceste Libye, où les agneaux naissant*

*Portent cornes au front, la brebis camusette*

*Porte là trois fois l'an, là n'ont nulle disette:*

*Le Roy n'y le berger de fromage, de laiët,*

*Ny de chairs, (ce pays donne tout à souhait:)*

*Pays riche: abondant sur tous autres du monde,*

*Où tout le long de l'an le laiët coule & abonde.*

*Helas! ce tempendant que i erre & que ie cours*

*Par ces estranges lieux, y amassent tousiours*

*Richesses en grand nombre, on massacre mon frere,*

*On luy passe en traison luy donnant mort amere*

*Vn glaive dans le cœur, ( ainsi qu'il reuenoit*

*Victorieux de Troye, & chez luy retournoit, )*

*A l'impourueu, le tout par la cautelle infame,*

*Et par la trahison de sa meschante femme*

*Entre tant de thresors ie regne voirement,*

*Mais mon frere estant mort, ce n'est que tristement.*

*Si vos peres vous ont ces choses racontees,*

*Quels qu'ils soient, & de vus ont esté écoutées,*

*Vous verrez combien i ay receu d'affliction,*

*Comme est cheute en ruine & en perdition*

*Ceste mienne maison, autresfois tant heureuse,*

*En richesse & en or jadis tant plantureuse,*

*Et où ie demourois en grand prosperité.*

*Pleust aux Dieux que de tant il ne m'en fust resté*

*Que la tierce partie, & que les bons gendarmes*

*Qui à Troye sont morts soubz la fureur des armes,*

*Et qu'a pris le destin rigoureux & fatal,*

*Helas! si loing d'Argos leur cher pays natal,  
 Fussent vivans encor, mais durant ma tristesse  
 Pour pleurer leur malheur ie m'oste de la presse  
 Et me retire seul, & comblé de douleurs  
 J'arrose pour eux tous mon visage de pleurs.  
 Et certes quelquesfois ie tasche à me complaire  
 En mes pleurs & regrets & ne m'en veux distraire:  
 Et quelquesfois mon pleur se finit arresté.  
 „ Car combien que pleurer soit quelque volupté  
 „ Toutesfois elle est courte, & bien tost on se soule  
 „ Del'ennuy triste & noir qui vistemment s'écoule.*

Sur tous  
 les grecs  
 Men la  
 regrette  
 Vlyses.

*I'estens en general mes plaintes & mes regrets  
 Sur tous les Argiens, sur tous les Princes Grecs,  
 Mais principalement ie respans ma tristesse  
 Sur un dont entre tous ie regrette sans cesse  
 L'absence & le malheur. Je pers entierement  
 Le dormir, le manger, (tant ie l'ayme ardemment,)  
 A son seul souvenir. Je n'excepte personne  
 Qui ayt tant esprouvé la fortune felonnie  
 D'entre les Princes Grecs, & qui ayt tant esté,  
 Tenté par le destin, par le mal agité,  
 Qu'Ulysses le divin, qui par tant de trauerses  
 Constant a soustenu les fortunes diuerses.  
 Mais son malheur un iour possible cessera,  
 Et de luy faire ennuy le sort se lassera  
 Mais moy ie n'auray rien que tristesse eternelle,  
 Et mon affliction durera perennelle  
 Pour luy, d'autant qu'il est absent trop longuement.  
 Encores ne sçait on s'il vit certainement,  
 Ou s'il est allé voir la region deserte.*

*A son occasion le bon vieillard Laërte  
 Lamente incessamment, ( le sceptte mesprisant  
 Qui va donnant les loix , qui va tout maistrisant , )  
 Sa chere Penelope & pudique & discrete  
 Femme de grand conseil de mesme le regrette,  
 Et d'un pere si grand Telemaque sorty  
 Qu'autrefois il laissa , depuis qu'il fut party*

Telemachus au  
 recit de  
 son pere  
 reiette  
 des lar-  
 mes.  
*De sa douce maison. A ces tristes paroles  
 Il esment de l'enfant les affections molles,  
 L'amour & le desir : il le fit souuenir  
 De son pere tres-cher, & ne se peut tenir  
 A ce nom precieux, nom remplly d'efficace,  
 D'emplir son cœur de deuil & de larmes sa face.  
 Où soudain il porta la main & le mouchoir:  
 Car on voyoit ses pleurs à grosses gouttes choir.*

Mene-  
 laüs l'a-  
 perçoit.  
*Menelaüs les vid, & songeoit en luy mesme  
 S'il l'interrogeroit, plein de desir extrême,  
 Ou s'il le laisseroit de son pere enquerir.*

Helene  
 vient  
 trouuer  
 Mene-  
 laüs &  
 les Prin-  
 ces.  
*Ainsi que dans son cœur il est à discourir,  
 Voicy venir vers eux Helene l'admirable  
 En beauté, qui sortoit de sa chambre semblable  
 A Diane, marchant à la chasse, & encor  
 Portant sa trouffe à dos pleine de flesches d'or.  
 Son musc embaumoit tout. La bien apprise Adraste  
 ( Suivant ses pas diuins ) soudainement se haste  
 Pour son siege apprester: les doux tapis portoit  
 La gentille Alcippé, puis se diligentoit  
 La tres-belle Phylo pour son mestier luy tendre  
 ( Où ses fuseaux & laine estoient ) present d'Alcan-  
 Femme de Polybus, qui Thebes habitoit (dre*

*Thebes Aegyptiaque, opulent il estoit*  
*Riche & rempli de biens : A son mary naguieres*  
*Il fit de beaux presents, luy donna deux aiguieres*  
*D'argent, & deux trepieds, & puis dix talents d'or.*  
*Sa femme fit à part force beaux dons encor*  
*A Helene, luy fit un present honorable*  
*D'une quenouïlle d'or & riche & admirable,*  
*Et d'un mestier d'argent, dont les bords precieux*  
*Estoiēt tous garnis d'or. La pucelle (aux beaux yeux)*  
*Phylo luy apportoit, & pres d'elle a posée*  
*Pleine d'excellent fil la Royale fusée:*  
*De la quenouïlle autour la laine s'estendoit,*  
*Dont la couleur de prix un beau lustre rendoit.*

*La Reyne en une chaire alors sa place a prise*  
*On mit un escabeau soubz ses pieds : puis assise*  
*Se prit à demander & dire à son espoux.*  
*O Roy Menelaüs, ie te pry, sçauons nous*  
*Qui sont ces deux seigneurs qui sont venus descendre*  
*Et qui ont bien daigné ceans leur logis prendre?*  
*Diray-je tout cela que i'en ay sur le cœur,*  
*Ou puis-je prononcer propos vain & menteur?*  
*Le cœur me dit pourtant presage veritable,*  
*Que ie n'ay iamais veu personne si semblable*  
*De visage & de corps l'un à l'autre fust-il*  
*Homme ou femme, en regard excellent & gentil,*  
*(En le considerant toute ie m'esmerueille,*  
*Sa gaye venusté, sa beauté n'ompareille)*  
*Que cestui-cy rapporte au fils entierement*  
*D'Ulysses, qu'il laissa lors que premierement*  
*Il partit de chez luy, que les Grecs s'embarquerent,*

Helene  
 enquert  
 Menelaüs  
 de  
 ses  
 hostes.

Et la guerre cruelle à Pergame porterent  
 Pour moy malencontreuse. A laquelle respond  
 Sans la faire tarder Menelaüs le blond.

Menelaüs à Hécube.  
 Ma femme, mon aduis est au vostre semblable,  
 C'est Vlysses tout fait, son visage admirable  
 Tel estoit, sa main telle, & ses yeux radieux,  
 Et ses pieds, & sa teste, & ses crespuz cheueux  
 Sur le haut de son front. Ayant de luy memoire,  
 Ie parlois tout-asteure (& de sa vaine gloire  
 Et de sa grand' vertu :) & pour l'amour de moy  
 Combien il a souffert de tristesse & d'esmoy.  
 Ce qu'oyant ce Seigneur, il arrose, il humecte  
 Son visage de pleurs qu'en abondance il iette,  
 Et que de son mouchoir il cache tant qu'il peut

Pisistratus à Menelaüs & luy dit qui est Telemachus.  
 Adonc Pisistratus au Roy dire ainsi veut:  
 Fils d'Atreus, nourrisson de Iupiter, qui guides  
 Les peuples habitans es plaines Achæides  
 Soubz ton sceptre puissant, tout ainsi que tu dis  
 Cestui-cy que tu vois est d'Vlysse le fils,  
 Mais prudent & discret il n'ose te semondre,  
 Et se vantant par trop te presser de respondre,  
 De crainte d'estaller rien de futile, à toy  
 Qui es de tous les Rois le plus excellent Roy.  
 Car le plaisir qu'on prend à tes propos honnestes,  
 Est comme le plaisir qu'on prend aux Dieux celestes.

Or le vieillard Nestor, des cheuaux curieux  
 M'a fait son compagnon pour venir en ces lieux.  
 Telemachus bruloit d'ardeur inestimable  
 D'auoir ta cognoissance, (espris de l'admirable  
 Douceur de ton renom :) plein d'ennuy nompareil

Je ie te prie en son mal de luy donner conseil,  
 O Roy Menelaiüs, le consoler, & telles  
 Que les as d'Ulysses luy dire des nouvelles,  
 Il est fort affligé, denué tout à plat  
 D'hommes pour conseruer sa maison, son estat,  
 Son regne paternel : son deplorable pere  
 ( Tempesté sur les eaux en grand peine & misere, )  
 Mesmes pour luy perdu : nul n'est que de chez luy  
 Tasche de dénicher une peste, un ennuy  
 Et calamité grande. Adonc le redoutable  
 Atride, le couppant : ô que i ay à ma table  
 Le fils d'un grand amy, qui pour l'amour de moy  
 A suby maints dangers & porté maint esmoy.  
 Je m'estois resolu l'aymer d'amour suprême  
 Sur tous les autres Grecs, si Iupiter extrême  
 Nous donnoit de nous voir ensemble de retour  
 En nos champs patriaux, iouir de l'heureux iour  
 De reuoir nos foyers & nos Dieux tutelaires,  
 Portez dans nos vaisseaux sur les ondes legeres.  
 Je luy eusse donné place dedans Argos,  
 Je luy eusse basti maison pour son repos,  
 Et faisant apporter ses richesses d'Ithaque.  
 Auecques tout son peuple, & son fils Telemaque  
 Je luy eusse choisi une cité à part  
 Dont i eusse les bourgeois enuoyez autre part  
 Entre celles qui sont de mon obeïssance.  
 Là conioints & meslez d'eternelle alliance  
 Pleins de ioye & plaisirs, eussions ensemblement  
 Acheué nostre vie & nos iours doucement.  
 Si fermement liez rien que la mort obscure

Menelaüs  
 grande-  
 mét aye  
 de voir  
 Telemachus.

Ne nous eust separez. Mais c'est parauanture  
 Que quelque Dieu jaloux, & sur nous enuieux  
 Nous a tramé cecy l'esloignant de ces lieux  
 Empeschant son retour dedans sa maison chere  
 Et le retenant seul battu de la misere

La sou- L'Atride dit ainsi: aux autres les douleurs  
 uenâce Du regret qu'ils portoient ramenerent les pleurs.  
 d'Viy- La fille à Iupiter Helen e l'Argolide  
 ses leur Le pleura tendrement, si fit le blond Atride:  
 fait iet-  
 ter des  
 larmes. Telemachus sur tous le pleuroit, & encor  
 Le vaillant Pisistrat fils du vieillard Nestor.

Pisistra- Car au cœur luy reuint la douce souuenance  
 tus se D'Antiochus son frere, en armes, en vaillance  
 souuiét  
 d'An- Excellent & parfaict. Memnon mourir le fit,  
 tiochus Memnon fils de l'Aurore, au combat le deffit.  
 eue par  
 Ménon Donc il s'adresse à luy de parole semblable.  
 deuant Fils d'Atreus, luy dit-il, le vieillard honorable  
 Troye. Nestor parlant de toy t'exaltoit bien souuent  
 Et telouiant, disoit, que tu marchois deuant  
 Tous hommes en prudence & vertu non petite.

Si que memoratifs de ton digne merite  
 Force discours diuers de toy nous commencions  
 Et ta grande vertu iusqu'au ciel nous poussions.  
 Or permets moy cecy s'il te plaist de me croire,  
 Iamais apres soupper, rarement apres boire,

dit qu'il On me voit delecter au regret ny au pleur,  
 n'ayme I'ay, ayant bien repeu les larmes en horreur.  
 pas à  
 pleurer Mais demain, quand viendra la matiniere Aurore  
 apres le Je n'auray nul regret de repleurer encore  
 repas. Quiconque des mortels aura passé le pas

Souz le destin cruel, proye du fier trespas,  
 Donner a leur honneur & à leur souvenance  
 Regrets en quantité, & pleurs en abondance.  
 Car c'est le seul devoir des pauvres malheureux  
 Que de pleurer leur mort, s'arracher les cheveux,  
 De ietter une mer de larmes distillantes,  
 Et de leurs yeux verser des rivières coulantes.  
 J'ay perdu un mien frere, & lequel n'estoit pas  
 Le moins fameux des Grecs, brave & fort aux combats  
 Et que tu cognoissois, ô grand Roy, ( que ie pense )  
 Je n'ay de l'avoir veu aucune souvenance :  
 Mais on tiét qu'Antiloque, autresfois frapport droit,  
 Entre tous combattans, qu'il estoit fort adroit  
 ( A manier chevaux ) prompts aux soudains alarmes,  
 De pied viste & léger & vaillant homme aux armes.

Auquel Menelaüs blond merueilleusement :

Certes mon grand amy tu parles prudemment  
 Autant que pourroit faire un, dont l'experience  
 Auroit rendu les ans accomplis en prudence,  
 Mesmes plus vieil que toy : comme si tu estois  
 Le fils d'un pere, auquel Iupiter autresfois  
 Auroit donné honneur, & prudence, & richesse  
 Dés sa tendre naissance, & depuis sa jeunesse  
 Jusqu'à son mariage : ainsi qu'il a fait or  
 A ton pere prudent le bon vieillard Nestor,  
 Qui vit heureusement, à qui longues années  
 Pleines de tout bon-heur ont esté ordonnées  
 Sans traverses ne mal, que l'heur par tant de temps  
 N'a point abandonné, qui passe ses vieux ans  
 En sa douce maison, voyant pleins de prudence



*Ses enfans en bon nombre & doieZ de vaillance.*

Mene-  
laüs  
inuite  
ses ho-  
stes à  
faire bô-  
ne che-  
re.

*Mais faisons bonne chere & beuons. C'est assez*

*Lamenté nos trauaux & nos malheurs passez;*

*Qu'on nous dône à manger, & qu'on apporte encore*

*À lauer. Et demain au leuer de l'Aurore*

*Dés qu'elle aura monstre son rayonnant charroy*

*Nous parlerons assez Telemachus & moy,*

*Et nous demanderons à l'enuy des nouuelles.*

*Il acheuoit de dire, & deffus les mains belles*

• *Asphalion versa l'eau fresche: or estoit il*

*Page du Roy, discret, seruiable & gentil,*

*(Et sur tous bien appris.) Les Princes alors prennêt*

*Leur repas à souhait, & ioyeux s'entretiennent*

*De bons viures exquis. La fille à Iupiter*

*Helene s'auisa lors de leur apprester*

Le breu-  
uage  
d'Hele-  
ne, pour  
faire ou-  
blier le  
soucy.

*Vn breuueage excellent. Doncques elle distille*

*La riche infusion, la potion gentille*

*Qui peut faire oublier & l'ire & le courroux,*

*Et le mal qui pourroit estre tombé sur nous:*

*Si quelqu'un en a beu, de toute la iournee*

*Ne fera nulle larme en ses yeux promenee.*

*Non quand le fier trespas son pere rauiroit,*

*Non quand la dure mort sa mere enleueroit,*

*Non pas quand il verroit la terre au sang trempée*

*De son fils, de son frere, estendus par l'espee*

*De son fier ennemy. La Tyndaride ainsi*

*Auec elle portoit ce charme oste-soucy.*

*La Reyne Polydamne experte en medecine,*

L'Ægy-  
pte fer-  
uile. *Esponse du Roy Thon, qui vers le Nil domine*

*Luy en fit vn present, Le champ Egyptien*

Fertile, portoit lors au Roy Pelusien  
 Force simples diuers, dont les vns en partie  
 Seruent de bon remede à mainte maladie,  
 Les autres plus mauuais ont le suc venimeux:  
 De ce pays fertile le peuple est fort fameux  
 De sçauoir les vertus des simples & racines,  
 Et de les preparer en bonnes medecines  
 Aussi bien que Peon, duquel ils sont venus,  
 Et fort bons medecins d'un chacun sont tenus.



Comme la Reyne eut donc secretement faict signe,  
 Qu'on meslast dans le vin la mixtion insigne,  
 Et qu'on versast à boire, elle parla ainsi.

Atride, entre les Rois excellent, vous aussi  
 Fils de Prince gentils & branches genereuses,  
 Dieu mesle bien souuent les fortunes heureuses  
 Avec le malheur, l'amer avec le doux,  
 Car son pouuoir puissant s'estend dessus nous tous,  
 De tous & maistre & Roy. Or faictes bonne chere  
 Et vous resouïssez. Choses qui peuvent plaire  
 Je vous veux raconter: ie ne vous diray pas  
 Tous les faits hazardoux, les exploits, les combats  
 D'Ulysse (sur lequel mal & douleur redonde.)  
 Et patient autant que nul homme du monde.  
 Car ie ne pourrois pas de tout me souuenir.

Hel-né  
 à Mené-  
 laüs &  
 aux Prin-  
 ces ses  
 hostes.

Vn acte maintenant seul me vient de venir  
 En memoire, duquel ie vous diray l'histoire:  
 Et qui aduint à Troye, où l'heur de la victoire  
 Fut si long temps douteux: où tant auez pati  
 Pauvre Princes de Grece, où tant auez senti  
 De trauersé & de mal. Là, (pour faire un service

Elle ra-  
 conte vn  
 acte d'U-  
 lysse du-  
 rant le  
 siege de  
 Troye.

Signalé aux Gregeois) l'inimitable Vlysse  
 Se blessa, s'escorcha la face estrangement.  
 Se couvrit de haillons rompus entierement :  
 Entra dedans la ville, & se rendit semblable  
 D'habits, d'accoustrements, du tout comparable  
 A un pauvre valet, nul quaymand, nul facquin  
 Par la flotte n'estoit si gueux ne si coquin,  
 En ce bel equipage il entra dans la ville  
 Et nul ne le cognut tant il estoit habile,  
 Moy seule l'apperceus, comme ie l'appellois  
 Il ne respondoit point, & fuyoit de ma voix,  
 Plein d'astuce, à la fin (ce bon Prince d'esclau  
 Se fia sur ma foy) ie le reçoys, le laue,  
 Je soins, ie mets sur luy un bon accoustrement,  
 Et luy iure & promets sur mon plus grand serment  
 De ne le decouvrir, ne dire son entree  
 Aux Troyens, que plustost ie ne fusse assuree  
 Qu'il eust atteint le camp en toute seureté,  
 Qu'il ne fust dans les naus venu à sauueté :  
 Lors il me decouvrit le secret de la Grece  
 L'entreprise des Rois, & toute sa finesse.  
 Quand il eust fait son cas, il mit Troyens à mort,  
 A ses gens retourna victorieux & fort,  
 Remportant en sa tente & honneur & loüange  
 D'homme plein de valeur & de finesse estrange.  
 Mais au dedans des murs les Troyennes pleuroient,  
 Et tristes sur leurs morts leurs cheueux déchiroient.  
 Seule i'eus du plaisir, (en ma resioüissance  
 Tenant ce tempendant tres-bonne contenance.)  
 Car i'estois reuenüe à moy, & me bruloit

L'amour de ma patrie, & mon espoir alloit  
 Tousiours en augmentant, de recouurer la ioye  
 D'un bien heureux retour, & de laisser là Troye.  
 Je souspirois souuent du profond de mon cœur,  
 Et pleurant regrettois mon desastré mal-heur:  
 Je me rememorois ma renommee ostee,  
 Et la honte où Venus m'auoit precipitee,  
 Quand hors de mon país elle fit m'enleuer  
 D'entre mes chers parens, & me voulut priuer  
 De reputation, en defraudant ma fille,  
 Delaisant mon mary, mon lit & ma famille,  
 N'ayant faite de biens, de beauté, ny d'esprit.

Lors le blond fils d'Atreus à dire ainsi se prit.  
 Tu as bien dit de vray femme (agreable & belle)  
 I'en ay cogneu beaucoup dont estoit la ceruelle  
 Bien faicte, & qui n'auoient faite d'entendement,  
 I'ay veu force país, & curieusement  
 Frequenté force gens, mais ie n'ay veu personne  
 D'esprit si delié, de ceruelle si bonne  
 Comme estoit Vlysses. Le bel acte qu'il fit  
 Estant dans le cheual qui Troye en fin deffit,  
 ( Qui basti de forts aiz de foux, de chesne & d'orme  
 Haussoit deuant ses murs son apparence enorme.)  
 Nous fusmes là dedans tous Princes enfermez  
 Des plus braues du camp, en embuscade armez  
 Portans par artifice à Troye miserable  
 Calamité, ruyne, & mort irreparable.  
 Quand tu vins prés de nous soit incitee, ou non  
 Des Dieux ou du destin, ie ne sçay quel démon  
 T'auoit conduite là, mais au grand aduantage

Mene-  
 laüs à  
 helene.

Racon-  
 te vn au-  
 tre acte  
 d'Vlysses,  
 estât  
 dans le  
 cheual  
 de  
 Troye.

Des Troyens cependant, & non pour leur dommage,  
Le fameux Deïphobe avec toy lors alloit  
Qui les Dieux en vertu & prudence égalloit,  
T'accompagnant pour voir la machine effroyable.  
Par trois fois à l'entour de la beste admirable  
Tu tournas regardant, touchas le frauduleux  
Qui traïsire nous cachoit és antres cauerneux,  
Appellant par leur nom tous les Gregeois gendarmes  
Qui deuant Troye auoit bien fait & aller les armes,  
Et des femmes des Grecs contrefaisant la voix,  
( Comme celles de ceux qui estoient dans le bois,  
Dont ils pouuoient auoir cognoissance notice )  
Diomedes & moy, & le diuin Vlysse  
Armez estions dedans, ouysmes clairement  
Comme tu appellois, desirions ardemment  
Plustost sauter dehors de ces prisons obscures,  
Que du fonds recullé des entrailles tres-dures  
T'oüir encor vn coup. Arrestez à cela  
Vlysses nous retint sagement, & voila  
Que tous les Grecs fort bien garderent le silence  
Mais du seul Anticlus telle fut l'imprudence  
Qu'il vouloit sermonner. Vlysses l'arresta  
Sur les léures sa main vistement luy porta  
Et luy ferma la bouche. Ainsi sa grand sagesse  
Garantit du danger la force de la Grece.  
Quand pour vn peu de temps sa voix il destourna,  
Tant que hors du cheual Pallas te remmena.  
Quand il eut acheué, le prudent Vlyside  
Se prit à dire ainsi: ô genereux Atride,  
C'est vn mal-heur bien grand, que mon pere si fort

Ne s'est pour tout cela racheté de la mort.  
 Non pas quand tout de fer eust esté son courage.  
 Mais c'est assez parlé fils d'Atreus grand & sage  
 Permetts que nous allons reposer maintenant.

A ses filles alors la Reyne incontinent  
 Commande d'aprester la chambre, & qu'on les mette  
 Reposer doucement sur la plume mollete,  
 Dresser les lits dorez, & ses riches tapis  
 Et que souz le portal ils soient soudain conduits.

Les filles pour ce faire accourent diligentes,  
 Portent dedans leurs mains les chandelles ardantes  
 Dressent les lits bien blancs : le heraut les conduit.  
 Les Princes vont passer le reste de la nuit,  
 Sous le Royal portal, leurs corps plassez estendent  
 Souz les doux mattelas, & au sommeil se rendent:

Menelaüs apres se retire à l'escart  
 Pour s'aller reposer en la plus haute part  
 Du superbe palais : pres de luy l'heroïne  
 Des femmes la splendeur Heleine la diuine  
 Dormoit à ses costez. Or ainsi que sortoit  
 L'Aurore aux doigts de rose, & le iour apportoit,  
 Le Roy Menelaüs saute du lit, se leue  
 Pren son accoustrement, & son affilé glaive  
 Pend à ses forts costez, accommode à ses piés  
 Le beau ruban noué de ses riches souliés,  
 Sort viste de sa chambre, aux gräds Dieux tout sèbla-  
 (Et de corps bien formé, & d'esprit admirable:)  
 Fit assoir Telemache, & luy dit en ces mots.

Dy moy ie te supply braue & gentil heros  
 Vaillant fils d'Ulysses, dy moy quelle fortune

Helene  
 comāde  
 à ses fil-  
 les d'a-  
 prester  
 la cham-  
 bre pour  
 Telema-  
 chus &  
 Pisistra-  
 tus.

Mene-  
 laüs se  
 leue de  
 matin.

(ble, Mene-  
 laüs en-  
 quiert  
 Telema-  
 chus de  
 la cause  
 de son  
 voyage.

Te fait ainsi courir les sillons de Neptune ?  
Est-ce charge publique, ou chose concernant  
Ton estat paternel qui te va promenant ?

Il se teut. A cela respond le fils d'Ulysse.

Telema-  
chus luy  
en rend  
raison.

Fils d'Atrée, ô grand Duc de la Grecque milice,  
Illustre nourrisson du puissant Iupiter,  
Je suis venu vers toy d'Ulysse m'enquêter,  
Pour voir si tu pourrois m'en dire des nouvelles.  
Mes labourages gras, mes rentes paternelles  
Se consomment du tout, & ma pauvre maison  
Est pleine d'ennemis égorgeans sans raison  
Beufs, taureaux, & brebis : & ceste iniure amere  
Me vient entierement des amans de ma mere.  
Je vien donc embrasser tes genoux ( Prince fort )  
Pour apprendre de toy sa miserable mort,  
Si de tes propres yeux toy mesme l'auois veüe,  
Ou bien en voyageant de quelque autre entendu :  
Sa mere l'engendra trop plein d'aduersité,  
Ne me deguise point la pure verité  
Meu de compassion de ma triste fortune,  
Et ne l'adoucy point par flaterie aucune  
De peur de m'attrister, mais dy moy rondement  
Tout ainsi que tu l'as appris certainement.  
Je t'en pry, si iamais Ulysse mon bon pere  
Te fit voir qu'il sçauoit & bien dire & bien faire  
Deuant Troye pour toy, où tant que vous estiez  
En ce siege de Grecs tant d'ennuis supportiez,  
Souuient t'en maintenant pour moy, & ne me cele  
La pure verité de ceste mort cruelle.  
A ces tristes propos Menelaüs le blond,

Mene-  
laüs à  
Telema-  
chus.

*Souspire grandement & ainsi luy respond.*

*Las! qu'une nation molle & effeminee  
De poltrons amoureux cherche bien, effrene,  
Le liët d'un fort guerrier & Prince genereux :  
La biche tout ainsi loge ses fans peureux  
Dans l'autre du lyon & fier & redoutable,  
Laisse dy-ie ses fans la pauvre miserable  
Baillans de malle faim, qu'elle avoit faiët beffons,  
Et s'en va par les bois, les costaux, les buissons,  
Cherchant à pasturer, la pauvreteé craintive  
Pour bien remplir son pis : Lors le lyon arrive  
Des champs à l'improvisé, entre legerement  
Dans l'horrible cauot son vieil hebergement,  
Il doute sur lequel sa patte violente  
Il iettera premier, lequel rendra sanglante  
Sa bouche de ces deux : Il fremit, il rugit,  
Enfin tout à la fois il lestrangle, il raut  
Et leur donne la mort de son gosier horrible,  
Il estanche en leur sang sa cruauté terrible,  
Il lasse sa machoire, & léche fierement  
Son muffle d'un sang noir souillé cruellement.  
Il regarde, & se deult de n'avoir davantage  
De faim & de sujet de demener sa rage.  
Le courageux Vlyse ainsi les deffera  
Tous ces beaux amoureux, & leur sang versera.  
O que pleust à Pallas, à Phœbus, & encores  
Au pere haultonnant, qu'Vlysses fust tel ores  
Qu'il estoit à Lesbos à l'heure qu'il lucta  
Contre Philomelede, & à bas le ietta.  
Dont les Pelasgiens grand ioye demenerent*

Predit  
qu'Vlyf-  
ses met-  
tra les  
Amans  
de Pene-  
lopé à  
mort.



*Ayses de sa vertu, & tout haut le loüerent  
Que fust-il, dy-ie, tel entre ses amoureux,  
Comme il rendoit leurs iours & cours & malheureux,  
Comme il leur donneroît des nopces bien ameres.*

*Quant à ce que tu veux, esmeu de tes prieres  
Je veux te declarer (de l'un à l'autre bout)  
Sans t'en rien deguïser, la verité de tout :  
En ce que ie diray ie n'usferay de feintes  
Et ne te tairay pas les réponces contraintes  
Qu'un vieillard Dieu marin m'a faiêtes cy deuant.*

Réd rai-  
son de  
ce qu'il  
a peu ap-  
prendre  
d'Vlyf-  
ses.

Pharos  
Isle en  
Egypte.

*Ainsi que ie voulois donner la voile au vent,  
Brulant de mon retour, les Dieux m'en empescherent,  
Et par force au païs d'Egypte m'attacherent.  
Car ie ne m'estois pas enuers eux acquité  
De l'Hecatombe deuë à leur diuinité.  
Tant les Dieux ont à cœur que l'on se rememore  
Ce qu'ils ont commandé, tant ils veulent encore  
Que l'on ne le mesprise. Vne Isle est en la mer  
Contr'e Egypte, Pharos on la voulu nommer,  
De la terre distante autant qu'un bon nauire  
Quand le vent à propos dans son voile respire  
Peut faire de chemin en un iour. Or le port  
Y est large & fort bon, d'où les vaisseaux on sort  
De l'onde noire embuz. Là les Dieux m'arrestèrent  
Par vingt iours tous entiers, nuls vents ne se leuerēt  
Demeurerent tous coïz, & retindrent leurs cours,  
Et les souffles, lesquels accompagnent tousiours  
Les barques sur la mer, perdirent leur usage.  
Nos viures defailloient, & nous perdions courage,  
Sans l'opportun secours que voulut m'apporter*

Eidothea, la fille au vieux Dieux de la mer.  
 Elle eut pitié de nous, & mon pleur lamentable  
 Esmeut son humeur douce & son cœur pitoyable :  
 Car en me promenant pensif & reffroigné  
 Sur le rivage sec, de mes gens esloigné,  
 Elle s'offrit à moy d'un visage tranquille.  
 Car mes gens plus lointains exeuviens de l'Isle  
 S'estoient tous écartez ( & leur vie cherchans  
 Mouuoient toute la mer ) & s'en alloient peschans,  
 De la faim attaquez, qui leur fait dure guerre  
 ( Mauuaise conseillère ) & le ventre leur serré,  
 Et genne les boiaux. Lors elle s'approcha,  
 Et ( m'ostant mon ennuy ) ces propos me toucha.

Eido-  
 thea a  
 pitié de  
 Mene-  
 laüs.

A quoy pauvre d'esprit est-ce ainsi que tu pense ?  
 As-tu perdu le sens ? T'est-ce resioüissance  
 De souffrir tant d'ennuy ? as-tu donc arresté  
 D'user icy le temps en toute oisüeté ?  
 Prens-tu donc grand plaisir à ton mal, à ta peine ?  
 Est-ce de ton bon gré qu'ainsi tu te promeine  
 Pareseux en ceste Isle, & ne recherches point  
 De mettre à ta misère à la fin quelque poinct ?  
 Cependant de tes gens les courages languissent  
 Defaillent de travail, & de sang desinissent.

Mene-  
 laüs à  
 Eido-  
 thea.

Et ie luy respondy, Nymphé qui que tu sois  
 Des Deesses des eaux, écoute un peu ma voix,  
 Et ie ne te tiendray longuement incertaine,  
 Ie te diray mon mal, & conteray ma peine,  
 C'est bien contre mon gré que tu me vois icy,  
 Ie ne m'en puis aller : Parauenture aussi  
 Que ce sont les hauts Dieux qui sur l'Olympe habitent,

*Qui par moy offence, encontre moy s'irritent  
Dy moy donc ie te pry, les Dieux peuent auoir  
Cognoissance de tout, & grand est leur pouuoir.  
Quel Dieu me colle icy, m'encordelle, m'engarde  
De partir, me retient, & mon retour retarde?*

Eido-  
thea in-  
struit  
menela-  
de la cau-  
se de sō  
retarde-  
ment.

Prothee  
deuin.

*Ie te donray, dit-elle, vn fidelle conseil,  
Si tu veux m'escouter. Vn Dieu marin fort vieil  
Hante ces enuirois, vn prognostiqueur sage,  
Et souuent se promeine au long de ceriuage.  
C'est Prothé l'immortel, Egyptien, & Dieu,  
Il cognoist de la mer le profond, le milieu:*

*On tient qu'il est mon pere, il est dessouz Neptune.  
Si vous pouuiez auoir l'heure si opportune  
Que de le pouuoir prendre, il vous enseigneroit  
Le temps pour desloger, il vous declareroit  
Le chemin que tiendriez sur les eaux azurées,  
Et quand vous reuerriez vos maisons desirées.*

*Que si en ta famille il estoit suruenu  
Quelque mal, quelque bien qui te fust incognu  
Cependant que tu cours esloigné de la terre*

menela-  
demâde  
cōme il  
pourra  
prendre  
Prothee

*Auec mille dangers sur le mobile verre,  
Il te dira le tout sans en rien t'en flatter.  
Dy moy donc ie te pry, vins-ie lors adioustier,  
L'embusche qu'il faudra qu'au bon vieillard ie dresse  
De peur qu'en decourant ma ruse & ma finesse  
Il n'eschappe à mes mains. Il est bien mal aysé*

Eido-  
thea le  
luy en-  
seigne

*Qu'un home prenne vn Dieu (fust-il des plus rusé.)  
Lors la Nymphe des Dieux dit en ceste maniere:  
Amy, ie t'en diray la verité entiere.*

*Quand au milieu du iour le Soleil vient monter*

On voit hors de la mer sortir & se jecter  
 Au vent rafreschissant d'un gracieux zephire  
 Le Dieu vieillard marin qui le vray sçait predire,  
 D'eau noire environné. Sorty qu'il est des flots  
 Aussi tost il s'endort dans les proches canots :  
 Et tout autour de luy pour dormir s'ammoncelle  
 Maint veau marin sans pieds d'Halosydne la belle,  
 Monstres ords & infects, puamment odorans,  
 Et la forte senteur de la mer respirans.

Orie t'y cōduiray moy mesme, & quād l'Aurore  
 Aux cheueux de safran qui nostre Orison dore  
 Sortira hors des eaux, sans faute ie seray  
 Prés de toy, & en lieu propre te placeray.  
 Choisi trois de tes gens (pource que ie complote)  
 Des plus roides & forts qui soyent dedans ta flotte.  
 Mais ie te veux encor' raconter du vieillard  
 Alors qu'il se transforme & la finesse & l'art.  
 Ces monstres il contemple & par cinq il les nombre  
 Et se couche au milieu comme le pastre en l'ombre  
 Aupres de ses brebis : comme vous le verrez  
 Accablé de sommeil, lors vous le serrerez,  
 Et ne vous manque point la force & la contrainte,  
 Car il fuira s'il peut. Il fera force feinte,  
 En tout ce qui se rampe aux champs se changera,  
 En eau, en feu brulant il se transformera :  
 Mais lors serrez tant plus, pressez le davantage;  
 Puis quant il reprendra la forme & le langage  
 Qu'il auoit parauant, lors ne le serez plus,  
 Dely' le, apres t'enquiers quel Dieu te fait reffus  
 De te laisser aller, qui cest ennuy t'enuoye.

# 110 LE QUATRIESME LIVRE

S'oppose à tes desseins, & te trouble en ta voye:

Et puis il te dira comme tu vogueras,

Et seurement chez toy tu t'en retourneras.

Eido-  
thea se  
retire, &  
Mene-  
lais va  
trouver  
ses gés.

Ce disant, souz le flot viste elle se retire,

Et ie m'en vois au port trouver nostre navire

Qui m'attendoit à l'ancre, & en m'en retournant

I'allois en mon esprit grand's choses ruminant.

Comme ie fus au port ie fay dessus la rive

Aprèster le souper, & puis la nuit arrive.

Lors nous nous endormons sur le bord de la mer.

Mais quand l'aube nous vint le beau iour r'allumer,

Retour-  
ne des le  
point  
du iour  
en la  
mer.

Ie m'en retourne encor pris de tristesse amere

Au riuage marin, là ie fais ma priere

Aux Dieux priant beaucoup: au reste ie menoïs

Trois de mes compagnons dont i'auois faiët le choïs,

De la force desquels contre quelque puissance

Que ce fust, ie prenois entiere confiance.

Eido-  
thea le  
reuiet  
trouver.

Alors Eidothea qui auoit souz les eaux

Quatre veaux eseorchez, m'en apporte les peaux:

Et pour tromper son pere, ordonne à tous nos places,

Et iette dessus nous ces vilaines peaux grasses.

(Chacun ressembloit là son vilain animal)

Et à ceste embuscade eusmes tout plein de mal.

De ces monstres vilains & l'odeur & l'ordure

Nous incommodoit fort, la sale couuerture

De ces puantes peaux nous alloit infecter.

Mais qui pourroit long temps tel poison supporter?

La Nymphé toutesfois nous y donna remede

Par un contre-poison qui vint bien à nostre ayde:

Piteuse nous faisant odorer viftement  
 Vn suc ambrosien suave extremement,  
 Par qui l'odeur mauuaise entierement chassée,  
 (Nostre commodité se vid vn peu passée.)

Depuis le poinct du iour (iufqu'au Soleil plus haut  
 Vers le Midy, au tēps qu'on sent le plus grād chaud)  
 Nous demeurasmes là supportans sur le sable  
 D'vn couragē constant ce mal intolerable.

Lors voicy le bestail de la mer par troupeaux,  
 Vilains monstres marins mōter du creux des eaux, Prothee  
avec son  
bestail  
sort de  
la mer  
 Sur le sable marin dormir à la rangette,  
 Et le deuin vieillard de sa moite cachette:  
 Sortir sur le midy. Là ces monstres hideux  
 Et gras il rencontra, tournant tout autour d'eux,  
 Puis il les conta tous, & nous de prime face:  
 Il nous pensoit chacun vne balène grasse  
 Ne se mesfiant point. A grand peine estoit-il Menela<sup>s</sup>  
se iette  
sur Pro-  
thee.  
 Encor bien endormy sur le sable subtil,  
 Nous nous ruons sur luy, & de voix menassantes  
 Jettons sur luy nos mains, & nos cordes puissantes,  
 Et l'enferrons fort bien. Mais luy memoratif  
 De son art cauteleux, se transforme inuentif Prothee  
se trās-  
forme.  
 En toutes les façons, (chose miraculeuse)  
 Il se faiēt vn lion à la criniere affreuse,  
 Vn escailé dragon (puis vn pard moucheté)  
 Vn horrible sanglier, puis vn tigre irrité,  
 Vn arbre en l'air iettant son haut plaisant fueillage,  
 Puis vn fleuve courant. Nous serrons dauantage  
 Le pressons de plus fort, mais combien que rusé,  
 Voyant qu'il perd son temps, & ne trouue, abusé,

Prothée  
à Méné-  
laüs. De chemin pour fuir. Il reprend en fin, comme  
Vaincu, sa forme mesme, & me parle en voix d'hôte.

Qui t'a si bien appris Atride fils des Dieux,  
Le moyen de me prendre, & qu'est ce que tu veux?

Méné-  
laüs luy  
demâde  
qui le  
tient. Tu le sçais bien Prothée, luy di-ie, il t'est facile :

Tu sçais qui me retient arresté dans ceste Isle  
Que ie ne puis trouuer d'issue à ma langueur,  
Dont ie sens dedans moy me secher tout le cœur.

Pourquoy donc me tentant en ma peine si grande  
Me fais-tu, le sçachant, une telle demande?

Est-ce pour me tromper? responds moy donc cecy,  
Car les Dieux sçauent tout. Quel Dieu me tient icy  
(Courroucé contre moy) me garrotte, m'engarde  
De me mettre sur mer, & mon retour retarde?

Ie luy disois ainsi. Lors il reprit sa voix

Prothée  
le luy  
declare. Me respondant encor: Pour le vray tu deuoïs  
Payer à Iupiter tes offrandes exquisés,

Et rēdre aux autres Dieux vœux & choses promises:

Après ietter en mer tes vaisseaux hardiment,

Pour chez toy par la mer retourner aisément:

Car tu ne verras point tes cités delaisées,

Ny tes plais chers amys, ny tes maisons haussées,

Ny tes Dieux domestics, ains que de remonter

Le contremont du Nil qui vient de Iupiter,

Revoir les eaux d'Egypte, & faire un sacrifice

A la troupe des Dieux (pour la rendre propice)

De cents bœufs immolez. Lors ils t'accorderont

Ton retour, & benins chez toy te conduiront.

Il dit, & ie senty mon ame terrassée

Me languir là dedans de douleur oppressee,

De ce qu'il nous falloit remonter dans le Nil,  
Retourner voir l'Egypte & son pays fertile. [nore)  
Lors me tournant vers luy: Vieillard (que tant i'ha-  
ie t'obeiray donc, mais respons moy encore -

Et me dy pour le vray: les Gregeois sont-il tous  
Arrivez sans malheur dedans leur pays doux  
Auecques leurs vaisseaux, de ceux que nous laissas-  
Nestor & moy, alors que nos voiles haussasmes (mes  
En partant d'Ilion? Et quelqñ vn entre tant  
D'inopinez trespas est-il mort en flottant,  
Ou bien entre les mains de ses amis, sur terre,  
Après auoir du tout paracheué la guerre?

Menela<sup>s</sup>  
s'en-  
quiert  
des  
Grecs  
de deuant  
Troye.

Ne sois point curieux, ce n'est pas ton meilleur  
De rechercher, dit-il, au secret de mon cœur:  
Certes tu ne sçais pas que c'est que tu demandes :  
Tes consolations n'en seront gueres grandes  
Quand tu m'auras ouy. Beaucoup de Princes forts  
Des guerriers Argiens sont peris & sont morts,  
Beaucoup restent encor. Deux seulement perirent  
Soubz les eaux, & les flots cruels les engloutirent.  
(Pour Troye, tu sçais tout,) y ayant ta vertu  
Auec les autres chefs dignement combattu.  
Vn est encor sur mer retenu de Neree,  
Ajax fut englouty des eaux pres de Gyree,  
Où Neptune, en pitié, comme il alloit donner  
Au trauers des rochers qui faisoient resonner  
Les grands flots courrouceux, l'auoit mis secourable  
A l'abry, & l'auoit exempté pitoyable  
De naufrage & de mort, combien qu'il sceust, hélas!  
Qu'il auoit offensé la guerriere Pallas

Prothee  
luy re-  
spond.

Ajax  
Oïlce  
submet-  
té par  
Pallas.



Quand inconsideré il se prit-aux Dieux mesmes,  
 En colere iettant des blasphemes extrêmes,  
 Et en l'air abbayant des mots trop odieux:  
 Disant qu'il vogueroit, voire en dépit des Dieux,  
 Et qu'il eschapperait sain & sauf par les ondes.  
 Neptune l'entendit (de ses grottes profondes)  
 Parlant si fierement, (demanda promptement  
 Des traits pour la vengeance) empoigna brusquement  
 Son trident furieux, le poussa en son ire  
 Contre un cruel escueil, attacha son nauire  
 Sur le roc Gyrean, en deux parts le fendit,  
 L'une demeura là, & l'autre descendit  
 Au creux milieu des eaux: où le fils d'Oïlee  
 Estoit, qu'elle emporta dessous londe salee.  
 Ainsi fit-il alors dans la mer son tombeau  
 Ayant beu de la mer grande quantité d'eau.

Iunon

sauve

Agamé-  
non.

Mais ton frere eschappa ceste mort effroyable  
 En ses naufs se sauuant, Iunon la venerable  
 Le voulut preseruer. Or comme il se promet  
 De toucher tost Malæe & son hautain sommet,  
 Vne bourasque vient qui le iette moleste  
 Au bord auparauant habité de Thyeste,  
 Et où pour lors son fils Aegysthus demouroit:  
 Mais comme son retour desia se preparoit  
 Sans infortune aucun, les Dieux le vent tournerent,  
 Et dedans sa maison en ce point l'amenerent.

 Agamé-  
non fur-  
git en  
son pais.

Il met donc pied à terre, & comblé de plaisir  
 Se prit à la baiser, iouissant du desir  
 De reuoir son pays, & en grande abondance

Ruissellent de ses yeux larmes d'esjouissance,  
Deioye qu'il auoit de se voir de retour.

Or un guette estoit lors sur le haut d'une tour  
Lequel le descourrit. De par le Thyestide  
Il estoit posé là, sur la campagne humide.  
Il luy auoit promis deux talents de fin or:  
Il auoit fait le guet tout un an, & encor  
Y estoit-il alors, faisoit garde soigneuse,  
De peur qu'à son desceu sa force genereuse  
Arrinant dessus luy ne se voulust vanger.  
Comme donc il le vid, il s'en courut leger  
En aduertir Aegyste, Aegyste qui coniuire  
Aussi tost de le mettre à mort cruelle & dure,  
Choisit vingt de ses gens, pleins de force & vigueur,  
Et d'entre tout le peuple accomplis en vigueur,  
Et les cache au chasteau. D'autre part il appreste  
Le beau festin (Royal en solennelle feste,) Ægyst'  
Puis il s'en va luy-mesme en personne inviter coniure  
Sur coches & cheuaux où il le fit monter, de le  
Le grand Agamemnon. En son ame méchante tuer.  
Tramant ce-temps pendant trahison indecente.  
Il le meine à la mort de rien ne se doutant,  
Cruel il le massacre en sang tout dégoutant,  
L'appellant au festin pour faire bonne chere,  
(Sans armes, sans defence, il luy passe, ô misere,  
Le glaive dans le corps.) comme qui meineroit  
Un bœuf deuant la creche, & là le s'gorgeroit,  
Et nul ne fut exempt de ce fier homicide  
De tous les compagnons du miserable Atride,

H y

Guette  
pour des  
courir  
son arri-  
uee.

Ægyst'  
coniure  
de le  
tuer.

Trahy-  
son d'Æ  
gystus.

116 LE QUATRIESME LIVRE  
Ny de ceux d'Aegystus : car transpercez de coups  
Dans le Palais Royal, ils se tuerent tous.

Deuil  
de Me-  
nelaüs  
de la  
mort  
d'Agaménon.  
Mon cœur lors se rompit à ces tristes nouvelles,  
Et d'horreur & de deuil, larmes continuelles  
Sortirent de mes yeux : en terre me iettay,  
Et de mes pleurs coulans mon visage humectay.  
I'eü regret de plus voir la lumiere amiable,  
Et de plus prolonger ma vie miserable  
Après si grande playe. Ayant prou lamenté  
Tousiours couché par terre, & assez tourmenté  
Ma bouche de hurler mes plaintes infinies,  
Il me vint consoler en paroles amies.

Prothee  
le con-  
sole.  
Cesset es pleurs en fin, & principalement  
Puis qu'il n'y a remede aucun en ton tourment.  
Plustost pense au moyen, ô genereux Atride,  
De mettre ton vaisseau sur la plaine liquide,  
Et retourner chez toy, où soudain arrivant  
Tu le pourras trouver & surprendre vivant,  
Ou bien te previendra le vengeur de son pere  
Oreste, & luy fera sentir la mort amere,  
Et viendras à propos pour assister present  
Au mortuaire honneur qu'on ira luy faisant.  
Après qu'il eut parlé mon ame recommence  
A reprendre courage, & de resiouissance  
Mon cœur refleurit tout, bien que la marrißon  
Le tint tout abbatu. Puis en ceste façon  
Je retourne, & luy dis: Ayant eu cognoissance  
De ceux que tu m'as dit, vieillard plein de science  
Dy moy qui est ce tiers, que la mer, que le vent  
Retiennent loing d'icy, Est-il encor vivant,

*Cu's il est mort, de toy ie le voudrois apprendre.*

*Lors il vint son discours en ces termes reprendre.*

*Le fils de Laertes en Ithaque habitant*

*Ie lay veu dans une Isle en larmes dégoutant*

*Et fondât tout en pleurs: dans l'isle (d'eaux enceinte)*

*De Calypso la Nymphé, où il est de contrainte*

*Par elle detenu, & empeche d'en sortir*

*L'y retient malgré luy, Si qu'il n'en peut partir*

*N'ayant rames, ny gens, ny nauires voiles*

*Qui le puissent mener sur les ondes sales.*

*Pour toy Menelaüs Roy noble & florissant*

*Il n'est pas ordonné par le dest in puissant*

*Que tu meüré en Argos des cheuaux nourriciere,*

*Mais les Dieux immortels à ton heure dernière*

*Aux champs Elysiens t'enuoiront doucement*

*Au fin bout de la terre, où se tient Rhadamant,*

*Où lon vit doucement, où les neiges frileuses*

*Où ne se voyent point les pluyes ennuyeuses;*

*Ny les tristes broüillars, ny les fascheux hyuers.*

*Les Zephirs doucereux y respirent, ouuerts*

*Du costé d'Occident, leurs haleines mollettes*

*Recreables aux corps, & fraisches & doucettes:*

*Tout cela t'adiendra, & tout pour te vanter*

*Estre mary d'Helene & gendre à Iupiter.*

*Protheus me dit cela. Puis d'un grand sault se iette*

*Dans la mer, (& rescume enuironna sa teste:)*

*Alors ie m'en retourne à ma barque, à mes gens,*

*Et beaucoup de soucis mon cœur alloient rongeurs.*

*Nous souppâmes sur l'herbe à l'entour de la rive*

*Tout contre nos vaisseaux, & puis la nuit arriva*

Paroles  
de Pro-  
thee tou-  
chant  
Vlyiles.

Tou-  
chant  
Mene-  
laüs.

Prothee  
se iette  
en la  
mer,

*Au suc ambrosien, au gracieux sommeil  
Qui nos corps assoupit, & nous enchante l'œil.*

*Mais si tost que l'Aurore eut chassé les estoilles  
Nous dressons nostre mast, nous estendons nos voiles,  
Nos gens montent en nef, s'assent sur les bancs,  
A force d'avirons rendent les flots tous blancs,  
(Ils baloient Thetis, frappent les mers profondes,  
Et nos voiles nous font voler dessus les ondes.)*

*En Aegypte arriuée monte nos vaisseaux,  
Les loges dans le fleuve aux engraisantes eaux,  
Qui vient de Iupiter: A luy sur le riuage*

Hecatu-  
be de  
Mene-  
laüs.

*l'offre de cent Taureaux le sacrosainct hommage,  
Et paye en son honneur le deub de mes saincts vœux:  
Puis appaise que fut le courroux des grands Dieux  
(Qui auoient retardé le retour de ma flotte,)*

*Je fay de force terre vne eminente motte,  
Afin de decorer du grand Agamemnon*

Dresse  
vn tom-  
beau  
pour  
Agamé-  
non.

*Mon frere, la memoire, afin que son renom  
Fust par ce monument d'eternelle duree,  
Et sa gloire par moy dignement honoree.  
Le tout paracheué, nous des-encrons ioyeux  
Du Pharien riuage, & les tres-benins Dieux  
Donnerent à nos naufs vn vent si fauorable,  
Qu'heureusement ie vins au séjour agreable  
De ma chere patrie, & sans aucun destour  
Arriuay seurement en mon heureux séjour.*

Mene-  
laüs prie  
Telema-  
chus de  
sejour-  
ner chez  
luy.

*Mais demeure ceans; Et ne t'en va, de grace,  
Tant qu'unze ou douze iours le Soleil nous parface:  
Puis etc renuoiray avec dons precieux,  
Côme d'un vase beau pour faire offrande aux Dieux*

Comme de trois cheuaux, (belles & vistes bestes)  
Avec leur chariot: Dons & presens honestes,  
Et pour auoir tousiours souuenance de moy.

Telemachus s'excuse.

Auquel Telemachus; Atride, puissant Roy,  
Ne me retiens point icy ie te supplie,  
(Non que ie sois lassé d'estre en ta compagnie)  
Car i'y serois vn an sans regret, sans desir,  
De maison, de parens, Tant ie prens de plaisir  
D'entendre tes discours. Mes gens seroient en peine  
Et m'attendroient par trop ennuyez sur l'arene  
De Pyle la diuine attendans mon retour,  
Si ie faisois icy t'oyant trop long sejour.

Soin de Telemachus pour ses gens.

Pour les dons que tu veux qu'en Ithaque i'emporte,  
Ie te veux supplier qu'ils soient de telle sorte,  
Qu'on les puisse cacher, & porter aisement,  
Mais pour tes beaux cheuaux, ie n'en veux nullemēt,  
Et ie te les lairray pour tes delices grandes,  
Ils te conuiennent mieux, pource que tu commandes  
Sur vn spacieux regne, où croist abondamment  
Le delicat fourrage, où eternellement  
Fructifient tous grains où se peut tousiours prendre  
La vesse, & où l'on void le beau froment estendre  
Ses blonds dorez espics, l'orge tant foisonner  
Que presque on le peut en tout temps moissonner.

Il refuse les cheuaux à luy offerts.

Mais pour Ithaque, elle est sans nulles grandes cāpa-  
sās plaines & sās prez: ses rochez, ses montagnes (gnes  
Sont propres pour nourrir des cheures seulement  
Passages pour cheuaux y sont fort rarement  
Et beaucoup desirez. Car en toutes les Isles  
Qui panchent en la mer (rudes & difficiles)

Ithaque mōtueuse mal propre pour la caualerie.

On voit fort peu de plaine & de prez, pour le foin,  
Mais sur toutes Ithaque en a plus grand besoin.

Mene-

lais le

soubfrit

de la re-

sponce

de Tele-

machus.

Menelaüs Royant soubfrit de bonne grace

Luy touche dans la main (& doucement l'embrasse:)

Tu es mon cher enfant d'un sang brave & gentil

Parlant silibrement: Or ie te veux, dit-il,

Changer donc tout cela, car i'en ay la puissance,

Et de tous les thresors que i'ay en abondance

Tu auras le plus beau & le meilleur encor.

C'est un vase d'argent, ses bords sont de fin or,

C'est le plus precieux de toute ma vaisselle,

Et mieux élabouré. C'est de la façon belle

De l'artiste Vulcan, dont jadis me fit don

Le Prince iusticier qui regnoit en Sidon

Après qu'il m'eut donné dans sa maison entree,

(Reuenant de courir maint estrange contree,)

Ce vase donc que i'eu de ce gratieux Roy

Et le plus beau des miens est apresté pour toy.

Ainsi ces deux Heros tant long temps deuiferent

Que ceux qui aprestoient le festin arriuerent

A la maison du Roy. Là dedans ils touchoient

Brebis pour le festin, & les pots remplissoient

De bon vin genereux: les Damoiselles mesmes

Ceintes les beaux cheueux de riches diadèmes,

( Femmes de la maison, ) les viures apportoint,

Et de belle façon deuant eux les mettoient.

Les Rois ainsi, de mets exquis par excellence

Peinoient à se traitter en toute esiouissance.

L. poursuuians passoient le temps de l'autre part,

Soit à ietter la pierre, ou à darder le dard

Ce que

font les

poursui-

uans du-

rât l'ab-

scèce de

Telema-

chus.

Dans une belle cour (pres du chasteau d'Ulysse,)   
 Le lieu où de tousiours prenoient leur exercice   
 Ces amans insolens. Là seoit arresté   
 Antinoüs, avec Eurymaque, en beauté   
 Accomparable aux Dieux, deux les plus remarqua-   
 Les autres surpassans en merites loüables, (bles,   
 Et chefs des poursuivans plus dignes de renom.   
 Or ainsi qu'ils ioüoient arriva Noëmon   
 Le fils de Phronius, & tournant sa parole   
 Au grand Antinoüs: (ô ieunesse trop folle,)   
 Que sçauons nous, dit-il, si point ne reuiendra   
 Deuers nous Telemaque, & s'il retournera?   
 Car il est allé voir la cité Peliene   
 Enceinte de sablons, a pris la barque mienne   
 Où ie deuois passer en Elyde au terroir   
 Et large & spacieux: Fy voulois aller voir   
 Douze iuments que j'ay: & de mes mulets prendre   
 Quelqu'un pour le dompter & soubz le ioug le rēdre.

Noëmō  
 les con-  
 uertit du  
 voyage  
 de l'ele-  
 machus.

A ces mots chacun d'eux fut grandement piqué,  
 Car ils n'auoient pas sceu qu'il se fust embarqué,  
 Pour aller deuers Pyle: ils le tenoient pour estre  
 Allé voir les troupeaux & le porcher champestre.

Les pour  
 suivans  
 estōnez  
 de son  
 départ.

Alors Antinoüs. Mes amis, qu'est-ce cy,  
 Quand s'en est il allé de ce pays icy?  
 Des ieunes gens d'Ithaque a-t-il pris compagnie?  
 Ou si de ses vallets ta nauire est fournie,  
 Sur lesquels se fiant sur la mer il s'est mis,  
 A eu le cœur si grand que de s'estre promis  
 De bien venir à bout d'une telle entreprise?  
 Ta Nauire, d'y moy, l'a-il par force prise,

Antino  
 à eux.



em<sup>o</sup> Ou si tu luy donnas de ton gré librement?

y. A cela Noëmon respondit bresvement:

Ma navire, ie t'ay de mon bon gré donnee,

Et dés le mesme instant qu'il me l'a demandee,

Qui de le refuser eust seulement pense?

Voyant un Prince tel encor si angoissé

S'en venir le prier? Il est fort difficile.

Les principaux au reste, & plus forts de la ville

Sont allez avec luy, & i'y ay veu encor

Mentor, plustost un Dieu ressemblant à Mentor.

Ie dy sans me tromper: il avoit son visage,

Estoit semblable à luy de forme & de corsage,

Toutesfois, cas estrange, hier matin encor

Par la ville ie vy se promener Mentor:

Et si sur le vaisseau ils monterent ensemble

Telemachus & luy pour voguer ce me semble.

Après qu'il eut parlé soudain il s'en partit

Pour aller chez son pere, (& du chasteau sortit.)

Les pour  
suiuans  
au con-  
seil.

A ces mots les amans tous confus demeurèrent

Quitterent là le ieu, (au conseil s'assemblerent,)

Et puis Antinoüs fils du riche Eupithé,

Leur parle tristement. Il est fort dépité,

Son cœur noir de courroux & s'allume & s'enflâme

Antino  
à eux.

Et ses deux yeux brillans sont rouges comme flamme.

O pitie, qu'un enfant soit si presomptueux

Que d'avoir entrepris un faict si hazardeux!

Telemaque est party, contre nostre pensee?

Et malgré tant de gens la voile il a haussée

Tant temerairement? D'entre le peuple a pris

Les plus forts & gaillars? Ce voyage entrepris

Portera plus de mal. Mais Iupiter suprême  
 Veille plustost le perdre & ruiner luy mesme.  
 Qu'à ce qu'il nous aduienne aucun malheur icy.

Mais vous, fournissez moy & barque & gès aussi. Se pre-  
 Jusqu'au nombre de vingt, (dont la valeur surmonte par d'al-  
 Les plus braues & forts:) que la barque soit prompte ser em-  
 Pour les flots dangereux legerement scier. buscade  
 Sur la mer ie tiray en embusche espier, à Tele-  
 Et ie le surprindray dessus l'onde escumeuse, machus  
 Vers l'endroit proprement où Samos la pierreuse, sur son  
 Et Ithaque nostre Isle, estreussent les eaux. retour.  
 Que ce soit à son dam qu'il ait pris des vaisseaux,  
 Qu'il recoiue à ce coup la peine & le salaire  
 D'estre allé rechercher nouvelles de son pere.

Il acheua de dire, eux d'un consentement  
 Approuuent son aduis, se leuent vistemment  
 Pour accomplir soudain l'effect de leur malice  
 Et prennent leur chemin vers la maison d'Ulysse.

Mais de Penelope leur complot ne fut pas  
 Longuement ignoré, bien qu'ils leussent tout bas  
 Conspiré dans leurs cœurs. Car Medon le trompette  
 Luy vint manifester l'entreprise secreete.  
 Eux estans assemblez, à part secretement  
 Il pouyt de dehors (s'approchant bellement)  
 Si court à la maison de la Reyne très belle  
 Hasté de luy porter ceste triste nouuelle.  
 Anquel, deuant qu'il eust penetré plus auant:

Pour quelle occasion t'ont renuoyé deuant  
 Les braues poursuuans, ô heraut tres-fidelle.  
 Est-ce point commander aux seruantes, dit-elle,

Penelo-  
 pe est  
 aduertie  
 de la cō-  
 spiratiō  
 de ses  
 pour sui-  
 uans.

Penelo-  
 pe à Me-  
 don.

Du divin Ulysse, qu'ils ayent à quitter  
 Leur besongne, & soudain aillent leur apprestier  
 A boire & à manger; fust-ce la dernière heure  
 Que ne faisant ailleurs que ceans leur demeure,  
 Ils prissent leurs repas: & vous qui avec eux  
 Devoiez tout le bien du bon Telemachus.

N'ouyste-vous iamais raconter à vos peres  
 Quant vous estiez enfans, quel vers eux, vers leurs  
 Fut le sage Ulysse: personne n'offensant (freres,  
 D'effet, & de propos personne ne tanchant?

„ Bien que ce soit des Rois l'usage souveraine  
 „ D'en haïr quelques-uns, leur mōstrer trop de haine,  
 „ Aux autres trop d'amour, pourtant acte méchant  
 Iamais n'alla l'honneur d'Ulysse entachant.

Mais on ne peut rien voir de doux en vos courages,  
 Vous perpetrez des maux, vous exercez des rages  
 Pleines d'indignitez. Et pourtant de bien-faitz  
 Que vous avez receuz, vous rendez des effectz  
 Comblez d'ingratitude. A qui le heraut sage,  
 Apres qu'elle eut parlé, tint ce prudent langage.

Grande est certainement ceste calamité.

Mais un plus grand malheur nous est bien appresté  
 Malheur reformidable & que les Dieux destournent  
 (Et dessus les auteurs le renuersent & tournent.)  
 Car ils ont coniuré d'aller prendre le vent,  
 De se mettre sur mer, & d'aller au devant  
 Du pauvre Telemach, ils le veulent surprendre  
 En retournant ceans: car il est allé prendre  
 Langue du fort Ulysse (au glorieux renom)  
 Et s'en est allé voir Pyle & Lacedaemon.

Il n'eut pas acheué que ses genoux tremblèrent,  
 Les forces & le poux de son cœur s'en allerent.  
 Elle fut un long temps sans qu'elle peust parler,  
 On vid de ses deux yeux grosses larmes couler:  
 Puis dit, pourquoy mon fils, de haste si pressée,  
 S'en est il fuy? estoit-ce à luy chose forcée

Penelope s'attriste sçachant le départ de Télémaque.

De monter sur des nefz, qui sont dessus les eaux  
 Aux hommes voyageans comme vistes cheuaux,  
 Et trauerfent volans le plain de la marine?

(N'estoit-ce point chercher sa perte & maruine  
 Inconsiderément?) estoit-ce point afin

Que son nom tout à faict sur la terre prist fin?

A qui Medon, (voyant la peur qui la tourmente)  
 Respondit comme il peut de parole prudente,

Medon à Penelope.

Reyne, ie ne te puis acertener au vray  
 Si ton fils entreprend cela de son plein gré,  
 Ou poussé de quelqu'un, mais son cœur le spoingonne  
 D'aller apprendre à Pyle, ou à Lacedæmone  
 Nouuelles de son pere & sçauoir de quel sort  
 Ou sur terre ou sur mer, Vlysses sera mort.

Il dit, Et puis sortit vers le logis d'Vlysse.  
 Mais la Reyne n'arien qui consoler la puisse,  
 Tant la douleur l'opresse, & la serre au dedans  
 Elle ne peut durer sur chaires ne sur bancs  
 Bien qu'il y en eust force: en terre elle demeure,  
 Et au pied de son liét misérablement pleure.  
 De tous costez aussi ses femmes lamentoient  
 Tout tant qu'elle en auoit, tant celles qui estoient  
 En leur plus ieunes ans, que les autres, dont l'aage  
 Estoit vieil & passé. Lors mouillant son visage.

Penelope ne se peut consoler.

De pleurs sans nulle fin. Penelope aduisoit

Ses femmes autour d'elle, & ainsi leur disoit.

Penelope à ses femmes. Femmes escoutez moy. Les Dieux m'ôt sans mesure,  
Sur celles qui ont pris naissance & nourriture

Avec moy tourmentee: Ayant premierement

Perdu un bon mary, vaillant extremement,

Homme en toutes vertus, homme en toute sagesse

Accompli & parfait sur tous ceux de la Grece,

Dont la gloire excellente, & l'honneur & les los

Vollent tout au trauers de la fameuse Argos:

Et voicy de nouveau par l'orageux Neptune

Mon fils m'est enleué, sans renommee aucune

Dehors de ma maison: sans auoir ou sçauoir

L'heure de son départ, ( & ne l'ayant peu voir.)

Miserables sçachans son départ & sa fuitte

Nulle de vous ne fut en son courage induite,

De venir m'eueillir de mon lit, quand sur l'eau,

Veu que vous le sçauiez, il se mit au vaisseau:

Que si ie leusse sceu, ieusse bien-fait en sorte

Ou qu'il fust demeuré, ou qu'il m'eust laissé morte.

Mais que quelque vallet m'appelle incontinent

Ce vieillard Dolius, que mon pere en venant

En ces lieux me donna. Cest luy qui a la garde

De mon Iardin aux fruiets. Qu'il coure, & qu'il ne

De dire à Laërtes cecy diligemment, (tarde

S'il peut m'y conseiller, ou sortir viftement

Au peuple, en deplorant & blasmant la malice

Qui veut perdre sa race, & du diuin Vlysse.

Eury-  
clee co-  
solaient  
Penelo-  
pe.

Lors sa chere nourrice Euryclee parlant

L'alloit de son pouuoir en ces mots consoiant.

Reyne que j'ayme & tiès plus chere que mon ame  
 Faiètes moy transpercer d'une cruelle lame  
 (Si c'est vostre plaisir) ou si vous me laissez  
 Je ne celeray rien des affaires passez.

J'ay sceu & fait icy, l'ay fourny dauantage  
 De pain, de vin, de tout pour fournir son voyage,  
 Comme il m'a demandé: m'ayant premierement  
 Fait promettre & iurer par un tres-grand serment  
 Que ie ne dirois rien de ceste departie  
 De douze iours, sinon qu'en fus siez aduertie  
 Par un autre que moy, ou vous mesmes vins siez  
 A me le demander. Que vous ne perdis siez  
 Vostre grande beauté de pleurs & de martyre.

Mais faiètes ie vous pry ce que ie vous vay dire.  
 Allez vous nettoyer & lauer gentiment,  
 Montez en vostre chambre, & mettez proprement  
 Dessus vous comme il faut vos robes les plus belles,  
 Menez avecques vous toutes vos Damoiselles,  
 Et suppliez Pallas, Elle preseruera  
 Sans doute vostre fils, & l'aramenera;  
 Mais, las! n'afligez point, s'il vous plaist, dauantage  
 Le pauvre Laërtes, que la douleur, que l'aage  
 Ont assez abbatu. Je ne croy nullement  
 Que les Dieux immortels enuient tellement  
 Le sang d'Archeſius, l'ayent en telle hayne,  
 Qu'il n'en reste quelcun pour soustenir ce regne,  
 Et pour dessus ces tours hautes superbement  
 Et sur ces champs fertils regner heureusement.

Ce propos appaisa le deuil & la tristesse,  
 Les larmes effuya de la triste Princeſſe,

Luy con  
 ſeille de  
 faire ſu-  
 plica-  
 tions à  
 Pallas.

N'est  
 d'aduis  
 que  
 Laërtes  
 ſoit ad-  
 uerty du  
 départ  
 de Tele-  
 machus.

Qui s'en alla baigner & lauer proprement,  
 Monta dedans sa chambre, & vestit gentiment  
 ( Comme on luy auoit dit ) ses robes les plus belles,  
 Menant avecque soy toutes ses Damoiselles,  
 Mit les aspersions dedans un beau panier,  
 Et la grande Pallas en ces mots vint prier.

Prière  
de Penelope à  
Pallas. *Fille de Iupiter, indomtable guerriere*  
*Ie te prie humblement écoute ma priere.*

*Si iamais Vlysses sacrifice te fit*  
*Qui te reuint à gré, si iamais il t'offrit*  
*Brebis sur ton autel, & bœufs en abondance*  
*Souuien t'en ie te pri' & fay nous assistance,*  
*Preserue mon enfant, & de ces insolens*  
*Destourne les complots traistres & violens.*

Pallas  
l'exauce *Elle disoit ainsi plcurant à voix hautaine*  
*Et Pallas l'exauça pitoyable & humaine.*

*Mais tous les poursuiuans de superbe fierté*  
*Tempestans faisoient bruit par le palais vouté.*  
*Entre lesquels quelcun vint tenir ce langage.*  
*La Reyne maintenant pense en son mariage,*

Insolence des  
poursui-  
uans. *C'est un cas trescertain, (ne veut plus nous fascher,)*  
*Et ne se fera plus si long temps rechercher:*  
*Mais elle ne sçait rien du malheur qui talonne*  
*Son fils, prest de mourir. Ainsi les arraisonne*  
*L'un d'eux. Mais toutesfois ce n'estoit pas cela*  
*Qu'il pensoit, lors le fils d'Eupithé luy parla.*

*Malheureux raisez vous, que vostre incontinence*  
*Ne nous descouure enfin. Mais faisons diligence*  
*Et sans plus differer hardiment besongnons.*

*Ce disant il choisit vingt fort bons compagnons,*

*Se hâste de gagner vîstement le riuage,  
Et va sans plus tarder mettre ordre à son voyage.*

*En premier, son vaisseau en mer il descendit,  
Dressa son mast hantain, ses voiles espendit,  
Autour de son bac noir dressa tout son cordage  
Et fit accommoder dedans tout l'équipage.  
Les armes fit porter, se mirent à manger,  
En attendant le soir qu'il faudra desloger.*

*La Reyne cependant (de tristesse affechee  
La sage Penelope en sa chambre couchee)  
Demeuroit sans manger, ne goustant nullement  
Ne de pain ne de vin: pensant incessamment,  
Et repensant tousiours si son fils inculpable  
Se pourra reschapper de la mort effroyable,  
Où s'il succumbra deessous la cruauté  
Des traîtres poursuivants. Telle en perplexité  
Qu'est souuent le lion quand les veneurs l'estonnent  
Craignant qu'à la parfin leurs lacs ne l'environnent.*

*En ces diuers pensees le sommeil gratioux  
Ses membres assoupit & abbaisse ses yeux,  
Elle est dessus son liét. Alors Pallas qui pense  
Autre chose en son cœur, vint feindre une semblâce  
Et se rendit pareille & de face & de voix  
A la Nymphé Iphitimé, qu'Icarus autre fois  
Magnanime engendra, femme depuis nagues  
Du gentil Eumelus qui habitoit à Pheres,  
Laquelle elle enuoya au chasteau d'Ulysses  
Pour destourner du cœur de la Reyne, l'excez  
De ses afflictions, moderer ses destresses,  
Et par quelque moyen amollir ses oppresses*

Antino<sup>s</sup>  
se prepa  
re pour  
l'embus  
cade cō  
tre Tele  
machus.

Penelo  
pe attri  
stee  
pour  
son fils.

Le som  
meil la  
prend.

Pallas se  
presente  
à elle  
sous le  
semblât  
d'Iphiti  
me.



Elle entra dans la chambre & la serrure ouvrit,  
 Se mit à son chevet & ses propos luy dit,  
 Penelopé dors tu si plaine de misères?  
 Les Dieux tousiours heureux ne souffriront pl<sup>9</sup> gueres  
 Que tu fondes ainsi en larmes & en pleurs,  
 Et que si longuement tu viues en douleurs.  
 Ton fils retournera dedans bien peu d'espace  
 Car les Dieux ne font pas en leur mauuaise grace  
 Pour ce qu'il n'a failly contr'eux aucunement.

Penelo-  
 pe à  
 Iphiti-  
 mé.

A qui Penelopé qui dormoit doucement  
 Aux portes du sommeil: Ma sœur, pour quel affaire  
 Es tu venu icy? On ne t'a pas veu faire  
 Cecy par cy-deuant: Ta maison est trop loing.  
 Tu me dis de chasser la tristesse & le soing  
 Qui m'affligent sans nombre, & par qui mes pensees  
 Et mes affections sans respit sont bleesées:  
 Moy, las! qui ay perdu un mary accompli,  
 Et de toutes vertus entre les Grecs rempli,  
 Excellent & parfait, dont l'honneur, la proïesse  
 S'estend & par Argos & par toute la Grece.  
 Et maintenant mon fils si cher, que j'ayme tant  
 S'en est allé, peu sage, en un vaisseau flotant  
 Trop foible pour porter des fatigues si grosses,  
 Non expérimenté pour de si grands negoces.  
 Las! miserable, moy? i'en porte plus d'ennuy  
 Que pour son pere mesme, effrayee pour luy,  
 Je tremble incessamment, que mal ne luy aduienne  
 Entre les nations, ou sur l'onde inhumaine.  
 (Miserable où est il allé si vistement?)  
 On l'attend, on le veut tuer cruellement,

*Auant que deliuré de la mer rigoureuse  
Il puisse, hélas ! revoir sa maison malheureuse.*

*A qui la sombre image adionsta sur ce point,  
Vy pleine d'assurance ; ô Reyne, & ne craint point :  
Tel guidé est avec luy ; que plusieurs en leur voye  
En voudroïent bien un tel, & c'est luy qui m'enuoye :  
C'est Pallas qui peut tout, qui pour t'oster d'esmoy  
T'enuoye ce message , ayant pitié de toy.*

Pallas  
console  
Pénélope.

*Si luy rephique encor la prudente Princesse :  
Si tu es donc Deesse . & que d'une Deesse  
Ayes ouy la voix ; dy moy encor cecy  
De cest infortuné , ( dont i'ay tant de soucy )  
S'il vit en quelque lieu de la terre habitable ,  
S'il voit encor les raiz du Soleil desirable ,  
Ou s'il est déjà mort au Plutonic manoir .*

Pénélope  
s'en-  
quiert à  
elle de  
son ma-  
ry.

*Alors l'image sombre. Il n'est en mon pouvoir  
De te dire s'il vit , ou s'il n'est plus au monde :  
Il n'est pas bien seant que de chose on responde  
Vaine comme le vent . Puis finit son parler ,  
Et comme un petit vent s'esvanoïit en l'air ,  
Voletant au trauers la porte verrouillée .*

*Et la fille d'Icare en sursaut esueillée  
Desoudaine allegresse encouragea son cœur .  
Ayant en sommeillant cest évident bon-heur  
Au temps que sur la nuit tout se tient en silence .  
Mais les fiers poursuiuans nauigeans à puissance  
Estoient montez en mer , machinans à grand tort  
Au ieune Telemaque une cruelle mort .*

Les pour-  
suiuans  
sur mer ,

*Entre Ithaque & Samos pierreuse & difficile  
Au milieu de la mer il y a certaine Isle .*

*Asteris. Qu'on appelle Asteris, raboteuse en rochers,  
 Non grande, mais qui donne aux vaisseaux, aux no-  
 D'assez cōmodes ports, pour visiter d'entree (chers  
 D'un & d'autre costé la petite contree:  
 C'est là que les Gregeois pour l'heure se rendoient,  
 Et iusqu'à son retour Telemaque attendoient.*

Fin du quatriesme Liure.



# LE CINQVIÈME

## LIVRE DE L'ODYSSEE

D'HOMÈRE.

### ARGUMENT.



Es Dieux au conseil pour la seconde fois. Iupiter enuoye Mercure à Calypso luy commander de laisser aller Ulysses. Elle obeït à grand regret. Il se met sur mer, où sur le dixhuitième iour Neptune l'ayant apperceu, entre en colere, & brize son vaisseau. Ino l'aduertit, & luy donne son bandeau, l'admonestant de le reietter en mer dès qu'il seroit sur terre : en fin apres auoir nagé longuement & en grand hazard, il se sauue en Phæacie.

### AUTRE SOMMAIRE.

*Calypso laisse aller Ulysses, il fait naufrage:  
Ino l'assiste : en terre il se sauue à la nage.*



Ors du lit de Phiton s'estant desialuee  
L'aurore aux doigts rosins se monstroït  
ésleuee  
Portant le iour aux Dieux & aux hommes mortels

Assemblée des  
Dieux.

Mais sur le haut Olympe és sieges superncls  
 Au veüil de Iupiter qui l'auoit assemblée  
 La trouppes se trouua des hauts Dieux appellee,  
 Et tout au milieu d'eux assis fut Iupiter  
 Qui de sa dextre peut tonner & tempester,  
 Qui domine le monde en son pouuoir immense.  
 Là Pallas assistoit ayant en souuenance,  
 Les peines, les travaux & le mal d'Vlysses.  
 ( Car ayant eu sur mer ses vaisseaux despecex )  
 Il séjournoit forcé chez Calypso la blonde  
 Desnué de moyens pour se mettre sur l'onde:  
 Laquelle aux Dieux s'adresse & leur tint propos tels.

Pallas à  
 Iupiter  
 & aux  
 autres  
 Dieux.

O pere Iupiter, & vous Dieux immortels  
 Qui habitez du ciel la voute bien-heureuse,  
 Il ne faut que personne ait plus l'ame amoureuse  
 De droict ny d'equité, n'ayt soucy nullement  
 De plus porter son sceptre & bien & droictement,  
 Mais qu'il soit un cruel, ne face qu'iniustice,  
 Puis qu'on n'a nul soucy du miserable Vlysse,  
 Qui iamais ne regit ses subietz autrement  
 Qu'eust voulu faire un pere, & benin, & clement.

Car le voyla surpris chez Calypso la belle,  
 En son Isle arresté, souffrant peine cruelle,  
 Par force retenu, sans moyen, sans pouuoir,  
 De venir à s'atrerre & son pays reuoir.  
 Pour ce qu'il n'a vaisseaux, ny gens, ny esquipage  
 Ny chose que ce soit pour faire le voyage,  
 Se remettre sur mer & retenter les vents.  
 C'en est pas tout encor, des maudits poursuuans  
 La coniuuration, veut arracher la vie.

A son fils Telemaque, & sur la mer l'espie  
Comme il retournera. Car l'enfant pour sçavoir  
Nouvelles de son pere à Pile est allé voir,  
Et à Lacedæmon s'il en pourroit apprendre.

Alors celuy qui peut les nuages espandre  
Et serrer quand il veut, ainsi luy respondit  
Que t'est il eschappé, ô fille, qu'as tu dict?  
Ne fut-il pas conclu, & tu fus l'inventrice  
Toy mesmes du conseil, & arresté qu'Ulysse  
En seurté retourné les amans rengerait,

Jupiter  
à Pallas.

Tuerait les poursuiuans, & d'eux se vengerait?  
Quant à toy, prend le soing de rendre Telemaque  
(Car Pallas, tu le peux) sans danger en Ithaque,  
Conduy le seurement sur la flotante mer

Fay le prosperement & voguer & ramer,  
Si qu'il puisse arriuer dedans sa maison chere,  
Et que les poursuiuans rebroussent en arriere

Il dit, puis appellant Mercure, le subtil,  
Son enfant bien-aymé, Mercure, ce dit-il,  
(Car aussi bien es tu message en autre chose.)  
Va dire à Calypson ce que ie luy propose  
Du retour d'Ulysse, Nul Dieu, nul homme aussi  
N'aura de son retour ny peine ny soucy,  
Il souffrira du mal beaucoup en son nauire,  
Et dès qu'on aura veu vingt iours le Soleil luire  
En Scherie il viendra, pais fort fructueux,  
Où les Phaëciens qui sont sortis des Dieux  
Habitent de long temps, ils luy feront au reste  
Tout l'honneur qu'ils feroient à quelque Dieu celeste,  
D'un nauire équipé, courtois, le fourniront.

Jupiter  
enuoye  
Mercu-  
re à Ca-  
lypson  
pour la  
deliurâ-  
ce d'U-  
lysses.

Sur son propre terroir en seurté le rendront,  
 Ils luy donront argent & or en abondance,  
 Ils luy feront presens de robes d'excellence,  
 Plus qu'il n'en eut iamais de Troye rapporté  
 Pour sa part, quoy qu'il fust sans incommodité  
 Et sans perte arriué. Ainsi le destin porte  
 Qu'il ira son païs reuoir en destte sorte,  
 Sa maison surhaussée & ses plus chers amis.

Mercur-  
 re va  
 trouuer  
 Calypsô

Il eut dit, & Mercure à s'apprester s'est mis,  
 Il mit premierement aux pieds ses talonnières  
 D'Ambrosie & d'or fin reluisantes & claires,  
 Qui le portent en haut comme le vent léger,  
 Soit que dessus les mers il veille desloger  
 Soit sur la terre, (en l'air & portée & penchante.)  
 Apres il prend sa verge : avec elle il enchante  
 Les uns quand il luy plaist pour les faire dormir,  
 Les autres, il les faiEt du sommeil reuenir.

La tenant en sa main de l'Olympe il seroule,  
 Sur le mont Pierus il tombe, puis s'escoule  
 Dessus le plain des eaux, de ses ailes battant  
 L'air marin, & léger sur l'onde voletant.  
 Ressemblant au plongeon qui autour des riuages  
 Et sur les flots moitteux humecte ses plumages  
 Pour prendre des poissons, le Dieu pareillement  
 Dessus maint & maint flot coule legerement.  
 Mais estant paruenue dans l'Isle loing plantee  
 Sortant hors de la mer, sa plante il a iettée

Mercur-  
 re arriué  
 en l'Isle  
 de Caly-  
 pson.

Sur le ferme terroir, tant qu'il fut arriué  
 En cheminant tousiours dedans l'autre caué  
 Où demouroit la Nymphé à la tresse tres-belle.

La dedans au foier un grand feu estincelle,  
 Vne flamme iettoit une vive splendeur,  
 La fumee en estoit de merucilleuse odeur,  
 Le cedre espandoit là ses senteurs plus doucettes,  
 Et l'encens y haussait ses flammes violettes:  
 L'odorante vapeur toute l'Isle sentoit,  
 Et le feu pris au bois par tous les champs montoit.  
 Elle au dedans chantoit de sa voix doucereuse,  
 Et sur son mestier d'or tissoit industrieuse  
 Un ouvrage gentil, meslant ainsi ses chants  
 Pour tromper son travail. Là verdissent les champs,  
 Et les hautes forests le bel antre environnent,  
 ( Et leur feuille plaisante eternelles y donnent : )  
 Le peuplier noir feuillu, & l'odorant Cypres,  
 Et les aulnes hautains s'esleuent tout aupres.  
 Là les oyseaux faisoient leurs nids & leurs logettes.  
 Là voloient à l'entour les nocturnes choüettes,  
 Le hydeux chat-huant, & l'espermier gentil,  
 Et la noire corneille à l'importun babil,  
 D'autres oyseaux encor une quantité grande  
 Voloit le long des eaux, rauissante & gourmande,  
 Ses ailes allongeant, & courant goulument  
 Aux poissons escaillez. Là rampoit doucement  
 A l'entour de la grotte au fonds du roc cauee  
 La vigne doucereuse, & la feuille esleuee  
 Sur le rocher moussieux gayement verdissoit,  
 Et le raisin pendantsoubz elle florissoit.  
 Quatre plaisans ruisseaux leurs ondes argentees  
 Au trauers la forest rouloient precipitees  
 Et par diuers endroits, & comme ils deualloient

• Descri-  
ption  
de l'Isle



D'un meslange plaisant leur murmure mesloient:  
 Les prez estoient parez d'œillets & violettes,  
 Les belles fleurs peignoient les plaisantes herbettes,  
 Et les chāps s'émailloiēt. Tel Dieu mesme y viēdroit  
 Voyant un lieu si beau qui plaisir y prendroit.

Calypsō  
 reco-  
 gnoist  
 Mercur-  
 re.

Or le fils de Maja touchoit desia l'entree,  
 Admirant grandement la plaisante contree,  
 Vn temps il fut rauy, & ses yeux ne départ  
 Contemplant, regardant chacune chose à part,  
 Puis entre dans la grotte, Et Calypson la belle  
 Des Deesses Deesse, en la troupe immortelle,  
 Ne le mescognut pas. (Car tousiours les grands Dieux  
 S'entrecognoissent bien, bien qu'eloignez de lieux  
 Et d'habitations.) Il ne trouua pour l'heure  
 Vlysses au grand cœur dans la belle demeure:  
 Car il estoit assis sur le bord de la mer  
 Pleurant & s'affligeant. Là souloit-il aller  
 Afin d'éuaporer ses ennuis & ses peines,  
 Et iettoit son regard sur les vagues lointaines.  
 Tant qu'il pouuoit l'estendre, en sanglots sousspirant,  
 Et decuisans soucis son ame martyr quant.

Calypso  
 à Mer-  
 cure.

La belle Nymphe assise en son siege honorable  
 Riche & resplendissant, & d'ouurage admirable,  
 Interrogeoit Mercur. (Soudain qu'elle le vit)  
 Et s'enquerant de luy tout doucement luy dit.

Mercure venerable, à la verge doree  
 Pourquoi viens tu vers moy (de la voute azuree?)  
 Tu ne frequentois pas par cy-deuant icy.  
 Dy moy ce que tu veux: Car ie desire aussi  
 Complaire à ton desir, s'il est en ma puissance,

*Et si faire se doit. Mais passe outre & t'avance,  
Allons, ie te supplie, & entrons plus avant  
Afin que comme il faut ie t'aille receuant.*

*La Nymphé dit ainsi, puis fit couvrir la table  
De viure Ambrosien, & de mets delectable,  
Et fait remplir les pots de Nectar saoureux  
Qui rougissant dedans escume douceureux.  
Quand elle l'eut semond, le gentil Atlantide  
Se repaist d'Ambrosie, & le doux Nectar vuide:  
Puis quand ayant mangé son cœur se renforça  
Mercure en tel propos à parler commença.*

*Veut le  
traicter.*

*Puis que tu m'as enquis, ô Nymphé venerable,  
Ie te diray le tout messager veritable,  
Car tu le veux aussi. Iupiter tout-puissant,  
M'a commandé voler sur Neptune glissant  
Malgré moy toutesfois, & contre mon enuie.  
Car qui pour son plaisir tourmenteroit sa vie  
A passer tant de mers, où n'est, où ne se voit  
Ne ville ne cité, ne personne qui soit  
Qui sacrifie aux Dieux d'une deue Hecatombe?  
Mais iamaïs vainement la volonté ne tombe  
De Iupiter l'Aegide, & ne faut point penser  
Que ses commandemens ainsi soient à laisser,  
Mesme à pas un des Dieux. Et la seurté n'est grande  
De luy desobeir, és choses qu'il commande.*

*Mercuré  
refait  
son mes  
sage à  
Calypso*

*Il dit que tu retiens un certain homme icy.  
Afligé, miserable, & battu de soucy  
Sur ceux qui par neuf ans à Troye combattirent  
La cité de Priam, & puis en fin la prirent  
Iustement au dixiesme & la mirent à bas.  
Mais en s'en retournant, la Deesse Pallas*

Qu'ils auoient offensee, émeut contre eux les ondes,  
Et les vents, & ietta soubz les vagues profondes  
Ses autres compagnons, seulement cestui-cy  
Porté des flots, des vents s'est peu sauuer icy.

Il veut que tu l'enuoyes, & tost, & tout asteure:  
Car il n'est pas porté par son destin qu'il meure  
Si loing de ses amis. Mais le destin est tel.  
Qu'encore il reuerra son païs paternel,  
Qu'il retournera voir ses amis, & sans faute  
Reprendra sa maison & sa demeure haute.

Calypsô  
à Mer-  
cure.

Il dit: & Calypsô de crainte se fronça  
Et se tournant à luy ces propos prononça.

Que vous estes, ô Dieux, pleins d'estrange malice!  
Que vous auez en vous d'enuie & d'iniustice!  
Pourquoy enuiez-vous qu'une Deesse ait mis  
Son amour en un homme, & luy ayant promis  
De coucher en son lit pour son mary l'accepte?  
Comme lors que l'Aurore à la rouge charrette

L'Auro-  
re ayme  
Orion.

Rauit son Orion, vous fustes enuieux  
De son contentement, (ô trop iniques Dieux, )  
Vous en fustes èsmeus & de haine & d'enuie,  
Combien que vous viuiez en bien-heureuse vie,  
N'estes malicieux iamais aucun repos,  
Iusqu'à ce que Diane eust transpercé ses os  
En l'Isle d'Ortigie, & faict en son cœur breche  
Ainsi comme il chassoit, à coup d'arc & de fleche.

Ceres  
ayme  
Iasion.

Comme lors que Ceres mit son affection  
Et se mesla d'amour au bel Iasion,  
Le receut en son lit, ell' ne se cacha guere  
Au puissant foudroyeur, n'à sa colere fiere,

Car bien tost de son foudre au formidable son  
 A la mort il frappa le pauvre Iasion,  
 De mesme, Dieux jaloux, vostre haine cruelle  
 A le cœur de se prendre à moy simple femelle,  
 Pource que j'ayme un homme, & brulante d'ardeur,  
 A ce pauvre fuitif ay fait part de mon cœur:  
 Je l'ay receu ceans eschappé du naufrage,  
 J'ay sauué, garanti, errant sur le riuage,  
 Delaisé, vagabond: car Iupiter auoit  
 De son foudre brisé la nef qui le sauoit,  
 Ainsi qu'elle flottoit sur la plaine profonde  
 Il submergea ses gens dans les gouffres de l'onde:  
 J'accueilly cestui-cy seulet & deietré  
 Que la vague en ceste Isle auoit ainsi porté,  
 Et demi-mort de faim, benigne, secourable,  
 Je le nourry, l'aimay, le fis soir à ma table,  
 Le traittay dans ma grotte, & sur le mesmelieu,  
 Sans qu'il vieillist iamais le voulois faire Dieu.

Mais puis qu'il ne faut pas estre contentieuse,  
 Qu'il ne faut transgresser l'ordonnance fascheuse  
 De celuy qui dardant son tonnerre odieux  
 Son agide brandit, que mesme aucun des Dieux  
 N'oseroit irriter, qu'il voise à la bonne heure  
 (Si Iupiter ne veut que ceans il demeure)  
 S'il le presse si fort de partir viftement  
 Et de se mettre en mer luy fait commandement.  
 Mais pour moy, ie ne veux l'enuoyer. Dauantage  
 Ie n'ay né matelots, ne vaisseaux, n'equipage  
 Propre pour le commettre au dos large-coulant  
 Des vagues sans repos. Trop bien en s'en allant

Calypsō  
 s'esfoute  
 d'obeyr  
 à Iupi-  
 ter.

*J'auray tout soin de luy, ne tairay souz silence  
Ce qui luy pourroit nuire, & de mon assistance  
L'aidcray de bon cœur, afin qu'entierement  
Il puisse en sa maison arriver seurement.*

*Mais tous presentement il faut que tu le quitte;  
Dis le Cyllenien, pren garde à toy, euite.*

*L'ire de Jupiter, ( & fay sa volonté )*

Mercu-  
re de-  
part d'  
aupres  
de Ca-  
lypso.

*Qu'il ne te chastiast, à bon droit irrité.*

*Il dit, & s'en volant fendit l'air de ses aïles.*

*Mais la Nymphé entédât ces fascheuses nouvelles  
Et du haut Jupiter l'arrest déterminé*

Elle va  
trouver  
Vlysses  
sur l'eri-  
uage de  
la mer.

*Vers le port Vlysses son chemin a tourné.*

*Elle le rencontra couché sur le riuage.*

*De larmes n'est iamais deseché son visage,*

*( Mais il est humecté sans fin de moïttes pleurs : )*

*Il passe la douceur de ses ans en douleurs,*

*Pleurant pour son retour, & son beau temps s'esconle*

*( Tandis que de ses yeux mainte larme se roule )*

*Car plus ne luy plaisoit l'ennuyante beauté*

*De la Nymphé. Contraint il dort à son costé,*

*Contre sa volonté maintenant il l'embrasse,*

*Et la nuit avec elle à contre-cœur il passe,*

*Puis quand le iour reuient, entre les rochers durs*

*Sur le bord de la mer il r'entre en ses douleurs,*

*Seant triste & pensif, de cris son ame il geine,*

*Son sein de pleurs abreuve, & remasche sa peine.*

*Il contemple, attristé, les Nereides eaux,*

*Et sur sa face espond larmes à grands ruisseaux.*

*La Nymphé le trouuant luy dit en ceste sorte :*

*Ne te consume plus en tristesse si forte,*

Calypso  
à Vlyf-  
ses.

Lui pro-  
met de  
le laisser  
aller.

Luy pro-  
mettrou-  
tes com-  
modités  
pour son  
voyage.

Vlyf-  
ses  
à Calyp-  
son.

N'escaule plus ainsi ton aage en son esté  
Ternissant ton beau lustre, & passant ta beauté.  
Je te lairray aller (ne vy plus miserable)  
(Et de tous mes moyens t'aideray secourable.)  
Va doncques te couper de grāds, longs & forts ais  
Pour te faire un vaisseau, joint les, assemble les  
Afin que seurement sur la mer il te porte.  
Moy-mesme y porteray viures de toute sorte,  
Eau, pain, habillemens, & bon vin rougissant,  
(Qui t'aille sur la mer le cœur resiouyissant.)  
Je t'enuoiray les vents, afin que secourables  
Ils te puissent porter en tes champs desirables.  
Si les diuins destins sur toy trop enuieux,  
Si les Dieux habitans, de l'Olympe & des Cieux,  
Dont l'esprit celuy-là de Calypso surpasse,  
N'empeschent ton retour, & te donnent la grace  
De reuoir ton pays. Ayant dit, Vlyf-  
ses sentit à ces propos ses os comme glacez,  
Et puis luy respondit. Ce que tu dis, Deesse,  
Est bien un autre faict que mon retour en Grece,  
Tu penses autrement : me commandant ainsi  
Que ie m'aille commettre aux ondes sans mercy,  
Sur vn foible nauire, & du flot effroyable  
Je tente encor l'effort sur vn ais miserable,  
Qu'un fort vaisseau pourroit à peine transfreter  
Quand il seroit poussé du vent de Iupiter.  
Puis, iamaïs de la mer ne courray l'aenture,  
Deesse, outre ton gré, si premier tu ne iure,  
Ce que iurent les Dieux, & ne prens pour le moins  
De ton serment iuré les grands Dieux à tesmoins:

*Que tu ne me feras sur les ondes nuisance,  
( Et m'en donras encor quelque bonne assurance.)  
La Nymphé à ce propos en soy-mesme sous-rit,  
Luy prit la main, l'embrasse, ainsi luy respondit.*

Calypsô  
à Vlyf-  
ses. Certes tu es madré, cault, & prudent & sage,  
Mais à quoy penses tu de tenir ce langage?

*Qu'oses-tu proferer? I'atteste les hauts Cieux,  
La terre d'an dessouz l'Olympe spacieux,  
Luy iure  
de ne lui  
nuire  
point. Je te iure par Stix ( le grand fleuve que iurent  
Les Dieux, quād quelques cas d'importāce ils assen-  
Que i'amaïs sur la mer en rien ne te nuiray, [rent)  
Trouble ne déplaisir ie ne te donneray,  
Plustost que ie prendrois le conseil pour moy-mesme,  
Que ie te donneroïs en ceste peine extrême,  
S'il falloit que i'y fusse. Hé! ie suy la raison,  
Ie n'ay le cœur de fer ( & le gratieux nom  
D'Amour, m'est en tout temps & cher & venerable)  
La douceur loge en moy, i'ay le cœur exorable,  
Misericordieux, i'escoute doucement,  
( Me paye de raison, souffre patiemment  
Ce qui est d'equité. ) Ainsi disoit la belle,*

Calypsô  
& Vlyf-  
ses re-  
tournēt  
aologis. S'en retourne à la Grotte, & luy vient apres elle :  
Et tout ensemblement vindrent au roc caueux  
Vlysse & la Deesse aux blondissans cheveux.  
Mais sur le mesme siege où s'asit le message  
Des Dieux, elle fit soir le Dulichien sage,  
Luy servit elle meisme & vin, & viures tels  
Comme ont accoustumé de manger les mortels,  
Puis se mit vis à vis : ses filles deuant elle  
Apporterent apres l'Ambrosie immortelle

*Auecques le Nectar. Ils mangent à plaisir,  
Des mets délicieux emplissent leur desir :  
Après, quand du manger rassasiés ils furent  
Pour resiouyr leur cœur le doux breuuage ils beurent,  
Puis quand auoir bien beu de manger furent las,  
Tels furent les propos de la fille d'Atlas.*

Calypsô  
à Vlysses

*Laërtide, remply de sagesse profonde,  
Es tu si fort hasté de te mettre sur l'onde,  
Pour gagner ton pais ( & t'estranger de moy ? )  
Pour ce que ie t'en dy, pourtant resiouy toy.  
Mais, las ! si tu scauois quels dangers te menacent  
Sur l'inconstante mer, quels hazards te pourchassent,  
Et combien il te faut encor souffrir d'esmoy,  
Certes tu demourrois icy auecques moy :  
Tu ferois, dy-ie, icy ta demeure eternelle,  
Tu deuieudrois vn Dieu, & de vie immortelle,  
Combien que de ta femme vn extrême desir,  
Et d'elle vn grand amour ton cœur viennt faisir,  
Sans cesse regrettant cette belle amoureuse,  
( Et n'ait fin ne repos ceste amour furieuse )  
Si ne suis-ie pourtant de rien moindre en beauté  
N'en bon naturel qu'elle : & c'est mal inuenté  
Qu'en grace, qu'en maintien, qu'en beauté, les mdr-  
Osent ainsi debatre avec les immortelles. ( telles*

Luy dit  
les dan-  
gers qui  
l'atten-  
dent sur  
mer.

*A laquelle Vlysses, Que ton visage doux  
Ne soit, belle Deesse, agité de courroux :  
La sage Penelope est en forme, en visage,  
En grace, en maïesté, en taille, & en corsage  
Inferieure à toy, & n'y auroit raison  
De vouloir faire d'elle à toy comparaison.*

Vlyf-  
ses ap-  
païse tât  
qu'il  
peut Ca  
lypson.



Elle est femme mortelle, & tu es, ô Deesse,  
Immortelle, sans fin, non sujette à vieillesse,  
( La victoire est à toy, & grand tort te feroit  
Ayant veu ta beauté, quiconque en douteroit. )

Ne luy cele le desir extreme  
qu'il a de revoir son pays.  
Toutefois ie desire avec impatience  
De voir cet heureux iour, qui en toute asseurance  
Me rendra le retour de mon aymé pays,  
Et la veüe d'Ithaque & de tous mes amys.  
Si quelqu'un toutesfois de la bande celeste  
M'est encores sur mer aduersaire & moleste:

I'y fourniray encor, & ce nouveau tourment,  
Ce mal renouvelé, seront pour compliment  
A mes aduersitez, ie prendray patience,  
Ie supporteray tout, il est en ma puissance  
Car i'ay de longue main accoustumé les maux,  
Ie suis fort aux malheurs, endurcy aux travaux,  
I'ay couru vagabond, & la mer, & la terre,  
Et paty tracassant, l'une & l'autre, en la guerre.

Il achewa de dire, & Titan qui deuoit  
Faire place à la nuit, dans la mer se lauoit.  
Vlysses, & la Nymphé adonc s'en retournerent  
Dans la Grotte écartée, & là se recreerent  
L'un l'autre en leurs amours, d'un embrassemēt cher  
Iouirent à plaisir, & s'allèrent coucher.

Mais comme se leua l'aube au safrané coche,  
Vlysses vistement sa manteline accroche,  
Et s'habille soudain. La Nymphé au corps plaisant,  
Prend son ample manteau delié, reluisant,  
Et d'un ouvrage exquis, dessus ses reins s'est ceinte  
D'une ceinture d'or, puis a sa tresse enceinte

D'un voile precieux : sort apres, pour donner  
 Au vaillant Vlysses moyen de retourner.  
 Elle luy fit present d'une hache luy sante,  
 D'une doloire encor grande, propre, & duisante,  
 Pour couper arbres hauts, tresbeau le manche estoit  
 Faiet de bois d'oluiuer qui luy sant éclatoit.  
 Puis aux lieux recullez de l'isle elle le mene,  
 Où des arbres estoit la grandeur plus hautaine,  
 Le peuplier, le grand aune, & le sapin hautain  
 Touchant iusques au ciel de son sommet lointain,  
 Arbres secs de lōgs temps, & propres pour bien faire  
 Courir dessus les mers la nauire legere.

Après qu'elle eut montré l'endroit où se haussioient  
 Les arbres les plus hauts, (& leur pointe dresseioient)  
 La Nymphes en reuint, (gagnant doucemēt l'ombre  
 De sa demeure fraiche, & de sa grotte sombre,  
 Où elle se repose) & le sage Ithaquois  
 Pour faire son nauire abbatoit force bois,  
 Si qu'en bien peu de temps il fit beaucoup d'ouurage.  
 En vingt iours il mit bas son bois (sur le riuage)  
 (Esbrancha les rameaux qui ne seruoient de rien)  
 Par art les accarrit, & les dressa fort bien  
 A la regle, au cordeau, puis y fit des mortaises  
 (Afin que les tenons entrassent à leurs aises)  
 Auecques la terriere, à luy par Calypson  
 Donnee à cet effect. Percezen la façon,  
 Les arrange, & leur met mainte cheuille forte  
 Qui les serre & les ioint. Grande, & de mesme sorte  
 Sa nauire il bastit, qu'un maistre ingenieux  
 Profonde la rendroit, & d'art industrieux

Vlysses  
 luy mes-  
 me ba-  
 stit son  
 nauire.

Commode la feroit pour porter bonne charge.  
 Vlysses la fit donc aussi grande, aussi large  
 Que ce maistre l'eust faicte & aussi proprement,  
 L'entabla de ses mains ingenieusement,  
 De grands aiz bien taillez, & de chevilles dures  
 Dont il la voulut coudre, assembla les jointures,  
 D'antennes, & de mast fort & haut la fournit,  
 Apres de gouvernail commode la garnit,  
 Qui conduire la peut sur les ondes legeres,  
 De clayes la munit de saules & d'ozieres,  
 Pour la fortifier contre les flots grondans  
 Et la contregarder, puis il porta dedans  
 Forces pieces de bois, & matieres duisantes  
 (Pour s'en servir au cas qu'il survint des tourmètes:)  
 Cela fait Calypso des toilles luy donna,  
 Desquelles Vlysses ses voiles façonna:  
 En fin de cables forts & de cordes les serre,  
 Et dans le flot son bac il pousse hors de terre.

Desja par quatre iours l'aube avoit éclairé  
 La terre des rayons de son coche doré,  
 Quand Vlysses avoit en diligence extresme

Calypso Tout son œuvre acheué. Calypson au cinquiesme  
 donne Vint luy donner congé, prodigue luy faisant  
 congé & De linge net & blanc maint precieux present,  
 laisse a- Et d'habits odorans: puis la Deesse bonne  
 1er Vlyf ses. Luy fit d'un vin exquis remplir une grand tonne,  
 Et une autre d'eau douce, & ces dons vont suinans  
 Viures en quantité, puis enuoye les vents,  
 Les prosperès soufflets des plus douces halenes.

Lors Vlysses ioyeux commence à voiles plenes

A se mettre sur mer, vogue de soïn & d'art,  
 Prend en main le timon, & soigneux n'en depart:  
 ( Ne le lasche iamaïs, mais le tient tousiours ferme)  
 Et vigilant, ses yeux au sommeil point ne ferme,  
 Aux Astres il les tient, regarde diligent  
 Les Pleiades sœurs: le Bouvier morne & lent,  
 Qui se couche bien tard, l' Ourse ( depucelee  
 Iadis par Iupiter ) des hommes appelee  
 Du nom de Chariot, se tournant, & chassant  
 Le superbe Orion qu'elle va menaçant,  
 Mais la seule qui n'a iamaïs de privilege  
 De visiter la mer ( & ne trempe son siege  
 Dans le creux Ocean, bruyant d'horrible son.)  
 Vlysses auoit eu aduis de Calypson  
 De la laisser à gauche, & n'aller à la voile  
 Qu'il n'eust ainsi tousiours à costé cest'estoile.  
 Il auoit seurement passé deux fois huiët iours,  
 Et l'autre vint apres, & deux fois neuf son cours,  
 Desia prenoit son train sur la campagne ondëuse  
 Lors que luy apparut la region ombreuse  
 Du terroir Phæaquois: du lieu où il estoit  
 Espace fort petit iusques là se iettoit:  
 Ceste isle qui au fonds de la grand mer se cache  
 Sur l'eau ne paroissoit non plus qu'une rondache.

Mais le Prince des eaux ( qui de son fort trident  
 Esbranle terre & mers ) reuenoit cependant  
 Des fins d'Ethiopie, & en iettant sa veüe  
 Du Solyme monteux sur sa large estendue,  
 Vit le Dulichien derechef dessus l'eau  
 ( Qui ja gaignoit le port avecques son vaisseau. )

Vlysses  
 se met  
 en mer.

Aduis de  
 Calypsō  
 à Vlysses

Il des-  
 couure  
 l'Isle de  
 Phæa-  
 que.

Neptu-  
 ne apper-  
 çoit V-  
 lysses sur  
 mer.

Adonques indigné, bouillant de flamme & d'ire,  
Et branlant sa perruque, ainsi se prit à dire.

Quelle honte ! Les Dieux certé ont changé d'aui,

Propos  
de Nep-  
tunc.

Et les premiers conseils ne sont pas ensuiuis  
Pour le faiect d'*Vlysses*. Est-ce ainsi qu'on espie  
Quand ie n'y seray pas, & qu'en *Ethiopie*  
Ie séjourne empesché ? Cependant l'*Ithaquois*  
A presques ja gagné le port des *Phaëquois*,  
Où le destin a mis la fin à ses miseres,  
Et rompt à son retour les fortunes contraires :  
Mais ie croy que bien tost luy sera appresté  
Subiect d'assez de mal & de calamité.

Neptu-  
tunc ef-  
meut la  
sépecte.

Ce disant il assemble en l'air tous les nuages,  
Trouble toute la mer, émeut les fiers orages,  
Appelle tous les vens, prend en main son trident  
Et couure terre & mers ( en son courroux ardent )  
De nuageux brouillas, d'obscuritez funebres,  
Du ciel tombent la nuit & les tristes tenebres,  
L'*Est* encontre l'*Oüest* combat, & de plus fort  
Le *Su* troublant les flots court encontre le *Nort*.

*Vlysses*  
en grād  
frayeur  
voyāt la  
mer ef-  
meuē.

Lors au pauvre *Vlysses* tous les membres frissonnent,  
Il tremble des genoux, & ses esprits s'estonnent :  
Helas ! moy miserable, & comblé de malheur  
Que deviendray-je en fin ! *Calypson* s'ay-je peur  
M'aura dit verité : Qu'il falloit que i'emplisse  
Mes maux dessus la mer, parauant que ie visse,  
Mon paternel país ! Cecy certainement  
Maintenant s'accomplit trop veritablement :  
Quels dangereux brouillas, quelles horribles nuës  
*Iupiter* dessus moy tient en l'air estenduës.

Comme les tourbillans forcent, & les vens  
 Troublent toutes les mers sur les flots s'esleuans,  
 C'est fait, ie suis perdu. Heureux trois fois & quatre  
 Les Grecs que deuant Troye on vit à mort abatre,  
 Donnant ayde & secours aux Atrides germains!  
 O que ne suis-je mort & tombé souz les mains  
 Des Troyens, ce iour là qu'autour du corps d'Achille  
 Ils tirerent dessus moy des traiçts plus de dix mille!  
 (Fussay-je succombé souz leurs armes alors,  
 M'eust-on tiré la vie en ce temps là du corps)  
 Les Gregeois m'eussent fait les funeraillles deuës,  
 Eussent à ma vertu les loüanges rendües;  
 Au lieu que maintenant mon deplorable sort  
 M'est donné de mourir d'une pitieuse mort.

Comme il parloit encor, vne forte tempeste  
 De vagues luy donna tout autour de la teste,  
 Qui sans-dessus-dessouz la mer bouleuerça,  
 Et du coup dans la mer sa barque renuerça,  
 Bien loin d'elle tombant le timon luy eschappe,  
 Vn vent meslé de tous souffle le mast, le frappe,  
 Le rompt par le milieu: Les vents s'estoient meslez  
 Courans horriblement dessus les flots sallez.  
 Les voiles à ce coup tomberent deiettees,  
 Les antennes en mer cheurent precipitees,  
 Neptune souz le flot le retint longuement,  
 Et ne peut reuenir sur l'eau si vistemment,  
 Car il y fut poussé de grand force, & d'extresme  
 Impetuosité, tant que son habit mesme  
 Tout mouillé l'empechoit: Present dont Calypson  
 Ainsi comme il montoit en barque, luy fit don:

Vlysses  
 dans la  
 mer.

*A la fin il revint, & l'eau trouble & salee  
Vomissoit à grands flots, qu'il avoit auallee,  
Sa barbe & ses cheveux tous trempéz en estoient,  
( Et d'esclume couverts sur son sein degouttoient. )*

Il prend Mais (cōbien qu'il fust presque hors de vie & d'halei-  
courage Il ne s'oublia pas, se leue à toute peine. (ne)  
& s'ef-

force de Se rejette en son bac, & fit un grand effort,  
nager. En se dressant sur l'eau pour eschapper la mort.

*Il n'y fut pas si tost, que l'orage contraire  
L'attaque derechef de bourasque plus fiere  
L'entraîne demy mort, & le demene errant,  
Sur les flots plus irez de son viste courant :  
Comme l'on void la bise aux sifflantes narines  
Demener les festus & les seches espines  
Par le trauers des champs, & si fort les rouler  
Qu'elles viennent en fin se ioindre & se mesler,  
D'embarassement fort si long temps promenees :*

*Ainsi les vents cruels, les ires mutinees  
Demenent sans mercy, & tempestent sur l'eau  
Et le pauvre Vlysses, & son foible vaisseau.*

*Le plusieurs Auster or' le donne à Boree,  
Qui le vareiettant sur la plaine azuree,  
Or' Eurus à Zephire, & Zephire au Leuant,  
Et le va chacun d'eux à son tour poursuiuant.*

*En tel danger le vit une Najade belle,  
Elle auoit autresfois esté femme mortelle,  
Comme elle frequentoit en ces terrestres lieux,  
Or' elle s'est acquis honneur égal aux Dieux,*

Ino voit Ino, pour la beauté de ses talons vantée,  
Vlysses en peril. La fille de Cadmus, la Nymphe Leucothee.

Elle vit Vlyſſes en ceſte affliction,  
 De ſa complainte prit grande compaſſion,  
 Se transforme en plongeon ( en légère Alcionne,  
 Qui ſur le bord des eaux pour la plus part s'adonne )  
 S'en va demy volante & mi-nageante en l'eau,  
 Puis approchant de luy ſaute ſur ſon bateau  
 Et luy dit en ces mots : Quel Neptune moleſte  
 Sur l'onde infortuné agite & te moleſte,  
 Terrible & courroucé ? ( Et te faiſt ſi ſouvent  
 La fortune de mer & le ioüet du vent ? )

En a cõ-  
 paſſion,  
 & l'affli-  
 ct.

Ino à V-  
 lyſſes.

Qu'il face, & contre toy tant qu'il voudra s'aigriſſe,  
 Il ne ſçauroit pourtant faire que tu periſſe,  
 Bien que ſoit ſon deſir. Mais maintenant croy moy,  
 Laiſſe ta barque aller au vent, deſſouille toy,  
 Tu ſeras ſagement ſi tu te mets à nage  
 Tu gagneras Phæaque & le prochain riuage:  
 C'eſt là que le deſtin veut tes malheurs finir,  
 Et te faire en Ithaque à la fin paruenir.

Luy dô-  
 ne con-  
 ſeil de  
 ce qu'il  
 doit fai-  
 re.

Pren ce voile immortal, mets-le ſur ta poitrine,  
 Et n'aye point de peur de mort, ny de ruine:  
 Mais dés que tu ſeras en terre, ſouuiens toy  
 De ne l'emporter pas, mais renuoye le moy:  
 Jette le dans la mer eſtant deſſus l'arene,  
 Et puis retire toy où ton deſtin te mene.  
 Ayant ainſi parlé le voile luy tendit,  
 Et puis comme un plongeon au flot noir ſe rendit.

Cela faiſt heſiter Vlyſſes, il ſouſpire,  
 De ſon cœur courageux de triſtes ſanglots tire:  
 Helas ! que ie crains fort, que ce Dieu quel qu'il ſoit  
 Ne me vueille tromper ( ou le cœur me deſoit. )

Vlyſſes  
 en grãd  
 doute.



Pourquoy me feroit-il si cruelle deffence  
 De demeurer icy? Mais i'ay bonne esperance  
 De ne le croire pas. Car le bord que ie voy  
 Certainement par trop est esloigné de moy,  
 Et c'est là, ce dit-il, qu'il faut que i'aille à nage  
 Si ie veux euitier ma perte & mon dommage.  
 Or ie me veux tenir à mon aduis premier  
 Tant que sera ma barque encor en son entier,  
 Qu'es ses aîx la tiendront bien iointe & bien fermee  
 Et qu'elle ne sera du naufrage entamee,  
 D'un cœur entier & fort dedans ie dureray,  
 Puis si elle se rompt, alors ie nageray:  
 Quand l'onde aura brisé ma barque tempestee  
 Et que ie me verray toute esperance oîtee:  
 Ne pouuant promptement penser dedans mon cœur,  
 Pour me contregarder expedient malheur.

Comme il estoit ainsi broüillé d'incertitude  
 Promenant son esprit en grande inquietude,  
 Soudain, voicy s'ensfler plus que deuant les mers,  
 Et le vent esmonnoir orages plus diuers  
 Sur les flots demenez, Neptune se courrouce  
 Enuoye un tourbillon & dans la mer le pousse.  
 Comme on voit quelques fois un vêt fort & puissant  
 Demener & soufler le festu iaunissant  
 Qui s'espart çà delà ( dessus le sec riuage.)  
 Tout de mesme l'effort de ce cruel orage  
 Dispersa dans la mer la nauire & le bois,  
 Et ses aîx entablez, Vlysses toutesfois  
 Sciette dessus vn, à jambes écartees  
 Comme on fait un cheual, pousse les eaux flottees

Neptu-  
ne ac-  
croist la  
têpeste.

Vlysses  
se iette  
à nage.

Les habits qu'en partant luy donna Calypson  
 Soudain il les despoille, & le voile d'Inon  
 Dessus son estomac il lie en diligence,  
 Desireux de nager dans la mer il s'eslance,  
 ( Et demene les bras. Comme il les eslançoit  
 Des ondes au trauers ) Neptune l'apperçoit,  
 Et branlant sa perruque ainsi se prit à dire.  
 Ayant ainsi souffert sur mon puissant empire  
 Nombre infiny de maux, erre & vogue en la mer  
 Jusqu'à ce que tu vienne ( à force de ramer )  
 Aux homes nourrissons des puissans Dieux celestes.  
 Tu ne te moqueras toutes fois de ces restes  
 De maux & douleurs, ny des dangers aussi  
 Que tu viens d'eschapper, car ie l'espere ainsi.

Ayant ainsi parlé ( plein de colere fiere )  
 Il pouffe ses cheuaux à la belle criniere,  
 Puis en Aiges paruint sa splendide maison.  
 Pallas vit cependant l'opportune saison  
 De faire vn autre effect. Cecy donc elle pense,  
 A tous les autres vents elle impose silence,  
 Boucha leurs soupiraux, les flois esmeuz dompta,  
 Mais le seul Boreas en mer elle excita,  
 Jusqu'à tant qu'Vlysses l'inclite Roy d'Ithaque  
 Fust en toute seurte abordé en Phæaque  
 Experte en auirons, & que de vif effort  
 Eschappé du destin il eust fuy la mort.

Deux iours, autant de nuits il erre, ayant presente,  
 La mort deuant ses yeux sur la vague inconstante,  
 Et le troisieme iour que l'aube paroissant  
 Eut monstré le retour de son char iuissant

Croiten  
 fin l'ad-  
 uis de  
 Calypsô

Pallas  
 assiste  
 Vlysses.

Il nage  
 deux  
 iours &  
 & deux  
 nuits,  
 & au  
 troisieme il de-  
 couure  
 Ithaque

Vlyſſes  
voit la  
terre.

Les vents reſterent cois, la mer deüint paiſible,  
(L'obſcurité ceſſa, tout le murmure horrible  
Des tempeſtes tomba, & les ſouffles hydeux  
Ne renuerſerent plus les fondemens ondeux.)  
Il voit alors la terre, il regarde la grée  
D'un œil viſ & aigu, & le flot le ſoulève.

Aux enfans bien appris la vie ainſi reuiet  
Pour celle de leur pere, hélas ! que la mort tient,  
Que la peſte a ſaiſi d'humeur contagieuſe,  
Il ſent mille douleurs tant l'enfleure odieuſe  
Le tourmente & le bat, & ſouz le triſte effort  
D'un démon courroucé n'attend plus que la mort.  
Mais les Dieux à la fin deſlient leur triſteſſe,  
Luy enuoient la vie, & l'oſtent de detreſſe  
Luy rendant ſa ſanté. Telle la ioye fut  
Du prudent Vlyſſes, alors qu'il apperceut  
La terre & la forêt, il brule en ſon courage  
De deſir de monter des pieds ſur le riuage,  
Il nage (à toute force & fait tout ſon effort  
De demener les bras de plus fort en plus fort.)  
Il approchoit autant, comme la voix peut rendre  
Les propos entendus quand on la veut eſtendre:  
Quand il ouyt des flots le ſon tempeſtueux  
Contre les durs rochers frappant impetueux,  
Et les gemiſſemens hideux eſpouuentables,  
Des vagues qui donnoient és antres effroyables.  
La mer en blanchit toute, & le flot qui reſuit  
Le bord, payant battu redonne un tres-grand bruit.  
Là ne ſe void nul port, & là ne ſe découvre  
Rade, ny lieu fermé qui les nauïres couure :

Là ne se trouuent lieux courbez obliquement  
 Où se puissent loger les barques seurement,  
 Qui derompent les flots, dont la fosse oppoſee  
 Aux tourbillons venteux rende l'onde appaiſee,  
 On n'y voit que rochers, (dont les pilliers trempes  
 Des eaux) ſont iuſqu'en haut horriblement coupeez,  
 Les grands coſtaux pierreux, & les autres qui donnent  
 Horreur aux regardans hideuſement reſonnent.  
 Adoncques d'Ulyſſes tout le cœur friſſonna  
 Il trembla des genoux, de leſtomach donna  
 Un ſouſpir treſprofond: Moy, dit-il, miſerable,  
 De ce que Iupiter m'a permis favorable  
 De voir ceſte contree, & le bord deſiré  
 Qui de moy s'enfuyoit, d'un lieu non eſſeré,  
 J'ay traueſſé tant d'eaux à nage, & leur iſſuë  
 De moy, las & recreu, ne peut eſtre apperceuë,  
 Car par delà, le roc aigu ſe va hauſſant,  
 La mer impetueuſe au tour va fremiſſant.  
 Les antres ſont pleins d'eau, & la pierre licee  
 Tout à l'entour du bord s'eſtand entrelaſſee,  
 La mer l'entoure toute, en ſon gouffre profond  
 On ne peut prendre pied, on ne trouue le fond  
 Pour prendre un peu haleine, & que ie ne me noye,  
 Et poſſible en ſortant quelque vague m'enuoye  
 Contre le dur racher, ( & me donne la mort, )  
 D'y vouloir reſiſter vain ſera mon effort.  
 Si nageant outre auſſi quelque part ie rencontre  
 L'ouuerture d'un port qui ſa bouche me monſtre,  
 Ou que ie voye ailleurs un riuage baiſſé  
 Que les flots eſcumeux des eaux auront laiſſé

Regrets  
 & com-  
 plaintes  
 d'Ulyſ-  
 ſes.

Et i'y vueille donner, ie crains que quelque orage  
 Ne se' esmeue encor' me iettant dauantage  
 Dans les eaux entreonné, ou que le Roy ondeux  
 Ne m'enuoye au deuant quelque monstre hideux  
 Qui me vienne engloutir, ou quelque grand Balaine  
 Comme en nourrit la mer, & s'en trouue assez pleine.  
 Car ie voy, & iel'ay trop expérimenté,  
 Que contre moy Neptune est beaucoup irrité.

Vn flot  
 iette  
 Vlysses  
 sur des  
 rochers

Comme Vlysses faisoit ces discours en luy-mesme,  
 Voicy vn grand mont d'eau qui d'une force extrême  
 Le pousse au bord pierreux, par tout enuironné  
 De rochers & d'escueils: (où le flot mutiné.  
 Forcene, enrage, boult.) Là sa peau détranchée  
 Se fust piteusement sur la pierre écorchée,  
 Et se fussent ses os brisez horriblement,  
 Si Pallas ne luy eust donné le iugement  
 D'empoigner vifement la pointe d'une roche,  
 Où soudain il se iette, & gemissant l'accroche,  
 Attend patiemment que le flot soit passé,  
 (Et que quelque bon vent en mer l'ait repoussé.)

A grand peine s'estoit ceste vague escoulee  
 Qu'une autre se leua de la grand mer troublée,  
 Qui retombant le pousse, & se precipitant  
 Le frappe, & dans la mer au loing le va iettant.  
 Comme au poulpe tiré de son trou dessus terre  
 Il s'attache & se prend mainte petite pierre  
 A ses bras, à ses pieds, Vlysses se serrant  
 Ferme contre le roc se va tout déchirant  
 La peau des fortes mains: & (comme encor il tasche  
 De nager,) en grand flot le submerge & le cache:

Il estoit  
perdu  
sans le  
secours  
de Pal-  
las.

Vlyffes  
au fleu-  
ue.

Nonobstant les destins s'estoit faiect de ses iours  
Si Minerue ne fust venue à son secours,  
Et ne l'eust conseillé, deliuré de l'orage  
Degagner hors de l'eau & de se mettre à nage,  
Afin de gagner terre. Il se prit à nager,  
Et cherchoit quelque endroit où il se peut ranger,  
Les riués de la mer, les ports de la contree:  
Puis estant paruenue dans l'agrecable entree  
Du fleuve doux-coulant, le lieu qui s'égalloit  
De cartiers bien uniz, tres-propre luy sembloit,  
Car il estoit couuert des vents & de l'orage.  
Il recognoist le fleuve, & dedans son courage  
Il falloit suppliant. Ie te prie enten moy  
O Roy! qui que tu sois, ie vien pardeuers toy  
Tres-humble suppliant, & fuyant de Neptune  
Contre moy courroucé la haine & la rancune.  
„ Aux grands Dieux immortels venerable est tous-  
„ Quicunque viét errât implorer leurs secours: (jours  
Ainsi qu'à tes genoux ores ie me presente,  
Dans ton cours me iettant sauué de la tourmente.  
Pren, ô Roy fleuve-Dieu, compassion de moy,  
Puis qu'humble suppliant ie me prosterne à toy,  
Et viens à ton refuge. Esmeu de sa priere  
Le Dieu retint soudain le cours de sa riuere,  
Tint deuant luy ses eaux en grand tranquillité,  
Si que dans l'emboucheure il vint à sauueté.  
L'un & l'autre genouil il plie (à toute force)  
Et ses robustes mains: son cœur n'a plus de force  
Tourmenté de la mer. Tout le corps luy trembloit,  
De la bouche & du nez l'eau salée il souffloit.

Catthe

Lors le poulx, & la voix & le cœur luy faillirent,  
Et grandes lassetez ses membres assaillirent.

Mais quand il eut pris air & respiration,  
Que son poulx eut repris son agitation,  
Et l'esprit luy reuint : le voile alors il laisse,  
L'oste d'autour de luy, (le rend à la Deesse),  
Et le iette en la mer. De rechef s'agita

Il rend  
le droit  
à Ino.

Le flot, & à la Nymphé Ino le remporta  
Sur le cours de ses eaux. Elle adonques aduance  
Ses amiables mains, le leue en diligence,  
Et des coulantes eaux le retire & reçoit.

Ayant laissé le fleuve (où le rozeau croissoit)  
Soubz le iong il se iette, humble il baise la terre,  
Et puis en gemissant ces souspirs il desferre,

Dis-  
cours  
d'Ulys-  
ses en  
luy mes-  
mes.

A son cœur généreux : Las ! que i'ay de soucy  
Que deviendrai-je en fin ? Si ie demeure icy  
Et veux passer la nuit dessus ceste verdure,  
Je crains que la rosee & la male-froidure  
De foiblesse & de mal ne viennent m'acheuer,  
Car le vent vient du fleuve auant que le leuer  
De l'Aube soit paru : Et si mes pas i'adresse  
Dedans ceste forest ainsi sombre & espaisse,  
Ou ie veille monter ce costé ombrageux,  
Et couché soubz le pié des arbres ombrageux  
Ie m'endors doucement, & le froid ne m'y prenne  
Je crains que quelque beste encontre moy ne vienne,  
Et me mange en dormant, ayant bien vacillé,  
L'aduis de la forest meilleur luy a semblé.

Tellement qu'il s'en court dans la forest profonde  
A celle qu'il trouua la plus proche de l'onde

Au lieu plus eminent. Il entre en un endroit,  
 Où deux arbres uniz joignoient leur sonnet droit  
 L'un est un oliuier, & l'un un oliuastre.  
 Là iamaïs du vent froid le soufle opiniastre,  
 Ny l'humide coulis du vent ne penetra,  
 Là iamaïs du Soleil le chaud rayon n'entra,  
 La pluye n'y paruint ; tant ces deux plantes belles  
 Auoient ioint fortement leurs branches naturelles.  
 Vlysse entre dedans, amasse viftement  
 Avec les mains son lit large commodement,  
 Car il y auoit là quantité si extrême  
 De feüilles, qu'àu plus fort d'un pl<sup>r</sup> rude hyuer mesme  
 Au temps que la froideur bat plus terriblement,  
 Et la glace ce prend le plus horriblement,  
 Deux hōmes, voire trois, couchez l'un pres de l'autre  
 S'en couuriroient à l'aise. Vlysses là se veautre  
 Aysé de ce rencontre, y passe son ennuy,  
 Et puis iette un grand tas de feüilles dessus luy.  
 Ainsi que le soigneux qui ne se veut attendre  
 Au secours emprunté, couure bien soubz la cendre  
 Son tison allumé, de peur de perdre en fin  
 Le leuain de son feu: Car là n'est nul voisin,  
 Sa maison est assise au bout d'une grand plaine,  
 Et d'en chercher ailleurs sa peine seroit vaine,  
 Et ne viendroît à temps ce secours emprunté,  
 En cas qu'il luy survint quelque necessité.  
 Vlysses tout ainsi de feüilles s'environne,  
 S'en cache tout couuert. Alors Pallas luy donne  
 Le sommeil sur ses yeux, l'endormant doucement  
 Et ( de ses propres mains ) ses paupieres fermant:

 Pal'  
 en  
 1



162 LE SIXIESME LIVRE  
*Afin qu'il se repose, & qu'il ayt quelque tréne  
A mal continuel de l'ennuy qui le gréne.*

Fin du cinquiesme Liure.

---

## LE SIXIESME LIVRE DE L'ODYSSEE D'HOMERE.

### ARGUMENT.

**P**allas se presente en songe à Nausicaa fille d'Alcinoüs, l'admoneste d'aller le matin à la riuere pour faire lauer & nettoyer les robes, pource qu'elle deuoit bien tost estre mariee : elley va, & iouant avec ses Damoiselles, il aduient qu'à leur bruit Vlysses qui estoit endormy, se reueille, va trouuer Nausicaa, & la supplie de luy donner viures & habillement. Ce qu'elle fait, puis il la suit en la ville.

---

### AUTRE SOMMAIRE.

*L'Infante de Corfou reçoit benignement  
Vlysse, & le secours de viure & vestement.*

Pallas  
vient  
en Phae-  
acie.



*Vlysses sommeilloit (soubz les feüilles  
mussé.)*

*Rompu de lassitude & d'ennuys op-  
pressé:*

*Quand chez les Phaequois, & dedans leur contree  
La Deesse Pallas auoit fait son entree,*

Dans la large Hyperie ils auoient habité  
 Pres des felons Cyclops, orgueilleux en fierté  
 Qui leur firent long temps aspre & cruelle guerre,  
 (Dont ils furent contraints d'abandonner leur terre,)   
 Car ils estoient plus forts, cela fit débarquer  
 Nausithoüs delà, lequel se vint parquer  
 Dans Scherie, esloigné de hantise ciuile  
 D'hommes industrieux. Il y fit vne ville,  
 L'environna de murs, des maisons y haussa,  
 Aux Dieux d'enhaut aussi des temples y dressa,  
 Et partagea les champs en portions nouvelles.

Mais lors il estoit mort, frappé des mains cruelles  
 Du destin domte-tout, & regnoit en son lieu  
 Alcinoüs tenant sa prudence de Dieu.

Et c'est en sa maison que vient & que s'adresse  
 Minerve au regard pers l'indomtable Deesse,  
 Minuant le retour de son fort Vlysses,  
 Et voulant luy donner là dedans seur accez,  
 Elle entra dans la sale, & vint à la chambrette  
 D'ouillage industrieux, où dormoit la fillette,  
 De maintien de visage, en beauté ressemblant  
 Les immortels qui vont sur le Ciel s'assemblant,  
 C'estoit Nausicaa la pucelle d'Estine

Alcinoüs  
 Roy de  
 Phéacie

Entré  
 en la  
 chambre  
 de Nau-  
 sicaa fil-  
 le d'Al-  
 cinoüs.

Fille d'Alcinoüs le Prince magnanime:  
 Aupres d'elle couchoient d'un & d'autre costé  
 Deux fillettes, ayants des graces la beauté.  
 Les portes reluysoient. Où passant la Deesse  
 Comme un vent approcha du lit de la Princesse,  
 Se tint sur le cheuet, ayant pris le semblant  
 Tel que l'auoit la fille au pilote Dymant:

Grandement d'elle aymee, & de tout semblable aage  
A qui ouvrant sa bouche elle tint ce langage.

T'a donc faite ta mere, ô la fille du Roy,  
Pour faire ainsi tousiours si peu de cas de toy?  
Aduise un peu comment tes robes d'excellence  
Demeure sans nul lustre, & par ta negligence :  
Tes nopces cependant sont proches, & il faut  
Que tu prennes ce iour ton apparat plus haut,  
T'habillant richement de tes robes plus belles,  
Et les autres donnant à tant de Damoiselles  
Qui t'accompagneront. Entre la nation  
On acquiert ce faisant grand reputation,  
D'où grand plaisir reuiet au pere & à la mere.  
Demain, des que l'Aurore ouurira sa lumiere  
Allons nous en lauer, ie t'y assisteray,  
T'aideray à lauer, & ne te laisseray  
Que nous n'ayons tout fait : & sans que ie t'eslogne  
Ne viendray que ne soit parfaite la besongne.  
Car tu ne seras pas fille fort longuement :  
Et ie sçay que tu es desirée ardemment  
Des principaux Seigneurs de toute la ieunesse  
Qui soit en Phœacie, & que de la noblesse  
Tous les plus apparens ne recherchent que toy,  
Qui est du pais mesme, ( & la fille du Roy. )  
Doncques le point venu que le Soleil approche  
Va-t'en prier le Roy qu'il te preste son coche  
Qui te puisse porter, chemises, vestemens,  
Et voiles, & manteaux, & beaux accoustremens  
A couuert, avec toy. Ainsi plus honorable  
Te fera ce carrosse, & bien plus conuenable,

Pallas  
donne  
aduis à  
Naufi-  
caa d'al-  
ler de  
bonma-  
tin au  
fleuve.

Que te voir par les champs à pié trotter ainsi,  
Car le lauoir est loing & la riuiere aussi.

Ayant ainsi parlé, legere elle se guide  
Sur le celeste Olympe ( au trauers de l'air vuide, )  
Là le siege est des Dieux, leurs regnes supernels  
Et le tres-ferme esieu des poles eternels,  
Que n'esbranlent iamais les vents ne leur furie,  
Que ne mouillent iamais l'orage ne la pluye,  
Que ne gellent iamais la neige ny le froid:  
Mais la sereneté belle & claire s'y voit,  
Y vole incessamment sans broüillards sans ombrage,  
Et l'air y resplendit sans trouble & sans nuages.  
C'est en cest heureux lieu que les Dieux immortels  
Se deleçtent sans fin d'ayses continuels,  
Là donc se retira Pallas Tritonienne  
Après qu'elle eut laissé la Nymphé Scherienne.

Nausi-  
caa se  
resueille

Aussi-tost l'Aube vint au chariot vermeil  
Qui de la belle Infante excita le sommeil.  
Resueillée qu'elle est en soy-mesme elle admire  
Le songe qu'elle a fait, luy tarde de le dire  
A la Reyne sa mere & à son pere cher,  
S'encourt par la maison vistement les chercher.  
Les trouue encor dedans : pres du foyer sa mere  
Son ouurage faisoit (soigneuse mejnagere)  
Ses femmes aupres d'elle assises trauailloient,  
Et retordoient l'estain qu'au iust elle mouilloient  
Du beau pourpre marin. Mais elle eut le rencontre  
De son pere sortant, qui luy venoit encontre:  
Il alloit au conseil des magnanimes Rois:  
Où l'auoient conuoqué les braves Phæaquoi.

Elle luy parle donc & pres de luy s'approche.

Naufric  
caa à sō  
pere Al-  
cinoüs.

Pere cher, voudriez vous m'ayder de vostre cache  
Pour me mener au fleuve: & lauer nettement  
Mes robes, qui s'en vont sales extremement?  
Car puis qu'estes assis au conseil venerable  
Avec tous ces seigneurs, il est bien conuenable  
Que vos habillemens soient reblanchis & nets,  
Pour mettre dessus vous. Cinq enfans vous sont nez  
Excellens, deux desquels sont ioints par mariage,  
Les trois qui sont encor en leur premier ieune aage  
N'estans pas mariez, veulent tousiours porter  
Leurs accoustrements nets ( & sçauent bien noter  
S'ils ne sont reblanchis.) Pour quand le bal se dresse  
Y aller les premiers exercer leur ieunesse.

Or ceste charge là tombe totalement  
Sur moy, qui suis de vous aymee uniquement,

La pucelle rougit deuant son pere, & sage  
N'osa pas prononcer ces mots de mariage,  
( De nopces, d'espousee, & bien se contenoit )  
Encor que le vieillard qui y prenoit plaisir

Alcinoüs  
à Naufric  
caa.

S'en apperceust assez, & de douce maniere,  
Luy dit: Je le veux bien, ô ma fille tres-chere,  
Mules & chariot, ie ne te les plains pas,  
Va pren les, & fais-en tout ce que tu voudras.  
Je m'en vais commander à mes gens qu'on appreste  
Mon chariot doré, & que l'on le te preste,

Coman  
de de  
bailler  
sō char  
à Naufric  
caa.

Les roues quant & quant aux raiX bons & parfaits,  
Et faiëtes de bois fort pour porter un grand fais.  
Ce disant à ses gens aussi-tost il commande  
D'appareiller son char, Eux de vitesse grande

Courent luy obeyr, sortent diligemment  
 Le chariot dehors, courant legerement  
 Par les mules tiré, qu'ils prennent, les attellent  
 Leur mettent le harnois, puis la Princesse appellent,  
 Qui de sa chambre sort: Portant ses vestemens,  
 Et chargeant sur le char maints beaux accoustremens.

Sa mere luy fournit une pleine corbeille  
 De viures qu'il falloit delicats à merueille,  
 Du pain honnestement de delicieux vin  
 Vne grand peau de bouc: puis un vase d'or fin  
 D'huyle humide & coulant, pour s'oindre estât lauee  
 Et ses filles aussi, elle estoit esleuee  
 Desia dessus le char, prend le fouët d'une main,  
 Les mulles sollicite, elles partent soudain  
 Sentans qu'on leur donnoit dessus le col les rennes:  
 Elle vont s'allongeans & galopent soudaines  
 Faisans forces rumeur, portent tout à la fois  
 Et pucelle royale & Nymphes, (plaisant poids,)  
 Et tous les vestemens. Tant qu'en fin paruenues  
 Au fleuve au verd riuage, elles sont descendues  
 Aux lieux où se ioignoient continuellement  
 Les lauoirs Scheriens. A l'endroit iustement  
 Où les vagues estoient & hautes & profondes,  
 Le canal leur couloit belles & nettes ondes  
 Pour bien nettoier tout, elles délient lors  
 Les mules de leur char, & tout le long des bords  
 Les enuoyent du fleuve, où leur ventre elles chargent  
 De l'herbage des prez. Puis les Nymphes déchargent  
 Les habits hors du char, & les vont blanchissant  
 Dans les lauoirs des eaux du fleuve noircissant,

Naufr-  
 caa va  
 au fleu-  
 uc.

Y arriue

Et lauent à lenuy. Quand les taches frottées  
 Dans leau à belles mains furent toutes ostées,  
 Leurs vestemens rangez elles vont estendant  
 Sur le grauiet bien net, que londe en descendant  
 Dans la mer, quelquesfois sur le rivage enuoye,  
 Amassé le submerge & le laue & nettoye,  
 Cela faict, tout le corps au fond du fleuve fraiz  
 Elles se vont lauer, & puis s'oignent apres  
 De la nette liqueur d'une huyle delectable.  
 Se mettent à manger sur la rive agreable  
 Du fleuve gratieux, tandis que secheroient  
 Leurs linges & habits, & que s'échaufferoient  
 Les rayons du Soleil. Apres qu'à suffisance  
 Elles eurent repue, la brigade s'avance  
 Pour iouer à la balle, & pour ce faire ostoient  
 Les coiffes & rubans que sur leur teste estoient:  
 Et cependant l'Infante aux bras blancs, aux mains  
 Comence doucement à chanter autour d'elles (belles,  
 Telle qu'on void Diane aise se promener,  
 Et faire sur son dos ses flesches resonner,  
 Ores sur son Taigete, ores sur Erimante.  
 De courir aux cheureux & ioyeuse & contente  
 Ou bien apres les cerfs. Les Nymphes tout aupres  
 Race de Iupiter ~~Amaz~~ le feuillage frais  
 Vont ioüant & dansant: une ioye enuironne,  
 D'aise tente le cœur de sa mere Latone.  
 Les Nymphes de la teste elle va surpassant,  
 Et de loing pour maistresse on la va cognoissant.  
 D'elle chacune est belle, & digne d'estre aymee,  
 Mais Diane seule est la plus belle estimee.

Naufi-  
 caa cō-  
 parée à  
 Diane.

Telle Nausicaa sur toutes paroissoit,  
 ( Et detaille & beauté les autres surpassoit, )  
 Preste à s'en retourner ses filles elle appelle  
 Demande le carrosse & presse qu'on attelle,  
 Que les hardes on serre, & chasque accoustrement  
 Sec & net, comme il est soit plié proprement.

Au mesme temps Pallas inuentive à merueille  
 Pour faire qu'Ulysses du Sommeil se reueille,  
 Voye Nausicaa la belle, qu'avec soy  
 Elle luy donne entree en la maison du Roy,  
 Medita ce moyen : c'est que de vehemence  
 Contre une sienne fille une balle elle eslance,  
 Mais par cas fortuit Nausicaa faillit,  
 Et la balle sans coup dans le fleuve saillit.

Pallas  
 inuente  
 moyen  
 de faire  
 voir U-  
 lysses à  
 Nausi-  
 caa.

( Dans le gouffre profond elle tomba perduë,  
 Se cacha dedans l'onde & ne fut depuis veuë. )

Les Nymphes à ce coup au ciel haussent leurs voix,  
 ( Et de leur cry hautain resonne tout le bois: )

A ce resonnement Ulysses se reueille  
 Se leue en son seant, & beaucoup s'esmerueille:  
 Pense en beaucoup de chose, & dit en son priné,  
 En quel païs helas ! pourrois-je estre arrivé,  
 Quel peut-estre ce lieu, quelle mer, quel riuage,  
 Quelle humeur d'habitans ? si farrouche & sauvage,  
 Inciuile, rustaude, & fiere en cruauté  
 Ou bien s'ils sont benins, doiëx de pieté ?  
 Mais, n'ay-je pas ouy des voix, & des criries  
 De Nymphes s'esleuer du costé des prairies ?  
 Font-elles leur demeure en ces ombrageux monts,  
 Ou dans les lieux secrets de ces antres profonds,

Ulysses  
 se reuil  
 le au cry  
 des filles  
 de Nau-  
 ficaa.  
 Dis-  
 cours  
 d'Ulyf-  
 ses.



Où parmy ces forests belles & ombrageuses  
Où dans ces sources d'eaux, riuës marescageuses?

Où sont-ce hommes, vers qui ie suis or arriué,  
Qui ont dessus ces champs ce tumulte esleué?  
Mais de les aller voir, quel danger, quel dommage?  
I'iray, le tenteray, le verray d'auantage.

Vlysses  
se leue  
& sort  
nud de  
la forest

Il dit, & tout soudain par la forest s'en va,  
Vn grand rameau feüillu d'un arbre il enleua,  
Et en cacha sa honte. Il sort nud, miserable,  
De la forest, pareil au Lyon redoutable,  
De poil & de criniere, & de bouche hideux:  
Nourry dās la mōtagne, & qu'un vallon pierreux,  
Vne ombreuse forest ont par beaucoup d'annees,  
Maintenu, defendu: les pluies effrenees,  
Les vents l'ont combattu, de la forest il sort  
Presomptueux, dequoy il se sent estre fort:  
Il branle sa criniere, anime son courage,  
Agite sa fureur, & demeure sa rage,  
Sa bouche iette flamme, il brille de ses yeux,  
Et par tout il les va promenant furieux:  
Puis se darde sans peur, & sur les bergeries  
Où dessus les Taureaux empourpre ses furies.  
Il déchire, il esgorge: où tantost es deserts  
Il se iette animé, & sur les peureux Cerfs  
Sa moustache ensanglante: Aussi la faim horrible  
Et le ventre affamé l'ont fait ainsi terrible,  
L'ont contraint de donner iusques dans les rampars  
Que le soigneux paysan a munis de feuillards.  
De mesmes Vlysses aupres des Nymphes belles  
Ainsi nud s'approchoit, ses fortunes cruelles

Et la nécessité l'ont inſques là forcé:  
 Ainſi leur paroïſt-il horrible & heriſſe  
 Du froid & de la mer, les fillettes craintives  
 Le voyans, çà delà s'enſuïrent haſtiues,  
 Où ia ſoudaineté premiere les porta,  
 Et tout le long du bord chacune ſe ietta,  
 (Et la peur à leurs pieds leur attachades aiſles.)  
 Mais Nauſicaa ſeule entre ſes Damaïſelles  
 Fit ferme, ſans trembler. Car Pallas luy pouſſa  
 Force, courage, & cœur, & ſa crainte chaſſa.  
 Comme il la regardoit, elle demeura ferme:  
 Et le Dulichien ne ſçauoit en quel terme  
 Il ſe feroit entendre, ou s'il luy toucheroit,  
 Se baïſſant les genoux, ou s'il demeureroit  
 Quelque peu eſloigné luy faiſant ſa requête  
 Qu'il luy pluſt luy monſtrer quelque demeure hon-  
 Quelque lieu de retraite, & benigne, luy fiſt (neſta,  
 Par hoſpitalité preſent de quelque habit.

Il reſolut en ſin ſa douteuſe penſee,  
 Qu'il parleroit de loing, de peur que courroucée  
 De ſa preſomption, elle ne le puniſt  
 Et de ſa compagnie elle ne le banniſt:  
 Voicy donc qu'en mots fins & flateurs il commence.

Me voicy ſuppliant, Reyne (ſois ma deſſenſe,)  
 Soit que tu ſois Deeſſe ou d'entre les mortels.  
 Si Deeſſe, & tu ſois du rang des immortels  
 Qui habitent au Ciel, certes ie t'accompare  
 Pour la beauté, la taille, & pour la façon rare  
 A la belle Artemis fille de Iupiter.  
 Si des mortels qu'on voit ſur la terre habiter

Les filles  
 de  
 Nauſi-  
 caa le  
 voyant  
 nud s'é-  
 fuyent.

Nauſi-  
 caa de-  
 meure.

Vlyſſes  
 à Nauſi-  
 caa.

O bien-heureux ton pere, ô heureuse ta mere,  
 O trois fois bien-heureux & ta sœur & ton frere,  
 Quel plaisir ce leur est, quel grand contentement,  
 Et comme leur esprit fleurit allaigrement,  
 Quand (toy leur race belle, & germe d'excellence)  
 Il te voyent heureux t'en aller à la dance :  
 Mais tres-heureux sur tout celuy qui te donna  
 Son ame par amour, qui te fiancera,  
 Dont tu seras la femme, & de liesse pleine  
 Te menera peupler son paternel domaine.  
 Certes ie ne vy onc mortel semblable à toy,  
 Ou soit homme, ou soit femme: une femme ie croy  
 Mortelle n'est pas telle, & tant plus ie t'admire,  
 Plus ie deuiens muet, & ne sçay plus que dire.

Ie vy n'a pas long temps en l'Isle de Delos  
 Aupres du saint Autel du grand Dieu Apollos  
 Germer le tendre bois d'une palme semblable,  
 (Car i'estois allé là sur l'onde nauigable  
 Avec beaucoup de gens, & beaucoup malheureux  
 Ce voyage me fut.) Ie vy dis-je en ces lieux  
 L'arbre que ie te dy sur tous émeraeillable,  
 Car i'en auois veu de ma vie un semblable.  
 I'en fus long temps surpris d'un grand estonnement,  
 Et ie suis hors de moy y pensant seulement.

Ie t'admire de mesme, ô vierge belle & sainte,  
 I'en suis tout hors de moy, & ie tremble de crainte  
 En voulant embrasser tes genoux precieux  
 Affligé que ie suis. Le sort malicieux  
 Me tourmente beaucoup, & la fortune aduersé  
 Tres-pitoyablement me bat & me renuerse:

Car hier iustement vingt iours sont accomplis,  
(Iour déplorable à moy,) que sur les creux replis  
M'ont agité les vents, & qu'ayant fait naufrage,  
Tant le malheur m'est grand, me suis sauvé à nage  
Les orages cruels m'ont ainsi tourmenté,  
J'ay eu dessus les eaux tousiours l'obscurité  
Depuis l'Isle Oggyie, & par la mer cruelle  
Miserable ay couru, tant qu'en ceste Isle belle  
Je voy que quelque Dieu à la fin m'a poussé,  
Pour esprouuer encor le malheur courroucé,  
Car ie ne pense point que des Dieux la colere  
Vueille finir encor ma trop longue misere.

Je me suis adressé premierement à toy  
Reyne, ie te pry donc d'auoir pitié de moy  
Car ie n'ay veu personne, ou de ceux qui demeurent  
Es villes, ou de ceux qui la terre labourent.  
Monstre moy quelque ville où i'aille vistement:  
Et si tu as icy habit ou vestement  
Dans tes coffres fermes, commandes qu'on les ouure,  
Et qu'on m'en accommode, afin que ie m'en couure.  
Et ie prie aux grands Dieux que sans te contrister  
Ils te donnent de quoy ton ame contenter,  
A quelque bon mary sois-tu bien tost donnee,  
En puisses-tu auoir une heureuse lignee,  
Et vostre mariage ait eternellement  
Pacifique duree, appuyé iustement.  
„ Au monde chose n'est plus vtile & plaisante  
„ Que quand à son mary la femme est consentante,  
„ Le mary à sa femme, & quand de commun pié  
„ Ils vont ensemblement lians leur amitié:

„ Sont en pareil respect, de bonne intelligence,  
 „ Honorent leur maison de pareille prudence,  
 „ Sont mutuellement de s'aimer studieux,  
 „ Et sont de leur mesnage ensemble curieux.  
 Leurs ennemis de rage & de despit en creuent,  
 Leurs amis en ont ioye, & leur cœur en esleuent,  
 Mais eux s'oyent à tous en honneur preferer.

A luy comme il finit ces mots vint proferer

Nausicaa la blanche. Ami, ie veux bien croire  
 Que tu n'es point poussé de sottise ou de gloire,  
 Ie voy bien que tu n'as faute d'entendement  
 Et que tu n'es encor méchant aucunement.  
 Or le grand Iupiter qui se sied sur la nuë,  
 Tant aux bons qu'aux mauuais ses thresors distribue,  
 Partage à son plaisir, à son vouloir aussi  
 Ses biens comme il luy plaist. S'il t'en a fait ainsi,  
 Et qu'il t'ait enuoyé du mal en abondance  
 Comme il est apparent, te faut en patience  
 Prendre sa volonté. Or puis que te voicy

Luy pro  
met as-  
stance.

Abordé dans nostre Isle, & ceste ville icy,  
 Tu ne chommeras point de robes necessaires,  
 Et tout ce dont il faut ayder à tes miseres,  
 Tout ce que tu requiers, & ce que requerroit  
 Vn qui nud, miserable & pauvre arriueroit,  
 Tout te sera donné, puis te diray, facile,  
 Et le nom de ce peuple & le nom de la ville.  
 Ce sont les Phæaquois qui sont les habitans  
 De ces lieux que tu vois (fertilement portans :)  
 Ie suis la fille aussi du magnanime Prince,  
 Le bon Alcinoüs. Il est sur la Prouince

Le plus grand & puissant. Ainsi elle parla,  
Et ses filles soudain en maistresse appella.

Où courez-vous ainsi, dit-elle, par la pleine,  
Demeurez, arrêtez, quelle crainte vous meine ?  
Pour avoir veu un hōme ? Et quoy ? penseriez-vous  
Qui fust un ennemy, pour venir droict à nous ?  
Un homme si maüillé, si foible & si debile  
Ne paroist pas avoir une façon hastile  
Pour faire en cest estat la guerre, & courir sus  
Aux hommes habitans de Phæace. Au surplus  
Nous sommes aux grands Dieux chers & recōman-  
Puis, no<sup>s</sup> sōmes biē loin des terres habitables, (dables.  
Dans les ondes à part: Nul des hommes aussi  
N'a commerce avec nous. Seulement c'est icy  
Quelque pauvre estranger qui ce pendant qu'il erre  
Se voit ( par le hazard ) ietté sur nostre terre.  
Il nous le faut traitter, il en faut avoir soing,  
Car les infortunez & qui viennent de loing  
Sont de par Iupiter. Tout ce que l'on luy donne  
Tant petit puisse-il estre, est certes grande aumosne,  
„ Toujours c'est belle chose aux pauvres presenter  
„ Quoy que peu. Or sus donc que l'on aille apprestier  
A manger & à boire : & vous autres fillettes  
Allez le nettoyer devant dans les eaux nettes  
En l'endroit où les vents trop grands ne donnent pas.

Le faict  
manger.

A ces propos ayans un peu sursis leurs pas  
On les voit arrester, puis de course legere  
En s'entr'ourageans menent à la rivièr  
Le miserable Ulysse, en un lieu l'ont conduit  
A l'abry, où les vents ne faisoient point de bruit.

Les fil- *Portent habillemens & robes precieuses,*  
 les le *Et dans un vase d'or liqueurs delicieuses*  
 meinent *De par Nausicaa, puis d'un courtois parler*  
 lauer. *Luy dirent qu'il se laue au fleuve net & clair.*  
 La dif- *Adoncques Vlysses. Recullez vous fillettes*  
 cretion *Tandis que ie me laue en ces ondes molletes*  
 d'Vlyf- *Sale de l'eau de mer : & de vous ie prendray*  
 ses aux *Ceste douce liqueur, & le corps m'en oindray*  
 filles de *Fort las & harassé. C'est tout ce qu'il demande*  
 Nausi- *Vain & matté qu'il est, l'espace estant bien grande*  
 caa. *Qu'il n'eut nulle liqueur, huile, n'oignement doux*  
*Pour se reconforter. (Doncques recullez vous :)*  
*Me lauer deuant vous, m'oindre en vostre presence*  
*Iamais ne m'aduiendra, (i'ay trop de reuerence*  
*A vostre honnesteté,) & mesme ie rougis*  
*Qu'ainsi nud deuant vous presenté ie me suis.*  
*Il dit, & loing de luy s'en vont les Damoiselles*  
*A leur belle maistresse en porter les nouvelles :*  
 fies *Mais Vlysses tout seul à l'aise se laua,*  
 lauc. *Se nettoya le corps, & la crasse enleua,*  
*Dont le limon, l'escume, & la fange & le sable*  
*Auoient sortant de l'eau salé le miserable.*  
*Net & laué qu'il est, la liqueur riche il prend,*  
*Et l'huile precieux sur ses membres respand,*  
*Se pare des habits dont la royale Infante*  
*Luy auoit fait present. Pallas encor' l'augmente,*  
 as le *Luy donne plus grand lustre & plus grand maïesté,*  
 plus *Hausse sa taille encor' & accroist sa beauté.*  
 enera- *Sur son col en apres ses cheueux il desploye,*  
 eia. *Les orne tant qu'il peut, les frise, les nettoye :*

Elle

Elle les fit pareils aux fleurs de l'Hyacinth :  
 Tout ainsi que l'argent par le maistre est enceint,  
 Est environné d'or, maistre à qui Vulcan mesme  
 A de son art appris la science supresme,  
 Que Minerue a dressé, qui donne entierement  
 A l'artisan subtil la main, l'entendement  
 Pour faire un beau chef-d'œuvre, afin qu'en toute sor-  
 En l'art ou en la grace, honneur il en remporte : (te  
 De mesme elle souffla sur sa teste & son corps  
 Et la grace & l'honneur. Il se retire alors,  
 Et se promene à part sur le bord du riuage,  
 Orné de Maïesté, de grace & de corsage.

La fille qui le void si merueilleusement  
 En un instant changé, l'admire grandement,  
 Puis se tournant à coup deuers ses Damoiselles  
 (Aux yeux estincellans) aux cheuelures belles:  
 Escoutez ie vous pry' filles aux beaux cheueux,  
 Aux bras polis & blancs. Ce n'est malgré les Dieux  
 Qui foulent le plancher de l'Olympe immobile  
 Que cest homme diuin est venu en ceste Isle.  
 Naguere il ressembloit un homme de neant,  
 Oré il est tel qu'un Dieu sur le hant ciel seant.  
 Pour moy, ie voudrois biē qu'un qui luy fust sembla-  
 Vint estre mon mary, qu'il eust pour agreable (ble  
 De demeurer icy. Mais portez luy soudain  
 Quelque chose à manger, & luy donnez du vin.

Le dire & lobeir furent presque semblables,  
 Elles portent & vins, & viures souhaittables:  
 Mais il ne mangeoit pas, plustost il deuoroit,  
 Mais il ne beuuoit pas, plustost il engouffroit

Nausicaa  
 s'eston-  
 ne de le  
 voir si  
 changé.

Vlysses  
 deuore  
 au lieu  
 de man-  
 ger.



Car il avoit long temps porté la faim cruelle,  
Et son ventre souffroit inanité mortelle.

L'infante cependant de ploye ces beaux bras,  
Ses hardes va jettant sur le carrosse à tas,  
Les mules fait venir, dont l'ongle bat & presse  
Les champs reuerdissans, d'incroyable vistesse  
Les met au chariot, dessus d'un pied dispos  
Saute, & à Vlysses tient semblables propos.

Naufr- Sus, mon amy, debout, nous nous en allons prendre  
caas'en

retour- Le chemin de la ville, il t'y faut aussi rendre :

nant à la Car ie veux t'envoyer en la belle maison

ville, d'o De mon pere doië de prudence & raison,

ne aduis Où tu verras ie croy, de toute la Phæace

à Vlyf- Tous les plus apparans de noblesse & de race.

ses com- Mais fay comme ie dy. ( Car tu ne manque pas

me il fe- Je croy, de bon auis ) nous dresserons nos pas

deura Par ces champs labourez, cheminans vers la ville,

gouver- Cependant vous suivrez vite ment à la file

ner. Tant mes femmes que toy, car ie m'en vay devant,

Entrer dedans la ville, où se vont esleuant

Maintes superbes tours, où double port s'entr'ouvre

Tant d'un costé que d'autre, & les nauires couvre.

L'entree en est estreitoite, & les vaisseaux poissez

I sont des deux costez, & portez & poussez,

Par l'une & l'autre voye à eux aysee & seure.

Car chacun d'eux y a commode sa demeure,

Sa station aysee & son lieu opportun.

La halle est tout aupres du temple de Neptun

Faite de grands carriers de taille magnifique :

Là se faict, se bastit mainte barque aquatique,

Les cordages, les masts, auirons pour ramer  
S'y reconurent, s'y font, lequipage de mer  
Que doivent auoir ceux qui sur la mer sillonnent.

Car les Phaaciens nullement ne s'adonnent  
Ny à tirer de l'arc (ouuré de corne d'os)  
Ny à porter vn tas de fleches sur le dos,  
Tout leur contentement s'estend, de bien conduire  
A voiles sur la mer vn mast, vne nauire,  
C'est leur ambition de voyager sur mer,  
Et à ce mestier là leur âge consumer.

A quoy  
les Phea-  
ciens  
s'occu-  
pent.

Je fuy de ces gens là les paroles piquantés,  
Et que quelque indiscret de clameurs médisantes  
Ne tache mon renom: Car ceste nation  
Superbe est adonnée à la detraction.

Nauſi-  
caa haye  
le car-  
quet de  
la com-  
muné.

Et si quelqu'un d'entr'eux d'auenture s'aduiſe  
Que tu viens avec moy, ie crains qu'il n'en médise.

Voyez cest estranger qui suit Nausicaa  
Qu'il est disposé & beau, & quelle taille il a!  
Où l'a-t'elle trouuée! C'est donc qu'elle en veut faire  
Pour le vray son mary: Possible, de bonnaire  
L'a elle rencontré errant comme estranger,  
Et sortant de sa nef, & le veut heberger.  
Faut qu'il soit estranger: Car nul homme semblable  
Ne se trouue icy près. Ou vn Dieu exorable  
Qu'elle a bien inuoké, du Ciel est descendu  
Et pour se marier près d'elle s'est rendu  
Pour n'en bouger iamais. Bonne rencontre a elle  
Si en se promenant par la campagne belle  
Elle a trouuée mary d'ailleurs. que du pais:  
Ceux qui l'ont recherchee en seront esbahis,

Verront que leur poursuite a pour eux esté vaine,  
Et quelques grâs qu'ils soiēt qu'ils ont perdu leur pei-  
Voilà ce qu'ils diront, & leur detraction (ne.

Dechireroit ainsi ma reputation,

Et ie condamnerois moy-mesme la premiere

La fille, qui, vivans & son pere & sa mere,

Voudroit se marier contre leur volonté,

Sans attendre le iour de sa solennité.

Retien donc bien cecy, afin que tu obtienne

Du Roy, de retourner en la patrie tiennne.

Nous trouverons bien tost une sainte forest

De peupliers ombrageux, qui tres-belle parest

Près du chemin, sacré, à Pallas la guerriere,

D'une fontaine sourd la petite rivièrre,

Au tour de la forest les prez sont verdissans

(De mille belles fleurs gayement florissans :)

Là sont les champs fertils, & les beaux heritages,

Là sont les grands vergers, les plaisans iardinages

Du Roy Alcinois (au monde tant vantez,

Et pour leur rareté d'un chacun exaltez)

De la ville autant loing que se peut faire entendre

La voix parmy les champs quand on la veut estēdre,

Tu demeureras là insqu'à tant que soyons

A la ville, & plus loing au palais arrivions :

Et quand tu penseras qu'y serons parvenues,

Entre lors, & demande à quelqu'un par les rues

Où demeure le Roy. Chacun te le dira,

Mesme le moindre enfant monstrier te le pourra,

Sur toute sa maison est facile à cognoistre.

Celles des Phæaquois ne se font pas paroistre

Telles que celle là. Quand entré tu seras  
 Passe diligemment plus outre, & tu viendras  
 En la chambre à ma mere : elle sera seante  
 Au foyer près du feu, à la lueur filante,  
 Sa quenouille au costé, en la main le fuseau,  
 Tournoyant un filet emerueillable & beau.  
 Oeuvre si delicat que chacun s'en estonne,  
 Son dos est appuyé contre une grand colonne  
 Ses filles sont aupres, rengées sagement,  
 ( Et qui à leur besogne entendent proprement.)  
 Deuers elle est tourné le siege venerable  
 De mon pere, où il sied, quand il veut boire à table,  
 Comme feroit un Dieu. Là, dy-ie, à l'aise il boit,  
 ( Et le vin espargné nullement ne s'y voit.)  
 Il te faut passer outre, embrasser de ma mere  
 Vistement les genoux, Si en ta maison chere  
 Tu veux aller bien tost, & si tu as le soin  
 De reuoir ton pays, encor que soit bien loin.  
 Si elle te reçoit d'un gracieux visage,  
 Et te vient consoler : alors prens bon courage,  
 Espere de reuoir ton retour desireux,  
 Et de t'en retourner en ton pays heureux.

Ce disant ( elle donne à ses mules les rennes)  
 Et fait flisquer le foïet : Elles partent soudaines,  
 Laisent le fleuve arriere, & de leurs pieds ferrez  
 Battent les belles fleurs sur les prez azurez.  
 L'infante les retient, pour faire qu'apres elle  
 Vienne plus aisément sa troupe leste & belle,  
 Et Vlysses aussi. Le foïet resonance en l'air,  
 ( Et son viste carosse aux yeux semble voler.)

*Iale Soleil lauoit l'or de sa tresse blonde  
 Se penchant dans le bleu de l'Occidentale onde,  
 Et les Nymphes tandis approchoient de leur pié  
 Le bois délicieux à Pallas dédié :  
 Mais Vlysses s'assist & demeura derrière,  
 Et luy faisoit ainsi sa deuote priere.*

Priere  
 d'Vlyf-  
 ses à  
 Pallas.

*Fille de Iupiter, indomptable Pallas  
 En fin escoute moy, car tu ne saulois pas  
 M'escouter cy deuant, quand Neptune en son ire  
 Colere submergeoit mon chancelant nauire,  
 (M'agitoit sur les eaux, lançoit sur moy le vent,  
 Et sans mercy m'alloit à la mort pour suiuant.)  
 Donne moy d'arriuer, combien que miserable,  
 Chez les Phæaciens, & d'y estre agreable.*

Pallas  
 l'exauce

*Il dit, & la Deesse (en vain il ne pria)  
 Qui l'ouyt, mais encor sur luy ne déplia  
 Son œil resplendissant, elle craint & reuere  
 Le courage offensé du frere de son pere,*

Elle  
 craint le  
 cour-  
 roux de  
 Neptu-  
 ne.

*Car Neptunus estoit grandement irrité  
 Au diuin Vlysses, insigne en pieté:  
 Et contre luy dura cruellement son ire  
 Deuant que d'estre en terre (& quitter le nauire.)*

Fin du sixiesme Liure.



# LE SEPTIESME

## LIVRE DE L'ODYSSEE

D'HOMERE.

### ARGUMENT.

**N**Ausicaa retourne en la ville, & apres elle Vlysses, qui supplie Areté femme d'Alcinoüs. Apres le soupper elle l'interrogeant d'où il auoit recouré l'accoustrement qu'il portoit ( car elle l'auoit recogneu: ) il luy raconte toute la fortune de sa nauigation depuis son departement d'Ogygie iusques à son arriuee en Phæacie.

### AUTRE SOMMAIRE.

*Receu dans le palais Areté l'importune  
De luy conter au vray le cours de sa fortune.*

**L**E diuin Vlysses au cœur sage & prudent, Naufr-  
En ces termes prioit. Les mules cependant caa arii-  
La pucelle tiroiet de force & d'allegresse, ue au pa-  
La portās à la ville. Et puis quād la Prin- cinoüs.  
*Au spendide palais de son pere paruint, ( cesse  
Elle s'arreste court, & les mules reuint :*

Deuant la porte sont ses freres venerables  
 Ayans façon de Dieu, aux celestes semblables:  
 Se leuent l'ayant veüe, au deuant d'elle vont  
 Pour luy faire seruice, & les harnois deffont  
 Qui les mules tenoient au carosse liees,  
 Et font porter dedans les robes delices  
 Qu'on venoit de lauer. Elle se retira  
 En sa chambre, où alors la vieille d'Æpera  
 Eurymoduse, ayant de sa chambre la charge,  
 Luy allumoit du feu. Par la campagne large  
 Sur les vaisseaux flottans, ( qui par pays diuers  
 Leurs voiles faisoient voir aux plus lointaines mers )  
 Elle auoit autresfois esté ieune amenee,  
 Et pour present au Roy Alcinoüs donnee:  
 Pource qu'en Phæacie alors il commandoit,  
 Et sous luy, comme vn Dieu, le peuple se rendoit.  
 Sa fille elle nourrit dessus le Royal siege  
 Nausicaa la belle, aux bras blancs comme neige:  
 Elle vint sur le feu le bois sec arranger,  
 Et propre & diligente apprestoit à manger.  
 Cependant Vlysses se relevant habille  
 Achemina ses pas à la royalle ville,  
 Et Pallas le couurit d'un voile nuageux  
 De peur qu'on ne le vist, & que quelque outrageux  
 Ne le vint enquerir, l'arrester & le prendre,  
 Ne voulust le sujet de sa venue entendre:  
 Que quelque curieux ne luy vint au deuant,  
 Et n'allast contre luy de propos estruiant,  
 Luy demander son nom, & de quelle contree,  
 Et depuis quand dans l'isle il auoit faict entree.

Pallas  
 couure  
 d'une  
 nuee V.  
 lysses ar-  
 riuant à  
 la ville.

Quand il fut prest d'entrer dans l'aymable cité  
 Il rencontra Pallas, qui avoit emprunté  
 La forme & le semblant d'une vierge gentille  
 Qui portoit une cruche. Adonc la ieune fille  
 S'arresta devant luy. Si luy dit Vlysses :  
 Fille pourriez-vous point me donner quelque acces,  
 Me monstrier le palais grand en maçonnerie  
 Du sage Alcinoüs qui commande en Scherie?  
 Je suis un estrangeur venu nouvellement  
 D'un pays esloigné, qui ay estrangement  
 Souffert dessus la mer, & paty sur Neptune:  
 Je n'ay adresse icy ny cognoissance aucune  
 Des habitans du lieu. A qui alors Pallas  
 La Deesse aux yeux vers. Pere (tu ne peux pas  
 Avoir mieux rencontré) de volonté tresbonne  
 Je te l'enseigneray, ie le puis, car personne  
 Ne demeure plus près que mon pere, du Roy,  
 Tai-toy donc seulement, & r'en viens apres moy  
 Situle veux scavoir. Au reste ne t'arreste  
 Pour parler à personne, en allant, ne conteste,  
 Ne débats, ne t'enquiers : car les gens incogneus  
 Estrangers comme toy, ne sont trop bien venus  
 En ce pays icy, & est fort difficile  
 Qu'ils tirent propos doux des manans de ceste isle,  
 Se confians sans plus en leurs legers vaisseaux,  
 Sur lesquels ils s'en vont traffiquer sur les eaux :  
 Car aussi tost que vont la pensee & les aïles,  
 Neptun leur a donné leurs navires isnelles.  
 Elle se mit devant ce disant, & apres  
 Vlysses cheminoit & la suivoit de pres.

Il ren-  
 contre  
 Pallas  
 souz la  
 sembla-  
 ce d'une  
 fille.

Vlysses à  
 Pallas.

Pallas à  
 Vlysses.



Mais les Phœaciens experts au nauigage  
 N'aperceurent iamais marcher le Prince sage  
 Au trauers de leur Ville. A eux aussi Pallas  
 La Vierge aux beaux cheueux ne le permettent pas,  
 L'ayant trop bien couuert de l'espais de la nuë  
 Qu'elle auoit dessus luy diuinement tendue.  
 Vlysses s'émerueille & regarde les ports  
 Les grands vaisseaux legers (prêts à tirer dehors)  
 La place des Seigneurs, le mur espouventable,  
 Les fosses remparez, chose à voir admirable.

Vlysses      Comme ils furent venus à la maison du Roy,  
 arrive au      Estranger mon amy, luy dit Minerue, voy  
 palais du      Le palais que tu veux. Estant dedans la salle  
 Roy.      Tu verras les seigneurs, race grande & royale,  
 Pallas      Venus de Iupiter, à table banquetans:  
 l'instruit

„ Entre sans s'estonner: l'homme fort, en tout temps  
 „ Passe par dessus tout, & Dieu le fauorise,  
 Bien qu'il vienne de loing. Tu trouueras assise  
 La Reyne dans sa chambre: elle a nom Areté,  
 Femme du Roy tres-proche à luy de parenté,  
 Car de Nausithoüs Neptune fut le pere,  
 Neptune esbranle mer, Peribæe la mere,  
 Derniere des enfans d'Eurymedon le fort.  
 Sur les Geans son pere eut combat plein d'effort,  
 Mais en les debellant, sous la déconfiture  
 Que cruelle il en fit, il souffrit la mort dure.  
 Apres sa mort, Neptune Roy des flots dangereux,  
 Deuint de Peribæe ardamment amoureux.  
 Le fort Nausithoüs sortit d'une amour telle:  
 Qui commandant depuis en Phæace la belle

D'Alcinoüs fut pere, & du beau Rhexenor  
 Qui fut tué chez luy par Phœbus au traits d'or  
 N'ayant point d'enfans masle, ains une fille unique,  
 La diuine Arété. Qu'estant Roy pacifique  
 Espouse Alcinoüs, en elle eut son desir,  
 Et fut sur toute femme à son gré son plaisir.  
 Par tout le monde entier en tout temps, en tout aage  
 On n'a point veu parler d'un pareil mariage,  
 Tant la femme ayt esté sujete à son espoux,  
 Tant elle fait aymé de cœur fidelle & doux.

Ainsi Alcinoüs, ainsi ses enfans mesme  
 Sont de tous leurs subiets aymez d'amour extrême.  
 Et si grand est l'honneur, le los, la Majesté  
 De la Reyne, qu'elle est comme une deité.

Reuerée de tous: s'elle va par la rue  
 Vn chacun la bien-veigne, vn chacun la saluë  
 (Frappant des mains de ioye) elle est d'esprit heureux,  
 D'entendement prudent. Au pauvre, au malheureux,  
 Elle ayde volontiers, les procez elle appaise,  
 (Et quand elle bien-fait, son cœur en tressant d'ayse.)

Quand d'un visage doux elle te recevra,  
 Tiens pour tout assésuré qu'elle te donnera  
 Moyen de retourner mettre ordre à tes affaires.  
 Voir ta douce maison & tes Dieux tutelaires.

Ce disant, dedans l'air viste elle se poussa  
 Delaisssa Pheacie, & les champs repassa,  
 Champs d'escume couuerts, plaines Neptuniennes,  
 S'en vint à Marathon, arriva dans Athenes  
 Aux ruës spacieuses, & dedans la Cité  
 Alla prendre logis au palais d'Erethé.

Pallas se  
 retire à  
 Athenes

Palais  
du Roy  
Alci-  
noüs.

Cependant Vlysses vers la maison s'avance  
 Du Roy Alcinoüs : diverses choses pense  
 En son entendement, avant qu'estre arrivé  
 Sur le cuyure poly du reluysant pavé :  
 Car de ce riche Roy la maison haute & belle  
 De toutes parts luisoit, d'esclat, de splendeur telle  
 Que celle de la Lune, ou celle du Soleil.  
 De cuyure estoit le tour de son mur nompareil,  
 D'un & d'autre costé des le seuil de la porte  
 Jusqu'au plus recullé de l'enceinte tres-forte.  
 Le chapiteau d'azur, les portes estoient d'or  
 Qui fermoient la maison, d'argent estoient encor  
 Les posteaux se dressant dessus le seuil de cuyure,  
 Et d'argent le linteau (pour tout faire bien suyure)  
 Et le corniche d'or. Aux costez paroissoient  
 Chiens d'or & chiens d'argent (& semble menaçoïer)  
 Vulcan les avoit faits d'admirable industrie  
 Pour garder la maison du Prince de Scherie:  
 Ils ne pouvoient vieillir, & l'ouvrage estoit tel  
 Que sans corruption il duroit immortel.  
 De tous costez, le long de la muraille forte  
 Sieges estoient rangez des le seuil de la porte  
 Jusqu'au fonds du palais, & maint accoustrement  
 Finement ouvragé, filé subtilement,  
 Là dedans se ferroit, œuvres emerueillables  
 Des femmes du chasteau. Là les plus honorables  
 De l'Isle & de la cour d'ordinaire arrivoient,  
 Et tout le long de l'an y mangeoient & beuvoient,  
 Y avoient bouche à court. Enfans d'or magnifiques  
 Estojent posez autour des autels pacifiques

Grands flâbeaux en la main, qui la nuit surmôtoient,  
Et sans cesse éclairaient à ceux qui banquettoient.

Là dedans y avoit cinquante chambrières

Ayants la charge & soin (parfaictes mesnageres)

De moudre le froment, de pestrir, de bluter,

Et de sçavoir le lin dignement apprester.

Manier le fuseau, & d'employer les laines.

Comme du haut peuplier sont les feuilles soudaines,

Et semble des habits l'huile frais distiller.

Comme ce peuple sçait tous autres exceller

En l'art de nauigage, & pour courir sur l'onde

Ceux de ceste Isle là sont les primes du monde,

Leurs femmes tout ainsi en la toile, au mestier,

Pour filer, pour ourdir ont l'esprit singulier.

Car Pallas leur avoit en tres-grande abondance

Donné le naturel, l'art & l'intelligence,

De manier le lin, de tourner le fuseau,

Et de faire un ouvrage & magnifique & beau.

Or dehors le palais au sortir de la porte

Le grand iardin estoit ceint de muraille forte,

Contenant quatre arpens. En ce iardin croissoient

Arbres & grands & hauts, & tousiours florissoient,

Poiriers & grenadiers, pommiers aux pommes belles,

Figuier doux, oliviers aux verdours perennelles;

A ces arbres les fructs sans cesse pendilloient,

Jamais tant en Hyver qu'en Est n'y failloient,

(Les feuilles y gardoient leur honneur perdurable,

Et le suc doucereux n'y estoit perissable.)

Le doux Zephir aux vns fait croistre, gracieux,

Aux autres fait meurir le fruit delicieux.

Les  
Phæ-  
quois  
excel-  
lents au  
nauiga-  
ge, &  
leur fem-  
me à fi-  
ler & fai-  
re toiles

Jardin  
d'Alci-  
noüs.

La poire suit la poire, & la fleurante pomme

Qui n'y manque iamais fort soudainement ; comme  
Sa compagne a meury, qui s'y tost ne meurit

Comme tout aussi-tost une autre apres fleurit :

Ainsi ces fruitts, sans fin l'un en l'autre vieillissent :

Les poires tout ainsi sur les poires fleurissent,

A la figue se tient la figue, & le raisin

Se vicillit, renaissant le raisin son voisin,

Et ceux-cy les derniers fleurissoient à grand peine

Qu'à ceux là la vieillesse estoit toute certaine.

La la vigne en bons fruitts abondante croissoit

Ses racines soubz terre estendoit & pouffoit,

Dont les uns au Soleil se meurissent, se changent,

Exposés en lieu chaud, les autres se vandangent,

Se foulent au pressoir. Plus loing ils ne sont meurs,

Et de l'autre costé iettent encor leurs fleurs,

Ailleurs s'en vont meurir : fruitts en grâde abondance

Croissent en ces iardins & dons par excellence,

Et tout le long de l'an on les voit à plaisir

Florir & porter fruitts tant qu'en veut le desir.

La fontaine au  
jardin.

Vne double fontaine au gracieux murmure

Part de ce lieu plaisant, y gazouille & susurre,

L'une par le iardin ses eaux va trauersant,

L'autre soubz le pauer de la salle passant

Au trauers des rochers va promenant iazarde

La glace de son eau froidement babillarde.

Les tuyaux au palais plus haut se conduisoient

Et deffoubz le grand mur les bourgeois en puisoient.

C'est le palais Royal, c'est la magnificence

Que les Dieux tres-benins donnoient en abondance.

Au fort Alcinoüs. A ce plaisant obiect  
 Vlysses tout rauy fut un long temps muet,  
 Puis il passa la porte, & vit dans la grand sale  
 Les Ducs, les Conseillers (en Majesté Royale)  
 Qui verfoient le doux vin au vigilant Mercur.  
 Car tousiours ils l'offroient plus excellent, plus pur  
 Alors qu'ils se vouloient retirer en leurs chambres  
 Et donner au sommeil & leurs corps & leurs mēbres.

Vlysses  
 rauy.

Le diuin Vlysses incontinent entra  
 Et caché de la nuë au dedans penetra  
 Tout au plus pres du Roy. La Deesse guerriere  
 L'auoit tout couuert d'air par deuant & derriere  
 Afin qu'il approchast la Reyne à seureté,  
 Et le Roy son mary. N'eut si tost d'Arété  
 Humble pris les genoux, que la nuee espaisse  
 Se fend soudainement & visible le laisse.  
 Les Prince, tonnez grand silence gardoient,  
 A l'improuiste entré cest homme regardoient.

Vlysses  
 caché  
 de la  
 nuee en-  
 tre dans  
 le palais

La nuee  
 le laisse.

Lors il dit en priant. Arété digne race  
 Du diuin Rhexenor, me voicy que terrasse  
 La fortune ennemie en son aspre courroux;  
 Je viens à ton mary, ie tombe à tes genoux,  
 Et de tous ces Seigneurs. A qui les Dieux permettent  
 De viure heurensement, à leurs enfans transmettent  
 Leurs biens pour en iouyr contens en leurs maison,  
 Avec tous les honneurs à eux (selon raison)  
 Du peuple concedez: Donnez moy ie vous prie  
 Moyen de retourner bien-tost en ma patrie,  
 Octroyez moy pour Dieu des gens & des vaisseaux  
 Qui me puissent chez moy remener sur les eaux;

Vlysse à  
 la Reyne  
 Arété  
 femme  
 d'Alci-  
 noüs.

Car i'en suis esloigné de fort longue distance:  
 Ayant souffert long temps des maux en abondance,  
 Bien loir de mes amis. Il n'eust pas si tost dit  
 Qu'il s'asist sur la cendre, & près du feu se mit.

Eche-  
 neas.

Vn chachun se taisoit. A la fin Echenee  
 Le plus âgé de tous, dont l'ame estoit ornee  
 De prudence & vertu, docte en l'antiquité,  
 Le mieux parlant de tous, fort experimenté,  
 Se leue, vient au Roy, & de parole douce  
 A secourir Vlysse en ces termes le pousse.

Parle au  
 Roy en  
 faueur  
 d'Vlyf-  
 ses.

Certes, Alcinoüs, que ce pauvre estrangeur  
 Soit ainsi contre terre estendu au foyer,  
 Il n'est honneste à toy, & n'est pas raisonnable.  
 Tous ceux-cy se sont teuz, r'attendant exorable.  
 Fay le doncque leuer & mettre à ton costé,  
 Fay le soir sur vn siege à mainz clou argenté,  
 Commande d'apporter le vin, & qu'or espande  
 Souefue oblation à celui qui commande  
 Aux tonnerres du ciel, Dieu d'hospitalité,  
 Favorable à tous ceux que le sort despité  
 Trouble malignement, souuent les accompagne,  
 Et ne veut pas qu'ainsi les pauvres on dedaigne.  
 Cela faiët, qu'on le traicte & qu'il soit restauré  
 Des viures de ceans: Le courage assure  
 Du Roy Alcinoüs accordant la demande  
 Touché de courtoisie & d'humanité grande  
 Fit leuer Vlysses le prudent, l'aduise,

Alcinoüs  
 faiët le-  
 uer Vlyf-  
 ses.

Le prenant par la main. Et d'un lieu mesprisé  
 Le fit seoir sur vn siege & riche, & honorable,  
 Duquel il auoit faiët leuer au prealable

Son fils

Laodamas.

Son fils Laodamas, grand d'esprit & de corps,  
 Qui le plus pres de luy estoit assis pour lors.  
 C'estoit aussi celui auquel le Roy son pere  
 Portoit (sur tous ses fils) amitié singuliere.  
 Vne fille porta dessus leurs mains de l'eau  
 Dans une aiguiere d'or, qui couloit du tuyau  
 Dans un bassin d'argent. Apres dressa la table,  
 Et rapporta dessus le bon pain de l'Étable,  
 Et ce qui ce trouua de prest, gratifiant  
 L'hoste du meilleur viure & du mets plus friant:  
 Il mangeoit, il beuvoit à pleine suffisance,  
 Et lors Alcinoüs à dire ainsi commence.

(Herault tres-agreable & plus fidelle encor,)  
 Gentil Pontonoüs, pren une coupe d'or  
 Et verse à tous ceux-cy la liqueur excellente:  
 Puis nous espancherons effusion plaisante  
 Au tres-haut Iupiter, le grand fulminateur,  
 Des pauvres estrangers favorable tuteur  
 Qui souvent s'adjoind d'eux, les ayme & accompagne,  
 Et de son bon secours iamaïs ne les dédaigne.

Il dit, & le doux vin porte Pontonoüs,  
 Le verse & le presente au Roy Alcinoüs  
 Et puis aux assistans. L'effusion parfaite  
 Et chacun ayant beu tant que son cœur souhaite,  
 Le Roy s'adresse à eux. Princes & Ducs aussi  
 Escoutez mes propos, quand vous aurez icy  
 Banqueté à plaisir, qu'un chacun se retire,  
 Et puis, quand le matin l'Aube nous viendra luire,  
 La pluspart des antiens conuoquer nous ferons  
 Et l'hoste que voicy ceans nous recurons,

Alcinoüs  
aux Prin  
ces de la  
Cour,



*Sacrifions aux Dieux en toute reuerence  
 Sainctes oblations : puis aurons souuenance  
 De son retour requis , afin que vislement  
 Il puisse en son país retourner seurement,  
 Que tout fascheux hazard sur la mer il euite,  
 Qu'inconuenient nul n'arriue en sa conduite,  
 A nos vaisseaux non plus, encor' que son país  
 Fust esloigné de nous espaces infinis,  
 Et que ioyusement il face le voyage,  
 Qu'il ne recoiue point d'ennuy ny de dommage  
 Premier que d'arriuer au lieu de luy cogneu.  
 Où estant à la fin seurement paruenü,  
 Il pourra suporter ce que la Parque noire  
 Luy fila, quand au monde il fut de luy memoire.*

*Mais si c'est quelque Dieu qui du Ciel descendu  
 Pour certain parmy nous se soit icy rendu,  
 C'est bien un autre cas que la troupe celeste  
 Se prepare de faire. Il nous est manifeste  
 Que cy-deuant les Dieux se sont visiblement  
 Entre nous apparuz , lors que deuotement  
 Nous faisons (au grãd Dieu soubz qui le foudre töbe)  
 Le celebre banquet d'une sainte hecatumbe:  
 Les Dieux nous font l'honneur d'y venir avec nous,  
 Banqueter, s'asseans (fauorables & doux.)*

*Si quelcun seul aussi marchant par la campagne  
 Rencontre quelque Dieu iamais il ne dëdaigne  
 De se manifester. Car nous leur attouchons  
 (De sang, de parentage,) & pres d'eux approchons,  
 Comme fait des Cyclops la Gigantine race.*

*Vlysses à  
 Alcino<sup>s</sup>*

*Vlysses regardant Alcinoüs en face.*

O Roy Alcinoüs, pense tout autrement,  
 (Je suis mortel,) dit-il, & difficilement  
 Me pourrois je éгалer à la trouppе immortelle  
 Des Dieux, qui sont viuans sur la voute еternelle  
 Ny de corps, ny d'esprit, mais ie suis homme, éгал  
 A tous hommes mortels, qui sont sujets à mal,  
 En tourmens, en malheurs du tout à eux semblable,  
 (Vne vie trainant & triste & lamentable)  
 Ie vous en pourrois bien dauantage conter  
 Et les maux, les ennuis encor' représenter  
 Qui me sont aduenus & rudes & molestes,  
 Le tout par le vouloir des puissans Dieux Celestes.  
 Mais laissez-moy manger & prendre mon repas  
 „ Bien que fort desolé. Mal au monde n'est pas  
 „ Tel que cetuy du ventre, & l'odieuse pance  
 „ Nous cõmande & contraint de prẽdre souuenance  
 „ De ses neceßitez, quelque grande douleur,  
 „ Et quelque affliction qui soit en nostre cœur.

La faim  
est insu-  
porta-  
ble.

Or il estend sur moy son Empire & sa force  
 Car, bien que plein de pleurs & d'ennuis, il me force  
 De demander ainsi à boire & à manger:  
 Il fait tout oublier, il fait tout déloger,  
 Tout ce que i'ay passé de mal & de tristesse,  
 Et, maistre, me commande & veut que ie repaisse.

Mais ie vous pry, meßieurs, renuoyez moy demain  
 Dés que la belle Aurore aura monstre sa main,  
 Bien que comblé d'ennuis: donnez-moy ie vous prie  
 De remonter en mer pour chercher ma patrie,  
 Et mes Dieux familiers: puis, que ce souffle icy  
 Laisse quand il voudra ce corps mort & transi;

Pourueu qu'auparauant apres mainte misere  
 Je voye mon pais, mes gens, ma maison chere.

A ces mots un chacun des Princes aplaudit,  
 Veulent qu'on le conduise ainsi qu'il auoit dit,  
 Et parlé decemment. L'Effusion parfaicte,  
 Et ayans pris du vin chacun faiët sa retraitte.

Vlysses  
 est logé  
 au pa-  
 lais du  
 Roy.

Aupalais Vlysses pour hôte est arresté,  
 Aupres de luy se sied la Princeesse Areté  
 Et son Alcinoüs, qui de Majehtë belle  
 Paroissoit comme l'un de la bande immortelle,  
 Les filles emportoient tous les dorez vaisseaux,  
 Et alors Areté aux bras & blancs & beaux  
 Commence à luy parler (d'affection extrême :)  
 Car elle auoit cogneue les manteaux qu'elle mesme  
 Et ses filles auoient fillez auparauant.

Areté  
 interro-  
 ge Vlyf-  
 ses.

Je mettray ce propos le premier en auant,  
 Dit-elle, & t'enquerray, Qui es tu, ie te prie,  
 D'où es tu, d'où viens tu, & quelle est ta patrie?  
 D'où as tu reconuré ces robes que voicy?  
 Et n'es tu pas venu errant par mer icy?  
 A laquelle Vlysses. Te comter d'une haleine  
 Mes trauaux & douleurs est chose de grand peine,  
 O Reyne : pourautant que les celestes Dieux  
 M'en ont donné beaucoup. Mais puis que tu le veux  
 Ie te satisferay, & mes trauerses grandes  
 Ie te feray scauoir comme tu le demandes.

Vlysses  
 raconte  
 sa fortu-  
 ne à A-  
 rète.

Ily a certaine Isle au milieu de la mer  
 Loing d'icy, Ogygie on l'a voulu nommer,  
 Où la fille d'Atlas la subtile en finesse  
 La blonde Calypson rigoureuse Deesse

Demeure, & avec elle en ce reculé lieu  
Nul homme ne conuerse, & n'habite nul Dieu.

Mais la fortune vn iour me poussa dans son Isle,  
Me fit son domestique, & la rendit facile,  
( Bien que ie fusse seul, ) à mon cruel malheur.  
Pource que Iupiter de son foudre, ( ô douleur, )  
Mit en pieces ma barque au beau milieu de l'onde,  
( Apres qu'elle eut couru longuement vagabonde, )  
Et noya tous mes gens. Or estant cheu dans l'eau  
Et ayant empoigné quelque bois du bateau,  
En estendant les bras les vagues me porterent,  
Et par neuf iours entiers les ondes m'agiterent.  
Sur la dixiesme nuit pleine d'obscurité  
Par le vouloir benin des Dieux, ie fus porté  
En l'Isle d'Ogygie, ( Isle au milieu de l'onde : )  
Où Calypso, Deesse à la perruque blonde,  
Et de grand grauité me receut doucement.  
Chez elle me logea, me nourrit longuement.

Elle me promettoit vn aage sans vieillesse,  
Vne immortalité. Mais iamais la Deesse  
Ne me persuada, & ne peust esmouvoir  
Mon courage à flechir soubz son diuin pouuoir.  
Fermement arresté sept annees entieres  
Force me fut d'y estre, & de pleurs les riuieres  
Mouilloient mes vestemens, que mesmes en pur don  
M'auoit daigné donner la belle Calypson  
La Deesse immortelle. Or la voute tournee  
Commençoit à tomber sur la huiëtiesme annee  
Quand la Nymphe des eaux me fit commandement  
De me mettre sur mer: soit de son mouuement,

Soit de par Iupiter. Adoncques ie m'embarque  
 Tout seul, comme il luy pleut. Elle mit en ma barque  
 Viures, vins, & habirs, tout selon mon desir.

Les fauorables vents me pouſſoient à plaisir  
 Qu'elle m'envoya lors, ( & mes voiles enſlees  
 Voloient deſſus les eaux proſperement ſouſſlees. )  
 J'auois jà nauigé dix & ſept iours entiers,  
 Le dix & huit d'apres les grands monts & altiers  
 De voſtre terre icy tenebreux m'apparurent,  
 Et mes eſprits troublez grande ioye en conceurent.

Certe il failloit encor que dix mille trauaux  
 Et autant de dangers me tinſſent ſur les eaux,  
 Et dont, Neptun qui meut de ſon trident la terre  
 Bien toſt me deuoit faire eſtrangement la guerre,  
 Les cruels grins des vents en mer il eſlança,  
 La fit innauigable, & tous les flots pouſſa.  
 L'eau ne me permettoit de regir mon nauire,  
 Du profond de mon cœur mille ſanglots ie tire,  
 Et voicy le cruel d'un orage hideux  
 Qui renuerſe ma barque au fond des flots ondeux.  
 A lors force me fut de me mettre à la nage,  
 Coupant les eaux des bras: tant qu'à voſtre riuage  
 Et la vague & le vent me ietterent pouſſé:  
 Où voulant prendre pié, ie refus renuerſé  
 D'un flot plus dangereux & des pointes mortelles  
 D'un perilleux rocher dans les vagues cruelles.  
 D'où m'eſtant reculé ie renage touſiours  
 Tant qu'en fin i'aborday le fauorable cours  
 Du fleuve de ceſte Iſle: où pour lors les approches  
 Faciles me ſembloient, libre des dures roches,

Et non sujet aux vents. Le fleuve ie quitay  
 Qui vient de Iupiter & contre mont montay,  
 Voyant venir la nuict tenebreuse & espesse.  
 (Adonc vers la forest mes pas douteux i adresse,)  
 Soubz les rameaux feüillus des arbres me couchay,  
 Des feüilles qui tomboient me couvry, me cachay,  
 Je m'estendy deffouz: & les Dieux m'enuoyerent  
 Le gracieux sommeil & les yeux me fermerent.  
 Je restay là couché iusques au point du iour  
 Que l'Aube ramena son iaunissant retour,  
 Sur les feüilles, (la veüe aux vers rameaux dresse)  
 Affligé dans le cœur plein de triste pensee  
 Dormant iusqu'au matin, & iusque au midy haut  
 Que Titan sur les champs darde le plus grand chant.  
 Mais comme le Soleil passant le haut du monde  
 Venoit à s'encliner dans les gouffres de l'onde  
 Je vins à m'esueiller. Je vy heureusement  
 Tes Nymphes qui passoient le temps ioyeusement,  
 Et ta fille, en beauté aux Dieux comparable  
 Et de face & de corps aux Deesses semblable.

Lors ie vins, suppliant vers elle me ietter  
 La belle ne voulut rude me reietter,  
 Et ne dementit point sa bonne nourriture.  
 Car ie n'eusse pas creu que par grande auanture  
 Vne fille voulust me venir au deuant  
 Et me gratifier. Pource que bien souvent  
 La ieunesse d'asteure est pleine de sottise.  
 Mais elle me recent courtoise & bien apprise,  
 Elle m'accommoda de ces accoustremens,  
 Me fit boire & manger à mon contentement.

Elle me fit lauer, moy pauvre miserable  
Qui, combien qu'affligé, te parle veritable.

Auquel Alcinoüs se tournant dit tout haut.

Alcinoüs  
taxe la  
fille  
d'inho-  
spitalité

Ma fille, ô estranger, n'a pas fait comme il faut,  
Ny bien, ny à propos, t'ayant laissé derriere  
Sans t'amener ceans, veu que d'humble priere  
Tu l'auois suppliee. Et le sage Ithaquois,  
Ie te pry' grand Heros, ne blasme à ceste fois,

Vlysse  
l'excuſe

Et ne taxe non plus fille tant excellente.

Car elle m'enjoignit, (aduiſee & prudente)

De faire compagnie à ses filles, venir

Auec elles ceans (& les entretenir,)

Ce que ie refusay, & de honte & de crainte

Que ton ame n'en fust d'emotion atteinte,

„ Car ordinairement à l'homme est la façon,

„ De prendre quelque doubte & d'entrer en soupçon

„ (Et principalement quand il y va des filles

„ Qui, comme celle-cy, sont belles & gentilles.)

Alcinoüs  
à Vlyſ-  
ses.

Ce n'est pas mon humeur d'entrer si vistemment,

Des lors Alcinoüs, ne si legerement

En colcre, ô mon hoste, & tousiours ma pensee

A ce qui est seant est librement dressée.

(Estimant le meilleur tout ce qui bien conuient

Et qui de la vertu coule, procede, & vient.)

Face Pallas, Phœbus, & Iupiter le pere

Que tu demeures tel que l'on te considère,

Que i'apperceusse en toy la mesme volonte

Que ie pourrois auoir, & te viſſe arresté

Au mesme auis que moy. Que tu voulusses prendre

Ma fille en mariage, & te diray mon gendre

En demeurant ceans. Ie t'accommoderois  
 De maisons & de biens que ie te donneroïs:  
 Pourueu que de bon gré tu fisses (par fortune)  
 Demeurance avec nous. Car de contrainte aucune  
 Forcer nul d'entre nous ne voudra ton desir.  
 Et mesme Iupiter n'y prendroit pas plaisir.

Luy pro  
 met de  
 luy don-  
 ner  
 moyen  
 de faire  
 son voia  
 ge.

Or dès le grand matin i'iray sur le riuage,  
 Te donneray moyen de faire ton voyage,  
 Et tandis que lassés tes membres dormiront  
 Les Phæaquois pour toy sur mer travailleront,  
 Te garderont soigneux, afin qu'en assurance  
 Tugagnes ton pays, ta douce souuenance:  
 Et si mesme plus loing sont les bords Eubæans,  
 Car ainsi nous fut dit par nos Phæaceens  
 Qui furent en Eubæe, alors qu'ils y menèrent  
 Rhadamante le raux, & là le promenerent  
 Pour voir le terrené Titye. En mesme iour  
 Ils le passèrent là & furent de retour.  
 Non, tu t'estonneras de mes naus si agiles,  
 Et de mes mariniers si prompts & si habiles.

Vlysses à ces mots s'estiout grandement,  
 Et puis à Iupiter requit bien humblement:

Ie te pry' Iupiter fais que ceste promesse  
 Du Roy Alcimous, (Heros plein de proïesse,)  
 Succede heureusement, il acquerroit renom  
 Par la terre habitable, & son illustre nom  
 Sa gloire, son honneur, son pouuoir, ses loüanges  
 Cognoistre se feroient aux nations estranges  
 Et ie me pourrois voir bien tost en ma maison  
 Seurement arriuer en prospere saison,



La Rey- Ainsi qu'ils deuſoient, la Reyne magnifique  
 ne com- Aux filles commandoit d'aller ſouſ le portique  
 mande Faire dreſſer le liēt, de ietter par deſſus  
 à ſes fil- Les loudiers d'eſcarlate & de pourpre tiſſus,  
 les de Les loudiers d'eſcarlate & de pourpre tiſſus,  
 dreſſer De tendre tout au tour force tapiſſerie,  
 la cham- Que la mante veluë encore ne ſ'oublie  
 bre pour Vlyſſes. Pour le tres-bien couvrir. Elles courent ſoudain  
 De la chambre ſortans, les flambeaux en la main.  
 Puis ayant fait le liēt riche par excellence,  
 Elles viennent querir Vlyſſe en diligence,  
 Luy diſent, leuez vous noſtre hoſte, & ſans arreſt  
 Venez vous repoſer: car voſtre liēt eſt preſt.  
 Leur ſemonce luy fut plaiſante & agreable.  
 Si ſe mit à dormir, d'un ſommeil deſirable  
 Au portail fenestré dans le porche à l'écart.  
 Mais pour Alcinoüs il repoſoit à part  
 Dans le corps du logis. Sa femme chaſte & rare  
 Là pour elle & pour luy le liēt dreſſe & prepare.

Fin du ſeptieſme Liure.



# LE HVICTIESME

## LIVRE DE L'ODYSSEE

### D'HOMERE.

#### ARGUMENT.

**L**Es Phæaciens s'assemblent au conseil, deliberēt sur leur hôte: on luy accorde vn vaisseau pour le conduire. Alcinoüs fait festin aux principaux de l'Isle. Apres les Phæaciens & Vlysses s'exercent à ietter la pierre. Demodochus chante & recite: premieremēt les amours de Mars & de Venus, & ce qui s'en ensuit, puis ce qui aduint lors du cheual de bois deuant Troye. Ce que oyant Vlysses, & ne se pouuant tenir de ietter des pleurs, il est enquis, qui, & d'où il estoit.

#### AUTRE SOMMAIRE.

*Exercices & jeux se mettent en auant,  
Vlysse en a le prix, va les plus forts brauant.*

**M**ais si tost que l'on vit sur terre apparoissant  
L'aurore aux doigts rosīs fille au matī naisāt,  
Le fort Alcinoüs se leue, & le liēt quitte,  
Aussi faiēt Vlysses race des Dieux inclite  
Destructeur de Citez, Le Roy premier passoit  
Et des Phæaciens au conseil s'auançoit,  
Qui se deuoit tenir pres des rans (sur la rine).

Chacun le suit de pres, se sied d'es qu'il arrive  
 Sur les marbres polis. Mais Pallas s'en allant  
 Au trauers de la ville auoit pris le semblant  
 Et la voix du Herault d'Alcinoüs le sage,  
 Meditant le retour d'Vlysse au grand courage:  
 Si que parlant pour luy & le fauorisant,  
 Elle alloit à chacun à part ainsi disant.

Pallas Seigneurs Phæaciens courez en diligence  
 appelle Vous orrez au conseil l'admirable eloquence  
 les Phæa D'un certain estrangeur venu nouuellement  
 ciens au conseil. Et logé chez le Roy prudent extremement,  
 Il a beaucoup couru sur la mer effroyable,  
 Il est aux immortels de corsage semblable.

Pallas En prononçant ces mots elle les exortoït  
 donne Leur pouſſoit le courage, & leur cœur incitoït,  
 belle ap- Si bien qu'en un instant les sieges remplis furent  
 parance De gens qui à sa voix au conseil accoururent.  
 à Vlyſſes Tous regardoient Vlyſſe, admiroient transporteZ,  
 La royale façon du fils de Laërtes.  
 Pallas luy donna grace & diuine apparence,  
 Et plus grande rendit sa taille & corporance,  
 Afin qu'il apparust de plus grand' maïesté,  
 Venerable, & tant plus orné de grauité  
 Au peuple Phæaquois: qu'il monſtraſt son adresse,  
 Qu'il parſiſt galamment & de grand hardieſſe  
 Les combats, où bientoſt il ſe deuoit trouuer,  
 Et où les Scheriens le vouloient eſprouuer.  
 Alcinoüs Comme donc le conseil fut aſſis, le Roy ſage  
 ouure l'asſem- Se prit à dire ainſi (d'un aligre viſage.)  
 ble & propose de faire  
 cōduire Vlyſſes. Princes de Phæacie & vous Seigneurs auſſi

Voyez ce que ie veux vous faire entendre icy,  
 Cest hôte que voicy dont ie n'ay cognoissance  
 S'en est venu chez moy errant, en grand souffrance,  
 Ie ne sçay dire d'où, soit du Soleil leuant,  
 Ou des lieux d'Hesperie (où la mer ualauant  
 Son chariot lassé.) Il faiet humble requeste (ste.  
 Qu'on luy dōne secours, qu'on l'ayde, & qu'on luy pre-  
 uaisseaux, gens, & moyen de s'en aller chez luy.  
 Tirons-le ie vous pri de ce pressant ennuy,  
 ( Comme nostre constume est tousiours de bien faire ).  
 Donnons luy tout cela qui luy est necessaire.  
 Personne iusqu'icy n'a languy longuement  
 Entre nous, qu'il n'ait eu fort liberalement  
 Tout ce qu'il demandoit, soit vaisseaux, soit escorte.  
 Partant fournissons luy d'une barque bien forte,  
 Et neufue, & qui ne fut iamais dessus la mer.  
 Puis de tous les meilleurs qui sçauent mieux ramer  
 Il nous faudra choisir cinquante & deux personnes,  
 De bras roides & forts, & de volonteZ bonnes,  
 Pour plustost le mener. LieZ donc seurement  
 Lés rames sur les bancs, puis que diligemment  
 On sorte & qu'on s'en aille aprestez à largeZ  
 Le festin au chasteau, ie parle à la ieunesse:  
 Ie fourniray de tout. Vous autres qui portez  
 Sceptre en main, & de Rois estre issus vous vanteZ,  
 Vous vous trouuerez tous dedans ma maison chere  
 Pour biē-ueigner nostre hôte & luy faire grād' chere;  
 Que nul ne me refuse: appelez au surplus  
 Au festin, le diuin chantre Demodocus:  
 Car Dieū luy a donné & l'art & la science,

De reciter des airs d'extreme esionysance,  
 Excellent dessus tous, & de dire à plaisir  
 Sur tout sujet qu'il veut sur le champ se choisir.

Cedisant il se leue, & la bande diuine  
 Des Princes & Seigneurs apres luy s'achemine.  
 Le heraut d'autre part & diligent & prompt  
 Va le chantre appeller. Les ieunes gens s'en vont  
 Cinquante & deux en nombre, accourent au rinage,  
 Se hastent de mettre ordre à tout le nauigage.  
 Ils montent le trinquet, mettent ex enuiron  
 Du mast le voile blanc, posent les auirons  
 Et les attachent bien, & poussent sur l'Empire  
 De l'escumant Neptun le preparé nauire.  
 Puis au palais Royal se rendent diligens.  
 Le portique, la court sont tous reimplis de gens,  
 Le palais en regorge, & anciens & ieunes  
 (Hommes de qualité, & les basses communes  
 Accourent au chasteau.) Alcinoüs alors  
 Alla faire immoler douze brebis, huit porcs  
 A la dent blanche & lisse, & fit tuer encores  
 Pour remplir le festin vne couple de tores,  
 On eschorche, on etrippe, on dresse le banquet,  
 A faire bonne chere & ioyeuse on se met.  
 Quant voicy arriuer le heraut honorable  
 Menant Demodocus le chantre delectable,  
 Qu'en amitié la muse eut merueilleusement,  
 Et luy donna du mal, & du bien largement :  
 Car elle le priua de la resionysance  
 Des yeux, & luy donna aussi en recompense  
 L'art de tres-bien chanter. Le heraut diligent

Demo-  
 docus.

Le fit soir sur un siege orné de cloux d'argent,  
 Aupres d'un grand pilier au milieu de la sale  
 Où estoit le banquet de la troupe Royale,  
 Le fit appuyer contre : un chochet s'estendoit  
 Au dessus de sa teste, où son luth il pendoit,  
 Luy montrant le moyen comme il le pourroit prédre  
 Quand il voudroit iouer. Adonc il fit estendre  
 La nappe aupres de luy, fit la table charger  
 De viures, pain & vin pour boire & pour manger,  
 Quand l'enprendroit l'enuie. Ainsi toute la troupe  
 A la table se met, mange, tranche, decoupe,  
 Sur les viures se iette ; & quand leur fut passé  
 L'appetit de manger & la soif eût cessé,  
 Le chantre fut esmeu par les doctes pucelles  
 De chanter des Heros les actions plus belles,  
 Leurs vertus, leurs exploits, dont l'honneur penetroit  
 Aux astres les plus hauts, & le renom entroit  
 Dedans le ciel luyfant. Comme le Roy d'Ithaque  
 Au vaillant Achilles souuentefois s'attaque,  
 Et Achilles à luy : comme au banquet des Dieux  
 On les vit courroucer, & mots contentieux  
 Furent mis en auant en leurs plus beaux conuiues,  
 Et comme Agamemnon quand il voit les Achies  
 Noiser & quereller d'un courage selon,  
 Grand plaisir y prenoit. Le diuin Apollon  
 L'auoit ainsi predit de son saint habitacle  
 Quant en Pythie il fut pour entendre l'oracle,  
 Le principe fut lors des miseres des Grecs,  
 Et des Troyens. Ce sont du grand Dieu les secrets.  
 Le bon Demodocus chantoit en ceste sorte,

Demodocus  
 chante  
 ce qui  
 s'est pas-  
 sé au sie-  
 ge de  
 Troye

Ulysses  
 l'oyant,  
 jette des  
 larmes,  
 & se ca-  
 che.

Et Vlysses prenant sarobbe en sa main forte  
 La tira sur sa face, & se cacha long temps :  
 Et les gros pleurs tomboient de ses yeux degoutans.  
 Il voulut respecter si bonne compagnie,  
 Et craignoit qu'on le vist, ce-pendant que manie  
 Son luth Demodocus. Mais si tost qu'il cessoit  
 De ses yeux Vlysses les larmes effaçoit,  
 Et retiroit sarobbe, & en prenant la coupe  
 Versoit le vin aux Dieux (au milieu de la troupe.)  
 Mais dès que ces Seigneurs luy disoient de chanter  
 Prenans plaisir d'ouyr ce sujet raconter,  
 Vlysses aussi tost se cachoit de sa robe,  
 Et respandoit ses pleurs. A tous il les desrobe,

Le Roy seul aperçoit Vlysses pleurant.  
 Qui ne le virent point : le Roy seul l'aperceut  
 Estant aupres de luy, seul decouvrir le sceut :  
 Il l'ouyt soupirer, de son ame troublee,  
 Entendit ses sanglots. Alors à l'assemblée  
 A dire ainsi se prit : Princes des Pheaciens  
 Et vous Seigneurs aussi voyez ces propos miens  
 Nous auons tous repeu à nostre suffisance,  
 Et auons du doux luth eu la resjouissance,  
 (Car aux festins, tousiours la Musique suruiuent  
 Seante & à propos, & tres-bien y conuient.)  
 Il nous faut aller voir la campagne, & au reste.  
 Passer un peu de temps à quelque ébat honneste  
 Afin que ce seigneur venu en son pays,  
 Quelquefois puisse faire entendre à ses amis  
 De combien dessus tous nous sommes en estime,  
 A luidter, à sauter, à la course, à l'escrime,  
 En quoy nous excellons tous les hommes viuans.

Ce disant il marchoit, & tous l'alloient suyuans,  
 (Après qu'il fut sorty) le heraut prend la charge  
 Du bon Demodocus, de son luth le descharge,  
 Et le pend au crochet, luy monstre le chemin,  
 Le met hors de la salle & le prend par la main.  
 Tous les Phæaciens renommez en vaillance  
 Courent de toutes parts en grand resiouyssance,  
 Pleins d'admiration, pour voir l'esbatement :  
 Vne grand trouppes apres alloit ensemblement.  
 Infinites ieunes gens de force martiale,  
 Acroné le premier, Elatré, Ocyale,  
 Apres eux vint Nauteus, & le fort Eretmeus,  
 Avec Anchialus, puis Pontheus, & Prymnus,  
 Et Thoon, & Proteus, puis Anabesinee.  
 Avec Amphialus le fils de Polynée  
 Le fameux Tectonide, & le pareil à Mars,  
 Le fort Euryalus (mépriseur des hazars,  
 Plein de dextérité, plein de verte ieunesse)  
 Le Naubolide encor' à qui nul pour l'adresse  
 Du corps pour la beauté, la taille n'osoit pas  
 S'esgaller, excepté le beau Laodamas.  
 Les trois enfans aussi du bon Roy se leuerent,  
 Et les premiers de tous pour courir se trouuerent.  
 Le divin Clytonée & puis Laodamas,  
 Avecques Halius. Ils aduancent leurs pas  
 S'essayent les premiers, ils prennent leur arriere,  
 Volent & font hausser sur le chant la poussiere :  
 Le meilleur à courir de tous fut Clytoné :  
 Autant que de guerret aux mules est donné  
 Pour terme à leur labeur, d'autant il outre-passe.

Alcino  
 & ses  
 Princes  
 sortent  
 pour al-  
 ler aux  
 exerci-  
 ces.

Lacour  
 se des  
 pieds.



*En courant, & paruient au peuple en tant d'espace.*

La lui- *Les autres en auant se mirent pour luter,*  
 &c. *Où le bel Euryal' sceut le prix emporter,*  
*Amphiale à sauter surpassa tout le monde,*

Le sault. *Elatree à jetter en l'air la pierre ronde.*  
 La pier- *Celuy qui de l'escrime emporta tout l'honneur,*  
 re. *Ce fut Laodamas le vaillant escrimeur.*  
 L'escri-  
 me

*Les ieux paracheuez, apres que la ieunesse*  
*La estoit esbatue avec toute allairesse,*  
*Le beau Laodamas, le braue fils du Roy*  
*Se prit à dire ainsi. Or venez avec moy*  
*Compagnons mes amis, si nostre hôte peut estre*  
*A point accoustumé de se faire paroistre,*  
*Où à quelque exercice où à quelque autre ieu,*  
*Nous luy demanderons. Et ie l'ay apperceu*  
*D'assez belle façon, de belle corporence,*  
*Les iambes, les costez, les bras forts à puissance,*  
*Nerueuses les deux mains, le col bien ramassé,*  
*Bref en tout & par tout le corps bien compassé.*  
*Puis d'aage tout parfait, hors de tendre ieunesse,*  
*Bien qu'il semble cassé de peine & de tristesse,*  
*Du trauail de la mer, & de tant de dangers*  
*Que trop communement courent les estrangers.*  
*La mer est un tourment qui n'a point à sa peine*  
*En labour, en trauail une plus inhumaine,*  
*Les hommes elle rompt, & son cruel effort*  
*L'homme de guerre rend imbecille & moins fort.*

*Auquel Euryalus ceste responce donne:*  
*Certes Laodamas, ta pensee est fort bonne,*  
*C'est tresbien dit à toy, va donc luy demander.*

*Auquel Laodamas desirant s'accorder  
Se dresse dans la presse & va trouver Vlysse.*

Laodamas in-  
uite V-  
lysses à  
quelque  
exercice

*Mon pere, si tu sçais quelque honneste exercice  
Met l'en auant, dit-il, si le belliqueux art  
De combattre tu as appris en quelque part,  
Ainsi que ie le croy, & que le ieu d'escrime  
Fauorise par toy, tu tiens en grande estime.  
L'homme ne peut auoir plus de gloire & d'honneur  
Que celuy qu'il acquiert de la course vainqueur,  
Ou au combat de bras, alors qu'il faiet paroistre  
Ou sa force des pieds, ou celle de sa dextre.  
Amy fais en espreuue, & iette loin de toy  
Toute cause de deuil, ou de crainte, ou d'émoy:  
Ton nauire desia les bleus sillons entame,  
Nos gens sont sur la mer ayans en main la rame  
Qui n'attendent que toy: Barque, escorte en nul point  
Compagnie ne gens ne te defaudent point.*

*Lors le sage Vlysses. Qu'est-ce que tu te moques  
De moy, Laodamas, au combat me prouoques,  
Moy miserable & las, car plustost mon malheur,  
Ma tristesse & mon mal me reuenient au cœur,  
Que ie ne prens plaisir à tous ces exercices,  
Ces ieux & passe-temps, qui toutes les malices  
De la mer ay souffert, & battu si souuent  
Des guerres sur la terre & sur la mer du vent.  
Mais, las! tant seulement, ô bon Roy, ie te prie  
Tes Princes, tes sujets, donnez qu'en ma patrie  
Ie puisse retourner, faietes que sur les eaux  
En mes champs paternels me portent vos vaisseaux,  
C'est là tout mon desir, c'est toute mon attente.*

Vlysses  
s'excuse

Eurya-  
lus pi-  
que V-  
lysses.

*Auquel Euryalus de parole piquante.*  
*Je ne te pense point homme expérimenté*  
*À la lûete, à la course, ou qu'ayes fréquenté*  
*Les hazards de la guerre, ou le bruiet des alarmes,*  
*Où les hommes galands paroissent souz les armes :*  
*Mais tu ressembles mieux à quelque marinier,*  
*Sçachant dessus la mer l'auiro manier,*  
*Ou tenir le timon, & monter sur la hune,*  
*Ou à quelque marchand qui va chercher fortune*  
*Pour faire quelque gain, & le gain acquesté*  
*Porter en sa maison, ou à la verité*  
*Plustost à vn corsaire estans sur l'eschauguete*  
*Du hant de son vaisseau, qui espie & qui guete*  
*La nauire marchande afin de l'emporter.*

Vlysses  
en cole-  
re res-  
pond.

A Eu-  
ryalus.

*Non, non, tu n'es pas propre à combattre & iouster.*  
*Auquelle regardant de trauers en colere,*  
*Vlysses respondit. Amy tu me confere*  
*Tres-mal à vn brigand, & tu ressembles mieux*  
*Vn homme querelleux qu'un iuste & vertueux,*  
*(Tu es vn peu trop libre.) Or les Dieux à tout hōme*  
*Leurs dons tout à la fois ne prodiguent pas. Comme*  
*Eloquence, prudence, esprit, integrité :*  
*Cestui-cy ne sera pourueu de grand beauté,*  
*À qui Dieu donnera la faconde eloquence*  
*Vn autre il pouruoirra de belle corporence*  
*Et avec la beauté du facond ornement*  
*Du langage disert. Cestuy-là voirement*  
*Est admiré du peuple, & sa douce parole*  
*Des beaus auditeurs les oreilles eniolle,*  
*Les rudes en parlant ameine à la raison,*

Excelle en fin sur tous par sa douce oraison.  
 Si quelquefois il sort & va parmy les ruës,  
 Les bourgeois comme un Dieu l'adorent testes nuës,  
 Ont l'œil sur luy tout seul fiché & arresté,  
 Et leur semble qu'il ait quelque divinité.  
 Mais l'autre a la beauté du visage agreable  
 En beaux lineaments, il est aux Dieux semblable,  
 ( La lieffe en son corps s'ouure de tous costez : )  
 Mais il n'a pas aussi les propos bien diëtez,  
 La grace luy defaut de l'attrayant langage,  
 Et de parler correct il n'a pas l'avantage.  
 Tu en es tout ainsi, car certes ta beauté  
 Est si grande, que rien n'y peut estre adiousté ;  
 Mesme les Dieux de qui tāt grande est la puissance,  
 N'en sçauroient former un de plus belle prestance:  
 Pour le reste, tu n'as n'esprit, n'entendement,  
 ( La beauté de ton corps ce n'est rien que du vent,  
 Tu ne peux en conseil bien dire ne bien faire,  
 Tu l'as monsté, ) m'ayant prouoqué à colere  
 Ainsi mal à propos : Non, non, ie ne suis pas  
 Ignorant ne des ieux, ne des aspres combats.  
 Ainsi que tu as dit : ie m'en vantois le prime,  
 Et n'estois aux combats le second en estime  
 Tant que ie me suis veu ieune & pleine de vigueur,  
 Et que i' auois mes mains. Mais ores la langueur  
 Et les cuisans ennuis me font trop aspre guerre :  
 Car i'ay beaucoup paty combatant sur la terre  
 Et trauersant les mers. Mais tout mal que ie suis  
 Tout rompu de travail, tout fatigué d'ennuis,  
 Si veux-ie des combats prendre l'experience,

Le taxe  
 grande-  
 ment.

*Car ie suis irrité & par ta medifance  
Tu m'as par trop piqué. Or sans auoir quitté  
Sa robe, il se leua d'impetuofité.*

Vlyffes  
iette la  
pierre.

*Prit la pierre pesante, & qui n'estoit iettable  
A bras quel qu'il fust là, non pas mefme ébranlable.*

*Doncques il eflança dedans l'air & au vent  
Ce poids bien plus maſſif, plus lourd & plus peſant,*

*Que celui dont ſe ſert de tousiours la nobleſſe,  
Ny des Phœaciens la plus roide ieuneſſe.*

*Lors de ſon bras puiſſant il vint à ébranler  
La pierre longuement, puis la ietta en l'air*

*De toute ſa puiſſance : vn grand ſon effroyable  
Se fiſt, & le lourd poids ſe cacha dans le ſable,*

*Et la terre marqua. Alors les aſſiſtans*

*La teſte contre bas baiſſerent tramblottans.*

*De grand rauiſſement, combien qu'ils facent rage,*

*Et qu'ils ſoient excellens au faiēt du nauigage,*

*Admirent eſtonnez & perdent le caquet,*

*A l'incroyable coup qui leur vient d'eſtre faiēt.*

Les  
Phœa-  
ciens ad-  
mirent  
le coup

*La pierre volle au vent, court deſſus la campagne,*

*Et partant de tel bras toutes les marques gagne.*

Pallas  
aſſiſte &  
louë V-  
lyſſes.

*Alors Pallas ayant veſtu vn corps mortel*

*Marqua le braue coup. Et puis tint propos tel.*

*Vn aueugle pourroit diſcerner & cognoiſtre  
Meſmes en taſtonnant où ce coup peut paroiſtre,*

*Car il n'eſt point meſlé parmy les autres coups,*

*Mais paſſant de bien loin il les deuance tous.*

*Courage, mon amy, exerce toy ſans ſeindre,*

*Nul des Phœaciens n'y pourra pas atteindre.*

*A ces mots Vlyſſes s'eſiouy: en ſon cœur*

Voyant qu'il rencontroit (ayant esté vainqueur)  
 Vn favorable amy : Tellement qu'il s'adresse  
 Et dit au Phæaquois de plus douce allegresse.

Jeunesse Phæaquoise, or iettez in/qu'icy.  
 J'en veux faire bien tost vn tel que cestuy cy,  
 Et encore meilleur. I'y appelle & inuite  
 Tous ceux qui le courage à s'exercer incite,  
 Afin de l'essayer : Soit à qui mieux courra,  
 Soit au ceste pesant, ou qui mieux luïtera,  
 Car ie suis prouoqué. Personne ie n'en oste  
 De tous les Phæaquois, reserué mon seul hôte,  
 Le fort Laodamas; Car qui querelleroit  
 Encontre son amy, & qui s'animeroit  
 „ Contre qui la recen? I'estime peu de chose,  
 „ Et sans entendement l'homme qui debatre ose  
 „ Contre celuy qui l'a logé benignement,  
 „ Entre vn peuple estrange frequētant mesmemēt  
 Il gaste tout son faict. Mais que toute autre vienne,  
 Ie n'en excepte nul, afin que ie maintienne  
 Et luy face éprouuer, comme ie ne suis pas  
 Ignorant ny couïard à tous ieux & combats  
 Que l'homme peut sçauoir. Ie sçay par excellence  
 Ioïer de l'arc poly, i'ay l'art & la science  
 De bien choisir mon homme, & le premier de tous  
 Le fraper, le percer, & deuanter les coups.  
 Que tireroient sur luy de leurs fleches contraires  
 Les esquadrons espais des bandes aduersaires.  
 Le seul Philoctetes à Troye m'emportoit  
 Tirant plus droit que moy, luy seul me surmontoit  
 Lors que nous autres Grecs metties vn prix loüable

Vlysses  
 se vante.

*A qui tireroit mieux de la flèche honorable.  
Des autres ie me vante estre tout le premier  
De ceux qui sont viuans ie suis le singulier  
En quelque lieu qu'ils soient de la terre habitable,  
Et qui scauent manger le present delectable  
De la mere Ceres. Mais, ô Phœaciens,  
Ie n'ose m'égaller aux Heros anciens.*

*Qui s'accompagneroit au magnanime Alcide,  
Qui au braue Eurytus que la terre Oechalide  
Belliqueuse a nourry, qui mesmes se prenoient  
Iusqu'aux Dieux, & tirer cōtre eux entreprenoient?  
Eurytus en receut puis apres mort amere  
Et ne vieillist iamais souz le toict de son pere,  
Car Phœbus le tua, temeraire qu'il fut  
De l'oser prouoquer, & souffrir ne le sceut.  
Quoy aussi droit encor le iauelot ie iette  
Que quelqu'un tireroit de l'arc vne sagette.  
Mais pour les pieds, ie crains qu'on me deuanceroit,  
De cela seulement on me surpasseroit :*

*J'ay trop paty sur mer, les genoux me treffaillent  
N'y ayant peu suffire, & les forces m'y faillent.*

*Il dit, & tout le monde estonné se taisoit.  
Le seul Alcinoüs en ces mots luy disoit.*

Alcinoüs  
à Vlysses.

*Tes propos, ô mon hoste, ont eu bien grande force  
En mon endroit, dit-il, par les faictz tu t'efforce  
De monstrier ta vertu, iustement indigné  
De ce que cestui-cy t'a ainsi dédaigné :  
T'osant mal à propos prouoquer à combattre,  
Car nul homme viuant n'entreprendroit de battre  
Et blasmer ta vertu, ayant du iugement,*

( Et qui auroit appris de parler sagement,  
 N'oseroit en plain champ éprouver ta vaillante  
 Sans en porter bien tost la deuë penitence.)  
 Mais or écoute moy, Tu pourras quelque iour  
 Raconter à quelque autre, alors que de retour  
 Seras en ta maison, prenant dessus ta table  
 Avecques tes amis ton repas delectable  
 Ta femme & tes enfans, & t'en rememorant,  
 La vertu dont icy on nous va decorant,  
 Et les combats esquels sur la mer & la terre  
 Propres nous a rendus le grand dard-tonnerre.  
 Pour l'escrime, & des poings l'estour ensanglanté  
 Ce pays cy des plus n'est expérimenté :  
 Mais ( qui est maigre chose, & vertu fort petite)  
 Pour bien courir des pieds ceste gent est fort viste,  
 Nous sommes excellens pour aller sur la mer,  
 Bien conduire un vaisseau & dignement ramer :  
 Nous prenons grand plaisir à faire bonne chere,  
 Nous ayons la musique, & la dance, & de faire  
 Longue table sur tout, nous tenir nettement,  
 Nous baigner, & changer souvent d'accoustrement,  
 Et le lit blanc & mol. Or maintenant, ieunesse,  
 Que ceux qui ont acquis de bien danser l'adresse,  
 Se mettent en auant, afin que quelque iour  
 Nostre hôte en son pays se voyant de retour,  
 Raconte à ses amis, comme à regir sur l'onde  
 Les nauires voilez nous passons tout le monde :  
 Comme à courir dispos, à danser & baller,  
 Chanter, iouer du luth, nous pouuons exceller  
 Toute autre nation. Que quelqu'un donc s'auance

Les  
 Phæ-  
 ciés mal  
 propres  
 à l'escrime.  
 Mais excellents  
 à la course.  
 Aiment  
 la musique & la  
 danse, &  
 les festins.



*Et s'en aille querir la lyre en diligence  
 Au bon Demodocus, qui est à la paroy  
 Pendue à un crochet. Ainsi dit le bon Roy  
 Alcinoüs, qu'on void en majesté reluire.*

*Et le Herault se haste & va querir la lyre  
 Du bon Demodocus que le Roy veut ouyr,  
 Et de ces doux accords son hôte resjouyr.*

*Or neuf des Presidens des publics exercices  
 Se mirent en avant pour faire leurs offices  
 Et du bal ordonner, le lieu aplanissant,  
 Et le lieu de la danse autour elargissant.  
 Puis voicy le Herant portant la lyre douce,  
 Et Demodocus vient, dans le milieu se pousse,  
 Et tous les ieunes gens qui sçauent mieux danser  
 Viennent autour de luy gayement s'auancer  
 Et remuer des pieds, sur la terre à merueille :  
 Vlysses les regarde, & beaucoup s'emerveille,  
 De leur agilité, du tout rauy d'esprit.*

*Lors le chantre à chanter fort doucement se prit.*

*( Et touchant le boyau de sa lyre diuine  
 Il prend un beau sujet de tres-haute origine )  
 De Mars & de Venus il chantoit les amours,  
 Et comme à Mulciber ils firent de bons tours :  
 De leurs embrassemens les premieres caresses,  
 Mille ieux, mille esbats, & mille gentilleses,  
 Et comme mille fois Cyprine luy donna  
 Mille baisers secrets, son front environna  
 De bouquets & de fleurs, dédaignant delicate  
 Les baisers d'un boiteux, dont le lit elle gaste.  
 Apres il adiousta que Phœbus éclairant*

Danse  
des Phœ-  
ciens.

Demo-  
docus  
chanté  
les a-  
mours  
de Mars  
& de Ve-  
nus.

Prompt rapporteur alla leur faute découvrant  
 Quant il les vid ensemble, & la tristesse grande  
 Qu'en eut le Roy du feu qui aux forges commande.  
 Comme il en fut troublé: les cris qu'il en ietta,  
 Et comme mainte chose en son cœur medita  
 Afin que se venger de l'un & l'autre il puisse:  
 Qu'en fin il eut recours à son grand artifice  
 Entra dedans sa forge, & longuement batit  
 Sur son horrible enclume un fer qu'il estendit,  
 Il en fit des chainons qui ne se pouvoient rompre,  
 Par la force des mains & par le temps corrompre,  
 Pour deffouir le secret des liens incogneus  
 Enuelopper ensemble & Mars & sa Venus.

Phœbus  
les dé-  
couvre.

Vulcan  
en a dé-  
plaisir,  
& s'en  
veut  
vanger.  
Forge  
des pie-  
ges pour  
les attrai-  
per.

Les téd  
autour  
du lit de  
Venus.

Son cas paracheué, plein d'ire dedaigneuse  
 Il s'en va vers le lit de la couple amoureuse,  
 Ses chainons deliez il tend de toutes parts,  
 Car merueilleusement il en vouloit à Mars.  
 L'ennemie à Pallas si primement ne file  
 Que Vulcan auoit fait sa cordelle subtile,  
 Mesme à peine les Dieux la pouvoient discerner.

Il feint  
de s'en  
aller en  
Lemnos

Son piege bien tendu, qu'il auoit fait tourner  
 Tout à l'entour du lit de la Deesse aymable,  
 Il feint de s'en aller en l'Isle desirable  
 De Lemnos son séjour, noble & belle cité,  
 Ceste Isle de tousiours chere luy a esté,  
 Et là sa cour il tient. Mars s'estant de l'absence  
 De Vulcan apperceu, brulant d'impatience,  
 Et bouillant de l'amour de sa belle Venus  
 Entre dedans la chambre, où les lacs incogneus  
 Finement se cachotent. Là, Venus a trouuée

Mars  
vient  
trouuer  
Venus.

*De deuers Iupiter freschement arriuee,  
 Il la prit par la main, l'embrassa doucement  
 Et luy dit, ô m'amour que j'ayme vniquement,  
 Ne veux tu pas, mon cœur, que nous couchions ensemble  
 Et que l'amour au lit doucemēt nous assemble? (ble?  
 Ton mary n'y est pas, certaine ie t'en tiens,  
 Il est allé trouuer les rudes Sintiens  
 En Lemnos sa maison. Chose plus agreable  
 Ne pouuoit arriuer à la Deesse aymable,*

Mars &  
 Venus  
 se cou-  
 chent.  
 Sont  
 pris au  
 filets de  
 Vulcan.

*Ils se mettent au lit, l'un l'autre desireux  
 D'accomplir la douceur de l'esbat amoureux  
 Avec mille plaisirs. Mais soudain qu'ils s'embrassēt  
 Mille petits chainons au tour d'eux s'embarassent:  
 Liens de tous costez les viennent attraper,  
 Ils ne peuuent chetifs d'eux se desuelopper,  
 Ne peuuent se mouuoir, Et ne peuuent pas mesme  
 Leuer ne mains, ne bras, tant leur peine est extreme.  
 Ils recogneurent bien, mais c'estoit vn peu tard,  
 Du boiteux forgeron & la malice & l'art:*

Phœbus  
 en porte  
 la nou-  
 uelle à  
 Vulcan.  
 Vulcan  
 reuient  
 en grād  
 colere.  
 Sepleint  
 à Iupi-  
 ter, &  
 aux  
 Dieux.

*Qui reuient tout soudain & de sa hanche grimpe  
 Sur le sommet astreux du reluyant Olympe,  
 Plustost qu'il n'eust peu estre arriué en Lemnos  
 Phœbus, à l'œil duquel rien ne peut estre clos,  
 Regarda tout le faict estant en sentinelle,  
 Et vint luy en porter la fascheuse nouuelle.*

*Vulcan va chez Venus enragé de ce tort,  
 Escume de colere & les léures se mort,  
 Brasme effroyablement, & tous les Dieux appelle:  
 O pere Iupiter & vous troupe immortelle  
 Des Dieux tousiours heureux, qui iamais ne mourez*

Et qui sur le luisant du haut ciel demourez,  
 Venez voir, ie vous pry l'iniure punissable,  
 Combien que ridicule, ordure intolerable  
 Aux maris : Venez voir comme me sçait traiter,  
 Pauvre boiteux, Venus la fille à Iupiter,  
 Comme elle me mesprise : ayman ce pestifere  
 Cest enragé de Mars, malheureuse adultere,  
 Pource qu'il est dispos, beau, puissant & nerveux,  
 Me dédaigne d'autant qu'elle me voit boiteux  
 Et foible & impotent. Mais mon pere & ma mere  
 Sont cause de cela, que iamaïs la lumiere  
 Ne m'eussent-ils faict voir, pour si abiectionement  
 Me traicter. Voyez-les coucheZ ensemblement.  
 O la meschanceté, auoir osé commettre  
 Tant indigne forfaict, & dans mon liét se mettre !  
 Ha ! ie meurs de despit. Voyez le paillard pris,  
 Et de l'autre costé la paillarde Cypris.

Bien, leur ioye pourtant n'en sera guere grande,  
 Vous ne iouyrez pas, ô amoureuse bande,  
 Long temps de vos amours, & des contentemens  
 Du plaisir desrobé de vos embrassemens.  
 Vous en maudirez l'heure, ô confits en malices,  
 Vous aurez en horreur le miel de vos delices.  
 Mars & Venus, i'en iure, ainsi demoureront  
 Pris ensemble & liez, iamaïs n'en sortiront  
 Que mon pere ne m'ayt rendu le mariage  
 Et ce qu'il eut de moy pour sa fille volage,  
 Pour ceste belle Nymphe, en qui n'est ny honneur,  
 Ny honte, ny respect, cause de mon malheur,  
 Brutant de paillardise, orde, sale, & lubrique,

*Belle à la verité : mais nullement pudique.*

Tous  
les

Dieux  
accou-  
rent au  
specta-  
cle.

*Il dit, & tous les Dieux coururent à sa voix,  
Sur les planchers d'airain vindrent tous à la fois.  
Neptune y accourut qui les ondes amasse,  
Et du globe terreux les rivages embrasse,  
L'Atlantiade y vint, qui sçait le gain chercher,  
Et ses traicés loin jettant Phœbus le blond archer:  
Les Deesses au ciel seulettes demeurèrent,  
Et venir chez Vulcan trop craintives n'osèrent:  
Honteuses elles ont vergongne de Venus.*

S'en e-  
clattent  
de rire.

*Les Dieux dessus le seuil de l'huis se sont tenus,  
S'eclattent tous de rire, & font du ciel la fable  
Le malheur de Vulcan, & son art admirable.  
Ils admirent pourtant son dol ingenieux.*

*Alors ie ne sçay qui de la troupe des Dieux  
Dit, ainsi qu'ils alloient parlant de ceste affaire:  
„ Les actes vicieux onc ne succedent guere,  
Et le pesant qui marche attrape le hastif.  
Comme astheure Vulcan, combien qu'il soit tardif  
Par son art a pris Mars, qui de vistesse isnelle  
Surpasse tous les Dieux de la voute eternelle :  
Et tout boiteux qu'il est, par sa ruse il a pris  
Le dispost qui obtient sur les disposts le prix :  
A ceste occasion sa peine est augmentee,  
Et de son ennemy l'ame plus irritée.*

Apollon  
à Mer-  
cure.

*Ils denisoient ainsi quand en ceste façon  
Apollon attaquat l'Arcade nourrisson.*

*Cher fils de Iupiter, dont les paroles sages  
Font si disertement des hauts Dieux les messages,  
Toy qui donnes les biens, voudrois tu les bras nuds.*

Et le corps depouillé tenir ainsi *Vénus*  
 Doucement embrassée, & estre en ceste sorte  
 Estroittement serré de ceste chesne forte?

*Mercur-*  
*re à A-*  
*pollon.*

Auquel *Mercur* dit. O que fust-il ainsi  
 Roy *Phœbus*, grand archer. l'endurerois cecy  
 Et trois fois plus encor, & que Dieux & Deesses  
 Me vinssent voir leur saoul, pris de telles fineses,  
 Garroté des chainons d'un lien plus puissant,  
 Pourveu que de *Venus* ie fusse iouyssant.

*Neptu-*  
*ne seul*  
*des*  
*Dieux*  
*n'en rit*  
*point*

Vn ry print tous les Dieux quand il finit de dire,  
 Mais le Prince des eaux fut seul qui n'en peut rire:  
 Mais tousiours sans cesser *Vulcan* il supplioit  
 De laisser aller *Mars*, & ainsi luy disoit,

*Interce-*  
*de pour*  
*Mars &*  
*pour*  
*Venus.*

O Dieu, ô grand artiste, à l'alleure tardine,  
 Deslie ie te pry le belliqueux *Gradine*,  
 Voicy, ie te promets pour luy, de te donner  
 Tout ce dont on se peut dignement guerdonner  
 Entre Dieux immortels. Auquel la iambè torte,  
 Non, ne me viens iamais parler en ceste sorte  
*Neptune* esbranle-terre, & n'entre en caution  
 Enuers moy miserable, & en respsion  
 D'un autre miserable. Hé! te pourrois-ie prendre  
 Entre ces puissans Dieux, & en mes fers te rendre  
 Au lieu de cestui-cy, si tost qu'il se verra  
 Deffuict de mes liens & son debte niera,

*Vulcan*  
*à Nep-*  
*tune.*

Auquel *Neptune* alors. Si sortir tu le laisse,  
 Et qu'il ne vueille apres te tenir sa promesse,  
 Je paieray pour luy ce qu'il aura promis.

*Neptu-*  
*ne cau-*  
*tionne,*  
*Mars.*

De tant te refuser il ne m'est pas permis,  
 Et ne le doy, dit il, ô grand esbranle-terre:

Vulcan  
les delie

*Je le vay deliurer. Ce disant il desferre*

*Le secret des chainons. La chaine se dissout,  
Et l'un & l'autre amant fut aussi tost debout.  
Mars gagne vistement les sommets de sa Thrase,  
Et Venus au beau rus la mere de la grace*

Venus  
se retire  
en Pa-  
phos.

*S'en va droit en Paphos, sa treschere maison,  
Fort aise de se voir deliuré de prison.  
Là son temple est dressé, & l'encens de Sabee  
Sur son autel sans fin faiët monter la fumee  
De ses douces odeurs, Les Charites soudain  
Promptes à la servir la mirent dans le bain,  
D'eau tiede doux-fleurant doucement la lauerent,  
De suc Ambrosien l'oignans la recreèrent:  
Puis l'ayant bien serwie ainsi qu'ont faiët les Dieux  
Ietterent dessus elle habits tresprecieux.*

*Vlyse au chantre prit vn plaisir indicible,  
Et le Phæacien à la rame invincible.*

*Alors Alcinoüs commande s'apprester  
Le beau Laodamas, & qu'il vienne sauter  
Seul avec Halius, car nul ne s'appareille  
A leur legereté disposte & nompareille.*

Le ieu  
du balō.

*Adoncques en leurs mains ils prennent le balon  
Que Polybe auoit faiët d'admirable façon,  
L'un le pousse en l'air haut d'agilité si forte,  
Que dans l'obscurité des nuës il l'emporte,  
L'autre esleué de terre aysement le preuint,  
Le prit ains que son pié sur le pauë reuint:  
Puis apres s'estre assez exercez à la balle  
Sur le plain de la terre vn chacun danse & balle,  
Font merueille des pieds, & dansants & sautants*

La dan-  
ce.

*L'un de l'autre à l'enuy passent ainſi le temps.  
 D'autres ieunes enfans d'un concert admirable  
 Donnoient plaifir au peuple, au chant émerueillable  
 De leurs airs doucereux, c'eſt plaifir de les voir  
 Tous chantans ou danſans faire bien leur deuoir.*

La Muſi-  
que.

*Lors Vlyſſes au Roy. O Prince dont la gloire  
 Entre les peuples grands eſt illuſtre & notoire,  
 Certes les Scheriens comme tu me l'as dit  
 Tous autres à danſer paſſent ſans contredit,  
 Et i'en ſuis bon teſmoing. Rauy ie m'emerveille,  
 De voir l'agilité de ces gens n'ompareille.*

Vlyſſes  
loué les  
Phæa-  
ciens.

*Il dit, & le Roy prit un grand contentement  
 A ce qu'il auoit dit: Se tourne promptement  
 Vers toute l'aſſemblee, & de parole ſagè  
 Aux rameurs Scheriens vint tenir ce langage.*

Alcino<sup>s</sup>  
en re-  
çoit plai-  
ſir.

*Gentils-hommes, Seigneurs, eſcoutez voſtre Roy  
 Et vous Phæaciens ie vous pry oyex moy.  
 Ce bon ſeigneur me ſemble eſtre plein de prudence,  
 De grand vigueur d'eſprit, d'inſigne experience,  
 Faisons luy ie vous pry quelques riches preſens  
 Honorans ſa vertu, & qui luy ſoient plaiſans:  
 Douze ſe trouueront chacun ou Roy ou Prince  
 Qui ont authorité deſſus ceſte Prouince,  
 Ie feray le trezieſme. A luy chacun donna  
 Vn bel accouſtrement, & preſent luy fera  
 D'un talent de fin or. Que doncques on s'aſſemble,  
 Et nous luy porterons nos preſens tous enſemble,  
 Il en ſera plus gay alors qu'il les tiendra,  
 Et plus alaigrement ſon repas en prendra.  
 Qu'Euryale auſſi voiſe & ſe reconcilie*

Inuite  
les Prin-  
ces à fai-  
re des  
preſens  
& dons  
à Vlyſſe<sup>s</sup>

Cōman-  
de à Eu-  
ryalus  
de ſe re-  
cōcilier  
à luy, &  
de le ſa-  
tisfaire.



A luy, ie suis d'aduis, & courtois, le supplie  
De n'estre point fasché qu'inconsiderément  
Il ayt parlé à luy, luy offre honnestement  
Quelque present à part. Il dit : chacun l'aduouë  
De ce qu'il proposoit, & hautement le louë.

Alors Euryalus en ces mots respondant :  
Alcinoüs, dit-il, grand Prince commandant  
Sur un peuple infiny, ie luy veux satisfaire  
Selon ton mandement, afin de te complaire  
I'ay un estoc doré magnifiquement beau,  
La poignee est d'argent, d'Iuoire le fourreau,  
Estoffé richement, le don est honorable  
Et ne luy sera pas, ie croy, desagreceable.  
Ie le luy vois offrir. Ce disant, s'en alla  
Trouuer le fort Vlysse, & ainsi luy parla.

Eurya-  
lus à  
Vlysses.

Mon pere, ô personnage excellent & insigne,  
S'il m'estoit eschappé quelque parole indigne,  
Que le vent, ie te pry, l'emporte entierement.  
Les Dieux te doint pouuoir à ton contentement  
Faire voiage heureux, agreable & prospere,  
Te doint reuoir ta femme & ta patrie chere  
Après auoir sur mer si longuement erré :  
Si loing de tes amis & sejour désiré.

Vlysses  
à Eurya-  
lus.

O mon tres-cher amy, ( luy respondit Vlysse  
Tout aysé du present ) & que long temps tu puisse  
Viure heureux & content, sans iamais regretter  
L'estoc que tu me viens par honneur presenter :  
Puis que tu m'as voulu, afin de satisfaire  
Au tort que tu m'as fait, ce digne don en faire.

Ce disant, il le prend, le pend à son costé,  
L'estoc, de maint beaux clou richement argenté.

Tandis le Soleil tombe, & les dons on apporte  
Qu'on auoit assemblez, riches en toute sorte.  
Au prix que les Heraults au palais les portoient,  
Les fils du Roy, soudain les prenoient, les mettoient  
Pres d'Areté la Reyne. Apres ils obeirent

On ap-  
porte  
les dōs  
pour  
Vlysses.

Au Roy Alcinoüs & pres de luy se mirent  
Comme il leur commandoit. En apres il parla  
A la Reyne, & luy dit. Donnez outre cela  
Vn coffre seur & bon, & que dedans on mette  
Quelque beau vestement, & quelque robe honeste,  
(Et que le tout luy soit gardé soigneusement.)

Et vous autres, allez, courez diligemment  
Faiçtes chauffer force eau, afin qu'il se nettoye  
Qu'il se baigne, se laue, & que ioyeux il voye  
Les honestes presens, les richesses, les biens  
Que luy font aujour d'huyl les Seigneurs Scherians.  
Puis vienne s'esjouir au festin magnifique,  
Et participe aux sons de la douce musique.

Pour moy: ce grand hanap d'or reluisant & fin  
De bon cœur ie luy offre en don: à celle fin  
Qu'il ayt de temps en tēps tousiours de moy memoire:  
Et que quand il voudra parmy ses amis boire,  
Chez luy, premierement au puissant Iupiter  
Et puis aux autres Dieux il en puisse ietter  
En terre le doux vin, La Reine, à sa parole  
Faiçt le commandement à sa troupe: qui vole,  
Si tost qu'elle l'entend, porte, verse, emplit d'eau  
Le baing pour le lauer, allume le fourneau,

Le pre-  
sent de  
la Rey-  
ne à  
Vlysses.

*Iette du bois deffoux qui la chaudiere enflamme,  
Et le long du trepié rampoit la belle flamme.*

La Rey-  
ne serre  
en vn  
coffre les  
dons  
faits à  
Vlysses.

*Ce pendant Areté de sa chambre tiroit  
Vn beau coffre & dedans curieuse serroit  
Les dons, les vestemens, for & la pierrerie  
Que son hôte auoit eu des Seigneurs de Scherie  
Suivant l'aduis du Roy. Elle y fit mettre aussi  
Vn bel habit tout neuf; & puis luy dit ainsi:  
Remarque bien le tout, voicy que ie l'enferme,  
Fay dessus quelque boucle & la serre bien ferme,  
Qu'on ne t'en prenne, estant au vaisseau endormy.*

*De la Reyne, Vlysses creut le conseil amy,  
Enueloppe le coffre, vne boucle subtile  
Y fit, que luy apprit Circé la Nymphé habile.*

*Alors la fille vint, qui au bain le conduit,  
Vlysses le voyant bien fort s'en resioit,  
Car depuis Calypso, il n'estoit, pour remede  
De sa grande fatigue, entré dans nul bain tiede.  
Mais estant là, la Nymphé en auoit grand soucy:*

Vlysses  
au bain

*Après qu'il fut lauë des seruantes ainsi,  
Et que son corps fut oint de liqueurs precieuses  
On luy ietta dessus robes delicieuses,  
Puis il sortit ioyeux, & de rechef alla  
Trouuer ceux qui beuuoient. Alors l'attendoit là  
L'excellente en beauté Nausicaa la belle,  
Ayant la maïesté d'une Nymphé immortelle,  
Au maintien gracieux que graue elle portoit,  
Vne Deesse mesme elle representoit.*

*Elle s'esbahissoit voiant le Roy d'Ithaque  
De tant belle presence: adonc elle l'attaque*

Nausi-  
caa  
Vlyſſes

*Disant. Et bien mon hoſte, eſtant en ta maiſon  
Dy moy ie te ſupply, ſi tu auras raiſon  
De te reſſouuenir de ta bonne amie  
Nauſicaa l'Infante, à qui tu dois la vie.  
Lors le cant Vlyſſes luy dit luy blandiſſant.*

Vlyſſes  
à Nau-  
ſicaa.

*Belle Nauſicaa fille du Roy puiſſant  
Le grand Alcinoüs, ſoit la volonté telle  
De Iupiter, mary de Iunon ſa ſœur belle,  
Que ie voye en ſeurté mon païs de retour.  
Et ſelon mon deſir me luyſe l'heureux iour  
Auquel i'arriuëray ſur mes champs domeſtiques:  
Certes ie t'y rendray de mes vœux pacifiques  
Les doux remerciemens tant que viuant ſeray,  
Et tout ainſi qu'un Dieu ie te reclameray.  
Car tu m'as conſerué, ô gentille pucelle:*

*Ce diſant il ſ'aſſit ſur vne chaire belle  
Aupres d'Alcinoüs, adonc ils detranchoient  
Les viures en morceaux, & le vin debouchoient.  
Puis le Heraut arriue, & quant & quant luy entre  
Le bon Demodocus, le tant aymable chantre,  
On laſſied parmy ceux qui eſtoient là diſnant,  
Et contre un grand pilier il ſe va ſouſtenant.  
Alors Vlyſſes dit au Heraut venerable,  
En trenchant du Sanglier qui eſtoit ſur la table  
( Car il en reſtoit fort encores du repas)  
Un tronçon d'entre tous le plus tendre & plus gras:  
Tient heraut ie te pry, pren cela, & le porte  
Au chantre de par moy, dy luy que ie l'exhorte  
De boire & de manger: que ie le veux auſſi  
Aymen & honorer, bien que plein de ſoucy.*

Vlyſſes  
enuoye  
vn pre-  
ſent du  
bâquet  
à Demo-  
docus.

„ On doit tousiours porter honneur & reuerence  
 „ Aux poëtes gentils, grande est leur preference  
 „ Sur tous hommes mortels. Car la muse a daigné  
 Les instruire, & leur art leur â, douce, enseigne,  
 Aymant fort leur mestier. Ainsi qu'il luy commâde,  
 Le Herault prend soudain en ses mains la viande  
 Qu'Vlysses luy tendoit, afin de la porter  
 Au bon Demodocus, & la luy presenter.  
 Il la prend de bon cœur, la decoupe, lentame,  
 En mange à son plaisir, plein de ioye en son ame,  
 Or tous les conuiez commencerent soudain  
 A faire bonne chere, & de porter la main  
 Et aux plats, & aux pots: & plein d'esouissance  
 Vn chacun en prenoit selon sa suffisance.  
 Quand la soif fut esteinte & l'appetit passé  
 Vlysses en ces mots s'est au chantre adressé:

Gentil Demodocus, des Muses l'excellence,  
 Je te prise beaucoup, grande est ta preference  
 Sur tous hommes mortels: soit que soubz les douceurs  
 Du diuin Apollon, ou dessoubz les neuf sœurs  
 Tu ayes tés chansons si doctement apprises:  
 Tu dis, comme elles sont, les hautes entreprises  
 Des Grecs, & leurs malheurs, & ce qu'ils ont souff-  
 Soit que tu ayes tout toy-mesmes decouuert, (fert.  
 Comme y estant present, soit que l'aye ouy dire,  
 Tu sçais naïsuement le pinser sur la lire.

Vlysses  
 incite  
 Demo-  
 docus à  
 chanter  
 du che-  
 val de  
 Troye.

Mais poursuy ie te prie & sur ta douce voix  
 Chante nous l'appareil du grand cheual de bois,  
 Dy nous l'inuention de lestrange edifice,  
 Qu'Epeus façonna d'admirable artifice,

A l'ayde de Pallas. Vlyſſes le ſublin  
 Le pouſſa dans le fort de la ville tout plein  
 D'hommes armez & forts, qui renuerſerent Troye,  
 Mirent Pergame à ſac & Ilion en proye.

Que ſi tu ſçais traiçter ce ſujet comme il faut,  
 Deſſus tous les humains ie t'eſleueray haut,  
 Je publiſſeray par tout que ton vers, que ta grace,  
 Que ton entendement tous les autres ſurpaſſe.  
 Je mettray ton renom iuſque au plus haut du Ciel.  
 Je diray que les ſœurs t'ont abreuué du miel  
 Qui coule ſur Parnaffe, & qu'en toute largeſſe  
 Quelque Dieu a ſur toy deſployé ſa richeſſe.

Il dit, & de ce los le Poète excité  
 S'appreſtant à bien dire a diſert recité  
 Deſſus ſon luth diuin, comme ſur la marine  
 Monterent les Gregeois pour faire bonne mine,  
 Deſlogerent haſtifs, mettans le feu par tout  
 Commençants ceſtuy-cy, finiſſants l'autre bout:  
 Tandis les autres chefs & Rois qu'Vlyſſe enferme  
 Dans le traître cheual, là dedans faiſoient ferme  
 Remplis de grand ſilence, & dedans la cité  
 Par les habitans meſme eſt le cheual ietté:  
 Vlyſſes qui menoit ceſte gaillarde bande  
 S'enſeuclit luy-meſme en la montagne grande,  
 Et Troyens de tirer. Mais comme ils eſtoient là,  
 Diuerſe opinion parmy eux ſe meſla,  
 Trois aduiſ ſe traiçtoient: (& l'inconſtant vulgaire  
 Se partiſſoit en voix l'une à l'autre contraire.)  
 Les uns voloient ſans plus que le bois fuſt ouuert,  
 Et ce qui pouuoit eſtre au dedans découuert:

Demo-  
 docus  
 chante  
 l'inuen-  
 tion du  
 cheual  
 de  
 Troye.

Les autres qu'on menast dessus un precipice  
 Et qu'on en fist rouler le mechant edifice,  
 D'autres qu'on laissast là le sacrosaint present,  
 Et que l'on adoucist les Dieux en ce faisant.  
 Plus que tout autre aduis le dernier ils suivirent,  
 Et les Troyens ainsi soubz les armes perirent  
 Le destin les pressoit. Ainsi dans la Cité  
 Fut mise la machine, & le cheual ietté:  
 Dans lequel se cachoient la fleur de la ieunesse,  
 Et les plus resolués de la flotte de Grece:  
 Qui deuoient tost donner aux Troyens malheureux  
 Espouuentables morts & trespas rigoureux:  
 Demodocus chantoit comme sortans du chefne,  
 Descendans comme à flots des cauernes du fresne  
 Les Grecs mirent à feu la superbe cité,  
 Se resspandants par tout, d'un & d'autre costé  
 Espars ils saccageoient; & de grande furie  
 Eslançoient les horreurs de leurs aspre turie.  
 La grand' foule tumba deuers Deiphobus,  
 Où le fort Vlysses avec Menelaüs  
 Firent de grands efforts: car aux cris, aux alarmes.  
 Les plus braues Troyens s'estoient là mis en armes.  
 Le combat fut bien grand, mais ils furent mis bas  
 Soubz l'effort d'Vlysses assisté de Pallas.

C'est le diuin sujet que Demodocus traicte.

Vlysses	Cependant Vlysses larmes de ses yeux iette
oyant	En grande quantité, son visage humectant
Demo-	Des grands ruisseaux de pleurs qui luy vont degoutāt
docus	Comme vne pauvre femme & triste & desolée
iette	Embrasse son mary, tombé dans la meslee
des lar-	
mes.	

D'un furieux combat, pleure, couuert de coups  
 Par le glaive ennemy son miserable espoux,  
 Cependant qu'il deffend sa patrie, sa ville,  
 Ses murs & son foyer, sa femme & sa famille.  
 La pauvrete qui voit son mary se mourant  
 Et haletant encor, triste le va pleurant,  
 Dessus son corps couchee emplit l'air de ses plaintes  
 (Meut la terre à ses cris, le Ciel à ses complaints,)  
 Cependant l'ennemy cruel luy est à dos,  
 Qui la haste, & la frappe à coups de ianelots,  
 La traine en seruitude, & d'effort pitoyable  
 Force de mille maux la pauvre miserable:  
 Son visage tendret cy-deuant tout amour  
 Perd à force de pleurs son lustre & son beau-jour.  
 Vlysse ainsi, au son des pitoyables carmes  
 Qui chantoient ses malheurs, se fendoit tout en larmes,  
 Et nul ne l'apperceut: le Roy tant seulement  
 Qui luy estoit prochain le vid, secrettement  
 Gemissant en son sein, & de face troublée:  
 Si prit occasion de dire à l'assemblée.

Je vous pry, mes amis, sans plus outre-passer  
 Que le chantre diuin vueille son chant cesser,  
 Tout le monde n'a pas son sujet agreable.  
 Je vous dy que depuis qu'on est sorty de table  
 Et que Demodocus son chant a commencé,  
 Nostre hôte que voicy de gemir n'a cessé,  
 Il a le cœur serré, la marrisson le presse,  
 Et faut qu'il soit saisi de quelque grand' tristesse,  
 Que le chant cesse donc. Nous qui le receuons  
 A quelque autre suiet retourner le deuons,

Alcino<sup>o</sup>  
 fait ces-  
 ser De-  
 modoc<sup>o</sup>  
 à cause  
 d'upleur  
 d'Vlyf-  
 ses.



*Inuenter un moyen qui destourner le puisse*

*De ces tristes pensers, & qui le resiouisse.*

„ *Car il est plus seant ses hostes delecter*

„ *Quand on les tient chez soy, que de les contrister,*  
*Et à l'occasion de ce mien hôte honneste*

*Ces dons icy se font, & ce festin s'appreste:*

*Il s'est fait suppliant, & ie le veux cherir*

*Comme mon frere propre, ayder & secourir*

*De toute ma puissance: & quiconque a bonne ame*

*Ne reiette iamais celuy qui le reclame.*

Alcino<sup>o</sup> *Mais ie te pry, mon oste, ouure moy maintenant*

en- *Ton cœur, & là dedans ne va rien retenant:*

quiert *C'est tousiours le meilleur se trouuer veritable.*

Vlyfles *Dy ton nom, que ton pere & que ta mere aimable*

de son *T'ont donné, par lequel ceux qui te cognoissoient*

nom, & *T'appelloient, & tes gens comme ils le prononçoient:*

pays. *Personne n'est sans nom: & quiconque a sceu naistre*

*Bon, mauuais, de quel lieu que ce soit qu'il puisse estre*

*En naissant, ses parens luy ont donné un nom.*

*Dy nous semblablement ton país, ta maison,*

*La ville dont tu es, afin que tu t'embarques,*

*Et que dans ton país te conduisent nos barques.*

*Les nauires d'icy n'ont timons, ny patrons,*

*Semblables que les ont celles des enuiron:*

*Nos gens scauent les meurs, les pensers, les courages,*

*Des gens, les nations, les plages, les riuages,*

*Les habitations, ils trauersent legers*

*Les mers & les courants, ne craignent les dangers,*

*Les vents, ny les brouillards, ny le hazard des ondes,*

*Et n'ont peur d'enfondrer sous les vagues profondes.*

Pourtant, Nausithoüs mon pere, cy-deuant  
 (Il m'en souuient fort bien) nous disoit fort souuent  
 Que Neptun' nous portoit enuie merueilleuse  
 Dequoy nous n'auions peur de son eau perilleuse,  
 Et sans difficulté que nous entreprenions  
 De mener un chacun, & point ne le craignons  
 Qu'il nous menaçoit fort d'enfondrer un nauire  
 Qui nous appartiendrait dans son profond empire,  
 Pour un temps aduenir, ainsi qu'il reuiendrait  
 De conduire quelqu'un. Donc qu'il l'enfondreroit  
 Et dessus nostre ville, ainsi qu'un mur terrible  
 Mettroit la pesanteur d'une montagne horrible.  
 Ainsi nous racontoit le vieillard : mais voila,  
 Soit qu'il plaise à Neptun' de faire tout cela  
 Que mon pere a predit, & dont il nous menace,  
 Soit qu'il change d'aduis & qu'il ne le parface,  
 Tout gist en son plaisir. Mais, soit par toy conté  
 En quel pays tu as esté tant tourmenté,  
 Quels hommes, quelle gent : si c'est terre habitee,  
 S'ils sont humains, courtois, si elle est frequentee,  
 Où bien s'ils sont cruels, sauvages, furieux,  
 S'ils sont hospitaliers, & s'ils craignent les Dieux.  
 Dy moy encor cecy. Au sujet de ces carmes  
 Pourquoy ie te supply' as tu ietté ces larmes?  
 Quelle tristesse as tu ? Pourquoy gemis tu tant,  
 Lors que tu vas oyant les gestes racontant,  
 Et les malheurs des Grecs qui furent deuant Troye,  
 Son funebre accident, son pillage & sa proye?  
 Les Dieux ont faict cela, & leur perte pendoit  
 Sur le bout du fuzéan que la Parque tordoit

Neptu-  
 ne veut  
 mal aux  
 Phra-  
 ciens, &  
 pour-  
 quoy?

*Ces ruïnes, ces morts qu'elles leur ont filees*

*A tous hommes seront à iamais releuees:*

*Les maux & les tourmens qu'elles leur ont tramez*

*Seront sur les chansons chantez & renommez.*

*Ou t'est-il deuant Troye en la guerre cruelle*

*Mort quelcun de ton sang ou de ta parentelle,*

*Beaupere, cousin, gendre, & dont le souuenir,*

*Nos enfans preferez, nous doit tristes tenir?*

*Ou si c'est ton amy qui ayt eu mort amere?*

*„ Le n'estime pas moins vn bon amy qu'un frere,*

*„ Amy qui au besoing t'ayde opportunément,*

*„ Et qui sage & prudent t'ayme sincerement*

**Fin du Huiëtiesme Liure.**



# LE NEVFIESME

## LIVRE DE L'ODYSSEE

### D'HOMERE.

#### ARGUMENT.

**L**E commencement de la narration d'*Vlysses*. Ses exploits de guerre contre les *Ciconiens*, son abord aux *Lotophages*, sa venue en Sicile vers le Cyclops *Polypheme*, auquel, luy ayant mangé six de ses gens, il creue l'œil & se sauue de sa cauerne industrieusement.

#### AUTRE SOMMAIRE.

*Les Cicones cruels, les heureux Lotophages,  
Polypheme éborgné dans ses antres sauvages..*



Ors le sage *Vlysses* à dire ainsi commence.  
Puissant *Alcinoüs*, Roy grand par excellence

*Vlysses*  
raconte  
au Roy  
*Alcinoüs*  
s'estre  
& les  
fortu-  
nes.

Sur tous les Princes Grecs de qui l'illu-  
Parmy les nations estend son beau renom: (stre nom  
Certainement c'est chose agreable & honeste

Que d'entendre la voix d'un si parfait Poète  
 Que cestui-cy, semblable aux Dieux: & pour certain  
 C'est le plus agreable & plus beau d'un festin  
 Que la douce Musique: Alors qu'à sa merueille  
 Les doctes assistants sont ravis par l'oreille,  
 Que le peuple escoutant y reçoit du plaisir,  
 Que la ioye, de tous le cœur en vient saisir,  
 Que par tout le logis on en fait allairesse,  
 Que tous les conuiez sont esmeus de liesse,  
 Boient de ces accords les accents doucereux,  
 Sont ravis du diuin de ses sons amoureux,  
 S'emplissant à souhait de viures delectables,  
 Quand le maistre d'hostel charge les longues tables  
 De mets delicieux, de pain les pannetiers,  
 Et de vin excellent les ioyeux sommeliers,  
 Et ceste chose encor me semble estre tres-belle.

Mais ie te veux narrer ma fortune cruelle,  
 Ie te veux raconter mes infinis malheurs  
 Si tu les veux entendre, & quelles grands douleurs  
 J'ay souffert sur les eaux en allant par le monde,  
 Afin que d'auantage en pleurs ie me debonde.  
 Mais, las! quels de mes maux diray-ie les premiers,  
 Lesquels mettray-je encor en ordre les derniers,  
 Et lesquels de beaucoup? Car la celeste bande  
 M'a donné des ennuis en quantité bien grande.

Sois moy donc ententif. Mais tout premierement  
 Ie te diray mon nom, puis vous scaurez comment  
 Ie suis venu chez vous estrange miserable,  
 Eschappé sur la mer à la mort effroyable,  
 Aux tristes accidens du ruineur destin.

Car de vostre pais le mien est fort lointain.

Du fameux Laërtes ie suis le fils, Vlysse,  
Cogneu par tout en ruse, en dol, en artifice:  
Iusques au Ciel s'estend la gloire de mon nom.

Ie demeure en Ithaque Isle de grand renom,  
Sur qui le mont Nerite estend ses frais ombrages,  
Cachant son bout pointu dans les sombres feillages  
Maints arbres grâds & hauts vôt dessus luy croissans,  
(Et sont leurs beaux sommets de loing apparoißans.)

Ithaque

Quelques Isles autour sont dont elle est enceinte,  
Dulichie, Samos, & l'ombreuse Zacynthe,  
Son costé qui paroist pres la mer se penchant,  
Et qui de terre ferme est le plus approchant,  
Regarde vers le Nord, & les autres encore  
Qui plus lointains en sont le Soleil & l'Aurore  
Elle est aspre, ( pierreuse & fascheuse au labeur)  
Elle porte pourtant gens forts & pleins de cœur.

Ie ne puis de ces yeux rien voir tant agreable  
Que ceste terre là, mon pays desirable:  
Bien que de mariage & d'amour i'ay esté  
Par toy, ô Calypso, souuent sollicité,  
Combien que de Circé, la Mage renommee,  
En astuce, en sçauoir, en breuuage estimee  
I'aye esté recherché, espouser m'ait voulu,  
Rien ne m'a destourné, rien i'amaïs ne m'a plu  
Que mon pais natal, & n'est en ma puissance  
D'oublier la douceur du lieu de ma naissance.

Rien au pris du pais n'est precieux & cher,  
Rien ne nous est si doux que le natal foier.  
Bien qu'un homme en richesse à nul autre ne cede,

*Que palais somptueux & thresors il possede,  
S'il est loing du pays sur lequel il fut né,  
Et loing de ses parens ; il est infortuné.*

Narra-  
tion  
d'Ulyf-  
ses. *Or ie te conteray maintenant mes voyages,  
Mes erreurs, mes travaux, mes pertes, mes dommages,  
Desquelles m'a voulu le puissant Iupiter  
Des le départ de Troye en mer persecuter.*

*Au partir de Phrygie, (& des plaines herbeuses  
Où auoit esté Troye aux mazures fumeuses,)   
Le tourbillon m'emporte, & pousse en moins de rien  
Au barbare terroir du bord Ismarien.*

Les Ci-  
coniens *Des Cicones cruels, auxquels ie fyla guerre,  
Pry leur ville, jettay leur muraille par terre,  
Hommes, enfans, vieillards, tuay tout sans mercy,  
Leurs femmes emmenay & leurs filles aussi,  
Partageay à mes gens leurs biens & leur richesse,  
Et personne ne fut qui n'eust dons à largesse.*

*Ie commande soudain la retraite sonner,  
Et les armes au poing sur ses pas retourner.  
Mais (voyez les destins desia cōme ils nous traittēt!)  
Mes compagnons, hélas, mes paroles reiettent,  
Refusent d'obeir. Ils demouroient assis  
Par les nauys, fayneans, & d'yresse transsis,  
Oublieux s'amusoient à boire à toute outrance,  
Car ils auoient trouué du vin en abondance.  
Egorgerent au bord bœufs, moutons & brebis,  
Tant que les Ciconois qui s'en estoient fuis  
Retournent furieux, avec force autres bandes,  
Car ils leur auoient dit les occisions grandes  
Qu'on auoit fait des leurs. Ils viennent donc sur nous*

Avec tous leurs voisins, pleins d'ire & de courroux,  
Braues & belliqueux. Or au pays de Thrace  
Dedans le continent il habite vne race  
De gens, qui sont dressez à fierement courir  
A cheual sur leur homme & le faire mourir:  
Puis mettent pied à terre, & sçauent bien combattre  
Quand il est neccessaire, & l'ennemy abbatre.  
Ils nous surprennent donc, viennent à l'impouruen  
En grand nombre amassez, autant que l'on a ven  
De feüilles par les bois (de bleds par les campagnes)  
De fleurs parmy les prez (& d'herbes aux môtagnes.)  
Iupiter, ses destins, les assauts, les hazars,  
Nous pressoient grandement souz les armes de Mars,  
Et le sort, qui sur nous a la chance tournée  
Nous contraint de souffrir vne triste iournee:  
Nous sommes entouréz desia de toutes pars  
Pressez de l'ennemy, qui eslance ses dars  
Iusque dans nos vaisseaux, & de dessus la terre,  
De flèches & de traicts nous font mortelle guerre.  
Depuis le poinct du iour tousiours nous combattons,  
Et iusques au Midy brauement resistons, (proche  
Combien que moindres qu'eux. Mais quand Titon fut  
De noyer dans la mer du soir son panchant coche:  
Les Ciconois alors deuindrent les plus forts,  
Et aux Grecs debellez donnerent mille morts.  
Là mourut de nos gens six de chacune barque,  
Et le reste eschappant à la cruelle Parque  
Ioyeux fait voile au vent, laisse le sanglant bord,  
Aise de s'estre ainsi garanty de la mort.  
Nos nauires pourtant plus outre nè passerent,



Nos fermes auirois pluſtoſt ne ſe hauſſerent,  
 Et nos voiles iamais ne prirent le plein vent  
 Au large dans la mer, que n'eufſions parauant  
 Par trois fois appellé nos gens, qui là tomberent,  
 Et des fiers Ciconois la proye demeurerent.

Tempe-  
 ſte en  
 mer.

Toſt apres Iupiter encontre nos vaiſſeaux  
 Enuoya la tempeſte, & renuerſa les eaux  
 Tout ſ'en-deſſus-deſſouz, noyant noſtre nauire  
 Des orages tombans des fleues de ſon ire:  
 Nous couurit de broüillas, & ſon courroux amer  
 Cacha d'une nuee & la terre & la mer.  
 Nos vaiſſeaux ſont frappez de la vague irritée,  
 La nuit humide chet du ciel precipitée.  
 (Elle amaffe tout l'air plein de poiſſeuſe horreur,  
 Et la mer eſt changée en obſcure frayeur.)  
 Ia les pauvres vaiſſeaux nagent à l'aduanture,  
 Sont emportez des flots: & la tempeſte dure  
 Trois, quatre fois les frappe, on oit craquer le bois,  
 Les voiles déchirez rompent tout à la fois,  
 Sont emportez en mer en mille parts diuerſes:  
 Les morceaux vont nageans deſſus les ondes perſes,  
 Nous fremiſſons de peur: car tout ce que voyons  
 Nous rapportoit la mort, & au fond nous cachions.  
 Apres reprenans cœur nos forces redoublâmes,  
 A force d'auirois nos nauires pouſſâmes  
 A terre my-rompus par les vents furieux:  
 Nous fuſmes là deux iours & deux nuits, ſoucieux  
 Et triſtes au mourir. Couchez ſur les herbages  
 Lamentions noſtre ſort preſſez en nos courages,  
 Mais au troiſieſme iour que l'aube ſe levant

Ses beaux cheuaux dorez amenoit du Leuant,  
( Et se mōstroit vermeille, empourprant les cāpagnes  
Et sa teste dressant sur les bouts des montagnes: )  
Nous remontons en mer, nos grāds mats redressons,  
( Chacun rentre en sa nef ) & nos voiles haussons,  
Ia nous nous asseons, & toute nostre flotte  
Au plaisir d'un bon vent agreablement flotte.  
Le vent & le Pilote ensemble gouuernoient,  
Et dans mon cher pays doucement me menotent,  
Mais comme ie doublois la pointe de Malee  
Le flot, & le courant, & la vague salee,  
Et du fier Aquilon le soufle rigoureux  
Me jetterent dehors de mon chemin heureux,  
Et des forts tourbillons la ronflante colere  
Me fit perdre en malheur la route de Cythere.  
I'erre neuf iours entiers sur le flot agitē,  
Des aduersaires vents deçà, delà porté:  
Sur le dixiesme iour i'aborde les riuages  
Et l'atrayant terroir des heureux Lotophages  
Vinans de la douceur de leurs fruits florissans:  
Là nous gagnons la riuē, ( & les ponts abaisssans )  
Nous mettons piē à terre, & beuons de l'eau nette  
( Que le sable prochain à gros bouillons nous iette. )  
Nous faisons bonne chere, & sur l'herbe coucheꝝ  
Delectons de bon vin nos gosiers dessechez.  
Quand la soif & la faim ne nous firent plus guerre,  
I'enuoye de mes gens pour decourrir la terre,  
( I'en choisi deux de tous : le Heraut pour le tiers  
Pour aller avec eux i'adioigny volontiers )  
Pour sçauoir en marchant quelles gens y frequentent

*Leur maniere de viure, (& de ceux qui les hantent.)*

*Comme ils eurent marché par pays longuement*

*Ils s'allèrent en fin mesler ioyement*

*Parmy ceux du Pays, qui contre eux ne se faschent,*

*Ny de glaiues trenchans de les tuer ne taschent,*

*Ny furieusement ne les vont pas charger :*

*Mais de leurs fruitz sucrez leur donnent à manger,*

*Ils n'en eurent mangé, que tost ils oublièrent*

*Tout ce qu'ils auoient fait, & ne se soucierent*

*De reuenir vers moy : (de leurs naturels Dieux,*

*De leur douce maison pauurement oublieux.)*

*Tout le soin, le soucy qu'ils ont en leurs courages,*

*Est de viure tousiours avec les Lotophages.*

*Je les allay querir, à force les trainay,*

*Et dedans nos vaisseaux pleurans les ramenay.*

*Me fallut les lier par force & violence :*

*Lors ie dy que chacun r'entraist en diligence*

*Dans les vaisseaux ailez, sur les bancs se rangeast.*

*Que du fruit du pays personne ne mangeast,*

*De peur qu'enforcelez il ne leur prist enuie*

*D'vser en ce pays le reste de leur vie,*

*Et ne fissent refus de remonter sur mer,*

*Oublieux du pays (& laissez de ramer.)*

*Chacun donc se retire, & à force de rame*

*Frappe les flots ondeux, & les vagues entame.*

*Nous auançons chemin de deuil ailangouris,*

*On voyoit escumer souz les ondes Doris.*

*Voicy nous arriuons à la riuë sanglante*

*Des Cyclopes cruels, engeance violente,*

*Effroyables Geans, gens sans raison, sans foy,*

Superbes, orgueilleux, sans coustume & sans loy,  
Se faisans forts des Dieux, iamaïs ils ne labourent,  
Ils ne plantent iamaïs: Mais là les moissons courent  
D'elle mesme sur terre, & croissent sur les champs  
Qui n'ont esté fendus par les coutres trenchans.  
La sans qu'on y laboure & là sans qu'on y sème,  
La terre leur produit leurs viures d'elle mesme,  
Là croist le beau froment, là l'orge roux iaunit,  
La vigne abondamment la vendange y fournit.  
Et les arbres leurs fruits. Vous y voyez la vigne  
Ployante souz le fais de ce doux fruit insigne,  
De grands raisins chargee, & la vient humecter  
La pluye que luy donne un moite Iupiter,  
Dont le fruit se grossit & s'enfle en son escorce.

Ils ne plaident point là, la loy n'a nulle force  
Parmy eux, les statuts n'y sont point recogneus,  
(Et les sceptres n'y sont en grand conte tenus.)

Mais ils vont demeurans par les forests ombreuses,  
Sur les monts esleuez, és grottes cauerneuses.  
Chacun sa loy s'ordonne, & a commandement  
Sur sa femme & enfans: N'ont soucy nullement  
De s'entre-rechercher. Vne isle assez petite  
S'estend dehors du port de la terre où habite  
La race des Cyclopes, & ce lieu tout desert  
Est de grandes forests entierement couuert.  
Comme l'isle n'est pas de leur terre prochaine,  
Elle ne s'en void pas aussi par trop lointaine,  
Mainte cheure sauvage en grande quantité  
Naist dedans ce pays nullement frequenté.  
Pour les aller courir sur les roches pointuës

Les sentes nullement ne paroissent battûes  
 Des pas d'homme vivant. La force de l'odeur  
 Des chiens ne va point là, là ne va le veneur,  
 Qui tousiours par les bois & les forests obscures  
 Sur les monts dangereux court maintes aduantes.  
 Le bestail, ny le soc ne la vont point courant  
 On n'y va point semant, on n'y va labourant,  
 Vuide de laboureurs, exempte de leurs œures.  
 Toutesfois on y voit pasturer maintes chœurs,  
 Et à leurs brayemens resonnent les rameaux.  
 Les Ciclopes n'ont là nauires ny vaisseaux  
 Dorez & peincturez : En leur siere contree  
 N'a charpentier aucun encore fait entree,  
 Qui d'ais bien cheuillez de postaux grâds & longs  
 Leur ait enseigné l'art de faire galions,  
 Sur lesquels entamans le creux des ondes perses,  
 Ils s'en aillent cercher les regions diuerses,  
 Voir estranges pays, apprendre, s'enquerir,  
 Visiter, trafiquer : Ainsi qu'on void courir  
 Les autres nations pour faire leurs traffiques,  
 Et entre-secourir chacun leurs republiques :  
 Gens qui les frequentans les civiliseroient :  
 Et leur terre, & leur œurs en fin cultiueroient,  
 Bastiroient des citez. les mettroient à leur aise)  
 La terre toutesfois n'est nullement mauuaise,  
 Elle rapporteroit en saison, car les prez  
 Sur le bord de la mer fleurissent diaprez,  
 Mols & bien arrosez. Là s'aimeroit la vigne  
 Où pendroit le doux fruit de la souche benigne :  
 Le terroir y seroit facile à labourer :

Le grain dedans l'espy pouroit croistre & dorer,  
Et l'espy pesamment y pancheroit la teste.  
Le port y est aisé, exempt de la tempeste,  
Et n'est ia de besoin d'y lier les vaisseaux  
Lors que les vents facheux bouleversent les eaux,  
Ou de les mettre à l'ancre. Et la tourmente en somme  
Ne vous empeche point d'y prendre vostre somme.  
D'eux-mesmes les vaisseaux y demeurent flottans  
En toute seureté iusques au nouveaux temps,  
Qu'on voit se reueiller la marinier tourbe,  
Qui coule en mer le fais de son nauire courbe,  
Que les vents gracieux vont doucement soufflans,  
Et de leurs forts soufflets les voiles vont s'enflans.

Au port sort une source & claire, & babillarde,  
Dont l'eau va murmurant doucettément iaxarde,  
Et iette à petits bords son onde ialissant,  
Maint grand aulne feüillu à l'entour va croissant.

Nous abordasmes là, telle fut la fortune  
Qui nous y vint pousser au temps de la nuit brune  
Quelque Dieu que ie croy, fut nostre conducteur,  
Car l'air estoit alors espais & fort obscur :  
Mesmes de s'entrevoir il estoit impossible.  
Nos masts estoient couverts d'un air noir & horrible  
La poix & l'espaisseur estoient amoncellez,  
Et noircissoient l'entour de nos vaisseaux voilez  
La Lune auoit perdu sa corne desirable,  
Ne monstroit plus du Ciel sa lumiere agreable,  
Mais triste & renfermee és nues se cachoit.  
Isle, terre, ne port de nous ne s'apperçoit.  
Et ne vismes iamais les vagues se poussantes

Encontre le rivage, & les eaux se haussantes  
 Au bord qui les fraploit, que nous n'eussions touché  
 Le port, & nostre cable à la rive attaché.  
 Nos compagnons alors plient voile & cordage,  
 Et nous nous estendons couchés dessus l'herbage  
 Lassez de la marine & pesans de sommeil,  
 Et de l'aube attendans le gracieux réveil.

Mais dès que le matin ramenant la iournée  
 Elle nous eut montré sa robe ensafrannée  
 (Rebridant ses chevaux) nous fûmes esbahis  
 De voir si pres de nous & l'isle & le pays.  
 Nous y dressons nos pas, y prenons nostre route,  
 (Remplis d'incertitude, & agitez de doute)  
 Et les Nymphes des bois filles de Iupiter  
 Force Chéures touchans, les vindrent presenter  
 A nos gens affamés, afin qu'ils en tuassent,  
 Et que, dessus le feu les cuisans en mangeassent.

Nous courons au vaisseau, prenons flèches & dards,  
 Et pour cheures ferir nous enlunons nos arcs,  
 Nous nous mettons en trois (les suivons sur la croupe  
 Des pointes des rochers, & jusqu'en la grand troupe)  
 La chasse leur donnons. Iupiter & le sort  
 Nous donna bonne prise, & nous fit mettre à mort  
 Nombre de venaisons (iettant en nostre voye,  
 Enceinte de forest & la prise & la proye.)  
 Et comme nous estions quelques douze vaisseaux  
 Dieu à chasque vaisseau enuoya neuf cheureaux:  
 Mais le mien en eut dix du parsus de la guerre.  
 Alors chacun de nous de se ietter en terre,  
 De faire bonne chere, & de s'emplir ioyeux

De grasse venaison, & de bon Bacchus vieux.  
 Tout le iour se passa tant que dans la noire onde  
 Le Soleil se penchant mist sa perruque blonde.  
 Que nous estions à table, & que nous n'auions pas  
 Encor vuidez les pots, ny finis nos repas.  
 Car nous auions du vin encor à suffisance,  
 Et en auions chargé en tres-grande abondance  
 Lors que nous prîmes pié és bords Ismariens,  
 Et iettâmes à bas les murs Ciconiens.

Or nous considerons des geantines roches  
 Celles qui nous estoient de terre les plus proches,  
 Nous regardions fumer leurs trous & leurs crottôs,  
 Nous entendons apres des chéures & moutons  
 Infins beellemens. Puis Phœbus le ciel laisse,  
 Et faict en se cachant place à la nuit epaisse.  
 Et nous encor par terre au sommeil redonner  
 Nos membres tous lassez, iusques au retourner  
 Du iour, & que l'Aurore hors des ondes se tire.  
 Lors appellant mes gens ie me pris à leur dire :

Compagnôs ie vous pry & vous mes chers amys,  
 Demeurez tous icy (sans qu'à nul soit permis  
 De sortir des vaisseaux, mais faictes bonne garde,  
 Et de descendre à terre aucun ne se hazarde.)

Moy avec mon vaisseau i'iray tant seulement  
 Découurir le pays, desirant grandement  
 Apprendre en quel endroit de la terre nous sommes,  
 Et si les habitans de ce pays sont hommes  
 Agrestes, inciuils, sans hospitalité,  
 Ou bien s'ils sont doüez de quelque pieté.  
 Paracheuant ie monte en ma nef & commande



A mes gens de me suyre, incontinent ma bande  
 Me suit, entre au vaisseau, donne des avirons,  
 Et vers l'endroit plus proche à force nous tirons.  
 Y estans abordez tous ceux de nostre flotte,

Nous aduisons là près l'entrée d'une grotte  
 Prochaine de la mer. Maint lauriers s'élevant  
 De l'horrible caverne ombrageoit le devant.  
 Brebis en quantité, & chèvres en grand nombre,  
 Innombrable bestail reposoient dessous l'ombre,  
 Et une grande salle auprès apparoissoit  
 Faicte de grands cartiers, laquelle se haussait  
 D'une belle hauteur: Grands Pins de leur brachage,  
 Force chesnes feuillus y donnoient de l'ombrage:  
 Un homme horrible & grand li dedans se tenoit,  
 Et tout seul ses troupeaux par les rochers menoit.

Entre ses compagnons (engeance abominable)  
 Il ne veut habiter nullement sociable,  
 Monstre prodigieux, ne semblant nullement  
 Aux autres de visage, en haussant seulement  
 Sa teste quand il sort de ses roches cornues,  
 (Il touche de son front aux plus hautaines nues)  
 Et surpasse hautain de son chef orgueilleux  
 Les sommets les plus hauts des grâds môts sourcilleux

A l'heure ie laissay le reste de ma bande  
 Au bord d'as mon vaisseau, les prie & leur commande  
 De faire bonne garde, & que pour quelque cas  
 Que ce soit, des vaisseaux ils ne s'écartent pas.  
 J'en prens seulement douze, avec moy les emmeine,  
 Fais porter de bon vin une peau de bouc pleine,  
 Pour nous reconforter, d'un tres-excellent vin,

*Present delictieux de Maron le deuin,  
 Le Prestre d' Apollon, sage fils d' Euanthee,  
 D' Ismarie habitant, que nous auions domptee:  
 Et ce faisant auons sauué luy & ses fils,  
 Sa femme & sa maison d'entre les desconfits,  
 Sans qu'il se ressentist en rien de ce desordre,  
 Portans grand reuerence à luy & à son ordre.*

*Il habitoit pour lors Prestre à Phœbus sacré  
 Dans un bois, à son maistre & saint & consacré,  
 Me fit de grâds presens: entre autres d' un grād vase  
 D' argent massif le haut, d' argent massif la base,  
 Sept talents d' or ouuré, de vin delictieux,  
 Incorruptible vin, saint breuuage des Dieux  
 Douze grâds poinçons pleins. Ses gës ne ses seruâtes  
 Ne sçauoient où estoient ces liqueurs excellentes.  
 Dans vne caue à part secrette il les mettoit,  
 Et sa femme la clef seulement emportoit:  
 A grand peine vne fille, & fidele & secrette,  
 Avec sa femme & luy sçauoit ceste cachette,  
 Quand de ce bon vin fort vne fois ils beuuoient  
 Tant seulement un pot, sa force ils abreuuoient  
 De vingt mesures d' eau, il fumoît l' ambrosie  
 Du verre, & de le boire onc ne mouroit l' enuie.*

*Je fais donc d' un tel vin vne grand peau charger,  
 Et porte quant & moy de quoy tresbien manger.  
 Je brule de desir, mon cœur d' ardeur sautelle,  
 De voir le grand Cyclops à la face cruelle.  
 Au corps fort & puissant, le mépriseur de loy,  
 Le moqueur de iustice, & le rompeur de foy.  
 Nous paruenons en fin à sa siere demeure;*

Mais l'horrible Geant n'y estoit pas pour l'heure,  
Ses bestantes brebis par les champs il païssoit,  
Et gardant ses troupeaux le temps ainsi païssoit.  
Nous entrons dans le trou où le monstre se veautre,  
Regardons chaque chose encor l'une apres l'autre,  
Son mesnage admirons. Son laitage pressé  
Es fescelles estoit proprement adiancé,  
D'osiers bien repliez, ses panniers & ses cages  
Estoient chargez de beurre, & rompoient de fromages:  
Icy estoit le toit des camus, es brebis,  
Là des boucs petulans l'establage estoit mis,  
Et des chéures à part les logettes d'eclisse  
Se fermoient proprement, d'un soigneux artifice:  
Le Cyclops rengeoit tout, faisant distinction  
Et de bestail diuers, & d'habitation.  
Là logeoient les plus vieux, à part font leur demeure  
Les moyës, & pl<sup>9</sup> loings ceux qui depuis peu d'heure  
Sont nés, agneaus, cheureaus. Car au pris qu'ils naissoient  
Ils trouuoient leurs maisons & en leurs rāgs passoient.  
Toutes pleines de lait rompoient ses laittries.  
Ie vy ses toits aux boucs, ie vy ses bergeries  
Ses grands pots escumans, ses cages, ses panners,  
Ses cherieres, ses aies, ses fescelles d'osiers,  
Et ses mets où estoient bien serrez, ses laitages,  
Sa creme, son caillé, son beurre & ses fromages.  
Mes gēs me pressoient fort d'emporter ces vaisseaux,  
De toucher deuant nous son bestail à monceaux,  
Charger tout en la nef, & de s'en crer bien viste  
De peur d'estre surpris & de prendre la fuitte.  
Ie ne peu malheureux cela leur accorder,

*Et ne me voulu onc laisser persuader:  
 Je refusay mon bien, pour voir la mine fiere  
 De ce maudit geant, & pour tascher de faire  
 Qu'il me donnast plustost par hospitalité.  
 Mais, las! il nous devoit user de cruauté.*

*Dans le cachot ombreux du feu nous allumasmes,  
 De ses fruitts, de son lait, de ses biens nous magesmes  
 A nostre suffisance: & attendismes là  
 Jusqu'à tant que le monstre horrible deuala  
 Des rochers dans son creux: & voicy qu'il apporte  
 De grands charges de bois sur son espaule forte,  
 Des arbres tous entiers, pour cuire son soupper  
 Sur le feu qu'il alloit bien tost en allumer.  
 Il iette la dehors sa monstrueuse charge  
 Et du pesant fardeau ses espaulles décharge,  
 Vn bruit horrible & fort suit ce deschargement,  
 Et horreur nous saisit le cœur entierement,  
 Tremblans & fieuvissans nous cherchons les tenebres,  
 Et fuyons par les coins de ses caches funebres,  
 Es lieux plus enfoncez du roc nous nous cachons,  
 Et fuir la fureur du Geant nous taschons.*

*Il serre ses troupeaux, de ses brebis craintives  
 Il tire le laitage, & des cheures lascives,  
 Mais il laisse dehors tous les moutons bestans,  
 Les mastes, les agneaux & les boucs petulans.  
 Puis il ferme son trou: les grands postaux il croulle  
 Et pour servir de porte un roc entier il roule,  
 Vn enorme caillou, & le leue aisément,  
 Tel que vingt & deux chars tres-difficilement  
 Soux laisseïl craquetant tireroient hors des bouës,*

Encor' chacun garny de deux paires de roues:

Après se reposant, quelque temps il s'assied.

Ses brebis puis après & ses cheures il trait,

Presse leurs pis des mains, & sans tout le laiët traire

Chaque petit il prend & le met souz la mere.

Après par la moitié il partage son laiët,

Dedans ses pots percez une partie en met

Pour la faire cailler sur la ioncheuse éclisse,

Et par le trous du pot la masse prise pisse,

L'autre moitié du laiët à part il reseruoit

Pour breuvage à soupper duquel il se seruoit.

Puis du feu il allume. Or la fin estant mise

A tout ce qu'il faisoit, voicy qu'il nous aduise

(Où nous temblions cachez pour la premiere fois,)

Puis nous vient enquerir ~~une~~ effroyable vois.

D'où venez vous icy estrangers par les ondes ?

Quel chemin ont tenu vos barques vagabondes ?

Qui estes vous ? dit il : & quel sujet vous fait

Aborder en celieu. Seroit-ce pour l'effet

Du traffc, & pour vendre en celieu vos denrees

Que vous fendez ainsi les vagues azurees ?

Ou bien tracassez vous deçà delà courans,

Pour rapine chercher comme font les brigans,

Les pirates en mer ? Hazardans vostre vie,

Vous iettans en dangers continus, pour l'enuie

De faire quelque proye, & espiez ainsi

Les passans pour les prendre & piller sans mercy ?

Il dit & la peur froide entra dans nos poitrines,

Nous tremblasmes d'horreur de ses horribles mines,

Et du cry furieux qu'il ietta. Tout tremblant

Poly-  
pheme  
à Vlyf-  
ses & ses  
compa-  
gnons.

Lors ie m'adrefſe à luy, en ces mots luy parlant.

Nous reuenons de Troye, agitez des tempeſtes,  
 Pauvres Grecs égarez. Les orages moleſtes  
 Et l'impiteux Auſter nous ont icy iettez,  
 Des vagues & des vents & du Ciel tourmentez,  
 Cherchans noſtre pais & nos Dieux domeſtiques.  
 Icy nous ont portez nos fortunes iniques  
 Nous forçans un chemin tout contraire tenter.  
 Ainſi nous a voulu le puiffant Iupiter  
 Faire tourner ailleurs que dans noſtre contree:  
 Nous ſommes des ſoldats de l'ayné fils d'Atree,  
 Du grand Agamemnon, dont le los immortel  
 Se hauſſe célébré juſques dedans le Ciel,  
 Lequel a mis à ſac la belliqueuſe Troye,  
 Et deſſous Mars a mis tant de peuples en proye:  
 Nous voicy à tes pieds proſternez humblement  
 A ton port abordez: donne ſoulagement  
 A noſtre grand miſere, & de dons ſecourables  
 Courtois hoſpitalier ſecours ces miſérables:  
 Ne mets point à mépris nos clameurs & nos vœux  
 Mais aye ie te pry, reuerence des Dieux,  
 Crain le grand Iupiter: Nous voicy à ta face  
 Tres-humbles ſuppliants, fay nous mercy & grace,  
 Fay comme Iupiter qui deſſend, qui maintient  
 Touſiours les eſtrangers, touſiours pres d'eux ſe tient  
 Grand Dieu hoſpitalier pour eſtre à leur deſſence:  
 Et de ceux qui leur font iniure, prend vengeance.  
 (Iupiter fort ſouuent a voulu cheminer  
 Avec les voyageurs, & les accompagner.)  
 Comme i'eus acheué, il enflamma ſa face,

*Meresspondant ainsi de superbe menace.*

Poly-  
pheme  
à Vlyf-  
ses.

*Tu es fol estrange, & quiconque sois tu  
Arrivé en ce lieu de l'orage battu,*

*Tu resues en nous disant n'ayons en reuerence*

*Les Dieux, & que craignons leur celeste puissance,*

*Nous auons bien à faire icy de Iupiter:*

*Il a beau foudroyer, il a beau esclater*

*Sur les branchus sommets des plus hautaines croupes,*

*Que nous en chaut icy à nous autres Cyclopes?*

*Fay tant que tu voudras tes Dieux forts & heureux,*

*Nous auons plus de force & de puissance qu'eux,*

*(Si nous l'entreprenons nous leur donnons la fuite:)*

*Je n'ay crainte ne peur, ny de lire dépite*

*Ny du courroux mutin de ton beau Iupiter,*

*Ny que pour son respect ie daigne m'arrester*

*De faire mon plaisir, & moins que ie pardonne*

*A toy ny à tes gens, si ma volonté bonne*

*Est tout presentement de vous aualler tous.*

*Mais respon moy un peu, dy moy, 'où auez vous*

*Deuissé vos vaisseaux tempestez de l'orage?*

*Sont-ils encor à l'ancre ou contre le riuage?*

*Il me disoit cela pour me circonuenir,*

*Mais ie le descouury & le senty venir,*

*Qui fit que finement ie me pry à luy dire.*

*En mer Neptune a mis en pices mon nauire*

*L'estançant rudement contre les rocs chenuz,*

*Et en terre a ietté tous les morceaux menuz*

*Contre vostre riuage, & moy seul à grand peine*

*Et ceux-cy auons fuy la tempeste inhumaine.*

*Il ne respondit rien, mais cruel acharnant*

Poly-  
pheme  
mange  
deux  
des cō-  
pagnōs  
d'Ulys-  
ses.

Sa rage impitoyable, & contre nous venant  
Il en empoigne deux, & de grand violence  
Les battant contre un roc, en terre les esclance  
Comme deux petits chiens, (ou bien deux agnellets:  
Que l'on oste à la mere encore tous foiblets.)  
De piteux sang caillé leur ceruelle degoutte,  
En sanglante tombant la terre goutte à goutte,  
Qui s'abreuue de sang, & puis pour son soupper  
En pieces le méchant vient à les decoupper.

Le lion faict ainsi fondant de la montagne,  
Que l'orage, la faim, la colere accompagne,  
Se iettant sur la proye, & la rompant des dents,  
De mesme le Cyclops les iette la dedans  
En son ventre enragé, sang & chair & ceruelle,  
Entrailles & boyaux, les os & la moëlle,  
(Rien à terre n'en chet, le monstre plein d'horreur  
Croque & deuore tout.) Nous tremblons de frayeur,  
L'horreur nous faict dresser les cheueux en la teste  
Et tout nous represente une mort toute preste.  
Nous tēdons nos deux mains aux astres & aux Cieux  
Pleurans & gemissans, nous adressons nos vœux  
Au tres-haut Iupiter, à ceste acte effroyable.  
Après qu'il eut ietté en son ventre execrable  
Ces pauvres corps sanglants, prend un grand pot de  
Le hausse sur le cul, & en boit à souhait. (laisse)

Après auoir souppé, pesant il se retire  
Aupres de ses troupeaux, sur le dos il se cire  
Et ronfle de sommeil. I'en souuent grand desir  
De prendre mon espee, & de l'aller choisir  
A l'aise dans le cœur, luy trauffer le ventre



Cependant qu'il ronfloit ainsi dedans son antre,  
 Et souvent en mon cœur ie fus sollicité  
 De tirer mon espee estant à mon costé,  
 Et l'en percer tout outre, & faire large voye  
 Là où le trauersant enuironnoit le foye,  
 Et luy donner cent coups sur son dernier sommeil,  
 Mais ie fis beaucoup mieux de prendre autre conseil.  
 Nous fussions là peris, & la fin terminee  
 Du malheureux Geant la nostre eut entrainee.  
 Nous n'eussions iamais peu la grand pierre esbranler  
 Qui fermoit la cauerne, & dehors la rouler,  
 Nous demeurâmes là iusqu'à l'aube nouuelle  
 Fort tristes & perplex, (& tousiours en ceruelle,)   
 Mais la fille au matin ayant à son retour  
 Ramené sur son char à la terre le iour:  
 Il allume du feu, va ses bestes retraire,  
 Puis prend chaque petit & le met sous la mere  
 Comme il appartenoit. Quand il eut acheué,  
 Deux d'entre nous encor de terre il a leué,  
 Les a mis par morceaux, & le monstre execrable  
 En a fait vistement son past abominable.  
 Puis il sort ses troupeaux & les mene chercher  
 Pasture par les champs: destournant le rocher,  
 Et puis le remettant sans effort, sans secousse,  
 Comme si le couuercle il mettoit sur sa trouffe.  
 Ainsi le fier Cyclops repeu de sang humain  
 Sifflant sur ses troupeaux, se remet en chemin  
 Sur les aspres rochers. Et plein de peine extreme  
 Je demeure enfermé songeant à Polypheme,  
 Et au moyen comment ie pourrois me venger,

Poly-  
 pheme  
 mange  
 encore  
 deux des  
 compa-  
 gnons  
 d'Uliſſes

S'en va  
 garder  
 ses trou-  
 peaux.

Desirant que Pallas m'y vint accourager.  
 Lors ie vay m'aduiser d'un conseil bon & sage.  
 J'aperçoy là un pau d'un oliuier sauvage  
 Encor' tout frais & vert parmy l'ancre couché  
 Que le cruel Cyclops auoit tout esbranché,  
 Pour le porter en main, en faire une baguette  
 Apres qu'il seroit sec. Ce gros rameau ie guette  
 Aussi puissant qu'un mast qu'on met à un vaisseau  
 Qu'on a fait pour aller traffiquer dessus l'eau,  
 Que vingt bons auirois menent de bande en bande:  
 Semblable estoit la branche, aussi forte, aussi grande;  
 Et ie me mis soudain apres à l'empogner,  
 Eus une infinité de peine à le rognier.  
 Je l'accourcy d'une aune ou bien peu d'auantage,  
 Puis mets mes gens apres, les presse & accourage  
 De luy faire la pointe & de l'amenuiser,  
 Moy mesme ie me mis apres à l'aguiser  
 La brulant par le bout (pource qu'estant brulee  
 Sa pointe estoit plus dure & bien mieux affilee.)  
 Puis dessous un fumier la cachay gentiment,  
 Car il y auoit là du fien abondamment.

Vlysses  
 aguise  
 vn pau  
 pour cre  
 uer l'œil  
 de Poly-  
 heme.

Or ie iettay au sort ceux de ma compagnie  
 Dont l'ame estoit le plus de courage munie  
 Pour courir au danger, pour courir à la fois  
 Auecque moy pousser & enfoncer le bois  
 Dedans l'œil du Cyclops, cependant que le somme  
 De declinant sommeil agraueroit nostre homme,  
 Quatre furent tirez du sort ensemblement  
 Tels que ie les voulois, que de mon mouuement  
 I'eusse choisi moy mesme en un danger semblable,

260. LE NEVFIESME LIVRE

*Pour courir avec moy un peril effroyable,  
Et ie vins le cinquiesme auoir part au hazard.*

Poly-  
pheme  
retour-  
ne des  
champs.

*Nostre Cyclops ce iour reuint des champs biẽ tard,  
Touche tous ses troupeaux dans la fiere demeure,  
Et nul de tous dehors ceste fois ne demeure.  
Soit qu'un Dieu le voulust, qu'il le fit sciemment,  
Ou que là son destin l'attirast iustement:  
Il oste le rocher de deuant la grand bouche,  
Et son huis fremissant facilement débouche.  
Comme à l'accoustumẽ cheures & brebistrat  
Pressant le pis des mains, & faiet pisser le lait,  
Il en remplit ses pots, puis sans du tout les traire  
Il prend chaque petit & le met souz la mere,  
Comme il eut acheuẽ le cruel, le hideux  
Reuiet encore à nous, & en auale deux.*

Auale  
encore  
deux au-  
tres.

*Alors en m'aduançant i'enjollois le fier monstre,  
Et pleine du vin noir vne couppe luy monstre.  
Pren, luy di-je, Cyclops, auale ce bon vin  
(Et dedans tes boyaux fay-le tomber soudain)*

Vlysses  
au Cy-  
clops.

*Après t'estre sanglant remply de chair humaine,  
Taste un peu de quels vins nostre nef estoit pleine:*

Luy pre-  
sente du  
vin.

*Quand tu en auras beu ie t'en reuerseray  
Tant que tu en voudras, pour voir si ie feray  
Que doux & appaisẽ d'icy tu me renuoyes  
De nostre cher païs aller trouuer les voyes.*

Luy fait  
des re-  
monstrã-  
ces.

*Mais tu te trompes fort le monde demembrant  
Et trop intolerable ainsi le deuorant,  
Et que la chair humaine en tes entrailles entre  
Pour en farcir cruel le desir de ton ventre.*

*Quels vaisseaux deormais ton Isle aborderont?*

Croy moy, certainement nulles gens n'y viendront  
Tandis que tu seras si fier & si terrible,  
Et que pratiqueras cruauté si horrible.

Ie luy dis tout ainsi. Il pren le gobelet  
De fort vin escumant & l'aualle tout net,  
Et de ce doux Nectar embausme sa poitrine.  
Il redemande encor de la liqueur diuine

Il boit.

Priant & repriant, ça de ceste boisson,  
Redonne m'en encor, & puis me dy ton nom,

En redemande,

Tu recevras de moy plaisir & courtoisie  
Comme mon hôte cher, donne m'en ie t'en prie,  
Et tu te vanteras de m'avoir emporté

Ayant logé chez moy dans d'hospitalité.

Combien que le terroir de nostre demeureance,  
Le pais des Cyclops soit bon par excellence

Et que le vin exquis y croisse abondamment

Des eaux de Iupiter arrose doucement,

Et sorte genereux de la grappe exprimee,

Ceste liqueur pourtant est de moy estimée

Et meilleure & plus douce: au doux boire des Dieux

Ayant le goust semblable & au nectar des Cieux.

Lors ie luy tens encor de la liqueur flambante,

Par trois fois il en prend, & de main rauissante

La porte à son gosier, trois fois il l'aualla,

Trois fois à pleine bouche encor il l'engoula,

Iusque là le poussa sa bestise brutale

( Par le destin, ie croy. ) La boisson cordiale

Montant en sa ceruelle, & la forte liqueur

Ayant pris & gagné la place de son cœur

Ie m'adresse au Cyclops, & de parole telle,

Il boit  
encore.

Tu veux doncques sçauoir de quel nom ie m'appelle,  
Ie te diray le vray, mais toy pareillement

Fay moy quelque present seruant de monument

Et que i'aye de toy la souuenance bonne:

Or pour te dire vray ie m'appelle, Person ne,

Et mon pere, & ma mere, & mes amis aussi

Me font porter ce nom & m'appellent ainsi.

Il me dit, (à sa voix reuerberoit tout l'autre)

Courtois  
sic du

Personne, tu viendras le dernier en mon ventre

Cyclops

Après tes compagnons que ie déchireray,

Tu seras le dernier, croy, que ie mangeray,

(Repose t'en sur moy) c'est la grace & le gage

Que tu auras, mon hoste, empour mon hostelage.

Il s'en-  
dort.

Ce disant, il se couche à l'enuers estendu,

Et iette son grand corps sur la terre espandu,

Appuyant sur un roc sa grosse teste immonde.

Le sommeil l'arresta comme il faict tout le monde:

Il n'auoit pas quasi commencé de dormir,

Que trop saoul, que trop plein il se prend à vomir,

Qu'il rend sur le paué vilainement sa gorge,

Vin & viande meslez tout ensemble il degorge

Chair humaine, morceaux qu'il auoit auallez

Se font hors de son ventre ordement écoulez,

Vlyffe  
enflame  
le tifon.

Lors ie cours au tifon, ie commence à le prendre,

Ie le mets dans le feu, le rousle dans la cendre,

Iusqu'à ce qu'il sortist du foyer tout flambant.

I'accourage mes gens, ie les vois enflambant

De s'en venir à moy, de ne trembler, ne craindre,

De pousser brauement, & de point ne se feindre.

Comme le pau me semble assez bien allumé

Et, combien qu'il fust vert, rougement enflammé  
 Et petillant d'ardeur, ie le retire viste,  
 (My fumant, my brulant), mes compagnons i incite,  
 Qui vindrent resolus pres de moy se ranger.

Quelque Dieu, ie le croy, nous vint accourager  
 Et nous haussa le cœur, car mes gens enfoncerent  
 La pointe du tison dans son œil la pousserent  
 Avec toute leur force, en l'endroit proprement  
 Où son œil se logeoit sous son front iustement:  
 Ie me guinde dessus le pau ardent de braise  
 Ie le tourne, le vire, afin que plus à l'aise  
 Il penetre dedans: comme si quelques fois  
 Quand le charpentier perce une piece de bois  
 Pour mettre à un bateau, ses gens qu'il a derriere  
 Luy aydent à tourner, à virer son terriere  
 A grand force de bras, il tourne, il perce à iour.  
 Ainsi tournans, apres maint tour & maint retour  
 Nous luy enfonçons l'œil: le sang à grosse goutte  
 Noir ensemble & fumant dessus son front degoutte,  
 Paupieres & sourcils le feu luy va grillant  
 Et la racine en somme au brasier petillant.

Comme le mareschal iette un soc ou un vouge  
 Ou bien une cognee, en son eau, toute rouge  
 Qui crisse fremissant, de l'espece vapeur  
 Son auge se remplit tant le fer a d'ardeur,  
 Ainsi l'œil du Geant sous le pau qui le grille  
 Avec grand crissement bruit, boüillonne, & petille.

Il brâme horriblement, tout le roc en trembla,  
 Nous reculons de luy, fuyons par cy par là, (uasmes,  
 (Nous cachans & mussans, és trous que nous trou-

Le pous-  
 se dans  
 l'œil de  
 Polypho-  
 me.

o Poly-  
 pheme  
 crie hor-  
 riblemēt  
 pour la  
 douleur  
 de son  
 œil,

## 264 LE NEVFIESME LIVRE

Par l'autre, par le roc tréblās nous nous fourrasmes.)

Il arrache le pau, fiererent fremissant

Plein de sang, au trauers du roc le va lançant,

Encor' plus aigrement il dépîte, il se fâsche

De ce qu'auuec le bois sa chair mesme il arrache.

Il braille, il mugle, il crie, & d'une horrible voix

Appelle les Cyclops demeurans par les bois,

Par les rocs écartez faisans leur domicile,

Espars par cy, par là, dans les forêts de l'Isle.

Les Cy-  
clops  
viennēt  
à se  
cry.

A sa forte clameur voicy tous les Geans

Qui viennent à la foule, accourent diligens,

Et se rengcans autour de la grotte funeste

Chacun d'eux de ses cris & de son mal s'enqueste.

Polypheme, qu'as-tu de bramer ainsi haut?

Qui te bat la dedans, & qu'est-ce qu'il te faut

D'écueillir tout le monde à cest heure importune,

Et de leuer ainsi tes cris sur la nuit brune?

Est-ce quelque larron qui te vient enleuer

Ton bestail, & le touche en ses vaisseaux sur mer?

Te raut tes troupeaux, & cruel les égorge?

Ou quelqu'un est-il là qui se coupe la gorge,

Qui te volle, te tuë & pille sans mercy?

Adonques le Cyclops leur respondit ainsi

Du creux de son manoir qui de sa voix resonne.

Amis, icy dedans m'assassine personne,

Non pas de force ouuerte, ains frauduleusement.

A ces propos ils vont respondre briefuement

Personne? s'ainsi cest-tu fuiras à grand peine,

Du grand Dieu Iupiter la colere hautaine,

(C'est du ciel que te vient ce malheur clandestin.)

Nul au monde ne peut éviter son destin:  
 Adresse tes clameurs, fais tes vœux à ton pere  
 Qui commande en la mer, & Neptune reuere.  
 Ils se partent de là (& s'en vont tous riant.)  
 Presque d'autant en faire un petit mal friant  
 Me chatoïille le cœur, de voir mon entreprise  
 Estre venue à fin par un nom de surprise.

S'envoït  
 se mo-  
 quants  
 de luy.

Le Cyclops en ses dents murmure horriblement,  
 Et pour le mal qu'il sent sousspire fierement.  
 Il soustleve le poix de la grande roche forte,  
 Et tastonnant des mains, se sied dessus la porte,  
 Il fait là ferme, avec sa grande masse de corps,  
 Et iette çà delà le lourd de ses bras forts,  
 Afin que si quelqu'un vouloit dehors se rendre  
 Quant & quant les brebis, soudain il le peust prendre,  
 La beste de Cyclops me pensoit ainsi fat.  
 Je resue, ie rumine, & mon cœur se debat  
 Pour trouver un moyen d'oster s'il est possible  
 Mes compagnons & moy hors de la caue horrible,  
 Et la mort éviter, le monstre deceuant.  
 Ruse, fraude, conseil, tout est mis en avant  
 Pour l'ame & pour la vie, aussi bien la demeure  
 Nous perdoit la dedans. Or voicy la meilleure  
 De mes opinions, au moins ce me sembla.  
 Force moutons laineux le Cyclops avoit là  
 Grands & tres-bien nourris, de stature hautaine,  
 Et tout le corps couvêrt de belle & forte laine.  
 Lors ie les prens tout doux, les lie ensemblement  
 De vimes bien retors, & serrez fortement,  
 Sur lesquels se couchoit le monstre souz qui tremble

Poly-  
 pheme  
 se met à  
 la porte  
 de l'an-  
 tre.

Inuertiō  
 d'Ulys-  
 ses pour  
 se sau-  
 uer &  
 ses cō-  
 pagnons.



La iustice & le droit. I'en lie trois ensemble,  
 Et celuy du milieu vn de mes gens portoit.  
 Chaque autre des moutons qui aux costez estoit  
 Le couuroit de son corps entierement, en somme  
 Trois de ces moutons là portoit tousiours vn homme.

Or entre les brebis y auoit vn belier  
 Le plus beau, le plus grand, plus fort, & singulier  
 Dessus tous les moutons : ie l'empoigne & l'entraine,  
 Et vay m'accommoder deffoux sa longue laine,  
 Me serrant à son ventre à grand force de reins,  
 (Sile Cyclops tastoit) souz la toison mes mains  
 Se cachotent aisément. Ainsi à la renuerse  
 Je pendois deffoux luy. Je fus en grand trauerse  
 Et attendant le iour. Mais si tost que des eaux  
 L'Aurore iaunissant eut tiré ses cheuaux,  
 Allongeant sur les monts sa belle main de rose,  
 Le Cyclope leué se prepare & dispose  
 D'enuoyer ses beliers dehors, aux champs paissans.  
 Et dedans les brebis vont tout l'autre emplissans  
 De leurs bestantes voix. Car le monstre sauuaige  
 Traittes ne les auoit, tant pleines de laitage  
 Qu'elles n'en pouuoient plus. A la porte il estoit  
 Et auprix qu'ils sortoient les moutons il tastoit,  
 Et leur passoit les mains par le dos sur la laine,  
 Troublé d'anxietude, & d'angoisse & de peine:  
 Pauvre d'entendement qui ne s'aduisa pas  
 Comme il fit par en haut de taster par en bas,  
 Comme ils estoient liez souz la laine & le ventre,  
 Or le bellier sortoit le dernier de son antre.  
 A pas graue, & pesant de sa laine & de moy.

Et comme ie songeois plein de peine & d'émoy  
Le Cyclope le taste. Et puis dit en soy-mesme:

O paresseux belier (qu'ayme tant Polypheme)  
Tu sors donc le dernier ! Hé quel indigne cas  
Te retarde aujourd'huy ? car tu ne soulois pas  
Demeurer tant derriere, ains (ô gentille beste)  
Le premier du troupeau tu marchois à la teste:  
Tu allois le premier les pascages chercher,  
Tu allois le premier les herbettes faucher,  
T'emplissois le premier des douces violettes,  
Tu beuvois le premier des fresches ondelettes,  
Tu reuenois tousiours le premier dans le toict  
Quand le soir le Ciel ferme, & que plus on ne voit.  
Et qui faiët maintenant qu'ainsi baissant la corne  
Tu sortes le dernier melancolique & morne ?  
Pleures-tu de ton Roy l'œil emporté du front ?  
(De ton maistre plains-tu le malheureux affront ?)  
Tu as doncque regret de ma triste fortune  
Et pour mon œil brûlé ma douleur t'est commune.)  
Helas ! un meschant Grec, de gens accompagné  
Aussi meschans que luy, m'ont ainsi mastiné.  
Personne m'a seduit en me donnant à boire,  
Dessus moy indomptable il a eu la victoire.  
Mais quelque fin qu'il soit il n'eschappera pas,  
(Atrappé là dedans,) mes mains & son trespas;  
Il sentira l'effort de mes mains vengeresses.

Si tu as sentiment pourtant de mes opresses  
Et regrettes mon mal, cher belier, ie voudrois  
Que tu me peusse astcure exprimer de ta voix  
L'endroit où il se cache, & afin qu'il éuite

Poly-  
pheme  
à son  
belier.

Mon ire & ma vengeance où c'est qu'il prend la fuite.  
 O si ie le tenois, que ie luy briserois  
 De bon cœur la cervelle, & l'escarboillerois  
 Roide mort estendu, son sang teindroit mon antre  
 Et son corps deuoré resioniroit mon ventre.  
 Cest homme de neant ie le mettrois à mort,  
 Et donnois à mon cœur aumoins quelque confort.

Ce disant, le belier sort hors la bergerie,  
 Et me voyant dehors, soudain ie me delie,  
 Et destache mes gens. Alors nous nous hastons  
 Et touchons deuant nous force de ses moutons.  
 Nous gagnōs nos vaisseaux, & nos gēs nous receurēt,  
 Mais de force regrets, quand plus ils n'apperceurent  
 Les autres, s'enquerans qu'ils estoient deuenus,  
 A ceux qui s'en estoient avec moy reuenus,  
 Eschappez du Geant. Ie commande qu'on cesse  
 Et lamentations, & larmes & tristesse.  
 Fais signe que sans bruit on serre ces troupeaux  
 Et qu'on les iette viste au fonds de nos vaisseaux,  
 Puis qu'on se mette en mer. Lors à ma remonstrence  
 Chacun fait son deuoir, & son rame à puissance.  
 Mais comme ie me vy tant soit peu hors du port  
 Autant comme la voix d'un qui criroit bien fort  
 Sur la mer, se pourroit distinctement entendre,  
 ( Et de ceux de dehors se pourroit laisser prendre, )  
 Fasché ie prouaquois le Cyclops furieux  
 Et luy disois ainsi de mots iniurieux:

O malheureux Cyclops, grand cloaque du ventre  
 Qui miserablement as brisé dans ton antre  
 Les amis d'un pauvre hôte implorant ton secours,

Vlysses  
& le res-  
te de  
ses com-  
pagnons  
se sauue

Vlysses  
crie aux  
Ciclops

Barbare, destournant ton visage rebours  
 D'un quitte supplioit, où est-ce que t'entraîne  
 Ta sale violence & ta rage inhumaine?  
 Tu déchires, cruel, les pauvres voyageurs,  
 L'hospitalité pollue du sang des estrangers,  
 C'est aussi la raison que la peine tu sentes  
 De tes meschancetez & cruantez sanglantes,  
 Et que de ton forfait & fiere trahison  
 Tu prendras le payement en ta propre maison,  
 D'oser ainsi méchant démembrer piece à piece  
 Ceux qui n'avoient que trop enduré de tristesse  
 Eschappez de la mer: Perfide, desloyal,  
 Mesprisant les passans, & ne faisant que mal  
 Aux pauvres qui venoient à tes pieds à refuge.

Doncque tres-iustement Iupiter iuste Iuge,  
 Et les bourgeois du Ciel qui demeurent là haut,  
 Tes grandes cruantez ont vangé comme il faut.

Ie luy criois ainsi ( du haut de la nauire, )  
 Luy m'oyant se rompoit & de fureur & d'yre,  
 Il enrageoit tout vif, & de ses mains froissant  
 Vn grand bout de rocher, il le va eslançant,  
 Et tire dans la mer la furieuse masse,  
 Elle tombe dedans, & tout contre nous passe.  
 Elle nous approcha & de fort peu faillit  
 Le timon de la nef. Du coup londe ialit,  
 De l'effroyable bruit les riuages redondent.  
 Et du poix du grand roc les ondes en regondent.  
 La mer ondoyoit toute, & la vague bauant  
 Alloit contre les bords son gros flot esleuant,  
 Et ialissoit dessus escumante d'orage.

Preste à couvrir la terre & le proche rivage,  
 (C'estoit une tempeste.) Adonc prenant en main  
 Le baston, ie parois à l'assaut inhumain,  
 Du bord tant que pouuois repoussois le nauire,  
 J'accourage mes gens afin que chacun tire  
 De toute sa puissance, & tant que ie pouuois  
 Je remuois la teste & signe leur faisois.

Ils entendirent bien & mon signe & ma mine,  
 Et de tout leur effort ouurirent l'eau marine  
 Haussans les auirons, mais quand à bien ramer  
 Nous eusmes regagné deux fois autant de mer,  
 Lors criant de plus beau i'agassois Polypheme,  
 Mes gens courent à moy pasles de peur extrême,  
 S'amassent tout au tour, & me vont suppliant  
 De n'aller point ainsi au Cyclope criant.

Pauvre hōme, disoient-ils, qu'est-ce que tu te moques  
 De ce monstre cruel, & que tu le prouoques?

Qui aussi aisément qu'on viendroit de lascher  
 Vn trait, vient d'eslācer dans la mer un rocher?

A presque renuoyé le vaisseau sur le sable  
 Où nous pensions perir d'une mort miserable.

Qu'es'il t'entend parler, il nous esclatera,  
 Et nous & nostre nef sans doute couvrira,  
 S'il entend où tu es, & qu'encor' il esclance  
 Vne roche sur nous, avec sa grand puissance.

Mais pour tous leurs propos ie n'eu peur nullement,  
 Ains me pris à crier encor plus hautement.

Si quelqu'un passe icy, Cyclops perfide & traistre,  
 Et veut sçauoir de toy quel homme se peut estre  
 Qui t'a creué ton œil, & t'a faict cet excez

Vlysses  
 encore  
 au Cy-  
 clops.

Dy que c'est l'abateur de villes Vlysses,  
Le fils de Laërtes qui en Ithaque habite.

Et luy en soupirant s'escrie & se dépite,  
Las! voicy, disoit-il, ce qu'on m'auoit predict  
Et l'oracle ancien qui m'auoit esté dit.  
Car ce fut Telemus Eurymedes le sage,  
Et l'insigne deuin, dont le certain presage  
Et l'oracle fameux les autres surpassoit.  
Il me dit tout cecy alors qu'il vieillissoit,  
Prophetisant tousiours sur les hautaines croupes,  
Et dans les antres creux des Geans & Cyclopes.  
Il me dit tout cecy qui, las, m'est arriné,  
Que trop vray pour mon bië, que i'aurois l'œil creué  
Par Vlysse au retour de la guerre Troyenne.  
Mais tandis que i'attens que quelque Heros vienne,  
Quelque fort combattant en superbe appareil  
Et d'armes & de corps, pour me creuer mon œil:  
Las! ie suis aueuglé par le coup miserable  
D'un homme de neant, par un nain méprisable  
Qui n'a force ne corps, lequel m'a combattu.  
Par le vin, par le boire, & non par sa vertu.  
Approche Vlysse, vien, vien de mon hostelage  
Recevoir par mes mains quelque honorable gage,  
Et ie feray priere à mon pere Neptun,  
Qu'en ton retour par mer il te soit opportun.  
Car de ce puissant Dieu, Roy & l'onde bruynante  
Neptun, ie suis son fils, il fait gloire, & se vante  
De ce qu'il est mon pere. Or il me guerira  
Luy tout seul, s'il luy plaist, le pouuoir il en a:  
Homme, Dieu, quel qu'il soit, ne pourra le par sere,

Luy seul a le pouuoir de guerir ma misere.

Et ie luy dy encor: ô qu'eussay-je peulors

Que ie creuay ton œil, transpercer ce tien corps,  
Te despoüiller de vie, & de maints coups de lame  
A Pluton enuoyer ceste malheureuse ama  
Mais Neptune, ie croy sera bien empesché  
De recoudre à ton front ton vilain œil poché.

M'oyant ainsi parler ses deux mains estendues  
Il hausse en les leuant vers les celestes nuës,  
Adore en suppliant, & adresse sa voix

Poly-  
pheme  
prie son  
pere Ne  
ptune.

A Neptune le Roy: escoute à ceste fois  
Neptune Roy des mers, qui embrasses le monde,  
Et puissant esmoteur de la cauerneuse onde,  
Dieu a la tresse noire, oy moy, s'il est ainsi  
Que ie sois ton enfant, & toy mon pere aussi,  
Donne moy ie te pry, que iamais cest Vlysse,  
Ce raseur de citez (inuenteur de malice,)  
En Ithaque chez luy ne puisse retourner,  
Que iamais son vaisseau ne puisse semmener  
Iusques à Laërtes. Mais si sa destinee  
Et la grace des Dieux (par trop desordonnee)  
Veulent qu'il puisse voir contre toute raison,  
Ses parens, ses amis, sa terre, sa maison,  
Que soit tard, en malheure, apres un grand orage,  
Apres que tous ses gens engloutis du naufrage  
Seront peris en mer, En grand neceßité,  
En nauire estrange & qu'il ayt emprunté,  
Vlysses. Et trouue en sa maison ses affaires-broüillees  
Et en piteux estat. Le Roy des eaux salces  
L'ouyt, & l'exauça. Lors un plus grand rocher

Predi-  
ction de  
Poly-  
pheme  
contre  
Vlysses.

Que

Que celui de deuant il retourne arracher:  
 Puis il le tourne en l'air, & dans la mer eslance  
 Bien auant le lourd poix de toute sa puissance,  
 Qui tombe deuant nous, du coup en est mouillé  
 Tout nostre gouuernail: tout le flot est broüillé  
 A la cheute du roc, & la vague redonde,  
 Esbranlant nos vaisseaux, qui sont portez de fonde.

Quand nous eusmes trouué nos autres compagnons  
 Que nous auions laissez, à l'Isle nous gagnons  
 Où nos gens m'attendoient en grande inquietude,  
 Affligez, desolez, & pleins d'incertitude,  
 Je sorty sur le bord, & ie party soudain  
 Les moutons des geans, de peur que par dédain  
 Quelqu'un ne fust de moy malcontent, & les masles  
 Je donnay à chacun par portions égales.

Du commun gré de tous le bellier amené  
 De mes forts compagnons à moy seul est donné.

Sur la riuë égorgé ie luy coupe les cuisses  
 Et au grand Iupiter les brusle en sacrifices.

Vlysses  
sacrific  
à Iupiter

Mais toute nostre offrande alors n'eust appaisa,  
 Il n'en fit conte aucun, mais plustost proposa  
 De nous perdre trestous, & noyer en son ire

Iupiter  
n'en tiët  
compte

Las! mes chers compagnons, & tout nostre nauire.

Tant que le iour dura nous eusmes soin de nous,  
 Et nous remplismes bien de viure & de vin doux,  
 Mais le soleil couché, la nuit estant venue  
 Nous nous endormons tous dessus l'herbe menuë  
 Jusques au poinct du iour, que l'Aube hors des eaux  
 Eust encor ramenë ses saffranex cheuaux.

Je commande pour lors à toute nostre troupe



*Qu'on se mette à voguer, & que la corde on coupe:  
Vn chacun m'obeit, tout le monde entre en mer,*

*Vlyſſes Et ſouz les auiſons on void l'onde eſcumer.*

*ſe re- Nous pouſſons en auant, les cœurs pleins de triſteſſe*

*met ſur Pour les noſtres perdus, pourtant en allegreſſe*

*mer. D'eſtre ſortis du trou du Cyclope inhumain,*

*Et d'auoir eſchappé ſa ſanguinaire main.*

Fin du Neufieſme Liure.




# LE DIXIÈME

## LIVRE DE L'ODYSSEE

D'HOMERE.

### ARGUMENT.

 Lyfles raconte ce qu'il luy aduint chez Æolus Roy des vents, lequel luy donna le favorable Zephyre, luy ayant renfermé les autres dans vne peau de bœuf. Les gens d'Ulyfles cuidans que ce fut des trefors, la deflient & ouurent ainfi qu'il dormoit, ils font repouflez vers Æolus, lequel chaffe Ulyfles. Il vient vers les Laſtrigons, qui luy mettent à fonds vnze de ſes vaiſſeaux. Il ſe ſauue avec le ſien, & aborde en l'Ifle d'Ææes, enuoie Euryloclus avec la moitié de ſes gens pour deſcouvrir. Circé les change en pourceaux, fors Eurylocus qui ſe ſauue à la fuitte. Ulyfles y va pour les deliurer, Mercure luy vient au deuant qui luy donne le moly, par lequel il ſe preſerue. Il fait rendre à ſes gens leur première forme, demeure vn an avec Circé, puis en départ, & deſcend aux enfers.

---

### AUTRE SOMMAIRE.

*Æole à Ulyfles couſt les vents dans des peaux.*

*Laſtrigons, ſes amis Circé change en pourceaux.*

Vlyffes  
arriue  
vers  
Aeolus  
Dieu  
des vêts



*N Aeolie vint nostre flotte, à la rade  
Du bien aymé des Dieux Aeolus l'Hip-  
potade,*

*Ile au milieu des eaux, qu'enceint entierement  
Vn grand mur tout de fer, qu'on ne peut nullement  
Rompre ne despesser, & une roche lisse  
Outre le mur encor à l'enui-on se glisse.  
En ce palais Royal douze enfans luy sont nez,  
Six filles & six fils: ses fils il a donnez  
Pour espoux & maris à ses six belles filles:  
Les Princes genereux, les Princeffes gentilles  
Sont tousiours chez leur pere & leur mere en festin,  
Viures delicieux leur sont offerts sans fin.  
Tout le iour la maison de senteurs parfumee,  
Et le dedans encor de la sale embaumee  
Retentissent de sons: & quand ce vient la nuict  
Chacun d'eux prend sa femme & chez soy la conduit,  
Gagnent les riches liëts avecques leurs Nymphettes,  
Les linceux deliez, & les coites molettes.*

Aeolus  
reçoit  
courtoi  
sement.  
Vlyffes.

*Nous n'eusmes pas si tost le nauiре quitté  
Que nous montons là haut en la forte cité  
Au chasteau somptueux; où nous reçoit Aeole  
Avec force careffe & courtoise parole.  
Nous y fusmes vn mois, & durant ce séjour  
Il s'enqueroit de nous, des Grecs, de leur retour,  
Qu'ils estoient deuenus, (qu'il desiroit l'apprendre,)  
Ie luy en fis le conte, & luy fis tout entendre  
Sans en rien oublier: puis ie le requerois  
De nous donner congé, & de luy m'enquerois  
Du moyen le plus seur & le plus conuenable*

Pour gagner mon pays: Il me fut secourable,  
 Ne me refusa rien, mit ordre entierement  
 A ce qu'il me falloit pour voguer seurement.  
 Dans une peau de bœuf qui sur les grasses plaines  
 Auoit brouté neuf ans, il cousit les aleines  
 De ses vents dangereux, garrotta là dedans  
 Les respirations & les souffles grondans,  
 Qui pouuoient esmouuoir leur tempeste en leur ire.  
 Car le Saturnien luy a donné l'Empire  
 Des vents tempestueux, afin de gouverner  
 Leurs souffles bourdonnans, leur serrer, leur donner  
 La bride à son plaisir, quand il veut qu'il arreste,  
 Ou quand il luy conuient esmouuoir la tempeste.

Luy dō-  
 ne les  
 vêts en-  
 fermez  
 dās des  
 sacs de  
 cuir.

Or au fond du vaisseau ie le voy diligent  
 Lier & garrotter d'une chaisne d'argent,  
 Qu'ils ne trouuent moyen de couler par les fentes:  
 De Zephire tout seul les narines sifflantes  
 Il chassa sur les eaux, propres extrêmement  
 Pour me conduire, moy & mes gens seurement.  
 Mais las! de ce bon vent ils eurent bien tost faite,  
 Car ils perirent tous par leur sottise & faite.

Vlysses  
 lie & ser-  
 re les  
 vents.

Au departir de là nous fusmes sur la mer  
 Neuf iours continnels, sans tirer, sans ramer  
 Nuit & iour que fort peu. La suiuite iournee  
 Dés que l'Aube du iour se monstra retournée,  
 Je decouure de loin mon pays, ie ne faux  
 De voir le désiré de ses riuages hauts.

Decou-  
 ure son  
 pays.

Nous nous diligentons, nous tirons à puissance  
 Où nous voyons les feux; que de l'Isle on esclance  
 Presquetout contre nous, (le destin nonobstant

*Resiste à nostre bien, ) pour ce qu'au mesme instant  
Lassé & fatigué le doux sommeil m'emporte:*

S'édort  
à la mal  
heure.

*Car ie n'abandonnois iamais en nulle sorte*

*La place du timon, perpetuellement*

*Collé, attaché là, ne pouuois nullement*

*Me fier en vn autre: & tout pour gagner l'heure,*

*Et pour surgir plustost en ma chere demeure.*

*Donques mes compagnons m'apperceuans dormir,*

*Vont entr'eux bellement murmurer & fremir,*

*Pensans certainement que ces peaux fussent plaines*

*D'or, d'argent, de thresors, dont le Roy des halénes*

*M'auoit fait vn present. Or l'un d'entr'eux tout bas*

*Aduança ces propos qui ne les fachoient pas.*

Conspi-  
ration  
des cō-  
pagnōs  
d'Vlyf-  
ses con-  
tre luy.

*Dieux, que cet hōme icy quelque part qu'il chemine,*

*Rencontre heureusement. Voila, de la ruyne*

*D'Ilion il s'en ua chargé d'argent & d'or,*

*Et riche il emporte vn merueilleux thresor.*

*Et nous nous retournons au pays les mains vuides,*

*Qui courons avec luy les campagnes liquides,*

*Et comme luy auons Ilion ruyné.*

*Aeolus d'abondant l'a tout seul guerdonné*

*De dons & d'amitié, luy chargeant sur nos barques*

*Innombrables thresors, & en voicy les marques,*

*Voyons tant seulement. Ne le voulez-vous pas*

*Voir les dons à luy faits par le fils d'Hippotas?*

*En deuissant entr'eux ces semblables paroles*

*Ils se laissent aller à leurs passions folles:*

*( Possédez d'auarice & d'enuie entachez )*

*Ils ont incontinent les liens destachez,*

*Pensans que fust argent. L'ouuerture donnee*

Ils dé-  
lient &  
desser-  
rent les  
vents.

Les vents prennent soudain leur carrière effrénée,  
Et se vont sur les eaux à l'aise promener.

Ce fut à nostre flotte adonc à retourner,  
Mais par autre chemin qu'elle n'estoit venue:  
Le vent souffle contraire & toujours continuë  
De plus fort en plus fort, nous ravit de deuant  
Nostre pays, qu'he las ! nous voyons parauant:  
L'orage de plus beau s'esleue, & sa furie  
A mes gens lamentans arrache leur patrie.

Sont  
empor-  
tez des  
vents.

Je me resueille au bruit, & pensant à part moy,  
Plein de perplexité, ie songe si ie doy  
M'aller precipiter dans le profond des ondes,  
Et ma vie estouffer dans les vagues profondes,  
Ou bien s'il m'est meilleur de toujours supporter  
Mes malheurs, ma misere, & de patienter,  
Continuant de faire en terre ma demeure,  
Et ceste opinion me sembla la meilleure.

Vlysses  
se re-  
ueille,

M'estant donc resolu ie iette mon manteau  
A l'entour de ma teste, & dessous le batteau  
Me reiette estendu. Ce- pendant la mer forte,  
La tempeste, le vent, nous traine, nous emporte,  
Nous meine en Aeolie, & nous rend iustement  
Au lieu d'où nous estions partis premierement.

Est re-  
porté  
en Ae-  
lie.

Mes compagnons pleurans s'affligent, se tourmen-  
Accusent leur folie; & leur faute lamentent, (tent  
Nous tournons nos vaisseaux, les approchôs du bord  
Abbaissans nostre voile, entrons dedans le port,  
Nous courons à l'eau douce, & tous nos gens se rengê-  
Sur le riuage herbeux, repaissent, boient, mangent.

Puis quand nous eusmes beu & mangé comme il faut,

*Je prens avecque moy un homme & un Heraut,  
Et m'en reuais trouuer, agraué de tristesse,  
Le monarque des vents dedans sa forteresse,  
Il prenoit son repas, & pres de luy ses fils:  
Ses filles, & sa femme estoient à table assis:  
Mais nous n'entraismes pas, ains dehors demeurasmes  
Pres de la porte assis, & là nous arrestasmes.  
Lors ils vindrent à nous estonnez & ravis.*

La fem-  
me & les  
enfants  
d'Æolus  
à Vlyf-  
ses.

*Qu'est-ce là, Vlysses? As-tu changé d'aduis?  
Quel malheur te poursuit? Que t'en reuiens-tu faire?  
Quel destin ennemy, quel Dieu t'est tant contraire?  
Quoy? nous t'auions donné tant de contentement,  
Nous t'auions ven partir si fauorablement,  
T'auionsourny les vents propices & prosperes,  
Pour en seurte te rendre à tes Dieux tutelaires,  
Dans ta douce maison, & où ta volonté  
Eust esté de donner. Ausquels tout attristé  
Ie respons briefuement: Helas! moy miserable.*

Vlysses  
leur ra-  
conte  
son mal-  
heur.

*Le sommeil m'a perdu, le sommeil deceuable,  
Et mes gens malheureux meuz d'un meschant desir  
De proye & de butin: Mais si c'est ton plaisir  
Remedie à mon mal, prens de mon innocence  
Pitié & me secoure, il est en ta puissance.  
Ie les priois ainsi humblement. Les maris  
Et la mere & les sœurs se teurent bien marris.  
Le pere seul me dit: Allons, Grec miserable,  
Déloge, & avec toy ta flotte abominable:  
Vuide tost mon pays, ô le plus vicieux,  
Et des hommes mortels le plus pernicieux!  
Ie ne puis recevoir ny faire compagnie*

Æolus  
chasse  
Vlysses.

De mes vents, à qui a contraire & ennemie  
La troupe des bons Dieux. Malheureux sors d'icy,  
Vuide de mon Royaume & de mes ports aussi :

O sant en mes pays reuenir temeraire  
Et reprendre ma terre, ô des Dieux aduersaire!

Ainsi par Aeolus de sa cour fus chassé  
Fort lamentablement, d'ennuis fort oppressé.  
Ainsi en lamentant nostre triste fortune  
Faschez nous nous iettons sur le dos de Neptune:

Et ja mes compagnons se lassoient de la mer,  
On ne les voyoit plus que laschement ramer,  
Tristes de leur sottise & de leur arrogance,  
Car de nostre retour morte estoit l'esperance,

Six iours continuels nous nauigeons ainsi  
Et de nuit & de iour, ( abbatus de soucy, )  
Sur le septiesme iour nostre nauire donne  
Contre la region du Geant Lestrigonne,  
La cité de Lamus, ceinte de hauts rampars  
Aux esloignez portaux. On oit de toutes parts  
Un pastre appeller l'autre : il le huche, l'excite,  
Le pousse à son deuoir, & l'autre sortant viste  
Accourt à sa clameur, & vient diligemment.

Celuy qui ne dort point a double appointment,  
Pource que toute nuit il meine au champs l'omaille,  
Puis il garde le iour la blanche brebiaille,  
Car les chemins sont pres du iour & de la nuit.  
Estant donc au pais de ces gens-là conduit,  
Nous y voyons un port, dont vne roche droite  
Se haussait à l'entour de son entree estroite,  
Et de chascue costé les bords hauts paroissans,

Il se re-  
met sui-  
mer.

Arriue  
au pais  
des Le-  
strigons.



*En bouche s'entr'ouvroient un peu s'étreffissans,  
 Là les vaisseaux cauez en seureté se tiennent  
 Se lient dans le port, les tempestes n'y viennent,  
 Là ne grands, ne petits ne se haussent les flots,  
 Mais tout y est tranquille & plein de grand repos.  
 Je n'entray dans le port pour moy, mais ie retire  
 Arriere hors du port doucement mon nauire,  
 Et le long d'un rocher me mettant à l'escart  
 Ie lie mon vaisseau, & fais mon cas à part.  
 Puis montant sur un haut vers toute l'estendue  
 De la plaine, ie iette & retourne ma veüe,  
 Mais ie ne vis personne, & mesme n'y vy pas  
 La terre cultiuee. En un lieu un peu bas  
 Ie vis tant seulement quelque peu de fumee  
 Pirouëttant en l'air sa debile nuee.*

*Ie pris deux de mes gens, mon Heraut fit le tiers,  
 Leur commande d'aller decouurir ces quartiers,  
 De voir, de s'enquerir, du lieu, du paysage,  
 Et quelles gens viuoient (en pays si sauuage.)*

*Comme ils sont arrivez au chemin frequenté,  
 Où les chars vont au bois sortans de la cité,  
 Ils rencontrent, venant puiser à la fontaine  
 Pour apres remporter sa cruche toute plaine,*

Antipha  
 tes Le-  
 strigon.

*Vne fille du Roy, Antiphates estoit.*

*Son pere, & la fontaine hors la ville iettoit*

*Son eau plaisante & fraische, & la fontaine belle*

La fon-  
 taine  
 Artacie.

*Par tous ceux du pays Artacie s'appelle,*

*Nos gens courent à elle, & luy vont demandant*

*Le nom de la Contree, & le Roy commandant*

*En icelle, quelles gens habitoient en ceste Isle.*

La fille leur monstra le hautain domicile  
 Où son pere habitoit. Ils y vont viftem ent  
 Et voyent là dedans la Royne, enormement  
 Haute, & grande de corps, remuant effroyable  
 La masse de sa chair si fort émerueillable  
 Qu'elle eust peu de hauteur aisément égaller  
 Les sommets des grâds monts qui se cachent dās l'air:  
 Ils recullent d'horreur, & de frayeur ensemble,  
 La peur gele leurs os: & le cœur leur en tremble.  
 Son mary elle appelle, & crie horriblement,  
 (A ce cry si soudain il accourt viftem ent)  
 En venant, le cruel mal & mort leur pourchasse,  
 Il en attrappe l'un, il le brise, il le casse,  
 Le rompt à belles dents, & en faiēt son soupper,  
 A grand peine les deux peurent-ils eschapper  
 Et gagner les vaisseaux. Au demeurant il donne  
 L'alarme par la ville, & la troupe felonne  
 Des cruels Lestrigons à luy vient à grands pas,  
 Aux hommes tels que nous ils ne ressemblent pas,  
 Mais bien à des geans. Ils viennent peste mesle,  
 Ils iettent de caillous une pluie, une gresle  
 Qu'ils arrachent des rocs: On oit un bruit confus  
 Des hommes perissans & des vaisseaux rompus,  
 Les vaisseaux craquetans sous les caillous se fendent,  
 Et les pauvres soldats, sous les coups l'ame rendent,  
 Ainsi que des poissons ils les vont embrochans  
 Et pour triste repas les portent par les champs.  
 Cependant que ie voy ceste trouppée occupee  
 A telle cruauté, ie tire mon espee  
 En coupe le fmail, boüillonnant de fureur,

La Royne des  
 Lestrigons.

Compagnons  
 d'Ulysse  
 mangez  
 par les  
 Lestrigons.

Deffait  
 des gens  
 d'Ulysse  
 par les  
 Lestrigons.

Ulysse  
 sauve.

Accourage mes gens à tirer ... oideur,  
 Et de fuir la mort. Ils tirent à puissance,  
 Et se sauuent dehors le trait que nous eslance  
 La race des Geans: si bien que mon vaisseau,  
 Pource que hors du port il flottoit dessus l'eau,  
 Euita leur effort: les autres qu'assaillirent  
 Dans le port les Geans dans les ondes perirent.

De là nous passons outre en grand' perplexité  
 Pour nos amis perdus, ayses d'autre costé  
 De voir ainsi de mort nostre troupe sauuee,  
 Et vinsmes aborder dedans l'Isle d'Acæe.

Arriue  
 en l'Isle  
 de Cir-  
 cé avec  
 son seul  
 vaisseau.  
 Là demouroit Circé Deesse à reuerer,  
 Nymphes aux cheueux tres-beaux, qui sçauoit proferer  
 Propos fort eloquens, d'Acæte sœur germaine,  
 Tous deux naiz du Soleil qui sa lumiere mene  
 Sur les hommes mortels: leur mere fut Persé  
 Fille de l'Océan. En ceste Isle Circé  
 Sa demeure faisoit, & là nous abordaſmes,

Port de  
 l'Isle de  
 Circé.  
 Et coyment dans le port nostre nauire entraſmes.

Certes vous eussiez dit que les celestes Dieux  
 A nostre barque ouuroient ce port delicieux,  
 Car nul vent n'y battoit. Nostre nauire ancrée,  
 Et sur la terre ayant librement faict entree,  
 Deux iours continuels & tout autant de nuits  
 Nous reposasmes là nos langoureux ennuis  
 Pleins de grande amertume. A la tierce iournee  
 Comme l'aube nous eut la lumiere amenée,  
 Et son beau chefrosin sur la terre eut ietté  
 Mon iauelot en main, mon espee au costé,  
 Je descens seul en terre, à trauers champs m'aduançee,

Vn costau que ie voy ie gagne en diligence  
 Pour me servir de guette, & pour faire courir  
 Mes yeux de toutes parts, afin de decouvrir  
 Le pais, la campagne, & si parauanture  
 I'orrois des habitans le bruiet & le murmure :  
 I'y demeuray long temps. Puis commençay de voir  
 Au trauers des forests, de terre s'esmouuoir  
 Vne grande fumee, & s'esleuer legere  
 Par dessus le Palais de Circé la forcierre.  
 Comme i'eus veu cela, ie me delibray  
 De descendre en campagne, & de sçauoir au uray  
 Quelle terre c'estoit, pour le rapport en faire  
 A tous mes compagnons. Long temps ie delibere  
 Et consulte en moy-mesme : & sur ce doute là  
 Cest aduis que voicy le meilleur me sembla.  
 Ce fut de retourner, de bien faire repaistre  
 Mes gens, les enuoyer, puis apres reconnoistre,  
 S'enquerir du pais, & le tout recercher.  
 M'estant là resolu, ie commence à marcher :  
 Mais certes quelque Dieu me suruint secourable  
 Qui prit pitié de moy & seul & miserable,  
 Car comme ie marchois, ie vis venir deuant  
 Vn grand cerf haut le chef, & le col esleuant,  
 Il sortoit des forests, & par les vertes plaines  
 Recerchoit alteré la fraischeur des fontaines,  
 Des ardeurs du Soleil violemment pressé  
 ( Et des traits de Tytan pantoisement poussé, )  
 Le voyant approcher de mon dard ie le perse,  
 Et mort roide estendu par terre le renuerse.  
 Mon dard part de ma main & s'en vole dispos,

Vlysses  
 decou-  
 ure le  
 Palais  
 de Cir-  
 cé.

Vn cerf  
 se presé-  
 te à  
 Vlysses.

Il le tue.

Luy ouvre les costez & l'espine du dos,  
 Il se veautre, mourant sur la terre poudreuse,  
 Et d'un gémissement remplit la forest creuse,  
 Vomissant sa rouge ame & mourant enfermé.

Soudain hors de son corps mon dard luy ay tiré,  
 Et le laissay sanglant veautrer dans la poussiere,  
 Pour courir arracher vistement une oziere,  
 Ou couper une roite : adonc ie la tournay  
 La prenant sous mon coude, & d'elle façonnay  
 Vne forme de corde, avec quoy ie luy lie  
 Fort & ferme les pieds : dessus mon dard m'appuye  
 Et l'entraine à mon col : car à force de bras  
 Le ietter sur mon dos ie ne le pouvois pas,  
 Tant grande, tant pesante, & grasse estoit la beste.  
 Lors deuant mon vaisseau la posant, ie m'arreste,  
 Vins à mes compagnons, & pour les consoler  
 Tout doucement à eux ie me pris à parler.

Vlysses  
 à ses cō-  
 pagnōs, Mes amis, ce disois- ie, encor que la fortune  
 Nous fatigue bien fort, nous presse & importune,  
 Nous ne seront pourtant de Pluton le butin  
 Deuant le iour à nous ordonné du destin.  
 Nous iouirons viuans de la douce lumiere  
 Jusqu'à l'extrême point de nostre heure derniere.  
 Resiouyſſez vous donc, & chassant tout soucy  
 Soulagez vostre faim du butin que voicy,  
 Et redressez encor vos banquets & vos tables.  
 Vins abondent encor & viures delectables  
 Dedans nostre vaisseau, & l'en ayant tout plain  
 Ce seroit honte à nous que mourussions de faim.  
 Ayant ainsi parlé, ils n'osent me dédire,

Ils ban-  
quettēt  
du cerf  
tué.

Vlyſſes  
encore à  
ſes com-  
pagnōs.

Ils s'en viennent à terre & sortent du navire,  
Mes gens dessus le port admirent la grandeur  
De l'enorme animal, sa beauté, sa hauteur,  
Et s'estans esgayez de voir si belle proye  
Vn chacun court à l'eau & les mains se nettoye,  
Après tent la viande, & les tables dressans  
Nous nous allons encor un peu resjouyssans.  
Nous beuons à plaisir, & dessus la verdure  
Alaigres banquetons autant que le iour dure,  
Jusqu'à ce que Titan eut plongé ses flambeaux  
Dans le sein abîmeux des Océanes eaux.  
Mais comme le Soleil eust finy sa carrière  
Noyant dans l'Occident sa flambante crinière,  
Et que la sombre nuit tout le Ciel eust voilé,  
Alors le doux sommeil sur nos yeux esoulé  
Nous estend sur la rive. Et puis la matinee,  
Avec ses doigts rosins ramena la iournée.  
Lors i appelle mes gens & leur harangue ainsi.

Compagnons tant battuz de peine & de soucy,  
Mes amis oyex moy. Nous ne sçavons encore  
Où est le pole obscur, en quel lieu est l'aurore,  
Où c'est que le Soleil tout le monde éclairant  
Se cache sous la terre & se va retirant,  
Ny d'où c'est qu'il se lève & sa clarté rassemble  
Prenons donc vîstement un bon aduis ensemble  
S'il nous en reste encor: ce que ie ne croy pas.  
Or ay-ie découuert en montant d'icy bas  
Là haut sur ceste guette, une Isle, qu'environne  
La mer qui merueilleuse autour d'elle bourdonne,  
Elle paroist fort basse, & regardant apres

*J'ay veu une fumee, au trauers des forests  
Et des arbres épaix, montant du milieu d'elle.*

*Ils deuindrent transis à si triste nouuelle,  
Recors d'Antiphates, & de l'eschec piteux  
Qu'il fit dessus nos gens; le Cyclope hideux  
Les hommes deuorant leur vint en souuenance,  
Ils iettent sans cesser larmes en abondance,  
Mais sans s'éuertuer. Alors ie fis deux parts  
De tous mes compagnons les meilleurs aux hazard.  
Donne à chascune un Chef. I'en suis l'un, l'admiral.  
Euryloque en est l'autre, aux celestes semblable.*

Vlysses  
de part  
ses com-  
pagnons  
en deux  
troupes  
pour al-  
ler dé-  
couvrir.

Le sort  
tombe  
sur Euri-  
loclus.

Il va dé-  
couvrir  
avec sa  
bande.

Ils trou-  
uent le  
Palais de  
Circé.

Descrip-  
tiō d'i-  
celuy.

*On remuë l'armet, & Euryloch le fort  
Le sort tombant sur luy, tiré de l'armet, sort.  
Il sort pour s'en aller, pour escorte on luy donne  
Vingt & deux compagnons. Le danger les estonne,  
Ils sortent souspirans, le cœur de dueil pressé,  
L'esprit d'incertitude & de peine angoissé,  
Et nous laissent trestous dedans nostre nauire,  
L'ame triste de dueil, le cœur plein de martire,  
Ils trouuent assez loing dans un penchant vallon,  
Le chasteau de Circé, la fatale maison:  
Le bastiment estoit de pierre blanche & nette  
Le plant en estoit beau, eminente l'asiette,  
Ils donnent iusques-là, puis s'arrestent un pen  
Sur le seuil de la porte. Adonques ils ont veu  
Roder tout à l'entour de la maison plaisant &  
Forceloups & lions. La maistresse sçauante  
Les auoit par son art priuez d'entendement  
Et par ses potions changez entierement:  
Ils ne vindrent à eux avec regards terribles,*

Avec mordantes dents, ouvrans gueules horribles  
 Afin de les blesser, mais ils les entouroient  
 Et se ioians à eux leurs quenës demenoient,  
 Et faisoient grand careffe, approchans amiable,  
 Pas à pas les suiuañts de gestes agreables.  
 Non autrement qu'on void les turquets blandissans  
 Et de quenë, & de voix leur maistre aplaudissans,  
 Courir autour de luy quand les mains il leur monstre,  
 De la table sortant luy venir à l'encontre.  
 A l'entour d'eux ainsi quantité de lions  
 Aux ongles fort pointus, des loups à millions  
 Accourent les flattans des pieds & de la bouche.  
 Pas-un d'eux quel qu'il soit n'approche, ne les touche,  
 Ains en prennent frayeur: attendent resolus  
 Sur le seuil de la Nympe aux cheueux crespelus  
 Et mignonnement blonds: Adonc à leur oreille  
 Vient donner vne voix gracieuse à merueille.  
 C'est la voix de Circé, qui là dedans chantoit  
 Et de son chant plaisant son labeur enchantoit.  
 Elle ourdit le subtil d'une gaze tres-fine,  
 Et frappe de son peigne & de sa main diuine,  
 Les fils entrelacez, Les Deesses des Cieux  
 Font ainsi leur ouvrage & riche & precieux.  
 Ainsi vont reluisant leurs diuines tissures,  
 Ainsi cousent la Grace à leurs entrelasseures.  
 Adonques Polites le plus digne d'honneur  
 De tout tant qu'ils estoient & qui auoit mon cœur  
 Sur tous mes compagnons, pource qu'à sa prudence  
 Je portois volontiers honneur & reuerence,  
 Compagnons, ce dit-il, quelqu'un est là dedans

Chât de  
Circé.

Polites  
à ses cō-  
pagnōs.



Qui fort doucement chante, outre cela i'entens  
 Craqueter le mestier sur lequel elle iette  
 Son ouvrage faisant, sa courante nauette,  
 La maison en resonne, & ses coups & sa voix  
 Courants sur le paué s'oyent tous à la fois:  
 Soit qu'elle soit Deesse, ou bien femme mortelle

Circé  
 les fait  
 entrer  
 en son  
 palais.

Appelons ie vous pry. Alors chacun appelle,  
 Et soudain elle sort, & d'entrer les semond,  
 Ouvrant sa belle porte : ils entrent, & s'en vont  
 Dedans le beau palais, la sotti se les guide,  
 (Et leur esprit devient heberé & stupide)

Eurylo-  
 chus se  
 doute,  
 & n'en-  
 tre.

Le seul Eurylochus fit ferme, se douta,  
 Et ne voulut entrer. Circé leur apresta  
 La table tout soudain, les fait seoir, & leur offre  
 Du miel nouvellement tiré hors de la goffre,  
 De la farine en fleur, du fromage, du lait  
 Meslé tout dans du vin Pramnién, puis y met  
 De ie ne sçay quel iust de poison, dont le boire  
 Fait perdre du pays le soing & la memoire :  
 Lors elle leur presente à boire de sa main.

Les chā-  
 ge &  
 trans-  
 forme  
 en pour-  
 ceaux.

Après que les pauvres eurent beu, tout soudain  
 Elle prend sa baguette, & dans ses toits les touche,  
 Ils prennent de pourceaux & la voix & la bouche,  
 Et les vilains sions. Le seul entendement  
 Leur resta sain & net : pleurans amerement.

Circé commande lors qu'à l'estable on les mette,  
 Qu'on les enferme bien, que devant eux on iette  
 Des cormes & du glan que mangent les pourceaux,  
 Quand ils fouillent en terre, & leurs sales museaux  
 Vont par tout enfonçants, porcs à face fangense,

Et tousiours se veautrans dans la terre bourbeuse.

Eurylochus retourne au navire, estonné.

Euryloch' tourne teste, & gagne vers le port  
 Apporte la nouvelle, & le charmeux effort  
 De la fausse Circé, il n'a pas la puissance  
 D'exprimer de propos le faict comme il le pense,  
 Il desire de dire, & à toutes les fois  
 Qu'il commence à parler il demeure sans voix,  
 Tant il est estonné, tant la crainte le presse  
 De l'horreur de ce faict, tant grande est sa tristesse.  
 Il pleuroit à ruisseaux, & pressé de douleurs  
 Le cœur luy va battant, & se fond tout en pleurs.  
 Nous l'enquerons rauy de si estrange chose,  
 Et luy, prenant son vent, à dire se dispose.

Racôte à Vlysses ce qui est advenu à sa troupe

Grand Vlysses, dit-il, suivant ton mandement  
 Au departir d'icy nous passons vistemment  
 Bocages & forests, dans la vallee obscure  
 Nous trouuons vn palais de belle architecture,  
 Basti de gros quartiers tous polis au ciseau,  
 Dont l'assiete eminente & le plant estoit beau.  
 ( Qu'un doux vent recreoit de sa plaisante haleine )  
 Là où quelque Deesse ou quelque femme humaine  
 Ouuroit sur vn mestier, & son riche labeur  
 Enchantoit de sa voix admirable en douceur:  
 Nous l'appelasmes tous, elle sort à la porte,  
 Nous fait fort bon visage & d'entrer nous exhorte,  
 Nous entrons, & nos gens la suivent là dedans,  
 Las, stupides qu'ils sont, & fols, & imprudens:  
 Je fis ferme tout seul. Car i'estois en grand doute  
 Et craignois trahison: la compagnie toute,  
 Comme ils furent entrez, soudain s'esuanouït,

Et depuis ce temps-là pas un d'eux ne se vit,  
Et si ie fus long temps dehors à les attendre.

Vlysses Il achena de dire, & soudain ie vay prendre  
sereslout Mon espee argentee, à mon costé la pens,  
d'aller Et mon arc en ma main, & mes fleches ie prens:  
trouuer-  
Circé. Je commande en apres qu' Eurylochus s'en vienne

Eurylo- Et que soudainement à ce palais me meine,  
chus re- Il chet à mes genoux & ferme les serrant  
fuse d'y L'un & l'autre embrasseZ lamentant & pleurant  
retour-  
ner. Me coniuure en ces mots. Tres-courageux Vlysse

Las, ne me meine point dedans ce precipice  
De dangers, malgré moy, & me delaisse en paix,  
Car d'ou tu veux aller tu ne viendras iamais,  
Et ne rameneras iamais ta compaignie

Saine & sauue avec toy : fuyons ie te supplie,  
Remettons nous en mer, ramons & nous sauuons,  
Ce sera beaucoup fait encor si le pouuons.  
Il achenoit encor, quand ie vins à luy dire:

Demeure donc icy à l'ombre du nauire,  
Mange & boy tout ton saul, à l'aise en seureté,  
Quant à moy, ie m'en vois, & la perplexité  
Où ie suis m'y contraint. Ce disant ie le laisse  
Et la barque & la mer: & mon chemin adresse  
Où ie pourrois trouuer quelque sentier tracé  
Qui conduise au chasteau de la Nymphe Circé.

Mercur- I'estois desia bien pres du sacré domicile  
re vient De la magicienne, & du palais fertile  
au deuant  
d'Vlysses En charmes & poisons, plein d'ennuy & d'émoy,  
Quand Mercure soudain vint au deuant de moy:  
Il portoit en sa main sa baguette admirable,

Il paroïssoit encor ieune d'aage, & semblable  
 Au ieune iouvenceau, dont le subtil coton  
 Commence à crayonner seulement le menton.  
 Lors me prenant la main il me tint ces paroles.

Où vas-tu malheureux ? où tes pensees folles  
 Te menent-elles seul ? au trauers de ces bois  
 Ignorant le pais, & dedans les destroits  
 Des terres de Circé, & sans que nul te mene ?  
 Où de tes compagnons la bande se demene  
 Eschangee en pourceaux, estant honteusement  
 Enfermee en ses toits ? viens-tu expressément  
 Pour les en retirer, triste, de la misere  
 Où les retient ainsi la sçauante forcierre ?

Croy moy, iamais, croy moy, tu n'en retourneras  
 Et de semblable fin pauvre tu periras  
 Que tant d'autres deuant sont peris miserables.  
 Mais ie te veux sauuer de ses mains deceuables  
 Ie t'en veux garantir. Prends ce remede icy,  
 Puis entre hardiment, & ne sois en soucy :  
 En le portant sur toy ne crains nul malencontre.

Or si tu veux m'ouyr il faut que ie te monstre  
 Les tours pernicieux de Circé, qui viendra  
 Te presenter du pain, où elle mestlera  
 Du charme & du poison : mais sois en assurance,  
 Car ses enchantemens n'auront sur toy puissance,  
 Et ce que ie te donne osterá le danger  
 Que tu pourrois courir de te voir eschanger.

De cecy d'abondant encor ie t'admoneste,  
 Quand la fille á Titan haussera sur ta teste  
 Le bout de son baston, degaine vistement

Mercur  
 re á V-  
 lysses.

Luy dō-  
 ne reme  
 de cōtre  
 les char-  
 mes de  
 Circé

Et tire ton espee, & furieusement  
 Iette toy dessus elle, & tout enflammé d'ire  
 La haussant, fay semblant de la vouloir occire.  
 Alors de grand frayeur & crainte qu'elle aura  
 Elle te flattera; elle t'amadoüera,  
 Lasciue te priera de coucher avec elle,  
 Et t'importunera d'amitié mutuelle,  
 Mais donne toy bien garde aussi de mespriser  
 Le liët de la Deesse, & de la refuser:  
 Pour oster tes amys de leur misere grande,  
 Si tu veux qu'elle t'ayme & qu'elle te les rende  
 Tire d'elle serment qu'elle ne bastira  
 D'autre fraude sur toy, ne te pourchassera  
 Nul autre detrimement, de peur que l'efficace  
 De son enchantement ne te rendist mollace  
 Et tout effeminé, contrains la de iurer  
 Le grand serment des Dieux, & de t'en asseurer.

Ce disant il cueillit de terre la racine  
 Du remede sacré diuine medecine,  
 A tous enchantemens, en main me la liura,  
 Et ses proprietéz & vertus me monstra.  
 De ce simple diuin & remede admirable  
 Noir estoit la racine, & la fleur delectable  
 Blanche comme le lait: Moly communement  
 Des celestes nommé: se trouue rarement  
 Par les hommes aux chäps. Les homes en ont faite,  
 Mais les Dieux habitans dessus la voute haute  
 En ont abondamment, car tout peuuent les Dieux.

Ainsi me dit Mercure, & s'esleuant aux cieux  
 Sur les talons aylez, il se guindoit habile

Le Mo-  
 ly.

Par dessus la forest au trauers la belle isle  
 Et ses bois embrageux. Quant à moy ie dressay  
 Mes pas vers la maison de la docte Circé,  
 M'arrestay à la porte, & auois ma pensee  
 De cogitations estranges essancee.  
 Soudain que i'appellay, soudain elle sortit,  
 Me conuia d'entrer & sa porte m'ouurit.  
 Ie suy, triste & perplex la Nymphé qui m'appelle,  
 Elle me fit asseoir sur vne chaire belle  
 Garnie de beaux cloux d'argent resplendissant  
 D'artifice diuers, souz mon pié se baissant  
 Estoit vn marchepié posé de bonne grace,  
 (Où celuy qui se sied s'appuye & se delasse.)

Vlysses  
 chez  
 Circé.

Lors la Deesse a pris vn beau vase doré,  
 Où cruelle & traistresse elle m'a préparé  
 Son breuuage mortel, ses herbes elle enchante,  
 Qu'elle verse dedans, à boire me presente  
 La force de son vin pestifere & méchant  
 I'aualle sans trembler, le grand vase assechant.  
 Ie ne fus pas changé pour cela par ses charmes,  
 Elle prit donc sa verge & puis me dit ces carmes.  
 Toy, sois aussi du train de mes pourceaux mignons,  
 Et va t'en dans le toict avec tes compagnons.  
 Lors ie m'en viens à elle estant fort occupee  
 A ses barbottemens: luy monstre mon espee,  
 La menace de mort sur elle me haussant,  
 Comme voulant frapper, & ces mots repoussant.

Elle luy  
 presente  
 à boire  
 son char-  
 me.

Son char-  
 me est  
 inutile.

Lors amoureuxment les pieds elle m'embrasse,  
 Me dit en s'escriant, mais qui es-tu de grace,  
 Estranger mon amy, d'où viens-tu, qui es-tu?

Circé à  
 Vlysses.

Tes parens? ton país? qui si bien la vertu  
De mes enchantemens inutile & vaine,  
Et n'essen rien changé de ta figure humaine?  
Jamais nul qui ait beu ceans en ma maison  
N'auoit peu soustenir l'effort de ma poison,  
Mais ie voy, homme fort, sans estre interessée  
Ta force te rester, ie ne voy point blessée  
La pointe & la vertu de ton entendement.  
Serois-tu point Vlysse, hélas que si souuent  
Le beau fils de Maja, le celeste interprete  
Qui porte de fin or la charmeuse baguette,  
Et le meurtrier d'Argus, m'a dit deuoir un iour  
En ces lieux arriuer de Troye de retour?  
Cache moy, ie te pry, ceste espee & la serre,  
Nous irons faire au liēt une plus douce guerre  
Nous verrons de l'amour les passetemps menus,  
Et nous resioüirons dans le liēt de Venus.  
(Qu'il y ait desormais foy, paix, & assurance  
Entre nous amoureux :) adonques ie m'aduançe  
Et luy dis en ces mots. Comment puis-ie, Circé,  
N'estre pas iustement contre toy courroucé?  
Quoy? m'ëioins-tu de t'estre & courtois & traittable.  
Toy qui oses remplir ta prison detestable  
De mes amis changez en porcs dans ta maison?  
Encor' me machinant ruine & trahyson,  
Tu me veux apaster de tes blandices douces  
Pour coucher avec toy, & puis, que tu me pousses  
Hors de mon naturel, ma force confondant  
Et tout effeminé, & lasche me rendant.  
Non, Circé, si tu veux que de toy ie m'asseure

Vlysses à  
Circé.

Que i'entre dans ton liect, il faut que tu me iure,  
Par les tout-puissans Dieux que tu affermeras,  
Que i'amaïs de ton art ne m'endommageras.

Elle atteste les Dieux, & les iure. Et à l'heure  
Je vay trouver son liect en sa molle demeure.

Circé  
iure à  
Vlysses  
de ne  
rien at-  
tenter  
contre  
luy.

Les  
Nym-  
phes de  
Circé  
embesô-  
gnees à  
bié trai-  
ter Vlyf-  
ses.

Quatre Nymphes tandis se mettent en devoir  
D'aprestre ce qu'il faut, fidelles au vouloir  
Dc leur docte maistresse, & au seul clin d'œil d'elle  
Sont promptes à dresser dedans la maison belle  
Ce que leur dame veut, travaillans sans arrest:  
Nymphes filles des eaux, ou bien de la forest,  
Nymphes des clairs ruisseaux dont les coulâtes ondes  
Courant menèt leur train dedans les mers profondes.  
L'une a soin d'aprestre les beaux sieges polis,  
Sur lesquels elle met les precieux tapis  
De pourpre & d'écarlate, & menasgere experte  
Les couvre par embas d'une belle couverte  
D'un linge deslié, (le iettant au plus loing  
Qu'elle peut estendu: ) la seconde a le soing  
D'apareiller aupres les tables bien rangees,  
Qui sont toutes d'argent, & les rendre chargees  
De la vaiselle d'or faiçte parfaitement  
Et de les bien remplir: l'autre consequemment  
Dans les tasses d'argent versoit la liqueur douce  
D'un vin delicieux, lequel escûme & pousse  
Son doux miel là dedans: elle mettoit encor  
Dessus les gobelets, & les grands coupes d'or.  
La quatriesme hastive accouroit aux fontaines  
Remplissoit de claire eau les grâdes chaudieres pleines,  
Mettoit le feu dessous: le feu va trepillant



Souz le fer du trepié, l'eau dessus va boüillant  
 Et s'esleue à gros bonds : mais apres quelque espace  
 Soudain qu'elle eut assez boüilly dedans la casse,  
 La Nymphé dans le bain aussi tost la porta,  
 Dans un cuvier bien net promptement la ietta,  
 Trop chaude la tempere, & verse à grands ondes  
 Sur ma teste & mes reins les ondes debordees,  
 Afin de me lauer, afin de delasser  
 Mes membres trauaillez, & de moy dechasser  
 Toute la lassitude: Apres, officieuse  
 Elle oinct mon corps lauë d'une humeur precieuse.  
 Cela fait, elle prend un bel accoustrement  
 D'une laine tres-fine & m'en vest richement.  
 Puis elle me fait seoir dans une chaise belle,  
 D'argent, & souz mes piez apporte une escabelle,  
 La pucelle à lauer me donne cependant,  
 Et de l'aiguiere d'or l'eau nette va fondant  
 Dans un bassin d'argent : puis approchant la table  
 Elle apporte dessus le bon pain delectable,  
 Auecques force mets bons & delicieux.  
 Et me les presentoit d'un maintien gracieux,  
 Alors Circé me dit, mange & fais bonne chere.  
 Mais tous ces viures là ne me pouuoient pas plaire:  
 Et demeuroidis assis triste & plein de douleur,  
 En mon cœur presageant ie ne sçay quel malheur.  
 Circé me regardoit plein d'amertume grande,  
 Et que ie ne portois à ma bouche la viande,  
 Donc à moy s'adressant elle me dit ainsi:  
 Que reste tu muet, Vlysse, & quel soucy  
 Te tourmente le cœur ? qui fait que tu ne touche

Circé  
 conuie  
 Vlysses  
 à faire  
 bonne  
 chere.

*A ces viures icy & n'en mets à ta bouche ?  
Voila viures sur table, & tu n'en manges pas :  
As tu doute & scrupule encor de quelque cas ?  
Tu ne dois plus pallir de quelque tromperie,  
Ny que i' essaye en toy nulle sorcellerie.  
Mon sacrossaint serment te doit estre assureé,  
Et ie ne rompray point mon compromis iuré.*

Vlyffe  
prie Cir-  
cé de lui  
rendre  
ses com-  
pagnons

*A laquelle ie dy. Circé ie te supplie,  
( O fille du Soleil ) quel desir, quelle enuie  
Aural l'homme d'esprit de boire ou de manger,  
Se donner du bon temps, & son ventre charger,  
Si ses chers compagnons plustost ne se voit rendre,  
Et leur premiere forme auparauant reprendre ?  
Si tu veux que ie mange & taste de tes biens,  
Ren moy, ie te suply, plustost les amis miens  
Remets les en leur forme, & que remply de ioye  
En leur pristin estat reuenir ie les voye.*

*Ie n'en pas si tost dit, que la Nymphé soudain  
Sort de la salle, ayant sa baguete en sa main,  
Et rameine mes gens sortants de son estable  
Ayans de porcs vilains la forme detestable,  
De porcs par neuf estex le glan aux bois paissans :  
Ils estoient doncques là se poussans & pressans.*

Elle les  
luy rend

*Elle les enuironne, autour d'eux se pourmene,  
Les frotte d'un onguent de force souveraine,  
Autre que le premier, & faisant autrement.  
Lors la soye du corps leur tombe entierement  
Et que leur fit venir par l'ordure charmeuse  
Des ses enchantemens la sorciere fameuse.  
Alors leur teste ils vont hors de terre haussant,*

Et le semblant vilain de porcs les va laissant:  
 Leurs espaulles, leurs bras, leur reuiennent sur l'heure,  
 On les voit retourner en ieunesse meilleure  
 Et plus beaux que deuant. Ils accourent soudain,  
 Me viennent embrasser, me touchent en la main,  
 Car ils m'auoient cogneu: lors une larme douce,  
 Vn pleur voluptueux hors de leurs yeux se pousse,  
 Vn frapement de mains, vn bruit, vne clameur  
 Sort par tout, vn chacun en tressaut de treueur,  
 La maison en resonne, & la Deesse mesme  
 Prit à la fin pitié de nostre mal extrefme.  
 Qui fit qu'elle me tint ces propos doucereux.

Circé à  
 Vlysses.

Prudent fils de Laërte, Vlysses genereux,  
 Va t'en viste à la mer, retourne en ton nauire,  
 Fay-le venir en terre, & tes hardes en tire,  
 Cache tous dans le creux des antres les plus bas,  
 Armes, habillemens, & tout ce que tu as,  
 Puis de tes compagnons ameine icy la bande.  
 Je fay incontinent ce qu'elle me commande:  
 Si tost que i'arriuy pres de nostre vaisseau  
 Je rencontray mes gens serrez en vn monceau,  
 Affligez, abbatus pleins de craintifs alarmes,  
 Et les yeux tous mouillez de grands ruisseaux de lar-  
 Côme on voit quelquefois retourner des pastis(mes).  
 Les vaches sur le soir, cependant les petits  
 Demeuroient enfermez, qui soudain qu'ils les voyêt  
 D'ayse vont sautelant, tout à l'entour tournoyent,  
 Le toit ne les peut plus retenir nullement  
 Qu'ils n'aillent retrouver leurs meres viftement:  
 Ils courent resiouys, d'allegresse ils bondissent,

Et de mugissemens les estables remplissent.  
 De la mesme façon courent de toutes pars  
 Viennent de tous costez autour de moy espars  
 Mes chers compagnons: me saluent, m'embrassent,  
 Et les yeux pleins de pleurs de leurs bras m'etrelasent.  
 Non autrement que si dedans les lieux cogneuz  
 D'Ithaque leur pays, ils fussent reuenus,  
 Et fussent retournez és champs pleins de verdure,  
 Où jadis ils auoient receu leur nourriture.  
 Lors ils me vont disant: Ainsi nous t'embrassons  
 Valeureux Vlysses, & nous te caressons  
 Comme si nous estions venus sans nulle perte  
 Dans les champs desiréz de ton pere Laërte.  
 Mais conte nous la mort de nos pauvres amis,  
 Comme ils se sont perdus, où ils ont esté mis.

Compagnons, je vous pry premierement qu'on tire  
 Hors de la mer, leur dy-je, en terre le nauire,  
 Puis, dedans les cachots de ces antres cauez  
 Cachez sans contredit tout ce que vous auez  
 Armes & equipage, & qu'après moy on vienne  
 Au Palais de Circé sage magicienne  
 Voir tous nos compagnons bonne chere faisant,  
 Et tout à leur souhait à table deuisant  
 Pres du feu, pres du vin, (où la sage Deesse  
 Ne se peut assouuir de leur faire caresse.)  
 Je n'eus pas achené, que chassans leur émoi  
 Ils s'apprestent, contans de venir avec moy:  
 Mais Eurylochus seul de me fuyure refuse,  
 Tous les autres retient, & de ces mots leur use.  
 Quelle rage vous vient miserable tenter,

Vlysses  
 à ses co-  
 pagnons,  
 les vou-  
 lant me-  
 ner à  
 Circé.

Eurylo-  
 chus s'y  
 oppose.

Et où vous allez vous ainsi précipiter  
 De gayeté de cœur? cherchans vostre ruine,  
 Aveuglez endurcis, chez la Nymphé maligne  
 La sorciere Circé? Qui, las! vous changera  
 En pourceaux tres-vilains, qui vous transformera  
 En Loups, ou en Lyons, pour garder, misérables,  
 Et de iour & de nuict ses toits & ses estables.  
 Vous représenteray-je, hélas! le faict recent  
 Et la brutalité du Cyclops, fracassant (trerent  
 Nos pauvres compagnons, quand chez luy ils en-  
 Et chez luy sans sortir, le trépas rencontrerent?  
 Le temeraire Vlyssé en fut le conducteur,  
 Ce guide audacieux de leur mort fut authéur,  
 Par sa folle entreprise, hélas, tous ils perirent,  
 Et d'où ils les mena iamaïs ils ne sortirent.

Vlysses  
 veut  
 tuer Eu-  
 ryloch<sup>s</sup>

Je me sens à ces mots d'ire tout transporté,  
 Je tire mon espee estant à mon costé,  
 Je me iette sur luy ainsi qu'une tempeste,  
 En resolution de luy oster la teste,  
 Bien qu'il fust mon parent. Ce que voyans mes gens  
 Se iettent dessus moy, accourent diligens,  
 Me retiennent pleurans, & de douce parole  
 Taschent de m'adoucir. O dont le renom vole  
 Par tout, grand Vlysses, accorde nous cecy,  
 Et nous le laisserons, disent-ils, seul icy  
 Pour garder le vaisseau, & meine nous au reste  
 Dans les palais hautains de la Nymphé celeste  
 Ainsi voulurent-ils m'exhorter & prier.  
 Lors ie fors du vaisseau & delaisse la mer.  
 Eurylochus pourtant ne demeure au navire

Mais nous suit pas à pas, car il craignoit mon ire.

Mais la Nymphe tandis que i'estois en chemin

Auoit mes compagnons fait entrer dans le bain,

Les auoit fait lauer, & de precieux huille

Leurs membres delasser, qui doucement distille:

Puis riches vestemens fit ietter dessus eux.

Nous les trouuâmes lors à table tous ioyeux

Qui faisoient bonne chere. Aussi tost qu'ils se virent

S'entrerecognoissans l'un de l'autre ils s'enquirent.

Ils prenoient du plaisir à conter leurs malheurs,

Et mesloient en contant leur plaisir à leurs pleurs:

Leurs regrets, leurs souspirs tout le palais remplissent

Au son de leurs clameurs les vouttes retentissent.

Lors la belle Deesse aux Deesses des Cieux

Pres de moy me tenoit ces propos gracieux.

O fils de Laërtes abundant en sagesse,

Generoux Vlysses, cessez vostre tristesse

Et ne lamentez plus, que vostre gentil cœur

Ne soit pas plus auant consumé de douleur:

Non, ie n'ignore pas les dangers & les peines

Que vous auez souffert és poisonneuses plaines,

Et vos fiers ennemis contre vous animez,

Quels efforts ruineux contre vousont tramez:

Mais resiouyssiez vous, beuvez en abondance

De ce vin genereux, & pleins d'esionissance

De ces viures mangez, rappelez vos esprits,

Bannissez tous le soin dont vous estes épris,

Chassez toute tristesse, empoignez ce remede

Encontre ces trauaux, & qu'à l'ennuy succede

La ioye & le plaisir, ainsi que vous estiez

Circé  
traicte  
les com-  
pagnōs  
d'Vlyf-  
ses.

Circé à  
Vlysses,

*Au temps que des sablons d'Ithaque vous partiez;  
 Bien qu'à la verité la misere vous presse,  
 Et vostre mal present vous ronge de tristesse,  
 Bien que vous souuenans de vos maux, vos erreurs,  
 Vos courses, à bon droit vous fondiez tout en pleurs,  
 Et qu'on ne voye point parmy telle souffrance  
 L'esprit entierement recevoir allegeance,  
 Mais plustost se déchoir lassé de tant de maux,  
 Et abbatu d'un nombre infiny de trauaux.*

*Elle disoit ainsi, & nos tristes pensees*

Vlysses  
 seiour-  
 nevn an  
 chez  
 Circé.

*A ces propos courtois nous furent redressées.*

*Or par autant de iours que l'an entierement*

*Pouuoit estre fourny continuellement*

*Nous demeurasmes là. Sans cesse estans à table*

*Nous remplissons de chairs & de vin delectable:*

*Mais quand l'an fut parfait, que les heures par tous*

*D'ordre faisant les mois allongerent les iours,*

*Mes compagnons venans deuers moy, m'appellerent*

*Du logis de Circé, puis ainsi me parlerent.*

Les cō-  
 pagnōs  
 d'Vly-  
 ses luy  
 repro-  
 chent  
 son se-  
 jour.

*Malheureux, souvien-toy de ton pays en fin,*

*Au moins s'il est ainsi que ton fatal destin*

*Est, que tu dois un iour reuoir ton doux riuage,*

*Si ta terre natale & ton cher heritage*

*Te sont promis des Dieux, & si à sauueté*

*Tu dois estre à la fin en Ithaque porté,*

*En ton palais haultain, & dans ta maison forte.*

*Ils me parloient ainsi, & leur aduis m'emporta*

*Touché de leurs propos, nous banquetons encor,*

*Tout le iour, & vuidōns le vin de dedans l'or.*

*Le soir estant venu quand le Soleil deuaille*

Et plonge ses cheuaux dans l'onde occidentale,  
 De sombre obscurité la teste se couurant:  
 Mes gens se vont coucher, & le sommeil courant  
 Sur les corps assoupis leurs paupieres abbaisse.  
 Lors ie m'en vins trouuer en son liét la Deesse,  
 Et pressant ses costez tombant à ses genoux,  
 La Nymphé m'escontoit avec un parler doux.  
 O Circé, ce luy dis-je, accomply ta promesse,  
 Car tu m'as assure de me donner adresse  
 Pour retourner chez moy. I'en brule de desir,  
 Et le mesme est venu mes compagnons saisir,  
 Dont l'importunité sans cesse me tourmente  
 Pleurans autour de moy lors que tu es absente.

Ie luy disois ainsi. Ainsi me respondit  
 La Deesse Circé. (Nymphé de grand credit,  
 Des Deesses Deesse. O grand fils de Laërte,  
 Qui la terre remplis de ta prudence experte,  
 Non, ne demeure plus ceans en ma maison  
 Contre ta volonté, ce n'est pas la raison.  
 Mais il te faut sçauoir qu'il vous conuient bien faire  
 Au departir d'icy un chemin tout contraire  
 A celui que pensez. Cela est arresté  
 Qu'il le faut entreprendre, & par necessité.  
 Il te conuient aller aux stygiennes ondes,  
 Au regne de Pluton, aux cauernes profondes  
 De la basse Hecaté: Là tu rechercheras  
 Les oracles sacrez du vieil Tiresias  
 Le Prophete admirable, & l'auengle interprete,  
 Ne te les deniera, (luy seul aupres de Lethe  
 Les oracles des Dieux rend ordinairement.)

Vlysses  
 demâde  
 cōgé de  
 s'en al-  
 ler à  
 Circé.

Circé  
 luy dō-  
 nāt cō-  
 gé, l'ad-  
 uertit de  
 tout ce  
 ce qui  
 luy doit  
 aduenir,  
 & cōme  
 il faut  
 qu'il se  
 com-  
 porte.  
 Qu'il  
 doit des-  
 cendre  
 vers Plu-  
 ton, &  
 s'enque-  
 rir de  
 Tiresias



Il est encor doüé d'un sain entendement,  
 Et combien que la mort long temps a le domine,  
 A luy seul toutesfois la Reyne Proserpine  
 A donner de chanter la nette verité:  
 D'autres ombres encor' tu seras accosté  
 En ces regions là. Ainsi dit la Deesse:  
 Et le corps me fremit de crainte & de tristesse,  
 Je remplissois le liét de sousspirs & de pleurs;  
 Je maudissois ma vie, accusois mes malheurs,  
 Desirois n'auoir veu la lumiere moleste  
 Du Soleil éclairant. Estant lassé au reste,  
 De lamenter ainsi, me tournant & virant  
 Sans repos par le liét, encor en discourant  
 Je vins dire à Circé. Ma tres-chere Deesse  
 Qui pourra me guider, & me donner adresse  
 Aux ombres de Pluton, où me fais-tu ramer,  
 Où iamais ne paruint nul nauire par mer?

Adoc me respondit Circé la mage experte:  
 Genereux Vlysses, prudent fils de Laërte,  
 Ne te tourmente point, ne pren aucun soucy  
 Qui te pourra guider au departir d'icy:  
 Hausse tant seulement sans rien craindre tes voiles,  
 Et t'asiez sans rien faire à l'ombre de tes toiles,  
 Car Boreas sans plus hors d'icy i'ostera,  
 Et ton nauire & toy sur la mer portera.  
 Quand tu auras passé force mer escumeuse  
 Tu verras le riuage & la forest rameuse  
 De la grand Proserpine, où les aulnes montez  
 Et les saules sterils en nombre sont plantez.  
 Arreste en cet endroit ton nauire sur londe,

Puis descen en personne en la maison profonde  
Du redouté tyran des riuës de Charon.  
Là Pyriphlegeton tombe dans Acheron,  
Et le Cocyte noir de mesme s'y descharge,  
Qui procede & qui vient de Styx le fleuve large,  
Et la pierre où vont choir les deux fleuves grondans.

Si tost que tu seras arriuë là dedans  
Tu ne faudras de faire vne fosse dans terre,  
Dont la ronde ouuerture & s'ouure & se desferre  
D'une condee autour: dedans tu verseras  
Effusions à tous les esprits de là bas.  
En premier, d'eau & miel la liqueur se meslante  
Puis apres du doux vin la saueur excellente:  
Tiercement y mettras de l'eau tout doucement,  
Et puis finalement de la fleur de froment.  
Adore cela faiët les imbecilles ombres,  
Et les ames sans force estans és forests sombres.  
Promets leur, fay leur vœu, s'il t'est en fin permis  
De reuoir ton Ithaque, (où sont tes bons amis,)  
De leur sacrifier vne brehaigne vache  
Grasse par excellence, & sans vice ne tache,  
Et de tout le meilleur de tes biens dresserás  
Vne grand pyramide, & leur esleueras.  
Puis à Tirefias il luy faudra promettre  
A part vn bellier noir, le plus beau, & le maistre  
Entre tous tes troupeaux. Quand sur les tristes bords  
Auras ainsi prië les preux esseins des morts,  
Immole vne brebis qui ayt noire la laine,  
Et vn belier pareil, puis tourne & la promeine  
Vers l'Erebe blaffard. Retire toy à part

Vers le coulant du fleuve, & te tiens à l'escart,  
 Lors tu verras venir une inombrable bande,  
 Ames des trespassez, Incontinent commande  
 A tes grands d'écortcher, & bruler promptement  
 Tout ce bestail tué. Puis de faire humblement  
 Leurs prieres au Dieu de la demeure infame,  
 A Proserpine apres, sa redoutable femme,  
 Puis tire ton espee, & chasse les esprits,  
 Si quelqu'un d'approcher du sang estoit épris  
 Alors empesche len, & ne laisse la rine  
 Tenant ton coutelas, iusques à tant qu'arrive  
 Le Roy Teresias, lequel te resoudra  
 De ce qu'auras affaire, & deuers toy viendra  
 T'enseigner le chemin, la façon, la maniere  
 De retourner bien tost en ta demeure chere:  
 Quelles mers, quels sentiers, quels destours hasardeux  
 Il te faudra tenir dessus le flot ondeux.

Elle acheua de dire, & l'Aurore naissante  
 Monstra son char doré, claire & resplendissante:  
 Et tout au mesme temps la Nymphe me vestit  
 D'un manteau precieux, & d'un tres-riche habit.  
 Mais elle se couurit d'une grand robe blanche  
 Tres-fine & deliée, & mit dessus sa hanche  
 Vne ceinture d'or, & dessus ses cheueux  
 Vn bel escoffion tres riche & precieux.

Vlysses  
 reueille  
 ses gens  
 pour  
 partir.

Je vay par la maison vistement, & reueille  
 De tous mes comparnons un chacun qui sommeille  
 Sus debout mes amis, disois-je, il faut aller,  
 Il est temps de partir, il se faut réveiller,  
 Et prendre le chemin dont la sage Deesse

M'a fait ceste faueur de me donner adresse.

A ces mots ils sont prests, mais, ô deffastreux sort!  
Il ne me fut donné de conduire à bon port

Tous les miens sains & saufs, car l'un plein de ieu-  
Elpenor ayant nom, sans force, sans adresse, (neſſe,  
Sans grand entendement & sans grace de corps,  
Touſiours presque endormy, mais eſtant yure alors.

Pauvre, ce-temps pendant que misérable yurongne  
Il cherche la fraiſcheur, & des autres s'eſlongne,  
Le ſommeil le ſurprit au plus haut d'une tour.

Mais comme il entendit deſſus le point du iour  
Ses compagnons partir, du ſommeil il s'excite,

Et du vin eſtourdý du haut ſe precipite,

Ne ſe ſouuenant plus de conduire ſes pas

De degré en degré. Ainſi tombant à bas

Il ſe rompit le col, les reins & les iointures,

Et deſcendit ainſi ſous les ombres obſcures.

Le reſte de mes gens eſtant ſoudain paſſé

Auec moy, ie leur dy le vouloir de Circé.

Poſſible penſez-vous que nous allions aſteure

Vers les champs Ithaquois noſtre douce demeure,

C'eſt bien tout autrement: car deuant qu'y aller

Il faut premierement chez Pluton deualer,

Conſulter Tireſie aux bords de Perſephone,

Et prendre ſon oracle. Ainſi Circé l'ordonne.

I'en dit. Et tout le cœur froiſſé leur demeuroid,

Et chacun de dépit la barbe ſe tiroit,

Sans courage & ſans force aſſis ils demeurèrent,

Et larmes ſans ceſſer de leurs yeux diſtillerent.

Mais pour tout leur pleurer ne leur en fut pas mieux.

Elpenor  
ſe precipite e-  
ſtât en-  
dormy,  
& ſe tué

Vlyſſes  
aduertit  
ſes cõ-  
pagnõs  
du che-  
min qu'  
il a à  
faire.

310 LE DIX. LIV. DE L'ODYSS.  
*Nous vinsmes au vaisseau sur le flot escumeux,  
Et là chacun encor' s'escrie & se lamente,  
Larmoyant chaudement. La Deesse sçauante  
Arriua ce pendant, un belier attacha  
Et une brebis noire: Aysément se cacha  
Cela faiët, à nos yeux, & sans estre apperceüe,  
S'esuanouït en l'air sans pouuoir estre veüe,  
Qui pourroit voir un Dieu quand il est agité  
Cà & là où il veut, contre sa volonté?*

**Fin du Dixiesme Liure.**



# LE VNZIESME

## LIVRE DE L'ODYSSEE

D'HOMERE.

### ARGUMENT.

**L** raconte en continuant comme par le mandement de Circé il descendit aux enfers, le moyen qu'il tint pour parler au deuin Tiresias, qui luy dit comme il falloit qu'il fist pour se conseruer & ses gens, & retourner en leur patrie. Il voit les Heros & Heroynes, parle à sa mere, & aux Princes qui auoient esté avec luy deuant Troye, puis remonte des enfers.

### AUTRE SOMMAIRE.

*Vlysses de Pluton visite les lieux pasteles,  
Reconnoist les esprits des ombres infernales.*

**Q**uand nous fusmes venus pres des barques  
voutees (tees,  
Qui estoient pres du port sur les ondes por-  
Et qu'eusmes ioint le flot resonnant hautement,  
Nous tirasmes du port la nef premierement,

Vlyſſes  
entre  
en mer.

*La iettaſmes en mer, puis le maſt nous hauſſaſmes,  
Et le blanchiſſant voile à l'entour ajençaſmes,  
Nous prenons nos brebis, en pleine mer mantons,  
Et gemiſſans ſans ceſſe hors du port nous ſortons.  
Par derriere vn doux vent nous pouſſoit favorable,  
Que nous auoit donné la Nymphe redoutable  
La ſçauante Circé aux cheueux blondiſſans,  
La Deeſſe aux Diſcours eloquemment poiſſans.  
Sur la nef arrangez les armes bas nous miſmes,  
Et ſur les bancs luiſans à laiſe nous aſſiſmes,  
Nos conducteurs eſtoient le patron & le vent.*

Arriue  
aux  
Cimme  
riens.

*Ce iour là tout entier nous pouſſaſmes auant,  
Et les Zephirs legers faiſoient tendre nos toiles,  
Phœbus chet ce-ſſant, & les tenebreux voiles  
Tombent ſur les chemins, ainſi qu'il declinoit,  
Et dans ſeau d'Occident en panchant ſe trainoit.  
Et nos voiles enſlez haſtans leurs courſes viſtes  
Du profond Ocean toucherent les limites,  
Où les Cimmeriens, leurs villes, leurs deſerts  
Sont eternellement de tenebres couuerts:  
Iamais ſes clairs rayons Titan ſur eux ne darde,  
Et ſon feu gracieux iamais ne les regarde:  
Ny quand deuers le Ciel ſon char il va touchant,  
Ny quand il va du Ciel en terre trebuchant.  
Vn air pernecieux, vne nuit perdurable  
Vole eternellement ſur la gent miſerable.*

*Nous ſommes portez là, là tous nous nous rendons,  
Et au flux de la mer pres du bord abordons.  
Les victimes ſortons pres des barques profondes,  
Et de rechef encor en coſtoyant les ondes*

Nous suyuons l'Ocean, tant que mismes le pié  
 Au lieu que nous auoit Circé spécifié.  
 Et là Perimedes accomplissant l'office  
 Auec Eurylochus, porte le sacrifice  
 Saint & religieux. Tandis ayant osté  
 Mon espee, qui lors pendoit à mon costé,  
 Je creusi vne fosse, & luy fais l'ouverture  
 En la circonference en egalle mesure  
 Que le coulde alongé, iettant dedans le fonds  
 De mes effusions aux bas esprits profonds,  
 Sçauoir de l'hydromel, du vin l'humour diuine,  
 Tiercement de l'eau pure & puis de la farine.  
 Triant profondément tous les esprits legers,  
 Faisant promesse & vœu aux ombres des enfers,  
 De leur sacrifier vne vache brehaine,  
 Si de tant de faueur leur puissance me daigne  
 En mon heureux pays conduire à sauueté.  
 Et de tout le meilleur de mes biens a planté  
 Si leur douce bonté prosperément me guide,  
 Leur dresser vne belle & grande pyramides  
 A Tiresie à part promets de mon troupeau  
 Qu'vne grasse brebis à la noirastre peau  
 Sera sacrifiée à luy seul, surpassante  
 Le reste de la troupe es prez l'herbe paissante.

Lors que i'en par mes vœux & supplications  
 Appaisé les esprits, faiçt mes oblations,  
 J'égorge les brebis au dessus de la fosse:  
 De sang couloit dedans vne riniere grosse,  
 Et du coup vne humeur noirastre distilloit.  
 Lors vne quantité autour de moy voloît

Fait cō-  
 me Cir-  
 cé l'a-  
 uoit en-  
 chargé.

Les om-  
 bres ac-  
 courent  
 autour  
 d'Ulys-  
 ses.



*De simulachres vains, ceux que la mort cruelle  
Auoit à toute force entraînez apres elle :*

*Les ieunes vigoureux, & les foibles vieillars*

*A l'enuiron de moy courent de toutes pars:*

*Maintes Nymphes encor, & filles miserables*

*Que le deuil au trépas a conduit pitoyables:*

*D'autres y auoit là de grands coups transpercez,*

*De piques & de dars les estomacs blessez,*

*Les armes tout en sang: ils couroient à la fosse,*

*Et s'y precipitoient en multizude grosse,*

*Sifflans autour de moy d'une fresse rumeur.*

*Tout le corps me glaça de frisson & trement,*

*Et le sang me figea de peur & de misere.*

*Lors ie crie à mes gens que les brebis naguere*

*Egorgees par moy, ils prennent vistement,*

*Aillent les dépouiller de leurs peaux promptement,*

*Et que dessus l'autel où les charbons petillent*

*En toute diligence ils les brulent & grillent.*

*Qu'au fort Pluton premier, aux Erebiqes Dieux,*

*A la grand Persephone ils adressent leurs vœux.*

*Ie tire mon espee alors, & la presente*

*Aux esprits qui venoient, toute nue & luisante,*

*Afin de les chasser, & de les empêcher*

*De venir à la fosse, & du sang approcher,*

*Et tant que ie pouuois leur offrois mes obstacles,*

*Tant que Tiresias m'eust rendu ses oracles.*

Elpenor  
le pre-  
mier se  
presente  
à Vly-  
ses.

*Le premier des esprits fut celui d'Elpenor*

*Qui me vint au deuant: car il n'auoit encor*

*Esté enseuely, & nous ne l'inhumasmes*

*Au partir de Circé, sur luy nous ne pleurasmes:*

Ains il fut laissé là, pource que nous estions  
 Autre part empeschez, & qu'en haste portions.  
 Le voyant, la pitié que i'en de sa misere  
 Me fit tomber des yeux une humide ruiere,  
 Et luy disois ainsi : Elpenor, & comment  
 Es tu venu à pié ainsi diligemment  
 Plongé dans l'épaisseur de ces noires tenebres,  
 En ces lieux de silence, & pleins d'horreurs funebres?  
 Plus viftement que nous, qui auons eu le vent  
 Et la mer à souhait ? I'allois ainsi disant.  
 Et pleurant il me dit : O grand fils de Laërte,  
 Magnanime Vlysses, plein de prudence experte,  
 Le vin & un démon mauuais m'ont renuersé :  
 Car comme ie dormois au logis de Circé,  
 Ne me souuenant plus des degrez, d'aduenture  
 Je cheu du haut en bas de la grand couuerture,  
 Et me rompy le col : puis vins à l'environ  
 Des déplorables bords de l'ombreux Acheron.

Vlysses  
 à Elpe-  
 nor.

Elpenor  
 à Vlyf-  
 ses.

Mais or ie te coniuire, & parta femme chere,  
 Et par le saint respect de ton genereux pere  
 Qui t'a petit enfant nourry si chèrement :  
 (Eux qui sont loing de toy, & que presentement  
 Tu ne peux conuenir) par ton cher Telemaque  
 Que tu laissas petit au departir d'Ithaque,  
 (Car ie sçay pour certain que ce lieu delaisé  
 Tu passeras encor au pays de Circé,  
 Et ta barque des vents & des eaux demenee  
 Reprendra port encor dans l'isle de l'Ææe)  
 Alors, ô ie te pry d'Ithaque puissant Roy,  
 Repense à mes propos & te souuien de moy,

Enseuely mon corps deffouz la terre obscure,  
 Et ne le laisse pas sans pleurs ne sepulture  
 De peur que par malheur tu ne vinsses aux Dieux  
 A mon occasion, à te rendre odieux,  
 Enseuely moy donc, & me donne des larmes,  
 Fay bruler avec moy le reste de mes armes,  
 Et dresse le tombeau de cet infortuné  
 Sur le bord escumeux de Neptun mutiné:  
 Pour me faire paroistre & donner cognoissance  
 A la prosperité du lieu de ma naissance,  
 Puis de mon infortune, & mets dessus encor  
 L'aïron, par lequel le pauuret Elpenor  
 Avec ses compagnons en reuenant de Troye  
 Dessus les flots ondeux à la barque a fait voye.

Et ie luy respondy: De la mesme façon  
 Que tu dis, ie feray, miserable garçon.  
 Et de coulantes pleurs ma face estoit trempee,  
 Mais tousiours pres du sang ie branlois mon espee,  
 (Et le pauvre Elpenor au departir de là  
 Tristes cris estleuant pleindre ailleurs s'en alla.)

Voicy venir apres l'ame de ma feuë mere  
 Anticlea, qu'auoit rauy la mort amere,  
 Fille d'Antilochus, & vola celle part  
 Où i'estois. Ie l'auois laissée à mon départ  
 Viuante, en m'en allant deuant Troye la sainte.  
 La voyant, de pitié mon ame fut atteinte,  
 Mais pour tous mes regrets ie ne luy laissay pas  
 Pres du sang approcher aucunement ses pas:  
 Tant que i'eusse receu la sainte prophetie  
 Des oracles sacrez du diuin Tirese,

Anti-  
 clea me  
 re d'V-  
 lysses  
 vient à  
 luy.

Lequel arrive en fin de moy fort désiré.  
 En sa main il portoit son beau sceptre doré,  
 Et me recognoissant il me parle & m'appelle:  
 Qui te ment de laisser la lumiere si belle  
 Du Soleil, miserable Vlysses, & comment  
 As tu abandonné le hautain Element?  
 Est ce pour contempler ces ames deplorables  
 Et le silence froid de ces lieux misérables?  
 Quitte un peu ceste fosse, & ne crain de cacher  
 Ton coutelas luisant, puis me laisse estancher  
 Ma soif dedans le sang, si sçavoir tu desire  
 De moy ce qu'il te faut. Alors ie me retire,  
 Et fy ce qu'il me dit. I.e sang il aualla,  
 Puis d'un gosier prophete en ces mots me parla.

Tiresias  
à Vlysses

Tu voudrois bien auoir un retour favorable  
 En ton pais aymé, ô Vlysse indomptable,  
 Mis un Dieu te le rend difficile & mauvais.  
 Car mon aduis n'est pas que Neptune iamais  
 Te laisse reposer. Son ire mutinee  
 Est en son cœur brulant par trop enracinee.  
 Pour ce que ton tison son cher fils aueugla.  
 Mais il y a remede encor à tout cela,  
 Tu reprendras a gré le train des eaux marines  
 Si de tes compagnons & de toy tu domines  
 L'impetuosité, si tu peux arrester  
 Leurs siers débordemens, & la faim supporter,  
 Lors qu'ayant euté des ondes la furie  
 Tu viendras aborder aux fins de Trinacrie.  
 Là vous rencontrerez forcé troupeaux paissans,  
 Les vaches du Soleil par les champs verdissans

Tiresias  
ayant  
beule  
sang ad-  
uertit  
Vlysses  
de ce  
qu'il luy  
doit ad-  
uenir en  
son re-  
tour.

*Brouter & s'engresser, du Soleil dont n'est close  
L'oreille ne la vue. Il entend toute chose,*

Luy de- Il void tout le premier. Si sans les approcher  
fend d'a Pour leur faire du mal, sans les prendre & toucher  
procher des Tu les laisses en paix, tu t'acquerras sans doute  
des bœufs A tes gens & à toy toute prospere route,  
du So- Pour faire ton retour, & sans beaucoup d'ennuis  
leil. Tu reuerras en fin Ithaque ton pais.

Mais si tu ne t'abstiens, & que les mains tu jettes  
Sur pei- Sur les troupeaux du Dieu aux mortelles sagettes  
ne de Le blondoyant Titan, en mer vous perirez  
naufra- Tes compagnons & toy, soyez en assurez,  
ge. Quant à toy si tu peux à force de rabattre  
Les ondes en nageant, la tempeste combattre,  
Tu seras, mais bien tard, en ton pais porté,  
Et de mille malheurs ce pendant tourmenté.

Qu'il ar Tes compagnons noyez, en galere empruntée  
riuera Trouneras la maison de ton pere gastée,  
tard & Et force poursuivans, qui mangeront ton bien,  
auec Saliront la splendeur de ton regne ancien,  
beau- Souilleront ton palais, & de poursuite infame  
coup de Pourchasseront d'auoir ta chere espouse à femme,  
maux En de riches presents fort l'importuneront.  
en son Et de fin, souz ta main à mort ils tomberont,  
pays. Et d'eux tous tu prendras exemplaire vengeance.

Qu'il mettra à Mais quand tu les auras vengez souz ta puissance  
mortes Ou par fraude, ou par dol, ou par le fer trenchant,  
poursui Pren encor' un vaisseau, & le pais cherchant  
uans de Si tu crois mon conseil, chemine, iusques à ce  
la fem- Que tu auras trouué une gent, une race

Ignorant la marine, & qui ne sçait que c'est  
 Que de manger salé, ny du piquant aprest  
 Des viures de la mer. (Les pleines aZurees  
 Ne les reçoivent point ) des barques peinturees  
 Ils n ont point cognoissance, ils ne sçauent ramer  
 Ny faire voir des naufs les ayles sur la mer.  
 Mais pour n'en douter point, de toutes tes affaires  
 Je t'en veux remarquer des enseignes tres-claires.  
 Quand vn autre passant te viendra au deuant  
 Qui te dira que c'est vn soufflet plein de vent  
 Que tu as sur l'espaule, alors iette ta rame,  
 Fichela contre terre, & prosterné reclame  
 Le Roy des eaux Neptun, humble luy immolant  
 Vn belier, vn verrat, & vn taureau muglant.  
 Puis reua-t'en cheZ toy, & presente l'offrande  
 D'une sainte hecatumbe à la celeste bande.

Or la mort du costé de la mer te viendra  
 Quant tu seras debile, elle te surprendra  
 En paisible vieillesse, & de ses mains meurtrieres  
 En aage plein & meur fermera tes paupieres.  
 Durant ton regne encor tes suiets bien-heureux  
 Gousteront de la paix le repos sauoureux:  
 Or tout ce que i'ay dit est seur & veritable.  
 Ainsi prophetisoit le deuin honorable,  
 Et ie luy respondy consecutiuelement:

Diuin Tiresias, les Dieux certainement  
 Ont decreté cela, & leur sainte ordonnance  
 A mis de longue main sur moy ceste influence.  
 Mais dy moy ie te pry, que voy-je tant errer  
 Ma mere, que la mort est venuë enfermer

Que sa  
 mort  
 viendra  
 du co-  
 sté de la  
 mer.

Vlysses  
 à Tirc-  
 fias.

*Sans me dire aucun mot, & pourquoy se sied elle  
Aupres de ceste fosse, à soy point ne m'appelle,  
Et ne me cognoist pas? dy tres-excellent Roy  
Des augures diuins. Ie te pry, monstre moy  
Comme elle me pourra à la fin recognoistre.*

*Tu le sçauras, dit-il. Quelque autre que puisse estre  
A qui tu permettras de ce sang approcher  
Elle te parlera, si tu veux t'empescher  
Elle te laissera. Ainsi dit le prophete,  
Et puis il descendit dans la noire cachette  
De Pluton Roy d'Embas. Or ie demeure là  
Iusqu'à tant que ma mere aupres de moy vola.  
Ie luy permy de boire, & retiray mes armes.  
Lors elle me cogneut: & puis fondant en larmes:*

La me-  
re d'V-  
lysses  
vient à  
luy, &  
luy par-  
le.

*Comment es-tu venu vivant en ces manoirs?  
Comment es-tu entré dedans ces gouffres noirs?  
Dit elle: ô mon cher fils! l'entree est difficile,  
A ceux qui sont vivants dans la riuë sterile  
Des marais stygiens. Vn grand estang tousiours  
Enuironne ces lieux, vn grand fleuve a son cours  
Fuyant tout à l'entour, dont le canal est triste,  
Et le cruel courant espouuante & attriste.  
L'Ocean spacieux enceint premierement  
Ceste palle contree, on ne peut nullement  
Y venir à pied sec, si ce n'est que vous porte  
Sur la mer vne barque & puissante & bien forte.*

*Serois tu point venu icy ayant erré  
Long temps avec tes gens sur le flot azuré  
En reuenant de Troye? as tu point en Ithaque  
Encores mis le pié? la mere à Telemaque*

*Ne t'a elle point veu encores dans la cour ?  
Lors en luy respondant ie luy dy à mon tour.*

*Ma mere, un cas forcé m'a contraint d'entreprendre  
Le chemin des paluds de Stix, afin d'entendre  
Du saint Tiresias l'oracle de mon sort.*

Vlysse à  
sa mere.

*Las ! ie n'ay point encor approché le doux port  
De la chere Achaye, & n'ay point fait entrée  
Sur les bords desiréz de ma douce contree.*

*Mais ie suis miserable incessamment porté  
En mer deçà delà par les vents agité,  
Souffrant peine, tourment, & douleur infinie.*

*J'ay eu encontre moy la fortune ennemie  
Depuis que j'ay party avec Agamemnon,  
Pour aller guerroyer Pergame au grand renom,  
Où sont les beaux cheuaux. Mais toy ma chere mere,  
De quelle mort t'a pris la Parque trop amere ?*

Luy de-  
mande  
des nou-  
uelles de  
sa mai-  
son.

*Est-ce de maladie ayant trop longuement  
Languy dedans le liét : ou, si cruellement  
Diane qui de loin ses traits empennez jette  
T'a la mort envoyée au bout d'une sagette ?*

*Dy moy, que fait mon pere, & que fait mon cher fils,  
Que ieune ie laissay, comme se portent-ils ?  
Ma dignité dure-elle encor entre les nostres ?*

*Mon regne n'est-il point entre les mains des autres ?  
Quelque autre n'est-il point sur mon trosne monté ?  
L'espoir de mon retour leur est-il tout osté ?*

*Me pensent-ils perdu ? dy moy encor nouvelle  
De ma Penelope mon épouse fidelle,*

*Contre moy son maintien & son deportement,  
Ayme t'elle toujours mon fils uniquement,*



Conseruant la maison & la famille nostre?  
Où bien s'est-elle point mariee à quelque autre,  
Des Princes de la Grece? Ainsi ie luy parlois,  
Et en me respondant elle reprit sa voix.

Penelope Ta femme continuë en l'amitié ardante  
pe cōti- Qu'elle l'auoit, dit-elle, endure, patiente  
nuë en Ton absence & son mal, confite de douleurs  
l'amitié Nuit & iur se passant de soupirs & de pleurs:  
d'Vlyf- On n'a point usurpé ton bien en ton absence,  
ses. De Te- Telemaque en iouit en toute patience,  
De Te- Ily tient rang de Prince, & dedans ta maison  
lema- Tient tousiours bonne table ainsi que de raison.  
que. Mais ton pere demeure aux champs, ne se soucie  
De taer- De ville ne de court, mene champestre vie.  
tes, & de De tapis & de lits il s'est voulu pruer,  
la vic Ne se fait point de bien: & quand ce vient l'hyuer  
qu'il Triste parmy ses gens son corps il vient estendre  
menc. Au foyer près du feu, se couche sur la cendre,  
Ses habits dessus luy rompus entierement.  
Mais quand l'esté reuiet, & puis consequemment  
L'automne donne-fruits, il se retire à lerte,  
Par la vigne s'en va de fruits toute couuerte,  
Et sur l'herbe & la terre à se coucher se met,  
Et les feuilles par tout luy seruent de cheuet,  
Là en se lamentant il se couche par terre,  
Et l'ennuy douloureux piteusement l'atterre:  
Son corps est consumé de mal & de douleur,  
Souspire tes trauaux, lamente ton malheur,  
Si bien qu'attenuë que courbé de tristesse  
Il est auant le temps accablé de vieillesse.

Cela m'a fait mourir, le desespoir trop fort,  
L'ennuy trop violent est cause de ma mort:  
Diane qui de loing ses traits ennemis iette  
Ne m'a la mort tiree au bout de sa saïette,  
Le tourment iette-deuil, le mal contagieux  
De quelque maladie, aux membres ennuyeux,  
Et qui souvent des corps la pauvre ame separe,  
Cela ne m'a point fait proye de Stix auare.  
Le triste deuil de toy, que j'ay tant regretté,  
Ta modeste vertu, mon corps ont surmonté,  
Ils m'ont priué de vie, & mon ame espandue  
Dedans l'obscurité de ces lieux ont rendue.

Quand elle eut dit cela (fresle elle s'enfuit,  
Et dans le delié de l'air s'esvanoïit)  
Me delaisssa pleurant, & forcené d'enuie  
De luy parler encor. Trois fois ie l'ay suivie,  
Par trois fois à son col ie me voulus jeter,  
Et comme elle fuyoit ie me voulus haster  
Asin de l'attraper, & de ma douce mere  
Au moins toucher la main, trois fois l'ame legere  
S'eschappa de mes mains, simulacre pareil  
A l'ombre, au leger vent, & au fuyant sommeil:  
Lors la douleur esmeut & pressa mon courage,  
Et ie parlay ainsi à la fuyarde image.

Ma mere, t'enfuis-tu de ton enfant, hélas !  
Qui cherche à te toucher, pourquoy n'attens tu pas  
Ta chere geniture, afin que nos mains iointes  
Nous nous soulions au moins de larmes & de plaintes  
Souz les eaux de Pluton ? Est-ce pour m'affliger  
Etm'attrister tant plus, que ton esprit leger,

*Que ta face sans corps m'est aujour d'buy monstree  
De celle qui regist ceste triste contree?*

*A quoy ma mere alors. La Reyne d'icy bas,  
Enfant infortuné, ne te circonvient pas,  
C'est la loy des humains pressiez souz la mort dure  
De n'auoir os, ne nerfs, ne chair, ne cheueleure:  
Car la flamme a tout pris, le feu a tout brulé,  
Et si tost que l'esprit hors du corps est volé,  
Libre de nerfs & d'os blanchissans, il s'enuole  
Ainsi que le sommeil, le vent ou la parole:  
Mais fuyt en hors de Stix, d'Auerne pallissant,  
Retourne i'en reuoir le ciel resplendissant,  
Et ce que tu as veu souz l'Acheron infame  
Et chez l'Erebe ombreux, raconte l'à ta femme.*

Les Ite-  
ronies  
viennēt  
vers V-  
lysses.

*Ainsi que nous parlions, voicy venir à moy  
Vn troupeau féminin, que la femme du Roy  
Des esprits tenebreux, redoutable Deesse  
Dans son empire esmeut comme vne armee espesse.  
Toutes femmes iadis des Heros renommiez,  
Filles semblablement de Princes estimez.  
Ombres elles venoient en troupe espesse & grosse,  
Et accouroient au sang qui rougissoit la fosse.  
Or ie me con/seillois en mon entendement  
Comme ie leur pourrois parler separement.  
Enfin ie fus d'aduis de tirer mon espee  
Et ne les laisser boire en la fosse trempee  
Toutes ensemblement, mais d'ordre, à celle fin  
Que ie peusse scauoir leur estat & leur fin.*

Tyro. *Tyrō vint la premiere, elle se disoit nee  
D'un pere, homme de bien, l'accomply Salmonée,*

Cretehea l'Eolide autres fois fessousa,  
 Mais l'amour d'Enirpé le fleuve l'embrasa,  
 Fleuve plaisant & beau sur tout autre du monde.  
 Elle s'alloit ébattre au long de la claire onde,  
 Et Neptun qu'il sceut, vne fois se cacha  
 Sous la forme du fleuve, & coyment se coucha  
 Le long de l'emboucheure, où par vn canal large  
 Dans les eaux de la mer le fleuve se décharge.  
 Puis comme vne montagne il h'ussa au milieu  
 Les flots pers tout autour: & la femme & le Dieu  
 Furent tous couverts d'eaux, où l'ayant endormie  
 La ceinture pucelle il rompit à s'amyer.  
 Puis ayant achené son amoureux plaisir,  
 La main de sa maistresse il accourut saisir,  
 Et luy dit, prens courage, ô la bien fortunee  
 En amour, tu auras vne belle lignee  
 Deuant qu'il soit vn an: i'amaïs l'attouchement  
 D'vn Dieu quel que ce soit ne porte vainement:  
 Partant aye le soin qu'elle soit esleuee  
 Ainsi qu'il appartient, dans ta maison priuee:  
 Adieu, & ne dy mot de nos larrons amours:  
 (Retourne chez ton pere en ses royales tours)  
 Je suis cil qui la mer & ses vagues modere  
 Avec mon fort trident, dont l'ire & la colere  
 Vient la terre ébranler, Neptum sceptre portant.  
 Il dit, & dans les eaux soudain se va iectant;  
 D'elle grosse, Nelee & Pelias nasquirent,  
 Qui le grand Iupiter tres-dignement seruirent.  
 La large Iaolcé Pelias habita  
 Aux champs fort spacieux (la terre conquesta)

*Et fut riche en bestail, & le hardy Nelee  
D'ailleurs Pyle occupa sablonneuse appelée.  
Or Tyro de Crethe, eut force autres enfans,  
Eson & Pherete en armes triumpfans,*

*Antiope Avec Amithaon. Là ie vy Antiope  
Qui fut fille autresfois du fleuve-Dieu Asope.  
Elle faisoit honneur de ce que Iupiter*

*Ses a-  
mours. Espris de son amour l'a voulu accoster,  
Dont elle eut Amphion & Zethé, qui bastirent  
Thebes, & qui premiers les fondemens y mirent,  
Y firent des maisons, & qui les sept portaux  
Lierent de forts murs & de rempars tres-hauts.  
Pource qu'ils ne pouuoient sans eux Thebes deffendre,  
Bien qu'ils fussent vaillans, & prompts à entreprendre.*

*Alcme-  
ne. Ie vy Alcmené aussi, qui femme avait esté  
Du preux Amphitrion : mais elle auoit gasté*

*Ses a-  
mours. Pareillement son lit, & commis adultere  
Auecques Iupiter : d'Alcide elle fut mere.  
Vn plus vaillant au monde & plus braue n'estoit,  
Et la force & le cœur d'un lion il portoit.*

*Megara I'auisay Megara la fille Creontide  
Qu'autresfois espousa le tres-fort Tyrintide.  
Ie vey Epicaſta, l'excellente en beauté*

*Epica-  
ſte. La mere d'Oedipus, grande en meschanceté  
Bien qu'elle n'en sceut rien, & qu'en sa conscience  
Elle fust inculpable : Elle fist grande offence*

*Ses a-  
mours. En espousant son fils : luy son pere meurtrit,  
Sur le lit maternel malheureux entreprit,  
L'sa mere portant amour desordonnée  
Incestueux brusla d'un mechant Hymenee:*

Mais aux hommes bien tost diuulgueren les Dieux  
 De la mere & du fils le forfait odieux :  
 Par le destin des Dieux en leur ire effroyable  
 Il regna longuement en Thebes l'amiable  
 Dessus les Cadmaëns, en douleurs, & trauaux  
 La mere descendit és Stigiennes eaux,  
 Et passa de Pluton la trespoussante porte,  
 S'estranglant par le col d'une courroye forte,  
 Vaincüe de douleur, ayant au soliveau  
 Estroittement lié le malheureux cordeau.  
 A son mary laissa en delaisant la vie  
 L'inceste en sa maison, en son cœur la furie,  
 Misere, regret, plainte, & dueil continuel  
 Dont tousiours fut puny le forfait maternel.  
 Apres ie vey Chloris la princesse amiable  
 Qu'espousa Neleüs, Chloris l'incomparable  
 En insigne beauté. Nelee fut vn iour  
 En son cœur ardemment espr., de son amour,  
 Puis l'ayant fiancee avec vn riche gage  
 Pour sa grande beauté la prit en mariage  
 Des filles d'Amphion la moins chargée d'ans,  
 L'Iaside Amphion, qui regna en son temps  
 En Pyle & Orchomene : eut lignee tres-grande  
 Et Chloris luy donna d'enfans vne grand bande.  
 Car Periclymenus, Chromius, & Nestor  
 Sortirent de son ventre, elle porta encor  
 La celebre Pero, de beauté tant extresme  
 Qu'elle fut en miracle à tous les hommes mesme.  
 Pero, dont tant de gens deuindrent amoureux,  
 Qu'estrangers, & voisins requirent, desireux

Chloris.

Ses a-  
mours.

De l'auoir pour leur femme, en sa beauté bruslerent,  
 Et les yeux gratieux de la Nymphé admirerent.  
 Mais à nul Neléus ne la voulut donner  
 Qu'à celui qui pourroit raurir & emmener  
 Le bestail d'Iphiclus, & tirer hors des bornes  
 Du lieu qu'il les serroit ses vaches aux grâds cornes.  
 Vn seul gentil deuin promet & se fit fort  
 Qu'il les iroit raurir iusques dedans leur fort,  
 Mais les destins des Dieux, cruels l'en empêcherēt  
 Auec les forts liens qui long temps l'attacherent,  
 Et les pastres aussi ruraux & rigoureux.  
 Mais apres tant de iours & de mois malheureux  
 Et beaucoup d'ans passez, l'ame rude & barbare  
 D'Iphiclus s'adoucit, tandis qu'il luy declare  
 Les choses à venir, Ainsi auoit esté  
 Du puissant Iupiter la bonne volonté.

Leda. Lors il me sembla bon de voir Leda, la belle  
 Femme de Tyndarus, qui en enfans excelle :  
 Elle enfanta Castor le parfaict escuyer,  
 Et Pollux l'escrimeur aduantureux & fier:  
 La terre les contient en vie assiduele,  
 De mesme souz la terre ils ont vie immortelle.  
 Ils sont viuans par tour, par tour ils vont mourant,  
 Et chacun à son tour en vie est demeurant  
 Et puis meurt à son tour : c'est vne alternatiue  
 Qu'un viue, l'autre meure, & mourant l'autre viue:

Iphimedie. Apres Iphimedie à moy se presentoit  
 Femme d'Aloëus, elle me racontoit

Ses amours. De l'amour de Neptun, qui l'auoit pour suiue:  
 Elle en eut deux enfans & courte fut leur vie.

Le braue Ephialtes & Otus le puissant.  
 La terre les nourrit, l'un & l'autre croissant  
 En extrême hauteur, en beauté admirable,  
 Et nul n'estoit à eux en force comparable.  
 Que le fort Orion, qui certes les passoit.  
 Ils n'auoient que neuf ans que chacun paroissoit  
 Par le milieu du corps gros comme neuf coudees.  
 Leurs enormes longueurs ne furent excudees  
 De neufaulnes entiers : Orgueilleux ils haussioient  
 Leur teste vers l'Olympe & les Dieux menaçoient  
 De guerre & de combat. De faict ils l'entreprirent  
 Et leminent Ossa dessus l'Olympe mirent,  
 Et sur luy Pelion haussèrent outrageux,  
 Pelion noir de bois, & d'arbres ombrageux.  
 Ils en fussent venu about, si d'auantage  
 La saison eust meury & renforcé leur aage.  
 Mais Apollo, le fils de Iupiter puissant  
 Que Latone enfanta au cheueu iaunissant  
 Les mit tous deux à bas, & de ses dures fleches  
 Au trauers de leurs corps fit de mortelles brèches:  
 Ils n'auoient pas atteint leur aage fort encor  
 Et leur menton n'estoit frisé de coton d'or.

I'y vy Phædra, Procris, Ariadné la belle  
 La fille de Minos, la fortune cruelle  
 Le pressoit fort alors, que du bord Cretien  
 Theseüs la-rauit, pour au Cecropien  
 Par la mer l'enleuer : Et toutesfois Thesee  
 Ne iouyt pas long temps de la mal aduisee:  
 (A cause qu'il estoit trompeur & deceuant.)  
 Car la sœur d'Apollon Artemis, parauant

Phædra,  
 Procris.  
 Ariadné



*En resolution de la rendre facile*

*Au bon Denis, l'auoit arrestee en vne Isle.*

*I'y vy Mera, Clymene, & Eriphyle encor*

*Pour trahir son mary prenant vn collier d'or.*

*Mais de vous raconter toutes les Heroïdes*

*Que ie vy frequenter les bords Acherontides*

*Il m'est fort mal-aisé. Plustost seroit passé*

Vlysses L'ombrage de la nuit au cresse noir poissé.

veut fi- L'heure passe & les feux qui au ciel estincellent

nir son discours Desia piroüettans au sommeil nous appellent:

*A nos vaisseaux legers ie m'en retourneray,*

*Ou si le trouuez bon ceans ie dormiray,*

*Les Dieux, & vous aurez le soin de ma retraite.*

*Il dit, & vn chacun eut la bouche muette*

Areté Ravis de grand plaisir: Quand la Reyne leur dit,

apres Quel honneur, Phæaquois, en cest homme reluit!

qu'Vlyf Quelle prestance belle, & quel hardy courage,

ses eut Quelle taille: & combien est orné son langage!

parlé. Il est mon hoste à moy: mais vn chacun pourtant

*Aura part à l'honneur qu'il nous va departant.*

*Mais ne vous hastez pas si tost de le conduire*

*Au port, & de le faire entrer dans le nauire,*

*Et ne luy faites pas vos dons & vos presens*

*Comme à quelque indigent. Or nous auons ceans*

*Dequoy tres-bien le faire, auons en abondance*

*Et richesses, & biens, par la munificence*

*Et grand bonté des Dieux. Lors le Phæacien*

*Echeué, de tous eux lors le plus ancien*

*Dit ainsi, Mes amis, ce que la Reyne sage*

*Vous a mis en auant par son prudent langage*

*Est tres-bien digéré: Je vous pry quant à moy  
De luy obtemperer: Sera honneur au Roy  
De la suyre en cela. Au Roy sied de conduire  
Un Roy dessus la mer, & l'ayder de nauire.*

*Adonc Alcinoüs. Il sera fait ainsi,  
Tant que j'auray de vie en ce bas monde icy  
Et que j'auray pouuoir sur les gens de Phæace  
Qui sçauent bien ramer. Mais nostre hoste de grace  
Attende encore un peu, combien qu'il soit pressé,  
Et iusques à demain, tant que j'aye amassé*

Alcinoüs  
promet  
encore à  
Vlysses  
escorte  
pour s'en  
retour-  
ner.

*Ce qu'on leur donnera, & quand à son escorte  
Mes gens, qu'incessamment i'y pousse & i'y exhorte,  
En auront prou de soing: moy principalement  
Qui ay dessus ce peuple entier commandement.*

*A qui dit Vlysses. Alcinoüs Roy digne,  
Et des Princes & des Rois le Roy le plus insigne,  
Si tu me commandois de faire icy séjour,  
Tant que l'an tout entier eust parfourny son tour  
Je t'obtempererois. Que si tu m'accompagnes  
De gens & de presens sur les bleuës campagnes,  
Tu en seras tant plus en honneur exalté,  
Et moy, i'en receuray plus grande utilité,  
I'en seray mieux venu, mon retour honorable  
En sera beaucoup plus à mon peuple agreable  
Quand ils me reueront arriuer au pais  
Suiuy d'hommes, & pleins de presens infinis:*

*Auquel Alcinoüs. Ta façon, ô Vlyssé,  
N'est point d'un affronteur, d'un confit en malice,  
D'un trompeur, d'un menteur: comme il y en a tant  
Sur la terre aujourd'uy, qui vont haut se ventant*

Bien qu'ils ne valent rien, sont pleins de menterie,  
 Faisans les gens de bien, v'sans d'affronterie,  
 Tellement qu'à grand peine on s'en pent garantir.  
 Le beau parler qu'on oit de ta bouche sortir  
 Monstre de ton esprit l'excellence & l'adresse:  
 Tu nous as raconté de tous ceux de la Grece

Alcinoë  
 prie  
 Vlysses  
 de con-  
 tinuer  
 son dis-  
 cours.

Les histoires & faits, & puis les grands dangers  
 Que tu as tant couru dessus les flots legers,  
 Comme quelque poëte aymé des Aonides:  
 Or dy nous les heros qu'aux eaux Acherontides  
 Tu vis pareillement, & ceux de tes amis  
 Qui combatans à Troye ont succombé, soumis  
 A la mort violente, & sont deffous la terre,  
 Ayans acquis renom immortel par la guerre.  
 La nuit est longue assez, l'heure de sommeiller  
 N'est pas venue encor, puis il faiët beau veiller.  
 Conte nous de la bas les plus rares merueilles:  
 (Je te rendray du tout ouuertes mes oreilles,)  
 Et pendray desireux de tes graues propos,  
 Jusqu'à tant que l'Aurore au chariot dispos  
 Nous ramene le iour: pourceu que tu nous dies  
 Tes trauaux, tes labours, tes peines infinies.  
 Lors le Laërtiade, vn temps est pour parler,  
 O Roy tres-excellent, & temps pour sommeiller.  
 (Nous auons assez d'heure & de tēps, pour estendre  
 Nos discours toute nuit.) Donc si tu veux entendre  
 Mes ennuyeux trauaux, les fortunes aussi  
 Et les hazards pour moy suportez, jusqu'icy,  
 Certes ie le veux bien: & les morts deplorables  
 Que i'ay veu, qu'ont souffert mes amis miserables,

Tant ceux qui deuant Troye ont bastý leurs tóbeaux,  
 Que depuis ceux qui sont submergez soubz les eaux:  
 Et ceux là qui encor' es combats inuincibles  
 S'estans sauuez des coups & des lances horribles  
 Sont venus, las, mourir en leur propre maison  
 Par la mechanceté, l'astuce & trahison  
 De leur cruelle femme, en la gorge coupee,  
 Et sont cheuiz souz l'effort de la trenchante espee.

Vlyse  
cōtinuē  
son dis-  
cours.

Si tost que Proserpine eni fait haster le pas  
 Aux femmes, & les eut faictes serrer la bas :  
 Voicy voler à moy l'ombre ( toute ensaignée )  
 Du Roy Agamemnon, d'autres accompagnée,  
 Qu' Aegistus autresfois sous le cruel effort  
 Du destin, auoit mis chez luy mesmes à mort  
 Il beut du sang, si tost que i'en caché mes armes,  
 Et puis me recogneut. Adonc fondant en larmes,  
 Pantelant de soupirs, deuers moy se rendit  
 Me voulant embrasser, & la main me tendit.  
 Mais, las! il n'auoit plus de veines ne d'arteres,  
 Et son corps manque estoit de ses forces premieres.  
 Lors mon cœur fut saisi de tristesse & d'ennuy.  
 Voyant son triste estat, & pleurant avec luy.

Agamē-  
non.

Excellent fils d' Atreus, ce me pris-je à luy dire,  
 Qui sur les hommes euz un si puissant Empire,  
 Quelle triste fortune & quel cruel effort  
 Ou quel cruel destin t'a mis ainsi à mort?  
 Neptune t'a-il point englouty soubz les ondes  
 Renuersé dans les flots de ses vagues profondes?  
 Ou bien, serois tu point tombé hostilement  
 Par le fer des meschans, combatant hardiment

Pour rair en tes naufs le bestail des campagnes,  
 Ou par l'espee oster les brebis des montagnes,  
 Ou bien cetempendant que tu vas assiegeant  
 Les superbes citez, & leurs murs rauageant  
 Pour les femmes, es tu tombé deffouz les armes?  
 A quoy le fils d'Atreus me dit, fondant en larmes.

O fils de Laërtes, race de Iupiter  
 Qui sçais en ton esprit grandes choses traicter,  
 Je ne suis point pery souz les eaux de Neptune,  
 Je n'ay point par les vents couru ceste fortune,  
 Je ne suis point tombé deffouz mes ennemis,  
 Le perfide Aegystus & ma femme m'ont mis  
 En l'estat que tu vois: femme fausse & traistresse,  
 Qui tandis qu'Aegystus ses embusches me dresse,  
 Et à souper chez luy doucement m'inuitoit,  
 Massacre, trahison, & malheur m'apprestoit.  
 Comme nous soupptions donc les méchans me percerēt  
 D'infinité de coups, & mort me trauerferent,  
 Sans armes, sans soupçon. Comme qui meneroit  
 Vn bœuf deuant l'estable & là l'assommeroit.  
 Je fus ainsi tué, puis mes gens miserables  
 Furent tous esgorgés par ces abominables,  
 De la mesme façon qu'on abbat les pourceaux  
 Quand quelque riche faiēt ses festins nuptiaux  
 Alors qu'il se marie & ses nopces ordonne,  
 Ou quand à tout plaisir son ame il abandonne.  
 Tu as veu force gens qui souz les durs efforts  
 De Mars, en combatant, sont peris & sont morts:  
 Mais si tu eusses veu ce forfait execrable  
 Tu en eusses pleuré, tant il fut pitoyable.

*Là parmy le festin, les tables, renuersez,  
Et les pots, nous estions l'un sur l'autre entassez;  
Le sang qui de nos corps à gros ruisseaux deualle  
Humectant remplissoit le pavé de la salle.  
Et comme ie rendois les extrêmes abbois,  
De la fille à Priam i'ouy la triste voix  
Mourant aupres de moy, de la pauvre Cassandre  
De qui les malheureux vindrent le sang espandre.  
Ce fut Clytemnestra de toute iniquité  
Ouvriere abominable, & d'infidelité  
Et de ruse ministre: elle auoit prise en haine  
L'amie de Phœbus, l'impudente vilaine.  
Les mains ensemblement aux Astres ie haussais  
Sur la terre veautré, soubz le fer trespassais  
Palpitant & tremblant, & la fausse meurtriere  
En me fuyant, tourna son regard en arriere.  
Elle n'eut pas le cœur de me fermer les yeux  
Nela bouche, en tombant au fleuve Stygieux.  
Voyez comme rien n'est si méchant qu'une femme,  
Qui rumine en son cœur, & machine en son ame  
Toute sorte de mal & de desloyauté,  
Comme a fait ceste cy, traistresse ayant osté  
La vie à son mary. Ie passois mes attentes  
De reuoir mes enfans, mes gens & mes seruantes.  
Ie pensois arriuer en prospere saison,  
Et d'estre bien venu de toute ma maison,  
Mais ceste preude femme a fait une besongne  
Pleine de deshonneur, de honte & de vergongne.  
Qui plus est, son opprobre & sa meschanceté  
Porteront infamie à perpetuité,*

Non seulement à elle & aux autres infames,  
Mais aux sages encore & aux honnestes femmes.

Ainsi qu'il acheuoit ie luy dy promptement:

Helas! que Iupiter continuellement  
Agite de là haut la race des Atrides  
Par les mechancetez, les dols, les homicides  
Des femmes, & combien la colere des Cieux  
Punit ceste maison pour leur train vicieux,  
Car à beaucoup de gens ta belle sœur Heleine  
La premiere a porté mort, douleur, perte & peine,  
Et puis Clytemnestra par sa desloyauté  
T'a malheureusement comme tu vois traité.

I'en dit, & le propos encor' il m'en tamente.

- « Il ne se faut iamais fier en une femme
- « Ayant la vanité. ( rien qu'infidélité
- « Ce sexe ne produit, rien que méchanceté.)
- « Ne leur sois indulgent ny par trop debonnaire,
- « Ne luy fay iamais part de ton secret affaire,
- « Et si tu veux celer & taire quelque cas
- « Tu feras sagement de ne luy dire pas.

Quelques choses pourtant sont bonnes reuelees,  
Les autres veulent estre entierement celees:  
Mais tu n'as rien de mal à craindre du costé  
De ta femme, Vlysses, car toute honnesteté,  
Tout honneur loge en elle, & la fille d'Icare  
La sage Penelope, est une perle rare.

Certes il n'y auoit pas encores fort long temps  
Qu'elle estoit mariee, à l'heure que montans  
Sur la mer, nous marchions contre Troye la belle,  
Et ton fils luy pendoit alors à la mammeille.

*Petit enfant encor, asteure se seant  
Entre les hommes grands. Tres-fortuné enfant  
Alors qu'il accourra au deuant de son pere  
Qu'il sera spectateur de son retour prospere,  
Et puis l'entretiendra de propos, de deuis.*

*M'a miserable femme, hélas! ne ma permis  
Me voir le mien mon saoul, mais au premier rencôtre  
A l'enfant & à moy a donné malencontre.  
Or pren ce mien conseil ie te prie, & me croy.  
Vien plustost à couuert qu'ouuertement chez toy;  
„ Il n'y a pas tousiours aux femmes grand fiance.  
Mais dy moy ie te pry, si tu sçais d'assurance  
Comme il va de mon fils, s'il est viuant encor,  
S'il est en Orchomene, ou s'il est chez Nestor  
Le bien-heureux vieillard à Pyle sablonneuse,  
Ou à Lacedamon, à Sparte spatieuse  
Auec Menelaüs, car encores n'est pas  
Le diuin Orestes descendu icy bas.*

*Il me parloit ainsi, & ie luy dis encore:  
Que me demandes-tu, fils d'Atreus? car i'ignore  
De ton fils Orestes la fortune & le sort,  
Et ne sçay pour certain s'il est viuant ou mort,  
Ie ne t'en puis que dire: & c'est une grand peine  
Que de vouloir parler d'une chose incertaine.*

*Comme nous deuisions ainsi baignez en pleurs,  
Et tristes racontions nos maux & nos douleurs:  
Voicy venir à nous l'ombre du preux Pelide  
Achilles, de Patrocle, & celui du Nelide  
Le bel Antimachus, d'Ajax semblablement  
Qui de force & beauté passoit enticrement*

Achilles  
Patro-  
clus.  
Antima-  
chus.  
Ajax.



338 LE VNZIESME LIVRE  
Tous les Grecs, excepté le vaillant *Aeacide*.

Alors me recogneut l'ame du *Peleïde*,  
O fils de *Laërtes*, *Vlysses*, nompareil,  
( Me dit-il en pleurant ) en prudence & conseil,  
Quelle entreprise encor' as tu si hazardeuse  
Que d'estre venu voir ceste terre hideuse?  
Qui te meut de venir avec si grand soucy  
Reuisiter les lieux de ce royaume icy,  
Où tu ne verras rien que miserables ombres,  
Qu'images d'hommes morts, que simulacres sombres,  
De temeraires morts les malheureux esprits?

Après qu'il m'eut parlé, à dire ie me pris,  
O fils de *Peleüs*, *Achilles* en proiësse  
De bien loing surpassant tous les Princes de Grece,  
Ie suis venu icy afin de consulter  
Le deuin *Tiresie*, & de luy m'enquister  
Du moyen que j'auray de reuoir ma patrie:  
Car ie ne suis encor passé en *Achaïe*,  
Ie n'ay point encor veu ma maison : le malheur  
M'a tousiours poursuiuy, ie n'ay eu que douleur.  
Mais toy, tu es heureux *Achilles*, homme au monde  
Soit mort ou soit viuant, en fortune n'abonde  
Plus contente que toy : car deuant ton trespas  
Nous te portions honneur, nous faisons de toy cas  
Entre nous autres Grecs. Et or' apres ta cendre  
Sur les ames des morts tu viens ton regne estendre.  
Ainsi tu n'as sujet de te desconforter,  
Quelque mort que ie sois, ny de te contrister,  
Car par tout où tu es tu obtiens quelque empire.  
A ces mots *Achilles* se prit ainsi à dire:

Tres-fameux Vlysses ne me ramentoy pas,  
 Je te supply, la mort, ny les lieux d'icy bas:  
 J'aymerois cent fois mieux estre homme de village,  
 Et servir par les champs avec un peu de gage  
 Quelque homme, tant fust-il & pauvre & indigent,  
 Que commander icy dessus toute la gent  
 Des ames des enfers. Mais dy moy quelque chose  
 De mon fils, si tousiours de suiure il se propose  
 Le mestier de la guerre, ou non : & de Pelés,  
 Mon pere genereux, t'en a ton point parlé?  
 Luy fait-on de l'honneur encor' en Theffalie  
 Entre les Mirmidons en ma ville de Phie?  
 Ou, le mesprise-t-on à cause de ses ans,  
 Qu'il a foibles les mains, les pieds gourds & pesans?  
 Car ie n'ay du Soleil la belle iouyssance,  
 Et ie ne suis plus tel pour en faire vengeance,  
 Que i'estois deuant Troye, alors que renuersant  
 Les bataillons entiers, i'allois tout fracassant  
 Combattant pour les Grecs. O si i'estois asteure  
 Semblable! voire moins & vif, en la demeure  
 De ce pauvre vieillard, ie leur montrerois bien  
 La force & la roideur de mes bras, & combien  
 J'aurois encor' assez de cœur & de puissance  
 De les mettre à raison, & de venger l'offence  
 De ceux qui luy font tort, ont sur luy entrepris,  
 Dedaignent sa vieillesse, & l'ont à tel mespris.

Pour ton pere, luy dis-je, ô plein de force extrême,  
 Je n'en ay rien ouy. Quant à Neoptoleme  
 Je te conteray tout puis qu'ainsi tu le veux,  
 Car ie l'allay querir sur les flots orageux

Jusqu'au bord Scyrien, l'amenay en l'armee,  
 Où combattoit des Grecs la ieunesse animee.  
 Toutes & quantes fois qu'on entroit au conseil  
 Deuant les murs de Troye, il estoit nompareil  
 En discours, en propos, nul n'auoit la puissance  
 De parler deuant luy en grace & eloquence,  
 Sans plus moy, & Nestor le sage Prince vieux  
 Contendions avec luy à qui parleroit mieux.  
 Mais puis, quand on venoit à courir aux alarmes  
 Qu'il falloit manier & les mains & les armes,  
 Avecques le commun point il ne croupiissoit,  
 Mais tousiours le premier sur tous il paroissoit  
 Et en force & en taille, il n'arrestoit en place,  
 De tous costez monstrois son cœur & son audace;  
 Ne cedit à personne, ains tousiours assaillant  
 L'ennemy, tuoit tout, tout alloit detaillant.  
 Certes ie ne sçaurois te conter sa vaillance,  
 Nommer combien de gens tua sa forte lance,  
 En deffendant les Grecs: mais quand il mit à mort  
 Le fils de Telephus Eurypile le fort,  
 Ses gens autour de luy en nombre s'allierent  
 Mais sous sa forte main roides morts ils tomberent,  
 Cethyens ( qui des Grecs se firent ennemis );  
 A la faueur des dons de femme à eux promis.  
 Ie n'en vy iamais vn si beau, si haut encore,  
 Hors-mis le seul Memnon le beau fils de P. Aurore.

Puis quand on fut entré dans le cheual de bois  
 Qu'auoit faict Epeus, (la charge i'en auois,  
 Le tout m'estoit commis, soit de fermer l'entree,  
 Soit de faire sortir l'embusche & la ventree)

Les plus braues trembloient de frayeur pastissans  
 En cachette essuyoient les pleurs sur eux glissans,  
 Mais ie ne vy iamais ton fils changer de face,  
 Ne pleurer, ne trembler: me pria plein d'audace  
 De le laisser descendre en haste du cheual,  
 De sortir de l'embusche, & de sautel à val.  
 Il branloit son espee & son horrible lance  
 Au luisant bout d'airain, portant mort & vengeance  
 Aux malheureux Trôyens, & leur dernier trespas.

Apres, ayant ietté les murs de Troye à bas,  
 Et que toute Phrygie en flamme consumée  
 Fit ondoyer en l'air sa funebre fumée.  
 Il monta sur la mer de dépouilles chargé,  
 Sans auoir de blesseure esté endommagé:  
 Comme il aduient souuent, lors que Mauors terrible  
 Esmeut les bataillons, & de démarche horrible  
 Se meslant au trauers les coutelas trenchans,  
 Et de sang & de pleurs il détrempé les champs.

Comme i'eus acheué, d'une braue desmarche  
 Et d'un pas orgueilleux le Heros se desmarche:  
 Sautelant il alloit par les prez florissans,  
 Et par les champs herbus tels qu'ils sont verdissans,  
 Contant d'auoir ouy raconter de l'adresse  
 De son fils, & parler de sa grande proïesse.

D'autres esprits de morts, noirs de deuil & blasfames  
 Me contoient leurs douleurs autour de moy espars:  
 La seule ame d'Ajax s'esloignoit indignée  
 Pour ma victoire acquise, & contre luy gagnée,  
 Des armes d'Achilles, suyuant le iugement  
 Donné pres des vaisseaux à mon contentement.

*Ainsi le proposâ sa venerable mere,  
 Et les fils des Troyens, & Pallas droit turriere  
 Donnerent la sentence, ( & chacun decretoit  
 Que la vertu d'Ulyssé vn tel prix meritoit. )  
 Que n'eussay-je iamais obtenu ceste gloire  
 A ceste occasion, & pour ceste victoire.  
 Ce braue chef de guerre Ajax, las ! en est mort,  
 La terre l'a couuert, qui estoit le plus fort  
 Et le plus beau des Grecs, fors irreprehensible  
 Achilles, beau de corps & de force inuincible.*

Ajax ne veut parler à Ulysses. *Je luy voulu parler, l'appellant par son nom  
 Fort amiablement. Fils du bon Telamon,  
 Luy dy-je, ô grand Ajax, hé ! ne se peut-il faire  
 Que tu puisses vn peu moderer ta colere,  
 Rabattre du courroux qui te mine si fort,  
 Et te faict me hayr mēsmes apres ta mort,  
 Pour les armes d'Achille ? armes trop odieuses,  
 Et qui furent par trop aux Grecs pernicieuses,  
 Par le vouloir des Dieux : Toy leur meur, leur rāpart.  
 Or nous n'auons pas moins deplore ton depart  
 Que celuy d'Achilles, nul des Grecs, à vray dire,  
 N'est cause de ta mort : c'est la haine, c'est l'ire  
 De Iupiter sur nous, qui ietta sur sur ton chef  
 Le ruynieux accez de ce triste mechef.  
 Ne laisse pas pourtant, ô des Rois la merueille,  
 De t'en venir icy & me prester l'oreille,  
 Surmonte ie te pry, le depit de ton cœur,  
 Et te ren genereux sur ton ire vaincœur,  
 Il ne me respondit vne seule parole,  
 Mais au trauers d'Erebe indigné il s'en volle*

*Veis les autres esprits, ie n'eusse pas laissé  
De parler avec luy, combien que corroussé,  
Mais i'en trop grand desir de voir les autres ombres.*

*I'aduisay là Minos iuge des cachots sombres,  
Le fils de Iupiter: sur son siege il estoit,  
Vn puissant sceptre d'or en sa main il portoit,  
Donnoit son iugement, prononçoit sa sentence  
Sur les ames des morts, & deuant sa presence  
D'autres ames plaidoient, & là dans la maison  
De Pluton Roy de Styx il leur faisoit raison.*

Minos.

*Je vy là Orion courant par les prairies,  
Et foulants les guerets des campagnes flories,  
Les bestes pourchassant qu'il auoit autresfois  
Renuesé de son dard par les champs, par les bois.  
Il promenoit tousiours sa luisante massüe  
Encore toute entiere, & nullement rompüe.*

Orion.

*Je vy Titye aussi le grand & fier Geant  
Qui fut fils de la terre. Il estoit là gisant  
Estendu sur le sable, & son horrible place  
De neuf arpens entiers parfournissoit l'espace.  
Son foye est bequeté sans cesse de v autours,  
Qui font sans qu'il les chasse autour de luy cent tours,  
Latone à force il prit, de Iupiter ainee,  
S'en allant à Pytho le long de Panopæe.*

Tityus.

Tâtalus.

*Là Tantalus estoit, son cœur cruellement  
Sans cesse estoit pressé d'un horrible tourment.  
Il estoit au milieu d'une source profonde,  
Sa barbe surnageoit dessus le frais de fonde,  
Et si mouroit de soif: car si tost qu'il pensoit  
Ses lèvres y mouïller, l'eau fuyant se baïssoit*

Et ne vouloit l'attendre. Autant de fois qu'il cuide  
 S'enclinant attrapper la fontaine liquide,  
 Autant de fois souz luy la fontaine s'enfuit,  
 Et trompant l'alteré viste s'esuanoyt:  
 En terre souz ses pieds la source s'est cachée,  
 Car le triste démon son onde auoit sechée.  
 Les arbres d'autre part leurs fruiets luy presentoient,  
 De pommes leurs rameaux tous chargez esclatoient,  
 Poires, figues, pawi, pendoient sur le pauvre homme.  
 Dés qu'il haussait sa main pour prendre quelque pôme  
 Viste elle s'enfuyoit, & dessus luy le vent  
 Dans les nuës de l'air la pomme alloit lenant,  
 (Et regardant sa main il l'apperceuoit uide.)

Sisyphus Je vy pareillement Sisyphes l'Acolide  
 Tourmenté grandement, souffrant maux inhumains,  
 Et tournant sans repos un rocher en ses mains.  
 Souuent s'appuyant contre, & de toute sa force  
 Poussant de pieds, de mains, le monter il s'efforce:  
 Et de fait il le monte, & haletant le met  
 Contre le bord penchant de l'escarpé sommet:  
 Mais pensant auoir fait, la roche espouventable  
 Se coulant de ses mains eschappe au miserable,  
 Roule tant qu'elle peut, tombe en terre là bas,  
 (Et fait en routelant un horrible fracas.)  
 La force luy defaut, toutesfois il retourne,  
 Rempoigne son rocher & contre mont le tourne:  
 Alors une sueur par tout luy distillant  
 (Ainsi qu'à gros ruisseaux) sur son corps va coulant.  
 Le poussier esleué sur la terre s'entasse,  
 (Et se baissant de force en terre il met sa face.)

J'aduisay par apres le simulacre vain  
 Et l'idole. leger d'Alcide le deuin:  
 Car il est quant à luy sur le Ciel, à la table  
 Des grands Dieux immortels en festin delectable,  
 Avec sa femme Hebé, & belle & ieune encor,  
 La fille de Iunon aux talonnières d'or,  
 Et du grand Iupiter. Vne importune bande  
 D'ames, ainsi qu'oyseaux faisoïent rumeur biẽ grande,  
 Et pres de luy voloient, & l'idole poisseux  
 Son vain arc en la main & la flèche dessus,  
 Guignoit sur les esprits d'un regard effroyable,  
 A un qui veut tirer entierement semblable.  
 Dessus son estomac apparoiſſoit encor  
 Son horrible baudrier: la chaisne en estoit d'or,  
 Dessus estoient grauez de merueilleux ouurages,  
 Et d'ours & de lions & de sangliers sauvages,  
 Ses exploicts, ses combats, les trespas & les morts  
 Qu'il donna en sa vie aux monstres les plus forts.  
 Que celuy qui l'a fait n'en face onc de semblable  
 Y ayant employé son art inimitable.

Alcides (parmy l'air tenebreux m'apercent,)  
 Et m'ayant aduisé fort bien me recogneut,  
 Si me dit souſpirant l'Aphitrioniade:  
 Race de Iupiter, ô grand Laërtiade  
 Sage, prudent & fin, tu es bien malheureux  
 Si tu as le destin cruel & rigoureux  
 Ainsi que ie l'auois, lors que i'estois en vie  
 Et voyois du Soleil la splendeur infinie.  
 Car combien que ie fusse enfant de Iupiter  
 Ie ne laissay pourtant de tousiours supporter



346 LE VNZ. LIV. DE L'ODYSS.  
Infinité de mal, reduit soubz la puissance  
D'un homme inferieur de race & de vaillance,  
Qui m'alloit exposant à cent mille hazards:  
Il m'enuoya un iour en ces regnes blaffars  
Pour en rair le chien, ne pensant pas possible  
Chose au monde pour moy plus griesue & plus hor-  
Ie se hleuay pourtant, le mis hors des enfers, (rible.  
Mercure m'assistant & Minerve aux yeux pers.

Quand il eut ainsi dit, il retourna descendre  
En bas deuers Pluton, & ie voulus attendre  
Si quelqu'un viendrait point de ces hommes hardis.  
Ces Heros anciens qui moururent jadis.  
Et possible quelque ame en eussay-je aduisee  
De ceux que ie voulois, ou celle de Thesee  
Ou de Pirithoüs, qui sont des Dieux venus.

Mais voicy arriuer de mille esprits menus  
Images des deffunets une innombrable bande  
Faisants un tresgrād bruit. Lors une frayeur grande  
Me saisit tout le cœur, ne scachant que douter  
Si Proserpine en fin ne feroit point monter  
Des enfers deuers moy, la criniere felonne  
Et l'effroyable chef de l'horrible Gorgonne.  
Qui fit que tout soudain ie retourne au vaisseau,  
Et commande à mes gens de remonter sur l'eau  
Et prendre nostre route. Eux soudain m'obeyssent,  
Se seent sur les bancs & les rames saisissent,  
Le flot sur l'Ocean va la barque enleuant  
En premier par la rame, & puis par le bon vent.

Vlysses  
remôte  
de chez  
luy en  
en son  
vaisseau

Fin de l'Vnziesme Liure.



# LE DOVZIESME

## LIVRE DE L'ODYSSEE

### D'HOMERE.

#### ARGUMENT.



Lysses estant de retour des enfers, retourne vers Circé, enterre Elpenor, se remet sur mer, passe les Sirenes, & par quel moyen se sauue des rochers errâs, de Scylla & de Charybdis. Arriue en Trinacrie, où ses gens mangēt les bœufs du Soleil. Son nauire & tous ses gens sont submergez. Il se sauue seul à nage en l'Isle de Calypso.

---

#### AUTRE SOMMAIRE.

*Les Sirenes, leur chant, le vagabond escueil,  
Carybdis & Scylla, puis les bœufs du Soleil.*



Comme nostre nauire eut delaiissé les ondes  
Du cours de l'Ocean, & ses riuës profondes,  
Dedans la large mer nous entraſmes tirez,  
Tant que nous paruinſions dans les ports deſirez  
De l'Isle de l'Aee, où font leur demeurance,

Vlyſſes  
de re-  
tour  
chez  
Circé.

348 LE VNZIESME LIVRE  
 Et l'Aube matinier & les jeux & la danse,  
 Et le liët du Soleil, Arrivez sur le port  
 Nous lions nostre barque, & s'approchans du bord,  
 Nous sortons à la rive & dessus therbe tendre  
 Chacun pour reposer sa ses membres estendre  
 Attendant & l'Aurore & son diuin retour.

Or apres que l'Aurore eust remené le iour  
 Avec ses doigts rosins paroissant matinier,  
 (Et eust de ses cheueux commencé la carriere.)  
 Soudain mes gens i'enuoye au palais de Circé  
 Pour apporter le corps d'Elpenor renuersé  
 Du haut de la maison, puis coupants en grand nombre  
 Arbres, feiüllards, rameaux, sur le riuage sombre,  
 Apres auoir sur luy pleuré suffisamment,  
 Il est enseuely fort honorablement.  
 Le corps estant brulé aux flammes allumees,  
 Et ses armes ensemble avec luy consumees,  
 Son tombeau fut haussé de terre à l'environ  
 Et fut sur le sommet posé son auiron.

Tandis nostre retour à Circé ne se celle,  
 Laquelle tout soudain, mainte Nymphe apres elle  
 Vistement accourant, nous venoit fournissant  
 De viures, & de pain, & de vin rougissant:  
 Adonc nous regardans atterrez de tristesses  
 Ainsi parler nous vint la Deesse aux Deesses.  
 Pauures gens, qui auez deux fois la mort souffert,  
 Viuans estes entrez dedans l'abisme ouuert  
 Du redoubté Pluton, combien que tout le monde  
 Ne voye qu'une fois l'Erebe & sa noire onde,  
 Et ne meure qu'un coup. Or vous resiouyssez

Il inhu-  
me le  
corps  
d'Elpe-  
nor.

Circé  
vient  
à Vly-  
ses.

Et tout le long du iour vos forces redressez,  
 En mangeant & beuuant & faisant bonne chere.  
 Demain dès que Titan ouurira sa carriere  
 En mer de meilleur cœur vous vous reietterez,  
 (Et sur le point du iour les eaux retenterez.)  
 Je vous enseigneray le chemin qu'il faut prendre,  
 Vos routes, vostre cours ie vous feray entendre,  
 De peur que d'auanture estans mal conseillez  
 Soit que soyeZ en terre ou en mer trauallez,  
 Si le mal, la douleur, vous presse & vous rencontre,  
 Tristes vous ne tombiez en quelque malencontre.

Elle acheue de dire, & lors nous commençons  
 A reprendre un peu cœur & nous resiouyssons  
 Tout le iour à la table, & de sours deliures  
 Assis, nous remplissons & de vins & de viures.

Mais dès que le soir vint & Titan se cacha,  
 Alors sur le tillac un chacun se coucha,  
 Et le sommeil le prit : & la sage Deesse  
 Me prenant par la main, me tira de la presse,  
 Et me faisant assoir pres d'elle, me requit  
 De ce que i'auois veu, de tout de moy s'enquit,  
 Et ie la satisfaiet. Ce faiet la Nymphé insigne  
 Me parla doucement de sa bouche benigne.

Tout ce que tu m'as dit est fort bien accompli  
 Il n'y a que redire. Or re mets en oubly  
 Ce que ie te diray pour les choses futures  
 Comme si les Dieux m'esme ouuroient tes aduantures  
 Et te les declaroient, retient le fermement  
 Et l'observe soigneux. Donc tout premierement  
 Il te faudra, rasant les escumeuses plaines

Circé  
 cōtinuē  
 d'in-  
 struire  
 & d'ad-  
 uertir  
 Ulysses.

Les Si-  
renes.

Approcher de bien pres les rochers des Sirenes,  
 Enforcellant le monde en leurs doucereux chants:  
 Ceux qui par prudence en vont trop approchans,  
 Et de leur voix tant douce & miellée à merveilles  
 Le doux air tant soit peu goustent de leurs oreilles:  
 Non, il ne leur chaut pas de femmes ny d'enfans,  
 Le païs, les amis ne les vont eschauffans  
 Pour retourner les voir, tant les fieres Sirenes  
 Les vont enforcellant de leurs douces halenes.  
 Esparses par les prez. Là est un grand monceau  
 D'os des hommes pourris, leur charongne, leur peau  
 Qui pitoyablement à l'entour se pourrissent,  
 Les rinages, les prez, & l'air empuantissent,  
 Par ainsi tout soudain que tu approcheras,  
 Les oreilles de cire à tes gens boucheras,  
 Si que bien estoupperez ils ne puissent entendre  
 Les Nymphes, & leurs sons de leurs oreilles prendre.  
 Si toutesfois tu as desir de les ouyr  
 Et du sucre attrayant de leurs chansons iouyr,  
 Fay toy lier au mast d'une corde bien forte  
 Et les pieds & les mains. Passant en ceste sorte.  
 Tu les pourras ouyr: que si tu les priois  
 De deslier la corde enchantec par leur voix,  
 Et voulusses aller avec impatience  
 Les Sirenes trouver: Ayes en souvenance  
 De bien dire à tes gens, que tu sois plus pressé  
 Plus tu voudras aller. Quand vous aurez passé  
 Toy & tes compagnons ces femmes malheureuses,  
 Les routes puis apres des ondes dangereuses  
 Qu'il te faudra tenir, ie ne puis bonnement

Te dire celles là le plus commodément  
 Tu pourras enfoncer, mais c'est à ta prudence  
 De les considerer. Aye donc souvenance  
 De ce que ie te dy. Deux rochers sont en mer,  
 Les Dieux communément les ont voulu nommer  
 Errans & vagabonds : A l'entour d'eux resonnent  
 Les vagues de la mer, & fierement bourdonnent.  
 Les oyseaux parmy l'air volans legerement,  
 Ny les pigeons craintifs qui portent mesmement  
 Au Ciel à Iupiter la celeste Ambrosie  
 Ne les peuuent passer, (ains y laissent la vie,  
 Aumoins pour la plus part.) Car tousiours au passer  
 Le rocher en atrape; & pour les remplacer  
 Le bon pere tousiours d'autres y en renuoye,  
 Iamais on ne vit n'espassant par ceste voye  
 Eschapper ce passage : Ains le feu & les eaux  
 La tempeste & le flot despescent à morceaux  
 Barques & mariniers : Autresfois Argo seule  
 De force gens conduite eschappa de leur gueuele  
 Voguant deuers Aeta, & possible qu'aussi  
 Estlancee au trauers du rocher endurcy  
 Elle eust eschoüé là, sans que Iuno la sage  
 Accourant la tira de ce mauuais passage,  
 Car elle aymoît Iason le hardy combatant.

Or deux rocs sont apres, l'un desquels se montant  
 Iusques aupres du Ciel cache dedans la nuë  
 Le sommet esleué de sa cime pointüe,  
 Qui iamais ne reculle, & dessus son sommet  
 Iamais le ciel serain sa lumiere ne met  
 Soit Esté soit Automne : onc nul n'osa se prendre

D'y monter quel qu'il fust, onc nul n'en peut descēdre,  
Quād il auroit vingt pieds & vingt mains: car le ton-  
Du rocher est tout lis, & taillé à l'entour.

Le milieu du roc est un trou plein de tenebres  
Au couchant, & tourné vers l'Erebe funebre:

Par là vostre vaisseau sa route dressera,  
O gentil Ulysses, & n'en approchera  
Nul tant ieune soit-il de ceux de ton nauire,  
De quelque grand roideur que sa sagette il tire.

Scylla.

C'est le trou de Scylla, d'où son horrible voix  
Desgorge le hideux de ses tristes abbois:  
D'où ses mugissemens elle iette, semblables  
Aux fiers rugissemens des lions effroyables,  
Horrible monstre & fier, qui regardé l'aura  
Tant il est plein d'horreur, ne se resouyra  
Quand un Dieu mesmemēt luy viendrait à l'encōtre:  
Doux gryphes dehors l'horrible beste monstre,  
(Elle a six grands gosiers,) six long cols euidens,  
Sur chacun une teste avec trois rancs de dents  
Ne menaçans que mort, dans le trou elle plonge  
La moitié de son corps, & dehors elle allonge  
Ses testes fierement. D'où elle va mangeant  
Les chiens & les Dauphins qu'elle voit surnageant  
Autour d'elle sur l'eau, mesme les grands baleines  
Qu'Amphitrite nourrit sur ses bruyantes pleines.  
Tant hardy marinier qui onc sur mer hanta  
D'estre eschappé de là iamaïs ne se vanta,  
Car iusques dans la nef son gosier elle porte  
Et en les attrappant la teste leur emporte.  
Non gueres loing de là se voit l'autre rocher

Que tu pourrois V lisse, avec ton dard toucher  
 Quand tu le darderois : il n'est de hauteur telle,  
 (Mais pourtant son aproche est facheuse & cruelle)  
 Vn grand figuier sauvage au feuillard verdissant  
 Se nourrit à l'entour, sous qui engloutissant  
 Les noircissantes eaux l'effroyable Charibde  
 Trois fois sans y faillir le iour elle les vuide  
 Et trois fois les reprend : retien tes matelots  
 Naproche point alors qu'elle auale ses flots :  
 Le Dieu mesme Neptun n'auroit pas la puissance  
 De te retirer de là : que ton vaisseau s'eslance  
 Vistemēt vers Scilla : il t'est meilleur beaucoup  
 De perdre six des tiens , que perdre tout à coup  
 Enuélépé dedans Charibde la cruelle.

Chrib-  
dis.

Lors ie luy respondy ; ô deesse immortelle  
 Dymoy, pourrois ie point d'un combat hazardoux ;  
 Ayant fuy Charibde & son rocher hydeux ,  
 Auoir raison de l'autre au moins, & de l'offence  
 Faite à mes compagnons tirer quelque vengeance ?

A quoy elle me dit. Pauvre homme que dis-tu ?  
 Es-tu tousiours apres ta force & ta vertu ?  
 As-tu tousiours à cœur la guerre & la vaillance ?  
 Ne veux-tu point ceder aux Dieux d'ot la puissance  
 Dompter & surmonter tout ? Car Scilla V lisses,  
 N'est point tuable à toy : mal de mortel accer,  
 Inexpugnable , fier, cluel, plein de furie :  
 Vertu ne force n'est au monde qui la fuie,  
 Et crains fort que l'allant en armes rechercher  
 Afin de la combattre au trou de son rocher,  
 Elle ne retournaist sur toy impetueuse,



*Et que de chasque teste horrible & monstrueuse*

*Elle ne se iettast sur autant de tes gens,*

*Fuyés donc ce danger & voguez diligens:*

*Inuoque Crataeis mere de la cruelle,*

*Qui sur la terre mit ceste peste mortelle,*

*Afin qu'elle l'appaise, & que de ces rochers*

*Elle ne sorte plus sur toy & tes nochers:*

Trina-  
crie.

*Ren la, en la priant & propice & facile.*

*Venu en Trinacrie, & mouillant en ceste isle,*

*Tu verras du Soleil les vaches & les beufs*

*Et les brebis errer dessus les prez herbus.*

*Les beufs en sept troupeaux paissans par les pascages*

*Et de brebis autant tondent l'herbe aux champages,*

*Chacun est de cinquante, or ils nengendrent point*

*Et ne meurent iamais, sont tousiours en un point.*

*Lampetie & sa seur Phaëteuse la blonde (monde*

*Nymphes aux beaux cheveux, qu'à l'éclaireur du*

*Neera la diuine autrefois a porté,*

*Gardèt ces beaux troupeaux. Quand elle eut enfanté*

*La mere les voyant l'une & l'autre nourrie*

*Les enuoya depuis au loing en Trinacrie*

*Afin d'y habiter, & sur les vers tapis*

*De leur pere garder les vaches & brebis.*

*Si vous vous empechez & retenez de mettre*

*Les mains sur ces troupeaux, ie vous ose promettre*

*Tout assure retour (bien que diuers ennuis*

*Vous ayent attaquez) en vostre doux país.*

*Mais si tu ne me crois & que tu ne te gardes*

*Que mal ne leur soit fait, & de tant te hazardes*

*De te ruer dessus, ta troupe souffrira*

*Vne cruelle mort, & ta nef perira,*

Et n'eschapperas point que plustost tu ne voye  
Tous les tiens submergez, & des poissons la proye,  
Et ta flotte brisee : apres tout ce hazard  
Si tu reuiens ches toy, croy que ce sera bien tard.

Elle me dit ainsi, & l'aurore doree  
Hors des eaux cependant sa carrosse a tiree,  
La diuine deesse adonques me laissa  
( Et deuers son palais ses pas elle dressa )  
Ie m'en vois, & ie tiens ma troupe toute preste  
Et de monter en mer soigneux ie l'admoneste.  
Ils entrent dans la nef, & tous selon leurs rans  
Les auirons en main s'asseent sur les bans,  
Ils frappent les sillons des ondes blanchissantes  
Les eaux vont resonnants sous les rames glissantes :  
Derriere nous auions les fauorables vents  
Qui nos voiles enfloient nostre vaisseau suiuan  
Fidelles compagnons, que Circé la deesse  
Aux beaux cheuaux dorez, la sage chanteresse  
Nous auoit enuoyez, lors nous ne ramions pas  
Ains à nostre ayse assis mismes les armes bas  
Veautres par le vaisseau : la nef à l'aise flotte  
Ayant pour gouuerneurs le vent & le pilote,  
Lors ie vins à leur dire en mon cœur angoissé.

Amis, ce que m'a dit la diuine Circé  
Il le vous faut sçauoir : Il n'est gueres agreable,  
Mais que seul ie le sçache il n'est pas conuenable,  
Ny deux semblablement. Donc ie le vous diray,  
Et tout sans en mentir vous représenteray,  
Afin que nous soyons resolués en nos ames  
Sinous deuons mourir ( & lasches & infames )

Vlisses  
laissant  
Circé  
monter  
en mer

Ou fuyant le danger qui nous menace fort  
 Faire nostre deuoir d'eschapper de la mort :  
 Il nous faut inuiter les roches inhumaines  
 Les champs & les attraits des trompeuses Syrenes,  
 D'escouter leurs chansons à moy seule est permis :  
 Partant ie vous supplie, mes fidelles amis  
 Que de liens tresforts on me lie & m'attache  
 Au mast bien garroté, & quoy que ie me fasche  
 Et prie que l'on vienne vn peu me desserrer,  
 Lors plus estroitement il me faudra serrer.

Vlisses  
 abro-  
 che des  
 Sirenes.

Ie leur parlois encor, alors qu'à voiles pleines  
 Nostre barque aprocha de l'isle des Sirenes:  
 Le vent cheut sur les eaux, la mer plus n'escuma,  
 Et ne scay quel Demon les flots entiers calma.  
 Nous abbatons le voile & reprenons la rame,  
 L'onde dessous nos bras se balaye & s'entame.

Estouper  
 pes de  
 cire les  
 oreilles  
 de ses  
 compa-  
 gnons.

Lors ie coupe vn morceau de cire, & le pressant  
 Souuent entre mes doigts ie vay l'amolissant  
 Aux rayons du Soleil, que son flamboyant coche  
 Se pourmenant au Ciel chaleureux nous decoche,  
 Puis ie vois estouper l'oreille de mes gens,  
 Qui courent aussi tost dessus moy, diligens  
 M'attachet pieds & mains, de forts cordeaux me  
 Et tresbien garroté contre le mast m'appuyent. (liens

Se fait  
 lie &  
 atta-  
 cher.

Cela fait, de tirer à force & de ramer,  
 Et sous les auirons faire l'onde escumer:  
 Comme nostre vaisseau de la fatale roche  
 Des bords Sireniens, se trouuaist aussi proche  
 Comme il faudroit d'espace entre cil qui crieroit  
 Assez haut, & celuy leque l'escouteroit.

*Voicy nager vers nous les Sirenes riantes  
Qui de nostre arriuer n'estoient pas ignorantes,  
Et contre le vaisseau commencans les doux sons  
Elles iettoient deuers nous le miel de leurs chansons.*

*Aproche, Vaisse, aproche, ô l'honneur magnifique  
De Grece arreste vn peu, gouste nostre musique,  
Personne iusqu'icy ces flots n'a trajeté*

Chant  
des Sire-  
nes.

*Qui n'ayent premierement nos doux chants escouté:  
Qui n'ayt mis pied à terre en ce plaisant riuage,  
Et ne s'en soit rendu plus ioyeux & plus sage.*

*Nous sçauons, nous sçauons tout ce qui s'est passé,  
Et les tristes desseins qui sous eux ont pressé  
Autans Grecs que Troyens sous l'effort de la guerre.  
Rien ne nous est caché sur le rond de la terre.*

*Elles me font ainsi de leurs doux airs iouir,  
Et mon ame tressaut de les aller ouir.*

*Je faisois de mes yeux signe à ceux de ma troupe  
Que tost on me delie & que la corde on coupe:*

*Eux de tirer tousiours, Euryloch se leuant  
Auec Perimedes serrent plus que deuant  
Et mes pieds mes mains de leurs cordes nouueses.*

*Quand nous eusmes passé les Sirenes charmeuses,  
Et que leur douce voix ne me vint plus frapper,*

*Mes gens se viennent lors l'oreille destouper,  
Et puis me destacher. Nos barques vagabondes*

*Laisserent ceste plage, & volloient sur les ondes,*

*Quand nous voyons de loing vn grand brouillas u-  
Pirouëtter en l'air sur le flot escumeux, (meux*

*Les vagues sur la mer se hausser furieuses,*

*Sonner, bruire, & fremir les eaux imperueuses*

Et les rocs se choquer. Lors l'auiron tremblant  
 Nous tombe hors des mains, & le flot se troublant  
 Fremir horriblement à l'entour du nauire,  
 Qui s'arreste tout court : personne plus ne tire,  
 Personne n'a plus de cœur d'éuertuer ses mains,  
 Ils courent ça delà : Et de propos humains,

Amis, ce leur disois ie, he ! sommes nous encore  
 Apprentifs aux dangers ? Quand ie me rememore  
 L'effroyable Cyclops en son antre sanglant,  
 Non ce danger icy n'est point si violent,  
 Mon conseil toutesfois, ma vertu, ma prudence  
 Nous en a reschappez, la fresche souuenance  
 Vous en tient, & tiendra tant que serez viuans :  
 Sus donc renforcez vous, & vos bras esleuans  
 Frappez ces flots enflex, domptez ces eaux rebelles,  
 Ces boüillons enragez & ces vagues cruelles :  
 Si Iupiter peut estre & son puissant destin  
 Nous donne d'euiter cest orage mutin,  
 Ceste peste de mer. Toy pilote regarde,  
 Ne donne point dedans ceste fumee, & garde  
 Le choc de ce rocher, que nous n'embarassions  
 Trop auant là dedans, & le bac ne froissions,  
 Tu tiens le gouuernail ; & c'est toy qui nous guides.

Et mes gens de hacher soudain les flots humides,  
 Or ie n'auois parlé nullement à mes gens  
 De Scylla, ne des cris de ses chiens abboyans,  
 De peur qu'intimidez les rames ne iettassent,  
 Et deffous le tillac cachez ne se mussassent :  
 Et i'auois oublié aussi ce que me dit  
 La Titanide, alors qu'elle me deffendit

De m'armer, car soudain de passion boüillante  
 I'endosse ma cuirasse, & armé me presente  
 Dessus le chastellet, branlant dessus les flots  
 Vne couple en ma main d'acerez l'avelotz:  
 Je regarde, pour voir le formidable monstre  
 Que ie crains pour mes gens, si tant est qu'il se mon-  
 Ie ne voy rien, mes yeux s'esbloüissent lasséz. (stre  
 De regarder l'espais de ces broüillas poisséz.  
 Ià nous recognoissons l'emboucheure effroyable  
 Du dangereux destroit, & un pleur miserable  
 Decouloit de nos yeux, decà estoit Scilla  
 Augosier abbayant, & Charibdis de là  
 Horrible engloutissant les tempestes saées.  
 Mais quand elle iettoit les ondes auallées  
 Semblables au boüillon d'un ample chauderon,  
 Alors qu'un grand brasier s'eschauffe à l'environ,  
 Elle mugissoit toute, & l'escume ietee  
 Jusqu'au haut des rochers boüillonnoit indomptée,  
 Mais quand elle absorboit les orages grondans  
 Elle estoit grandement tempestee au dedans:  
 Les rochers à l'entour horriblement fremissent  
 Et du bruit bourdonnant les autres en gemissent.  
 La vase & le sablon paroissent au dessous:  
 Vne peur nous saisit, & nos yeux à tous coups  
 Regardant ceste horreur. La cruelle presence  
 De la mort se monstroît sans aucune esperance.  
 Ce pendant que mes gens en tressailloient si fort,  
 Et n'attendoient plus rien que le pas de la mort,  
 La hideuse Scilla sous les ondes coulantes  
 Nous en enleva six de ces mains violentes

destroit  
 de Scil-  
 la & de  
 Charib-  
 dis.

Des plus hardis de tous, ieunes gens aux hazards  
 Des plus auantureux, & plus braues soldards:  
 Ainsi que ie soignois à la mer, au nauire,  
 Et à mes compagnons, ie la voy qui les tire  
 Par les pieds, par les mains, sous les eaux esclancez  
 Et les pauurets le nom appelloient d'Vlisses:  
 Vne crainte qui faiët que tout le cœur tremblotte  
 Saisit ià fremissant toute la pauvre flotte:  
 Ainsi que le pescheur pour prendre le poisson  
 De la corne de beuf met sous son hameçon,  
 Puis du haud d'un costau, quant il tire sa ligne  
 Iette dessus le pré le poisson qui trepigne,  
 Ainsi Scilla, mes gens fremissans m'enleuoit  
 Les rompoit en ses dents dès qu'elle les auoit:  
 A la gueulle du trou les pauvres miserables  
 Entre leurs piteux cris & clameurs effroyables  
 Tendoient les mains en haut. Or i'ay veu de ces yeux  
 Tout ce que sçauroit voir de triste, d'ennuyeux,  
 De misere & de mal, quiconque dessus l'onde  
 A couru quelquefois la misere du monde,  
 Ie l'ay veu di-ie aupres de ces cauernes là.

Vlysses  
 arriue  
 en Tri-  
 nacire.

Quand nous eusmes fuy Charibdis & Scylla  
 Et leurs affreux rochers, à forces nous cinglasmes,  
 Et pres d'une belle isle en rien nous arinasmes.  
 C'estoit lisle où estoit le bestial pasturant  
 Et les sacrez troupeaux du Soleil esclairant,  
 Vaches au large front, aux cornes repliees,  
 Et les graces brebis aux toisons deliees.  
 Certes comme i'estois encores sur la mer  
 Dans un vaisseau noiricy, d'ouy de loing bramer

Ces troupeaux par les chäps, les vaches mugissantes,  
 Les bestantes brebis par les plaines paissantes,  
 Je ne l'euy pas ouy, qu'il ne me ressonnint  
 Du deuin Tireſie, en memoire me vint  
 Ce que Circé voulut par tant de fois m'enioindre,  
 Que nous euiſſions, que ne vinſſions à ioindre  
 Sur tout l'Isle au Soleil, la terre eſiouyſſant.

Alors ce ſouuenir mon ame ſaiſiſſant  
 Je parlay à mes gens, tremblant tout en moy meſme.

Bien qu'ayons eſchappé vn danger tres-extrême,  
 Toutesfois croyez moy. L'Æenne Circé  
 Et l'augure Thebain tous deux m'ont annoncé  
 De fuir, d'abhorrer la campagne & la terre  
 Conſacrée à Titan qui ſes flambeaux deſſerre  
 Sur les champs ſillonneux, & les pauvres mortels  
 Illuſtre des rayons de ſes feux immortels:  
 Car là nous attendoit vn malheur execrable.

Fuyons donc ie vous pry ce terroir effroyable,  
 Serrez le manche en main, & le vaiſſeau pouſſez.

Soudain le froid ſaiſit tous les membres glacez  
 De mes gens, perdans cœur: & plein d'un conſeil pire  
 Eurylochus ſe prit en ces mots à me dire.

O par trop malheureux aux labeurs, aux travaux, Eurylo-  
 Ulyſſes ton courage eſt endurey aux maux. chus ſ'y  
 Iamais ſoubz nul hazard quel qu'il ſoit tu ne tombes, oppoſe.  
 Iamais ſoubz nul danger peureux tu ne ſuccombes:  
 Tu es de fer, tout eſt dedans ton cœur ferré,  
 Qui nous deffens la terre & le port deſiré,  
 Nous de travail recreuz, rompus de malencontre  
 Et battus de ſommeil. Et nous voicy tout contre

Vlyſſes  
 veut in-  
 duire  
 ſes com-  
 pagnōs  
 à paſſer  
 oultre.



*Vne Isle, où nous pourrions reposer & manger:*

*Au contraire tu viens nous ietter au danger  
Fort temerairement, nous fais courir fortune  
Nous commandant d'aller par l'obscurité brune,  
La terre delaisser pour nous mettre sur mer  
Errans & vagabons & toute nuit ramer.  
Car ordinairement de nuit les vents horribles  
Soufflent avec danger, aux vaisseaux fort nuisibles  
Noyants les matelots. Qui fuira de la mort  
Soubz les eaux enfondré le trop cruel effort?  
Si le Nort, si le Su survient à l'impourueë  
Et nous surprend la nuit, nostre flotte est perdue,  
Voire malgré les Dieux. Donc nous obeirons  
A l'obscur de la nuit, icy nous soupperons  
Pres de nostre vaisseau. Puis apres, ie conseille  
Que du plus grand matin demain on se réveille  
Et qu'on remonte en mer. Les autres fremissans  
Vont à ce beau conseil des mains applaudissans.  
J'apperceu bien alors qu'un demon en son ire  
Nous machinoit du mal. Je me pris donc à dire.*

Vlysses  
forcé de  
demeu-  
rer, fait  
faire ser-  
ment, à  
ses com-  
pagnons  
de ne  
toucher  
aux  
bœufs  
du So-  
leil.

*Puis que, ô Eurylochus, vous me violentex,  
(Touchez moy dans la main,) iurez & promettez  
Par serment sacrosaint : Que si par aduanture  
Nous rencontrons par l'Isle en cherchant leur pasture  
Ou vaches, ou brebis, nul ne se iettera  
Sur troupeau quel qu'il soit, & ne le frappera.  
Et les viures sacrez que Circé Nymphe bonne  
En partant me donna, ie les vous abandonne,  
Faiçtes en bonne chere. Ainsi ie leur parl'ois.  
Ils me iurerent tous d'une commune voix*

( Par les Dieux immortels. ) Ces choses acheuees  
 Nous deualons en bas nos voiles esleuees,  
 Nous nous mettôs à terre, eau douce nous cherchons,  
 Et soubz le bord vouté nostre nef nous cachons.

Mes compagnons sortis dessus lherbe se iettent,  
 Apprestent à manger, & à soupper se mettent.  
 Quand la soif fut esteinte & l'appetit chassé:  
 Lors au cœur leur reuint le dommage passé  
 De leurs chers compagnons, que Scylla ( & la Parque )  
 Mangerent à leurs yeux, les tirans de la barque:  
 Mais comme ils les pleuroient, le sommeil gracieux  
 Leurs membres assoupit, & leur ferma les yeux.

Desia la tierce part de la nuit approchante  
 Rendoit des feux du Ciel la brigade panchante,  
 Quand Iupiter qui tient les amas nuageux  
 Esment les tourbillons dedans l'air orageux:  
 Terre & mer sont couuerts des nuës tenebreuses,  
 Et la nuit triste espard ses courtines ombreuses,  
 Mais si tost que l'Aurore aux safranz cheuaux  
 Fit luir ses beaux doigts sur le bout des costaux,  
 Nous aduisons ouuert le vouté d'une grotte  
 Des Nymphes le séjour. Là nostre galiotte  
 Nous pouffons, & cachons, pour estre en sûreté.  
 Là maint siege moitteux d'un & d'autre costé  
 De l'autre estoit taillé: Lors tous mes gens i appelle  
 Et de rechef leur fais ma remonstrence telle.

Amis, il reste encor viures abondamment  
 Dedans nostre vaisseau, ie vous prie ardemment  
 Abstenez vous du sang des sacrosaintes bestes,  
 ( Que quelque grād malheur ne tombe sur nos testes. )

*Ces vaches, ces brebis appartiennent au Dieu  
De qui l'œil tout voyant esclaire en chacun lieu,  
Qui voit tout, qui oit tout. Que vostre main se garde  
De toucher au bestail du Dieu qui tout regarde*

*Ils m'assentirent tous. Or nul vent ne tira  
Sinon le Su tout seul tant que le mois dura :  
Après & l'Est & luy ensemble s'esleuerent.  
Or tandis que le pain & le vin leur durerent  
Les troupeaux par mes gens ne furent assaillis  
Soigneux de leur salut. Mais les voyans faillis,  
Ils commencent d'aller vistement à la quête,  
Aux oyseaux, aux poissons : & rien ne les arreste,  
Car tout leur faict besoin. Leurs crochus hameçons  
Ils vont ietter en mer pour prendre les poissons,  
Et leurs filets en l'air : & l'un & l'autre appaise  
Leur ventre. Car la fin conseillere mauuaise  
Leur gêne les boyaux. Lors ie monte du port,  
Ie chemine dans l'Isle, & cherche si par sort  
Les Dieux m'enseigneroient les routes marinières,  
Ie vay les inuoquant, ie leur fay mes prieres*

Eurylochus (I'adore leur pouuoir & leur dresse mes vœux)

*Mais, las ! en m'escartant par les champs spacieux  
Loing de mes compagnons, voicy que ie rencontre  
Un lieu fort à l'abry, où pour mon malencontre  
Ne battoit aucun vent. Ie me laue les mains,  
Et comme ie priois les Dieux de m'estre humains,  
Eux qui vont habitans les celestes lumieres,  
Un sommeil gracieux m'enombre les paupieres  
Qu'espandirent les Dieux sur mes membres surpris.  
Tandis Eurylochus d'aduis mauuais espris*

*Persuada mes gens de paroles rebelles.*

*Oyez mes compagnons, des fortunes cruelles  
Sans cesse poursuiuis, quelque mort que ce soit  
Tousiours & miserable & triste s'apperçoit,  
Mais de mourir de faim, toute rage surpasse.  
Par ainsi croyez moy. Allons tous à la chasse  
Du bestail du Soleil, & ne nous soucions,  
Tuons en de plus beaux, & les sacrifions  
Aux grâds Dieux immortels, dont la douce demeure  
Est sur l'olympchaut. Que si à la bonne heure  
Nous venons au païs, la nous edifierons  
Vn beau temple au Soleil, & luy consacrerons  
Force beaux ornemens, & tres-déuotieuses  
Nos mains luy offriront choses fort precieuses.*

*Que si n'amolissant son ire & son couroux  
Ses troupeaux esgorgez il repete sur nous,  
Et nous vueille punir pour ses vaches mangées  
Nos ames enfonçant soubz les eaux submergees,  
Et que les autres Dieux ne s'y opposent pas,  
Mais, vengeurs, avec luy signent nostre trespass:  
Meilleur est de mourir soubz les vagues ondeuses,  
Et perir vne fois soubz les ondes hydeuses;  
Que de deuenir sec & languir plus long temps  
En vne Isle deserte & vuide d'habitans.*

*Il leur parloit ainsi. Eux à courir se prennent,  
Les vaches du Soleil les meilleures entrennent,  
Car elles n'estoient pas gueres loing du vaisseau  
Mais passoient tout aupres presques en vn monceau,  
Leurs fronts larges & hauts, noires belles & grandes:  
Ils se mettent autour font aux Dieux leurs offrandes*

*Ils se  
jettent  
dessus.*

*Et cueillent des feüillards d'un chesne grand & beau,  
Car il n'y auoit plus d'orge dans le bateau.*

*L'innuocation faicte, adonc ils immolerent  
Les bestes, de leurs peaux apres les despoüillerent,  
Coupperent les cuissots, puis les ayant chargez  
De graisse, l'un sur l'autre il les ont arrangez.*

*Le vin estoit failly, de l'eau doncques ils prirent  
Pour les effusions, & puis griller ils firent  
Les boyaux tous entiers sur les ardans charbons.*

*Quand ils eurent brulé la graisse, & les jambons,  
Et les trippes mangé, le reste ils dépeßerent  
En pieces & morceaux, & apres l'embrocherent)  
Et en ce mesme instant me laissa le sommeil.*

Vlysses  
reuient  
à ses gés  
& sent  
l'odeur  
des  
bœufs  
mangez

*Lors ie cours au bastean tost apres mon réueil,  
Mais comme i'approchois, l'odeur douce ie fleur  
Qui me montoit au nez, ie lamente, ie pleure,  
Et aux Dieux immortels hausse ma triste voix.*

*O Dieux, disois-je, & toy Iupiter qui tout vois,  
Vous m'auex endormy à mon tres-grand dommage,  
Et mes gens ce pendant ont faict un grand outrage.*

Lampe-  
tie va  
aduertir  
le Soleil

*Lampetie soudain en courant s'aduança,  
Alla trouuer Titan, & tout luy annonça,  
Comme mes compagnons auoient sans nulle crainte  
Esgorgé ses trouppeaux. Aux Dieux il fait sa plainte  
D'un courage animé, leur tenant propos tels.*

Titan  
faict sa  
plainte  
à Iupi-  
ter &  
aux  
Dieux.

*O pere Iupiter, & vous Dieux immortels,  
Las ! faictes moy raison, & de l'outrecuidance  
Des soldats d'Vlysses, & de l'irreuerence.*

*Ils ont sans nul respect couru sur mes trouppeaux,  
Ils en ont esgorgé les plus gras & plus beaux,*

C'estoit tout mon plaisir & toutes mes delices,  
 Soit qu'allant esclairer sur vos hauts edifices  
 Je montasse vers vous, soit qu'en bas me dardant  
 Je vinssent du haut Ciel en terre descendant.  
 S'ils ne sont chastiez, si ne prenez vengeance,  
 Et de leur fier orgueil & de leur grande offence,  
 Sans doute ie m'en vois descendre vers Pluton,  
 Et porter ma lumiere aux morts de Phlegeton.  
 Auquel respond ainsi la grand amasse-nuës.

O Soleil, tes clarteZ seront au Ciel cogneuës,  
 Tu y luiras tousiours, & encor ta splendeur  
 Sur la terre fertile esandra son ardeur:  
 Laisse faire: Si tost que sera leur nauire  
 Tant soit peu dans la mer, ie delascheray l'ire  
 De mon foudre sur eux, ie les embraseray  
 De mon brulant tonnerre, & les submergeray  
 Au profond de la mer. Il me souvient asteure  
 Que Calypso, qui a blonde la cheueleure,  
 Me conta tout cecy, & qu'elle l'entendit  
 Raconter à Mercure, (alors qu'il luy predict  
 Ce qui nous aduiendroit. Or si tost que i'arriue  
 A mes gens au vaisseau flottant sur l'onde vaine,  
 Ie les tanse & reprens. Mais i'ay beau estriuier,  
 Remede ne se peut à ce malheur trouuer.  
 Car les vaches gisoient mortes sur le riuage.  
 Desia des Dieux vengeurs le portent eux presage  
 A nous se presentoit, par terre se trainoient  
 Hideusement les peaux, les chairs se demenoient  
 Dans les hastes tremblants, & (horribles vierueilles)  
 De fiers mugissements remplissoient nos oreilles.

Jupiter  
à Titan.

Prodi-  
ges;

Par six iours tous entiers ils firent sur le bord  
 Grand chere du bestail qu'ils auoient mis à mort,  
 Sur le septiesme iour, que le fils de Saturne  
 Nous fit voir le matin, nous oyons par fortune  
 La tempeste cesser, & l'amas orageux  
 Finir ses tourbillons, nous montons courageux  
 En mer, haussons le mast, le garnissons de toiles  
 Blanchissantes en l'air, sortons à pleines voiles,  
 (Et la terre & les bords semblent se reculer.)

Tempe-  
 ste sur  
 mer.

Ayans laissé la terre & les bois s'en aller,  
 En pleine mer flottans, que plus terre habitable  
 Ne se monstre à nos yeux, & rien qu'onde effroyable  
 Et Ciel ne nous paroist : nous voyons arriuer  
 Sur nostre nef tombant un tenebreux hyuer,  
 Iupiter fond sur nous l'obscur d'un noir nuage  
 Portant tempeste & nuit, & terrible rauage:  
 L'onde est pleine d'horreur & d'horribles broiillards,  
 Nous voyons se couvrir la mer de toutes parts,  
 Le flot entre en la nef, un fort vent qui resonance  
 D'espouuentable bruit sur nous tempeste & donne,  
 Brise nostre cordage, entame nostre mas,  
 Qui de son bout penchant se precipite en bas.  
 Et tout nostre armement & naual equipage  
 Tombe dans la sentine ébranlé de l'orage,  
 Qui en prouë versant frappe mortellement  
 La teste du patron, brise cruellement  
 Tous ses os à la fois, iette le miserable  
 Du haut dedans la mer, à un plongeon semblable.  
 Il tombe de sa place au creux milieu des eaux,  
 Et l'esprit & la vie abandonnent ses os.

Le nauir-  
 re d'U-  
 lysses  
 brizé.

Iupiter quant & quant de sa dextre irritée  
 Son foudre va dardant sur la nef agitée,  
 Tonne, foudroie, esclaire, & ses feux élançant  
 Fait que la pauvre nef tourne se renuersant,  
 Et par dedans le souffre & le foudre grommelle.  
 Mes gens tombent brulez dedans l'onde cruelle.  
 Qui emportez des flots aux poules d'eaux semblans,  
 Au trauers de la mer, se demenent tremblans:  
 Iupiter sur les eaux en nageant leur arrache  
 La vie & le retour. Pour moy tousiours ie tasche  
 De conseruer ma barque & de marcher sur l'eau,  
 Jusqu'à tant que le foudre eust brisé le bateau,  
 Et les pieces ietté flottans dessus Neptune:  
 Ie fais tout mon effort d'en aller saisir vne:  
 Le mast encor rompu sur la mer s'estendoit,  
 D'un fort cuir de Taureau vne corde y pendoit,  
 Ie la pren, & mon ais, & le mast i'en garrotte,  
 (Et les ioints en façon de quelque galiotte.)  
 Ainsi dessus assis le vent m'alloit poussant,  
 Et lenragé Zephir son vent alloit cessant,  
 Mais le vifste Notus rebrouillant la marine  
 Me menaçoit encor de perte & de ruine  
 Prest à me reietter dans les cruels abbois  
 Des rocs de Charybdis. Las ! toute la nuit i'allois  
 Sur mon pauvre vaisseau, (ioint de debiles pieces.)  
 Et comme le Soleil nous remonstrois ses tresses  
 Ramenant de ses feux le matin, me voila  
 Tombé dans les escueils de Charybde & Scylla:  
 Charybdis n'eut si tost beu les eaux de l'orage  
 Que ie me voy porter sur le figuier sauuage,

Ses cō-  
 pagnōs  
 noycz.

Vlysses  
 se sauue  
 sur vn  
 aiz du  
 nauire.



Dont ie suis retenu, ne pouuant nullement  
 Sur ses branches monter, ny mes pieds fermement  
 Affermir, entrapé comme la souris chauue.  
 Les racines sont loing, la branche où ie me sauue  
 Estoit fort esloignee, & rendoit ombrageux  
 Le trou de Charybdis: ie m'y pen courageux,  
 Et m'y tenois tousiours, tant que d'une autre tire  
 Elle eust en haut vomy mon mast & mon nauire,  
 Ce que ie vy en fin à propos me venir.

À l'heure que se void du palais reuenir  
 L'homme sçauant en loix, (incorruptible iuge,  
 Recours des orphelins, des vesues le refuge,)  
 Estans expediez proces & altercas,  
 Pour se mettre à la table & prendre son repas:  
 Tout à semblable temps le bois qui me gouuerne  
 M'apparut, remontant de la noire cauerne  
 De la fiere Charybde. Alors tout bellement  
 Je me coule les pieds, les mains ensemblement  
 Sur les pieces de bois, puis tout à coup me laisse  
 Tomber au beau milieu, par la branche qui baisse,  
 Et mes pieds en tombant rendirent un grand bruit.  
 Ainsi dessus assis la vague me conduit,  
 Des mains ie gouuernois mes tables dépecees  
 Du mieux que ie pouuois sur les eaux couroucees.

Adonques le grand Roy des hommes & des Dieux  
 Scylla pour ceste fois destourna de mes yeux,  
 Car ie n'eusse iamais fuy la mort amere  
 (Si le vent m'eust poussé contre sa roche fiere.)  
 Ainsi neuf iours durant sur les rompus morceaux  
 De mon bac mal lié i'errois dessus les eaux.

Sur la dixiesme nuit la douceur infinie  
Des bons Dieux me poussa en l'isle d'Ogygie,  
Où se tenoit alors en pompeuse façon  
La Nymphé aux cheveux blonds la belle Calypson:  
Sa reputation est grande & venerable,  
Et pleine de renom. La Deesse agreable  
Me retint là long temps soubz ses douces amours.  
Mais ces malheurs passez les dirai-je tousiours?  
Ic'ay desia conté toute ceste infortune  
A toy & à la Reyne. Et cest chose importune,  
Et qui m'attriste fort, de dire si souvent  
Ce que ie t'ay desia raconté cy deuant.

Fin du douziesme Liure.

Aa ij



# LE TREZIESME

## LIVRE DE L'ODYSSEE

### D'HOMERE.

#### ARGUMENT.

**L**Es Phæaciens conduisent sur mer Vlysses, & le posent endormy sur terre en Ithaque. Neptune à leur retour trāsforme leur vaisseau en rocher. Minerue s'apparoist sur le riuage à Vlysses. Ils consultent de mettre à mort les poursuiuans. Cachent les thresors dans vne cauerne. Puis Pallas transforme Vlysses en gueux & vieillart.

---

#### AUTRE SOMMAIRE.

*Vlysses est mené par les gens de Scherie,  
Et rendu endormy dans sa chere patrie.*

**L**acheuoit de dire, & tous ravis de ioye  
Ententifs à merueille auoient la bouche  
coye.  
*Adonc Alcinoüs luy respondit ainsi.*

Alcinoüs  
à Vlysses.

*Laërtide Vlyſſes, depuis que te voicy  
 Venu dans la maison, il n'est pas raisonnable  
 Que de rechef errant dessus l'onde muable  
 Tu retournes arriere, (éconduit & chassé)  
 Tu as assez souffert de mal par le passé.*

*Or i'ordonne à vous tous (pour chose magnifique)  
 Vous qui mangez, beuvez, écoutez la musique  
 D'ordinaire ceans, qu'outre ce qu'on a mis  
 Dans ce coffre de dons, comme d'or & d'habits,  
 Par les Phæaciens faictz à nostre hôte honeste,  
 Que vous y adionstiez encor chacun par teste  
 Quelque beau grand trepié avec son chauderon:  
 Et nous, quand nous aurons le peuple à l'environ  
 Nous ferons nos hōneurs. Car qu'un seul des dōs face  
 C'est chose difficile & de mauuaise grace.*

*Si dit Alcinoüs : Et ce propos sembla  
 Et raisonnable & bon. Lors chacun s'en alla  
 Dormir en son logis. Et quand la belle aurore  
 Aux doigts rosins reuint, ils reuindrent encore,  
 En grand haste aux vaisseaux, ou par honnesteté  
 Chacun a son present honorable apporté.*

*Du Roy Alcinoüs la majesté sacrée  
 Enioint qu'on porte tout dans la fregate encrée,  
 Et au prix qu'on apporte il fait serrer le tout:  
 Car il se pourmenoit de l'un à l'autre bout  
 Sur les bancs du vaisseau, prenoit soucy & cure  
 Qu'ils ne fussent bleſſez se pouſſans d'adventure  
 Autour des auirons. Apres qu'ils eurent fait,  
 Ils vont incontinent apprestier le banquet:  
 Et le Roy fait venir une vache & l'immole*

*Aa ij*

En l'honneur du grand Dieu, dont la seule parole  
Meut & gouverne tout. ( La vache il dépeffoient )  
Et les cuiffots coupez sur le feu rostissoient  
Banquetans à plaisir. Or la douce musique  
Du bon Demodocus rendoit plus magnifique  
Et ioyeux le festin : Demodocus chery  
Et honoré du peuple, & de tous fauory.

Mais Vlysses tournoit souuentefois la face  
Vers le Soleil, dont facil les tenebres efface,  
Il presse tant qu'il peut son desiré retour:  
( Curieux de reuoir Ithaque son séjour.)

Comme le laboureur las & suant de peine  
Desire le soupper, ayant la longue pleine  
Marquee de sillons, soubz les bœufs encornez  
Qu'il a par les guerets longuement pourmenez,  
Et tant que du Soleil la splendeur se ternisse,  
Et que le soir tombant sur les champs se noircisse,  
Heure tant desirée, alors à courbez pas :  
Lassé, il va chercher le gracieux repas,  
Ainsi au gré d'Vlyssé, & selon qu'il souhaite,  
Le Soleil vient cacher sa flambrante charette.  
Qui fait que s'adressant au Roy Alcinoüs,  
Et aux Phæaciens sur la mer tant cogneus,  
Il leur dit en ces mots : O grand Roy de Scherie,  
Donnez moy mon congé, laissez moy ie vous prie,  
Aller a mon vouloir. Au reste accomplissez  
Le sacrifice entier, & vous resiouysez,  
J'ay quant à mon regard ce que mon cœur desire,  
J'ay resens à souhuit, j'ay escorte & nauire,  
Que facent les bons Dieux qu'en Ithaque porté

Vlysses  
demâde  
congé à  
Alcinoüs

*Ie trouue mon espouse en prospere santé,  
 Et que tous mes amis desiré ie renuoye.  
 O Scherians heureux vivez en toute ioye,  
 Soyez tousiours heureux, & possédez icy  
 Vos femmes, vos enfans, & vos filles aussi:  
 Et de bõ cœur pour vous tous les grãds Dieux ie prie,  
 Qu'ils doint honneur à vous, gloire à vostre patrie,  
 Que vostre bien public ne coure aucun danger,  
 Et tout bon-heur se puisse en vos champs heberger.*

*Il mit fin à son dire & tout haut le loüerent,  
 Et qu' on le conduisist en sa terre ordonnerent,  
 Car sa demande iuste & raisonnable estoit.  
 Alors Alcinoüs dont le lustre éclatoit  
 Et l'insigne vertu, à son Herault commande.*

Alcino<sup>s</sup>  
 fait effu-  
 sion à lu-  
 piter  
 pour le  
 retour  
 d'Vlyf-  
 ses.

*Pontonoiüs, pren moy la tasse la plus grande,  
 Remply la de vin pur, & puis la porte à tous  
 Par la salle de rang, qu'ils offrent le vin doux  
 Au puissant Iupiter, afin que l'on renuoye  
 Nostre hoste en son pais, & qu'il ayt seure voye  
 Chez luy, par sa faueur. Il dit, & l'échançon  
 A tous distribua l'agreable boisson  
 Eux de leurs sieges hauts, où deuant ils s'assirent.  
 Aux Dieux bourgeois du Ciel leurs effusions firent  
 Et le fort Vlysses dessus ses pieds planté  
 Le hanap arondy mit és mains d'Areté  
 L'incitant de parole & courtoise & humaine.*

*Voicy, ie te saluë, ô vertueuse Reyne!  
 Vy pleine de plaisir & de contentement  
 Iusques en ta vieillesse, & puis finalement  
 Tant que la mort t'arrine, à tous ineuitable,*

Vlysses  
 prend  
 congé  
 de la  
 Reyne.

Pour moy, ie m'en vay voir ma maison desirable

Mais toy demeure, chere en ce pais icy,

Au Roy, à tes enfans & à ton peuple aussi.

Ce disant Vlysses: son départ il commence,

Alcinoüs commande au Heraut qu'il s'aduançe

Deuant luy vers le port, & de mesme Areté

Ses seruantes enuoye au nauire masté:

L'une portoit la robe & riche & precieuse,

Et autres le coffret, fait d'œuure industrieuse,

D'autres portoient les bleds & les vins rougesans.

Vennës pres des flots d'escume blanchissans,

Chacune sagement soit don, soit vin, soit viure

Se décharge au vaisseau & à ses gens les liure,

Mais à Vlysse en bas dans sa chambrette on tend

Vn matlas bien douillet, les linceux on estend

Pour le faire coucher, & au gracieux somme

Estendu mollement inciter le bon homme,

Qui se iette dessus. Le silence est par tout,

Et les Phæaciens rangez de bout en bout,

S'assirent sur les bancs, le cable destacherent,

Hors du rocher percé, les escumes hacherent,

Et poussèrent les flots. Vn doux sommeil amy

Vint rendre au mesme temps tout son corps endormy,

Sommeil assoupissant, toutesfois agreable,

Endormissement lourd, pesant, inexcitable,

Qui l'abbat sans nul soing, & charmeur l'embrassant

Presque comme yne mort sur luy se va glissant.

Ainsi que les cheuaux mis hors de la barriere

Pour emporter l'honneur d'une isnele carriere,

Empoignent le guerret, s'estendent incitez,

Vlysses  
depart  
de Phæa  
cie.

Et du foïet les hastant & de leurs volontez,  
 Hors des mains du cocher les renes ils secoient,  
 Et de ses coups de foïet semoquent & se iouent:  
 Ainsi dessus les mers le vaisseau se haussait,  
 Et la mer par derriere encontre luy poussait,  
 Et boüillonnante & noire. Il court de grand vitesse  
 Et de grand fermeté & de grande allegresse,  
 L'esperuier le plus viste & leger des oiseaux  
 Ne l'eust pas attrapé. Ainsi dessus les eaux  
 Le vaisseau galopant de vitesse incroyable  
 Vn homme soutenoit, ayant vn cœur semblable  
 Aux Dieux, pour tolerer la peine & le tourment,  
 Lui qui deuant auoit souffert si longuement  
 Tant de sortes de maux, aux combats, à la guerre,  
 Et sur les flots douteux en ce-pendant qu'il erre,  
 Couru tant de hazards: maintenant le voicy  
 Surpris d'un fort sommeil, exempt de tout soucy,  
 Hors de toute amertume, oublieux de grands peines  
 Qu'il souffrit autresfois sur les mers incertaines.

Mais quand la claire Estaille, au matin annonçant  
 Le proche poinct du iour, parut resplendissant,  
 Le vaisseau galloppant dessus les mers agile  
 A la fin approcha de la venüe d'une Isle.

Or en l'Isle d'Ithaque il y a certain port  
 Du vieux marin Phorcin, dont des deux costez sort  
 Deux bouts entrecoupez, qui dans la mer s'estendent,  
 Et les flots irritez & les vagues defendent.  
 Port seur pour les vaisseaux, à l'abry de tous vents,  
 Et rechassant l'effort des flots les poursuuians.  
 Là n'est-il ja besoin de cordes ny de cables:

Ithaque

Le port  
de Phor  
cin.



*Et les ancrs n'y sont du tout point recherchables:*

*Mais le vaisseau tablé y loge à seureté,*

*Dés qu'il est une fois dans le port arresté.*

*La sommité du port au dessus est couverte*

*Des rameaux espandus de mainte olive verte,*

*Autres, un autre ombreux aux Najades sacré,*

Autre  
des Na-  
jades.

*Saintes Nymphes des eaux dans le roc est ancré*

*Pour leur fraîche retraite, & dedans s'aperçoivent*

*Les cruches & vaisseaux qu'elles ondes reçoivent*

*Toutes de pierre dure, & les filles du Ciel*

*Murmurans là dedans y sucent leur doux miel.*

*Là de pierres encor sont des longues traverses*

*Où les Nymphes faisoient leurs toiles rouges-perses,*

*Estrange chose à voir, & d'une fort douce eau*

*Découloit là dedans un perennel ruisseau.*

*A l'autre double entrée, & double porte est mise,*

*Celle qui tend au Nord aux mortels est permise,*

*Mais celle du Midy aux Dieux tant seulement*

*Est sacrée, & ne s'ouvre aux hommes nullement.*

*Quand les Phœaciens ce port désiré virent*

*Ils y poussent leur barque, à terre descendirent,*

*Et à force de bras, de voiles, d'avirons,*

*Ils abordent la terre, & ses beaux environs,*

*Puis sortans du vaisseau qui sur les ondes glisse,*

*Ils montent dessus terre, y font porter Ulysse,*

*Et puis avecques luy ils font porter le liét*

*Et les linceux sur quoy en partant on le mit.*

*Agravié du profond d'un sommeil désirable*

*Ils posent doucement leur homme sur le sable,*

*Mais ils sortent aussi du navire les biens,*

Les Phœ  
aquois  
posent  
Ulysse  
tout en-  
dormy  
en terre

Et les riches presens que les Phœaciens  
 Firent à Vlysses, qu'ils mirent en reserve  
 Dedans le riche coffre en l'honneur de Minerve.  
 Hors des chemins battus, frequentez des passants  
 Au pié d'un olivier ils les vont entassans,  
 De peur que les trouuâs quelques vns ne les prissent  
 Deuant qu'ils s'esueillast & qu'ils ne luy meussent.

Ayans fait tout cela les Scheriens donnoient  
 Joyeux leur voile au vent, & chez eux retournoient,  
 Mais Neptune n'auoit la menace oubliée  
 Qu'il auoit contre Vlysses autres fois publiée  
 Grandement indigné. Qui fit qu'il s'en alla,  
 Et trouuant Iupiter en ces mots luy parla.

S'en re-  
 tournés  
 Neptu-  
 ne indi-  
 gné.

Neptu-  
 ne à Iu-  
 piter.

O pere Iupiter, quelle immortelle essence,  
 Que des Dieux de/ormais m'auroit en reuerence,  
 Quand les Phœaciens qui viennent mesmement  
 De moy, ne m'ont porté de respect aucunement:  
 Je disois qu'Vlysses tracasseroit le monde,  
 Souffriroit longuement sur la terre & sur l'onde  
 Plus tost que d'arriuer au lieu de son séjour,  
 Car ie ne luy ay peu arracher son retour  
 Irreuoquement, & n'ay peu faire en sorte  
 Que premier n'ay esté ta promesse plus forte;  
 Et voila, ces galans sur un nauire amy  
 Luy ont passé la mer, ont posé endormy  
 Seulement sur le sable en Ithaque leur homme,  
 Avec tant de presens, d'or vne telle somme,  
 Habits si precieux, qu'il n'en eust apporté  
 Tant pour sa portion, quand mesme à seureté  
 Il fust victorieux chez luy venu de Troye

Iupiter  
à Ne-  
ptune.

Plein de superbe humeur, & chargé de la proye  
Du superbe Iliou. A Neptune respondit  
Iupiter donne-pluye, & ces propos luy dit.

Helas! puissant Neptune, que me viens-tu de dire?  
(Qu'as tu, grand gouverneur du noir profond empire)  
Les puissans Dieux, croy moy, ne te méprisent pas,  
Il est bien dangereux de ne faire tel cas

Qu'on doit d'un si grand Dieu, & de grand reuerce  
N'honorer pas celuy qui a tant de puissance.

Mais si quelque mortel est si méconnoissant,  
Et ne recognoist pas ton empire puissant,

Neptu-  
ne respe-  
cte Iupi-  
ter.

(Presumptueux qu'il est,) tu peux prendre vengeance  
Des hommes à ton gré, portans irreuerence  
A ta grand' Maïesté: qui t'en destournera?  
Parquoy, va & fay d'eux ainsi qu'il te plaira.

A ces mots respondit le fort esbranle-terre.

Ie le feray bientost ô grand dard de tonnerre,

Puis que tu le permets. Ie n'osois m'aduançer

Pource que ie t'honore & crain de t'ofencer.

Mais ie vay maintenant submerger en mon ire

De ces Pheaciens l'arrogante nauire,

Comme ils retourneront: ie perdray leur vaisseau,

Asin que cy-apres il ne monte sur l'eau:

Qu'ils s'abstiennent du tout de l'art de nauigage,

Et n'entreprennent plus de fournir de passage

A nul homme viuant. Apres imposeray

Vn mont dessus leur ville, & hâut l'enleueray.

Iupiter  
aux  
Dieux.

A ces mots Iupiter qui tient le fort empire  
Des nuages du Ciel, ainsi se prit à dire.

O Dieux combien me plaist ceste entreprise icy!

Serai-ien un grand cas quand tout le peuple ainsi  
 D'une ville, verra une barque chargée,  
 Par Neptune en rocher estre si tost changée:  
 Rocher dis-je semblable a un galion prompt  
 Et contre une Cité imposer un grand mont,  
 Afin qu'un tel amas par apres on admire.

Comme le Dieu qui tient sur les mers son empire  
 Eut entendu cela, luy qui le flot grondant  
 Encontre les sablons choque de son trident:

Il prend droit son chemin en l'Isle de plaisance,  
 Où les Phaciens faisoient leur demeurance:

Afin de se trouver iustement pres de l'eau,  
 Lors qu'ils arrieroient, & desia le vaisseau  
 Porté des aurons & de l'escume vint

De retour se voyoit approcher de la rive:

Quand Neptune soudain accourut au deuant,  
 Et le bac qui estoit de bois auparavant

En dur rocher changea: Sa puissance diuine  
 Mit par apres dessous mainte forte racine,

Et de sa forte main le poussa, le roula,

Et soudain qu'il eut faict il s'en alla de là.

Les habitans experts aux loingtains navigages

Deßus ce changement tenoient diuers langages,

Et s'entredemandoient, Qui a peu attacher

Une barque dans l'eau & en faire un rocher,

Comme elle estoit desia dans le port retournée?

Ignorant le miracle avec la destinee:

Ausquels Alcinoüs en rendit la raison,

Et en plaine assemblée haussa son oraison.

Pour le vray mes amis, asteure est en pratique

Neptu-  
ne viét  
en Phé-  
acie.

Change  
le navi-  
re qui  
auoit  
mené  
Vlysses  
en un  
roc.

Dis-  
cours  
des Phé-  
aquois  
sur ce  
change-  
ment.

De mon pere chenu la prophetie antique:  
 Il disoit que Neptune se deuoit animer  
 De ce que nous passons vn chacun sur la mer  
 Sans penser faire mal : & qu'il deuoit destruire  
 De nous Phaaciens la plus belle nauire  
 Venant de faire escorte : en outre imposeroit  
 Vn mont sur nostre ville , & haut l'esleueroit.  
 Vous voyez, accomplir ceste menace, comme  
 L'auoit prophetizé cy-deuant le bon homme.  
 Pourtant ie vous conseille, & obeissez moy,  
 Laissez dorelnauant toute escorte & conuoy,  
 Qu'on s'abstienne des eaux, que du tout on s'en priue  
 Quelque hoste qui suruienne, & dans la ville arriue.  
 Sacrifiez apres douze beaux grands taureaux  
 A Neptune, le Roy de la mer & des eaux,  
 Qu'il ser' appaise à nous pitoyable & tranquille,  
 Et ne vueille imposer vn mont sur nostre ville.

Il dit. Ils eurent peur, furent obeysans,  
 Et les douze taureaux allerent terrassans:  
 Lors tout le saint Senat avec la populace  
 A l'entour de l'autel implorerent la grace  
 De Neptune courroucé. ( le Dieu au fort Trident. )

Le diuin Vlysses s'esueilla ce pendant  
 De dessus le sablon de sa chere naissance,  
 Ayant dormy long temps: il n'auoit cognoissance  
 De son pays natal, tant it auoit esté  
 De ses champs paternels longuement escarté,  
 La fille à Iupiter la prudente Deesse  
 L'auoit enueloppé d'une nuee espaisse  
 Pour le rendre incogneu, l'informer, l'enseigner

Vlysses  
 se ré-  
 ueile.

Du moyen qu'il tiendrait pour se bien gouverner.  
 Que ses amis, sa femme aussi ne le cogneussent,  
 Que son retour encor ses citoyens ne sceussent,  
 Qu'il n'eust premierement aux poursuivans payé  
 Le desordre illicite, & le train desuoyé  
 Dont ils vivoient chez luy, & pris iuste vengeance  
 De l'effet outrageux de leur intemperance.

Toutes choses adonc de modelles diuers  
 Paroissent à ses yeux, les grands chemins ouuers,  
 Les beaux ports enlunex, les recourbez riuages,  
 Les rochers esleuez, les grands forests sauvages,  
 Les arbres verdoyans, & par les champs espars  
 Les petits arbrisseaux feüillus de toutes pars.  
 En se dressant en pieds lors resta ferme Ulysse,  
 Regardant son terroir, ( dont il n'auoit notice,) Ne reco  
gnoist  
Ithaque  
 Puis iettant force pleurs, ses cuisses martelant  
 ( Par trois ou quatre fois ) alloit ainsi parlant.

O miserable moy ! où fay-je mon entree,  
 Quel pays est-ce cy, quelle est ceste contree,  
 Sont-ce monstres cruels, ou bien hommes humains  
 Qui tiennent ces pays ? Sont-ce gens inhumains,  
 Farouches, & sanglans, ou si leur face est peinte  
 De pieté benigne & d'humanité sainte ?  
 Cherissans la iustice, aymans l'honnesteté,  
 De bonne conscience, & de fidelité,  
 Où pourray-je porter ces presens, ces richesses,  
 Où cacheray-je hélas ! ces biens & ces largesses ?  
 Mais, où vay-je ignorant errer & m'esgarer ?  
 Que ces biens, Scherians, vous peussent demeurer,  
 Et que vers d'autres Rois i'eusse pris mon adresse.

discours  
d'Ulys-  
ses en  
soy mes-  
me.

*Quelque autre Roy peut estre, hélas, m'eust fait ca-  
Et touché d'amitié, m'eust avec ses amis. (resse,  
Et avec bonne escorte en mon pays remis.*

*Je ne sçay où les mettre, ostons les de la voye.*

*Toutesfois qu'aux passans ils ne seruent de proye.*

*Mais ces Phæaciens certes, n'ont point esté  
Ny bien considerans, ny gens de probité,  
M'ayans ainsi conduit en contree estrangere,  
Veu qu'ils m'auoient iuré qu'en mon Ithaque chere  
Ils me rameneroient, ils ne l'ont faict pourtant.*

*Que le grand Iupiter les aille tourmentant,  
Qu'il m'en face vengeance, esmeu de mes prieres:  
Car il voit les humains, regarde leurs miseres,  
Et punit les méchans. Mais voyons tout à part  
S'ils ne m'ont rien au moins soustraict à leur départ.*

Pallas  
se pre-  
sente à  
Vlysses.

*Ce disant, il contoit remply d'impatience,  
Et rien n'estoit osté de toute sa cheuance:  
Il trouua ses trepiez, ses chauderons, son or,  
Ses riches vestemens, & ses robes encor.  
Puis rampant vers la mer & son bruyant riuage  
Il plaint son pays doux & pleure en son courage:  
(Tant qu'il sent de ses pleurs tout son sein humecter)*

*Alors Pallas s'en vint à luy se presenter,  
Ayant vestu la forme & la presence belle  
D'un beau ieune berger, en apparence telle  
Que les enfans des Rois se marchent par les champs:  
Sur son dos deux manteaux richement s'acrochans  
Estoffez reluisoient, à ses pieds la chausseure  
Enuironnoit l'entour de riche entre-lasseure,  
Le iauelot en main elle alloit eslenant.*

Adoncques

Vlyſſes  
court  
vers  
elle.

Adoncques Vlyſſes luy courut au deuant,  
Conſolé de le voir, & luy tint ce langage.  
Je te ſaluë, amy, que j'ay ſur ce riuage  
Rencontré le premier: ie te pry ne me voy  
D'un courroucé viſage, & nous ſauue, tant moy  
Que tout ce que tu vois: Les genoux ie t'embrasse  
Ainſi qu'à quelque Dieu, & j'implore ta grace.  
Dy moy ie te ſupply, quelle terre eſt-ce cy?  
Quelle eſt le menu peuple & les hommes auſſi  
Qui en ſont habitans? Seroit-ce point quelque Iſle  
Aſſiſe dans la mer & plaiſante & fertile?  
Y a-il quelques ports par fortune dedans  
Sur le bord de la mer la terre regardans?

Pallas à  
Vlyſſes.

A ces propos, Pallas dont l'œil pers eſtincelle,  
Tu es bien ignorant eſtranger, ce dit-elle,  
Quoy, viens-tu de ſi loing, que tu t'enquiers du nom  
De ceſte terre icy? dont le bruit, le renom,  
N'eſt point tant incogneu, que de ſon excellence  
Force gens n'ayent eu notice & cognoiſſance,  
Tant ceux qui ſont viuans ſous le ſoleil qui ſuit  
L'aurore du matin, que ceux qui ſous la nuit  
Le regardent coucher. Elle eſt aſſez fâcheuſe  
Pour aller à cheual, car elle eſt raboteuſe  
Mais non ſterile auſſi, n'eſt large aucunement,  
Mais elle a quantité de vins & de froment.  
Elle eſt inceſſamment de pluyes arroſee:  
Et on void les matins la feconde roſee  
Qui gaye rauerait, & prez & champs herbus,  
Riche à cheures nourrir, commode à porter bœufs,  
Plantée de foreſts, de petits coſtaux plein,



*Et dessus soy portant mainte fresche fontaine,  
 Maints ruisseaux perennels, où l'on peut s'abreuver.  
 Quoy? d'Ithaque le bruit a peu bien arriuer  
 Jusques à Iliou, qu'une espace infinie  
 Esloigne ce dit-on de la riche Achaïe?*

Extré-  
me plai-  
sir d'V-  
lysses,  
de sca-  
voir qu'  
il est en  
son pais

Il parle  
en dissi-  
mulé à  
Pallas.

*Elle disoit ainsi, & d'un tres-grand plaisir  
 Vlysses se sentit soudain l'ame s'ispir,  
 Tant il s'esjouyssoit de se voir en sa terre,  
 Comme l'en asseuroit du Dieu iette-tonnerre,  
 Pallas la sage fille. A qui dissimulé,  
 Non de parole vraye, alors il a parlé,  
 Car c'estoit la coustume, ayant l'ame sans cesse  
 De desguisement pleine & de toute finesse.  
 Nous auons quelquesfois en Crete ouy parler  
 D'Ithaque, & son renom à nous a peu voler,  
 Dit-il, & maintenant ie fay donc mon entree  
 Amené par la mer dedans vostre contree,  
 Laisant, hélas! la mienne & la mer essuyant  
 Auec tous ces thresors, & mon pays fuyant:  
 Où i'ay laissé autant de biens & de richesse  
 A mes enfans comblez de deuil & de tristesse,  
 Comme vous en voyez. Ie m'en suis destourné  
 Pource que i'ay tué le fils d'Idomené,  
 Le dispost Orsiloch' qui laissoit en arriere  
 Tous les meilleurs coureurs sur la viste carriere,  
 Qui fussent en Candie: il me vouloit hautain,  
 Priuer entierement de la part du butin  
 Que i'auois fait à Troye, où i'ay eu mille peines,  
 Et ma part des combats & des eaux incertaines:  
 Pour ce que ie n'auois marché soubz l'estendart  
 De son pere, ains menois mes compagnons à part.*

Je le renuersay mort de ma pique aceree  
 Ainsi qu'il reuenoit des champs sur la serree  
 Caché pres du chemin. Personne ne nous vit  
 Moyne mon compagnon, car il faisoit fort nuit.  
 Quand ie l'eus mis à mort soudain ie me retire  
 A des Pheniciens, monte dans leurs nauire,  
 De me prendre avec eux ie les prie instamment,  
 Et leur promets salaire à leur contentement,  
 Moyennant qu'en seurté leur nauire me guide  
 Et me rende dans Pyle, ou bien dedans Elyde,  
 Où les forts Epæens regnent, & vont brauants.  
 Mais certes malgré eux, par la force des vents  
 Ils en furent chassez, car ils n'auoient enuie  
 D'user en mon endroiët d'aucune tromperie.  
 Or de là, toute nuit demenez, tracassez  
 Nous surgissons au port à peine, & tant lassez  
 Que n'eusmes de soupper aucune souuenance • (trâce  
 Bien qu'eussions fort grand faim; mais mattez à ou-  
 Nous nous couchons, sortis de la nef, sur le bord,  
 Où las & trauaillé vn doux sommeil m'endort.  
 Et les Phæaciens deschargeans mon bagage  
 Le portent bellement en haut sur le riuage  
 Où i'estois endormy, & remontans sur l'eau  
 A l'escume des flots redonnent leur batteau,  
 Pour reprendre, s'ils ont la mer douce & facile,  
 Leur route vers Sidon terre belle & fertile:  
 Et m'ont laissé, pressé de maints soucis diuers.  
 Auquel se soufriaient la Deesse aux yeux vers,  
 Ayant pris la façon d'une Dame galante,  
 Industriuse és arts & de face excellente.

Pallas à Luy touchant en la main. Bien corrompu seroit,  
 Vlysses, Bien fin & bien madré le fin qui te prendroit,  
 sur ce qu'il se Quand seroit mesme un Dieu. O confit en malice,  
 dissimuloir. Dissimulé, menteur, & pere d'artifice  
 Dessus tous les rompus tu emportes ta pris,  
 Et tu es à cela dès ta ieunesse appris:  
 Mesmes dans ton pays tu ne peux que tu n'uses  
 De tes déguisemens, subtilitez & ruses.  
 Or nous sommes tous deux en cela excellens,  
 Toy de tes fins aduis, de tes mots doux coulans  
 Tu passe les mortels, & moy Pallas, la gloire  
 Des hauts Dieux en cōseil i' obtiēs sur eux victoire.  
 As tu donc mescogneu la fille à Iupiter  
 La Deesse Pallas, qui t'a faict emporter  
 La victoire & l'honneur dessus tant d'aduentures,  
 Dessus tant de dangers & de trauerses dures?  
 Et qui t'a mis en grace enuers les Scherians  
 Qui t'ont en t'en allant faict don de tant de biens?

Pallas  
 luy viēt  
 donner  
 aduis de  
 tout ce  
 qu'il au-  
 ra à faire

Or ie reuiens encor pour t'estre conseillere,  
 Affin de te monstrier ce que tu as affaire  
 Pour cacher tes thresors ces presens precieux  
 Que par mon moyen seul tu as obtenu d'eux.  
 Je te veux declarer les fortunes aduerses,  
 Et les afflictions & les peines diuerses  
 Que dedans ton pays le dur destin t'enjoit  
 Encor de supporter. Pren cœur, ne deffaux point,  
 Suporte les malheurs. Car il est necessaire.

Garde à qui que ce soit de dire ton affaire,  
 Hommes, femmes, amis : ne parle nullement,  
 Ne te découure point, qu'on ne sçache comment

*Ne pourquoy te voicy, tolere, souffre & porte  
Tout ce qu'on te fera d'ame constante & fortè.*

*A qui respond ainsi Vlysses le sçauant.*

Vlysses  
à Pallas

*Certes à qui que ce soit que tu viens au deuant  
Tant aduisé soit-il, il est bien difficile  
De te bien recognoistre, ô grand Deesse habile,  
Qui te fais sur les Dieux en conseil estimer,  
Car en toute façon tu te sçais transformer.  
Je confesseray bien, que du temps qu'en bataille  
Les Grecs se presentoient soubz la forte muraille  
De la ville à Priam, la superbe Cité,  
De secours, de conseil tu m'as fort assisté,  
Mais depuis qu'elle fut prise, destruite & arse,  
Et nostre flotte fut par Iupiter esparse,  
O fille à Iupiter! ie ne t'ay veu depuis  
Et ne t'ay apperceuë allegger mes ennuis  
Montant sur mon vaisseau pour m'oster de tristesse:  
I'ay sur les eaux erré sans relasche & sans cesse,  
Iusqu'à ce que les Dieux eurent de moy mercy,  
M'osterent du danger, me ietterent transi  
Au port de Phaacie, où benigne & facile  
Tu me vins consoler, & me mis en la ville.  
Or, par mon pere cher, dy moy à ceste fois  
Si ie suis arriué dans le bord Ithaquois,  
Car ie ne pense pas, tant grande est ma misere,  
Avoir encor le pié dessus ma terre chere,  
Mais que ie suis tousiours enterroir estrange,  
Et que tu me deçois. Vien donc me descharger  
De la peine où ie suis. Lors la Tritonienne,  
Ton cœur se plaist tousiours en sa ruse ancienne,*

Disimulé qu'il est. Je ne te lairray pas  
 Tremper plus longuement au travail que tu as:  
 Puis que tu es si plein d'oraison blandissante,  
 Et de prudence, & tous la raison raiissante:  
 Tout autre homme que toy que le malheur aura  
 Long temps trainé sur l'eau, tousiours desirera  
 De reuoir sa maison, sa femme fortunée,  
 Et ses tres-chers enfans, sa tres-douce lignee:  
 Mais ce n'est pas à toy d'ainsi le pratiquer.

Conseil  
 de pallas  
 à Vlyf-  
 tes.

Deuant que te monstrier, que te communiquer  
 Il te faut esprouuer l'amitié coniugale,  
 Sçauoir premierement si ta femme est loyale.  
 Ta femme pour certain passe ses iours en pleurs  
 Dans ta propre maison, & les nuits en douleurs,  
 Selamentant du iour qui s'enfuit & la laisse,  
 Et de la longue nuit qui accroist sa tristesse,

I'ay cogneu tout cecy, dès long-temps ie sçauois  
 Que tes amis perdus en fin tu reuiendrois.  
 Mais ie n'ay pas voulu faire de resistance  
 A mon oncle irrité, n'opposer ma puissance  
 A l'indignation, ny au dedain reglé  
 Qu'il auoit contre toy, quand son filz auenglé  
 Fut par toy, Vlysses. Or sus aye courage  
 Car ie te veux monstrier ton bien, ton heritage,  
 Pour y adiouster foy, regarde ce beau port  
 Qui baille aux flots salez & s'y ouure si fort,  
 C'est l'antique Phorcine: sous la feste geelee.  
 Sous ceste espesse oliue vne grotte est taillee,  
 Des Nymphes le sejour, & que nous appellons  
 Les Naiades des eaux, & deffous ces vallons

Force caavernes sont de grands rochers enceintes,  
 Là faire tu soulois tes hecatumbes saintes  
 Aux Deesses des eaux. Là Neritus apres  
 Couuert d'une forest, à l'ombre espais & frais  
 Mont orgueilleux & haut, ses summitez esleue.

Elle dit, puis soudain la nuee elle leue,  
 Et l'espandit en l'air. Lors la terre apparut,  
 Et un tres-grand plaisir dedans le cœur courut  
 Du diuin Vlysses, regardant comblé d'ayse  
 Son doux pays natal. Alors la terre il baise,  
 Et soulevant les mains que iointes il plia  
 Aux Deesses des eaux ainsi il supplia.

Vlysses  
 reco-  
 gnoist  
 son lha  
 que.

Race de Iupiter, ô Naiades gentilles,  
 Je ne pensois iamais vous voir, ô saintes filles,  
 Je vous salue asteure, acceptez ceste fois  
 Les salutations de ma ioyeuse vois.

Nous vous sacrifierons encores mainte offrande,  
 Si du haut Iupiter la fille sainte & grande  
 Le veut, & daigne encor ma vie prolonger,  
 Et mon cher Telemach en tout bon heur plonger.

A qui respond encor Pallas, Deesse sainte:  
 Rapelle l'esperance & chasse toute crainte,  
 Et plus pour tout cela ne sois sollicité.  
 Mais plustost ce thresor par nous soit emporté  
 Et cachons le leans. Puis il nous faudra faire  
 Ce que nous te verrons estre plus necessaire,  
 Et nous prendrons aduis. Elle dit, puis entra  
 Dans la cauerne obscure, au trauers penetra,  
 Et cherchoit là dedans les cachettes espesses.  
 Vlysses y porta les thresors, les richesses,

Les dons & les presens & les vaisseaux dorez,  
 Les riches vestemens par art élaborez  
 Dont luy firent presens les Seigneurs de Phœace,  
 Disposans chaque chose en son lieu, en sa place,  
 Au fond de l'antre noir. Lors Pallas, que rendit  
 De son cerneau le Dieu qui le foudre brandit,  
 Et que nourrit la cheure, vne grande roche forte  
 Poussa deuant la grotte, & en ferma la porte.  
 Après se retirans soubz le feuillage ombreux  
 D'un olivier espais, ils consultoient entr'eux  
 Des moyens d'arracher aux poursuivans la vie,  
 Et de passer au fer ceste bande ennemie.

Pallas  
 donne  
 aduis à  
 Vlysses  
 comme  
 il met-  
 tra les  
 pour sui-  
 uans de  
 sa fême  
 à mort.

Lors Pallas commença d'un discours aduisé.  
 O de tous les Gregeois le plus fin & rusé  
 Fils du vieux Laërtes ! race des Dieux inclite,  
 Voy comme tu mettras ceste troupe maudite  
 De poursuivans à mort, poursuivans insolens,  
 Et qui presomptueux desia depuis trois ans  
 Gourmandent ta maison : troupe trop déloyale  
 Qui tasche de salir ta couche coniugale,  
 Violer de ton lit la pure honnesteté  
 Et corrompre ta femme & sa pudicité,  
 Offrans force presens. Mais ta pudique femme  
 Te regrette sans fin, sans cesse te reclame,  
 Passe ses ans en pleurs, lamente nuict & iour,  
 Et espere tousiours ton désiré retour,  
 Afin de n'espouser. Ceste troupe qui pense  
 Tousiours à l'attrapper elle paist d'esperance,  
 Les doit finement, & leur promet sans fin  
 D'enuoyer gens par tout pour te chercher, afin

De te garder sa foy, trompant ingenieuse  
 Leur poursuite importune, & recherche ennuyeuse.

Lors Vlysses remply d'aduis prudent & fort,  
 Helas ! il est certain que i'estois roide mort  
 Ainsi qu' Agamemnon dedans ma maison mesme  
 Sans ton prudent aduis & ton amour extreme.  
 Donne moy donc conseil, quel moyen ie tiendray  
 Pour auoir ces galans & mort les estendray :  
 Mais tien toy pres de moy, telle que deuant Troye  
 Quand nous rasons ses murs & la mettiros en proye.  
 Si tu m'assistes tant, si telle ie te sens,  
 Le cœur me bastera d'en combattre trois cents,  
 Si ie t'ay avec moy, & tu m'es secourable  
 O fille à Iupiter Deesse Venerable,

Elle luy respondit. Ie viendray tout à point,  
 Ie te donray secours & ne te faudray point.  
 Et lors qu'on nous verra si bien branler l'espee,  
 I'espere que la terre au sang sera trempée.  
 De ces braues mignons, au sang qui coulera  
 Quand nous serons apres, le pauë rougira,  
 Ie dy de tout autant qu'ils sont, & dont la rage,  
 Vlysse, a degasté ton bien, ton heritage.  
 Mais ie te veux encor desguiser de tout point,  
 Et que, qui que ce soit, ne te cognoisse point.  
 Ta peau qui maintenant est fresche & bien tendue  
 Ie veux qu'elle se ride, & qu'elle soit rendue  
 Et seche & sans humeur : ton poil ie nairciray  
 Encore qu'il soit blond, ie t'envelopperay  
 De si sales haillons, que tu seras horrible  
 A quiconq' te verra, rendray son œil terrible,

Luy pro  
 met se-  
 cours &  
 assistance



Et ton visage affreux, pour le monstrier à tous,  
 Mesmement à ta femme, & à ton enfant doux,  
 Sur tout aux poursuiuays hydeux & effroyable.

Luy cō-  
 seille  
 d'aller  
 trouuer  
 Eumæe  
 son mai-  
 stre por-  
 cher.

Deuant que commencer va t'en au prealable  
 Chez ton maistre porcher, qui garde par les champs  
 Tes porcs (les engressans des glâds qu'ils vōt cerchās  
 Soubz les chesnes branchus.) Il l'est seur & fidelle,  
 Et à ton fils de mesme, & à ta femme belle.

Tu le rencontreras gardant ses gras pourceaux  
 Ioignant le roc Corax, aupres des fresches eaux  
 De la claire Arethuse, au dessus de la riuē  
 Paissans le ferme gland & beuuans l'onde viuē.  
 Tu demeureras là, des choses t'enquerant

Que tu t'auiseras, tant que t'aille courant  
 Jusq' en Lacedæmon, de belles femmes pleine,  
 Enr'appelle ton fils & icy le ramene.

Car il s'en est allé iusq' en Lacedæmon  
 Deuers Menelaüs, l'Atride au grand renom,  
 Pour s'enquerir de toy, s'il pourra point entendre  
 Quelque bonne nouuelle, & de ce Prince apprendre  
 Si tu serois encor sur la terre viuant.

Lors le sage Vlysses le propos poursuiuant  
 Ayant oüy cela dit ainsi à Minerue,  
 Veu que tu retiens tout en toy comme en reserve,  
 Que tu n'ignores rien : que ne luy disois tu  
 La verité de tout? est-ce afin que batu

Des vagues & des vents il coure tout le monde,  
 Endure mille maux? & ceste trouppesimmonde  
 Consumera, gourmande, ains qu'il soit reuenu  
 Et tout mon patrimoine & tout mon reuenu.

N'en sois point en soucy, luy dit lors la Deesse,  
 Et ne pren pour cela marrisson ne tristesse.  
 J'ay voulu que ton fils vint en Lacedemon  
 Pour acquerir bon bruit & glorieux renom.  
 Il est en la maison de l'Atride à son aise.  
 Mais certains ieunes gens pleins d'envie mauuaise  
 Sont montez sur la mer, espient son retour,  
 Et tachent s'ils pouuoient luy faire un meschant tour,  
 Ils veulent le tuer auant qu'il s'en remienne.  
 Mais ils se trompent fort, & deuant qu'il aduienne,  
 Que la terre plustost en couure l'un de ceux  
 Qui desirent son mal, & perdent malheureux  
 La maison & le bien du pere à Telemaque,  
 Et qui vont consumans les richesses d'Ithaque.

Quand elle eut acheué, sa verge elle estendit,  
 Et sa peau par dehors seche & noire rendit,  
 Changea ses cheveux blonds, couurit d'une peau sale  
 Les membres desguisez du vieillard sec & palle,  
 Ses beaux yeux enlaidit, le vestit de lambeaux,  
 Vieux, usez, enfumez, & tombans en morceaux.  
 La peau d'un-viste cerf (sans estre couroyee)  
 Couvroit ses membres vieux, sur un pal appuyee  
 Sa main senestre estoit : & un bissac vilain  
 De rompures, de trous, & de pieces tout plein  
 Qui pendoit sur son dos d'une vieille courroye  
 Elle donne à son homme, & puis elle l'enuoye.

Le rinage laissant ayans bien consulté  
 De ce qu'il falloit faire en telle extremite,  
 Ils se separent lors. Pallas plus loing s'escarte  
 Et s'en va rencontrer Telemachus à Sparte.

Pallas  
change  
Vlyses  
en un  
vieillard  
ord &  
sale.



LE  
 QVATORZIESME  
 LIVRE DE L'ODYSSEE  
 D'HOMERE.

ARGVMENT.



Lysses s'achemine aux champs vers Eumée  
 son maistre porcher, ses chiens le veulent  
 mordre. Eumée le reçoit de bon cœur. Ils  
 discourent ensemble, il se deguise, & se donne à  
 entendre pour vn autre, luy faisant quelques con-  
 tes controuuez.

---

AUTRE SOMMAIRE.

*Ses chiens le veulent mordre, & le maistre porcher  
 Reçoit sans y penser chez luy son maistre cher.*



*Ais y lysses laissant le riuage moiteux,  
 Entre dans vn sentier & rude & raboteux,  
 Chemine par l'espais des ombrageux bocages,  
 Et grimpe sur le haut des grands costaux sauvages.*

Le sentier le menoit où pour l'heure habitoit  
 Le fidelle porcher que Pallas luy contoit.  
 Là sur tout il auoit & la charge & la cure  
 Et des gens d'Ulysses & de leur nourriture.  
 Il le trouua seant au deuant de la Cour  
 D'un grand & beau logis, enfermé tout autour,  
 Et basti en bel air. En l'absence d'Ulysse  
 Luy mesme auoit construit tout ce bel edifice  
 A ses propres despens, sans que Penelopé  
 N'y le vieil Laërtes eussent aux frais trempé,  
 Amenant sur le lieu les grands cartiers de pierre.  
 Vne haye d'espine & l'enceint & l'enserre  
 Avecques de gros paux tout au trauers fichez  
 De bois de chesnes forts qu'il auoit esbranchez,  
 N'y ayant entre deux que bien fort peu d'espace.  
 Il auoit fait dresser au dedans de la place  
 Douze grands toits à porcs, l'un l'autre se touchans  
 Pour les truyes sans plus, où elles vont couchans  
 Cinquante dans chacun, avecque leurs ventrees,  
 Et dedans peuuent estre à leur aise veauirees.  
 Les mastes sont aupres : mais ils couchent dehors  
 Moins en nombre beaucoup : car to<sup>u</sup> les plus grâds porcs  
 Decroissoient grandement, pource que d'ordinaire  
 Les braues poursuiuans en faisoient bonne chere,  
 Et falloit que le maistre eust soing pour leurs repas  
 De leur en enuoyer tous les iours des plus gras :  
 De trois cens & soixante estoit pour lors la bande.  
 Aupres d'eux quatre chiens de taille forte & grande  
 Que le maistre porcher auoit nourry jadis,  
 D'ordinaire couchoient comme lions hardis,

Ulysses  
 va trou-  
 uer son  
 porcher

L'habi-  
 tatiō du  
 porcher  
 d'Ulysses.

Luy mesme ses souliers rapetassoit pour l'heure  
 D'une grand peau de bœuf de gentille teinture:  
 Trois des autres porchers estans pour lors aux chäps  
 Alloient à la païsson les gras troupeaux touchans.  
 Il auoit enuoyé le quatriesme en ville  
 Mener un porc par force à la bande inciuile  
 Des amans insolens, qui ne vouloient chommer,  
 Ains tousiours des plus gras en faisoient assommer,  
 Pour faire leurs festins & bien fournir leurs tables.

Les  
chiens  
se iettēt  
apres  
Vlysses.

Comme Vlysses fut veu de ces chiens effroyables  
 Ils accoururent sur luy, abbayans fierement.  
 Luy qui se voit par eux pressé cruellement  
 Plein d'astuce & prudent s'asit bas sur la place  
 Et son baston luy cheut, (sans vser de menace:

Le por-  
cher  
court les  
chasser.

Las! quelle cruauté tomber en tel ennuy  
 Et courir tel hazard lors qu'il se voit chez luy!  
 Lors le porcher accourt en toute diligence,  
 Son cuir luy chët des mains, les chiës il chasse & tèse,  
 Les espard par les champs à gräds coups de cailloux,  
 Puis s'en vint à sō maistre, & d'un parler fort doux,

Le por-  
cher à  
Vlysses.

Pauvre vieillard, dit-il, ne s'en est fallu guere  
 Que ces malheureux chiës de leur gueule meurtriere  
 Ne t'ayent déchiré. Tu m'eusses à iamais  
 Reproché ce malheur. Mais j'ay bien deormais  
 D'ailleurs que de cecy sujet de me complaindre,  
 De gemir mes malheurs & du destin me plaindre.  
 C'est pour mon diuin Roy que ie lamente ainsi,  
 Que ie pleure sans cesse agraüé de soucy,  
 Et tous ces beaux porcs gras par ces cäpagnes belles  
 Pour d'autres ie nourry, (gourmandises cruelles:

*Et luy mourant de faim est peut-estre poussé  
Errant & vagabond (par le flot courroucé),  
Ou bien il va courant, ô fortune legere!  
Quelque esloigné país, quelque terre estrangere,  
S'il vit encor au moins, il hume encor le iour,  
Et s'il voit du Soleil le lumineux retour.*

*Mais entrons, mon bon homme, entrons, nous au-* Le fai-  
*De te faire à plaisir prendre ta nourriture (rons cure* entrer  
*Et de te faire boire, & puis quand tu seras* dans le  
*Bien plein & bien content, tu nous raconteras* logis.  
*De quel país tu es, & puis quelles fortunes*  
*Tu as peu tolerer rudes & importunes.*

*Il dit, puis il commence à se mettre deuant,  
Le meine en la maison, & des feüilles leuant  
Par terre les espanche, & leur espais branchage.  
Puis il estend la peau d'une cheure sauvage  
Et mollete & polie, il en faiët un cheuet  
Et vn liët large & grand, dessus le liët le met  
Pour le faire coucher. Sur ceste couche molle  
Vlysses est bien-aise, & prenant la parole,*

Vlysses  
remer-  
cie Eu-  
mæus.

*Les Dieux du ciel, dit-il, & le grand Iupiter  
Veillent à ton souhait tousiours te contenter  
O mon hôte courtois! qui m'as receu de grace,  
Et m'as donné chez toy une si bonne place.*

*Eumæ luy dit alors. Seroit mal faiët à moy  
S'il m'arrivoit quelcun plus pauvre encor que toy  
„ Que ie le mesprisasse. Or tout estrangier mesme,  
„ Tout pauvre est enuoyé de Iupiter supresme.  
Ce que ie puis donner n'est pas de grand valeur,  
Ne monte pas beaucoup, mais il viët d'un bon cœur.*

Et puis tous seruiteurs ordinairement craignent,  
Lors principalement que ieunes princes regnent.

Propos  
d'amee  
à Vlysses.

Certainement les Dieux ont mis empeschement  
Au retour du bon Roy, qui si benignement  
M'aymoit, me maintenoit, & (faisant son voyage)  
Comme à son cher amy, m'a laissé, heritage,  
Maison, possessions, en outre m'a baillé  
Femme tresdesiree. Or i'ay fort trauaillé  
A gouuerner son bien, mais Dieu par sa clemence  
A benit mon labeur & acreu ma cheuance.  
Ce mesnagement donc où ie m'adonne icy  
S'augmente par ma peine & par mōn soin aussi,  
Si la courbe vieillesse à ce Roy miserable  
Se fust passée, hélas ! en sa terre agreable,  
S'il fust deuenu vieil en ces champs Ithaquois,  
He ! combien de richesse & de biens à la fois !  
Car il m'eust fort aydé de sa seule presence.  
Mais hélas ! il est mort. Que toute la semence  
D'Heleine, son enjance & sa posterité  
Perisse méchamment : pource qu'elle a esté  
Cause de tant de maux qui sont cheus sur la terre,  
Et que tant d'hommes forts sont peris en la guerre :  
Soubz le commandement du Roy Agamemnon  
Il s'en alla jadis pour acquerir renom  
Vers le cheualereux Ilion, faire guerre  
Auec toute la Grece à la Troyenne terre.

Ayant ainsi parlé, sa ceinture il ceignit,  
Et sa robe haussant ses reins il estraignit,  
Il luy appreste Puis aux porcs s'en alla, & de toute la troupe  
amager Il prend deux gras cochons & la gorge leur coupe,

Pour les faire rostir, il les prend tous sanglans,  
 Il les met en morceaux, les embroche tremblans,  
 Les rostit, les fait cuire, & la fleur la plus fine  
 Essarpille dessus de mollette farine:  
 Les porte à Vlysses, & puis luy presentant  
 Le doux vin, en ces mots il l'alloit confortant:

Mon hôte, ie te pry mange ta suffisance  
 De ce que te fournit ma petite puissance,  
 Ce ne sont que cochons: les plus beaux, les plus gras  
 Seruent aux poursuiuans de banquets delicats.  
 Ces hommes sont du tout sans respect & sans honte,  
 Et de compassion ne tiennent aucun compte.  
 „ Or les Dieux ne sont pas amis des cruautéz,  
 „ Ne favorisent pas telles meschancetéz,  
 „ Ils ayment l'équité, ceux qu'ils voyent bien faire  
 „ Ils leur en sçauent gré, leur en rendent salaire.

Le cōuie  
 à faire  
 bonne  
 chere.

Luy fait  
 entēdre  
 les des-  
 ordres  
 & inso-  
 lences  
 des  
 poursui-  
 uans.

Les plus fiers ennemis, les plus cruelles gens  
 V sans d'hostilité sont prompts & diligens  
 De faire leur rauage, ostent par malencontre  
 Tout ce qui deuant eux se trouue & se rencontre,  
 Se chargent de butin, & sont prests d'emporter  
 Ce qui leur est offert du vneil de Iupiter.  
 Mais comme ils ont rempli de butin leur nauire  
 Chacun gagne le haut & chez soy se retire,  
 Par fortune saisis de crainte, & la frayeur  
 Qu'ils ont d'estre suiuis leur faiēt trembler le cœur,  
 Or il faut que ces gens & fascheux & molestes  
 Ayent sceu de la voix de quelques Dieux celestes  
 La mort de ce bon Roy perdu si pauurement:  
 Car ils ne veulent pas pourchasser iustement



Ny comme il appartient. Chez eux ils ne retournent,  
 Mais dedans sa maison sans propos ils sejourment,  
 Dilapident son bien sans moderation,  
 Et n'y a nul propos à leur extortion:  
 Et par autant de iours que le bon Dieu éclaire,  
 Et par autant de nuités qu'il sçache encore faire,  
 Ils ne font que tuer: & ne leur suffit pas  
 D'une beste ou de deux à leur gourmand repas.

Pour le vin sans raison, sans loy, ne conscience  
 Ils le vont consumans en perdue abondance.  
 Grandes par cy-deuant estoient ses facultez,  
 Et les plus grands seigneurs qui ont de tous costez  
 Ou soit en terre ferme, ou en Ithaque mesme  
 De biens & de bestail une cheuance extrême,  
 Non pas vingt des plus gros, n'oseroient nullement  
 S'accomparer à luy: ie te diray comment.

Bestail d'Vlysses Il a douze troupeaux de bœufs par les campagnes,  
 De brebis tout autant paissans par les montagnes,  
 De cheures tout autant par les panchans coupeaux  
 Tondans la feuille tendre, & autant de pourceaux.  
 Chacun de ces troupeaux à ses gardes feables:  
 Pour les cheures à part on a fait onze estables,  
 Que les pastres au loing hors des champs vont gardât,  
 De ses troupes chacun bon compte va rendant.  
 Chacun d'eux tous les iours à toute heure qui passe  
 Prend un bœuf, un mouton, ou une cheure grasse  
 La plus belle du parc, les mene aux amoureux  
 Afin d'en apprester leurs festins plantureux.  
 Moy ie garde les porcs, à moy en est la charge,  
 Desquels le plus souvent le plus gras, le plus large

*Leur est aussi mené, & les mangent sans fin.*

*Ainsi luy disoit-il. L'autre qui avoit faim  
Cassoit ce-temps-là, & remplissoit sa pance,  
Et beuvoit le bon vin versé en abondance:  
En s'attristant par fois, & ruminant bien fort  
Comme il pourroit donner à ces mignons la mort.*

*Après qu'il eut souppé à chère suffisante,  
Le porcher prend encor sa tasse, & luy presente  
Pleine de son bon vin : c'est celle où il beuvoit,  
Et luy gaillardement l'accepte & la reçoit,  
Et la vuide ioyeux du bon iust delectable.  
Après se retournant au porcher à la table,  
Se prend à dire ainsi. Or sus raconte moy  
Qui est ce Prince riche, & ce tant puissant Roy  
Qui t'acquies, ce dis-tu, & toute ta cheuance,  
De ses propres moyens, & avec sa finance,  
Et que tu dis encor pour acquérir renom  
Estre mort, ensuyuant le Prince Agamemnon,  
Dyle moy ie te pry, si ie l'aurois peut-estre  
En allant par le monde au moins peu recognoistre,  
Iupiter & les Dieux sçauent si ie diray  
Si pour vray ie l'ay veu, ou si ie m'en tairay.  
J'ay couru diuers lieux, j'ay veu mainte prouince,  
Auquel lors le porcher, des autres porchers prince:*

*Mon bon homme, combien que diuers estranger  
Vint en ceste maison passé par maint danger,  
Et qu'il nous rapportast de ce prince nouvelle,  
Son pere, ne son fils, ne sa femme fidelle  
N'y croiroient nullement, tout ce qu'on en diroit  
Fust vray, fust faux, iamais ne les esmouueroit.*

Vlysses.  
ne per  
temps  
ce pen  
dant qu  
Eumæe  
luy en  
conte.

Vlysses  
semond  
son por  
cher de  
luy dir  
le nom  
de son  
maître

Respon  
ce d'Eu  
mæe:

„ Ces coureurs de pays indigens, miserables,  
 „ Rapportent tousiours faux, & ne sont veritables:  
 „ Car ils veulent disner. Que si quelque estranger  
 En ce fertile pays pauvre se vient ranger,  
 Parle à Penelopée de chose qui luy plaise,  
 Bien que soit en mentant, elle le met à l'aise  
 A table à banqueter, & de tout s'informant  
 La pauvrette se va de douleur consumant,  
 Elle fond toute en pleurs, & selon sa coustume  
 S'humecte tout le sein de larmes d'amertume:  
 Pieté féminine, & qui tousiours sied bien  
 A la femme pudique, à qui le mary sien  
 Perdu ne se void plus, ( & ce pendant qu'il erre  
 A ces iours acheuez en quelque estrange terre.)

Or sus mon bon vieillard, bonte toy à songer,  
 Vien nous quelque nouvelle inuenter & forger,  
 Attrappe en ce faisant de la Nymphé diuine  
 Quelque bon hocqueton, ou quelque manaeline.

Helas ! il est gisant long temps a par les champs  
 La proye des oyseaux, les chiens vont escarchans  
 Sa peau dessus ses os, les Autours effroyables  
 Mangent long temps y a ses ses boyaux miserables  
 Tirez hors de son corps, ou bien és eaux là bas  
 Les poissons en ont fait leur proye & leur repas,  
 Et ses os blanchissans és sablonneuses plaines  
 Gisent enseuelis dans les seiches arenes.

Ce bon Prince, ce Royn'est plus, n'est plus à nous,  
 Helas ! il est perdu, & n'a laissé à tous,  
 Et principalement à moy, que sujet d'estre  
 En pleint perpetuel. Iamais un meilleur maistre

Il croit  
 que  
 Vlysses  
 soit  
 mort.

Il regre  
 te son  
 bon  
 maistre.

Je ne retrouvray où que ie puisse aller,  
 Ne qui puisse iamaïs en bonté l'égalér.  
 Soit que ie coure aux lieux de ma naissance chere,  
 Soit que i aille renoir ou le pere ou la mere  
 Desquels ie suis sorry : dont ie ne plaindrois pas  
 Tant que de cestui-cy la perte & le trépas,  
 Encore que i aye eu d'eux la naissance & la vie,  
 Non, ie n'ay point au cœur vne si grande enuie  
 De les voir, retourné en mon pays natal,  
 Que i ay de voir Vlysse, & qu'il me fait de mal  
 De ce qu'il est perdu, tant i ay en reuerence  
 Ce nom que ie regrette, & nomme en son absence:  
 Tant, las! il me portoit de bonne volonté.  
 Je l'appelle tousiours en douceur & bonté,  
 Comme mon frere aisné, & sa memoire forte,  
 Combien qu'il soit absent iamaïs en moy n'est morte.

Lors Vlysses luy dit: Tu ne peux tant donner  
 A ta foy, qu' Vlysses doive oncques retourner,  
 Tu en as, ce dis-tu, perdu toute esperance.  
 Or ie te iure icy la suprême puissance  
 Non temerairement, bien tost tu le verras,  
 Mais recompense aussi donner tu m'en feras  
 Arrivé qu'il sera dans sa maison diuine  
 Alors habille moy, ou d'une manteline  
 Ou d'un bon hocqueton, pour t'avoir seurement  
 Annoncé qu' Vlysses viendroît finalement.  
 Je ne veux toutesfois, bien que plein d'indigence,  
 Qu'il ne soit arrivé, prendre la recompense  
 Je hay plus que l'enfer un que la pauvreté  
 Contraint impudemment de dire fausseté.

Vlysses  
 donne  
 assuran  
 ce au  
 porcher  
 qu'il ver  
 ra bien-  
 tost son  
 maistre.

Que le grand Iupiter qui du Ciel tient l'Empire,  
 Me soit un iour tesmoin de ce que tu m'ois dire,  
 Ceste hospitalité, & ceste table icy  
 Où i'ay esté receu me le tesmoigne aussi,  
 Et du grand Vlysses la digne couuerture  
 Où ie suis entré pauvre, oye ce que ie iure,  
 Tout ce que ie t'ay dit sans faillir aduiendra,  
 Vlysse en sa maison dans cet an reuiendra,  
 Ce mois n'aura si tost veu son heure dernière,  
 L'autre n'aura si tost commencé sa priere.

Que dedans son pays remis on le verra:  
 De son fils, de sa femme alors il vengera  
 Les mortels ennemis, ceux qui son bien deuorent,  
 Et sa maison illustre insolents deshonorent.

Eumæe  
 ne le  
 peut  
 croire.

Auquel, Eumæe, alors ainsi tu respondis.

Iamais, ô bon vieillard, pour tout ce que tu dis  
 Tu n'auras recompense, & ce Roy honorable  
 Ne reuerra iamais son pais desirable.

Mais boy tout à ton ayse & pren ce bon repas,  
 Tu dis chose incroyable & qui n'aduiendra pas,  
 Parlons donc d'autre chose, & qui point ne m'ennuye:  
 Pour autant que mon œil mal-aisément s'essuye  
 Quand i'entens que quelqu'un me vient parler de luy:  
 Tristesse, marriſſon, melancolie, ennuy,  
 Me gesnent là dedans, soit donc comme tu iures  
 Qu'Vlysses reuiendra, soit comme tu l'assures,  
 Soit comme tant de fois i'ay veu Penelopé  
 Le cœur plein de souſpirs, l'œil de larmes trempé  
 Le demander aux Dieux, le vieux Prince d'Ithaque,  
 Laërtes autant qu'elle, & le beau Telemaque

*Queles Dieux ont nourri, & moy plus qu'eux cêt fois  
Qui l'ay requis aux Dieux & de cœur & de voix.*

*Orie plain le desastre & la fortune inique  
De Telemach', qu'Vlysse a laissé fils unique  
Dès sa tendre ieunesse, il ressembloit tout fait  
Vn gentil arbrisseau tout noble, tout parfait,  
Queles Dieux ont planté, croissant en beaux ramages,  
En reiettons plaisans & verdoyans feiillages.  
Souuentefois i'ay dit, estant tout seul assis,  
Quand son aage viendra plus fort & plus rassis,  
Il ne sera pas moindre en vertu, en prudence,  
En forme, en maiesté, en armes, en vailtance,  
Que son pere a esté. Je luy voy beau le corps,  
La face bien formee, & les membres bien forts.*

*Je ne sçay si vn Dieu son ame auroit blesee,  
Ou si quelque mortel l'auroit interessée :  
Mais vne humeur l'a pris depuis peu de courir.  
Il est allé à Pyle afin de s'enquerir  
Qu'est deuenu son pere, & si par grands merueilles  
Quelque bruit en viendroit certain à ses oreilles.  
Cependant ces méchans ont armé vn vaisseau,  
Ils sont en quelque part à l'attendre sur l'eau  
Afin de le surprendre, & par leur artifice  
Faire que d'Arsefie entierement perisse  
La race dans Ithaque, & que le tombeau creux  
Se repaisse en sa mort de tout ce sang fameux.  
Mais laissons tout cela, n'en parlons dauantage,  
Soit qu'il doine tomber souz leur cruelle rage,  
Soit qu'il eschappe heureux leur fiere trahison,  
Et doine reuenir en sa douce maison:*

Il plaint  
Telema  
chus.

*Le benin Iupiter en sa garde le tienne.*

Eumée  
le prie  
de luy  
dire qui  
il est,

*Bon vieillard conte moy de la fortune tienne,  
Dy moy ta pauvreté, tes peines, tes ennuis,  
D'où tu viens, qui tu es, & quel est ton pays,  
Tarace, ta maison, quel vaisseau, quelle sorte  
De gens t'ont mis icy, & t'ont seruy d'escorte,  
C'est de venir à pié impossibilité.*

Narra-  
tion d V  
lysses  
pleine  
de diffi-  
mula-  
tions.

*Pasteur, ie te diray toute la verité,  
Luy respondit Vlysse. Et quand sur ceste table  
Ne nous faudroit le pain ny le vin amiable  
Banquetans longuement en repos, en douceur,  
Les autres ce pendant iroient à leur labeur,  
Je ne pourrois pourtant en vne année entiere  
Te conter aysément la peine, la misere,  
Les trauerjes, les maux, les tourmens ennuyeux,  
Et les afflictions que les celestes Dieux  
Ont fait tomber sur moy en extrême abondance.*

*J'arriue de Candie où i'ay pris ma naissance,  
Mon pere estoit fort riche (en auoir paternel)  
Il eut plusieurs enfans, du costé maternel  
Leur noblesse estoit grande, illustre, & en estime,  
Mais ie ne fus pas né de mere legitime,  
Ains d'une concubine, & mon pere acheta  
Esclaué à prix d'argent celle qui m'enfanta,  
Et qui me mit au monde. Or encor que ma mere  
Fust telle que i'ay dit, ce neantmoins mon pere  
Castor fils d'Hylacus (i'ose me renommer  
De ce pere le fils) ne laissa de m'aimer,  
Comme ses vrais enfans. Il estoit en Candie  
Honoré comme un Dieu tandis qu'il fut en vie,*

Le peuple l'adoroit plein d'honneurs triomphans,  
 Plein de bien, de richesse, & de braues enfans.  
 Mais si tost que la Parque eust submergé son ombre  
 Dans le fleuve de Dis, & que le destin sombre  
 L'eust rangé chez Pluton, mes freres orgueilleux  
 De telle heredité, de biens si merueilleux,  
 Champs, richesses, thresors à partager se mirent,  
 Et de tout ce grand bien petite part me firent.  
 Ce beau partage faict ie ne fu longuement  
 Que ie ne prisse femme & bien & richement,  
 Ma vertu me l'acquit, mes armes, ma prouesse:  
 Car ie n'auois le cœur engourdy de paresse,  
 Ie n'estois ignorant du fort mestier de Mars,  
 (Et ne tournois le dos aux coups ny aux hazards.)  
 Mais, las! tout cela tombe asteure en decadence:  
 Si peux-tu toutes fois à voir mon apparence  
 Tirer presumption de ma force & vertu,  
 Et les malheurs encor ne m'ont point abbatu.  
 Certes Mars & Pallas l'inuincible Deesse,  
 N'ont point depourueu de force & hardiesse:  
 Toutes & quantes fois qu'en embuscade mis  
 J'ay porté malencontre à tous mes ennemis  
 Suivy de bons soldats, i'amaïs (& i'en fay gloire)  
 L'image de la mort ne me vint en memoire,  
 Et i'amaïs la frayeur ne me glaça les os,  
 Mais tousiours le premier, de cœur, de pieds, dispos  
 J'allois donner dedans, & tousiours mon espee  
 Estoit dedans le sang la premiere trempée.  
 Tel en guerre i'estois, tel i'estois aux combats,  
 Le song de la maison ne me detenoit pas,



Le soucy d'agrandir le profit domestique,  
 Le bien de mes enfans ne m'estoit en pratique:  
 Car mon humeur estoit de courir sur la mer  
 D'auoir de bons vaisseaux, & de faire escumer  
 Soux mes rames les flots. Les piques bien dorees,  
 Les iauelots pointus, les flèches acerees  
 C'estoit tout mon plaisir: les armes, la fureur,  
 Et les guerres qui sont aux autres en horreur.  
 Dieu m'auoit faiet ainsi: un autre a autre enuie,  
 Et à d'autres mestiers accommode sa vie.

Deuant que contre Troye allassent les Gregeois  
 I'auois esté desia Capitaine neuf fois,  
 Je conduisois mes gens & mes naufs sur Neptune,  
 Et contre tout le monde esprouuois ma fortune:  
 Et tout me succedoit, tout selon mes discours  
 Croissoit, & iamais rien ne me vint à rebours.  
 Par là i'acquy en bref mainte grosse cheuance,  
 Ma maison augmentoit en honneur, en puissance,  
 Et mon nom s'en alloit par Crete fleurissant.

Mais quand de Iupiter le pouuoir tout puissant  
 Voulut contre Ilion armer toute la Grece,  
 Guerre qui mit à mort tant de braue ieunesse;  
 Il me fallut aussi en diligence armer  
 Auec Idomence, & monter sur la mer,  
 Nous en aller à Troye, & sur le bleu empire  
 De Neptune equipper mainte forte nauire.  
 Or ne falloit-il pas tarder, ny reculer,  
 N'eust esté que l'honneur, il y falloit aller,  
 Crainte qu'on ne nous vint taxer de coïardise,  
 Nous incitoit assez à subir l'entreprise.

Neuf Soleils tous entiers nous fûmes à l'entour  
 Des hauts murs d'Ilion'combatans nuit & iour,  
 En fin le dixiesme an à fleur nous les razasmes,  
 Puis remontans sur mer les voiles nous haussasmes  
 Pour nous en reuenir. Mais Neptun dispersa  
 Les nauires des Grecs, & sur mer les poussa:  
 Je vins, mais Iupiter m'enuoya en colere  
 Le destin malheureux d'une fortune amere.

Je ne fu pas un mois entre les voluptez  
 Dont ie m'apperceuois comblé de tous costez,  
 Que tout m'alloit riant, ma maison fortunee,  
 Femme ioyeuse & belle, & nouvelle lignee,  
 Femme que j'espousay en ses ans florissans:  
 Que desirs trop cruels le cœur me vont poussans  
 A plus haute entreprise, & ne me fut possible  
 De supporter plus outre un repos si paisible.  
 J'arme donc une flotte & remonte sur mer,  
 L'ardeur qui me poussoit me dictoit de ramer  
 En la terre du Nil. Ia desia mes galées  
 Neuf en nombre flottoient sur les ondes salées,  
 J'assemble tous mes gens, gaillards ils banquettoient,  
 Par six iours, & de vins & viures se traittoient,  
 Et moy-mesme immolois à la maiesté grande  
 Des Dieux sur leur autel mainte souëfue offrande:  
 Sur le septiesme iour (le Soleil se leuant)  
 Nous montasmes sur mer & nous mîmes au vent  
 A la veüe de Crete allans à voile pleine,  
 Et le vent nous poussoit d'une plaisante aleine.  
 Nos nauis rasoient la mer, & nos voiles sonnoient  
 Au pris que le Pilote & le vent gouuernoient.

412 LE QUATORZIESME LIVRE  
 Sur le cinquiesme iour vindrèt nos naufs profondes  
 En Aegypte, où le Nil faict égayer ses ondes :)  
 Ayant delibéré d'entrer dedans ses eaux  
 Je commande à mes gens d'y dresser leurs vaisseaux  
 Et de n'en sortir point: des escoutes i'enuoye,  
 Eux inconsiderẽz se mettent à la proye  
 Se fians en leur force, & courans par les champs  
 Ils mettent tout au fil de leurs glaiues trenchans:  
 Ils degastent les bleds, & les troupes craintives  
 De femmes & d'enfans ils entraînent captives.  
 La frayeur, la clameur, court des champs aux citez,  
 Dessus le poinct du iour les bourgeois incitez  
 Conuiennent tous ensemble, & la troupe animée  
 A cheual & à pied faict vne iuste armée.  
 Les morions luisans ils marchent contre nous,  
 Et Iupiter iettant ses foudres en courroux  
 Tourna mes gens en fuite, & nul n'eut le courage  
 De soudenir le choc, la fuite, le carnage  
 Nous prend de tous costez, les ennemis plus forts  
 Estendent la plus part de nos gens roides morts,  
 Les autres prisonniers soubz leur puissance rude  
 Sont toucheẽz, pour subir tres-dure seruitude.  
 Mais Dieu eut soin de moy en ce piteux effort,  
 Toutes fois son plaisir fust que ie fusse mort  
 Sur le champ en Aegypte, au beau milieu des armes,  
 Helas qu'il m'eust sauué & d'ennuis & de larmes.  
 L'arrache mon armet, quitte mon coutelas,  
 Destache ma rondache, & iette tout à bas,  
 Cours au cheual du Roy, tombe deuant sa face,  
 Me iette à ses genoux, les baise & les embrasse,

Il me donna la vie, en son charme monta,  
 Me mena dans la ville, & leur ire arresta,  
 Car ils m'environnoient, & de grande furie  
 Me presentans leurs dards vouloient auoir ma vie.  
 Il me tira delà, de crainte d'encourir

L'ire de Iupiter si l'on m'eust faiët mourir:

„ Car il est protecteur des supplians, & venge

„ Tres-äprement le tort qu'on faiët à vn estrange.

Je vescu là sept ans assez heureusement,

Mes affaires menay assez prosperement

Entre ces gens d'Aegypte, & me fit-on largesse

Assez benignement de bien & de richesse.

Voicy le huitiesme an qui desia s'en venoit,

Et ses iours reuolus dans son rond retournoit,

Quand vn Phenicien, homme plein de malice,

Dont force gens auoit ruine l'artifice,

M'accosta doucement. Il me persuadoit

D'aller en Phenicie, où lors il possedoit

Force biens & force champs, force riche heritage.

Il me tint tout vn an avec son doux langage,

Je demeure chez luy. Or se passant le temps,

Et les iours & les mois, en fin vint le Printemps,

Il me depescha donc comme pour la traffique,

Sur vn vaisseau chargé en la terre Lybique.

Or sa meschanceté reuenoit à cela,

De me faire en-aller & de me vendre là,

Car il ne pensoit pas en tirer peu de somme:

Je le suy, me doutant toutefois de mon homme,

Mais force m'estoit bien. Or pour l'heure le vent

D'un souffle bon & doux nous alloit poursuyuant:

*Si que prosperément sur la mer nous cinglâmes  
 Tant que pres de Candie en fin nous arriuâmes;  
 Et Iupiter alors du mal leur ourdissoit:  
 Nous laissons apres Crete, & plus on n'apperçoit  
 Isle, terre, ne port: nous n'auons plus en uue  
 Rien que mer, rien que Ciel. Lors vne noire nuë  
 Iupiter fond sur nous portant orage & bruit,  
 Tenebres & tempeste: au sombre de la nuict  
 L'eau se ccuure cachée, & Iupiter qui tonne  
 Eclairs, foudres & feux au trauers de nous donne,  
 Le vaisseau piroüette, & du foudre frappé  
 De tonnerre est remply, de foudre enuveloppé:  
 Nos gens töbent en mer, à des plongeons semblables  
 Flottans dessus les eaux. Les ondes effroyables  
 Engloutissent la barque, & le grand Iupiter  
 Leur vouloit tout espoir de leur retour oster,  
 Il me vit toutesfois, en me sauuant à nage,  
 Le mast entre les mains, me donna le courage  
 De le prendre & serrer pour éuiter la mort:  
 L'eau, le vent me portioient d'un admirable effort,  
 Neuf iours entiers la mer sur elle me souleue,  
 Mais le dixie/me flot me iette sur la greue  
 Des Theßprotes humains. Le Ciel estoit bandé  
 Et la nuict estoit close alors que i'aborday  
 A nage sur le bord, où me sauua la vie  
 Le gentil Roy Phedon, & me fit courtoisie:  
 Car son cher heritier me courut au deuant,  
 Mereceut demy-mort du froid, du flot, du vent,  
 Du travail de la mer, me mena en la salle  
 Me tenant par la main, tant qu'en sa court royalle*

Il m'eust accompagné, & tres-benignement,  
Déchiré me couurit d'un bon accoustrement.  
Là ie l'oüy parler d'Ulysses le Roy sage,  
Comme il l'auoit receu par le droict d'hostelage,  
On luy auoit dressé tout son embarquement  
Pour iusqu'en son pays le mener seurement.  
Les richesses qu'Ulysses auoit lors amassees,  
Il me les fit monstrier à monceaux entassees:  
Tant fer elabouré, qu'or & cuyure luisant.  
Le tout tel, qu'il seroit pour nourrir suffisant  
Quelqu'un iusqu'aux enfans de la race dixiesme  
Et chez ce Roy estoit tout ce thresor extresme.  
Il me contoit comment le Cephalien  
Son chemin auoit pris au bois Dodonien  
A Iupiter sacré, pour auoir fauorable  
Du chesne prediseur l'oracle veritable,  
Et comment il deuroit reuoir finalement  
Son Ithaque par luy desirée ardemment,  
S'il reuiendrait caché dans sa chere contree,  
Ou si à decouuert il y feroit entree:  
Deffus l'autel sacré iurant il protestoit  
Que pour ce seul conuoy des nauys il apprestoit,  
Les rangeoit dans son port, & que tout lequipage  
Et les gens estoient prests pour faire le voyage.  
Mais l'occasion vint de m'enuoyer deuant,  
Qui fut qu'une nauire alloit prendre le vent,  
D'hommes Theſprotiens, qui venoient faire charge  
De bleds en Dulichie, & prendre la mer large.  
Il commande à ses gens que ie fusse porté  
Vers le Roy Acastus en toute seureté,

Mais estâns sur la mer ceste méchante bande  
 Machina contre moy une trahison grande,  
 Afin que ie tombasse en des malheurs nouveaux:  
 Nous ne fusmes plustost bien auant sur les eaux  
 Qu'ils me firent sentir leur grande ingratitude,  
 Prests à me faire entrer en dure servitude.  
 De mes habillemens & bons & precieux  
 Ils me font despoïiller, & me donnent ces vieux  
 Que voicy sur mon dos: au soir ils arrinerent  
 En la plaisante Ithaque, alors ils melierent  
 De cordes dans la barque, & puis chacun d'eux sort,  
 Et s'en vont apprester leur soupper sur le port:  
 Les bons Dieux (irritez contre leur inclemence)  
 Rompirent mes liens. A l'heure ie commence  
 De plier sur mon chef mes déchirez haillons,  
 Me couler dans la mer, puis ie fends ses sillons  
 A grand force de bras, l'onde me porte à nage,  
 Et ie coupe le flot, tant que sur le riuage  
 J'aborde viftement. Là un bois verdoyant,  
 Et maint grand cheſne alloit ses feüilles ondoyant:  
 Je me tapy deſſous, & elles me cacherent.  
 Les cruels inhumains longuement me chercherent  
 Avec de grands regrets, ils viſitoient par tout,  
 Et foüilloient la forest de l'un à l'autre bout.  
 Ils penserent en fin de ne point dauantage  
 Perdre temps à chercher le bois & le riuage,  
 Et montans sur la nef à force de ramer  
 Regagnerent le haut de la profonde mer.  
 Les Dieux à ſeureté ſoubz les feüilles me mirent,  
 Et pour en core viure icy me condui. j. r. t.

*Chez toy homme de bien qui vis si prudemment.*

*A donc luy respondit le porcher brefuement:*

*O sur tous estrangers, estrange miserable,*

*Certes tu m'as esmeu en contant pitoyable*

*Tes malheurs, tes erreurs: mais tout ce que tu as*

*Raconté d'Ulysses, i'amaïs tu ne pourras*

*Me le persuader, ce sont fables & songes*

*Trouvez mal à propos. Qu'usés-tu de mensonges*

*Si temerairement en l'estat où tu es?*

*Je sçay bien que mon Roy ne reuiendra i'amaïs.*

*Les Dieux l'ont trop hay, puis qu'ès mains ennemies*

*Sous Troye il n'est pas mort, nō pl<sup>q</sup> qu'ès mains amies.*

*Combatant vaillamment. Les Grecs pour sa valeur*

*S'il y fust succombé, eussent à son honneur*

*Vn sepulchre dressé, superbe, & conuenable*

*A Prince si vaillant, & qui eust honorable*

*Pour son fils à i'amaïs, son beau renom ietté*

*Fameux & triomphant à la posterité.*

*Mais maintenat il gist déchiré des harpies*

*Sans reputation. Or ie garde ses truyes (champs*

*Et ses grands pourceaux gras, vray amateur des*

*(Haïssant le commerce & les hommes meschans.)*

*Je ne vay i'amaïs plus dans la maison royale,*

*Que quand Penelopé son espouse loyale*

*Dès Princesses l'honneur, veut parler avec moy.*

*Alors qu'elle a ouy des nouuelles du Roy:*

*Ses seruiteurs alors s'enquierent, se tourmentent,*

*Et de sa longue absence attristez se lamentent.*

*Les autres ce-pendant gourmandent à plaisir,*

*Et dedans sa maison viuent à leur desir.*

Eumée  
apres  
auoir  
ouy les  
bourdes  
d'Ulysses, ne  
peut  
croire  
que son  
maistre  
puisse ia  
mais re-  
tourner



Mais depuis, ie n'ay eu volonte de m'enquerre  
 Qu'un Aetole menteur qui tracassoit la terre,  
 Me trompa meschamment. C'estoit vn vray voleur,  
 En fin il arriua ceans à mon malheur.  
 Je l'y receu selon ma petite puissance,  
 Cet homme me disoit que pour toute assurance  
 Il auoit veu en Crete Vlysse, s'adressant  
 Au Prince Idomené, ses naufs rebastissant  
 Brisées par les flots. Que pour chose certaine  
 Il deuoit estre icy dans la moisson prochaine,  
 Pour le moins en Automne, (alors qu'on cueilleroit  
 Des arbres les fruiets meurs,) & qu'il ameneroit  
 Avec luy tous ses gens, hardis, pleins de vaillance,  
 Et portans avec eux butins en abondance.

Eumæe  
 prie V-  
 lysses de  
 ne luy  
 dire  
 point  
 de men-  
 songes.

Bon hōme, par ainsi puis que les Dieux tres-hauts  
 T'ont conduit en ce lieu, apres mille trauaux  
 Par toy soufferts sur mer: Ne me dy point des songes,  
 (Car ie hay à la mort les controuuez mensonges  
 Et les mots enjolleurs, inuentez pour flatter.)  
 Je ne lairray pourtant de te tres-bien traiter,  
 Et ne cognoistras point que rien moins ie t'en ayme,  
 Car ie crains le courroux de Iupiter suprême,  
 Et prenant grand pitié de tes ennuis cuisans  
 Et de ta pauvreté, ie t'ay receu ceans.

Vlysses  
 taxe Eumæe de  
 grande  
 opinia-  
 streté.

Auquel dit Vlysses le Prince Venerable:  
 Tu t'es armé d'un cœur du tout inuiolable  
 Aux persuasions, l'opiniastrété  
 Rend ton ame confite en incredulité.  
 Puis que tous mes sermens ne t'ostent point dedoute,  
 Et ne t'esmeuent pas. Mais voicy que i'adiouste

*A tout ce que i'ay dit, faisons vn pact nous deux,  
Et prenons à tesmoins de cecy tous les Dieux  
Qui habitent au Ciel: Si ton Roy, si ton Prince  
Est bien tost de retour icy en sa Prouince,  
Alors tres-bien couuert d'un bon accoustrement  
Tu me feras mener où ie veux seurement  
Au bord Dulichien: mais s'il ne vient se rendre  
Icy comme ie dy, sur l'heure fay moy prendre  
A tes gens, & me fais du plus haut d'un rocher  
Precipiter en mer, pour apprendre à prescher  
Cy apres aux coureurs, à dire flatteries  
Aux pauvres, mesmement vsans de menteries.*

Lapreu-  
d'homie  
d'aumçe

*Eumee luy replique, à quil entendement  
Estoit prudent & sage: Ainsi assurement  
Puissay-je conseruer ma bonne renommee,  
Que mon integrité par tout soit estimee,  
Puissay-je accroistre encor' en reputation,  
Moy qui t'ay recueilly de bonne affection,  
Que i'ay logé ceans, à qui i'ay fait largeffe  
De tout ce que i'ay peu suiuant ma petitesse,  
Qu'encores ie te tuë & te retourne oster  
Ton amiable esprit, & puis qu'à Iupiter  
I'allasse offrir mes vœux en grande diligence.  
Mais l'heure du souper long-temps y a s'aduance,  
Et mes gens là dehors l'attendent volontiers.*

Les gés  
d'aumçe  
reuien-  
nent des  
champs  
avec les  
pors.

*Ainsi qu'ils mettoient fin à ce propos diners  
Voicy venir ses gens, avecques les grands bandes  
Et des porcs engressez & des truyes gourmandes.  
Lors selon leur coustume ils s'en vont renfermans  
Les truyes dans les toits, & vn grunissement*

Effroyable, s'entend à l'entour des grands auges,  
 Vn bruit, vn grondement se faict dedans les banges  
 Où ils s'alloient coucher. Adonc il appella  
 Ses pastres par leur nom, & ainsi leur parla.

Garçons amenez moy le plus gras de la troupe  
 Afin que ie l'immole & la gorge luy coupe.  
 Car ie veux festoyer ce bon homme estrange

Eumæ  
 se prepa  
 re de fai  
 re bon-  
 ne che-  
 re à son  
 hoste.

Qui est venu ceans, lequel ie veux loger  
 Et le traicter tres-bien. Nous ferons bonne chere:  
 Aussi bien n'auons nous que peine & que misere  
 A traicter ce bestail, & ces braues galans  
 Vont de nostre labour se moquans & soulans,

Il disoit, & soudain il agence vne broche  
 De son luyant cousteau, & le grand porc approche,  
 Qu'ils touchent deuers luy de long-temps engressé  
 Et dans le cinquiesme an desia fort aduancé.  
 Il est mis sur le bois pres du feu qui esclaire:  
 Eumæ, qui n'estoit pas apprentif à bien faire  
 Vne ceremonie, adresse alors ses vœux  
 Au lieu qu'il conuenoit memoratif des Dieux,  
 Puis arrachant du poil dessus l'horrible teste  
 Ayant blanches les dents, dans la flamme il le iette,  
 S'approcha de l'autel & pria longuement,  
 Apres qu'il eut tiré fort ententiuement  
 Le poil dessus la hure & ietté dans la flamme,  
 La troupe des hauts Dieux il supplie & reclame,  
 Qu'Vlisse son seigneur puisse par leur bonté  
 Quelque iour retourner chez luy à sauueté.  
 Lors la massue il prend faicte de bois de chesne,  
 Et la haussant en l'air la grand beste il assène,

Et son ame la laisse. Ils l'egorgent alors  
 Et le brulent au feu, luy despeissent le corps,  
 Et le maistre porcher prenant piece apres piece  
 Par tout les entortille & les couvre de gresse:  
 Puis de fleur de farine il les saupoudre un peu,  
 Et pour les faire cuire il les met sur le feu:  
 Le reste est departy, & les pieces tranchees,  
 Dans les hastes pointus sont soudain embrochees,  
 Font le tout bien rostir, & puis rosty qu'il est  
 Des broches l'ont tiré, & l'ont mis sans arrest  
 Dedans les grands bassins (Tout si bien s'achemine  
 Que l'on voit un chacun se ruer en caisine.)  
 Entre tous le porcher qui fait tout prudemment;  
 Fait du corps detranché sept parts esgallement:  
 La premiere il dedie aux Nymphes, la seconde  
 Au beau fils de Maja à la langue faconde  
 Mercure l'eloquent, humblement le priant:  
 Les autres portions il va distribuant  
 A ceux qui assistoient au divin sacrifice,  
 Mais pour plus grand honneur il presente à Vlysse  
 Du porc aux blanches dents l'eschine entierement,  
 Et à son maistre donne un tel contentement:  
 Qui luy dit. Pleust aux Dieux que Jupiter le pere  
 Te voulust tant de bien, te fust autant prospere  
 Comme i ay de subiet de t'aymer & cherir:  
 Tu me viens honorer, me traiter, me nourrir  
 Moy chetif estrange, & par ta bien veillance  
 Recu dans ta maison ie mange à suffisance.

Lors Eumæ. Hoste heureux recey ioyusement  
 Ces viures qui te sont offeris benignement,

Pieté de  
 honne-  
 steté  
 d'Eumæ.

Vlysses à  
 Eumæ.

Eumæ  
 à Vlysses

422 LE QUATORZIESME LIVRE  
(Et ne t'espargne pas,) mange en toute allegresse,  
Car c'est Dieu qui nous faiet de tout cecy largesse.  
Il donne, il faiet encor tout à sa volonté.

Car grand est son pouuoir, & n'est point limité.

Ce disant il par faiet les diuins sacrifices  
Et aux Dieux immortels il offre les premices.

Ils ban- Puis versant le vin noir, il le met de bon cœur  
quetent En la main d'Vlysses des villes le vainqueur,  
enséble. Seant à son costé. De viure delectable

Mesaulius couuroit abondamment la table.

Il l'auoit achepté son maistre absent à part,

Luy seul, sans que le vieil Laërtes y eust part

Ny sa dame non plus, au pays de Taphie

Il l'acquit, de l'argent que de son industrie

Il auoit amassé. Ils se traictoient ainsi

Des viures apprestez & du bon vin aussi.

Quand la soif fut esteinte & la faim arrestee,

Mesaulius dessert, & la table est ostee,

Eux ils gagnent le liect. La nuict alors tomboit

Et de son pied obscur sur la terre eniamboit,

La pluye découloit du ciel en abondance

Et Zephire souffloit de grande vehemence,

Lors le cault Vlysses inuention cherchant

Sondoit le cœur d'Eumae & de ses gens, taschant

De recouurer pour luy encontre la froidure

Ou quelque manteline ou quelque couuerture,

Car il auoit tousiours de soy tres-grand soucy.

Pasteur Eumae, dit-il, & vous porchers aussi,

Oyez moy ie vous pry. Ie vous veux faire un conte

Pour me glorifier, & si ie vous raconte

Chose qui me retourne à loüange & honneur,  
 „ Vous me supporterez. Car le vin domineur  
 „ Incite aussi souvent le discret & l'honneste  
 „ A dire & à conter, que le sot & la beste:  
 „ Faiet si tost l'un que l'autre entre les pots chanter,  
 „ Dire propos ioyeux, & danser & sauter.  
 „ Mesmes sans y penser des propos il en tire  
 „ Que chose que ce soit ne se sçauroit mieux dire  
 Ny plus pertinemment. Doncques, puis que ie suis  
 En train de babiller, & taire ne me puis,  
 Ie ne cacheray pas mes faiets & ma proïesse.

Conte à  
 plaisir  
 d'Ulys-  
 ses,

Fussay-je asteure au temps de ma forte ieu nesse,  
 Eussay-je maintenant la force & les moyens  
 Côme quand nous faisions la guerre aux forts Troyës.  
 Entre autres une fois nous batismes l'estrade,  
 Et leur fusmes dresser une forte embuscade.  
 Ulysses la menoit avec Menelaüs,  
 Et ie fus le troisieme. Orestans paruenus  
 Tout contre la Cité, à trauers les bocages  
 Et parmi les grands bois touffus de vers feüillages,  
 A l'entour de la ville, & les murs grands & hauts  
 Où Priam dominoit, entre les grands ruisseaux  
 Dans les marais tapis, la nuit qu'on ne voit goutte  
 Sur nos armes couchez nous estions à l'escoute.  
 La bise nous fessoit, le manteau sombre & froit  
 Nous geloit de la nuit, le giure nous couuroit  
 Herissant de glaçons, & les glaces cruelles  
 A nos armes pendoient comme de grâdes chandelles,  
 Tout tant qu'ils estoïent là de bons manteaux couverts  
 Bien vestus, bien fourrez, sommeilloient à l'enuers

Et ne sentoient le froid. Moy par ma negligence,  
 Quand ie sorty du camp, n'auois, plein d'imprudence,  
 Pris mandil, ne manteau, seulement plein d'ardeur  
 Je suiuois, ne pensant que si grande froidure  
 Se deust leuer la nuit: ja de la nuit poissée  
 La plus grand part estoit entierement passée,  
 Et les astres tombaient de l'olympé noircy,  
 Quand ie me pris à dire à l'ithaquois ainsi:  
 Ie le pouissois du coude, & luy prompt à merueille  
 En m'entendant parler vestement se réueille.

Noble Laertiade Vlysses, fils des Dieux,  
 Sans doute ie suis mort, & ce froid odieux  
 Me tue & me transist, faute de couuerture  
 Que ie puisse opposer à ceste grand froidure.  
 Le temps m'a bien trompé, ie n'ay que le pourpoint  
 Tout simple & sans manteau, & si ie ne voy point  
 De remede à mon mal. Tel estoit mon langage,  
 Et luy ne tarda gueres à me donner courage:  
 Car il auoit les deux, combattre vaillamment  
 Et tres-bien conseiller. Alors tout bassement,  
 Parle bas, me dit-il, que quelcun de la bande  
 Ne cognoisse ton faict & ton malheur n'entende,  
 Puis le coude courbé, pensif & en soucy,  
 En s'appuyant dessus, se prit à dire ainsi.

Escoutez compagnons, ce pendant qu'on repose  
 I'ay dormy, & si ay songé à vne chose:  
 Nous sommes esloignez des vaisseaux grandement,  
 Que quelcun d'entre nous coure diligemment  
 Deuers Agamemnon qui au peuple commande,  
 Si son aduis seroit qu'une troupe plus grande

Vint au deuant de nous. Qu'on luy voise annoncer  
Afin qu'il en enuoye & les face aduancer.

Il n'eust pas achené, que Thoas, braue race  
Du vaillant Andromon, se leue sur la place,  
Iette son manteau teint de pourpre richement,  
Et aux vaisseaux dorez s'encourt diligemment.

Ie leue le manteau, tres-bien m'en environne  
Et m'endors là dessous, tant que l'Aube rayonne,  
Et nous monstre le iour, fussay-je comme alors  
Plein de force & vigueur les membres & le corps,  
Certes quelqu'un de vous esmeu de la froidure  
Me viendroit secourir de quelque couuerture  
Comme un homme de bien m'aymant & reuerant:  
Car ces haillans rompus me vont des-honorant.

A ces mots Eumæus. Bon vierillard honorable  
Certes tu n'as rien dit qui ne soit fort loüable,  
Rien ne t'est eschappé ny de mal digeré  
Ny de mal à propos, ny d'inconsideré.  
Tu ne chommeras pas de bonne couuerture  
Ny d'autre chose encor pour chasser la froidure  
Dont on peut au besoing un pauvre accommoder,  
Pour un temps seulement, sans par trop le garder:  
Mais le matin venu, dès que l'Aube doree  
Aura de ses rayons la campagne esclairee  
Tu reprendras sur toy ton vieux accoustrement.  
Nous n'auons pas icy trop à commandement  
Des robes à changer. J'ay seulement la mienne,  
Et des autres chacun a simplement la sienne:  
Mais quand Telemachus le preux fils d'Ulysses  
Nous sera de retour, lors tu auras assez

Eumæus  
accômo  
de Ulysses.



426 LE QUATORZIÈME LIVRE  
D'acoustremens pour toy, il te donra tunique,  
Et mandils, & manteaux, & robes magnifiques,  
Et te fera guider sur le flot indompté  
Comme te dictera ta bonne volonté.

Ce disant, il se leue & le feu il attrise,  
Et la place du lit au plus pres il a mise  
Où couchoit Vlysses, de/sous il estendit  
Force peaux de brebis, quand il fut sur le lit  
On iette de/sus luy une grand manteline  
Espesse, douce, molle, & de laine fort fine,  
Dequoy le bon pasteur Eumæus se souloit  
Et couvrir & vestir quand aux champs il alloit,  
Et que l'huyer facheux plein d'horreur & de glace  
Herissoit sur les champs sa morfondante face  
Vlysses s'endormit pour lors libre d'ennuy,  
Et les ieunes porchers dormoient autour de luy.

Vigilā-  
ce d'Eu-  
mæus.

Mais au brane porcher par trop seur il ne semble  
D'estre ainsi sur un lit, & dormir tous ensemble  
Si loing de son bestail. Il sort donc vistement,  
S'apreste pour aller, & s'arme brauement  
(Vlysses s'esjouit, qu'un tel homme commande.  
Et donne ordre à son fait d'affection si grande,  
En le pensant si loing) premierement il prend  
Son coustelas tranchant, à son costé le pend,  
Après il met sur luy sa cappe en couuerture  
Forte contre le vent & contre la froidure,  
Vne grand peau de cheure au de/sous le couuroit,  
Bien forte, bien passée, (& propre à qui voudroit  
S'armer contre le temps :) prend en main dauantage  
Un long baston ferré. Puis en ceste equipage

*Propre pour se garder & des hommes meschans  
Et des chiens dangereux, sort pour aller aux champs.  
Il s'en alla ietter au dessous d'une roche  
Cauee, où repositoient ses porcs à la dent croche,  
Où le paisible abry la colere appaisoit  
De la sifflante bize, & le vent se taisoit.*

Fin du quatorziesme liure.



# LE QVINZIESME

## LIVRE DE L'ODYSSEE

D'HOMERE.

### ARGVMENT.

**P**allas se represente à Telemachus en dormant, l'admoneste de retourner en Ithaque. Il part, apres auoir receu des presens de Menelaüs & d'Helene, il reçoit en son vaisseau Theoclymenus deuin, s'enfuyant pour vn meurtre qu'il auoit commis. Eumæus conte à Vlysses comme les Phæniciens l'ayans enleué de Syrie, le venderent à Laërtes. Telemachus reuiet en Ithaque sans rencontre, enuoye son vaisseau à la ville, & luy, va trouuer aux champs Eumæe.

### AUTRE SOMMAIRE.

*Telemaque reuiet sauf de Lacedemone,  
Escappe des Amants l'embuscade felonne.*

Pallas  
vient en  
Lacedæ  
mō trou  
uer Te-  
lemach-  
& Pyti-  
stratus.

**D**Edans Lacedemon à la large estendue  
La deesse aux yeux vers Pallas s'estoit reduë  
Où faisoient bonne chere & sejournoient encor  
Le fils du preux Vlysse & celuy de Nestor,

Afin d'en rappeler le gentil Telemaque,  
 Et faire qu'il revint en sa terre d'Ithaque.  
 Elle les rencontra chez le fils d'Atréeus  
 Couchés dans le palais du Roy Menelaüs,  
 Palais aux hautes tours, où la magnificence  
 Du Prince se monstroît en superbe excellence.  
 Le fils du vieux Nestor dormoit profondément,  
 Mais celui d'Ulysse ne fermoit nullement  
 Ses yeux pleins de soucy, nulle mollesse tendre,  
 Nul repos, nul sommeil, ne le pouvoient surprendre,  
 Toutela nuit et le soing soucieux le rongeoit,  
 Et plein d'inquietude en son pere il songeoit.

Ces mots luy furent tels de la Déesse affable.  
 Ce long sejour icy ne t'est pas convenable  
 Gentil Telemachus, tu laisses sans raison  
 La garde de tes champs, le soing de ta maison,  
 Et tant de poursuivans te rongent, te denorent,  
 Et de tout leur pouvoir ta maison des-honorent,  
 Ce pendant que tu perds ton temps, en t'adressant  
 A aucune fils d'Atree, & le vas caressant.  
 Debout : va le presser qu'il te renvoye, insiste  
 Sur ton départ : tandis que ta mere persiste  
 En son integrité, ne voulant offencer  
 Sa chasteté, combien qu'on la vueille forcer  
 De se remarier. Car son malheureux pere  
 Et ses freres aussi la pressent (en colere)  
 De prendre Eurymachus, qui passe de moitié  
 Tous ses competeurs de biens & d'amitié,  
 Et veut accroistre enco: son dot & son doüaire  
 (Plus que n'estoit celui que luy donna ton pere :)

Pallas à  
 Telemachus.

Le pressé de s'en  
 retourner en  
 Ithaque

Par ainsi haste toy, que rien ne soit osté  
Dehors de la maison contre ta volonté.

„ La femme est, (tu le sçais) inconstante & muabl  
„ Qui croistra s'elle peut, legere & variable,  
„ Le bien & la maison de qui l'esposera:  
„ Et enfans, & mary premier elle oubliera.  
Elle n'a plus du mort aucune souuenance,  
Ne le regrette plus, tant s'en faut qu'elle y pense.

Luy dô-  
ne aduis  
comme  
il se doit  
gouver-  
ner.

Par ainsi, tout soudain que tu seras cheẏ toy,  
Commets tout ton affaire en la main, en la foy  
D'vne tant seulement de tes seruantes, celle  
Que tu pourras iuger t'estre la plus fidelle,  
Iusqu'à ce que les Dieux te faisans rencontrer  
Femme digne de toy, te la viennent monstrier.  
Escoute encore vn mot. Vne gaillarde troupe  
Des poursuiuans, t'attend & le chemin te coupe  
Entre Ithaque & Samos, en l'endroit proprement  
Où se serre la mer le plus estroittement:  
Leur conspiration, leur complot, leur enuie  
Porte de te surprendre & de t'oster la vie  
Deuant que tu arriues en ta propre maison:  
Ils n'accompliront pas pourtant leur trahison.  
Plustost s'ouure la terre, & quelcun engloutisse  
Des meschans poursuiuans mægneur des biès d'Vlysse.  
Tu desfourneras donc gentiment ton vaisseau,  
Des Isles t'esloignant, prendras le large en l'eau,  
Toute nuit ramera: & le vent agreable,  
Celuy des immortels qui t'est plus favorable  
T'enuoira par derriere, (il te deliurera  
De la troupe sanglante & au port te rendra:)

Quand tu seras rendu dans ta paternelle Isle,  
 Que tous tes compagnons s'en aillent à la ville:  
 Pour toy tu t'en iras trouver diligemment  
 Ton fidelle porcher, qui garde seurement  
 Tes troupes de pourceaux ( & les paist de glandage, )  
 Et qui i est si humain & de si bon courage.  
 Tu reposeras là toute nuit à recoy,  
 Et il ira porter des nouvelles de toy  
 A ta mere en la ville, & luy dira habile  
 Que tu es arriué à seureté de Pyle.  
 Ce disant dans le ciel viste elle s'en vola,  
 Et luy tout aussi tost reueiller s'en alla  
 Les fils du vieux Nestor dessus la couche molle,  
 Et le poussant du pié luy dit ceste parole.

Debout fils de Nestor Pisistrates, attellons  
 Nos cheuaux pie-cornez au carrosse, & allons.

Et le fils de Nestor. Il n'est pas temps encore  
 De presser son départ. Il est nuit, & l'aurore  
 Apparoistra bien tost: demeure, & attendons  
 Que nous ayons receu les presens & les dons  
 Du Roy Menelaüs, & ce que voudra faire  
 Ce Prince liberal, courtois & debonnaire;  
 Les faisans sur le char porter premierement,  
 Puis nous donnant congé, nous parlant doucement.

„ Car l'amy recueilly en douceur & clemence  
 „ De son hôte à i amais garde la souuenance.

Il dit, & la belle aube alors apparoissoit,  
 Et de son beau retour tout le ciel rougissoit.

Desia Menelaüs à la voix forte & bonne  
 Ayant laissé le liét d'Helene sa mignonne,

Telema-  
 chus re-  
 uelle Pi-  
 istratus

*Helene aux beaux cheueux, de sa chambre sortoit,  
Et le fils d'Vlysses le voyant se hastoit  
De venir au deuant; il iette en diligence  
Dessus luy son manteau riche par excellence,*

*Sort & luy dit ainsi s'estant approché pres.  
Divin Menelaüs Prince des peuples Grecs  
(Nourry de Iupiter) donne moy iete prie  
Congé de retourner en ma chere patrie,  
I'en brule de desir, d'enuie & de soucy.*

*Auquel le fils d'Atreus respondant dit ainsi,  
Ie ne te prieray pas d'estre icy dauantage  
Contre ta volonte, Prince gentil & sage,  
Pars selon ton desir: Car ie me fâche fort  
Si plus que ie ne veux quelcun faiEt son effort  
De m'arrester chez luy: soit que ce soit par hayne  
Ou par trop grande amour. L'observance moyenne  
„ Est seante en cela. Mesme indiscretion  
„ Est de chasser celuy qui n'a l'affection  
„ De s'en aller encor, & retenir par force  
„ Celuy qui departir s'entremet & s'efforce.  
„ L'hoste soit bien venu tant qu'il veut sejourner,  
„ Il luy faut dire adieu s'il s'en veut retourner.*

*Mais toy demeure aumoins insqu'à tant qu'on apporte  
Les presens que ie veux t'offrir en toute sorte,  
Que tu verras bien tost: & ie vay ordonner  
Aux femmes là dedans de nous faire disner  
„ De ce qui sera prest & c'est chose notoire  
„ Que gloire, honneur, profit reuiennet de bien boire  
„ Avant que de partir: on va plus longuement  
„ Et passe-on pais bien plus allaiement.*

Que si tu veux passer au trauers de la Grece  
 Et aller par Argos ville grande en richesse,  
 Je t'accompagneray par tout tres-volontiers,  
 Et à mon char ioindray mes agiles coursiers,  
 De la Grece au trauers du regne Pelopide  
 Ioyeux te seruiray & d'escorte & de guide,  
 Et si n'y aura nul qui volontairement  
 En signe d'amitié ne te face un present,  
 Soit beaux tripiez d'airain, (ou quelque belle casse,)   
 Quelque beau vase d'or, ou quelque couple grasse  
 De mules pour tirer. Auquel fort prudemment  
 Respond Telemachus: Des Gregeois l'ornement  
 O grand Menelaüs, (race du fils de Rhee,)   
 C'est chose dedans moy toute deliberee  
 Que de m'en retourner. Je suis venu de loing  
 Et personne n'est là qui puisse prendre soing  
 De mes biens, de mes champs, & pèdant mon absence  
 Auoir l'œil pour regir vne si grand cheuance.  
 Possible qu'en cherchant mon pere vainement,  
 Ie me perdrois moy mesme, & tout entierement.

Menelaüs oyant ces raisons pertinentes,  
 Commande que sa femme enioigne à ses seruantes  
 D'apprester le disner, afin de contenter  
 Ses hostes en partant, & de les bien traiter.  
 Puis vint de Boëthes le fils Eteonee,  
 Car sa chambre n'estoit grandement esloignee  
 Decelle de l'Atride; auquel lors signe il fit  
 D'aller tout apprester. Et l'autre y satisfit.

Ce temppendant le Roy alla dedans sa chambre,  
 Puis en son cabinet qui ne respiroit qu'ambre,



*Helene le suivit la mignonne à Venus,*

*Et Megapenthe apres. Quand ils furent venus*

*Au lieu où l'on serroit le thresor admirable,*

*Menelaüs en prend un vase émerueillable*

*Gentiment arondi. Son fils Megapenthé*

*Vn grand hanap d'argent a pris & emporté,*

*Et la Reyne fouillant dedans ses garderobes*

*Où elle resserroit ses precieuses robes*

*Ouvrage de sa main, une elle en choissoit*

*Qui sur toutes tres-belle & grande paroïssoit,*

*De diverses couleurs en estoit la tiffure,*

*La riche broderie avec l'entre-lassure*

*Comme un astre luyfant la faisoient éclater,*

*Elle estoit tout dessous. Ils viennent apporter*

*Soudain ces beaux presens au prudent fils d'Ulysse,*

*Auquel Menelaüs : que Iupiter propice*

*Le mary de Iuno te doint entierement*

*De faire ton retour à ton contentement :*

*De tout le plus exquis dont ma maison se pare*

*Je te veux faire honneur du plus beau, du plus rare.*

*Quant à ce hanap là d'argent resplendissant,*

*Dont les bords sont dorez de fin or iauissant,*

*C'est œuvre de Vulcan, forgé par excellence*

*Par l'orfeure du Dieu qui le tonnerre eslance :*

*Le riche Roy de Thir qui commande en Sidon,*

*Ainsi que ie passois chez luy m'en fit un don.*

*Ce disant, il luy mit en main le digne vase*

*Dont l'or pur entouroit superbement la base,*

*Si luy tendit son fils le beau Megapenthé*

*Le grand hanap d'argent qu'il auoit apporté,*

Presens  
de Me-  
nelaüs à  
Telema-  
chus sur  
son des-  
part.

Presens  
d'Hele-  
ne.

La belle Helene apres à la iouë vermeille  
 Tenant entre ses mains la robe nompareille,  
 Au beau Telemachus alloit ainsi disant:  
 Et ie te donne aussi ce precieux present,  
 Pren-le mon cher enfant & garde cest ouvrage  
 De l'amitié d'Helene engage & tesmoignage,  
 Et que tu donneras quand viendra la saison  
 A celle qui viendra espouse en ta maison,  
 Et qu'elle portera comme ta femme chere  
 Quand tu l'espouseras, & ce pendant ta mere  
 Te la pourra garder. Or va en grand plaisir  
 En ta noble maison, & seton ton desir.

Elle dit, & luy tend ces presens d'excellence,  
 Et Telemach' les prend. un grand esiouyssance.  
 Pisistratus les porte au carosse, & en soy  
 Admire la grandeur d'un si liberal Roy.  
 Adonc Menelaüs aux blonds cheveux emmene  
 Les Princes dans la sale, avec sa belle Helene:  
 Chacun d'eux prend son siege & honorable & beau,  
 Et la seruante apres leur apporte de l'eau,  
 Et verse sur leurs mains l'eau freschement tiree  
 Qui claire va coulant de l'aiguierie doree  
 Dans le bassin d'argent, apres elle estendit  
 La nappe sur la table & dessus le pain mit,  
 Et viures à largesse. Etheoné decoupe  
 Et les parts distribuë à chacun de la troupe,  
 Et de Menelaüs le fils Megapenthé  
 Leur seruoit le bon vin selon leur volonté.  
 Eux estendent les mains sur les chairs apprestees  
 Et qu'à table on auoit deuant eux apportees:

Quand ils eurent chassé la faim, la soif encor,  
 A lors Telemachus & le fils de Nestor  
 Attelent les coursiers, montent en diligence  
 Sur le coche doré. Menelaüs s'aduançe

Mene-  
 laüs prie  
 pour  
 leur bon  
 voyage. Pour sortir avec eux, & tenant en sa main  
 Vne grand coupe d'or pleine du meilleur vin,  
 La verse deuant eux, priant pour leur voyage,  
 Puis se tournant à eux il leur tint ce langage.

Or à Dieu mes enfans, que puissiez vous ainsi  
 Estre à iamais contents. Rapportez tout cecy  
 Au sage Roy Nestor, qui tant que sejourna sm<sup>e</sup>  
 Deuant la forte Troie & les ennemis, menasmes  
 Me seruit d'un bon pere. A qui l'Ulysien,  
 Nous ferons ton message au heros ancien  
 Le genereux Nestor, ô magnanime Prince.  
 Dieu voulust qu'arriuant en ma chere Prouince  
 Où ie m'en vay tout droit au departir d'icy  
 Sans m'arrester ailleurs, ie rencontraffe ainsi  
 Le prudent Ulysse, ie luy ferois entendre  
 Le courtois traictement, l'honneur & l'amour tendre  
 Que i'ay receu, son fils, en ton palais royal,  
 Combien tu m'as esté de beaux dons liberal.

Augure  
 d'un  
 Aigle.

Il acheroit de dire alors qu'on veist parestre  
 Un Aigle qui voloit deuers la bande dextre,  
 Prodige merueilleux. Un Oye il rauissoit  
 Et blanche & domestique, & serrant la pressoit  
 En ses serres pointus, une criarde bande  
 D'hommes, femmes, (enfans) avecques clameur grãde  
 Alloient courant apres, le porte-foudre oyseau  
 Triomphant hache l'air de son double cerueau,

Vient passer pres des Rois, & de la troupe approche,  
A dextre outrepassant deuant cheuaux & coche.

Eux s'estans'apperceus de ce presage heureux

Ils le vont saluant, & s'égayent entr'eux

Tressaillans d'allairesse. Adonc le Nestoride:

Prince des nations, ô genereux Atride,

Dy ie te pry, dit-il, ce signe merueilleux,

Dieu la il enuoyé pour toy ou pour nous deux?

Il pensa longuement, roulant en son cœur sage

Ce qu'il pourroit inger au vray de ce presage,

Mais Helene preuint avec graue maintien.

Helene  
donne  
interpre-  
tation à  
l'augure

Escoutez moy, dit-elle, & considerez bien,

Car les Dieux ceste chose ont mis en ma pensee,

Et telle elle aduiendra que ie lay prononcee.

Tout ainsi que l'oysseau sacré à Inpiter

Fondant de la montagne, a bien voulu quitter

Son nid & ses petits, est party de ses roches

Pour enleuer ceste Oye, & de ses serres croches

L'estripper toute grasse & nourrie à plaisir,

(Et de ce bon morceau contenter son desir.)

Vlysses tout ainsi apres beaucoup de peine

Et de travail souffert dessus l'onde inhumaine

Retournera chez luy, vengeur retournera,

Et tous ses ennemis en armes deffera,

Si plustost de cest heure il n'a mis pié à terre,

Brassant à ces mignons vne mortelle guerre.

A qui Telemachus. Ainsi le Dieu puissant

Le mary de Iunon le clair Ciel embrassant,

Permette qu'il aduienne: à leur maïesté haute

Vœux & oblations i'immolerois sans faute:

*Et à toy belle Reyne vn autel dresserois  
Ainsi qu'à ma Deesse, & te sacrifierois.*

De part  
de Tele  
machus  
d'auec  
Menela'

*Ce disant il s'esbranle, & ses cheuaux incite  
Faisant flisquer le foïet : eux se mettent en fuite,  
Arpentent le chemin, sortent de la cité,  
Et le long de la mer d'un pié precipité  
Galoppent esueillez, secoïans leur criniere,  
Et tant que le iour dure allongent leur carriere.  
Le Soleil se panchoit, & les ombres cachoiēt  
Desa tous les chemins. Quand les Rois approchoiēt  
De la cité de Phere; es champs de Dioclee.  
Le fils d'Orsilochus, que le beau fleuve Alphee  
Autres fois engendra. Ils debriderent là,  
Diocles les receut, & Titan s'en alla.*

Arriue à  
Pyle.

*Après auoir dormy voicy l'aube nouvelle  
Qui laisse son vieillard & ses cheuaux attelle,  
Ils attellent aussi, refoïettent leurs cheuaux,  
Sautent sur le carrosse, & par monts & par vaux  
Galoppent les coursiers, les Princes les excitent  
A coup de foïet sifflant, & tousiours les incitent.  
Or touchoient-ils desja les champs Neleïens  
Où commandoit Nestor le Roy des Pylïens,  
Quand en ces mots se prit à dire l'Vlyside:  
Tien moy ta foy promise, ô gentil Nestoride,  
Ne te retracte point. Nos peres ont esté  
Long temps vnis du droit de l'hospitalité,  
Ils ont eu mesmes Dieux, & le nœud qui assemble  
Les courages amis les a liez ensemble  
Il y a fort long temps: & ce que nous voila  
En aage tous pareils, ioint encor à cela*

*Vne autre liaison, de force accomparables,  
De volonteز pareils, de courage semblables.  
En outre, ce voyage a noué de moitié  
Nos pensters, nos desseins, nos mœurs, nostre amitié:  
O Prince genereux, ie te pry ne me force  
De passer mon vaisseau, ne me retiens par force,  
Mais laisse moy icy, que le sage Nestor  
Quand ie seray chez luy ne me retarde encor;  
Et contre mon vouloir plus long temps ne m'arreste  
Par sa grand courtoisie, & sa parole honneste,  
Ie suis pour mon honneur contrainct de me hastier.*

Prie Pi-  
sistratus  
de ne le  
mener  
vers Ne-  
stor.

*Mais le fils de Nestor fut long temps à douter  
Sur ce qu'il deuoit faire, & balance en detresse  
Où de le retenir, ou garder sa promesse.  
En fin, tout resolu, il tourne ses cheuaux  
Et deuers le riuage & deuers les vaisseaux,  
Et puis ayant porté au bac de l'Vlyside  
Les dons & les presens du liberal Atride,  
Il luy parla ainsi: Or monte viste en mer,  
Sollicite tes gens à voguer & ramer  
Deuant que ie m'en aille, & que mon pere sçache  
Des nouuelles de toy, & t'arrester ne tasche.  
Ie cognoy son humeur, magnifique sur tout,  
S'il te tenoit, iamais tu ne viendrois à bout  
De sortir de ses mains, sans qu'à Pyle tu vinsses,  
Et presens de ses mains liberales ne prinsses.  
Si tu n'en vas pourtant ie sçay bien qu'il sera  
Indigné contre moy, & qu'il me tansera.  
Ce disant, il poussa ses cheuaux vers la ville,  
Et bien tost ataignit les murailles de Pyle.*

Pisistra-  
tus à Te-  
lemach<sup>s</sup>

Telemachus ha  
ste les  
gens de  
partir.

*Mais Telemach' hastoit sans relasche ses gens,  
Armez vous compagnons, tost, soyez diligens,  
Ramons, montons en mer. Eux soudains obeissent,  
Ils mōtent sur les bācs, (les flots sous eux blāchissent.)*

Vn hom  
me ac-  
court à  
luy, &  
quel.

*Telemachus faisoit à Minerve ses vœux  
Et ses oblations au bout du vaisseau creux,  
Quand un homme vers luy accourt à toute bride  
Qui s'ensuyoit d'Argos, pour certain homicide,  
Et de peur d'estre pris ainsi il se hastoit.  
Augure fort expert, & deuin il estoit,  
Et de maison illustre, issoit de Melampode,  
Qui en Pyle habita terre propre & commode  
A nourrir brebiaille. Il fut puissant en biens  
A lors qu'il habitoit entre les Pyliens,  
Mais il luy conuint faire une autre demeurance,  
Delaisant sa patrie, & fuyant la puissance  
De Nelé, magnanime, (entre les hommes fors  
(Le plus à redouter qui vescuissent alors,)  
Qui luy retint son bien toute une année entiere  
Par force & par contrainte: & luy en grand misere  
Estoit ce-temps pendant prisonnier arresté  
Es cepts de Phylacus, & tout pour la beauté  
De la fille à Nelée, entre les belles, belle,  
Qui fut le seul sujet de sa prison cruelle,  
Car la fiere Erynnis luy auoit mise au cœur.  
Mais il sauua sa vie, & emmena vaincœur  
Les grands bœufs mugissans en Pyle, hors Phylace,  
Si luy fit acte indigne & de mauuaise grace.  
Le diuin Neleüs contre toute raison,  
A son frere il mena sa femme en sa maison,*

Puis il partit delà cherchant autre contrée:  
 Si s'en vint en Argos, & y fit son entrée,  
 Argos propre aux chevaux, où se vont esleuant  
 Mieux qu'en nulle autre part les chevaux pieds-de-vêt.  
 Or vouloit son destin que dans Argos en somme  
 Apres force tracas, vint habiter cet homme  
 Pour y rendre le droict, & plein d'autorité  
 Commander sur les Grecs avec tout équité,  
 Il s'y maria donc, & (bruslant de la flamme  
 D'amour), finalement il y prit une femme,  
 Y bastit des palais & hauts & triomphans,  
 Y engendra de beaux & illustres enfans:  
 Antiphates en vint & Mantius le iuste,  
 Antiphate engendra Oiclé le robuste,  
 Luy Amphiaraiüs le devin excellent  
 Sage au vol des oyseaux qu'il a parfaitement  
 Iupiter: & Phœbus Dieux à la belle tresse:  
 Mais il ne parvint pas à sa blanche vieillesse.  
 Car il mourut à z'hebe, & à l'occasion  
 Du present que sa femme eut en affection:  
 Deluy, Amphylodus & Alcmaon sortirent,  
 Polyphide & Clytus de Mantius nasquirent,  
 Mais Clytus fut au Ciel pour sa grande beauté  
 Par l'Aurore au beau char raui & transporté:  
 Phœbus fit Polyphide augure plein d'estime,  
 Duquel vola par tout le renom magnanime,  
 Quand Amphiaraiüs le saint fut trespassé,  
 S'estant contre son pere un iour fort courroucé  
 I s'en vint demeurer dedans Hypereſie,  
 Aux hommes enseignans le don de prophetie,



Et là pere il deuint de Theoclymenus.

C'est luy qui vint trouuer alors Telemachus

Immolant sur la mer, & faisant sa priere.

Aux Dieux, que son retour par eux luy fut prospere.

Vers lequel esleuant sa voix, il dit ainsi:

Theo-  
clymen-  
à Tele-  
mach.

Amy que i'ay trouué sacrifiant icy,

Et suppliant les Dieux par tes diuins seruices,

Par tes oblations & souëfs sacrifices,

Par les Dieux inuoquez, par ton chef, & par tant

De gens qui sont à toy, je te vay obtestant,

Dy moy la verité, respon à la requëste

Que ie te vay faisant & ciuile & honneste,

Qui es tu, d'ou viens tu, de quelle ville es tu,

Telema-  
chus à  
luy.

Et qui sont tes parens? Telemaque, en vertu

Accomply, luy respond: Mon nom est Telemaque,

Mon pere est Vlysses, & ie suis né d'Itaque:

Voilà la verité. Mon pere, dy-je, estoit

Vlysses, quand au monde encor il restoit,

Car ie croy que la mort l'ait emporté, cruelle.

C'est pourquoy pour sçauoir de luy quelque nouvelle

I'estois venu icy avecques ce vaisseau

Et tous mes compagnons, me hazardant sur l'eau.

Ie suis contraint laisser, dit lors Theoclymene,

Theocly-  
menus  
encore à  
luy.

De mesme ma maison, & ma ville ancienne,

Pource que i'ay tué l'un de nos citoyens,

Homme de grand maison, homme plein de moyens

Et bien apparenté, ayant beaucoup de freres,

D'amis, de compagnons (qui ont les mains legeres,

Et promptes à frapper, tous braues & dispos,

Forts, ieunes, & vaillans.) Leur demeure est Argos,

*En bons cheuaux illustre, en haras renommee,  
 Et sur toute la Grece en coursiers estimee :  
 Ils sont grands en Argos, ville aussi d'où ie suis,  
 Ie m'enfuis pour cela, euitant si ie puis  
 Leurs vengeresses mains, & la mort & la peine.  
 Ie vague, i erre, & cours sur ceste foible arene,  
 Né d'estre vagabond, & que le cruel sort  
 Et la dure fortune, hélas, tourmente fort.  
 Pour ceste occasion reçois moy, ie te prie,  
 Mets moy dans ton vaisseau, moy, las, qui te supplie,  
 Et ay recours à toy, empesche que leur main  
 Ne me face descendre en l'Erebe inhumain:  
 Ils me tueront sans doute, ils ne sont plus, ie pense,  
 Guere esloignez d'icy, me suyuans à puissance.  
 Auquel Telemachus. Ie ne te chasseray  
 De mon vaisseau, dit-il, plustost te receuray  
 Si tu veux. Suy moy donc, i'ay desir de t'y faire  
 De ce que nous aurons, recueil & bonne chere,  
 Ce pendant il luy prit son ianelot d'airain  
 Et la mit au vaisseau couppant le flot marin:  
 Monté dedans qu'il fut, il se sied sur la pouppe,  
 Et Theoclymenus pres de luy. Lors la troupe  
 Des gentils nautonniers délient les cordeaux,  
 Et luy les accourage à bien fendre les eaux:  
 Les garçons à l'enuy l'un de l'autre obeissent,  
 Ils enleuent le mast, en l'air ils le brandissent,  
 L'attachent fermement, le cordage agençant,  
 Et de tout leur pouuoir le voile en haut haussant.  
 Pallas leur enuoya tout soudain par derriere  
 Vn favorable vent, vn Zephire prospere,*

Le prie  
 de le re-  
 cevoir  
 en son  
 vaisseau

Telemachus lui  
 accorde  
 volon-  
 tiers.

Ils font  
 voile.

Pallas  
 leur en-  
 uoye le  
 vent  
 fauora-  
 ble

444 LE QUINZIESME LIVRE

Pour leur faire coupper l'onde legerement,  
Et sur les flots s'allez glisser plus aysement.

Titan panche, & par tout s'estendent les ombrages,  
Le bac va costoyant les Pheriens riuages  
Par un vent fauorable, Elyde outrepassant  
Où l'Epean domine & puis en se glissant  
Il se iette, & s'écarte hors des isles pointues,  
Les eaux sont viuement souz les rames battues:

Il sçaura ceste fois ou s'il succombera

Souz l'agu et qui l'attend, ou s'il échappera.

Cependant Vlysses & Eumæus le maistre

Des porchers, s'égayans en la maison champestre,

Faisoient fort bonne chere, & tousiours banquetoient

Et d'autres avec eux à la table assistoient.

Quand la faim fut passée & la soif fut esteinte,

Vlysses commença d'inuenter vne feinte

Pour tenter Eumæus, si la reception

Qu'il luy a faicte est faulse, ou si l'affection

Qu'il luy monstre porter n'est point dissimulée.

Il luy tient ce langage (Et toute l'assemblée

L'entendoit clairement) pour voir s'il le prieroit

De demeurer encore, ou le conseileroit

D'aller en la cité. Iay, luy dit-il, enuie

D'aller demain en ville y demander ma vie,

Car i'ay peur d'estre en charge à tes gens & à toy:

Partant ie te supplie, Eumæe conseille moy

Comme il faut, donne moy un guide qui me mène,

Afin qu'en mendiant par tout ie me pourmène,

Cherchant ma pauure vie à qui me la donra,

I'iray chez Vlysses, quelqu'un m'adressera

Vlysses  
& Eumæe  
font bon  
ne che-  
re aux  
champs.

Vlysses  
tente &  
épreuue  
Eumæe.

Deuers Penelopé, luy diray des nouvelles,  
 Verray ses poursuuans, & leurs façons cruelles,  
 Parauenture esmeus de ma neceffité  
 Ils me donront du pain qu'ils ont en quantité,  
 I'y meneray les mains, car suis à tout faire  
 Et ie te dy pour vray, ô pastre de bon porte,  
 Personne ne croit, tant expérimenté  
 soit, il ne surmonter Angiosité.  
 Et par le bon vouloir du Message Mercure,  
 Qui aux humains honneur & dignité procure,  
 Et qui en toute affaire & en toute action  
 Leur fait acquerir grace & reputation,  
 Nul n'aura dessus moy l'industrie plus forte.  
 Soit qu'il faille allumer un feu de bonne sorte,  
 Ou bien fendre du bois, ou les morceaux trencher,  
 La viande apprester, la rostir, l'embrocher,  
 Verser à boire à table, & tout ce qu'on doit faire  
 Au seruire des grands. Eumæe lors en colere,  
 Qui t'a mis ceste chose en ton entendement  
 O mon hôte, dit-il, tu veux entierement  
 Perir, tu veux ta mort? mettant en ton courage  
 D'aller trouuer ces gens, insolens, pleins de rage,  
 Et dont la violence a monté iusqu'aux Cieux.  
 Ils n'ont point autour d'eux de gens sages & vieux,  
 Et couuerts de lambeaux, ils n'ont rien que ieunesse,  
 Bien propres, bien vestus, beaux, pleins de gentillesse,  
 Gras, frais, & en bon point, hommes disposés, & gens  
 Prompts au seul clein de l'œil. ~~seruiz~~ diligens,  
 Chargeans de mets délicieux les tables,  
 Et sans sans cesser les bons vins delectables,

Eumæe  
 en colere  
 contre Vlysses.

Plustost si tu m'en crois tu demourras icy,  
 O mon hôte tres-cher, n'ayez peur ne soucy,  
 Nul n'est ceans qui ayt dessus ton ayse enuie,  
 Nul encor n'a pensé te reprocher ta vie.  
 Puis si tost que le fils du puissant Vlysses  
 Nous sera retourné, lors tu auras assez  
 De quoy te resjouyr, il te donnera manières,  
 Robes, accoustremens, & castiques gentilles,  
 Apres il te fera conduire seurement  
 Où tu verras le mieux pour ton contentement.

Alors luy respondit le patient Vlysse,  
 Que le bon Iupiter te soit autant propice  
 Comme tu as mon cœur & mon affection,  
 Gentil pasteur Eumée en mon affliction  
 Tu me retiens chez toy plein de bonnes paroles,  
 Et mes tristes douleurs amollis & consolés,  
 Quelle douleur peut poindre un homme si au vif  
 Que d'estre comme moy vagabond & fuitif?  
 „ Mais le ventre méchant quand la faim le saccage  
 „ Apporte bien souvent & malheur & dommage,  
 „ Car quand il presse trop il n'y a nul danger  
 „ Que l'homme n'entreprenne, il sent son cœur ronger  
 „ De soucy deuorant, (qui souvent le conuie  
 „ D'assaillir un autre homme aux despens de sa vie.)

Vlysses  
 deman-  
 de des  
 nouuel-  
 les de sa  
 mere &  
 de son  
 pere à  
 Eumée

Mais depuis que tu veux me retenir chez toy,  
 Entretien moy un peu de la mere du Roy,  
 Et de son pere aussi, que desja la vieilleesse  
 Auoit quasi courbe quand il partit de Grece.  
 Pour aller à Pergam. Sont-ils tous vus vivans?  
 Iouyissent-ils tousiours des beaux rayons du

Du lumineux Titan? ou bien si fustes ombres  
 Ils sont morts descendus dans les cavernes sombres  
 Du triste Phlegethon, vains esprits & legers?  
 A quoy respond Eumæ la gloire des bergers.  
 Amy, ie te diray comme le tout se passe,  
 Laërtes vit encor, la vieillesse le casse,  
 Et la douleur l'abat, il fait incessamment  
 Priere à Iupiter qu'il vueille vistement  
 Le faire trespasser, & son ame retire:  
 Tant desmesurement il lamente & soupire  
 Son Vlysses rauy, tant il regrette fort  
 De sa fidele espouse & la perte & la mort,  
 Qu'il auoit espousee en ieunesse pucelle:  
 Maintenant qu'elle est proye à la parque cruelle  
 Le vieillard s'en afflige, & de pertes comblé,  
 L'un & l'autre trespas l'ont rendu tout troublé.  
 Elle est morte d'ennuy en pleurant son Vlysse,  
 Mort pleine de pitié, ainsi mourir ne puisse  
 Ceans en ma maison quiconque m'aimera,  
 Et qui deuoir d'amy paroistre me fera.  
 Tandis qu'elle viuoit, combien que l'amertume  
 La rongeast, toutesfois elle auoit de coustume  
 De m'enquerir tousiours, & selon son desir  
 De me demander chose où elle prist plaisir:  
 Car elle me nourrit avecque la gentille  
 Ctymené, sa derniere & sa plus ieune fille,  
 Ctymené au bouffant & ample accoustrement.  
 Avec elle ie fus nourry premierement,  
 Et n'estois qu'un peu moins en honneur de la mere:  
 Mais quand ayant passé la ieunesse premiere

Respon-  
 ce d'en-  
 uie a V-  
 lysses

Nous creusmes l'un & l'autre en aage plus dispos,  
Elle fut mariee en l'isle de Samos

Avec force tresors qu'elle eut en mariage.

Et pour moy, on me mit en fort bon equipage,

On me vestit à neuf, robes, accoustremens

Beaux & de tresgrand prix, & autres vestemens,

De bons souliers aux pieds, & toute autre chaussure:

Puis on m'enuoye aux champs pour y faire demeure,

Et pour les gouverner. La Princesse m'aymoit,

Et sur toutes ses gens en son cœur m'estimoit.

Or i'ay de tout cela maintenant bien grand faute,

Mais les Dieux habitans dessus la voulte haute

Dont la vie est heureuse, & deuant qui ie suis

M'ont accreu, au milieu de mes tristes ennuis:

Si que i'en boy, i'en mange, & en tien bonne table

Les departs de bon cœur à tout homme honorable.

Quant à Penelopé, nous n'en auons pour nous

Assistance, soustien, non pas un seul mot doux,

C'est à l'occasion de l'insolente bande

De ces beaux poursuyuans, trouppes fiere & gourmande,

Et qui n'ont point de fin de perdre & consumer,

Les pauvres seruiteurs n'oseroient l'informer,

Ny dire ce qu'on fait à ceste triste Reyne,

Bien qu'il fust necessaire, ils n'osent pas à peine

Demander pain ne vin, ny les necessitez

Qu'on portoit parauant aux champs de tous costez

Aux pastres, aux bergers, & desquels l'abondance

Apportoit à leurs cœurs ioye & resiouissance.

Il tenoit ces propos, & le souffre-soucy

Le prudent Vlysses luy respondit ainsi.

Vlysses  
s'équiert  
d'Eu-  
mée, cō-  
me il est  
venu en  
Ithaque.

Dieux! Estant si petit que tu dis, ie te prie  
 Comment as tu erré si loing de ta patrie,  
 Et de tous tes parens : mais par toy me soit dit  
 Pour le vray : Le pays a-il esté destruit  
 Où pour lors habitoient & ton pere & ta mere?  
 ( Qui te força courir autre terre estrangere?)  
 Quele stat suivois-tu? Estois-tu addonné  
 Aux bœufs, ou aux brebis quand tu fus amené  
 En ce pays icy? & si sur leurs fregates  
 Te vindrent enlever les escumeurs Pyrates,  
 Desquels selon ton prix Laërtes i'acheta?  
 Eumæus en ces mots alors luy raconta.

Ie te raconteray, puis que tu veux l'entendre,  
 Ce qui m'est aduenu dès ma ieunesse tendre,  
 Sans en rien oublier. Ecoute seulement,  
 Et nous seans icy beuons ioyeusement.  
 Car la nuit est bien longue aussi bien & m'ennuye.  
 Tu t'en iras dormir quand t'en prendras l'enuie:  
 „ Car entendre parler n'est pas sans grand plaisir.  
 Et deuant que le somme accoure te saisir  
 Il n'y a nul propos que tu vinsses le prendre.  
 „ Le dormir par trop long tristesse au cœur engendre:  
 „ ( Quand on a trop dormy on n'en est pas si sain,  
 „ Et l'assoupissement de fâcherie est plein.)  
 Si qu'elqu'un des valets est endormy, qu'il sorte,  
 Qu'il s'en aille coucher, dorme & se reconforte,  
 Puis quand le poinct du iour demain matin poindra  
 Et l'Aube ses cheuaux à son coche ioindra,  
 Prendra son desieuner, & les troupes gourmandes  
 De ses trouppesaux grondans menera par les landes.

Eumæ<sup>o</sup>  
 raconte  
 à Vlysses  
 tout le  
 discours  
 de sa vie



450 LE QVINZIESME LIVRE  
Quant à nous, pres du feu beuuans & banquetans,  
Et nos malheurs passez à l'enuy racontans  
Nous passerons l'ennuy de nos malancolies.  
Quand on vient à conter toutes ses fascheries  
On y prend du plaisir mettant hors ses douleurs,  
On contente son mal de quelque peu de pleurs.  
(Qui a beaucoup souffert de fortune & d'opresse  
Prend quelque volupté à dire sa tristesse.)

Or ie vay commencer. Doncques en nostre mer  
Est vne Isle, Syrie on la voulu nommer,  
(Si ce nom est venu iusques à tes oreilles)  
Au dessous d'Ortygie, où ses roües vermeilles  
Le Soleil va tournant, & qù prend ses destours  
Titan qui trace au Ciel le chemin de son cours.  
L'Isle n'est pas fort grande, estroitte est ceste terre,  
Sa petite estenduë estrangement se serre:  
Pourtant elle est fertile & son terroir heureux  
Donne force pascage aux brebis & aux bœufs,  
Vin & froment y croist : là iamais la famine  
N'assaut les habitans, là iamais ne domine  
Mal, fièvre, ne langueur: sans douleur, sans tourment  
Les hommes pleins de iours y viuent longuement:  
Mais quand ils ont atteint vne extrême vieillesse,  
Phœbus à l'arc d'argent & à la blonde tresse,  
Et Diane sa sœur de leurs traits argentex  
Les viennent assaillir par la mort emportex.  
Or deux citez sont là, chacune a son domaine  
Distinct & separé, (de coustume ancienne:)  
Sur toutes delix mon pere auoit commandement,  
Ctesius Ormenide aux Dieux entierement

Pareil. Là des marchands de Phénice aborderent  
 En l'Isle, & leur bijoux & fatras déployerent,  
 Car ce sont gens sur tous fins & ingénieux,  
 ( Surprenans tout le monde, esblouyssans les yeux  
 Avec leurs affiquets. ) Or seruoit vne fille  
 En ce temps chez mon pere, assez belle & gentille,  
 Phénicienne mesme : elle auoit l'esprit beau,  
 Elle inuenoit tousiours quelque ouurage nouveau,  
 Au mestier de l'éguille estoit ingénieuse,  
 Ouuriere excellente & fort industrieuse.

Vn iour qu'elle lauoit quelque linge en la mer  
 Vn de ces marchands là fit rage de l'aimer,  
 Et l'endormit si bien, que dedans sa nacelle  
 Il fit monter la fille, & coucha avec elle.

„ La femme de loisir fort volontiers se prend  
 „ Par le lit, par l'amour, bien qu'elle ayt l'esprit gräd.  
 Après qu'il eust faiët d'elle, il l'enquiert, il la prie  
 De luy dire son nom, sa maison, sa patrie.

Ma patrie est Sidon, dit la fille, où se prent  
 Le cuyure en quantité, mon pere est Arybant,  
 Homme riche & aisé. Les Taphiens-pirates  
 M'enleuerent vn iour sur leurs hautes fregates  
 En reuenant des champs : l'un desquels qui flotta  
 Sur ces bords me vendit, & le Roy m'acheta.

Adoncques le marchand qui dedans sa nauire  
 L'auoit depucelee, en ces mots luy vint dire:  
 Tu t'en reuiendras donc, s'il te plaist, avec nous,  
 Et reuerras ta mere & ton pays si doux,  
 Ton pere & ta maison, apres si long espace  
 Que tu ne les as vuez. Les Dieux leur font la grace

De viure encor tous deux, fort riches, fort puissans,  
En thresors & en biens à souhait fleurissans.

A qui la fille alors: Je le veux, ie t'en prie.

Iure moy de me rendre aussi en ma patrie

En toute seureté: Promets moy sur ta foy,

Dy-je, de m'y conduire, & i'iray avec toy.

Ils luy iurerent tous. Lors elle leur adiouste:

Or ne dites donc mot; & soyez à l'escoute,

Et si vous me voyez & vous me rencontrez

Venant à la fontaine, ou passant par ces prez,

Soyez seurs & secrets, que le Roy ne le sçache,

Et dans les fers cruels ne me lie & m'attache,

Et vous face mourir. Retenez donc cecy

Apportez gentiment tous vos viures icy,

Pius que quelqu'un de vous & prudent & habile,

Vienne m'en aduertir vistement à la ville,

Mais qu'il soit, ie vous prie, & prompt & diligent.

Alors i'enleueray tout l'or & tout l'argent,

Pour l'apporter icy: Je prendray dauantage

Vn beau petit enfant, & d'un florissant aage,

Dont ie suis gouuernante, enfant bien aduisé,

Et de belle esperance, & desia tout ruzé:

Il sort souuent dehors, (& s'esbat par la ville

Cherchant ses compagnons:;) il me sera facile

De le faire venir & le prendre avec moy

Pour l'amener ceans: il est enfant du Roy,

Il est gentil, fort beau, & de façon naïfue,

Vous en pourrez tirer vne somme exoësive:

Ce disant, au chasteau soudain se retira.

Les marchans ce pendant, & tant que l'an dura

Ramenans les moissons, par la ville prattiquent,  
 Accōmodent leur fait, changent, vendent, trafiquēt,  
 Portient en leurs vaisseaux, puis quād se vint le tēps  
 De se mettre sur mer & d'essayer les vents,  
 Ils en dépeschèrent vn vistement vers la fille,  
 Fin, cault, & aduise, qui s'en vient à la ville  
 Au chasteau de mon pere: il portoit vn carquant  
 De pur or & bien faict, on alloit remarquant  
 Force ambre qu'il auoit. Lors mainte chambriere  
 Iettoit les yeux dessus: apres elle ma mere  
 S'amusoit à le voir & l'alloit marchandant.  
 Il faict signe à la fille, & s'oste cependant  
 Retournant à ses gens. Adoncques la vilaine  
 M'empoigne par la main, hors du chasteau m'em-  
 Puis trouuant quantité de vases entassez, (meine,  
 Grands vases d'ormassif qu'on auoit là laissez  
 Pour traitter des plus gros de toute la Prouince  
 Qui estoient au conseil pour assister le Prince  
 En affaire important, où le peuple tousiours  
 Consulte, & va disant nouuelles & discours:  
 Elle en empoigne trois, hors la porte s'aduançe,  
 Et moy ie la sui uois avec grande imprudence.

Les ombrages tombotent, & Titan descendoit  
 Quand nous vinsmes au port où l'on nous attendoit:  
 Là sur le bōrd estoit vn vaisseau grand & large,  
 Vaisseau Phanicien sur lequel on nous charge.  
 Quand nous fusmes montez, eux soudain de rāmer  
 Et de gagner le haut de la profonde mer.  
 Iupiter nous donna les vents bons & prosperes.  
 Iā par six iours durants & par six nuitts entieres

434  
Nous auions nauigé. Le septiesme venu  
De par le premier fils de Saturne chenu,  
Diane tire-trais la fillette transperse  
Dans le creux du naaire, & morte la renuerse:  
Elle fit un tel bruit que faict en se plongeant  
La canete de mer, & la cruelle gent,  
Laiette dans le creux aux balenes horribles  
Et aux monstres des eaux & poissons plus terribles.  
Ainsi seul au vaisseau triste ie fu laissë  
Pauvre enfant miserable & par trop angouissë:  
Le vent incontinent de plus beau nous attaque,  
Nous porte en ce pays, & nous rend en Ithaque,  
Où le bon Laërtes m'ayant d'eux marchandé,  
M'achepte & leur paya le salaire accordé:  
Et voila la façon que ie vy ceste terre.

A luy lors Vlysses grand en ruse & en guerre,  
Certes tu m'as esmeu, ô pasteur, grandement  
En me contant ainsi la peine & le tourment  
Que tu as enduré dès ta tendre ieunesse.  
Iupiter toutesfois a meslé ta tristesse  
Auec de la douceur, t'ayant finalement  
Conduit en la maison d'un maistre si clement  
Où tu as à souhait pain & vin & viande,  
Et où tu peux mener vie heureuse & galande:  
Moy ie suis vagabond & ayant bien couru  
Me voicy souz le toict où tu m'as secouru.

Ainsi les bons vieillards passioient la nuit entiere  
Puis s'allerent coucher, & ne dormirent guere  
Car le clair point du iour parut incontinent.  
Et le beau Telemach de Pyle reuenant

Telemach  
chus ar-  
riue à  
Ithaque

Et tous ses compagnons à terre descendirent,  
 Replierent le voile & le mast abbatirent,  
 Ils entrent dans le port, l'ancre à terre est ietté,  
 De cables le vaisseau fermement arresté  
 Flotte dessus les eaux eux à terre se iettent  
 Apprestent à manger de bons viures se traittent  
 Et de vins rougissans: quant ils eurent chassé  
 La soif, & l'appetit de manger fut passé,  
 Telemach' leur parla d'une façon courtoise.

Enfans poussez la barque & la rangez sans noise  
 Soubz les murs à l'abry, tandis ie m'en iray  
 Aux champs, vers les porchers, & les visiteray  
 Pour voir comme tout va, (ie n'arrestteray guere,)  
 Car dès que le Soleil panchera sa carriere  
 Ie m'en retourneray, & puis au point du iour  
 Si tost que le Soleil dorera son retour,  
 Nous nous conioiurons de nostre heureux voyage,  
 Ie vous festoyeray, & viures ne breuvage  
 Ne seront espargnez. Disant ces mots ioyeux  
 Le bon Theoclymen grand prophete des Dieux  
 S'en vint parler à luy, ô mon cher Telemaque  
 Où m'en iray-ie moy? qui de la rude Ithaque  
 Des hommes qui y ont quelque commandement  
 Me pourra recevoir chez luy fidèlement?  
 M'en iray-ie tout droit me rendre chez ta mere  
 Et dedans ta maison? Telemaque au contraire.

Certe il y a long-temps que ie t'eusse sommé  
 D'aller où tu me dis, où tu n'eusses chommé  
 De tres-bon traitement, voire en toute abondance.  
 N'eust esté que ie crains que pendant mon absence

Theo-  
 clymen  
 à Tele-  
 machus

Tele-  
 machus  
 luy en-  
 seigne  
 où il se  
 doit re-  
 tirer.

Tu ne fusses pas bien. Car tu n'eusses pas veu  
 Penelopé ma mere, elle frequente peu  
 Avec ces courtisans, mais elle est retiree  
 En vne chambre en haut de toutes separee,  
 A faire son ourage, tistre & à filer:  
 Mais ie t'en seigneray où tu pourras aller,  
 C'est chez Eurimachus fils de Polybe, habile  
 Et autant genereux que nul autre de l'Isle:  
 Sa reputation est cogneuë en ce lieu,  
 Tous ceux de la cité l'honorent comme vn Dieu,  
 Et certes il est galand. Or il se desesperé  
 D'estre le successeur des honneurs de mon pere  
 Et ma mere espouser. Mais le grand Iupiter  
 Qu'on sçait dessus le ciel de tout temps habiter,  
 Sçait s'ils rencontreront avant ceste iournee  
 Autant luy que tout autre un infauste hymeneë.

Augure  
 d'un es-  
 peruier.

Comme il parloit encor, voicy le messager  
 De Titan, l'esperuier, oyseau noble & léger  
 A main droitte volant, qui tenoit en sa serre  
 Vn pigeon, & iettoit son plumage par terre,  
 Il passa iustement entre Telemachus  
 Et entre son vaisseau. Lors Theoclymenus  
 Le prenant par la main de ses gens le retire,  
 Et l'augure exposant se prit ainsi à dire.  
 Certes cest oyseau là ne vole nullement  
 Sans le vouloir des Dieux & leur commandement.  
 I'ay fort bien remarqué son vol. ô Telemaque,  
 Nul sang n'est si royal que le vostre en Ithaque,  
 Nulle race si noble, & vostre authorité  
 T'sera recogneuë à perpetuité.

Theo-  
 clyme-  
 nus l'in-  
 terprete

*Auquel Telemachus. Certè amy ie souhaite  
 Quel augure soit tel comme tu l'interprete,  
 Et nous succede ainsi : tu receurois vn iour  
 Tant de presens de moy, avec mon ferme amour,  
 Que qui te trouueroit te venant à l'encontre  
 Diroit certainement beureuse ta rencontre.  
 Puis regardant Peyree il luy parla ainsi.*

Telemachus à  
 Theoclymenus.

*Fils de Clytus, dit-il, en ce voyage icy  
 Entre tous ceux qui m'ont accompagné à Pyle  
 Tu i'es en mon endroit tousiours monsté docile  
 Et fort obeysant. Or pour l'amour de moy  
 Je te pry pren cest homme & le mène chez toy,  
 Fay luy le mesme honneur, la mesme bonne chere,  
 Le mesme traitement que tu me voudrois faire,  
 Iusques à mon retour. Auquel soudain Peyrè,  
 A la pique luisante, au fer bien acéré.*

Prie  
 Peytee  
 de le re-  
 tirer &  
 loger.

*Sois dehors longuement si ton enuie est telle,  
 ( Il prendra s'il luy plaist ma maison paternelle, )  
 Rien ne luy defaudra, ie le feray traicter,  
 Et tant qu'un hoste peut son hoste respecer  
 Il sera respecté. Ce faict, il se retire  
 Et commande à ses gens de monter au nauire,  
 De deslier le cable & ramer vistement.  
 Eux prompts à obeir, montent hastiuement  
 Sur les bancs. Lors en mer maint auiron se hausse,  
 Et Telemaque prend ses souliers, & se chauffe,  
 Car il auoit desjà du vaisseau retiré  
 Son puissant iauelot au bout bien acéré.  
 Ses gens auoient aussi ja couppé le cordage,  
 A puissance ramoient le long du haut riuage,*



Et hachans de la mer le boüillon irrité  
 En lieſſe gaignoient les murs de la Cité,  
 Comme leur auoit dit le ſils du fort Nèrite.  
 Lequel laiſſe le port, ſon pié robuste & viſte  
 Lo porte allaiement : & tant qu'il arriua  
 Aux champs vers le porcher. Soubz lequel il trouua  
 De truies & de porcs quantité innombrable,  
 Que gardoit Eumæus vigilant & feable,  
 Paſſant la nuit és champs, & onc ne ſe laiſſant  
 De faire bon ſeruiſe à ſon Prince puiſſant.

Fin du quinziefme liure.



# LE SEIZIESME

## LIVRE DE L'ODYSSEE

### D'HOMERE.

#### ARGUMENT.

**T**elemachus étant arriué aux champs en-  
uoyé Eumæus en ville, aduertir Penelopé  
de son retour. Par le conseil de Pallas Vlyf-  
ses se descouvre & se donne à cognoistre à son fils.  
Ceux qui estoient allez guetter Telemachus sur  
mer pour le tuer, reuiennent en Ithaque.

#### AUTRE SOMMAIRE.

*Vlysses se descouvre, & declare à son fils  
Comme seront par eux les amants deconfits.*

**D**E rechef le porcher & le diuin Vlysse  
En la borde attendant que l'Aurore rou-  
gisse (moient  
Apprestoient à disner & le feu r'allu-  
Et les pastres aux champs & les porcs enuoyoient:  
Et les chiens abbayans à l'aprocher sentirent

Telemachus ap-  
prochât  
du logis  
d'Eumæus, les  
chiens  
i'appent.

*Telemachus venir, autour de luy se mirent  
Flattans & blandissans, & si ne iappoient pas,  
Le divin Vlysses ouyt le bruit des pas*

Vlysses  
l'oyt.

*Et sentit que dehors les chiens faisoient caresse  
A quelqu'un qui venoit: aussi tost il s'adresse  
A Eumæ le porcher, & luy parla ainsi.*

Telemachus à la  
porte.

*Quelque amy de ceans sera bien tost icy,  
Les chiens ne iappent point, plustost ils luy blâdissent,  
Et d'un fort bruit de pieds mes oreilles fremissent.*

*Comme il parloit encor le preux fils d'Vlysses  
Se monstra sur la porte. Alors de grand excez  
De ioye, le porcher se leue de sa place.*

Eumæ  
le va em  
brasser.

*Surpris se precipite, & le vin & la tasse  
Luy tomberent des mains. Puis courant vistement  
Au deuant de son Roy, luy baise tendrement  
Le front, les yeux, les mains, & d'amour affolee  
De ses yeux ruiſſelans mainte larme est coulee;  
Et sa barbe & son sein de pleurs sont enfondus:)*

*Comme un pere tremblant court les bras estendus,  
Embrasser son enfant, sa chere nourriture  
Qu'il auoit esleuee avec extrême cure  
Pour consolation de sa vieillesse, ayant  
Esté long temps dehors errant & fouruoiant,  
Et courant les hazards de maintes destinees,  
Et puis reuient en fin au bout de dix annees:*

*De la meſme façon on pouuoit alors voir*

*Le fidelle porcher son maiſtre receuoir:*

*Il luy court au deuant, & rani de grand ayſe*

Le bien-  
veigne.

*L'honore, le bien-veigne, & l'embrasse & le baise  
Comme s'il reſchappoit du glaïue violent,*

Pleurant le congratule, & puis luy va parlant.

En fin es tu venu ma tres-douce lumiere,  
 Mon cher Telemachus, que ie disois naguere  
 N'esperer iamais plus de reuoir, en t'estant  
 Ainsi mis au hazard sur le flot inconstant  
 Allant à Pyle. Or sus ma nourriture chere  
 Entre dans la maison (dans les biens de ton pere)  
 Afin que ie me soule à te voir, que ie sois  
 Resiouy de ta venue, ô trois & quatre fois  
 Le tres-bien retourné, le reschappé des ondes,  
 Le sauué du fier glaue & des vagues profondes:  
 C'en est gueres souuent que tu t'en viens icy  
 Visiter ton Eumæ ne tes pastres aussi,  
 Demeurant en la ville ainsi ton ame euite  
 Des cruels poursuinans la pratique maudite.

Amy, ie la fuiray. Car ie l'espere ainsi,  
 Luy dit Telemachus, & ce que me voicy,  
 C'est afin de te voir, que ie sçache & m'enquiere  
 De ce qu'on faiët chez nous : & si tousiours ma mere  
 Demeure en la maison : ou si ne seroit point  
 Depuis par mariage vn autre à elle ioint,  
 Certes le liët d'Vlysse est par les destinees  
 A faute de maris tout couuert d'araignees.

Ta mere ne dechet de resolution,  
 Luy respondit Eumæ, mais en affliction  
 Elle passe les iours, les nuits toutes entieres,  
 A gemir ses malheurs, à pleurer ses miseres:  
 C'est pitie de la voir, & son sein tendrement  
 Nage aux eaux qu'elle espend continuellement :)  
 Ce disant il luy prend sa pertuisane forte,

Telemachus à  
 Eumæe.

Vlysses  
cede à  
Telemachus.

*Et luxentre dedans sans plus estre à la porte.  
Vlysses luy cedant place & siege laissé,  
Mais Telemach court ( & son pere embrassa, )  
Le retint & luy dit. Ne bouge, mon bon hôte,  
A ton ayse demeure, & de ton lieu ne t'oste,  
Prou de sieges ceans pour moy se trouueront,  
Il y a force gens qui m'en apporteront.*

*Ayant dit : Vlysses se remet en sa place,  
Et le bon Eumæus force feuillage entasse,  
Vert & frais & mollet, puis dessus estendit  
Mainte douillette peau, sur lesquelles se mit  
Le preux fils d'Vlysses. Lors Eumæ leur appreste  
A manger, & leur met dans les plats tout le reste  
Du soupper de deuant : puis tire vistement  
Le pain de la corbeille, & verse abondamment  
Pour boire, le doux vin dans vne grande tasse.  
Cela faict vis à vis d'Vlysses il se place,  
Et eux iettent les mains sur les plats à plaisir.*

*Quand ils eurent mangé & ben à leur desir*

Telemachus  
s'en-  
quiert  
d'aumce  
qui est  
leur ho-  
ste.

*Telemaque au porcher se prend ainsi à dire:  
Dymoy, nostre hôte icy d'où vient-il ? quel nauire  
L'a conduit en ce lieu ? d'où sont les mariniers  
Qui se vantent l'auoir passé en ces cartiers ?  
Car d'y venir à pié n'y a nulle apparence.*

*Lors le pastre. Crete est le lieu de sa naissance,  
Et à ce qu'il m'a dit il a fort veu, il va  
Agité du malheur errant par cy par là:  
Dieu luy a donné telle destin de sa vie.  
Vn vaisseau la conduit des gens de Thesprotie.  
Duquel s'estant saué ceans il s'est ietté.*

Or le voila, fais en selon ta volonté,  
 Tres-humble suppliant ton secours il implore.  
 Auquel Telemachus respondant dit encore,  
 Tu m'attristes beaucoup de me parler ainsi,  
 Ceste requeste, Eumæ, me met en grand soucy,  
 Quel moyen puis-je auoir de receuoir, de prendre  
 Vn estranger chez moy, ne me pouuant deffendre  
 D'un tas de forenezz, n'oster de ma maison  
 Ceux qui me vont mangeans contre touteraison,  
 Si ieune que ie suis ? dauantage ma mère  
 Est en doute bien grand de ce qu'elle doit faire,  
 Son ame est en balance, & son cœur en esmoy  
 Si elle doit tousiours demeurer avec moy,  
 Garder son premier liët, & porter reuerance  
 A mon pere, à son nom, soignant de sa puissance  
 Sa Cour & sa maison, ayant tant emporté  
 De reputation de sa pudicité.  
 Ou ( se laissant conduire à vn desir volage )  
 S'elle doit conuoler en second mariage  
 Prenant le riche dot de celuy qui sera  
 De plus noble maison, & luy apportera  
 Plus de commoditez, de bien & de cheuance.  
 Quant à nostre hôte icy, puis que pour assurance  
 Il s'est sauué ceans, ie le reuestiray  
 D'habits, & de manteau present ie luy feray,  
 Luy donray vne espee afin de se defendre,  
 Le feray bien chauffer : & où il voudra prendre  
 Son chemin, le feray conduire sur ma foy.  
 Si tu veux toutes fois, retien-licy chez toy,  
 Et ie luy enuoiray robes à suffisance  
 Et viures, qu'il ne soit en charge & en despence

Il res-  
 pond à  
 Eumæe  
 sur la re-  
 ception  
 de leur  
 hôte  
 chez  
 luy.

A toy & à tes gens. Car de permettre aussi  
 Qu'il se vienne fourrer parmi ces gens icy,  
 Je ne le feray pas, de peur qu'ils ne luy fissent  
 Quelque outrage ou affront, ou qu'ils ne le batissent.  
 Car ils sont insolens & pleins de leur plaisir,  
 Et i'en aurois pour luy regret & desplaisir.

„ Il est bien mal aysé d'avoir de l'avantage

„ A un seul sur plusieurs, bien qu'il ayt du courage.

Vlysses  
 à Tele-  
 machus

Le tolerant Vlysse adonc ainsi luy dit.

Amy s'il m'est permis de parler un petit,  
 Certes ie te diray que le cœur me déchire  
 De deuil & de pitié, quand i'entens ainsi dire  
 L'outrage & le degast que ces gens sans raison  
 Commettent outrageux en ta propre maison,  
 Estant tel que tu es. Mais dy moy ie te prie,  
 Est-ce de ton bon gré que ceste fascherie  
 T'est faicte, ou si tu es à ton peuple odieux  
 Te haïssans ainsi par le vouloir des Dieux?  
 Ou bien en blasmes tu ceux de ta parentelle.  
 Qu'on a persuadé, si tu auois querelle,  
 De ne te secourir? eussay-je la roideur,  
 La force & la jeunesse ainsi que i'ay le cœur,  
 Et que le brave fils d'Vlysse, ou bien luy mesme  
 Retournaist maintenant par le vouloir supresme.  
 (Et ie l'espere encor) ie voudrois qu'on me fist  
 Mourir, que le premier la teste on m'abbatist,  
 Si ie ne leur donnois & malencontre & perte,  
 Pourveu que d'Vlysses la cour me fust ouuerte.  
 Que si ie succumbois, & que dessouz l'effort  
 De plusieurs, seul ie vinsse à estre mis à mort,

I'aymerois

J'aymerois mieux en fin chez moy perdre la vie  
Que d'endurer tousiours telle coyonnerie :  
Voir par des estrangers ma maison malmener,  
Mes seruanes chez moy souiller & vilener,  
Gourmâder tout mon bien, voir tant d'yrongneries,  
Tant d'indiscretions, & de forceneries,  
Fureter tous mes vins, (manger mon bled en vert,)   
Somme de ma maison faire un piteux desert.  
Auquel Telemachus. Amy, ceux de la ville  
Ne me haïssent pas, le vulgaire imbecille  
Ne me veut point de mal contre moy irrité.  
Et ie ne puis blasmer ceux de ma parenté,  
Qu'on a persuadé, bien que i'eusse querelle,  
De ne me secourir de force mutuelle.  
Car Iupiter soubz qui tout l'Olympe est soumis,  
N'a tousiours qu'un enfant en nostre race mis:  
Le fort Arceſius n'eut d'enfant que Laërte,  
Laërte n'eut qu'Ulyſſe, en ſa maison deſerte.  
Il m'a laiſſé tout ſeul, aydé ny aſſiſté  
De perſonne du monde, ains pluſtoſt tourmenté,  
Meſme dans ma maiſon d'ennemis innombrables:  
Car les hommes plus forts & les plus honorables  
Des Iſles d'alentour, de Samos icy pres,  
De celle de Zacynthe obſcure de foreſts,  
De Dulichie auſſi, meſmement de ceſte Iſle  
De la propre Itacha, rude, aſpre, difficile,  
Tous ceux là ſont chez nous, deſirent d'eſpouſer  
Ma mere, & ce pendant ne ceſſent d'eſpuiſer  
Nos biens, nos reuenus. Elle ne les reſuſe  
Et ſi ne les accepte, ains tousiours les amuſe



Et ne les resoul point, & eux cetempendant  
 Vont nos biens sans respect rongeāt & gourmandāt,  
 Et possible bien tost me tueront-ils moy mesme.  
 Mais tout cela despend de la forcce supresme  
 Des grands Dieux tout puissans. Mais toy va viste-  
 Trouuer Penelopé, aduertyla comment (ment  
 Me voicy de retour sain & sauue de Pyle,  
 Je t'attendray icy n'arreste guere en ville:

Telemachus en-  
 uoie Eumene ad-  
 uertir  
 sa mere  
 Penelope de  
 son re-  
 tour.

Mais ne le dy qu'à elle, & que nul poursuivant  
 N'en aye dessus tout ne nouuelle ne vent:  
 Car ils ont coniuéré ma perte & mon dommage.  
 Auquel respond ainsi Eumene le pastre sage.  
 J'enten, ie le feray. Mais ne pourrois-je aller  
 Le dire à Laërtes, afin de consoler  
 Le bon homme affligé, qui combien que l'absence  
 D'Ulysses l'accablast, il prenoit patience  
 Pourtant tant qu'il pouuoit, mesnageoit, tracaſsoit,  
 Et au trauers des champs le temps ainsi passoit  
 Avec les seruiteurs, & subſtentoit sa vie  
 En mangeant & beuuant quand luy prenoit l'enuie.

Laërtes  
 ne faict  
 que s'a-  
 rrister  
 depuis  
 le depart  
 de Tele-  
 machus.

Mais depuis ton depart, & qu'il a ſceu comment  
 Tu t'en estois allé, on dit certainement  
 Qu'il ne boit, & ne prend viure quel qu'il puisse estre,  
 Et ne prend plus plaisir à nul labeur champeſtre,  
 Mais il demeure là ſans ceſſe ſouffſpirant  
 Et de ſon eſtomac tousiours ſouſſſirs tirant,  
 Les forces de ſon corps entierement le laiſſent,  
 Et ſes os de douleur ſe mactent & ſ'abbaiſſent.

J'en porte vn grād ennuy, mais ie preſſe au dedās,  
 Luy dit Telemachus, la peine que j'en ſens.

Mais laissons Laërtes & ses plaintes funestes,  
 S'il falloit souhaitter, & que les Dieux celestes  
 Me missent à choisir, Vlysses reuiendrait.  
 Mais va t'en vistement Eumæ, va t'en tout droit  
 Au lieu où ie t'ay dit, il n'est pas necessaire  
 D'aller à Laërtes, trop bien, dy à ma mere  
 Que quelque chambriere aille l'en aduertir  
 En secret. Ce disant le presse de partir.  
 Il court, chauffe soudain ses souliers, & habile  
 Il prend droit son chemin vers les murs de la ville.

N'est  
 pas de  
 besoing  
 qu'Eumæus  
 aille  
 vers  
 Laërtes.

Mais son depart ne peut à Pallas se cacher,  
 Qui fit qu'incontinent elle vint s'approcher  
 De la maison d'Eumæe, elle se fit semblable  
 A quelque grande Nymphé, & graue & venerable  
 De taille & de beauté, sçachant excellemment  
 Trauailer au mestier, & broder richement.  
 Estant dessus la porte elle se fit paroistre  
 Au fin Grec, mais son fils ne la pût recognoistre.  
 Car la grand maïesté des hauts Dieux immortels  
 Ne se laisse pas voir ainsi à tous mortels.  
 Vlysses seulement la vit, aussi la virent  
 Les chiens, & nuls abbois pour elle en l'air ne firent:  
 Ils fuyent gemissans, fremissent tremblotans,  
 Se retirent delà, & des flancs haletans,  
 Pis-mans tacitement se cachent en l'estable,  
 Car Pallas leur faisoit vn signe espouuantable:  
 Vlysses s'en douta, sortit de la maison,  
 Passa & la muraille & la grande cloison  
 Du logis vers les champs, ib se renga vers elle:  
 Adonc ainsi luy dit la Déesse immortelle.

Pallas  
 vient  
 trouuer  
 Vlysses.

Sa mon-  
 stre à  
 luy seu-  
 rement.

Vlysses  
 sort  
 pour  
 parler à  
 Pallas,

Pallas  
luy dit  
de se dô  
ner à co  
gnoître  
à Tele  
machus

*Du vieillard Laërtes brave fils & vaillant,  
Racé de Iupiter, prudemment conseilant,  
Il faut que maintenant à clair tu te reveles  
Et parles à ton fils, que plus tu ne te celes:  
Il vous faut consulter comme d'un brave effort  
Vous pourrez à ces gens donner cruelle mort.  
Il vous faudra delà tirer droit à la ville,  
Pren cœur, ie vous seray favorable & facile,  
Ie seray pres de vous, ie vous assisteray,  
Combatray avec vous, & ne vous laisseray.*

Elle rēd  
Vlysses  
en sa for  
me pre-  
miere.

*Elle dit, puis toucha de sa verge doree  
Vlysses, luy changea sa robe déchiree,  
Et mit autour de luy un bel accoustrement:  
Puis sa taille elle accreut de grace & d'ornement,  
Ses ioües elle unit, osta son hasle extresme,  
Redora ses cheueux, & sa barbe de mesme,  
Puis s'estant retiree il r'entre vistement:  
Mais son fils fut saisi d'un grand estonnement,  
Et la peur le surprit. Ce changement estrange  
Fait qu'il baisse les yeux & son visage change:  
Il le pense estre un Dieu: qui fit que my-transi  
Il luy tint ce langage & luy parla ainsi.*

Telema  
chus à  
Vlysses  
le voyāt  
changé.

*Tu n'es plus celuy là que tu estois n'aguere,  
Mon hoste, tes habis & ta taille premiere  
Sont grandement changez, tu es quelqu'un des Dieux  
Qui vinent eternels sur le trosne des Cieux:  
Sois nous doux, & subuiens à nos grandes miseres,  
Entens nous pitoyable & reçois nos prieres:  
Et dessus nos autels nous te sacrifierons  
Agreable victime, & te presenterons*

Dons grands & precieux, hélas! sois nous propice.  
 Auquel respond ainsi le patient Vlysse.

Je ne suis pas un Dieu, pourquoy donc me veux tu  
 Accomparer aux Dieux excellens en vertu?  
 Regarde. Me voicy Vlysses ton cher pere,  
 Pour qui tu souffres tant de peine & de misere,  
 Pour qui tu gemis tant, endurent à grand tort  
 Par ces presomptueux cas pires que la mort.

Ce disant d'un amour ( ardent plus que la braise)  
 Il luy ouvre les bras & tendrement le baise:  
 Mainte larme le long de ses ionès luy pend,  
 Un grand fleuve de pleur sur le sein luy descend,  
 Il le tient sans cesser, & collé sur sa face,  
 De ses bras il l'estreint, il le serre, il l'embrasse.

Mais Telemach, qu'il fust son pere ne scauoit,  
 Et se le faire accroire encores ne pouuoit,  
 Si luy dit, tu nes pas Vlysses, ny mon pere,  
 Mais un Dieu me surprend, qui veut que ma misere  
 Se rengrege tant plus. Certe un miracle tel  
 Ne se fera iamais par un homme mortel,  
 Et n'estant pas un Dieu il n'aura la puissance  
 De remettre un vieillard en son adolescence.  
 Vieil n'aguere, & couuert d'un habit pieceté,  
 Tu semble ores un Dieu de l'Olympe vouté.

Il ne faut pas mon fils, luy respondit Vlysse,  
 Que ton cœur s'emerveille & moins qu'il se ravisse  
 D'un tel estonnement, de voir ton pere icy.  
 Car un autre Vlysses que celuy que voicy  
 Ne reuiendra vers toy. Mais me voicy le mesme  
 Que ie t'ay desia dit, qui reuient l'an vingtiesme

Vlysse  
 se donc  
 à cognoi  
 stre à  
 Telema  
 chus.

Il l'em-  
 brasse &  
 pleure  
 sur luy

Telema  
 chus ne  
 peut  
 croire  
 que se  
 soit son  
 pere.

Vlysses  
 se donc  
 encore à  
 cognoi-  
 stre à  
 son fils.

*Dedans mon cher país, apres auoir esté  
L'infinité de maux battu & tourmenté.  
Ce que tu me vois tel, ce n'est que l'œuure estrange  
De la forte Pallas, qui me faict, qui me change  
Tout ainsi qu'il luy plaist, car elle a le pouuoir  
De me changer en guenx, & puis me faire voir  
Vn ieune homme vestu de robe riche & belle.  
Il est facile aux Dieux de nature immortelle  
De rendre les humains heureux, ieunes & beaux,  
Ou bien les renuersans les accabler de maux.*

Telemachus se iette au col de son pere.  
Ce disant il s'assit & Telemach plein d'aise  
Se fond entre ses bras, luy pend au col, le baise,  
Iette vn haut & grand cry, & se fond tout en pleurs.  
Alors ils exhaloient ensemble leurs douleurs,  
Iettans plus de regrets, que l'aigle à la main forte,  
Oule vantage ne geind & ne se deconforte.  
Lors que le paisant emporte leurs petits,  
Qui bequetoient encor sans plume dans leurs nids  
Ains que pouuoir estendre en l'air leurs ailes fraîches,  
Les pauvres desolez voletent sur les branches  
Et y font retentir leurs plaintifs lamenteux.  
De la mesme façon lamentoient ils tous deux,  
Et le Soleil se fut caché dans l'onde amere  
Sur leurs pleurs, si le fils n'en eust tiré le pere:  
Il luy dit donc ainsi: Quelles gens, quels vaisseaux,  
O mon pere tres-cher, t'ont conduit sur les eaux,  
Et rendu en Ithaque? estant inaccessible  
D'y aborder à pié, & du tout impossible?  
Je t'en diray, mon fils, toute la verité.  
Sont les Pheaciens pleins de fidelité,

Vlysses  
dit à son  
fils com  
me il est  
arriué  
en son  
païs.

Luy dit lors Vlyſſes, gens experts deſſus l'onde,  
 Pilotes excellens, s'il y en a au monde:  
 Qui ont accouſtumé ſur les flots hazardeux  
 D'en mener tout autant qu'il s'en adreſſe à eux.  
 Frappé d'un fort ſommeil ſur le hant du navire  
 Ils m'en ont enleué, & m'ont ſans m'en rien dire  
 Poſé ſur le rivage avec de grands preſens  
 Qu'ils m'ont fait en partant. Or, habits reluiſans,  
 Et choſes de grand prix, que j'ay toutes muſſées,  
 Et par l'aduiſ des Dieux ſoubz le roc entaſſées.  
 Or ſuis-je icy venu par l'aduiſ de Pallas,  
 Pour reſoudre avec toy ſur le ſanglant trépas,  
 Ou faut faire tomber ces faiſeurs de deſordre.  
 Par ainſi, ie te pry conte les moy par ordre,  
 Je veux ſçavoir leurs noms, combien propres ils ſont  
 Aux armes, & quel nombre & quelles gens ils ſont,  
 Pour mieux pourvoir à tout : ſi nous pourrôs cōbattre  
 Nous tous ſeuls tāt de gēs, & ſans ſecours les battre,  
 Ou bien ſi nous devons des gens ailleurs chercher.

Auquel Telemachus. J'ay touſiours, pere cher,  
 Ouy parler de toy, & de ton grand courage  
 Quand il falloir combattre, & de ton aduiſ ſage  
 S'il falloir conſeiller. Mais ton cœur entreprend  
 Maintenant un exploit émerueillable & grand,  
 I'en ſuis hors de moy-meſme, & n'y a d'apparence  
 Que contre tant de gens, forts & pleins de vaillance,  
 Deux s'aillent attaquer preſumptueuſement:  
 Ne t' imagine pas qu'ils ſoient tant ſeulement  
 Vne ſimple dixaine, ou bien vne vingtaine,  
 Ils ſont bien plus, (le tout ſurpaſſe la centaine.)

Et ſa re-  
 ſolution  
 de met-  
 tre les  
 pourſui-  
 uans à  
 mort.

Telema-  
 chus de-  
 ſcrit les  
 pourſui-  
 uans à  
 ſon pe-  
 re Vlyſ-  
 ſes.

Ieles vay donc conter. Ils sont cinquante & deux  
 Du bord Dulichien, braues & hazardeux,  
 Ils ont six seruiteurs ( qui ne se lairront battre.)  
 De l'Isle de Samos on en met six fois quatre;  
 L'ombrageuse Zacynthe en armes deux fois dix,  
 Et ceste Isle d'Ithaque en fournit deux fois six  
 Tous braues & vaillans. Puis Medon le trompette  
 Ne bouge d'avec eux, & vn diuin Poëte  
 Qui tres-excellemment sçait iouer & chanter:  
 Et puis deux seruiteurs qui sçauent apprester  
 A boire & à manger. Si tu veux entreprendre  
 D'attaquer tout cela, voy de ne te mesprendre,  
 Et ne te hazarder si temerairement,  
 Que tu ne vienne en fin acheter chèrement  
 L'honneur que tu auois conceu en esperance.  
 Mais si tu as ailleurs pratique & cognoissance  
 Dont tu puisses des gens à ton ayse employer,  
 Deuant que passer outre il y faut enuoyer.

Auis  
 de Tele  
 machus.  
 sur la re-  
 solutio  
 de son  
 pere.

Vlysses  
 l'encou-  
 rage.

Voicy que ie te dy, respond alors Vlysse:  
 Si le haut Iupiter & Minerue propice  
 Combattent avec nous, pourray-je auoir besoin  
 De gens pour m'assister, ou me faut-il au loin  
 Aller chercher secours? A ces mots Telemaque.  
 Certes tu me produits, ô prudent Roy d'Ithaque,  
 De braues protecteurs, qui seent residens  
 Sur les nuës du Ciel, & les Astres ardens,  
 Qui sur les autres Dieux leur grand empire estendent,  
 Et puissans & hautains sur les hommes se rendent.

Lors Vlysses luy dit: Ils auront de nous soin,  
 Et du mortel estour ne se tiendront pas loin,

Dés que nous entrerons contr' eux à main ouverte,  
Et Mars se fera voir dans les tours de Laërte.

Doncques, dès que Titan haussera son beau chef  
Retourne t'en, mon fils, & hante derechef  
Au festin de ces gens, pry' les & les appelle,  
Incontinent apres nostre pastre fidelle  
Me menera vers eux, ainsi qu'un mendiant  
Qui demande son pain, & qui se va pliant  
De vieillesse courbé. Que si ceste canaille  
Me fait quelque rudesse, & quelque coup me baille,  
Endure tout d'un cœur patient & constant,  
Voire quand ils m'iroient contre terre iettant,  
Me fouleroient aux pieds, traineroient par la rue,  
Mesmes me blesseroient. Pour cela que ta venue  
Ne s'en esmeuve point, voyle benignement,  
Tolere l'en ton cœur, mais pry' les doucement  
De desister un peu de leur forcenerie.

Ils en feront refus, pour ce que leur furie  
Est venue à son faiste, à son poinct limité,  
Et le iour est escheu de leur fatalité.

Or retien bien cecy. Quand Minerve la sage  
A leur malheur m'aura inspiré le courage,  
Je feray de la teste un signal. Sois discret,  
Et sur tout pren bien garde à ce signe secret.  
Toutes les armes lors & les bastons de guerre  
Qui seront en la salle, oste les & les serre,  
Emporte tout de là. Si quelqu'un plus rusé  
Et ne les voyant plus, demandoit aduisé  
Que c'est qu'on en a faict: de parole courtoise  
Et de mots blandissans, parle à luy & l'appaïse:

Vlysses  
instruit  
exacte-  
mēt son  
fils Te-  
lemach<sup>o</sup>  
comme  
il aura à  
se com-  
porter.



*Que c'est pour la fumee, & qu'ayant apperceu  
Ses armes se gaster à la vapeur du feu,*

*Et que certainement elles n'estoient pas telles  
Qu'Ulysses les laissa, si claires ne si belles  
Comme quand il partit, tu les as faict oster.*

*A ce faire qu'aussi t'a poussé Iupiter*

*Pour prevenir un mal: de peur qu'apres bien boire,*

*(Et Bacchus ayant eu sur leurs cerueaux victoire)*

*Prenans quelque dispute, ils ne vinssent en fin*

*L'un l'autre à se tuer, polluant le festin*

*De fureur deshonnestes & par lourdes batailles*

*Troubler les saintes apprests des proches esposailles:*

*„ Car les armes souuent tirent à question*

*„ L'homme, de son humeur plein de contention.*

*Pour nous deux seulement tu lairras deux especes,*

*Deux boucliers & deux dards aux pointes bien trépees*

*Et rien plus. Car Pallas au poinct de contester*

*Les circonuiendra tous, & le grand Iupiter*

*Vains rendra leurs conseils. Voicy une autre chose*

*Qu'il faut que tu retiennes, & que ie te propose:*

*Si tu es mon vray fils, & si tu es sorti*

*Vrayement de mon sang, sois sur tout aduerty*

*Que nul, qui que ce soit, n'oye nommer Ulysses,*

*Qu'en quelque part que soit ce mot ne retentisse:*

*Non mesme Laertes, non mesme le porcher,*

*Non nul de là dedans, quelque fidelle & cher*

*Qu'il te puisse estre, non Penelope ta mere,*

*Mais Telemachus seul vny avec son pere.*

*Nous considererons les façons & les mœurs*

*De ceux de la maison femmes & seruiteurs,*

Luy de-  
fend que  
personne  
que luy  
seul, ne  
sçache  
qu'il est

*Comme l'on se comporte & comme l'on se traite,  
Qui se gouverne bien, & qui c'est qui regrette  
La perte de nos biens : Bref qui finalement  
Ne s'en souciant point se porte arrogamment,  
Qui te tient à mespris, & qui te deshonore.*

*Et son illustre fils luy respondit encore.*

*Mon pere tu verras mon cœur & ma vertu,  
Je n'ay point le courage abiect ny abbatu:  
Mais ie ne pense pas que soit à l'aduantage  
De pas un de nous deux, mais à nostre dommage:  
Et ie te pry bien fort de le considerer.*

*Le temps te donnera prou loisir d'explorer  
Les façons de nos gens : tandis les autres brisent,  
Deuorent tout ton bien, & ta maison détruisent,  
Sans moderation en leurs débordemens.*

*Mais apren ie te pry les ords comportemens,  
Les sales voluptez de la plus part des femmes,  
Leur luxe, leur ordure, & leurs aëtes infames,  
Diffamans ta maison par leurs trains deshontez.  
Mais quant aux scruteurs, qu'ils soient si tost tetez.  
Je n'en suis pas d'aduis, mais avec patience  
Ils viendront à sortir en fin en euidence.  
Si tu attends sur tout le miracle brillant  
Du pere Iupiter son Aegide branlant.*

*Ils deuisoient ainsi, quand on vit en Ithaque  
Aborder le vaisseau qui porta Telemaque,  
Ils touchoient le riuage & entroient dans le port,  
Le nauire prend terre: adonques chacun sort,  
Et tous les éspalliers remportent l'équipage,  
Et les dons au logis de Clytius le sage.*

Telema-  
chus af-  
seure sô  
pere de  
son cou-  
rage  
pour  
l'ex-  
ploict  
qu'il  
veut fai-  
re.

On voit  
aborder  
en Ita-  
que le  
vaisseau  
de Tele-  
machus.

Puis à Penelope dépeschent viftement

Luy dire, que son fils retourné seurement,

S'en estoit allé voir aux champs le pastre Eumæe,

Mais qu'il auoit enioint la barque estre amence

À l'abry souz les murs, de peur que de frayeur

La Reyne n'affligeast par trop son tendre cœur,

( Et ne plongeast en pleurs son sein & son visage.)

Le Pastre & le Heraut portans mesme message

Arriuoient par hazard ensemblement tous deux,

Pour à la Reyne dire un propos si ioyeux.

Penelope Adonque le Heraut au milieu de la trope

peaduer Des femmes dit ainsi: O chaste Penelope,

tie de Ton cher Telemachus est venu. D'autre part

l'arriuee Eumæus plus discret en la prenant à part,

& retour Luy dit secrettement & tout au long sa charge,

de son Et de son ambassade à elle se descharge,

fil. Ce faict, il prend congé, sort viftement dehors,

Et s'en va retrouver diligemment ses porcs.

Les Mais des competeurs la cohorte cruelle

poursui- Fut tres-fort contristee oyant ceste nouuelle,

uans en Ils sortent du chasteau plein d'ire & de dédain,

sont S'assemblent viftement, & se trouue soudain

estónez Hors la porte au conseil. Eurymachus commence,

Le fils de Polybus, à dire à l'assistance.

Euryma Amis, (braue ieunesse & fidelle à l'effet,)

chus Quel voyage est-ce cy que Telemaque a fait;

aux Que d'honneur, que de los, de bruit en toute sorte,

poursui- Ceste entreprise icy luy acquiert & apporte!

uans. Bien que nous pensissions, pauvres d'entendement,

Qu'il n'en viendroit à bout, & si heureusement

Ne luy reüssiroit. Or il faut tout astéure  
 Enuoyer à nos gens vne barque bien seure,  
 Qu'ils sortent d'embuscade, & sans plus s'y tenir  
 Qu'ils ayent sur les flots soudain à reuenir.

A peine auoit-il dit, que de sur la leuee  
 Amphinome apperçoit vne barque arriuee  
 Fraîschement dans le port, ceux qui estoient dedans  
 Les vns plians le voile, & les autres tenans  
 Perches & auirons. A lors d'un doux soufrire  
 Il va trouuer ses gens, & leur commence à dire:  
 Il n'est ja de besoin d'enuoyer le vaisseau  
 Pour faire reuenir nos gens qui sont sur l'eau,  
 Ils sont desia au port: s'ils ont scéu la nouvelle  
 Aduertis par quelqu'un de la troupe immortelle,  
 Ou s'ils ont apperceu d'eux mesmes s'eschapper  
 Sur l'eau le galion qu'ils n'ont peu attrapper.  
 Il dit, & ce-pendant du riuage ils approchent,  
 Ils poussent contre terre, & leurs bastons accrochent.  
 A terre ils font porter les armes vîstement,  
 Puis pour porter conseil ils vont diligemment.  
 Ils ne permettent pas que personne qui viue  
 Ou soit ieune, ou soit vieil, les approche ou les suiue:  
 Mais les competeurs s'y trouuent seulement,  
 Ausquels Antinoüs harangua promptement.

Compagnons, la faueur de la troupe celeste  
 Nous a par trop esté defaillante & moleste,  
 Retirans ce garçon du danger de nos mains.  
 Nous auions sur les monts & rochers plus hautains  
 Posé de toutes parts guettes & sentinelles,  
 Et demeurâmes là, tant que ses tresses belles

Antinoüs  
 de re-  
 tour de  
 son em-  
 buscade,  
 à ses cô-  
 pagnons

*Titan eust submergé dans les eaux d'Occident.*

*Tant que dura la nuit (au manteau morfondant)*

*Iamais dessus nos yeux le sommeil ne s'abaisse,*

*Nous courons çà & là, nous tracassons sans cesse,*

*Nous faisons sans repos maint tour & main retour*

*Attendans & l'Aurore & le flambeau du iour:*

*Embuschez, résolus de tuer Telemaque*

*( Et d'esteindre le nom du madré Roy d'Itaque.)*

*Et le voicy pourtant par ie ne sçay quel Dieu*

*Eschappé de nos mains & sauvé en ce lieu.*

*Il ne faut toutes fois que nous perdions courage,*

*Il faut qu'il meure icy, il faut qu'on le saccage,*

*Qu'il tombe souz nos mains. Car tandis qu'il viura*

*Ceste nostre entreprise onc ne reüssira:*

*Il est prudent & fin, plein de ruse & malice,*

*Et qui découvrira tousjours nostre artifice.*

*Le peuple outre cela de formais l'aimera,*

*Et ce qu'entreprenons du tout n'approuvera.*

*Parquoy mes compagnons, concluons tous ensemble,*

*Resoluons ceste mort, parauant qu'il assemble*

*Le peuple & le conseil, il ne dormira point,*

*Mais à tous tant qu'il sont dira de point en point*

*Ce qu'auons voulu faire; & qu'auons eu enuie*

*Embuschez sur la mer de luy oster la vie,*

*Où nous auons esté long temps pour l'attrapper,*

*Et qu'à peine il a peu de nos mains eschapper.*

*Le peuple, les bourgeois entendans cet affaire*

*En seront mal contens, entreront en colere.*

*Muables, inconstans, sur nous soudain courront:*

*Et s'ils ne nous font pis, d'icy nous chasseront,*

Nous renuoiront chez nous, si plus inexorables  
 Ne nous forcent d'aller autre part, misérables,  
 Errans, & vagabons. Si doncques vous aux  
 Quelque fiance en moy, croire vous me devez.  
 Il est chez son porcher, allons y tout asteure  
 Deuant qu'il en reuiène, attaquons l' & qu'il meure:  
 Ou bien si vous voulez attendons-le au chemin  
 Embuschez, & ce coup qu'il sente nostre main.  
 Puis tenons bon icy, prenons la iouissance  
 Des grands biens que sçauons y estre en abondance,  
 Vsurpons le Royaume, entre nous partageons  
 Les thresors, la maison, & iamaïs ne bougeons.  
 Pour la Reyne, il luy faut donner vne demeure,  
 Des biens, des reuenus, que fort bien on l'asseure,  
 Qu'on la contente bien, & qui l'espousera  
 Auec elle, du tout paisible iouyra.  
 Mais s'il est arresté, que personne ne suyue  
 Mon conseil salutaire, & que vouliez qu'il viue:  
 Non seulement qu'il viue, ains qu'il succede encor  
 Auregne de son pere, à son bien, à son or,  
 Legitime heritier: qu'en repos il iouysse  
 D'un si grand reuenue que possedoit Vlysse.  
 Sortons doncques d'icy, & plus ne rauageons  
 Son bien, son reuenue, plus ceans ne mangeons,  
 Mais que chacun chez luy doucement se retire,  
 Que pour femme, de là, si tant on la desire,  
 On l'enuoye en tel lieu chercher & demander,  
 Et amiablement de son doüaire accorder:  
 Et qui plus donnera, obtienne en mariage,  
 Si le sort luy dit bien, Penelopé la sage.

Leur  
 donne  
 aduis  
 d'aller  
 trouuer  
 Telema-  
 chus où  
 il sera  
 pour le  
 mettre à  
 mort.

Il mit fin à son dire. Et tout tant qu'ils estoient  
 Restèrent sans parler, & silence prestoient.  
 Alors Amphinomus, fils illustre & splendide  
 D'un Prince du pays, de Nisus l'Aetide,  
 Estant comme le chef & principal amant  
 Venu de Dulichie abondante en froment,  
 Et riche en pasturage, & qui à Penelope  
 Agréoit & plaisoit plus que nul de la trope,  
 Pour ses propos courtois & son honnesteté:  
 Car il estoit affable, orné de probité,  
 Et de bon iugement. En se leuant commence  
 A tenir ce langage avec grande prudence.

Amphi- Ie ne trouue point bon quel'on mette la main  
 nomus Dessus Telemachus, cet acte est inhumain,  
 dissuade Car il est fils d'un Roy: ie suis d'aduis qu'on prenne  
 aux L'aduis de Iupiter, qu'on le suive & s'y tienne.  
 poursui- Si les Dieux l'ont permis, le premier ie courray  
 uans de mettre  
 la main Aux armes, cela mesme à tous conseilleray,  
 sur Te- Le renuerseyray mort: mais aussi, si n'est telle  
 lema- La sainte volonte de la troupe immortelle,  
 chus. Quittez ceste entreprise. Aussi tost qu'il eut dit,  
 Chacun conclud de mesme, & son aduis suiuit.  
 Ils se leuent adonc, puis leur route reprirent  
 Au chasteau d'Ulysses, & sur les bancs s'assirent.

Penelo- La Reyne cependant voulut se faire voir  
 pe vient A ceux qui consumoient son bien & son auoir,  
 vers ses Car elle auoit bien scen l'entreprise maudite,  
 poursui- La resolution luy auoit este ditte  
 uans. Par le Herant Medon, des traistres poursuiuans.  
 Elle vint donc à eux ses filles la suiuanes,

Et comme elle fut pres de la bande cruelle,  
De son voile couurant l'air de sa face belle,  
Ausfer Antinoüs elle dit en courroux.

Elles'at  
taque à  
Antino<sup>s</sup>  
sur tous  
autres.

Méchant Antinoüs, cruel par dessus tous,  
Plein d'iniure & de tort, conseiller tres-inique,  
Est-ce toy que l'on nomme à haute voix publique  
Par la ville d'Ithaque entre tous tes pareils  
Le meilleur à bien dire, & le prime en conseils?  
Certes tu n'es point tel. Et qu'est-ce, ô plein de rage,  
Que tu vas machinant la mort & le carnage,  
Sur mon Telemachus? As-tu point redouté  
D'enourir le supplice aux meurtriers appresté  
Pour leurs méchancetez? (Desquels Iupiter mesme  
Est tesmoin du plus haut de sa voute suprême:)  
Quoy? quelle sainteté d'ainsi s'entretuer,  
Et misérablement sur le sang se ruër.  
Ne te souvient-il point comme autresfois ton pere  
S'enfuit en ce lieu, evitant la colere  
Du peuple contre luy grandement irrité,  
A cause qu'il avoit, plein de temerité,  
Couru & ranagé sur ceux de Thesprotie,  
En suivant les larrons pyrates de Taphie?  
Or les Thesprotiens estoient lors nos amis,  
Ils l'eussent massacré, eussent en picces mis  
Son cœur, eussent destruit ses biens avec sa vie,  
N'eust esté qu'Ulysse appaisa leur furie,  
Dont tu manges le bien, dont, ô méchanceté,  
Tu recherches la femme & sa pudicité,  
Dont tu poursuis l'enfant par trahison amere,  
Ammoncelant, méchant, à sa dolente mere

Hh



Tristesse sur tristesse, esmoy dessus esmoy.  
 Mais regarde moy bien, ie te commande à toy,  
 De desister en fin de ta folie infeste,  
 Et si feras fort bien de contenir le reste.

Eurymachus assure Penelope que nul ne mettra les mains sur son fils.

A Eurymaque apres de dire est eschappé:  
 O fille d'Icarus, sage Penelopé,  
 Assure ton esprit, chasse toute ta crainte,  
 Et iette au loing la peur dont ton ame est atteinte,  
 Personne n'est icy si hardy poursuivant  
 Que de ietter les mains sur ton fils, moy vivant,  
 Car ie te veux bien dire, & pour toute assurance,  
 Que le sang coulera sur le fer de malice  
 De celuy qui voudra luy faire nul excez.  
 Car, i'en ay souuenance, autresfois Vlysses  
 M'a fait, & fort souuent, cet honneur de me prendre  
 Petit sur ses genoux, & de sa main me tendre  
 Quelque chose à manger, & seant en son sein  
 De doux vin me bailler son grand verre tout plein.  
 A ceste occasion dessus tous ceux d'Ithaque,  
 Et plus qu'homme viuant i'aimeray Telemaque:  
 Qu'il se repose en moy, qu'il assure son cœur,  
 Et de tous ces seigneurs qu'il n'aye point de peur,  
 Ie le guaranty d'eux, au reste, nul n'eute  
 Ce qu'il prouient de Dieu, & n'y a point de fuite.

Il luy disoit ainsi, & lalloit exhortant  
 De s'assurer de luy. Le traistre nonobstant  
 Au dedans de son cœur premedite & machine  
 Au Prince Telemach' trahison & ruine.  
 Mais la Reyne, au plus haut & au plus eminent  
 Du superbe chasteau soudain s'en retournant

Eurymachus traistre.

Se retire en sa chambre, & pleine de tristesse  
 Déploire en soupirant son Vlysses sans cesse,  
 Jusqu'à tant que Pallas la Deesse aux yeux vers  
 Luy eut ses yeux pesans d'un doux sommeil couvers.

Or se faisoit-il tard, quand le porcher champestre  
 Arriua vers le fils, & le pere son maistre,  
 Qui dedans la maison apprestoient à manger,  
 D'un porc aagé d'un an qu'ils venoient d'égorgier.

Eumæe  
 de re-  
 tour aux  
 champs.

A mesme instant Pallas la belliqueuse vierge  
 Reuint vers Vlysses, le toucha de sa verge,  
 En sa forme senile à l'instant le remit,  
 Et ses haillons rompus à l'entour de luy mit,  
 De peur que le porcher ne vint à le cognoistre,  
 Et à Penelopé n'allast faire apparoiestre  
 Son retour. Lors à luy Telemachus accourt:

Pallas  
 rechan-  
 ge Vlysses en  
 vicillard  
 comme  
 il estoit  
 aupara-  
 uant.

Te voicy donc, dit-il, quelle nouvelle court?  
 Ceste belle embuscade est-elle reuenue?  
 Ou, sont-ils là tousiours dessus mon aduenue  
 M'aguettans au retour? Auquel ainsi Eumæe.  
 Je ne me suis point trop de ce faiçt informé,  
 J'ay eu soin seulement de faire mon message,  
 Et d'informer de toy Penelopé la sage,  
 Et puis m'en reuenir. Mais plustost que de moy  
 Elle auoit eu desia des nouvelles de toy

A cause que tes gens si tost qu'ils arriuerent  
 Vn trompette soudain à ta mere enuoyerent.  
 Mais voicy bien un faiçt que j'ay veu de mes yeux,  
 Je m'assis en allant dessus un tertre vieux  
 Au dessus de la ville, on l'appelle Hermee,  
 D'où ie vy arriuer une fregate armee,

*Toute pleine de gens, chargée pesamment*

*D'armes & de bastons luisans extremement:*

*C'estoient eux, que ie pense, & si n'en puis que dire.*

*Il dit, & Telemaque alors se prit à rire,*

*Son pere regardant, mais le porcher ne sceut*

*Onques y prendre garde, & ne s'en appercent.*

*Eux tousiours travaillans le soupper apprestèrent,*

*Puis quand ils eurent faiët à l'aise ils banquetèrent,*

*A plein rassasiens leur estomach pressé,*

*D'un repas suffisant, mais l'appetit cessé*

*Et la soif appaisée, alors ils s'endormirent,*

*Et les dons gracieux du doux sommeil ils prirent.*

Fin du seiziesme liure.



LE  
DIXSEPTIESME  
LIVRE DE L'ODYSSEE  
D'HOMERE.

ARGUMENT.

**E**lemachus reuient en la ville, il narre à sa mere les principaux poinçts de son voyage. Eumæus amaine Vlysses à la ville. Il est inurié par le chemin, & frappé par son maistre Cherurier. Il entre où les poursuiuans banquettoient: vn vieux chien le recognoist, & puis meurt. Vn des poursuiuans le frappe. Eumæus retourne aux champs, & Vlysses demeure en la ville.

AVTRE SOMMAIRE.

*Entrant chez luy son chien le recognoist encore,  
Mais vn fier poursuiuant l'outrage & deshonore.*



*Insi que la belle Aube au Ciel apparois-  
soit,  
Le cher fils d'Vlysses Telemaque agen-  
ses souliers à ses pieds, sa lance fort agile*

Telemachus à  
Eumée,  
s'en allant à la  
ville  
trouver  
Penelope.

*S'accommodoit en main, prest d'aller à la ville,  
Puis dit à son porcher: Je m'en vay de ce pas  
Voir ma mere au chasteau: car ie ne pense pas  
Qu'elle puisse iamaïs mettre fin à sa plainte  
Qu'elle ne m'ait reueu (tant elle est en grand crainte.)  
Or pour nostre hoste icy, ce pauvre malheureux  
Qui s'est fowrré ceans, voicy ce que ie veux:  
Ameine len la ville, afin qu'il y mendie,  
Qu'il y cherche son pain & demande sa vie,  
Qui enuie en aura luy pourra subuenir,  
Pour moy ie ne scaurois à tant de gens fournir,  
Ayant tant de soucy, plein de tant de misere,  
D'affaires accablé, s'il s'en met en colere  
A son dam, i'ayme mieux dire la verité.*

Vlysses  
à Tele-  
machus.

*A ces mots Vlysses. Amy, de mon costé  
Ce n'est pas mon desir, (ie serois inutile,)  
Puis il fait bien meilleur chercher en une ville  
Son pain, que par les champs: qui enuie en aura,  
Selon ses facultez, à manger me donra,  
Car ce n'est plus mon fait de hanter aux villages,  
Ne pouuant m'acquitter de ces charges sauvages.  
Va donc quand tu voudras, & ie suiuray bien tost  
Le guide que i'auray tout soudain que le chant  
M'aura desengourdy, & l'air sera paisible,  
Bien que ces haillons cy me pesent au possible:  
Mais de peur qu'au matin ie ne gele transi  
Ie les porte & ta ville est vn peu loin d'icy.*

*Il parloit, & son fils à grand pas s'achemine,  
Sorty qu'il fut delà, machinant & ruine  
Et mort aux poursuuans. Quand il fut arriué*

*Au superbe palais richement esleué,  
 Contre vne grand colomne il appuye sa lance,  
 Passe le seuil de Phuis, dans la maison s'aduançe.  
 Sa nourrice Euryclee en entrant l'apperçoit  
 La premiere de tous, des peaux elle agençoit  
 Sur des sieges diuers. En larmes ruiſſelante  
 Elle va droit à luy, & mainte autre ſervante  
 Le vient enuironner, & toutes à l'enuy  
 Courent pleines de pleurs tout à l'entour de luy,  
 L'embrassent de grand ioye, & de façon honneſte  
 Luy baiſent mille fois & le col & la teſte.*

Eury-  
 clee va  
 receuoit  
 Telema-  
 chus.

*La Reyne de ſa chambre accourt haſtiuement,  
 A Diane, à Venus ſemblable entierement,  
 Embrasse ſon cher fils, toute ſurpriſe d'aiſe  
 Et le front & les yeux & la teſte luy baiſe,  
 Puis pleurant tendrement elle luy dit ainſi.*

Penelo-  
 pe deſ-  
 cend en  
 haſte de  
 ſa cham-  
 bre  
 pour  
 voir Te-  
 lema-  
 chus.

*Te voicy donc en fin, mon fils, mon cher ſoucy,  
 Ma tres-douce lumiere, & ma ſeule fiance,  
 Qui te penſoit iamais reuoir, mon eſperance,  
 Depuis que tu oſas de cel lieu deloger  
 Pour t'en aller à Pyle, & par maint grand danger  
 Deſſus la mer, chercher nouuelles de ton pere?  
 Mais dy moy, comme es tu reuenu voir ta mere?  
 A qui Telemachus. Ma mere ie vous pry*

Telema-  
 chus à  
 ſa mere.

*Ne venez m'attriſter ſi fort de voſtre cry  
 Qui ay la dure mort eſchappée à grand peine,  
 Mais pluſtoſt lauez vous de pure eau de fontaine,  
 Prenez vos beaux habits, parez vous comme il faut  
 Et vous en retournez & vos filles là haut  
 Là, aux Dieux tout-puiſſans, pour les rendre propices*

Voüez de cent Taureaux solennels sacrifices,  
Si Iupiter nous donne vn iour de nous venger  
De ceux qui sans raison nous viennent outrager.

Ie m'en vay à la place afin que ie retire

Vn mien amy venu avec moy au nauire,

Et qu'avec mes amis sur le port i'enuoïay

Quand ie voulu partir, & Peyree en chargeay

De le mener chez luy, de luy faire grand chere,

Et luy porter honneur. Il disoit, & sa mere

N'y faillit nullement. Adonc elle tira

Ses precieux habits dont elle se para,

Penelope s'estant premier lanee. Et souleuant sa face

pe vouë Aux puissans Dieux voüa, s'ils luy faisoient la gra-

aux De se venger vn iour de ses méchans hayneux,

Dieux. De leur sacrifier offrande de cent bœufs.

Lors Telemachus sort de sa maison muree

Son iauelot en main à la pointe ferree,

Deux grâds dogues puissans ses pas legers pressoient,

L'accompagnoient suiuañts, & point ne le laissoient.

Pallas soufla sur luy vne majesté graue,

Telemachus de Vn port respectueux, vne demarche braue,

majesté. Les yeux de tout le peuple à soy il attiroit,

Et sa belle façon tout le monde admiroit.

Mesmes les poursuiuañs autour de luy se pressent,

Bien-veignent son retour, le flattent, le caressent,

Mais dedans leur courage ils l'alloient menaçant.

Mais luy sans s'arrester va plus outre passant

A ceux qui luy portoient vne amitié entiere

Et qui estoient amis de tousiours de son pere:

Tels que Telemachus, Mentor, Alitherses.

Tout ioignant d'eux s'asist le preux fils d'*Vlysses*,  
 Eux s'enqueroient de luy, quand deuers eux s'aduāce  
 Par la ville marchant, *Peyra*, braue à la dance  
 Et son hôte amenant. *Telemachus* le vit  
 Se tournant, & *Peyra* le preuenant luy dit.

Il cher-  
 che les  
 amis de  
 son pere  
 & laisse  
 les pour  
 fuiuans.

*Telemaque* enuoy moy en diligence grande  
 Les filles du logis, afin que ie te rende  
 Les dons que te donna le Roy *Menelaüs*.  
 Auquel le fils d'*Vlysses*, ô loyal *Peyreus*  
 Nous ne sçauons encor quelle fin pourront prendre  
 Nos affaires presens, (il faut vn peu attendre.)  
 Que si les pour suiuaus d'un violent effort  
 Se ruant dessus moy me venoient mettre à mort,  
 Et partageoient entre eux mes hardes paternelles,  
 J'ayme bien mieux à toy ces commoditez belles  
 Qu'à ces cruelles gens. Mais si i'en viens à bout  
 Et les fais tous mourir, raporte moy le tout  
 En ioye en ma maison. Il acheue de dire,  
 Et le pauvre estrange de ses mains il retire  
 Et le mene au chasteau, eux estans arrivez  
 Au palais somptueux richement esteuez,  
 Soudain de dessus eux leurs manteaux ils osterent,  
 Et sur les riches lits leurs vestemens ietterent,  
 Puis entrerent au bain au bien-polis carreaux,  
 Se lauerent au pur des nettoyantes eaux:  
 Quand ils furent lauez par les Nymphes gentilles,  
 Oints des douces liqueurs des odorantes huyles,  
 Il prennent leurs manteaux, & iettent dessus eux  
 En sortant hors de l'eau des habits precieux.  
 Ayants laissé le bain pour s'asseoir ils se rendent

*Telemach*  
 me-  
 ne *The-*  
*oclyme-*  
*nus* au  
 cha-  
 steau.



Sur les sieges luisants, & les filles leur tendent  
 De l'eau pour se laver, leur main va suportant  
 La riche aiguiere d'or, d'où l'eau claire sortant  
 Tombe dessus les mains, & delà coule l'onde  
 Dans le bassin d'argent à l'entourneure ronde.  
 Apres, dressans la table on apporte le pain  
 Qu'on pose deuant eux, & puis on sert soudain  
 Viures en quantité & grande & abondante  
 De ce qui se trouua prest pour l'heure presente.  
 Et la Reyne à la porte étant assise bas  
 A l'opposite d'eux, de ses doigts delicats  
 Sa laine retordoit. Eux ce pendant se iettent  
 Sur les viures bien cuits, & de bon vin se traittent.  
 Quand la soif fust esteinte, & l'appetit passé,  
 Penelope à son fils à dire a commencé.

*Il vaudra mieux, mon fils, qu'en haut ie me retire*

Penelope à son  
fils.

*Me iettant sur mon liect, où sans fin ie souspire,  
 Et qu'ont mouillé mes yeux continuellement  
 Depuis le triste iour, que trop cruellement  
 Vlysses s'en alla dessus les flots humides  
 Faire la guerre à Troye avec les deux Atrides:*

Telemachus  
 chus rēd  
 raison à  
 sa mere  
 de son  
 voyage,  
 mais  
 taist pru  
 demmēt  
 ce qui  
 est à  
 taire.

*Puis que tu ne veux pas encor m'acertener,  
 Auant que ces fascheux viennent m'importuner  
 De ce que tu as sceu du retour de ton pere.*

*A qui Telemachus: le vous diray, ma mere,  
 Tout ce que i'en ay sceu selon la verité,  
 I'ay esté vers Nestor à Pyle sa cité,  
 Où ce Roy me receut d'un aussi franc courage  
 Qu'un sien fils reuenant de quelque long voyage.  
 Apres un bien long temps. Telle reception*

Me fit-il, me monstrant pareille affection  
 Qu'à ses propres enfans de loüange immortelle  
 Et d'honneur glorieux. Mais d'auoir sceu nouvelle  
 Si mon pere estoit mort, ou s'il estoit encor  
 Sur la terre viuant, le bon homme Nestor  
 N'en auoit rien appris, bien me donna-il guidẽ  
 Afin de me mener deuers le ieune Atride  
 Qui auoit combatu deuant Troye autresfois,  
 Me fournissant de char, de cheuaux, de harnois.  
 Je vy là de ces yeux ceste Helene tant belle  
 Pour laquelle on alla à Troye, pour laquelle  
 Les Troyens & les Grecs ont souffert tant de mal,  
 Ont souuent combatu soubz un destin fatal,  
 Par le vouloir des Dieux. Ce Royme fit demande  
 Pourquoi ie venois voir Lacedamon la grande:  
 Je luy en dy la cause, & en ces mots suiuan.  
 Dessus l'heure il me dit. Las ! que ces poursuiuan  
 Effeminez qu'ils sont, lasches de cœur en somme,  
 Ont desir de monter dessus le liẽt d'un homme  
 Braue, fort, generoux, pleins d'actes triomphans !

Commẽ une biche ayant nourry ses petits fans  
 Qu'elle auoit enfantez dessous les frais ombrages  
 D'une verte forest, souz les feüillus ramages,  
 Et s'en voulant aller pasturer dans le fonds  
 D'une herbeuse vallee, ou sur le haut des monts,  
 Laisse inconsiderẽe au fond de l'autre horrible  
 D'un farrouche lyon, monstrueux & terrible  
 Ses faons s'entreioüans, qui reuenant en fin  
 De queste, ayant perdu sa peine, & mort de faim  
 Rencontre ces tendrons, agnise alors sa rage,

Seiette dessus eux, les brise, les saccage  
 Eux foibles, luy trop fort. Ainsi en aduiendra  
 De ces beaux poursuiuans. Vlysses reuiendra,  
 Plein de iuste dëdain, & du fer de sa lance  
 Les iettant roides morts prendra sur eux vengeance.

Que voulussent Phœbus, Iupiter l'immortel,  
 Et Pallas, qu' Vlysses maintenant reuint tel  
 Qu'il estoit en Lesbos, lors que de longue haleine  
 Et de force de bras il ietta sur l'arène  
 Vn Philometides, encontre luy luctant  
 Et de peine & sueur brauement resistant:  
 Il le renuer sa bas de vertueuse adresse,  
 Dont le louerent fort tous les Princes de Grece,  
 Et en eurent plaisir les Rois ses compagnons.  
 Qu'asteure fust-il tel, parmy ces beaux mignons  
 (L'espee dans la main.) Ceste troupe effreneë,  
 Les nopces maudioit & l'infauste Hymeneë,  
 Car tous sur les carreaux il les renuer seroit,  
 Et leur ame & leur sang ensemble verseroit.).

Or voicy la responce & feable & certaine.  
 Sur ce que tu desire & dont tu es en peine,  
 Ny deçà ny delà ie ne declineray  
 Et rien qui soit du faiët ne te deguïseray:  
 Mais ce que i'en apry du vieillard Dieu Protheë,  
 Dont la responce en fin veritable est iettee,  
 Tu le scauras au vray. Dessus la haute mer  
 Qui furieusement faiët les flots escumer,  
 Dans vne Isle à l'entour de qui l'onde se glisse,  
 Le vieillard me disoit auoir veu ton Vlysse  
 Endurant mille ennuis sous le toïët ombrageux

De Calypso la Nymphé aux blondoyans cheveux,  
 Qui là le retenoit, & ne vouloit trop fiere  
 Luy donner son retour en son Ithaque chere.  
 Il n'auoit là ny gens, ny rames, ny vaisseau  
 Avec lesquels il püst se remettre sur leau.

C'est tout ce qu'il m'en dit l'Atride, braue aux armes,  
 Bon à la lance, & fort entre tous les gendarmes.  
 Cela fait, ie repny mon chemin vistement,  
 Et m'en reuins icy par mer heureusement,  
 Car les Dieux immortels le bon vent me donnerent  
 Et dans mon doux pays soudain me ramenerent.

Quand il eut acheué, vne forte douleur  
 Saisit de Penelope & l'esprit & le cœur.  
 Lors Theoclymenus le Prophete honorable,  
 L'augure non menteur, & deuin veritable  
 Se prit à luy parler. Femme du tolerant  
 Vlysses, cetuy-cy est encore ignorant  
 De l'aduenir caché, mais entends ma parole,  
 Je ne te diray rien de faux ny de friuole,  
 Mais toute verité. Et i'en vay attester  
 Le premier des hauts Dieux le puissant Iupiter,  
 Et ceste table apres sainte & hospitaliere  
 Où vous m'auex receu d'amitié singuliere,  
 Et la maison encor du diuin Vlysses  
 Où vous m'auex donné si fauorable accex  
 Et m'auex recueilly : Asteure mesme Vlysse  
 Est dedans son pais, où il rampe & se glisse,  
 Espiant finement le mal qu'ont proietté  
 De faire ces amans, & leur indignité:  
 A l'heure que ie parle il resuasse, il medite

Theo-  
 clymen<sup>s</sup>  
 assure  
 Penelo-  
 pe du re-  
 tour cer-  
 tain d'V  
 lysses.

Comme il se vanger de ceste gent maudite  
 Et les pourra conduire à leur dernier destin.  
 Or i en vy sur ta nef le presage certain,  
 Et le sy tout soudain entendre à Telemaque.

Auquel ainsi parla la femme au Roy d'Ithaquet  
 Ainsi fust-il mon hôte, ( & le bon Iupiter  
 Voulust de ce bon-heur mes deux yeux contenter : )  
 Certes tu recevrois & de mon franc courage  
 Et de mon amitié un digne & riche gage,  
 Tant de dons, tant de biens, que qui te trouueroit  
 Par voye ou par chemin bien-heureux te diroit.

Les pour  
 fuiuans  
 conti-  
 nuent  
 leur  
 train.

Ils deuisoient ainsi, & toute la cohorte  
 Des amans, ce pendant ioüoit deuant la porte,  
 A ietter le palet, à l'espien esbranler,  
 ( Ou à faire siffler les flefches parmy l'air, )  
 C'estoit au mesme lieu où deuant ils ietterent  
 Leur malheureux dessein & traistres comploterent.

Le soupper s'approchoit & les pastres venoient  
 Qui des lieux d'alentour les moutons amenoient  
 Comme les autres iours, quand Medon le trompette  
 Le plus aymé de tous, de façon plus discrete,  
 Qui faisoit la despence, & le tout conduisoit,  
 S'approchoit des ioüeurs & ainsi leur disoit.

Princes qui esbatez icy vostre ieunesse  
 A ioüer, à tirer, il s'en va temps qu'on cesse,  
 Et qu'on vienne au chasteau pour entèdre au manger.  
 Sus doncques leuez vous. Il n'y a pas danger  
 Quand le temps est venu de s'aller mettre à table,  
 Et de s'aller remplir d'un repas profitable.  
 Il finissoit, & eux vistement se leuoient.

Et prenans leur chemin au chasteau le suiuoient.  
 Comme ils furent entrez dans les maisons royales,  
 Sus les planchers hautains des plantureuses sales,  
 Dessus les riches lits ils posent leurs manteaux,  
 Commencent de plus beau à iouer des cousteaux,  
 Tuent les gras moutons (aux cornes mal dressées,) *Dis-  
 sipa-  
 tion des  
 biës d' V  
 lysses  
 par les  
 pour sui-  
 uans.*  
 Les camusees brebis, les cheures engressees,  
 Ils ne pardonnent point aux pourceaux herissez  
 De soyes & setons, & si n'en ont assez,  
 Ils tuent un taureau suivant la grande troupe,  
 Et chacun en morceaux & en pieces le coupe.

Ce pendant qu'ils faisoient ces dissolus excez  
 Eumæus le porcher, & son maistre Vlysses  
 Commencent leur chemin pour venir à la ville.  
 Si luy dit Eumæus, pastre sage & habile.

Amy, puis que tu veux t'aller donc promener  
 Jusques en la cité, ie m'en vay t'y mener,  
 Comme on m'a commandé. Combien que mon enuie  
 Fust de te voir long temps en nostre compagnie,  
 Te voulant ordonner garde sur mes troupeaux,  
 Et l'un des compagnons qui touchent mes pourceaux.  
 Mais i'ay creint que le Roy ne m'en fist pire chere  
 „ Et ne s'en courrouçast. Car lire, la colere  
 „ Des maistres est tousiours à craindre, & leur fureur  
 „ Doit à leurs seruiteurs causer de la terreur,  
 Mais mettons nous aux champs : car la plus gra  
 Du iour descend desia, hors du midy sortie. (par  
 Et dedans peu de temps le vespere tombera  
 Qui frais & morfondant du froid nous donnera.  
 Auquel lors Vlysses plein de grande sagesse

Eumæe  
 à Vlysses  
 le menât  
 à la ville

*Et de conseil prudent, ceste responce dresse.*

*J'enten ce que tu dis & fort bien le conçois,*

*Mettons nous en chemin, & marche deuant, toy,*

*Ten moy quelque baston: si tu n'en as, esbranche*

*De quelque arbre bien droit vistement une branche*

*Pour m'appuier dessus: car sous mes pieds ie sens*

*Ces chemins raboteux, malaisez & glissans.*

Vlysses  
part  
pour ve  
nir à la  
ville, &  
en quel  
equip-  
page.

*Il dit, puis sur son dos il ietta sa besace,*

*Vilaine, déchirée, apiecetée & grasse*

*Qu'une vieille couroye & quelque usé cordon*

*Soustenoient, & Eumæ luy tendit un baston.*

*Ils se mettent aux champs, les pastres demeurerent*

*Avec les chiens veillās & les troupeaux garderent.*

*Mais le pasteur Eumæ menoit alaigrement*

*Le Roy en sa cité, qui sembloit proprement*

*A un pauvre, à un gueux: deschiré, miserable,*

*Courbé sur un baston, ridé, vieux, éfroyable.*

*Ils aduançoient tousiours tirans à la cité,*

*Et ià touchoient des pieds le canal argenté*

*De la belle fontaine, où tous ceux de la ville*

*Venoient puiser de l'eau qui clairement distile:*

*Qu'autresfois Ithachus, & Neritus encor*

*Auoient edifiée avecques Polyctor:*

*A l'entour de la source une forest hautaine*

*D'aulnes grands se haussait, & la fresche fontaine*

*D'un roc rettoit sans fin son furion perennel.*

*Dessus estoit construit un autel solennel*

*Consacré à l'honneur des Nymphes fontanieres,*

*Sur qui les pelerins & passans ordinaires*

*Pour leur voyage heureux les Deesses prioient,*

Faisoient effusion & leur sacrifioient.

En ce lieu iustement les trouua Melanthee

Le fils de Dolius , à la mode vfitée,

À la ville touchant deux meres de cheureaux

Pour traiter les amans : deux autres pasturieux

Venoient après aussi. Si tost qu'à l'impourcui

Sur ces deux pauvres gens il eut ietté sa venie,

Propos iniurieux encontre eux il ietta,

Et bouillant de courroux iniures éclata

Esmouuant Vlysses. Si dit à voix hautaine:

Vrayemēt un malheureux maintenant nous amene

Vn autre malheureux, & coustumierement

Iupiter apparie, & ioint ensemblement

Le pareil au pareil. Mais , ô porcher indigne,

En fin où pense tu mener ce gueux insigne?

Ce ventre mort de faim , qui nous détruira tout,

Et qui à tous les huis en se tenant debout,

Moulu, brisé, n'aura les espaules entieres

Demandant vainement, ne trepiez, ne chaudieres:

Mais si tu as vouloir de m'en accommoder

Pour demeurer aux champs & le bestail garder,

Pour porter à mes boucs quelques fois du foyage,

Au moins boiroit-il là tout son saoul de laitage,

Et ses membres deffaits, bien nourry qu'il seroit,

Aux champs en travaillant soudain raffermiroit.

Mais trop accoustumé à sa queste vilaine

Je voy bien qu'il n'est pas pour prendre tant de peine,

Il ne fera iamais que gueuser, qu'aymander,

Et bribes & morceaux d'huis en huis demander.

Mais ie te iure bien que si ie le rencontre

Melan-  
theus  
à Bu-  
mee.



*À la porte d'Ulysse il aura malencontre,  
Siegés, bancs, escabeaux à sa teste courront,  
Et dru par le chasteau dessus luy voleront.*

Melan-  
theus  
les offe-  
ce & bat  
Vlysses.

*Ce disant il s'approche & dessus luy s'eslance,  
Et de grands coups de pieds indignement l'offence.  
Mais Ulysse tint ferme & point ne s'esbranla,*

Doute  
d'U-  
lysses  
s'il s'en  
doit vâ-  
ger.

*N'en quitta le chemin, & long temps vacilla  
Si d'un coup de baston il luy fendrait la teste  
Et l'estendrait tout mort. Là dessus il s'arreste,  
Patiente, & retient son esprit irrité,  
Mais le porcher esmeu de telle indignité*

*Le reprend aigrement. Se tourmente l'accuse,  
Et priant de grand cœur de ces paroles use  
Leuant les mains en haut. Filles de Iupiter  
Najades, qui daignez ses sources frequenter,  
Si i'amaïs Ulysse offrit souefue offrande  
À vos diuinités, soit petite, soit grande,  
Bruslant sur vostre autel les gresses des taureaux,  
Les tendres agnelets, les folastres cheu-  
(Dont le parfun montoit iusques dans vos narines,)  
Exaucez ma demande, ô pucelles diuines,  
Ramenez nous bien tost Ulysse en ce lieu  
Sous l'auspice ioyeux d'un favorable Dieu,  
(Qui le conduise plein de force & d'assurance,)  
Afin de t'abaisser ceste fiere arrogance,*

Eume-  
à Melā-  
theus.

*Et ce cœur orgueilleux te rompre & dissiper,  
Cruel & violent que tu es, de frapper  
Sans raison ce pauvre homme, & de telle furie.  
(Et tu ne pense pas qu'on sçait si bien ta vie,)  
Tu ne bouges i'amaïs de la ville & fondant*

En plaisirs, perds le tēps. Aux champs cetēpendant  
Tes larrons de garçons, peste contagieuse  
Du bestail, mettent tout en ruyne honteuse.

Melan  
theus à  
Eumēus

Auquel ainsi respond le cheurier Melanthé.

O Dieux, qu'a dit ce chien impudent, eshonté?  
Si ie l'empoigne vn coup, sur vne barque agile  
Ie le feray mener bien loing hors de ceste Isle,  
Et tireray de luy force commodité.

Qu'aussi bien Apollon au bel arc argenté  
Veille dès aujour d'huy dans sa propre demeure  
Tuer Telemachus, ou que plustost il meure  
Dessous les poursuuans, que pour certain c'est fait  
Du retour d'Vlysses. Ce disant, il se met  
A cheminer, & eux le suiuoient à la trace.

Il arrive au chasteau vistement, & prend place  
Entre les poursuuans: & s'asied iustement  
Vis à vis d'Eurymach', qui l'aymoit grandement:  
Aussi tost vn chacun à manger luy presente  
L'escuyer la viande & le pain la seruante.

Vlysses  
appro-  
che de  
sa mai-  
son.

Mais le Dulichien & le pastre approchoient  
Du palais, & desia leurs oreilles touchoient  
Les sons harmonieux de la lire amoureuse,  
Qu'aux accents, aux accords de sa voix douce reuse  
Phemius marioit, (les esprits rauissant,  
Et de son art diuin les cœurs esrouissant.)

Lors Vlysses prenant le pastre par la dextre  
Luy dit en la serrant. Euma, porcher champestre,  
Voicy vn beau pala is, ie pense que ce soit  
La maison d'Vlysses, assez on l'apperçoit  
Et le peut-on inger sans nulle controuerse:

Des autres elle est fort dissemblable & diuerse.  
 Vne grande muraille, & mainte haute tour  
 Auec de forts barreaux l'environnent autour,  
 Qui outre sa beauté la rendent bien plus forte.  
 Elle se va fermant de double forte porte,  
 Et de doubles verroux, digne de resister  
 Contre vn effort de guerre & de le supporter.  
 Je croy que là dedans on banquette, on festine,  
 J'en sens monter l'odeur iusques dans ma narine,  
 J'entens outre cela la musique & le son  
 D'une lire accordee au miel d'une chanson,  
 Musique, lire, son, que les Dieux delectables  
 Ont sacrez aux plaisirs des agreables tables.

A ces mots Eumæus. Tu n'es pas imprudent,  
 Et vas bien à propos ces choses regardant.  
 Mais aduisons vn peu comme nous deuons faire,  
 Veux tu faire au chasteau la pointe la premiere  
 Parmy ces poursuiuans, & ie demeureray:  
 Ou, veux tu demeurer, & ainsi t'entreray?  
 Mais vien, bien tost apres, que quelqu'un ne t'attrappe  
 Quand tu seras dehors, ne te pousse & te frappe.  
 Auquel dit Vlysses, ce que tu dis est vray,  
 Et ie t'entens fort bien, va tost, ie te suiuray:  
 Je ne suis apprentif aux coups ny aux iniures,  
 J'ay paty, j'ay souffert maintes fortunes dures  
 En guerre, en terre, en mer, & de tout attaqué  
 Le courage, le cœur ne m'a iamais manqué.  
 Vienns ce qui pourra, car il est impossible  
 De pouuoir resister au ventre irremissible,  
 Et de le faire taire, il donne trauaux maints

Et tourmens infinis aux malheureux humains:  
 Il excite aux combats les navirés armées,  
 Les batailles esmeut dessous Mars animees,  
 Les barques porte-bancs pousse avec tout effort  
 Portans aux ennemis & la guerre & la mort.

Eumée & Ulysse contotent ainsi merveilles  
 Quand un vieux chien haussa la teste & les oreilles  
 Couché là de son long. Argus estoit son nom,  
 Il estoit à Ulysse au glorieux renom:  
 Il le nourrit petit, mais il n'en iouit guere  
 Qu'il luy fallut aller à la guerre estrangere.  
 Mais certains ieunes gens le dresserent tandis  
 Pour lieures, pour cheureilz & pour cerfs peu hardis:  
 Et pour lors il gisoit chetif & miserable  
 Sur le fiens qu'on iettoit deuant l'huis de l'estable,  
 Et que les charretiers le deuoient bien oster,  
 Et sur les champs d'Ulysse en apres le porter.  
 Là donc gisoit Argus, chassé pour sa vieillesse,  
 Et de poux tout couuert ( qui le piquoient sans cesse.)  
 Il recogneut pourtant son maistre, & blandissant  
 Bellement de la queue & l'oreille baissant  
 Semble le bien-veigner: Mais il n'eut pas la force  
 De se trainer à luy, ( il n'auoit que l'escorce  
 Et la peau sur le dos.) Il le recogneut bien,  
 En pleura, mais Eumée toutesfois n'en vit rien.  
 Si luy dit Ulysse. Voila vn cas estrange,  
 De voir un si beau chien sur le fiens, dans la fange:  
 Je voudrois bien scauoir s'il auroit point esté  
 Quelque chien de courage & de legereté,  
 Ou si on l'a nourry comme beste inutile

Argus  
 vieil  
 chien  
 d'Ulyc-  
 ses le  
 reco-  
 gnoist.

A quelque œuvre que soit impropre & malhabile,  
Comme on en voit aux cours des grands souuëtes fois  
Qui ne seruent de rien, que de plaisir aux Rois.

Ce chien là fut à vn, luy respondit Eumæe,  
Dont l'ame est maintenant de la mort consumée.

Que s'il auoit encor l'agilité du corps,  
La force & la beauté comme il auoit alors,  
Que le fort Vlysses le prudent Laërte  
Marcha sous les drapeaux du magnanime Atride,  
Tu t'esmerueillerois de sa legereté,

De sa force de corps (& plus de sa beauté.)  
Nulle beste aux forests ne fuyoit sa vitesse,  
N'eschappoit deuant luy, tant eust elle d'adresse.

Or il est mesprisé & son maistre bien loin  
S'en est allé mourir. Lon n'en a point de soin,  
Les femmes n'en font cas, & les valets n'ont cure  
De faire leur deuoir, si par cas d'aduanture  
Le maistre n'y est pas & ne commande plus.

„ Car le grand Iupiter qui habite là sus  
„ Oste à qui que ce soit la moitié du courage  
„ Quand il est abaissé soubz le ioug du seruage.

Vlysses  
entre où  
les pour  
suiuans  
man-  
geoient

Cé disant il entra dans la sale, où mangeoient  
Alors les poursuuans, & les biens rauageoient.  
Et Argus tomba mort deffous la Parque fiere  
Voyant son maistre au bout de la vingtaine entiere.

Le chié  
Argus  
meurt.

Mais le fils d'Vlysses le premier apperceut  
Entrer le pastre Eumæe, accort faire luy sceut  
Le signal du clin d'œil, & tout bas il l'appelle,  
Luy s'approche, leuant de terre vne escabelle.  
Alors le cuisinier sur la table depart

La viande aux pourſuiuans , puis il en porte à part  
 Où mangeoit Telemaque: auprès de luy prend place  
 Eumæe, & le herault tranche vne piece graſſe  
 Et la met, & le pain deuant luy proprement.  
 Mais Vlyſſes s'en vint apres luy bellement  
 Contrefaiſant le gueux, & caſſé de vieillesſe,  
 Courbé ſur vn baſton, & ſes haillons de piece  
 Sales ſ'enueloppoient. Il ſ'aſſit tout auprès  
 De l'allée de freſne & du ſeuil de cypres  
 Au dedans de la porte, où le menuiſier ſage  
 Le dreſſant à la regle, auoit poly l'ouvrage.

Vlyſſes  
 contre-  
 faiſt le  
 gueux.

Alors Telemachus au paſtre dit ainſi.  
 Empoigne à pleines mains de ces viures icy  
 Et de ce pain mollet quantité ſuffiſante  
 Et le porte à noſtre hoſte, & puis qu'il ſe preſente  
 De rang aux pourſuiuans, (implore leur ſecours,)  
 „ Leur demande du pain. La honte nuit touſiours  
 „ A tout hōme indigent. Eumæe luy obtempere  
 Et luy va dire ainſi. Telemach' (ô mon pere)  
 M'a dit de t'apporter tous ces preſens icy  
 Qu'il te donne & t'enuoye, il te commande auſſi  
 Que tu ailles de rang à chacun de la bande  
 De tous ces meſſieurs là, & que tu leur demande.  
 „ A tout homme indigent la honte touſiours nuit.  
 Et le ſage Vlyſſes ainſi luy reſpondit,

Telema-  
 chus luy  
 enuoye  
 des vi-  
 ures.

Le bon Roy Iupiter veuille rendre proſperes  
 Au gentil Telemach' à iamais ſes affaires,  
 Soit-il touſiours heureux, & luy vienne à plaiſir  
 Tout ce qu'aura penſé ſon cœur & ſon deſir.  
 Ce diſant il prend tout, & d'une main & d'autre

Vlyſſes  
 le re-  
 mercie.

Le met en son bissac, & par terre se veautre.

Quand le chantre diuin à chanter commença

Il se mit à manger, & son repas cessa

Quand le chantre finit & démonta sa lire.

Les poursuiuans soudain commencerent à bruire

Faisans par la maison les continus excez,

Pallas Quand Pallas mit au cœur du prudent Vlysses

conseil- De s'adresser à eux & leur faire demande

le à Vlyf ses de s'a D'une piece d'argent, ( ou de quelque viande, )

dresser Pour voir lesquels auroient le plus d'honnesteré

aux Qui plus seroient touchez de bien & d'équité,

poursui- uans, & Bien que nul d'eux pourtant ne deust de l'iniustice

leur de- Qu'ils faisoient, euit la peine & le suplice.

mander l'aumos- Doncques il s'aduançoit & leur tendoit la main

ne. De propos suppliant pitoyable & humain:

Vlysses ( Garry de sa besace orde, sale, & immunde )

demâde Comme s'il eust esté le plus grand gueux du monde,

l'aumos- Et toute sa vie eust ce mestier pratiqué,

ne aux Son misérable estat leur cœur a prouqué

poursui- uans. A la compassion, si bien qu'ils luy donnerent,

Ilsluy Tindrent props de luy, & fort s'esmerueillerent

donnât Quel homme il pouuoit estre & d'où c'est qu'il sortoit:

Lors que Melantheus qui les cheures traictoit,

Oyez, dit-il, amans qui recherchez la Reyne

Touchant cest estranger, & que ie vous apprenne

Ce que i'en puis sçauoir, l'ayant veu seulement

Depuis bien peu en ça. Eumæ certainement

L'a ceans amené, mais ie n'ay cognoissance

Plus que vous en auez du lieu de sa naissance:

Antinoüs l'oyant tres-asprement reprit.

Le porcher Eumæus, & à dire se prit,  
 Dy malheureux porcher, qui te ment, qui t'incite  
 D'amener deuers nous ceste eniance maudite?  
 Par les rues d'icy ne voit-on pas assez  
 Fourmiller de ces gueux deschirez, despeces,  
 Coureurs, écornifleurs, mangeurs insatiables,  
 Qui ne seruent de rien que d'affamer les tables?  
 Ne te suffit-il pas que tant de gens, & moy  
 Ne bougions de ceans, mangeons les biens du Roy,  
 Que pour surcroist encor ce gueux tu nous amenes;  
 Auquel dit Eumæus en paroles soudaines.

Eumæus  
à Anti-  
noïs.

Certes Antinoïs, bien que tu sois prudent,  
 Tu n'es pas toutesfois en prudent respondant,  
 Car qui est amené d'une terre estrangere  
 Pour venir habiter autre part, & s'ingere  
 D'en introduire un'autre hors-mis de ceux qui sont  
 Pour servir de leur art en tous lieux où ils vont,  
 Poëtes, Medecins de griefues maladies,  
 Musiciens, de qui les douces melodies  
 Egayent un chacun au sucre de leur voix,  
 Charpentiers, & tous ceux qui travaillent en bois?  
 Car les professions de ces gens là excellent  
 Sur la terre infinie, & les autres precellent.  
 Mais tu es de tousiours de difficile accex,  
 Etrude aux seruiteurs du diuin Vlysses  
 Plus que nul de ceux cy, & ta mordante enuie  
 En veut sur tout à moy: mais ie ne m'en soucie  
 Tant que Penelopé ceans residera,  
 Et que Telemachus reconnu y sera.

Auquel Telemachus, dont la sagesse insigne



Telemachus  
Antinoüs  
d'estre  
querel-  
leux

De celle d'*Vlysses* ne se rendoit indigne:

Tai-toy, que plus avant ie ne t'entende pas

Encontre cestui-cy contester en débats,

Car c'est d'*Antinoüs* la coustume mauuaise

En quelque lieu qu'il soit, d'engèdrer trouble & noise.

Puis se tournant luy dit: Certes on t'apperçoit

Faire bien le deuoir de pere en mon endroit,

Et comme enuers ton fils un grãd soin te pourchasse,

Do commander ainsi qu'un estranger on chasse:

Dieu ne le vueille pas. Mais plustost donne luy,

Ie le veux, tant s'en fait que t'en reçoie ennuy:

Luy com-  
mande  
de don-  
ner à  
*Vlysses*.

Ce n'est pas chose encor pour laquelle tu doine

Auoir pour de ma mere, ou bien que t'apperçoie

Quelqu'un des seruiteurs, ou d'autres, dont l'accez

Est dedans la maison du diuin *Vlysses*.

Mais ce que ie te dy n'a garde d'te plaire,

Car tu aimes bien mieux manger tout, que d'en faire

Part à qui que ce soit. A ces mots respondit

Encor *Antinoüs*: *Telemach*, qu'as tu dit

De langage hautain & de cœur indomptable?

Si un chacun de ceux qui sont icy à table

Luy en donnoit autant, de trois mois tous entiers

Desir ne le prendroit d'entrer en ces quartiers.

Il acheuoit de dire, & de mine cruelle

Il prit, en luy monstrant, vne belle escabelle

Qui supportoit ses pieds au prix qu'il les baissait.

Or chacun luy donnoit, & son sac remplissoit

De viures & de pain: & c'estoit la finesse

D'*Vlysses* d'observer les poursuinans de Grece,

Faisant le mendiant. Doncques il s'en alla

Vlyſſes  
deinan-  
de l'au-  
moſne à  
Antino<sup>9</sup>

Il luy-  
con-  
trouue  
des  
bourdes

Deuers Antinoüs, & ainſi luy parla:  
 Donne moy, ie te pry, tu ne ſembles point eſtre  
 Le pire des Gregeois, mais le Prince & le maiſtre,  
 Tu reſſembles un Roy, qui te doit inciter  
 A eſtre liberal, te plaire & delecter  
 Plus que nul, d'élargir les reſtes de la table,  
 Et ie te publiſſeray par la terre habitable.  
 J'ay auſſi quelquefois (& ſans comparaiſon)  
 Eſté bien à mon aiſe en ma douce maiſon:  
 J'ay donné volontiers, & i'ay ouuert ma dextre  
 A tout pauvre paſſant, tant chetif peut-il eſtre.  
 J'ay eu des ſeruiteurs, & ce qu'il faut auoir  
 Pour viure doucement, & riche homme ſe voir,  
 Mais le Saturnien deſſouz qui le Ciel tonne  
 A réduit tout à rien. C'eſt ſa volonté bonne,  
 De voleurs, de larrons il me fit accoſter  
 Pour aller en Egypte, & m'y precipiter.  
 Arriué en Egypte, & entré dans le fleue  
 Qui de ſes graſſes eaux les campagnes abreue,  
 Ie my ma flotte à l'ancre, & tant qu'il fut en moy  
 Priay mes compagnons de reſter à recoy  
 Sans bouger des vaiſſeaux, ſeulement i'en appelle  
 En terre quelques uns pour eſtre en ſentinelle  
 Et pour faire le guet, mais eux intemperans,  
 Et ſelon leur plaifir deçà delà courans,  
 Ne ſe peurent tenir de faire des rauages  
 De piller, fourrager bourgades & villages,  
 Traîner femmes, enfans, voire cruellement  
 Tuer les hommes faiçts. Le bruit ſoudainement  
 En court à la cité, & ſi toſt qu'apparurent

Les rayons du Soleil, à la foule coururent  
 Les habitans armez, les champs furent couuers  
 D'armes & de cheuaux, & de brillans éclairs.  
 Et du grand Iupiter la colere dépite  
 Mit malheureusement mes compagnons en fuite,  
 Personne ne soustint, nous estions tous espars,  
 Affaillis & battus du mal de toutes parts.  
 Alors à leur plaisir sur nous ils se ietterent,  
 De la pluspart des miens la terre ensanglanterent,  
 Les autres furent pris & emmenez tous vifs  
 Afin de leur seruir d'esclaves & captifs.  
 Pour moy ie fu donné au fils d'un Iasie  
 Qu'on appellot Dmetor, qui me sauua la vie  
 S'estant là rencontré comme ils iettoient au lot  
 Ceux qu'on auoit saueuz. Il estoit Cypriot,  
 En Cypre commandant. Ainsi à la renuerse  
 En cel lieu m'a ietté la fortune peruerse.

Antino<sup>s</sup>  
 se cour-  
 rouce à  
 Vlysses.

Auquel Antinoüs derechef dit ainsi:  
 Mais de quel Dieu nous vient ce trouble-feste icy,  
 Et ce porte-malheur? Demeuré, (homme batable,)

Et ne t'approche point si pres de ceste table,  
 Que tu ne trouue icy Egypte à ton malheur,  
 Et Cypre encor' un coup: Impudent, affronteur,  
 Et quaymant que tu es. Va t'en & te presente  
 Aux autres, qu'un chacun te donne & te contente.  
 „ Mais c'est du bien perdu, & ton nomme tres-mal  
 „ Aumosnier celuy là qui fait le liberal  
 „ De ce qui n'est à luy, & qu'on n'empesche en sōme:  
 Car force portions remplissent bien un homme.

Vlysses  
 luy re-  
 spond.

Si luy dit Vlysses: Amy, certainement

Tu monstres que tu n'as sens ny entendement,  
 Non mesme en apparence. Estant en ton domaine  
 Si quelqu'un t'en venoit demander, à grand peine  
 Luy donnois-tu du sel, que tu ne peux souffrir  
 Mangeant le bien d'autrui, que l'on me vienne offrir  
 Quelque chose à manger de la surabondance.

Antinoüs alors plus aigrement s'offence,  
 De trauers le regarde, & puis luy dit ainsi:  
 Ce n'est pas commencer à desloger d'icy  
 Que de m'iniurier. Comme il disoit, il guette  
 Vn tabouret à bas, il le prend & luy iette,  
 Et sur l'espaule droite il l'atteint iustement  
 Tout au plus haut du dos. Le coup aucunement  
 N'ébranla Vlysses, (mais ainsi qu'une roche  
 Immobile il restoit,) tant seulement il hoche  
 Secrettement la teste, en soy le menaçant  
 D'en auoir la raison. Et puis recommençant  
 Son train, il se rassied, son sac & sa pitance  
 Pose sur les carreaux, puis dit à l'assistance:

Amoureux de la Reyne excellente en honneur,  
 Ecoutez ie vous pry' ce que j'ay dans le cœur,  
 Ce ne peut estre à l'homme & regret & tristesse,  
 Ny douleur en son cœur, lors que quelqu'un le blesse  
 Combattant pour son bien, ses brebis & ses bœufs:  
 Mais ce qu'Antinoüs m'a par trop outrageux  
 Frappé, n'a pas long temps, c'est à cause du ventre  
 Méchant, pernicious, & le tour & le centre  
 Des maux qu'ont les humains. Mais s'il y a des Dieux  
 Encor en quelque part, vengeurs des souffreteux,  
 Que la fiere Erynnis & la mort inhumaine

Antinoüs  
 iette vn  
 tabou-  
 ret à  
 Vlysses  
 & le fra-  
 pe.

Vlysses  
 aux  
 poursui-  
 uans.

*Auans que faire nopce Antinoüs emmeine,*

*Et le fils d'Epeithee encores luy parla.*

*Nostre hôte, parle bas, assieds toy, mange là,*

*Ou te retire ailleurs, que nos gens ne te tirent*

*Par les mains, par les pieds, & la peau te déchirent*

*Te trainans par la place: & apres qu'il eut dit,*

*Vn chacun d'eux conceut vn merueilleux dépit*

*De ce qu'il auoit faict, & l'un prit la parole.*

*Ce que tu viens de faire est chose indigne & folle,*

*Antinoüs, d'auoir outragé ce passant,*

*Si quelque Dieu habite au Ciel resplendissant,*

*Cet acte est malheureux: & les Dieux venerables*

*Se font souuentefois aux estrangers semblables,*

*Conuersent parmi nous, marchent par les citez*

*Spectateurs des biens-faicts & des méchancetez.*

Telemachus

fort of-

fence

de ce

que son

pere a

esté ou-

tragé.

*Il l'entendit parler, & n'en fit pas grand conte:*

*Mais à Telemachus le dépit au cœur monte*

*De le voir outragé, s'abstenant prudemment*

*D'en iettier aucun pleur, trop bien secrettement*

*La teste il en branla, songeant à la vengeance.*

*Mais quand Penelopé eut ouy quelle offence*

*On auoit faict li bas à vn pauvre estranger,*

*A ses femmes ainsi son cœur vint décharger.*

*Que Phœbus puisse ainsi frapper ce méchant hôte,*

*Phœbus l'insigne archer. A laquelle Eurynome:*

Penelope

en

scait les

nouvel-

les.

*Si selon nos souhaits toute chose tiroit*

*Le beau iour de demain pas vn d'eux ne verroit.*

*A qui la chaste femme au patient Ulysse.*

*Tous sont en general mes ennemis, nourrice,*

*Tous me font de l'ennuy, mais principalement*

Ce fier d'Antinoüs, qui m'est entierement  
 Comme la noire mort. Vn pauvre homme mendie  
 Là bas par la maison, leur demande sa vie,  
 Contraint par la misere & la necessité,  
 Chacun luy a donné de bonne volonté:  
 Et ce fier, outragieux plein de rage cruelle  
 Luy a contre le dos ietté vne escabelle.

A ses femmes, ces mots sur son lit elle tint  
 Et le fort Vlysses sa refection print.  
 Puis faisant appeller le porcher de la salle,  
 Va ie te prie Eumæ, luy dit elle, denaïte,  
 Et fay venir vers moy ce pauvre plein d'ennuy,  
 Afin que ie le voye, & m'enquiere deluy  
 Si en quelque cartier de la terre habitable  
 Il auroit point ouy parler du miserable  
 Vlysses, ou plustost l'auroit veu de ses yeux,  
 Car il peut bien auoir couru beaucoup de lieux.  
 Et le Pastre en ces mots respondit à la Reyne:  
 Sage Penelopé, à la volonté mienne  
 Que se teussent les Grecs lors que cethomme dit  
 Car il te rauiroit de ioye tout l'esprit.

Ie l'ay logé trois nuits dedans la mestairie,  
 Et trois iours tous entiers (sauué de la furie  
 De ceux qui dans leur nef le vouloient égorger,  
 Chez moy tout le premier il s'est venu ranger:)  
 Mais ce temps ne luy peut à grand peine suffire  
 A faire fin finale à ce qu'il vouloit dire  
 De ses calamitez, Comme quand on entend  
 Vn bon musicien ses poëmes chantant  
 Que luy ont departis les Dieux à quinous sommes.

Penelope  
 fait  
 appeller  
 Vlysses  
 vers elle

Eumæ  
 louë  
 Vlysses  
 à Penelope

Afin de le porter & faire entendre aux hommes,  
 On ne se peut lasser tant il dit doucement  
 De l'escouter tousiours: ainsi pareillement  
 Il meraiisoit tout me contant sa misere.  
 Or il se disoit estre à cause de son pere,  
 Grand amy d'Ulysses, Crete est sa nation  
 Où Minos eut jadis sa domination,  
 Apres auoir couru par regions diuerfes  
 Il s'est conduit icy souffrant mille trauerses.  
 Il dit auoir ouy nouuelles cy deuant  
 Chez les Thesprotiens qu'Ulysses est viuant,  
 Et qu'il doit bien tost estre au lieu de sa naissance  
 Chargé de grands thresors & de grande cheuance.

Penelope en-  
 uoye Eumeus  
 l'appeller.

Deteste  
 le train  
 des  
 poursui-  
 uans.

Regret-  
 te Ulysses.

A qui la chaste femme au Dulichien Roy.  
 Va, fay le moy venir afin qu'il parle à moy.  
 Eux, qu'ils passent le temps s'ils veulent à la porte,  
 Ou dedans la maison aysez en toute sorte,  
 Leur bien, leur reuenu est fort bien conserué  
 Chez eux en leur maison, leur bled est reserué,  
 Leur vin semblablement, & leurs gens seuls en viuent:  
 Et eux, tant que les iours & les nuits s'entresuiuent  
 Ne bougent de ceans, tuent iournellement  
 Bœufs, cheures, & brebis, mangent incessamment,  
 Et boiuent tous nos vins, & sans qu'on les reprenne  
 Frippent le reuenu de tout nostre domaine.  
 Car ie n'ay homme aucun qui de nostre maison  
 Bannisse ceste peste & ceste trahison  
 Tel que fut Ulysses. Que s'il venoit asteure,  
 Qu'on le vist arriuer en sa douce demeure,  
 Il seroit suffisant, & son fils seulement

De tirer de ces gens le digne chastiment.

Telemachus  
eternuë

Comme elle luy parloit Telemachus esternuë  
Si haut que la maison & toute l'estendüe  
En retentit tresfort. Penelopé en rit,  
Et ces mots à Eumæe aussi tost elle dit.

Penelope  
en prend  
bon augure.

Va tost, fay moy venir en presence cet homme,  
Vois tu pas que mon fils, ainsi que ie le nomme,  
Esternuë aussi tost ? Tien donc pour tout certain  
Que tous ces poursuivans sont pres de leur destin,  
Sont proches de leur mort : Certe elle les talonne,  
Et sera mal aisé qu'il s'en saue personne.  
Voicy un autre faict dont ie t'assure aussi,  
Si ie sçay pour certain que ce passant icy  
Die la verité, il aura pour estreine  
Chemises, & habits de bonne & fine laine.

Eumæe  
appelle  
Vlysses  
de la  
part de  
Penelope.

Comme elle eut dit, Eumæe accourut viftement  
Le trouver, & luy dit ainsi sommairement :  
Penelopé la Royne, & la tant sage mere  
Du bon Telemachus, m'enuoye à toy, mon pere,  
Car elle te veut voir, touchee dans son cœur  
De s'enquerir de toy (bien qu'en grande douleur)  
Touchant son Vlysses : si elle ne te trouue  
Menteur, ains tes propos veritables esprouue,  
Elle t'habillera d'un bon accoustrement,  
Dont tu as grand besoing, & pourras librement  
Aller parmy le peuple, y demander ta vie,  
Et te pourra donner qui en aura enuie.

Lors le sage Vlysses qui tant a supporté  
D'ennuis & de travaux : l'en sçay la verité,  
Ie n'en celeray rien à la fille d'Icare



Vlyſſes  
luy re-  
ſpond.

La ſage Penelope, & ſans que ie m'eſgare  
Luy diray tout le faiët: ie ſçay tous ſes erreurs  
Car nous auons couru de ſemblables malheurs.  
Mais ie redoute & crain l'iniurieuſe bande  
Des mutins pourſuiuans, dont la ſuperbe grande  
A monté iuſqu'au Ciel. Car cet homme enragé,  
Comme tu l'as peu voir, m'a ceans outragé,  
Sans auoir eu de moy iniure ny offence,  
Sans que Telemachus luy ayt faiët reſiſtence  
Ny perſonne pour moy. Va t'en donc de ma part  
Dire à Penelopé que i'iray ſur le tart,  
Mais que le Soleil tombe, & qu'elle patiente:  
Bien qu'elle ſoit preſſée, & l'en faſche l'attente;  
Alors elle pourra contenter ſon deſir,  
Du retour d'Vlyſſes m'enquerir à loisir  
Nous chauffans pres du feu: Car certes ie friſſonne  
Et ma robe n'eſt pas, comme tu ſçais, trop bonne  
Tu le ſçais, i'ay cheẏx toy quelque temps ſejourné.

Eumæe l'ayant ouy s'en eſt toſt retourné  
Et la Reyne luy dit (pleine d'impatience)  
Tu ne l'amenes point Eumæe, qu'eſt-ce qu'il penſe?  
Craint-il quelque danger, ou bien s'il eſt honteux?  
„ La honte ne vaut rien au paſſant ſouffreteux.

Eumæe  
rappor-  
telare-  
ſponce  
d'Vlyſ-  
ſes à Pe-  
nelope.

Il reſpond ſagement, luy dit le Paſtre Eumæe  
Comme feroit tout autre, il craint l'ire animée  
De ces ſuperbes gens, & te prie inſtaamment  
D'attendre que le ſoir approche ſeulement:  
Ce temps là vous ſera plus à propoſ, & l'heure  
Sera pour tous les deux plus commode & meilleure.  
Cet homme n'eſt point ſot, mais ſage & attrempé,

Et parle comme il faut (luy dit Penelope)  
Celuy que le mesdire & le blasmer emporte,  
N'a pas accoustumé de parler de la sorte.

Elle disoit ainsi, & le porcher descend  
En bas, où les amans estoient, & s'adressant  
Au preux Telemachus, d'une ardeur n'ompareille,  
De peur qu'on ne l'entende, il luy dit à l'oreille:  
Je m'en retourne aux champs, pour conserver le tien  
Aussi soigneusement que ie ferois le mien:  
Toy pren bien garde icy, & sur tout ie te prie  
De n'estre nonchalant de pourvoir à ta vie,  
Qu'il ne t'aduienne mal, car ils ont proietté  
De faire contre toy quelque mechanceté.

Que Iupiter plustost les perde & les destruisse,  
Qu'en rien d'oresnauant leur malice nous nuise,

Auquel Telemachus. Il en sera ainsi,  
Mais va t'en boire encor, puis oste toy d'icy,  
Et t'en reuien demain, & d'amener n'oublie  
Quelque chose de beau dequoy ie sacrifie.

Je prendray garde à tout, & les Dieux immortels  
En auront soin aussi. Il tenoit propos tels  
Et luy saisit un siege & s'alla metre à table,  
S'emplissant de bon pain & de vin delectable,  
Puis alla voir ses porcs, laissant plaine maison  
De mangeurs, de beueurs, (& de gens sans raison,)  
Qui chantoient, qui dansoient en toute esjouissance,  
Et la moitié du iour s'achemine & s'aduançe.

Fin du dixseptiesme liure.



LE  
DIXHVITIESME  
LIVRE DE L'ODYSSEE  
D'HOMERE.

ARGUMENT.

**L**E combat d'Ulysses & du gueux Irus. Penelope se montre aux poursuivans, tantse Telemachus de ce qu'on auoit outragé leur hoste. Les poursuivans luy font des presens, qu'elle reçoit. Les paroles qui se tindrent entre Ulysses & Erymachus, l'un des principaux poursuivans.

AUTRE SOMMAIRE.

*Ulysses est vainqueur, Irus est malheureux:  
Penelope reçoit les dons des amoureux.*

Irus.



*R suruint de la ville un vulgaire quaysmand, (mand,  
Mendiant ordinaire, & celebre gour-  
Beuant, mangeant sans fin, mais sans force & puis-  
Et toutes fois estant de grande corporance. (sance,*

Arnee fut son nom, dès ses plus ieunes ans  
 Par sa mere nommé, mais les petits enfans  
 L'appellerent Irus, pour ce qu'il scauoit faire  
 Les messages soudain qu'on en auoit affaire:  
 Lequel voyant Vlysse, il le chassoit aussi  
 De sa propre maison, & luy disoit ainsi.

Irus  
 veut  
 chasser  
 Vlysses  
 de chez  
 luy.

Retire toy d'icy vieillard, & ne t'arreste,  
 Vois tu comme vn chacun me hoche de la teste?  
 Ils me commandent tous de te trainer dehors:  
 I'en ay honte pourtant, mais leue toy, & sors  
 Que ne venions aux mains, & que n'ayôs querelle.  
 Vlysse luy usa de remonstrance telle  
 Le guettant de trauers. Malheureux que tu es  
 Que te dis-je? quel malest-ce que ie te fais?  
 Ie ne t'ennuye point, pour ce que tu demande,  
 Et qu'on te donne fort, la place est assez grande  
 Pour nous tenir tous deux, il n'y a pas dequoy  
 Me deuoir enuier estant gueux comme moy,  
 „ L'abondance prouient des Dieux & de leur grace.  
 Quant à venir aux mains n'use point de menaces,  
 Et ne m'échauffe pas, que tout vieux & tremblant  
 Que ie suis, de ces poings ie ne rende sanglant  
 Ton poitral & ton groin, te faisant vne charge.  
 Et puis ie n'ay pas peur que ie ne sois au large  
 Tout le reste du iour, & plus encor demain,  
 Car ie ne pense pas qu'eschappé de ma main  
 Tu puisses iamaïs plus auoir tant de courage  
 Que de t'entrer ceans chez Vlysses le sage.

Vlysses à  
 Irus.

Irus  
 menasse  
 Vlysses.

Mais le coquin d'Irus ainsi luy respondit,  
 Qu'est-ce qu'en tournoyant ce glorieux a dit?

Ceste vieille enfumée ? Hé, que si ie l'empoigne  
 Comme ie luy donray brauement sur sa grogne.  
 Et à grands touts de poing luy feray choir les dents  
 Des machoires à terre, ainsi qu'à parcs grondans.  
 Ca, vien, appreste toy, qu'à l'esprouue on cognoisse  
 Qui combattra le mieux, & ton orgueil paroisse  
 D'en attaquer un reune estant vieux & cassé.

Ainsi disoient-ils d'esprit fort courroucé  
 Sur le paue luisant, droit deuant la grand porte.

Antino<sup>us</sup>  
 pour sui-  
 uans sur  
 le debat  
 d'Irus &  
 d'Ulys-  
 ses.

Antinoüs les oyt, puis dit en ceste sorte  
 A tous ses compagnons souffriant doucement.  
 Vous n'eustes iamais plus vn tel contentement,  
 Ny vn si grand plaisir que Dieu nous en presente  
 Tout maintenât ceans, (& sans qu'on s'en tourmète.)  
 Voila l'hoste & Irus qui ont bien grand desir  
 De se frotter l'un l'autre, ayons en le plaisir.

Ils en  
 veulent  
 auoir  
 leur  
 plaisir, &  
 les faire  
 entre-  
 battre.

Les autres en riant tout soudain se leuerent,  
 Autour des pauures gueux hailloneux s'assemblerent.  
 Auxquels Antinoüs. Amis voyons vn peu,  
 Les tripailles de Cheure estans dessus le feu,  
 Mettons les pour le prix de la force & l'adresse  
 De celuy qui vaincra, pleines de sang & gresse,  
 Et qui fera des deux le plus fort pour frapper.  
 Les aille hardiment prendre pour son soupper.  
 Dauantage, s'il veut de formais qu'il se mette

Vlysses  
 aux  
 pour sui-  
 uans sur  
 le com-  
 bat d'a-  
 uec Irus

A table parmy nous, & que l'on ne permette  
 Qu'autre pauure que luy reuienne plus icy  
 Pour demander son pain. Antinoüs ainsi,  
 Et nul à ses propos ne voulut contredire.

Mais le fin Vlysses se prit lors à leur dire,  
 Messieurs, certainement il n'y a nul propos

D'attaquer au combat vn ieune homme, & dispos  
 Contre vn vieux & cassé, mais ce malheureux vëtro  
 Ce mauuais conseiller me force que i'y entro,  
 Et sois brisé de coups. Mais tout premierement  
 Iurez moy tous icy vostre plus grand serment,  
 Qu'on ne me fera point d'olne supercherie  
 En la faueur d'Irus, à aucune tromperie  
 Me donnant quelque coup: (mais que de loyauté  
 Le combat se fera suivant sa volonté.)

Ils firent le serment. Telemachus à l'heure,  
 Estranger, luy dit-il, si de tant tu t'assure  
 Es forces de ton cœur, d'emporter brauement  
 Le dessus du combat, ne tremble nullement,  
 Ne crain qui que ce soit: car qui te voudra faire  
 Déplaisir, il aura contre plusieurs affaire:

Tousiours hospitalier sera Telemachus,  
 Que donc Antinoüs avec Eurymachus,  
 Tous deux Princes puissans, tous deux pleins de sa-  
 Viennent fortifier mon dire & ma promesse. (gesse

Il dit, & chacun d'eux le promit & iura.  
 Adoncques Vlysses sa chemise tira,  
 Brida de ses haillons ses parties honteuses,  
 Sescuisses fit paroistre & fortes & nerueuses,  
 Ses espaules monstra larges extremement,  
 Sapoittrine & ses bras puissans infiniment:  
 Pallas aupres de luy assistant en personne,  
 Accroissement & force à tous ses membres donne.  
 Chacun des poursuuans grandement l'admiroit,  
 Et l'un d'eux à vn autre aupres de luy disoit:

Certainement Irus recevra malencontre,

Telema-  
 chus as-  
 seure  
 Vlysses.

Vlysses  
 sequip-  
 pe pour  
 combat-  
 tre Irus.

Irus a  
peur.

*Voy vn peu ce vieillard, & quel iarret il monstre.  
Ils deuisoient ainsi, mais Irus estonné,  
Trembloit de mal le peur. Si fut-il amené  
Lié par les valets, de force & de contrainte,  
De membres tressaillant & fremissant de crainte.*

Mena-  
ces  
d'Anti-  
noüs à  
Irus.

*Auquel Antinoüs. Ton profit eust esté  
De n'estre iamais nay, ou no t'estre vanté  
De craindre tant vn homme agraué de vieillesse,  
Attenué de mal qu'il pour suit sans cesse.  
Mais ie te dy vn mot, & tien-le pour tout faict  
Si ton homme est plus fort, s'il te vaine & desfaict,  
Je t'enuoyray sur mer lié dans vn nauire,  
Au tyran Echelus, de tous hommes le pire,  
Qui oreilles, nareaux, tesmoins te couppera  
Et le tout à manger à ses chiens iettera.*

Combat  
d'Vlyf-  
ses &  
d'Irus.

*A ces mots, les frayeurs plus fortes le saisirent,  
Eux le tirerent lors & en place le mirent.  
Chacun des combatans adonc les mains haussa,  
Et le fort Vlysses en soy-mesme pensa  
S'il le deuoit frapper du premier coup, de sorte  
Que l'ame s'enuolast de sa charongne morte:  
Ou bien s'il le deuoit assener bellement,  
Et le renuer seroit par terre seulement.  
Et ce dernier aduis luy plut mieux en son ame,  
De peur des poursuuans, & d'en encourir blasme.*

Vlysses  
blesse  
Irus.

*Or comme ils furent pres. Le coquin l'assenna  
Dessus l'espaule droite, & l'autre luy donna  
Sur le chainon du col, au dessous de l'oreille,  
Et le sang rendit tost sa machoire vermeille.  
Il chet en la poustiere, & braillant & hurlant*

Crache les dents dehors, & des pieds va branlant.  
 Et lors les pourſuiuans ſe mouroient tous de rire,  
 Leuans les mains en hault, & Vlyſſes le tire,  
 Le traine par le pied, tant qu'il fuſt arriué  
 Sur le ſeuil de la porte, & que ſur le paue  
 L'eufſt laiſſé renuerſé. Adonques il luy iette  
 Vn baſton en la main, & ainſi l'admonneſte.

Le tire  
 par les  
 pieds  
 dehors.

Tien-te là, & les chiens & les porcs va chaffant,  
 Et ne meſpriſe plus le pauvre & le paſſant.  
 Veux-tu ne vaux rien, que punition pire  
 Ne t'aduienne à la fin. Il achena de dire  
 Puis ietta ſur ſon dos ſon biſſac ſalle & gras,  
 Le tenant par la ſangle, & tira de capas  
 S'aſſeoir ſur les carreaux. Lors les autres entrèrent  
 Rians tant qu'ils pouuoient, & ainſi luy parlerent.

Iupiter, ô noſtre hoſte, & les immortels Dieux:  
 Te vueillent enuoyer ce que tu aymes mieux  
 Et deſires le plus, d'auoir & noſtre table  
 Et la ville, deſfaits de cet inſatiable,  
 Car deuers Echetus bien toſt nous l'enuoirons,  
 Le pire homme du monde, & nous en defferons,  
 Ils luy diſoient ainſi. Et la ioye ſe gliffe,  
 Pour cet honneur acquis, dedans l'ame d'Vlyſſe,

Alors Antinoüs luy preſente en ſon rang  
 Vn grand ventre remply & de graiſſe & de ſang.  
 Amphinomus apres tira de la corbeille  
 Deux pains, & luy donna, remplit de la bouteille  
 Vne grande coupe d'or, & l'honorant, luy dit:  
 Mon pere, mon amy, ſois ioyeux vn petit.  
 Puiſſes-tu recouurer ta fortune premiere:

Dons  
 des  
 pourſui  
 uans à  
 Vlyſſes.



*Car tu es maintenant battu de grand misere.*

*Vlysses à Amy, estre doué de prudence & bonté.*

*Tu es d'un pere aussi de bonne renommee,*

*La bonté de Nisus est beaucoup estimée*

*En l'Isle Dulichie, & il y est tenu*

*Pour homme de moyens. Tu es de luy venu*

*A ce que l'on m'a dit, & tu as l'apparence*

*De n'estre depourueu de sens & de prudence.*

*C'est pourquoy ie te veux plus volontairement*

*Attaquer de propos. Oymoy patiemment.*

*Propos d'Vlysses à Amphinome. De tout ce qui prend air sur la terre fertile,*

*Et qui rampe dessus, rien n'est tant imbecille*

*Que l'homme (audacieux) il ne scauroit tomber*

*En son entendement, qu'il puisse succomber*

*Jamais en nul malheur, tant que les Dieux assemblent*

*Sur luy leur grand pouuoir, & ses genoux ne tréblent.*

*Mais depuis que les Dieux luy donnēt du tourment,*

*Il porte tout cela fort impatiemment.*

*Toutes fois nous mortels à telle loy ne sommes*

*Que nous dōne le pere & des Dieux & des hommes.*

*J'ay esté me sembloit, plus heureux autressois*

*Que nul homme vivant. Sur cela ie faisois*

*Mille mechancetez, flaté par ma puissance,*

*Et ayant sur mon pere & mes freres fiance.*

*Mul doncques pour le bien n'aille trop fierement,*

*Et ce qui vient des Dieux soit pris moderement.*

*Ie voy ces poursuivans mener un train infame,*

*Manger le reuenu, solliciter la femme*

*D'un, que j'advertissois mes amis volontiers,*

N'estre plus gueres loing d'entrer en ces quartiers:

Il ne tardera pas. Le bon ange te vucille

Bien tost oster d'icy, & ie le te conseille,

Qu'il ne te trouue pas quand il arriuera.

Car cest affaire icy ne se desmeta

Entre ces gens & luy sans meurtre & sans carnage,

Dés qu'il mettra le pied dans son doux heritage.

Il goustale doux vin, & beut, quand il eut dit,

Et puis au conducteur des peuples, il rendit

La coupe dans la main. Qui l'oyant, se promene

Affligé, par la sale & la teste demene.

Car desja en son cœur il deuinoit son mal,

Mais il ne put fuir son desastre fatal.

Minerue l'empescha. Mais c'est afin qu'il tombe

Dessous Telemachus, & que mort il succombe

Sous sa lance & son bras. Apres il se remit

En sa premiere place, & son siege reprir.

Mais Minerue aux yeux pers mit dedans le courage

De la fille d'Icar. Penelope la sage

De voir les poursuuans pour leur ouvrir le cœur,

Et enuers son mary se mettre en plus d'honneur

Enuers son fils aussi. Se prenant donc à rire,

Fort contre sa coustume, elle commence à dire.

Eurynome, le cœur me dit d'aller la bas

Visiter ces messieurs, bien que ie n'aye pas

Coustume de le faire, & soit contre l'atiente.

Possible qu'ils en ont. Mais pour chose importante,

Dont ie veux aduertir mon fils dorenavant,

Qui est qu'il ne faut pas qu'il hante trop foument

Avec ces poursuuans, qui luy font bonne mine.

Il luy  
conseil-  
le de  
foster  
de là.

Amphi-  
nomus.  
en peine

Pallas  
met au  
cœur de  
Penelo-  
pé d'al-  
ler voir  
les pour  
suuans.

Par deuant, mais leur cœur machine sa ruïne.  
 Qu'il se garde donc d'eux, & pour les euter  
 Ne s'accoustume pas à les trop frequenter.

A qui Eurynomé fidelle despensiere.  
 C'est tres-bien dit à toy, ô ma fille tres-chere:  
 Va donc & aduerti ton fils de tout cecy,  
 Et ne luy cache rien. Mais laue toy aussi  
 Plustost que d'y aller, fay ta face luyzante  
 Et ne te monstre point ainsi triste & dolente,  
 „ Et les yeux pleins de pleurs. Rien ne ruïne tant  
 „ Que de pleurer tousiours, & s'aller tourmentant.  
 Et puis, voilà ton fils d'aage & de force telle  
 Que tu l'auois requis à la troupe immortelle.

A qui Penelope répondit en ce point.  
 Ma chere Eurynomé, non, ne me parle point  
 Ny de lauer mon corps, ny d'agencer ma face  
 Si triste que ie suis. Les Dieux, dessus l'espace  
 Del' Olympe habitans, m'offerent rigoureux  
 Mon lustre & ma splendeur, dès le iour malheureux  
 Qu'il s'en alla sur mer. Mais fay mayie se prie  
 Venir Antonoë avec Hippodamie  
 Pour venir avec moy. Je rougirois d'aller  
 Seule & sans compagnie à des hommes parler.

Elle disoit ainsi : la vieille en diligence  
 Pour les faire venir vers les filles s'aduança.  
 Mais de rechef Pallas un autre faict pensa:  
 Sur la fille d'Icare un doux sommeil poussa,  
 Qui la charme, l'endort, & au repos la plonge.  
 Alors elle s'encline & doucement allonge  
 Ses membres sur le liét. Puis Pallas luy souffla.

Pallas  
 enuoye  
 le som-  
 meil à  
 Penelo-  
 pé, &  
 pour-  
 quoy.

Pour la faire admirer aux Grecs qui estoient là  
 Ses dons ambrosiens : luy decora la face  
 D'immortelle beauté & d'attrayante grace.  
 Telle qu'une Vénus, quand elle veut aller,  
 Coronnee de fleurs, aux danses pour baller,  
 La fit plus que deuant & grande & grasse, voire  
 Plus blanche de beaucoup que ne seroit l'ivoire,  
 Puis elle se partit, & les filles apres  
 Arriuèrent vers elle, aux bras & blancs & frais,  
 Suiuans son mandement. Lors le sommeil la laisse,  
 Elle essuye ses yeux, & s'escrie en tristesse.  
 Certes le doux sommeil m'a surprise en mes pleurs,  
 Si mes vœux auoient lieu. Diane en mes douleurs  
 Dessus moy decochant vn des traits de sa trouffe  
 Me donneroit bien tost vne mort ainsi douce,  
 Pour ne plus m'affliger : mon esprit tourmentant  
 Sans cesse de douleurs, pleurant & regrettant  
 Mon espoux bien aymé, dont, par toute la Grece  
 Fait courir son renom, la vertu, la sagesse :

Penelope se  
 recueille, &  
 souhaite sa  
 mort.

Ce faiët, elle descend, non seule, mais auant  
 Ses filles apres elle, & d'elles s'appuyant.  
 Si tost qu'elle approcha la sale bien meublee  
 Où des amans estoit la superbe assemblee,  
 Sur le seuil de la porte elle arresta ses pieds,  
 Sur sa face iettant ses voiles deliez.  
 Or à chaque costé ses deux filles se mirent.  
 Mais lors des poursuuans les genoux tressaillirent,  
 Leur cœur saisi d'amour de liesse sautoit,  
 Et chacun de dormir pres d'elle souhaittoit.  
 Lors appellant son fils elle tint ce langage

Elle descend  
 en bas.

*Certes Telemachus, tu n'as plus de courage  
Ny de ressentiment. Quand tu n'estois qu'enfant*

Penelo- *Ton courage s'alloit d'avantage eschauffant.*  
pétanse  
Telema *Mais or que tu es grand, fort, & plein d'esperance,*  
chus d'a *Et qu'on te iugeroit à ta seule apparence*  
voir *Estre certainement fils d'un homme de bien,*  
souffert *Et si grand & si beau, tu ne vaux du tout rien,*  
qu'on *Tu ne te ressens point, tu pers tout le courage.*  
ayt of- *Quoy, quelle indignité, quel forfait, quel outrage*  
fencé *As tu souffert ceans, laissant impunement*  
son ho- *Frapper un estranger si miserablement?*  
ste. *Que dira-ton de toy? Si deormais on traitte*  
*Ainsi les estrangers qui viendront à retraicte*  
*De dans nostre maison, à toy seul en sera*  
*La honte, & le diffame, & l'on i'en blasmera.*

Telema *Adonc Telemachus. Je confesse ma mere,*  
chus *Qu'à iuste occasion vous estes en colere,*  
s'excuse *Mais ie regarde à tout. Et si ie scay fort bien*  
*Discerner comme il faut le mal d'avec le bien,*  
*Ne me ressentant plus de ma premiere enfance.*  
*Mais ie n'ay pas assez de force & de prudence*  
*Pour resister à tous: ie suis intimidé*  
*Par ces gens, ie ne suis secouru n'y aydé*  
*De personne du monde, ils trament, ils machinent,*  
*Ie voy comme en leur cœur desia ils m'exterminent.*  
*Mais pour te dire aussi de ce qu'ont faict ces deux*  
*S'estans entre-frottez, cela ne vient point d'eux,*  
*L'hoste a eu le dessus. Que nous fut si prospere*  
*Pallas, tel fust Phæbus & Iupiter le pere* (gens  
*Enuers nous, qu'aujourdhuy nous puissions voir ces*

*Aussi mal-accoustreZ, comme est l'autre ceans,  
Que les vns là dehors les iarrests estendissent  
Les autres cy dedans aux abbois se rendissent,  
Comme ce pauvre Irus, & teste & corps branlant  
Là dehors, un yuongne en tout point ressemblant,  
Ne se pouuant leuer ny faire sa retraicte,  
Moulu, brisé qu'il est & de corps & de teste.*

*Ainsi qu'ils deuisoient, leur propos fut couppé,  
Parce qu'Eurymachus dit à Penelopé.*

Euryma-  
chus à  
Penelo-  
pé.

*Sage Penelopé, belle fille d'Icare,  
Si tous les Grecs voyoient ceste beauté tant rare,  
D'Iasie & d'Argos, tous ceans demourroient,  
Bien plus de gens chez toy ta beauté requerroient,  
Car infailliblement ton bon esprit, ta grace,  
Ta taille & ta beauté, toutes femmes surpassse.*

Penelo-  
pé re-  
spond  
prudem-  
ment à  
Euryma-  
chus.

*Auquel Penelopé. Les Dieux en verité,  
Eurymach', ont perdu ma grace & ma beauté  
Dés le iour que les Grecs dessus la mer monterent,  
Et pour mon grand malheur mon Vlysse m'osterent.  
S'il estoit de retour en vie il me rendroit,  
Rameneroit mon lustre, & bien mieux m'en prédroit.  
Mais certes maintenant le chagrin me deuore.  
Vn mauuais Dieu le veut. Il me souvient encore  
Que quand il s'en alla la main droicte il me print  
Me retirant à part, & ces propos me tint.*

Les pro-  
pos qu'  
Vlysses  
tint à  
Penelo-  
pe par-  
tât pour  
aller à  
Troye.

*Femme, le cœur me dit que iuamais sans grād perte  
Les Grecs ne remiendront de ceste guerre ouuerte.  
Car on tient les Troyens pour belliqueuses gens,  
Bons tireurs, bons archers, legers & diligens,  
Bons dresseurs de cheuaux plus qu'autres de la terre,*

528 LE DIXHUITIÈSME LIVRE  
 Et qui iugent fort bien des progres de la guerre.  
 Par ainsi ie ne sçay si Dieu me rennoira,  
 Ou si ie seray pris. Mais vienne qui pourra:  
 Aye soin de mon pere, & traite bien ma mere  
 Comme tu fais asteure, & mieux si le peux faire  
 Estant si loing de toy: mais dès que tu verras  
 Nostre fils estre grand, lors tu le mariras  
 Selon ton bon plaisir, quittant au prealable  
 Ta maison à ton fils. Son propos fut semblable  
 Et tout en reuient là: mais le iour defaudra.  
 Si tost que ceste nopce odieuse aduiendra,  
 Nopce pernicieuse, ennemie, importune,  
 Iupiter m'arrachant mon bien & ma fortune.  
 Mais l'ennuy, le dépit me ronge & me deffait,  
 Et ie n'ay iamais veu pratiquer vn tel faict,  
 Que ces messieurs icy. Ils recherchent en somme  
 Vne femme de bien & fille d'un riche homme:  
 Sont toujours en debat & ne s'accordent pas,  
 ( Ce tempendant ils font icy maint bon repas:  
 Aux despens neantmoins de celle qu'ils courtisent, )  
 Tuent vaches, brebis & tout son bien destruisent.  
 Ceux qui veulent aymer donnent abondamment,  
 Festoyent leur amye, & violement  
 Ne consomment son bien possédez d'auarice.  
 Elle disoit ainsi: & le fameux Vlysse  
 En son ame ressent vn plaisir merueilleux  
 Que ne refusant pas de ces fols orgueilleux  
 Les dons, elle tenoit leur ame balancee,  
 Mais auoit toutesfoiz toute autre sa pen. ee.  
 A qui Antinoüs fils du riche Epith e.

Elle se  
 pleint  
 de l'in-  
 solence  
 des  
 poursui-  
 uans.

O filled' Icarus sage & de grand beauté,  
 Plaise toy accepter les dons en allegresse  
 Que te veulent donner tous ces Princes de Grece,  
 Car iamais il ne faut les presens refuser.  
 Puis qu'il est resolu (pour ne point t'abuser)  
 Que nous n'irons ailleurs vaquer à nostre affaire  
 Ny en lieu que ce soit que ne t'ayons veu faire  
 Choix de celuy de nous qui le plus te plaira,  
 Et que pour ton mary ton ame choisira.

Antinoüs  
 à Penelope,  
 sur la  
 resolution des  
 poursuivans,  
 qui luy  
 font des  
 presens.

Si dit Antinoüs, & eux tous l'approuverent:  
 Alors un chacun d'eux un heraut enuoyerent  
 Pour querir les presens. Aluy premierement  
 Vne robe on porta faicte mignonnement  
 De diuerses couleurs & de riche parure.  
 Douze grands boucles d'or agraffoient la iointure  
 De fort propre façon. On porta quant & quant  
 Au bel Eurymachus un tres-riche carquant  
 Garny de pierrierie en lueur éclatante  
 Ainsi que le Soleil: au fort Eurydamante  
 Porterent deux vallets deux precieux pendans  
 Pour porter à l'oreille, & qui aux regardans  
 Grande admiration pour leur prix pouuoient rendre.  
 Puis il prouint du fils de Polyctor, Pisandre  
 Vne tres-riche bague, excellent parement,  
 Et un chacun des Grecs portoient consequemment  
 Ce quil auoit de beau, dont il faisoit plus conte.  
 Ce faict Penelopé en sa chambre remonte  
 Et ses filles apres, qui les presents portoient.  
 Mais eux restez en bas & chantoient & sautoient  
 Espris de grand plaisir: insqu'au soir que l'estoile

Presens  
 d'Antinoüs.

Presens  
 d'Eurymachus.  
 Presens  
 d'Eurydamas.

Presens  
 de Py-  
 sander.

Penelope se re-  
 tire.



530 LE DIXHUITIÈME LIVRE  
De vesper se monstra: mais si tost que le voile  
Du soir fut estendu, on courut allumer  
Trois flambeaux en la sale, & les fit-on flammer  
Pour éclairer par tout: force allumettes seches  
On mit à l'environ brulantes comme meches,  
D'un bois aride, dur, & coupé de long temps.  
Les femmes de leans les lampes aprestans  
Eclairaient tour à tour, à qui le Prince sage  
Le prudent Vlysses vint tenir ce langage.

Vlysses  
aux ser-  
uantes.

Servantes d'Vlysses que l'on n'a veu ceans  
Tant de temps il y a, allez vous en leans  
Avec Penelopé la venerable Reyne,  
Filez vostre quenouille, ou retordez la laine,  
Assises aupres d'elle, & vous resjouissez  
Faisant vostre besongne, il y aura assez  
De moy pour éclairer: soit qu'ils ne sommeillassent  
Et iusqu'au point du iour toute la nuit veillassent  
Ils ne me vaincront point. Car ie suis endurcy  
A la peine & au mal. Il leur disoit ainsi:  
Mais elles se rioient, se regardans entre elles.

Insolen-  
ce des  
seruan-  
tes, &  
de Me-  
lantho  
entre  
autres.

Lors vne Melantho ayant les iouës belles,  
(Fille de Dolius fierement le brauoit.  
Penelopé la Reyne éluee l'auoit  
Comme sa propre fille, & souvent prenoit elle  
Plaisir & passetemps en ceste damoiselle.  
Mais elle n'auoit pas l'œil de larmes trempé,  
Ny le cœur affligé comme Penelopé.  
Eurymachus l'aymoit & l'auoit débauchee:  
Elle se montra donc estre mal embouchee,  
A son maistre disant, tu es en verité

Bien hors de ton bon sens, ô vieillard rassoté,  
 Que tu ne fais point cas d'aller prendre le somme  
 En quelque coin à part. Mais veux tu, ô pauvre  
 Babiller toute nuit, rompre la teste à tous (hôte,  
 Parlant confidemment, & sans craindre les coups?  
 Ou tu as sans faillir du vin dans la cervelle  
 Parlant si sottement: ou ton humeur est telle  
 Et ne te laisse point, malotru, penses tu  
 T'exalter pour avoir cest Irus combattu?  
 Garde qu'un autre Irus, plus fort que luy ne vienne  
 Qui te rompe la teste & dehors ne te traine  
 Tout gassouillé de sang & couché à l'enuers,

Vlysses luy iestant vn regard de travers.  
 Chienne i'aduertiray de ton fait Telemaque  
 Dés qu'il sera venu, en quels mots tu m'attaque,  
 Pour te faire couper les iambes & les bras.  
 Les autres eurent peur & parlerent plus bas  
 Tremblantes des genoux, elles se retirerent  
 Disans qu'il disoit vray, & dans la chäbre entrerent.

Mais il leur éclairoit à tous de bout en bout,  
 Toujours prez des flambeaux, & prenoit garde à tout  
 Les considerant tous. Il faignoit vne chose,  
 Mais en son cœur pourtant le contraire il propose,  
 Afin qu'il n'y retrouve à redire vn seul point.  
 Pour eux de son costé Pallas ne permet point  
 Qu'ils s'abstiennent du tout d'iniure & de conuice,  
 Pour plus encor contre eux faire irriter Vlysse.

Ainsi Eurymachus se moquant l'attaquoit  
 Et les autres à rire en ces mots prouuoit.

Oyez moy ie vous pry, vous qui seruez la Reyne

Vlysses  
à Me-  
lancho.

Il éclai-  
re aux  
poursui-  
uans, &  
prend  
garde à  
leurs  
actions.

Euryma-  
chus se  
moque  
de luy.

*Que i'ouure le propos où mon desir m'entrene.*

*Croyez que pour certain nostre hôte que voicy*

*Sans le vouloir des Dieux n'est point venu icy:*

*Car il me semble aduis que la lueur esclaire*

*Sur sa teste qu'il a si pelee & si claire,*

*Qu'elle est comme vn flambeau: & ces mots recitez,*

*Il dit à Vlysses le razeur de citez.*

*Amyme voudrois tu servir si ie t'enmeine.*

*Je te payeray bien, & n'en sois pas en peine,*

*Je t'enuoiray aux champs, où tu redresseras*

*Les bouchures de haye, & arbres planteras:*

*Tu y auras du pain prou pour ta nourriture,*

*Et t'y feray donner vestemens & chaussure,*

*Mais i'ay peur que tu sois par trop accoustumé*

*A faire le vau-rien (te voila bien nommé)*

*Et ne vueillez rien faire, ayment mieux par les rues*

*Trotter en mendiant, aux huis les mains tendues,*

*Pour entasser sans fin dans ton ventre gourmand.*

*A ces mots Vlysses respondit librement.*

*à, Eurymachus, ( qui me dis vn fayneant, vn lasche, )*

*Sinon auions tous deux entrepris vne tasche*

*Au printemps que les iours sont desia longs & chauds,*

*Et que i'eusse à mon gré en ma main vne faux*

*Et toy vne autre aussi, en vn pré où l'on treuve*

*De l'herbe en quantité, nous verrions à l'espreuue*

*Qui trauiilleroit mieux sans auoir desieuné*

*Depuis le fin matin in/qu'au iour terminé.*

*( Tu verrois de quel cœur au travail ie me rue. )*

*S'on me mettoit apres à tenir la charrue*

*Auecques de bon bœufs, puissans, bien ramassez,*

Bien pareils pour tirer, gras & point harassez:  
 On verroit quel rayon ie sçay faire dans terre.  
 Puis, si Dieu allumoit en quelque part la guerre  
 Et que l'on me donnast aujour d'huy on demain  
 Vn rondache en mon bras, deux iavelots en main,  
 Vn morion bien fort & bien fait en ma teste,  
 Tu verrois de quel bras vn iavelot ie jette,  
 Et comme ie me meste entre les combattans,  
 (Sans trembler pour les coups.) Il ne seroit plus t'èpe.  
 Lors de me reprocher mon ventre ny ma pance.  
 Mais tu me fais grand tort, tu es cruel, & pense  
 Estre quelque braue homme, à cause que tu es  
 Avec ce peu de gens insolent & mauuais.  
 Si Vlysses venoit & ie fist une charge,  
 Voy ceste porte là & bien grande & bien large,  
 Elle seroit alors trop estroite pour toy.

Eurymachus eut lors suffisamment de quoy  
 Prendre querelle à luy: de trauers le regarde,  
 Et luy dit. Malheureux, rien plus ne me retarde.  
 Que ie n'aye raison de ta presumption.  
 Tu veux faire du libre, & à ton option  
 Offencer vn chacun. (Es tu lassé de viure?)  
 As tu point de remors? as tu peur? es tu jure?  
 Es tu toujours ainsi? que dis tu? pense tu  
 T'exalter pour auoir cest Irus combattu?

Ce disant, il saisit vn tabouret, Vlysse  
 Court vers Amphinomus, sous ses genoux se glisse  
 De peur d'Eurymachus. Le coup prit vn garçon  
 De la sommellerie, & seruant d'eschançon,  
 Le frappa au bras droit. Il laissa choir le verre,

Euryma-  
 chus  
 querelle  
 Vlysses.

Luy iet-  
 te vn ta-  
 bouret.

Et le verre en tombant fit un son contre terre.  
 Luy tomba renuersé, pleurant & lamentant  
 Sur la poudre estendu. Les amans à l'instant  
 Furent fort mutinez, & la maison remplirent  
 De murmure & de bruit, & l'un l'autre se dirent:

Murmu-  
re des  
poursui-  
uans cõ-  
tre Vlyf-  
ses.

Que ce maudit vieillard fust mort bien loin d'icy  
 Sans nous voir, Car il est cause de tout cecy,  
 Et de tout ce desordre, il est bien necessaire  
 De parler tât d'un gueux, qu'en auõs nous que faire?  
 Quel plaisir à plus boire, & plus nous frequenter  
 Puis que les plus meschans le doiuent emporter?

Telema-  
ch<sup>e</sup> par-  
le hardi  
mēt aux  
poursui-  
uans.

Alors Telemachus leur dit plein de franchise:  
 Malheureux, forcenez, remplis de gourmandise  
 Qui n'auex pas l'esprit de couurir, de cacher  
 Le vin qu'auex trap pris, allez vous en coucher.  
 Quelque Dieu pour le vray vous agite & estonne.  
 Allez y si voulez ie ne force personne.

Loyans ainsi parler tout bas il vont grondant  
 Et se mordent la lèvre: estonnez ce pendant  
 De son parler si libre & de son franc courage,

Amphi-  
nomus  
leur par-  
le sage-  
ment.

A donc Amphinomus fils de Nisus, fort sage  
 Leur dit, ô mes amis, ne soyons nullement  
 Indignez contre luy, il parle iustement,  
 Et nul n'y scauroit mordre, & qui se dira nostra  
 Ne tasche d'outrager cest estrange, ny autre  
 Qui soit en la maison d'Vlysses le diuin.  
 Mais que le sommelier nous apporte du vin,  
 Pour rendre grace aux Dieux, & puis qu'on se retire  
 Chacun en son logis, ie vous veux encor dire,  
 Laissez à Telemach<sup>e</sup>, comme c'est la raison,

Cest estrange en garde, il est en sa maison.  
Il dit, & son parler plut à toute la troupe.  
Aussi tost Milius emplit une grand coupe,  
Et c'estoit le heraut d'Amphinomus, estant  
Venu de Dulichie, adonques l'apportant burent.  
A tous comme il falloir, versans aux Dieux ils  
Après qu'ils eurent beu, & qu'aux grands Dieux ils  
Faiēt les effusions, pour leur ire appaiser, eurent  
Chacun se retirant s'en alla reposer.

Fin du dixhuitiesme liure.

Ll iij



L E  
DIX NEUVIÈME  
LIVRE DE L'ODYSSEE  
D'HOMERE.

A R G U M E N T.



Lyfles fait ôster de la sale toutes les armes par son fils. Il discours & parle à Penelopé, se déguisant, & se disant estre de Candio où il auoit veu Vlyfles. Il est recogneu par Euryclea sa nourrice, comme elle luy lauait les iambes, à vne cicatrice qu'il auoit. Il l'empesche de le decouvrir. La narration comme il fut blessé par vn sanglier allant à la chasse sur le mont Parnasse.

---

A U T R E S O M M A I R E.

*A tous, mesme à sa femme il se cello & se couure,  
Mais la vieille, à sa playe à la fin le decouure.*

Vlyfles  
conspi-  
re la  
mort  
des  
poursui-  
uans.



*Ais le caule Vlyfles ailleurs ne se retire,  
Conseillé de Pallas. Il complotte & con-  
spire (soucy  
La mort des poursuiuans : étant en ce  
Il vint à Telemaque. Il faut que hors d'icy*

*Ces armes, ces bastons viftement on emporte.  
 Puis te faudra parler à eux de bonne sorte  
 S'ils s'enquierent pour quoy. Je l'ay fait, diras-tu  
 Pour ce qu'entierement leur lustre est abbatu,  
 Et qu'elles ne sont plus telles que quand Vlyffe  
 S'en alla devant Troye aux Grecs faire seruire,  
 Et la fumee encor tous les iours les destruiët:  
 Puis quelque bon demon me semble m'a induit  
 De les oster delà, i'ay crains, qu'ayant querelle,  
 Si possible le vin troublloit vostre cervelle,  
 Ne vous entrebleßiez, contaminans ainsi  
 La grace du festin, & des nopces aussi:  
 Car le fer mesme à soy le cœur de l'homme attire.*

*Telemachus fut prompt d'executer son dire,  
 Sa nourrice Euryclee appella promptement,  
 Nourrice, luy dit-il, chasse moy viftement  
 Ces femmes de là haut, iusqu'à ce que ie puisse  
 Enfermer ces bastons & ces armes d'Vlyffe,  
 Et les oster d'icy, la fumee & le feu  
 Qu'on allume sans fin les gastent peu à peu,  
 Pource qu'on les neglige, & qu'on n'en a sceu faire  
 Aucun conte, depuis l'absence de mon pere,  
 J'estois petit pour lors, mais ie veux maintenant  
 En faire plus de cas du feu les destournant.*

*Puisses tu à la fin, ô mon fils, luy dit-elle,  
 Prendre dor-enauant le soin & la tutelle  
 De ta pauvre maison, conseruer & garder  
 Soigneusement ton bien. Mais il faut regarder  
 Qui t'éclairera donc, puis que tu veux qu'on oste  
 Les femmes de leans? Sera cestui nostre hôte,*

• Faisť  
oster les  
armes  
hors de  
la sale.

Telemachus  
veut  
oster les  
armes  
de la sale.



*Luy dit Telemachus, oisif ne demourra*

*Si ie puis, d'où qu'il soit qui mon pain mangera.*

Ferme  
bien les  
portes,  
& les  
oste  
auec s<sup>d</sup>  
pere.  
Pallas  
leur  
éclair-  
re.

*Cela fut resolu : puis de barres bien fortes*

*Il s'en alla par tout fermer toutes les portes,*

*Adonc sans plus tarder ils se prirent tous deux*

*A porter vistement rondaches & espieux,*

*Lances & morions. Et Pallas la premiere*

*Deuant eux cheminoit, & leur faisoit lumiere*

*Dans une lampe d'or. Lors à son pere ainsi*

*Parla Telemachus : Quel miracle est cecy*

*Mon pere, que ie voy ces colonnes dorees*

*Ces poutres, ces parois, tellement éclairées*

*Que si c'estoit d'un feu bien ardent. Certe il faue*

*Qu'il soit entré ceans quelque Dieu de là haut.*

*Auquel dit Vlysses, reprime ton langage,*

*Et ne t'informe pas de cecy dauantage.*

*La faueur que tu sens vient des grands Dieux pour*

*Mais va t'en reposer. Pour moy, ie demourray (vray :*

*Afin que ie m'enquiere, & que ie considere*

*Les femmes de ceans, & ie sçay que ta mere*

*En la peine où elle est de moy s'informera.*

Telemachus se  
retire  
en sa  
chambre,  
& Vlysses demeure  
en bas.  
Penelope descend  
pour  
parler à  
luy.

*Ainsi Telemachus en haut se retira,*

*En sa chambre, où estoit mainte lampe allumée,*

*Luisant extremement, sa chambre accoustumée,*

*Où lors il s'endormit le matin attendant.*

*Mais en bas Vlysses demeura ce pendant*

*Tramant aux poursuiuans vne mort fort cruelle*

*Par l'aduiz de Pallas. Penelopé la belle*

*Sort de sa chambre adonc, semblable entierement*

*A Diane ou Venus. On porte vistement*

Sa chaire pour l'assoir, pres du feu l'ont rangée,  
 Elle estoit & d'ivoire & d'argent ouragée.  
 Icmalius la fit. On met vn escabeau  
 Pour soutenir ses pieds, couuert d'une grand peau.  
 Là la Reynes s'assied, ses femmes sans demeure,  
 La reuiennent trouuer: elles venoient pour l'heure  
 De remporter les pots où beuuoient les amants,  
 Les tables, & les pains qu'ils alloient consumants.  
 Hors des lampes le feu à terre elles ietterent,  
 Et force autre bois sec dessus elles porterent  
 Pour luire & éclairer. Melantho attaqu  
 Encores vne fois Vlysse & le piqua.

Melan-  
 tho atta-  
 que en-  
 core  
 Vlysses.

Vieillard, tu veux encor demeurer que ie pense  
 Avec nous toute nuict, (grande est ton impudence)  
 Sors dehors malheureux, & l'on r'y donnera.  
 Ou à coup de tisons sortir on te fera.

Mechante que tu es, luy respondit Vlysse,  
 Pourquoi m'en veux tu tant (estrangere est ta malice)  
 Te suis-je si puant? ou, est-ce que ie sois  
 Trop mal vestu pour toy, ou bien que tu me vois  
 Et pauvre & mendiant? l'indigence en est cause,  
 Et les pauvres passans n'ont iamais autre chose.  
 J'ay esté quelque fois heureux, riche, & puissant,  
 Et i'ay tousiours donné à l'estranger passant,  
 J'ay eu des seruiteurs en quantité bien grande;  
 Et ce qu'il faut auoir, & ce que l'on demande  
 Pour estre appellé riche, & viure heureusement.  
 Mais le haut Iupiter a mis entierement  
 A neant tout cela. C'est sa volonté bonne.  
 Ainsi pren garde à toy, qu'un iour ne t'abandonne

Vlysses  
 à Melan-  
 tho.

Ce grand contentement, que tu prens, que tu sens,  
Sur toutes celles cy qui demeure ceans.

De peur que ta maistresse en fin ne te punisse  
Iustement courroucée, ou ne reuienne Vlysse  
Comme on l'espere encor. Mais il est tout à fait  
Perdu, s'il n'y a plus d'esperance en son fait,  
Son fils Telemachus iustement luy succède:  
Il est tel qu'Appollon le fauorise & l'ayde.

Toutes celles ceans qui se gouvernent mal  
Croy moy, n'eschapperont son chastiment final,  
Car il n'est plus enfant, il apperçoit sans doute  
Toutes leurs actions. La Reyne qui l'escoute  
Appelle Melantho, & luy dit en ce poinct:

enelo- O chienne audacieuse, & qui ne trembles point,  
e ranfe  
Melan- Ie ne cognois que trop toute ta vilenie,  
ho.

Que tu me payeras aux despens de ta vie.  
Tu ne peux ignorer, l'ayant dit deuant toy,  
Que i'auois commandé qu'on fist parler à moy  
Ceans cest estranger, afin que ie m'enquisse  
S'il n'auroit point ouy des nouuelles d'Vlysse,  
Pour qui i'ay tant de peine. Elle parloit ainsi,  
Puis dit; Eurynomé fay moy porter icy  
Vne chaire, & dessus vne peau qu'il s'assee.  
Pour parler, & ouyr ceste pauvre angouïssée:  
Car ie veux l'enquerir. Penelopé se teut.  
Soudain Eurynomé courut tant qu'elle peut,  
Vne chaire apporta bien fourbie & bien lisse,  
Mit vne peau dessus: Adonc s'assit Vlysse  
Le fort, le tolerant, le sage, l'attrempé.  
Auquel en tel propos parla Penelopé.

enelo-  
é en-  
uiert  
lysses.

*Je voudrois bien sçavoir premierement, mon pere,  
Qui tu es, d'où tu es, & ton pere & ta mere.*

*( Car de sçavoir cela fort à gré me viendra,  
Et grand contentement mon esprit en prendra )*

*Lors le sage Vlysses. Certes, Reyne honorable,  
Qui que ce soit vivant sur la terre habitable  
N'oseroit s'esgaller à toy aucunement:*

*Ta reputation, ton bon entendement,  
Ton honneur monte au ciel: pareil qu'il pourroit estre  
A quelque puissant Roy, de beaucoup d'Ismaïstre,*

*Qui d'autant qu'il craint Dieu & son empire estend  
Sur beaucoup d'hommes forts, bon iusticier il rend.*

*Le droict à tout le monde: aussi la terre forte  
Abondamment & orge & froment luy rapporte;  
Ses arbres vont rompans de force fruiçts diuers,  
Ses pastis de bestail, & de poisson ses mers.*

*Car iuste & droicturier est tout ce qu'il manie:  
Et son peuple soubz luy meïne vne heureuse vie.*

*Mais fay moy, ie te pry vne autre question,  
Ne me demande point mon habitation,*

*Ma race, ny mon nom, que tu ne me rengrege.  
Mon mal, te le contant: car la douleur m'a assiége,*

*Et ne me puis tenir dès que ie m'en souuiens  
De ietter force pleurs. Or il ne sied pas bien*

*De monstrer chez autrux son plour & sa tristesse,  
Et rien n'est pire encor que de pleurer sans cesse.*

*Dauantage i'ay peur que tes femmes en fin  
Ne se faschent à moy, ne dient que la vin*

*Me faiçt ietter ces pleurs en si grande abondance.*

*A qui Penelopé celebre en prudence.*

Vlysses  
à Penc-  
lopé, se  
contre-  
faisant  
& celant

Penelo-  
pe à V-  
lysses.

Certes, amy, touchant la beauté que tu dis,  
 Les grands Dieux immortels me l'osterent jadis  
 Dés le iour que les Grecs dessus la mer monterent  
 Pour s'en aller à Troye, & mon mary m'osterent.  
 S'il estoit de retour en vie il me rendroit,  
 Rameneroit mon lustre, & biē mieux m'en prēdroit.  
 Mais ie n'ay maintenant qu'ennuy & que tristesse,  
 Par vn sinistre Dieu. Les plus grands en richesse  
 D'alentour de Zacynthe, & Duliche & Samos,  
 D'Ithaque mesmement, me tiennent tous propos  
 De me rematier. Je suis importanee,  
 Et ma maison s'en va perdue & ruinée:  
 Et plus il ne me chauld d'estrangers de passans,  
 Ne mesmes des Heraults en public paroissans:  
 Mais tousiours desirant mon mary, mon Vlysse,  
 Je ne puis que beaucoup ie ne me desinisse.  
 Ces gens sans me lascher me vont importunant,  
 Me pressent d'espouser. Je les vay affinant  
 Aussi, tant que ie puis, & de nouvelle ruse  
 Tousiours ie les repais, les trompe & les amuse.  
 Les Dieux mirent vn iour en mon entendement  
 Certainne inuention, de tiltre proprement  
 Vne certaine toile, & deliée & grande  
 Dedans ma chambre à part: aussi tost ie les mande  
 Et leur tins ces propos. Vous qui me pretendez  
 Puis qu'Vlysses est mort ie vous prie attendez,  
 Et differez vn peu, tant que i'aye à fin mise  
 Vne toile que i'ay cy deuant entreprise.  
 (Ma laine se perdrait) pour seruir de linceüil  
 Au Heros Laërtes, & de couuert de acüil.

Luy par-  
 le sur la  
 recher-  
 che que  
 les pour  
 suiuaus  
 font  
 d'elle.

Quand la Parque qui sçait souz le sepulchre estendre  
Tous les vians, viendra le bon homme surprendre,  
Que quelqu'une venant contre moy se fâscher  
Des femmes des Grègeois, ne me vint reprocher  
Qu'on l'auroit sans linceul posé de souz la tombe,  
Ayant si bien de quoy. J'en dit, & chacun tombe  
De mon opinion. Ainsi donc j'aduangois  
Ma besongne de iour, mais ie la dépeççois  
De nuit à la chandelle, & avec ceste ruse  
Par trois ans tous entiers ie les trompe & abuse:  
Mais sur le quatriesme an les heures à la fois  
Ayans parfaict les iours, & puis les iours, les mois,  
Ie fu surprise d'eux. Mes chiennes de seruanes,  
(Ces femmes, de mon pain en ma maison viantes)  
Ne faisans pas bon guet. Ils entrent donc ceans,  
Ils m'intimident fort, & me vont menaçans,  
Tant que contre mon gré la toile fut parfaicte.

Or voicy maintenant, ie n'ay plus de deffaicte,  
Ie ne sçay plus que faire, & à qui m'adresser.  
En premier, mes parens ne font que me presser  
De me remarier: Apres mon fils s'ennuye  
De voir perdre son bien, est las de ceste vie:  
Car il s'en va tout grand. Il a sens & raison  
Pour dresser comme il faut son train & sa maison,  
Et Dieu luy donne encor & apparence & grace.  
Or conte moy aussi ta maison & ta race.  
Car tu n'es pas venu ny d'un roc endurcy,  
Ny d'un cheſne ancien. A qui respond ainsi  
Le prudent Vlyſſes. O femme venerable  
Du fils de Laërtes, Vlyſſes l'admirable,

Vlyſſes  
ſur ce  
que Pe-  
nelope  
luy de-  
mande  
quil  
eſt, luy  
conte  
des  
bour-  
des.

Ne ceſſeras tu point de vouloir t'enqueſter  
De quel pays ie ſuis? Mais pour te contenter  
Ie te diray le tout. Encor' que dauantage  
S'en augmente mon mal. On n'a que tout dommage  
Quand on eſt ſi long temps de ſon pays abſent,  
Ainſi que i'ay eſté, ſouffrant & paſſant  
Infinité de maux, cependant que ie tire,  
Courant par le pays. Or ie commence à dire.  
Vne Iſle eſt au milieu de la profonde mer,  
Belle & fertile, Crete on la voulut nommer,  
Force peuple y habite, & maintes grands familles,  
Ily a quatre vingts & dix fort belles villes,  
Les langages y ſont meſlez diuerſement,  
Les Achines icy parlent ſeparément  
D'avec les belliqueux & forts Eteocretes.  
Là des Cidoniens les langues ſont diſcrettes  
Des Tricayciens Doriens, d'autre part  
Les diuins Pelasgois ont leur langage à part.  
Parmy eux eſt Gnoſos cité pleine d'eſtime,  
Où régna par neuf ans Minos, l'amy intime  
Du tresgrand Iupiter, & qui fut pere heureux  
Du grand Deucalion, mon pere genereux,  
Et puis Deucalion eut pour toute lignee  
Moy que voicy, avec le Roy Idomenee  
Qui ſ'en alla à Troye avec Agamemnon  
Sur les vaiſſeaux courbez. Or Aethon eſt mon nom,  
Plus ieune d'ans que luy, car il eut l'aduantage  
Et d'eſtre mon aiſné, & meilleur & plus ſage.  
Là ie vy Vlyſſes, pour hoſpitalité  
Luy fis force preſens, car il y fut ietté

Du vent qui luy fit perdre & sa route & sa voye  
 Vers le Cap de Malé, comme il alloit à Troye.  
 Il encra dans l'Amnyse, où se voit l'autre creux  
 De la grande Lucine, & d'abord dangereux.  
 A peine eschapat-il de l'onde mutinee :  
 Il s'enquist aussi tost du Roy Idomenee  
 Estant en la cité : car il estoit de faict  
 Son hôte de tout temps, & son amy parfaict.  
 Or c'estoit la iournee ou dixiesme ou unziesme,  
 Qu'il auoit nauigé avec danger extrême,  
 Tendrant à Ilion. Alors humainement  
 L'allay le recueillir, logeay commodément  
 Le premier dessus tous, & d'allegresse grande  
 Je fy la bien-venue à tous ceux de sa bande.  
 Vin, farines, & chairs ie luy fis élargir,  
 Pour faire bonne chere & pour se resjouir.  
 Ils furent douze iours, tant leur estoit contraire  
 Le vent, qu'ils ne tiroient ny auant ny arriere.  
 Quelque mauuais Demon leur fit ce mauuais tour,  
 Mais la tempeste chut sur le treziesme iour,  
 Eux se mirent en mer, & ainsi il prolonge  
 Ses discours controuuez, & mesle le mensonge  
 Avec le vray-semblable. Elle qui l'escoutoit  
 Larmes en quantité de ses beaux yeux iettoit,  
 Et son corps se fondoit, comme vne grosse boule  
 De neige sur les monts, & se fond & s'escoule  
 Souz le vent d'Orient, quand celui d'Occident  
 A faict pleuuiroir dessus, l'eau qui en va fondant,  
 Des riuieres en forme aux grandes mers égales,  
 Tout ainsi se fondoient ses ionës belles-passes,

Penelo-  
 péonâr  
 Vlysses  
 fond en  
 larmes.



*Au prix qu'elle pleuroit, & de pleurs se baignoit  
Pour son mary, pres elle. Vlysses la plaignoit*

Vlysses à ses pleurs demeu-  
re fixe. *Grandement en son cœur, mais fixes les paupieres  
Ainsi que fer, ou corne, & ne s'esmouuoit gueres  
Au dehors, deuant elle, ains cautelement  
Il retenoit ses pleurs. Quand elle eut longuement  
Pleuré, qu'elle eut versé larmes à suffisance  
Elle retourne encore, & ainsi recommence.*

Penelope l'es-  
prouue s'il dit  
vray. *Je veux à ceste fois t'esprouuer & tenter,  
Situ as veu, ainsi que tu viens de conter  
Mon mary & ses gens arrivez en Candie,  
Logez en ta maison: dy moy, ie te supplie,  
Comme il estoit vestu, quel homme estoit-ce alors,  
Et quels estoient ces gens de visage & de corps?*

Respon-  
ce d'V-  
lysses  
qui l'a  
satis fait *Et le sage Vlysses. Il est bien difficile  
Qu'on n'ait depuis vingt ans la memoire labile,  
Ayant tant tracassé, car il y a autant  
Qu'il partit de chez moy, i'en parleray pour tant  
Au mieux que ie pourray. De couleur purpurine  
Estoit, ce me sembloit, sa robe, belle, fine,  
Double, & bien estoffee, or elle se pressoit  
Par vne agraffe d'or qu'un double trou perçoit.*

*Elle estoit par deuant fort diuersement peinte,  
Un chien y attrapoit un Cerf tremblant de crainte  
Des pattes de deuant, chacun s'émerueilloit,  
Ils estoient d'or aussi, & le chien, ce sembloit,  
Le vouloit estrangler, la beste qui palpise  
Vouloit se demenant se sauuer à la fuite.  
La camisettes dont pour lors il se vestoit,  
Sembloit (tant deliée & subtile elle estoit)  
A la peau d'un oignon, & seche & transparente,*

Et comme le Soleil elle estoit éclairante.  
 Les femmes du pays l'admiroient grandement,  
 Mais pour te dire vray, ie ne sçay pas comment  
 Il l'auoit recouuree, ou bien s'il l'auoit mise  
 Sur luy des sa maison, ou bien s'il l'auoit prise  
 En present sur le nef de quelque hoste ancien,  
 Ou de l'un de ses gens, car le Dulichien  
 Auoit beaucoup d'amis, & des Grecs honorables  
 De tous tant qu'ils estoient peu estoient ses semblables.  
 Ie luy fy don, ainsi qu'il voulust déloger,  
 D'une fort belle espee, & (pour le rechanger)  
 D'une double, fort riche & belle manteline,  
 Longue iusqu'aux talons, de couleur purpurine,  
 Et puis le conduisy fort honorablement  
 Iusques dans son vaisseau, en grand contentement.  
 Il auoit un Herault, (si j'ay bonne memoire)  
 Un peu plus vieux que luy, sa couleur estoit noire,  
 Un peu courbé du dos, les cheueux cresselus,  
 Eurybates de nom. Vlysses au surplus  
 Sur tous ses compagnons l'estimoit à merueille,  
 Car il auoit à luy la prudence pareille.

Vne enuie à ces mots plus grande encor la prit  
 De rengreger son deuil, songeant en son esprit  
 Que ces marques estoient certaines d'assurance:  
 Puis voyant qu'elle auoit pleuré sa suffisance  
 Elle redit encor. Amy d'oresnauant,  
 Autant que l'on t'auoit méprisé cy-deuant,  
 Autant tu me seras & cher & venerable,  
 Et amy de ceans. Rien n'est plus veritable  
 Que c'est moy qui luy fis don de ce vestement,

Penelope à Vlysses, après l'auoir reconnu véritable.

Tel que tu me l'as dit, le pliant proprement  
 Dedans ma chambre à part, & en la mesme place  
 L'agraffe y attachay pour luy donner la grace.  
 Or i'amaïs plus mon œil, las, ne le reuerra,  
 Et chez luy i'amaïs plus il ne retournera:  
 C'est donc au grand malheur de moy & de maïoye  
 Qu'il alla i'amaïs voir la non nomable Troye.

A laquelle Vlysses le sage & le sçauant:

Reyne pleine d'honneur, cesse d'oresnauant

Vlysses De te destruire plus, de gaster dauantage  
 console Ton corps, & ton esprit, en pleurant le dommage  
 Periclo- De ton mary perdu. Non que ta passion  
 pé. Soit digne nullement de reprehension:

Car s'il est mesmement permis à toute femme

De regretter celuy qui possedoit son ame

Quand il estoit viuant, que la mort sans pitié

Luy est venu raurir, & à qui l'amitié

Reciproque a laissé mainte belle lignee,

A plus forte raison à toy infortunee

De pleurer Vlysses, estimé en tous lieux

En vertu & prudence, comparable aux Dieux.

Mais modere tes pleurs, ie te prie, & m'escoute,

Et puis ie te diray la verité sans doute,

Luy dit Et ne te tairay rien de tout ce que i'ay peu

nouvel- Apprendre d'Vlysses ton mary: car i'ay sceu

les d'V- Des nouvelles de luy estant en Thesprotie,

lysses, & l'assure Pays gras & fertile. Or il est plein de vie

qu'il se- Et reuiendra bien tost, plein de biens, plein de dons

ra bien Dont il a fait amas, innombrables & bons.

tost de Mais il a fait naufrage, & sa flotte est perie

retour.

Et ses gens submergez, partant de Trinacrie,  
 Et tout pour le courroux du puissant Iupiter  
 Et du Soleil, qu'he las, ne peuvent respecter  
 Ses gens mal-aduisez: Car ses vaches ils mirent  
 A mort, & pour cela souz les eaux ils perirent.  
 Pour luy, il se sauua vers les Phæaciens  
 (Peuple jadis venu des grands Dieux anciens)  
 . Tellement, quellement, qui beaucoup l'honorèrent  
 Comme si c'eust esté vn Dieu, & luy donnerent  
 Quantité de thresors. Sans hazard, sans danger,  
 Ils le vouloient icy long-temps a, renuoyer  
 Et ja il y seroit, sans que plein de prudence  
 Il vouloit ramasser or, thresor, & cheuance  
 Auant que retourner, & voir ce-tempendant  
 Force diuers pays. Ainsi sage & prudent  
 Il a veu & appris, courant la terre & l'onde,  
 Et ne s'égaleroit à luy homme du monde.  
 De tout ce que ie dy Phædon m'en asseura,  
 Le Roy de Thesprotie, en outre me iura  
 Comme il sacrifioit & faisoit vne feste,  
 Que toute son escorte & sa flotte estoit preste,  
 Et luy, deuoit bien tost mettre la voile au vent  
 Pour s'en venir icy: mais ie me my deuant  
 Parce que ie trouuay des gens de Thesprotie  
 A propos, pour passer deçà en Dulichie.  
 Ce Roy me fit monstrier les dons & les presens  
 Qu'il auoit ramassez, dignes & suffisans  
 De nourrir sa maison sagement gouvernee  
 Iusques en la neuuesme & dixiesme lignee:  
 Tout cela luy estoit seurement emballé

Dans le chasteau du Roy, car il estoit allé  
 Me dit il, en Dadone, au cheſne, afin de prendre  
 L'aduis de Iupiter, & de l'oracle apprendre  
 Comme il s'en reuiendrait: ſi manifeſtement,  
 Ou bien ſ'il le deuoit faire couuertement.

Vlyſſes  
 fait ſer-  
 ment à  
 Penelo-  
 pé.  
 Ainſi viuant eſt il, & ne ſçauroit plus guert  
 Tarder, qu'il ne retourne & dans ſa maiſon chere  
 Et parmy ſes amis: Croy le ſur mon ſerment  
 Par le haut Iupiter viuant, premierement,  
 Et puis, par la maiſon d'Vlyſſes l'inuincible,  
 Où l'on m'a bien veigné tout ce qu'il eſt poſſible,  
 Vlyſſes reuiendra, deuant l'an finiſſant  
 Voir dedans ce mois ou l'autre commençant,  
 (Croy-le, & tu ne ſeras aucunement trompée.)

A cet mots reſpondit encor Penelopee.

Ainſi fuſt il mon hoſte, & certes tu verrois  
 Quelle grande amitié, quels biens ie te ferois,  
 Si que qui te viendrait deſormais à l'encontre,  
 Diroit à toſt iamais heureuſe ta rencontre.

Penelo-  
 pé deſe-  
 ſpere du  
 retour  
 d'Vlyſ-  
 ſes.  
 Mais ainſi que ie croy, de meſme m'aduiendra;  
 Car iamais Vlyſſes cheſ luy ne reuiendra,

Et tu ne recevras conduite ny eſcorte.

Car il n'y a ceans nul homme de la ſorte,  
 (Si iamais il en fut) tel qu'eſtoit Vlyſſes

Elle com-  
 manda  
 ſes filles  
 de lauer  
 les pieds  
 à ſon  
 hoſte.  
 Pour receuoir le monde, & pour donner acceſ  
 Cheſ luy aux eſtrangers, ny d'un ſi bon viſage  
 S'ils ſ'en vouloient aller, prier pour leur voyage.  
 Or filles, lavez luy les pieds bien nettement,  
 Puis menez-le coucher & dormir mollement,  
 Faites-le bien chaufer, donnez luy couuerture

Et tout ce qu'il luy faut encontre la froidure  
 Attendant le matin, car lors plus à loisir  
 On le fera baigner & oindre à son plaisir,  
 Afin qu'il mange & boive avecques Telemaque.  
 Que si, qui que ce soit (estrange, ou d'Ithaque)  
 Luy fait du déplaisir, certe il delogera,  
 Et plus en ma maison il ne conuersera:  
 S'en fache qui voudra. Car comment, ô mon pere,  
 Diras-tu que ie suis courtoise & debonnaire  
 Plus que nulle autre femme? Et comment verras-tu  
 Telle que tu l'as dit ma prudence & vertu,  
 Si sans te reuestir d'habit plus honorable  
 Ie te laisse aller soir, si deschiré, à table,  
 „ Et qu'on t'ait à mépris? Or ta vie & les iours  
 „ Des hommes sont fuyards, peu durables & courts,  
 „ Et quiconc ne sera piteux & secourable  
 „ Il sera en sa vie à chacun execrable,  
 Malheur & malencontre on luy souhaittera,  
 Et quand il sera mort chacun le maudira.  
 Mais qui sera benin, courtois, & debonnaire,  
 Ceux de loing, ceux de pres hōneur luy viendront faire,  
 Diront tout bien de luy, & ne solasseront  
 De l'aymer, quelque part qu'ils se rencontreront.

A quoy le Laërte au genereux courage.  
 O du grand Vlysses femme prudente & sage,  
 Pour te dire le vray, tous ces bons traitemens,  
 Ces lodiers precieux, ces beaux accoustremens,  
 Me sont à contre-cœur, ie les hay, depuis l'heure  
 Que Crete ie laissay ma tres-douce demeure,  
 Et ses costaux negeux, pour me mettre sur mer,

Vlysses  
 refuse  
 le liët  
 que Pe-  
 nelope  
 commā-  
 doit de  
 luy ap-  
 prester.

Frequenter les vaisseaux, & courir & ramer:  
 Et ie ne passe point les nuicts d'autre maniere  
 Que i'ay fait cy-deuant, ne fermant la paupiere.  
 Las! tant i'en ay veillé dessous maint toict obscur  
 Ayant la larme à l'œil & la tristesse au cœur,  
 Attendant le retour de l'aube matiniere.  
 Il ne me chaut point donc de bassin ne chaudiere,  
 Et nulle femme encor mes pieds ne touchera  
 De tant que tu en as, & ne me lauera,

Et de se faire la-  
 uer, si ce n'est  
 par quel que fê-  
 me d'aa-  
 ge.

Si ce n'est quelque vieille, & telle que moy d'aage,  
 Et qui ayt eu du mal, qui soit discrette & sage:  
 Passe, pour celle là, si elle veut toucher  
 Mes pieds pour les lauer, ie ne m'en puis fascher.  
 Certes, mon cher amy, luy respondit la Reyne,  
 Ie n'ay point veu ceans, de region loingtaine

Penelo-  
 pé louë  
 son ho-  
 ste de sa  
 discre-  
 tion.

Vn homme comme toy aduisé & prudent,  
 Car tres-discret, tu vas pesant & regardant  
 Tout ce que tu veux dire. Or voicy ma seruante  
 Vieille non seulement, mais sage & fort prudente:  
 C'est celle qui premiere a traité, a nourry,  
 Qui receut en ses mains mon fortuné mary  
 Dés l'heure qu'il sortit du ventre de sa mere:  
 Elle te lauera, (elle est propre à ce faire)  
 Combien qu'elle soit foible. Orsus, Euryclea,

Cōman-  
 de à la  
 vieille  
 Eury-  
 clea de  
 le lauer.

Leue toy viftement, laue-le, le voila  
 Tout semblable à ton maistre. Vlysses est asteure  
 De tel aage que luy, ses mains par auenture  
 „ Sont comme celles-cy, la peine & le tourment  
 „ Font l'hōme, quel qu'il soit, vieillir bien viftemēt.  
 C'est ce que luy disoit la Reyne chaste & sage,

*Et la vieille portant les mains à son visage,  
Et pleurant chaudement se lamentoit ainsi.*

*Mon fils, que j'ay pour toy d'angoisse & de soucy,  
O le plus malheureux des siècles où nous sommes,  
Et que Iupiter hait sur tous les autres hommes,  
Bien que tu craignes Dieu : car ie ne pense pas  
Que de tous les mortels qui vivent icy bas,  
Vn autre ayt tant que toy faiët de saintes offrandes,  
Parfumé les autels d'Hecatombes si grandes,  
Brulant les gras cuissots au puissant Iupiter  
Qui se scait aux éclats du foudre delecter,  
Pour impetrer de luy sans plus que tu paruinsses  
A vn bon & iuste aage, & que visses ce Prince  
Esleué de ta main. Mais, las ! il t'a osté  
Le iour de ton retour, ( telle est sa volonté.)*

Dit qu'il res-  
semble du  
tour à  
Vlysses.

*Ainsi en quelque coin d'une loingtaine terre  
Mocqué & méprisé par aventure il erre,  
Les seruanes aus& possible vont causant  
Dessus ce misérable, & le vont méprisant,  
Comme ores te faisoient ces chiennes malheureuses,  
O mon pauvre vieillard; leurs iniures honteuses  
Tu fuyoys prudemment, quand tu ne permettois  
Qu'ils te vinssent toucher seulement de leurs doits.  
Or la fille d'Icar, la sage Penelope;*

Adresse  
son pro-  
pos a  
Vlysses,  
sans le  
cognoi-  
stre.

*A mon gré m'a choisie entre toute la trope  
Ie te laueray donc tres-volontiers, croy moy,  
Pour l'amour de la Reyne & pour l'amour de roy:  
Car j'ay compassion de ta grande tristesse.  
Mais ie te diray bien, que (depuis ma vicillesse  
J'ay veu venir ceans force gens estrangers,*



Ditqu'il  
ressem-  
ble du  
tout à  
Vlysses. *Et qui auoient couru, disoient-ils, grands dangers,  
Mais ie n'en vy iamais vn qui fust si semblable  
A Vlysses que toy, tant, ô cas admirable!*

*Tu es pareil à luy du corps & de la voix,  
Et des pieds mesmement. Vlyssé à ceste fois  
Ainsi luy respondit : Ainsi ma bonne amie,  
Disent pareille à luy maphisionomie.*

Vlysses *Tous ceux qui nous ont veuz : & c'est sans contredit  
le luy Qu'il me ressemble fort ainsi que tu as dit.*  
côfirme

Eury-  
clea se *Il disoit, & la vieille alors prend la chaudiere  
met à le Pour luy lauer les pieds, puis avec vne aiguier  
lauer. Verse premierement de l'eau froide, & apres*

Vlysses *De la chaude dessus, le feu estoit aupres,  
se de- Et Vlysses s'asit, sa face ayant dressée  
tourne Deuers l'obscurité, craignant en sa pensèe  
de peur Quela vieille en lauant de pres garde ne prist  
qu'elle A sa vieille blesseure, & ne le descourrist.*

ne le re-  
cognoist *Elle s'approche alors, & à lauer commence  
se. Les deux pieds à son Roy: mais comme elle s'aduançe  
Elle le De lauer, & froter, soigneuse, de la main,  
reco- La voicy tout à coup qu'elle cognoist soudain  
gnoist*

& à quoi *Et sent dessous ses doigts la dure cicatrice  
Disgres Qu'auoit faict autresfois vn sanglier à Vlyssé  
sion pour Sur le mont de Parnasse, en allant visiter*

narrer *Vn iour Autolychus, & voulant s'acquitter  
d'où Enuers ses fils aussi. Autolychus le pere  
vint la Hardy & renommé d'Anticlea sa mere.*

cicatri-  
ce à la-  
quelle *Doncques Autolychus, pour lors il visitoit  
Eury- Et ses enfans aussi, qui le prix emportoit  
clea re- Sur les hommes d'alors, de viure de rapine,  
cogneut  
Vlysses.*

De se servir de ruse & de prudence fine,  
 Et de fort bien tromper. Mercure luy donna  
 Ceste prerogative à cela l'adonna,  
 Pource qu'il luy faisoit parfuns & sacrifices,  
 Les graisses luy bruloit des plus belles premices,  
 Et d'agneaux & de bœufs qu'en ses parcs il avoit,  
 Et tousiours la faueur de ce Dieu le suivoit.  
 Or cheminant tousiours il vint en fin en l'Isle  
 D'Ithaque, un peuple ayant aysé, gras & fertile,  
 Où ioyeux il trouua que sa fille avoit fait  
 Fraischement un beau fils. Euryclea le met  
 Soudain sur ses genoux. & dit en ceste sorte,  
 Dy le nom que tu veux que ton petit fils porte,  
 O Roy Autolychus, on en est en soucy,  
 Et fort on le desire. Alors respond ainsi  
 Autolychus parlant. O ma fille chérie,  
 Et vous mon gendre aussi, donnez luy ie vous prie  
 Le nom que ie diray: j'ay beaucoup tracassé  
 De terre & de pays, ie me suis courroucé:  
 Hommes, femmes, sur terre, & gens de toute sorte,  
 Ont senti l'aspreté de ma colere forte,  
 Son nom soit Vlysses: mais si tost qu'il sera  
 Un peu grand, & courir par le monde pourra,  
 Qu'il s'en vienne en Parnasse au bien de sa grãd mere.  
 Là sont tous mes thresors, & là ie luy veux faire  
 Un honnestre present, ie l'en honoreray,  
 Et ioyeux & content icy le renuoiray.  
 Le desir de ces biens donna cœur & audace  
 Pour lors à Vlysses de venir en Parnasse,  
 Où par Autolychus il fut fort caressé,

Fut de tous ses enfans tendrement embrassé,  
 Et receu de propos courtois & amiable,  
 Mais plus d'Amphitea sa grand mere honorable,  
 Qui se iettant sur luy, d'accueil tres-gracieux  
 Luy baisa mille fois & la teste & les yeux.  
 Autholicus soudain à ses enfans commande  
 D'apprester à soupper. Eux d'allegresse grande  
 Font son commandement, & s'en vont diligens  
 D'entre les troupeaux prèdre un Tureau de cinq ans  
 Qu'ils écorchent soudain, autour de luy se iettent,  
 Le tranchent en morceaux & en broche le mettent,  
 Puis le font bien rostir, apres font leur deuoir  
 De tres-bien se remplir du matin iusqu'au soir,  
 Et leur faim ne chomma de repas conuenable,  
 Mais quand le Soleil mit ses cheuaux en l'estable  
 Ils s'allerent coucher, dormans iusques au iour.  
 Mais si tost que l'Aurore eut monstré son retour,  
 Soudain Autolychus & ses fils se leuerent,  
 Firent venir les chiens, & au bois s'en allerent,  
 Et le diuin Vlysse à la chasse avec eux.  
 Tous ensemble ils grimpoient par les sentiers mon-  
 De la grande montagne espaisées de bocages, (teux  
 Et touchoient le sommet des cauernés sauvages  
 Et des rochers venteux. Or desja le Soleil  
 Sortant hors de la mer son chariot vermeil  
 Les campagnes frappoit, lors que voicy la chasse  
 Arriuee au sommet du bocageux Parnasse:  
 Les chiens alloient deuant aux voyes, & apres  
 Les fils d'Autolycus les suiuioint de bien pres:  
 Et Vlysse avec eux, est toujours à leur trouffe

Ebranlant en sa main vn dard de grand secousse.  
Au fonds d'un grand buisson, où la force des vents  
Ne pénédroient iamais, où les rais violents  
Du Soleil ne donnoient, que la pluye & l'orage.  
Ne pouuoient transpercer, tant estoit le feuillage  
Et le ramage espais de l'ombrageux hallier,  
Dauenture pour lors baugeoit vn sanglier:  
Qui si tost que le bruit à ses oreilles touche,  
Et des chiens & des pieds, se resueille farouche,  
Dresse sa grosse hure, escumeux & bauant.  
Les yeux ardans de feu, & leur vient au deuant:  
Vlysses l'apperçoit, & de grand violence  
Voulant le renuerfer son fort dard luy eslança,  
Et l'autre en mesme temps vient à luy, l'atteignant  
A l'endroit du genoüil: le genoüil va saignant,  
Et du cruel crochet la piece est emportee.  
Mais l'os est offencé, car la beste irritée  
Donna obliquement. Mais le coup qu'eslança  
Le fort bras d'Vlysses, le sanglier transperça.  
Il le prit iustement dedans l'espaule dextre  
Et de l'autre costé on vid le fer parestre.  
Soubs le pesant du coup l'animal fit le saut,  
Ensanglanta la poudre, & tomba de son haut,  
Et l'ame s'enuola. Alors toute la troupe  
Court deuers Vlysses, & le sang luy estouppe,  
Les fils d'Autolycus sont bien embesongnez.  
On leur auoit des vers autres fois enseignez  
Pour estancher le sang, ils prononcent des carmes  
Et le sang noir s'arreste au murmure des charmes.  
Puis ils bandent la playe & s'en vont viftement

*Pour gagner le logis, où tres-soigneusement  
Le pere & les enfans / a blesseure panserent  
Tant qu'il fut tout guery, puis le recompenserent  
De tres-riches presens dont ils luy firent don,  
Le renvoyant ioyeux iusques dans sa maison.  
Lors son pere & sa mere à grand plaisir le virent  
De retour en Ithaque, & fort se resjouirent  
De le voir reschappé, s'enquerans instamment  
Comment il fut blessé: Luy fort pertinemment  
Leur rend conte de tout, & qu'allant à la chasse  
Auec les fils du Roy sur le mont de Parnasse,  
Après qu'il eut sur luy son espieu eslançé  
Le porc de son crochet l'auoit ainsi blessé.*

Retour  
à la nar-  
ratiō de  
la reco-  
gnoiſſā-  
ce d'V-  
lyſſes.

*La vieille donc lavant & nettoyant Vlyſſe  
Tate dessous ses doigts la dure cicatrice,  
Et la recognoiſſant le pié luy eschappa  
Qu'elle tenoit pour lors. Le pié cheut & frappa  
La chaudiere en iōbant, qui du grand coup resonance,  
L'eau s'espanche par terre; & elle qui s'estonne  
Chet de l'autre costé: la pitie, le plaisir  
Luy sautent lors au cœur, & la viennent saisir,  
Ses yeux sont tous en pleurs: lors la barbe & la face  
Luy touche doucement, luy va dire en vois basse  
( Par ce qu'elle craignoit encor de le toucher,  
Et deſiroit de luy au plus pres s'approcher.)*

Fury-  
ciea à  
Vlyſſes  
queile a  
reco-  
gneu.

*Pour vray mō cher enfant, tu es mō maiſtre Vlyſſe,  
Et ie n'ay peu de toy pluſtoſt auoir notice,  
Que ie n'aye mon Roy manié tout par tout.  
Puis regardant la Reyne estant vers l'autre bout  
Aſſiſe dans ſa chaire, elle luy faiſoit ſigne,*

*Que chez elle el' auoit son Roy, son Prince insigne  
 Son mary desiré. Mais elle ne put pas  
 Iamais s'en aduiser, à cause que Pallas  
 Ailleurs luy destourna les yeux & la pensee.  
 Sur elle Vlysse court, d'une main aduancee  
 La saisit au gozier, de l'autre rudement  
 La tire deuers luy & luy dit bassement.*

Elle en  
 veut ad  
 uertir  
 Penelo-  
 pe.  
 Pallas  
 l'empes-  
 che.

*Me veux tu ruyner, ô nourrice fidelle?  
 C'est toy qui m'as donné autresfois la mammelle.*

Vlysses  
 à Eury-  
 clea.

*Voicy ton nourrisson qui a tant eu de maux,  
 Pati tant de douleurs, couru tant de traux:*

*Me voicy de retour sur la vingtiesme année  
 En ma douce maison: or puis que fortunée*

*Tu as ce bien des yeux de m'auoir recogneu,*

*Que nul ne sçache icy que ie suis reuenu,*

*Encor de quelque temps, tay toy ie te supplie*

*(Et ne mets en danger par ta faute ma vie.)*

*Aussi ie te promets, & ie te le tiendray,*

*Lors qu'aßisté de Dieu mon glaive ie teindray*

*Ausang des poursuiuans, & mes mains vangeresses*

*Feront le chastiment des seruantes traistresses*

*Qui gastent ma maison, tu ne tomberas pas*

*(Car tu es ma nourrice) au violent trépas*

*Où les autres cherront. Et la nourrice sage.*

*O mon fils, qu'as tu dit? & quel est ce langage*

*Qui t'eschappe des dents? Tu sçais que de tout temps*

*Mes esprits ont esté solides & constans*

*Et n'ont point vacillé. N'ayes doute ne crainte,*

*Ie tiendray dans mon cœur ton entreprise empreinte,*

*Plus ferme que le roc, plus forte que le fer:*

Alors que Dieu aussi te donra d'estouffer  
 Ces méchans poursuivans sous tes mains vègereffes,  
 Je te declareray les folles & traistresses  
 Des femmes de ceans, & dont la trahison  
 Salit honteusement l'honneur de ta maison.

Sur ce luy respondit le tresprudent Vlysse,  
 Il n'est pas de besoin, ma fidelle nourrice,  
 Que tu faces cela, ie les sçauray fort bien  
 Cognoistre & remarquer toutes en moins de rien,  
 Mais t'ay toy seulement, & laisse tout le reste  
 Conduire & gouverner à la troupe celeste.

Il dit & la nourrice accourt diligemment  
 Pour rapporter de l'eau, car l'autre entierement  
 Estoit tombee abas : l'ayant doncques habile  
 Laué & nettoyé, & de grasse & douce huile  
 Oint pour le raffermir, Vlysses peu à peu  
 Tire vne chaire à soy, & s'approche du feu  
 A fin de se chauffer, couurant sa cicatrice,  
 Cela fait Penelope attaque encor Vlysse.

Penelo- Je veux encore vn peu, mon hoste te parler,  
 pe rêtre Car l'heure aprochera bien tost de s'en aller  
 en dis- Reposer, pour ceux là qui en auront enuie,  
 cours - Et qui peuuent dormir. Mais, las! la fascherie,  
 uec son Et Les ennuis, les tourmens, que me donnent les Dieux,  
 hoste. Ne me laissent iamais clorre au sommeil les yeux,  
 Pour le iour i'ay encor quelque peu de relasche  
 De l'ennuy qui tousiours me poursuit & me fasche,  
 Regardant mon ménage, & m'occupant à voir  
 Si mes femmes ceans font tortes leur deuoir:  
 Mais mon mal est la nuit lors que chacun sommeille,

Car

Car ie suis en mon liét où ie resue, où ie veille,  
 Ruynant mon esprit de cogitations  
 Qui redoublent tant plus mes persecutions,  
 Ie me perds en regrets où mon ame s'égare,  
 De la mesme façon que la fille à Pandare  
 Lamente son destin, rememore ses pleurs,  
 Lors que le renouveau espanouit les fleurs,  
 Et peint les beaux iardins de violettes franches.  
 La pauvrete appuyee au ramage des branches  
 Pleure son cher Ityl, fils de l'accouplement  
 D'elle & du Roy Zethes, qu'he las trop follement  
 Elle mit à la mort. Ainsi mes pleints i'eslance  
 Continuellement, & mon ame balance  
 Sans resolution : ie ne sçay si ie doy  
 Tousiours viure ceans, & mon fils avec moy  
 Sans me remarier, gouvernant mon mesnage  
 Mes femmes & mon train, gardant mon liét seul gage  
 De mon pauvre mary, ne donnant à parler  
 A ce peuple de moy : Ou bien de m'en aller  
 Et de prendre à mary de ces Princes de Grece  
 Celuy qui plus aura de biens & de richesse,  
 Qui plus croistra mon dot, (comme il y en a tant  
 Qui me vont de grans biens offrant & promettant.)  
 Or quand mon fils estoit encor ieune & volage,  
 Il ne vouloit m'ouïr parler de mariage  
 En façon que ce fust, ne laisser la maison,  
 Mais asteure qu'il a plus d'aage & de raison  
 Il seroit bien content que ie me mariaffe,  
 Sa volonté seroit que ie me retirasse,  
 Irrité, que ces gens si desordonnément

Luy dit  
 l'incesti  
 tude en  
 laquelle  
 elle est.



Luy cō-  
te vn  
songe  
qu'elle  
a faict.

Vont tout son reuenu perdant & consumant.

Mais ie te prie encor qu'un songe ie te die  
Que i'ay faict, si ton cœur sçait ce qu'il signifie.  
Vingt oyés que i'auois mangeoient mon beau froment,  
Puis beuuoient à souhait. I'auois extremement  
Du plaisir à les voir, lors que de la montagne  
Voicy venir un aigle & fondre en la campagne,  
Et de son bec crochu donner de si grands coups  
A ces pauvres oyseaux, qu'il les massacra tous.  
Ie les voyois éparés ça & là par la place  
Et blessés & sanglants : l'aigle de grande audace  
Refit sa pointe en l'air. Ie me deconfortois  
Ce me sembloit en songe, & fort me lamentois,  
Et tout autour de moy des princesses de Grece  
Aux blonds dorez cheueux, consoloient ma tristesse  
Quand voicy reuenir l'aigle aux cerceaux dispoits  
Qui sur le toit se perche & me tint ces propos.

Noble fille d'Icare, escoute, & pren courage,  
Tout ce que tu as veu n'est qu'à ton aduantage,  
Ces songes ne sont point ny vains ny deceuans,  
Car ces oyés ne sont rien que les poursuiuans,  
Et moy que tu as veu estre aigle, suis asteure  
Ton mary de retour, qui donray sans demeure  
La mort à tous ces gens. Ayant dit, il cessa,  
Et tout incontinent le songe me laissa.  
Puis regardant soudain, ie vy mes oyés boire,  
Et comme auparauant manger à la mangeoire.

Vlysses  
confir-  
me Pe-  
nelope.

A laquelle Vlysses, il ne faut nullement  
Ton songe déguiser, ny le tordre autrement  
Qu'à ce qu'il signifie, Vlysses sans mensonge,

O Reyne, t'a luy mesme interpreté ton songe,  
 Car tous ces poursuiuans à mort il frapera,  
 Et nul de tant quilz sont s'es mains n'échappera.  
 Mais mon hoste tres-cher, luy dit Penelope,  
 „Souuent nostre pensee aux songes est trompee:  
 „On n'en peut que iuger fort incertainement,  
 „Et tousiours leurs effectz viennent douteusement:  
 Deux portes il y a, comme on nous fait acroire,  
 Aux songes incertains, d'elles l'une est d'iuoire  
 L'autre de corne claire: or le songe qui sort  
 Par la porte d'iuoire onc ne vient à bon port,  
 Et toujours son issue est frustratoire & morne.  
 Mais celuy qui proient de la porte de corne,  
 Tout ce que l'homme a peu partant de luy songer  
 Est tousiours veritable & iamais mensonger.  
 Mais le mien que ie croy n'est pas de ceste sorte,  
 Dieu vueille qu'à mon fils & à moy il apporte  
 Allegeance à nos maux. Mais ie te veux à toy  
 Dire encor vne chose, & ie te prie oymoy.  
 Quand le funeste iour & noircy de tristesse  
 Infame approchera, quil faudra que ie laisse  
 La maison d'Ulysses, voicy que ie feray.  
 Vn certain exercice en auant ie metray.  
 Douze haches ceans mon mary m'a laissées  
 Qu'il auoit iustement par la hampe perçees  
 Fort pres les arrangeant : puis son arc enfonçant  
 Par les trous il alloit droit les fleches passant:  
 Or il faut que ce ieu en auant ie leur mette,  
 Qui pourra bander l'arc & passer la sagette

Penelope  
 toujours en  
 incertitude.

Elle dit  
 à son  
 hoste  
 l'enuie  
 qu'elle  
 a de met  
 tre vn  
 ieu de  
 l'arc en  
 auant,  
 aux  
 poursui  
 uans.

N n ij

Des boucles au trauers, c'est celuy qui m'aura,  
 C'est luy que ie suiuray, & qui m'espousera,  
 C'est celuy pour lequel il faudra que ie laisse  
 Ceste douce maison, où ie vins en ieunesse  
 Belle, & pleine de biens: Plus ie vay en auant  
 Me semble que ie songe & que ie vay resnuant.

Vlysses  
 l'exhor-  
 te de  
 mettre  
 le ieu en  
 auant.

O femme, luy dit-il, du Lacertide Vlysse  
 Non ne differe plus ce ieu, cest exercice,  
 Car tu auras plustost ton mary de retour  
 Qu'ils n'aurent bandé larc, & passé par le iour  
 Des pertuis arangez la volante sagette,  
 A qui Penelopé, de parole discrette.  
 Iamais ne me viendroit desir de sommeiller,  
 Si c'estoit ton plaisir en parlant, de veiller  
 Mon hoste, tant ie prens un plaisir indicible  
 A t'ouïr discourir: mais il est impossible  
 Au mortel, de veiller continuellement,  
 Il n'y pourroit suffire, & les Dieux mesmement  
 Ont ce soulagement donné aux pauvres hommes:  
 (Composons donques icy le discours où nous sommes)  
 Ie m'en vois en mon lit là haut me retirer,  
 Où certes ie ne fais que tousiours sousspirer  
 Et rengreger mes pleurs, dès le iour lamentable  
 Qu'Vlysses s'en alla à Troie non nommable,  
 Pour toy demeure icy, dors comme il te plaira,  
 A terre, où si tu veux un lit on te fera.

Penelo-  
 pe re-  
 monte  
 en sa  
 châtre.

Ce disant, elle monte en sa chambre tres-belle,  
 Et mainte belle fille en haut marche apres elle:  
 Comme elle fut montée aussi tost se coucha,

*Et soudain le regret d'Ulysses la toucha  
Si qu'elle se sent fondre en une mer de larmes,  
Pleurant, tant que Pallas la Deesse des armes  
Prenant d'elle pitié, le sommeil ennoya,  
Et les yeux de la Roynie en son charme noya.*

**Fin du dix-neufiesme liure.**

*Nn ij*



LE  
VINGTIESME  
LIVRE DE L'ODYSSEE  
D'HOMERE.

ARGUMENT.



Ulysse est en doute s'il doit tuer sur le champ les servantes qui ribaudoiēt avec les poursuivans. Il se rejent. Iupiter le confirme en sa resolution de mettre à mort les poursuivans, & ce par le tonnerre. Les propos de luy avec Eumæus & Philætius son maistre bouvier. Les poursuivans redeliberent de tuer Telemachus. Ils en sont destournez par Amphinomus. Theoclymenus leur predit leur mort.

---

AUTRE SOMMAIRE.

*Iupiter le confirme en tonnante quand il sort,  
Theoclymen predit aux poursuivans leur mort.*

Ulysse  
se couche  
sur  
la porte  
dulogis



*Mais le sage Ulysse se couche sur la porte,  
Se jette sur le cuir d'un beuf qu'on luy apporte,  
Puis se couvre des peaux des moutons que les Grecs  
Qui pourchassoient sa femme avoient tuez de frais.*

Et Eurynome encor ( de peur de la froidure )  
 Mit sur luy force robe & force couuerture :  
 Là gisoit Vlysses machinant en son cœur  
 Sans pouuoir fermer l'œil, & vengeance & malheur.

Ne peut  
dormir.

Or comme il réuassoit il vid sortir les femmes  
 Qui dedans sa maison faisoient actes infames  
 Avec les poursuuans, qui ça & là trottoient,  
 Se donnoient du bon temps & de rire éclatoient.

Il voit  
les infamies  
des femmes  
de sa maison

- Il pensa forcener, & estoit sa pensée  
 De cogitations estranges balancee,  
 • Si de là s'esleuant, il les estrangeroit  
 Toutes l'une apres l'autre, ou s'il les laisseroit  
 Acheuer insqu'au bout leur saleté immonde.  
 Et son cœur là dedans, fremit, grommelle, gronde :  
 De la mesme façon va la chienne iappant  
 A l'entour de ses chiens, quand le bruit va frappant  
 Ses oreilles au guet, car la craintive beste  
 De peur qu'on ne les prenne, à combattre s'appreste :  
 Ainsi sent-il dans soy bourdonner son courroux  
 Pour ces actes mechâts, puis frappant de grâds coups  
 Contre son estomac, il se reprend luy mesme.

Est en  
doute  
de ce  
qu'il  
doit faire.

Patiente, Vlysses, domte ton ire extrême

Se re-  
foute de  
patiéter

Ton cœur plus que cecy autres fois endura

Quand le cruel Cyclops tes amis deuora :

Bien te fit mal au cœur sa sanglante arrogance,

Mais tu patientas, tant que par ta prudence

Tu sortis du danger ; qui sans doute i'alloit

Exposer à la mort. Ainsi donc il parloit

Reprenant son courroux, toutesfoi le courage

Sans cesse là dedans luy boilloit de rage.

N n iij

Comme vn qui veut griller sur les charbons ardans  
 Vn boyau plein de gresse & de sang au dedans,  
 Le tourne incessamment & de costé & d'autre,  
 Luy tardant qu'il soit cuit: Vlysse ainsi se veautre  
 Tantost çà tantost là, rumine dessus tout  
 Le moien qu'il tiendra pour seul venir à bout,  
 De tous ses ennemis. Estant en ceste peine  
 Minerve descendit de la voute hautaine,  
 Et le presente à luy, de face & vestement  
 Quelque femme d'atours semblant entierement,  
 Puis près de son cheuet luy parle fauorable.

Pallas  
 vient  
 vers luy

Que t'affliges tu tant, ô le plus miserable  
 De tous les malheureux ! la maison que voicy  
 N'est-elle pas à toy ? N'est-ce ta femme aussi  
 Celle qui est ceans ? & ton fils tel en somme  
 Que le pourroit iamais souhaitter aucun homme ?

L'accou  
 rage &  
 fait re-  
 soudre.

A laquelle Vlysses, ô diuine Pallas  
 Ce que tu dis est vray : mais ie ne laisse pas  
 D'estre en peine pourtant, comme il sera possible  
 Que ie combatte seul celle troupe nuisible  
 D'impudens poursuiuans, & qui sont mesmement  
 Tous ensemble toujours. Ie songe encor comment,  
 Et où i'eschapperay, si contre ton enuie  
 Et du grand Iupiter ie leur oste la vie,  
 Di-le moy ie te pry. Chetif & malheureux,  
 Luy respond brusquement la Deesse aux vers yeux,  
 L'amy pour son amy travaille, peine & veille,  
 Et bien qu'il ne le veille encore le conseille,  
 Et moy qui suis Deesse, ay ordinairement  
 Soin de tes actions, n'auray le iugement

De te bien conseiller ? Or si cinquante armées  
 De langage diuers contre nous animées  
 Nous venoient assaillir pour nous donner la mort,  
 Toutesfois avec moy tu serois assez fort  
 Pour leur donner la chasse, & malgré eux encores  
 Enlever leurs brebis & leurs bœufs & leurs tores.  
 Dors donc tant seulement & chasse toute peur,  
 Tu sortiras bien tost de toute ta douleur.

Luy en-  
 voye le  
 dormir

Elle dit, & soudain une pesanteur douce  
 Luy donne de dormir, puis dans le ciel se pousse.

Ainsi donc Vlysses doucement sommeilloit,  
 Mais de l'autre costé Penelopé veilloit  
 Son mary regrettant, & regrettant sans cesse.

Mais lasse de pleurer, voicy qu'elle s'adresse

A Diane soudain. Fille de Iupiter,

Dit-elle, te pleust il presentement m'ôster

La vie avec ton arc, fichant dans mes mammelles

Les coups plus dangereux de tes fleches mortelles,

Ou bien qu'un tourbillon soufflant cruellement

Me brandisse dans l'air, me pousse vistement

Et sans nulle pitié, dans les bocles hideuses,

Et parmy les courants des grands mers écumeuses,

Comme firent jadis les torrens furieux

Les filles de Pandare, & noyerent les Dieux

Et leur pere & leur mere és creux des eaux marines.

Les pauverettes helas, resterent orfelines,

Venus finalement compassion en prit,

Et de lait & de miel & de vin les nourrit,

Et Iunon les voulut douër par excellence

Sur les femmes d'alors de beauté & prudence,

Penelo-  
 pe veille  
 & prie  
 Diane  
 de luy  
 donner  
 la mort.

Les filles  
 de Pan-  
 dare.



Diane la grandeur, la taille leur donna,  
 Et Pallas au mestier d'ouurer les façonna  
 Toute sorte d'ouvrage. Apres Venus la blonde  
 Vole vers Iupiter, dont le foudre qui gronde  
 Arme la forte main, voulant les marier  
 Et selon leur merite & gloire apparier,  
 Et de fait grandement son pere en importune,  
 ( Luy qui cognoist la bonne & mauuaise fortune  
 Et ce qui doit venir aux malheureux humains )  
 Mais comme elle estoit là, les odieuses mains  
 Des harpies desia les luy auoient rauies,  
 Les donnans pour seruir aux infames furies.  
 Me puisse perdre ainsi le plaisir des grands Dieux,  
 Ou Diane la belle aux ondoyans cheueux  
 Tire sur moy son arc, & sa fleche m'enferme,  
 Afin que tant plustost ie descende sous terre  
 Pour voir mon Vlysses, & qu'ô cruel ennuy,  
 Ie ne sois mariee à vn pire que luy,  
 Et ie ne resiouisse vn homme haïssable.

Encor est-ce à quelcun vn malheur supportable  
 Quand il n'a que le iour pour ses yeux arroser,  
 Et que la nuit au moins il se peut reposer  
 Quand le sommeil le prend, sommeil qui red' passees  
 Les incommoditez aux humaines pensees,  
 Et leur fait oublier le bien semblablement.  
 Mais ie ne puis dormir la nuit aucunement,  
 Et quelque mauuais ange encor m'a tourmentee  
 Ceste nuit en songeant, quand il m'a presentee  
 L'image d'Vlysses mon espoux & mon Roy,  
 Et, si l'a fait coucher me semble aupres de moy.

Tel qu'il estoit au temps qu'il alla contre Troye.  
 Mon ame ce pendant en a eu quelque ioye,  
 Et n'eusse iamaïs dit que c'eust esté le vain  
 D'un songe deceuable, ains l'effect tout certain.

Elle acheuoit de dire, & l'aube matiniere  
 Dessus le mesme instant commença sa carriere,  
 Et le diuin Vlysse ouyt d'où il estoit  
 De sa femme la voix, comme elle lamentoit:  
 Laquelle il recongneut, & la pensa si preste  
 Qu'il la cuidoit ouir au dessus de sa teste.  
 Lors il prend sa couuerte & tout ensemblement  
 Les peaux où il dormoit, les pose bellement  
 Sur un siege au dedans, sort dehors, & emporte  
 La peau de bœuf, puis prie au ciel en ceste sorte.

O pere Iupiter, si ie suis rapporté  
 En ma chere maison par vostre volonté,  
 Si vostre deité me ramene & me guide  
 Dessus ce mien terroir & aride & humide,  
 Apres m'auoir battu de beaucoup d'accidens,  
 Ie vous pry que quelqu'un de mes gens là dedans  
 M'enuoye maintenant vn mot à la rencontre,  
 Et Iupiter dehors quelque signe me monstre.

Il dit, & Iupiter favorable l'ouit,  
 Et d'un signe du ciel soudain le resioiit  
 Tonnant de la nuee & transparante & haute.  
 Du costé de dedans n'y eut non plus de faute,  
 Car il ouyt la voix d'une femme meulant,  
 Sur le froment & l'orge incessamment roulant  
 La pierre écrase-grains (car le grand capitaine  
 Les gens, & leur pasteur, auoit vne douzaine

Vlysses  
 oit la  
 voix &  
 les plain  
 tes, de  
 Penelo  
 pé.

Il sort  
 dehors  
 & prie  
 Iupiter.

Iupiter  
 l'excuse  
 & tonne

Oit la  
 plainte  
 d'une  
 des fem  
 mes de  
 dedans.

De femmes là dedans qui sans repos vouloient  
 La meule sur le grain, & le froment meuloient  
 Qui les hommes nourrit de sa moëlle douce,  
 Les autres s'endormoient, elle qui toujours pousse  
 A l'espaule le roc, n'auoit encor laissé  
 La besongne pourtant, mais son bras fut lassé  
 Et deuint foible en fin, si bien qu'elle s'arreste,  
 Et pour signe à son Roy eut la parole preste.

Iupiter, ce dit elle, ayant absolument  
 Sur les hommes & Dieux entier commandement,  
 J'ay oy de ton ciel bourdonner ton tonnerre,  
 Et ne voy nulle nuë, or accomply en terre  
 Ce signe de là haut, exauce quand & quand  
 Cela dont ie te vois miserable inuoquant:  
 Que ce soit aujour d'hy la derniere iournee  
 Que la bande insolente & trop desordonnee  
 De ces fiers poursuiuans, continuë l'excez  
 De leurs debordemens au palais d'Ulysses:  
 A leur occasion & genoux & iointures  
 Me sont tous déloüez, tournant ces meules dures,  
 Que doncques aujour d'hy soit leur dernier repas.

Ulysses  
 fait grãd  
 conte  
 des si-  
 gnes à  
 luy en-  
 voyez  
 de par  
 Iupiter,

Elle dit, & Ulysses en fit vn fort grand cas  
 Et du tonnerre aussi, car ce fut du carnage  
 Qu'il deuoit faire d'eux le signe & le presage,  
 Des seruanes le reste aussi tost accouroit  
 Et rallumoit par tout le feu qui se mouroit,  
 Qui fit que Telemaque & se leue & s'habille,  
 En iettant dessus luy sa vesture gentille,

Telemaque  
 chus se  
 leue.

Son espee au costé, puis apres il pendit,  
 Mit ses souliers aux pieds, dedans sa main brandit

*Son puissant iavelot à la pointe affilée  
Puis descendu à bas il dit à Euryclee.*

*Nourrice, a-t'on eu soing de ce pauvre estranger,  
L'a-t'on accommodé, l'a-ton bien fait manger,  
Luy a-t'on fait vn liçt ? on tient fort peu de conte  
De luy s'ay-je grand peur (on deust mourir de honte :)  
Ma mere, bien que sage, en ce pendant n'a pas  
Consideration, car elle fera cas*

*Du premier malotru, qui se dit & se nomme  
Estre venu au loing, & de cest honneste homme  
Qui vaut mieux luy tout seul, que mille qui viēdrōt,  
Ils le laisseront là & conte n'en tiendront.*

*Auquel Euryclea sage & discrete femme;  
Ie n'en scaurois donner à ta mere aucun blasme.  
On l'a fait à son gré bien boire & bien manger,  
Et puis on l'a voulu nettement rechanger  
Et d'habits & de liçt, par le mandement mesme  
De ta mere, mais luy en son malheur extremes  
Comme estant de tout point pauvre & infortuné  
N'a point voulu de liçt, mais on luy a donné  
Pour liçt vn cuir de bœuf, & pour sa couuerture  
Force peaux de brebis pour chasser la froidure:  
Il a voulu coucher sur la porte au surplus,  
Et on luy a ietté des vestemens dessus.*

*Quand elle eut acheué, Telemachus sort viste  
Dehors, son dard en main, ses chiens suivent sa piste,*

*Euryclea se mit de rechef à parler  
Et leur disoit ainsi: Femmes, que l'on s'anance,  
Les vnes baloyez la sale en diligence,*

*demāde  
à Eury-  
clea  
quel  
soin a eu  
de son  
hôte.*

*Telema-  
chus  
sort. &  
va faire  
assembler  
le cōseil*

Et toute la maison, nettoyez, fourbissez,  
 Et les riches tapis sur les sieges dressez:  
 Les autres frottez bien des éponges les tables,  
 Escurez bien les pots & tasses delectables:

- D'autres allez à l'eau, courez diligemment  
 Jusques à la fontaine, & faictes viftement.  
 Car les beaux poursuiuans ne tarderont plus guere  
 De se trouuer icy pour faire bonne chere,  
 Il est feste aujour d'huy, & on leur faict festin.

Elle n'auoit pas dit qu'elles font tout soudain  
 Ce qu'elle commandoit, vingt vont à la fontaine  
 Pour apporter de l'eau, les autres prennent peine  
 D'accommoder bien tout. Les poursuiuans apres  
 S'en viennent à la file & se suivent de pres:  
 ( Les Vallés aussi tost ) vont au bois & le fendent,  
 Et les femmes de l'eau en la maison se rendent,  
 Le porcher vient aussi, amenant trois pourceaux  
 De tous ceux qu'il gardoit les plus gras & pl<sup>s</sup> beaux,  
 Et voyant Vlysses doucement luy demande:  
 Et bien, mon cher amy, ceste arrogante bande  
 De poursuiuans cruels, te void elle toujours  
 D'un regard de trauers, & fascheux & rebours?  
 Te disent ils tousiours & reproche & conuice?

Que ie prie aux bons Dieux, luy respondit Vlysse;  
 Eumee mon amy, qu'ils vengent viftement  
 L'oustrage que ces gens font tant insolemment  
 En la maison d'autrui, leur font rendre conte  
 Des rauages qu'ils font sans respect & sans honte.  
 Ils disoient, & quasi ne faisoient qu'acheuer,  
 Qu'ils virent le cheurier Melanthie arriuer,

Eumée  
 le por-  
 cher re-  
 vient en  
 Ithaque

Melan-  
 thius le  
 cheurier  
 y vient  
 aussi.

Amenant avec soy des cheures les plus belles,  
 Et en gresse & valeur surpassants toutes celles  
 Qu'il eust en ses troupeaux, deux garçons le suiua  
 Les touchoient, pour tuer, & que les poursuiuans  
 En peussent ce iour là saouler leur faim gloutonne.  
 Il les attache donc au portail qui resonance,  
 Et voyant Vlysses en colere il se mit,  
 Et mots iniurieux & reproches luy dit,  
 Te voicy donc encor ô coureur miserable,  
 Ne cesseras tu point d'importuner la table.  
 Des seigneurs que voicy, & troubler leur repas?  
 Ne nous lairras tu point? ne sortiras tu pas?  
 Nous ne serons long temps sans user de main mise  
 Si nous ne nous laissons: grande est ta gourmandise,  
 Et tu vas demandant trop irreueremment.  
 On donne ailleurs qu'icy, on mange abondamment  
 Chez les autres de Grece. A ceste outrecuidance  
 Vlysses ne dit mot, & garda le silence:  
 Il hochoit seulement la teste, & réuassoit  
 Comme il s'en vengeroit. Alors qu'il apperçoit  
 Venir pour le troisieme vn homme venerable:  
 C'estoit Philætius le bouuier amiable.  
 Vne tore sterile il auoit fait charger,  
 Et des cheures encor, c'estoit pour le manger  
 Des insolens amans: (les gens du pantonnage  
 Qui donnent sur les eaux aux autres le passage  
 Les amenerent là) il attacha aussi  
 Son bestail au portail, & puis s'enquist ainsi  
 Au porcher d'Vlysses. Eumæ qui est cet hôte  
 Qui a nouvellement pris pied en ceste coste,

Il dit en  
 core des  
 repro-  
 ches à  
 Vlysses.

Vlysses  
 se taisoit.

Philæ-  
 tius le  
 bouuier  
 vient en  
 Ithaque

*Et est logé ceans; De quelle nation,*

*Dit-il estre, & où est son habitation?*

*De quelle race est-il? Certes tout miserable*

*Qu'on le void, si a-t-il d'un Prince venerable*

*„ Le port & la façon. Mais les Dieux tout puissans*

*„ Vont souz de grâds malheurs les hōmes terrassās.*

*„ Rēuersēt les humains, & n'espargnēt pas mesmes*

*„ Les Rois, leur ourdissans des miseres extremes.*

*Si dit Philētius, puis luy tendit la main,*

*Et le vint salüer d'un parler fort humain.*

Philētius à *Tu sois le bien venu, Dieu te gard ô bon pere,*

Vlysses *Te soit d'oresnauant la fortune prospere*

le bien- *Auec plus de moyens, pource que maintenant*

veignāt *La misere & le mal te vont fort talonnant.*

*Certes, ô Iupiter, ie suis contrainct de dire*

*Que tu regnes là haut de tous les Dieux le pire,*

*Tu n'as nulle pitié des debiles humains*

*Que tu as engendrez, leur versant de tes mains*

*Miseres & douleurs. Quand ie te considere*

*Ie ne me puis tenir de respandre, mon pere,*

*Infinité de pleurs, en me ressouenant*

*De mon Prince Vlysses. Peut estre maintenant*

*Est-il ainsi que toy vagabond, miserable,*

*Et portant dessus soy un vestement semblable,*

*S'il vit encore au moins, du Soleil iouissant:*

*Mais s'il est descendu souz l'enfer passissant*

*Helas! moy malheureux de viure apres Vlysse,*

*Luy qui petit enfant me prit, à son service,*

*Me tira du pays des Cephaleniens,*

*Me commit sur ses bœufs, & sur ses autres biens,*

Dont le tout tant prospere & en telle abondance  
 Ses troupeaux large-front viennent en accroissance  
 Que l'on ne les scauroit ailleurs mieux desirer.  
 Mais d'autres maintenant les viennent deuorer,  
 Me forcent d'emmener mes bestes d'ordinaire  
 Pour leur couper la gorge, & leurs bāquets en faire:  
 Ils méprisent son fils, & les audacieux  
 Mesmes ne craignent point les puissances des Cieux.  
 Mangeans iournellement & destruisant sans cesse  
 D'un Roy long temps absent le bien & la richesse,  
 J'ay resué fort long temps en mon entendement  
 Si ie deuois d'icy m'oster entierement,  
 Et cerchant autre part condition meilleure  
 Abandonner ma charge auant que son fils meure  
 Bien que ce fust malfaict, & ailleurs me ranger  
 Où ie ne peusse point courir vn tel danger,  
 En gardant les troupeaux en lieu plus fauorable,  
 Car ie voy ceste Cour du tout intollerable,  
 Et l'eusse desia faict n'estoit que i'ay touiour  
 Espoir qu'il reuiendra encores quelque iour,  
 Qu'il fera de ces gens exemplaire vengeance,  
 Et se ressentira de leur outrecuidance.

Vlysses à ces mots, Je cognois que tu n'es  
 Mal aduise d'esprit, ny de propos mauuais,  
 Mais plustost que tu as iugement & prudence.  
 C'est pourquoy ie te dy & te iure, en presence  
 Du puissant Iupiter le principal des Dieux,  
 La table hospitaliere & les propices lieux,  
 La maison d'Vlysses, son palais tutelaire,  
 Auquel on m'a receu d'accueil si debonnaire,

Vlysses  
 à Philæ-  
 tius.



Certes en ta presence *Vlysses* reuiendra,  
 Dans le sang de ces gens son espee il teindra,  
 De tes yeux, si tu veux, tu le verras toy mesme :  
 Croy-le, ie le te iure en mon serment supresme.

Alors *Philatius*: Dieu te vucille exaucer  
 Mon hoste mon amy, certes tu peux penser  
 Comme tout s'ensuiuroit de cœur & d'assurance  
 En ce qui dependroit de mon peu de puissance.  
 Le porcher promettoit qu'il feroit son denoir,  
 Prians Dieu que bien tost *Vlysses* pust reuoir  
 Sa maison en bonheur. Et tandis qu'ils deuinent,  
 Les poursuiuant ailleurs conspirent & machinent  
 La mort à *Telemaque*, & sur ce pensément  
 Vn Aigle vint à eux volant hastiuement  
 A gauche dans le Ciel, & l'oiseau du tonnerre  
 Tenoit estroittement vn pigeon en sa serre.

Les  
poursui  
uans ma  
chinent  
la mort  
à Tele  
machus

Alors *Amphinomus*. Ce que vous conspirez  
 Ne reüssira pas, soyez en assurez.  
 Laissons donc ce dessein, & nous en allons boire.  
 Il dit, & vn chacun fut d'aduis de le croire  
 Et suivre son conseil. S'estans donc que leuez

Vn ai  
gle  
pour  
presage

Ils viennent au chasteau, où estans arrivez  
 Ils iettent vistemēt leurs manteaux sur les chaises,  
 Et sur les riches lits se mettent à leurs aises,  
 Puis s'en vont egorger & Cheures & pourceaux.

Amphi  
nomus  
sur le  
presage

La toire & les moutons, leur depouillent les peaux  
 Grillant sur les charbons par pieces la ventraille,  
 Versent le vin és pots, que le porcher leur baille,  
 Sur la table seruoit le pain *Philatius*,  
 Et le vin puis apres versoit *Melanthius*.

Conti  
nuation  
des in  
soléces  
des  
poursui  
uans.

Eux se sont mis à table, & les mains ont ictées  
 Sur les plats, où estoient les viandes apprestées:  
 Lors que Telemachus à part soy meditant  
 Moyen de les surprendre, & leur mort complotant,  
 Fit asséoir Vlysses au dedans de la salle,  
 Mais dessus les carreaux & sur un siege sale:  
 Puis il luy fit porter sur une table à part  
 Petite, & pour luy seul sa portion, sa part  
 De ce qui estoit cuit, & d'or une grand' coupe  
 Luy fit emplir de vin, devant toute la troupe  
 Et luy parla ainsi. Or va t'asseoir, & boy  
 Avec la compagnie, & t'assure sur moy  
 Que qui entreprendra de t'outrager, & faire  
 Ne tort ne déplaisir, m'aura pour aduersaire,  
 Je m'y opposeray: Cecy n'est nullement  
 Vne maison publique, elle est entierement  
 A mon pere Vlysses, & il me l'a bastie,  
 Vous doncques, poursuiuans, retenez, ie vous prie,  
 Vos langues & vos mains, que nous n'ayons icy  
 Question entre nous. Il leur parloit ainsi.  
 Eux se mordoient la lèvre, & fremissoient de rage  
 Dequoy Telemachus parloit d'un tel courage,  
 Et s'en estonnoient fort, en leur cœur dépité,  
 Alors Antinoüs qui fut fils d'Epithé.  
 Tolerons, leur dit-il, ô Princes de la Grece,  
 Ce beau Telemachus; & ses mots de rudesse,  
 Vous oyez, vous voyez qu'il nous menace fort, ,  
 Mais il y a long temps qu'il deuroit estre mort  
 Pas ne nous l'a permis le haut fils de Saturne.  
 Il est beau harangueur, mais il nous importune:

Telema-  
 chus  
 medite,  
 de les  
 surpren-  
 dre, &  
 mettre à  
 mort.

Il parle  
 brauc-  
 mét aux  
 pourlui-  
 uans.

Antima-  
 chus à  
 eux.

*Si dit Antinoüs, mais le Prince gentil  
 Ne se soucia pas beaucoup de son habit,  
 Et desia les Heraults conduisoient par la ville  
 L'hecatombe sacree, & l'assemblée habile  
 Des Grecs aux longs cheueux assembloit ce-pendant  
 Dedans le bois sacré d'Apollon loing-dardant,  
 Où apres que les chairs furent tresbienrosties,  
 Et qu'ils les eurent bien en pieces departies,  
 Le conuiue fut faiët fort magnifiquement,  
 Et ceux qui les sermoient porterent gentiment  
 A Vlysses sa part, & semblable & égale  
 Aux autres portions de la troupe Royale,  
 Car Telemach' ainsi leur auoit commandé.  
 Or Pallas ne vouloit que leur train débordé  
 En rien diminuast, que plus sages deuinsent,  
 Et non plus que deuant leurs outrages retinsent  
 Afin de tant plus fort irriter Vlysses,  
 Et rendre de tant plus odieux leurs excès.  
 Entr'eux donc conuersoit vne homme incompatible,  
 Hautain, outrecuidé, & superbe au possible,  
 Ctesippe estoit son nom, de Samos il venoit,  
 Et pource que son pere estoit riche, il tenoit  
 Tant de luy, qu'il osa entrer en la poursuite  
 De la femme d'Vlysse estant pour lors en fuitte,  
 Et depuis tant de temps. Il leur dit donc ainsi.  
 Oyez moy Princes Grecs qui banquetez icy,  
 Desia cet honneste homme a eu sa part égale  
 Aux autres portions de la troupe Royale,  
 De l'en aller frustrer ce n'est pas la raison,  
 Ny de rien arracher à ceux qu'en sa maison*

Sacrifi-  
ce &  
conuiue.

Pallas  
fait que  
les pour  
suiuans  
augmē-  
te leurs  
insolen-  
ces.

Ctesip-  
sippus.

Telemaque a receu, c'est chose intolerable.  
 Or luy veux-je enuoyer vn present honorable  
 Et d'hospitalité, qu'il donne aussi le vin  
 S'il luy plaist au garçon qui appreste le bain  
 Ou auquel qu'il voudra de ceux qui font seruice,  
 Et qui sont demeurans en la maison d'Vlysse.

Il prit vn pied de bœuf, ce disant, qu'il osta  
 De dedans le panier, tant qu'il put, luy ietta,  
 Vlysses appercent venir ceste tempeste,  
 Et le coup éuita baissant vn peu la teste:  
 Riant ce-temps d'un ris sardonien,  
 Le pied de bœuf frappa le paroy ancien.

Adonc Telemachus luy parla de menace:  
 Bien t'a pris Ctesippus, Dieu t'a fait belle grace  
 Que tu ne l'as atteint, que ton coup a passé,  
 Ie t'eusse sans faillir de mon dard transpercé,  
 La nopce t'eust esté fort triste, fort amere,  
 Au lieu d'elle, vn tombeau ceans t'eust fait mon pere.  
 Qu'on ne me face plus ces insolences là,  
 Ie veux bien qu'on le sçache, & tous ceux que voila  
 Ceans en ma maison. I'ay aage & cognoissance,  
 Ie ne suis plus enfant, i'ay prou de suffisance  
 Pour sçauoir discerner le mal d'avec le bien.  
 Ie me lasse de voir ainsi manger mon bien,  
 I'ay souffert iusque icy, comme à la boucherie  
 Escorcher mes troupeaux, i'ay veu la mangerie  
 Qu'on a fait de mes bleds, on a beu tout mon vin,  
 Car vn seul contre tant resisteroit en vain.  
 Mais faites mieux pour moy, n'vsez plus de menace,  
 Et ne me brauez plus. Que si quelqu'un pourchasse

Ctesippus  
 iette vn  
 pied de  
 bœuf  
 pour  
 frapper  
 Vlysses.

Vlysses  
 se de-  
 stourne  
 du coup.

Telemachus vsc  
 de mena-  
 ces à Cte-  
 sippus.

*Ma mort, donnez la moy, desja ie le voudrois,*

*Et me seroit meilleur de mourir une fois*

*Que de voir plus chez moy ces actes tant infames,*

*Oustrager mes amis, & villener les femmes*

*D'une honneste maison. Ces propos il disoit*

*De grande affection, & chacun se taisoit.*

Agelaüs En fin Agelaüs vint rompre le silence.

modere *Que personne, messieurs, ie vous pri', ne s'offence*

les affai- *De ce qu'il nous a dit, il a quelque raison:*

res.

*Il faut certes porter respect à sa maison,*

*N'oustrager ny ses gens, ny quiconq' se retire*

*Chez luy à seureté. Mais ie te veux bien dire*

*A ta mere & à toy une parole à part,*

*Prenez la s'il vous plaist de moy en bonne part:*

*Tandis que vous estiez encor' en esperance*

*Qu'Ulysses reuerroit sa douce demeurance,*

*Et qu'il retourneroit encor' un iour icy,*

*N'y auoit nul propos que tous ceux que voicy*

*S'arrestassent ceans, (estant plus honorable*

*Qu'il trouuast sa maison en estat conuenable.)*

*Mais puis que c'est vn poinct certain & assuré*

*Que son retour s'en va du tout desespéré,*

*Vat'en trouuer ta mere, & dy luy ie te prie,*

*Qu'elle sorte de trouble, & qu'elle se marie*

*A celuy d'entre nous qui le plus luy plaira,*

*Et qui plus de presens & de biens luy fera:*

*Ce faisant te voila sans fascherie aucune,*

*Sans que l'on te moleste & que l'on t'importune,*

*Tu seras seul chez toy, boiras & mangeras*

*Ton bien, ton reuenu, & te reposeras,*

Et elle s'en ira faire ailleurs le mesnage  
De celui qui l'aura. A qui le Prince sage.

Je iure Agelaüs, ô fils de Damnestor,  
Par le grand Iupiter, par les travaux encor  
De mon pere Vlysses qui est mort, ou qui erre  
Astre en quelque endroit, loing d'Ithaque sa terre,  
Je n'empeschera point de se remarier  
Ma mere à qui voudra, mais ie l'en vay prier,  
Luy dire, & l'en presser de toute ma puissance,  
Et mesmes luy feray presens en abondance.

Mais de l'aller chasser contre sa volonté  
Je ne l'oserois pas, c'est un poinct arresté  
Et Dieu m'en gard' aussi. Ayant fini de dire  
Ils se prirent soudain tant qu'ils estoient à rire,  
Si demesurément qu'ils en estoient tous las,  
Et hors de leur bon sens. La Deesse Pallas  
Les pouffoit à cela, les mettoit en deroute,  
Et leur troublait l'esprit: on eust pensé sans doute  
A les voir esclater, qu'ils rioient proprement  
Des machoires d'autrui, les chairs que goulument  
Ils mangeoient, distilloient sur leurs levres sanglantes,  
Leurs yeux estoient enflés de larmes décollantes,  
Semblans prognostiquer leur malheur aduenir.

Telema-  
chus à  
Agelaüs

Les  
pour sui-  
uans se  
rien de  
ce que  
dit Te-  
lema-  
chus.

Pallas  
les y in-  
cite

Theo-  
clyme-  
nus an-  
nonce  
mal-  
heur  
aux  
pour sui-  
uans.

Lors Theoclymenus ne se put plus tenir  
Qu'il ne leur dit ainsi: O pauvres miserables  
Qu'allez vous deuenir? Signes espouventables  
D'une funebre nuit vos testes vont poissant,  
Vous ennublent vos yeux, sous eux vont tremoussant  
Vos iarests, vos genoux, gémissemens horribles,  
Espouventables cris, & hurlemens terribles

S'entassent l'un sur l'autre, & pleurs cōme un estāg  
 Tombent sur vostre barbe, & ja voit-on le sang  
 Humeeter les parois & les cloisons des salles :  
 On ne void sur le seuil que simulacres pasles  
 Des ombres de la mort, Erebe noircissant  
 Et le Soleil du Ciel tombant & ternissant,  
 Vn broüillas plus espais que l'on ne sçauroit dire.  
 Il disoit, & chacun se prit tresfort à rire,  
 (Tenans ce qu'il disoit pour mensonge & abus,)

Euryma-  
chus le  
rabrouë

Alors Eurymachus le fils de Polybus,  
 Ce venude nouveau radotte, qu'on le prenne,  
 Qu'on le iette dehors, qu'il voise & se promene  
 Vn peu sur le marché : il parle obscurément,  
 Et on ne l'entend point, auquel consequemment  
 Dit Theoclymenus. Pour sortir par la porte,  
 Non ie n'ay nul besoin que tu me donne escorte,  
 I'ay bon pied & bon œil, i'ay bonne oreille, & si  
 Ie ne manque d'esprit pour sortir hors d'icy:  
 De faict i'en sortiray, car ie voy, ie deuine  
 Sur tant que nous voicy & malheur & ruyne,  
 Vn seul n'eschappera qui face trahison,  
 Et qui commette excez dedans ceste maison.

Ce disant il s'en sort de la maison muree,

Traicts  
de gaus-  
serie des  
poursui-  
uans à  
Telema-  
chus.

Et s'en alla trouuer incontinent Peirae,  
 Qui fort bien le receut. Eux s'entre-regardoient,  
 Morguoient Telemachus, se rioient, & lardoient  
 Et ses hostes & luy. Lors un se prit à dire,  
 O bon hospitalier, certes voicy le pire  
 Que tu eusses iamais chez toy peu heberger,  
 Ce n'est qu'un mort de faim, il ne faict que manger

*Et ne se saoule point, sans fin, sans interualle,  
 Sur le pain, sur le vin il deuore, il auale,  
 Poids de terre inutile, vn trotteur, vn coureur,  
 Et qui ne s'entremet de faire nul labeur.*

*L'autre contrefaisant l'entendu & le sage:  
 Si tu me voulois croire, & tel fust ton courage,  
 Nous les saisirions tous, nous les attacherions  
 Liez sur une barque, & puis les enuoirions  
 En Sicile par mer, pource qu'ils le meritent.*

*Tant qu'ils peuvent, ainsi Telemaque ils irritent,  
 Mais il n'en faisoit cas, sans plus il regardoit  
 Attentif à son pere, & tousiours attendoit  
 Qu'il luy fist le signal de l'heure conuenable  
 Qu'il se faudroit ruer sur la troupe damnable:*

*Mais la fille d'Icar pres de la salle estoit,  
 Et tous ces beaux discours ayssément escoutoit  
 Sur vn tres-riche siege. Or ils recommencerent  
 D'apprester à manger, & leurs vis rehaussèrent,  
 Puis se mirent à table & saoulans leur desir  
 Semirent à manger, pleins d'extrême plaisir.  
 Mais onc soupper ne fut de digestion telle  
 Que leur en appresta la guerriere pucelle,  
 Et le fort combattant, le diuin Vlysses:  
 Car ils auoient premiers commencé les excez.*

Fin du vingtiesme Liure.





L E  
VINGTVNIESME  
LIVRE DE L'ODYSSEE  
D'HOMERE.

A R G V M E N T.

**P**Enelope propose l'exercice de l'arc aux poursuivans , & promet d'espouser celui qui le parfera. Ils s'y essayent, & n'en peuvent venir à bout. Contention suruient sur ce qu'Vlysses le demande pour l'essayer. Ce que les poursuivans empeschent, & le menacent. Telemachus commande à Eumæus de luy porter , Vlysses le prend, le bande, tire & passe la fleche par les trous.

---

A U T R E S O M M A I R E.

*L'arc est mis en auant à l'amoureuse bande,  
Ils y faillent trestous, mais Vlysses le bande.*



*P*allas mit au cœur de la fille d'Icare  
La sage Penelope en pudicité rare  
D'exposer en auant le rude passe-temps  
Du fer clair , & de l'arc, mort & perte portans

*Aux Princes amoureux. Elle ne fait donc faute  
 De monter viftement dedans fa chambre haute.  
 La def toute d'airain belle & bien faicte prend,  
 Dont l'ynoire ouragé l'aneau plus riche rend:  
 Ouvre le cabinet plus caché, plus derriere,  
 Où fuiu'e elle fe faict de mainte chambricre.  
 Là du Roy fon espoux estoit tout le threfor,  
 Le fer elabouré, l'airain, l'argent, & l'or,  
 Et avec l'arc courbé, le carquois & fes armes  
 Qui tousiours ont porté douleurs, fouspirs, & larmes,  
 Dons qu'en Lacedemon luy fit auparauint  
 Par hospitalité luy venant au deuant  
 L'Eurytide Iphitus aux Dieux d'enhaut semblable.  
 Ils se trouuerent lors par rencontre agreable  
 En Messene tous deux, tous deux ayans accèz  
 Chez le fort Ortiloch. Au regard d'Vlyffes  
 Il y estoit allé pour r'auoir vne prise  
 Dessus vn peuple entier qu'on auoit sur luy prise.  
 Car les Messenien's dessus les Ithaquois  
 En courant sur la mer auoient pris vne fois.  
 Quelques trois cens brebis, & les auoient iettees  
 Auecques les bergers dessus leurs naufs voutees.  
 Vlyffes par son pere & les autres plus vieux,  
 Auoit pour lors esté delegué deuers eux,  
 Et tout au mefme instant Iphitus par la pleine  
 Cherchoit douze iuments dont il estoit en peine,  
 Et perduës pour luy, avec quelques mulets,  
 Qui le firent depuis tomber dans les filets  
 D'une cruelle mort, dès que le miserable  
 Eut trouué Hercules, le fort, l'inimitable,*

Arc &  
 car-  
 quois  
 d'Vlyf-  
 fes.

Le fils de Iupiter, qui dedans sa maison,  
 Bien qu'il y fust logé, le tua sans raison.  
 Misérable qui n'eut en reuerence aucune  
 Ny la crainte des Dieux, ny la table commune  
 Où ils auoient mangé tous deux ensemblement,  
 Qu'il ne le fist pourtant mourir cruellement,  
 Retenant les iuments, qu'il eut par iniustice.  
 Ce fut en les cherchant qu'il rencontra Vlysse,  
 Et luy fit don de l'arc, que le grand Eurytus  
 Auparauant porta, & son fils Iphetus  
 Luy mort en herita, Vlysse en recompense  
 Luy donna un espee & une belle lance,  
 Triste commencement d'hospitalier amour  
 Commencé entre eux deux, car onc depuis ce iour  
 Ensemble ils n'ont mangé : la cause en fut, qu'Alcide  
 Le preuint, en tuant Iphitus l'Eurytide,  
 Accomparable aux Dieux, qui (en Lacedæmon)  
 Au fils de Laërtes de l'arc auoit faiët don.  
 Le diuin Vlysses en allant à la guerre  
 Ne le voulut iamais porter hors de sa terre  
 Sur ses vaisseaux poissez, mais il le reseruoit  
 Chez luy pour l'amitié si chere, qu'il auoit  
 Portee à son amy. Or la Reyne diuine  
 Deuers ce cabinet pour l'auoir s'achemine  
 Monte les escaliers de chesne, que jadis  
 Le charpentier expert auoit faits, & polis  
 Et tirez à la ligne, auoit taillé l'entree  
 Et le seuil, & dedans la porte auoit encree.  
 La boucle du cordon délia promptement:  
 Mit la clef dans le trou, & branlant bellement

Penelo-  
 pe va au  
 cabinet  
 d'Vlyf-  
 ces.

La forte porte ouurit , qui fremit & qui crie  
 De mesme qu'un Taureau paissant par la prairie.  
 De la mesme façon la porte resonna,  
 Aussi tost que la clef dans le ressort tourna,  
 Et fut soudain ouuerte , & la Reyne fut prompte  
 D'y entrer aussi tost, & quant & quant s'en monte  
 Sur les entablemens, où maints coffres estoient,  
 Et dedans les habits qui le musque sentoient.  
 Puis estendant la main du rattelier arrache  
 Le bel arc, & d'aupres la trouffe elle détache  
 Luisante extremement , & s'asseyant tout loix  
 Pleurant amerement, les mit sur ses genoux.  
 Quand elle vid qu'elle eut pleuré sa suffisance,  
 Elle prit l'arc du Roy & le reste, & s'advance  
 Deuers les poursuiuans, entre ses mains tenant  
 Et l'arc & le carquois les fleches contenant  
 En grande quantité, & portoient apres elle  
 Les femmes du logis la cassette bien belle,  
 Où le cuyure luisant , & le clair fer estoit  
 Et les haches encor où le Roy s'esbatoit  
 Et prenoit son plaisir. Quand la Reyne des femmes  
 Fut venue où estoient les poursuiuans infames,  
 Sur le seuil de la porte elle arresta ses pieds,  
 Contre sa face mit ses voiles deliez.  
 Ses femmes se tenans tousiours à l'entour d'elle,  
 Puis fit à l'assistance une harangue telle.  
 Escoutez mon dessein vous qui me demandez,  
 Et superbes & fiers mangez & gourmandez  
 Depuis long temps le bien d'un homme en son absence  
 Sans moderation , sans honte & continence,

En reti-  
 re l'arc  
 d'Ulyf-  
 ses.

Penelo-  
 pe pro-  
 pose le  
 icu &  
 l'exerci-  
 ce de  
 l'arceau  
 pour sui-  
 uans.

Tant estes transportez du desir de m'auoir:

C'est que presentement ie vous veulx faire voir  
Vne esprouue, vn combat, & le ieu d'exercice  
Où souuent s'esbatoit le magnanime Vlysse.

C'est cet arc grand & fort, qui bander le pourra,  
Et par ces douze aneaux la fleche passera:

Ie suiuray celui-là, ceste maison ornee

Laisseray, où ie fus en ieunesse amenee:

Helas ! où i'ay usé mon temps & ma beauté,

De richesses comblee & de felicité.

La memoire à iamais m'en sera eternelle,

Mesmes en y songeant. Ce disant elle appelle

Eumee le porcher, luy faict commandement

De leur porter à tous l'arc, & l'ébatement

Eumee  
& Phi-  
læti-  
us  
pleurēt  
voyāts  
l'arc de  
de leur  
maistre

Du fer clair & fourby. Il le prend & leur porte,

Non que de ses deux yeux mainte larme ne sorte:

Et le maistre bouvier d'autre part à part soy

Souspiroit grandement voyant l'arc de son Roy.

Qui faict qu'Antinoüs les reprend & les tanse,

Et leur tint ces propos de grande outre-cuidance.

Badins de payfans qui n'estes soucieux

Antino-  
üs  
les tanse

Que de ce qui paroist tous les iours à vos yeux,

Malheureux, qui vous fait espandre tant de larmes?

Pour quelle occasion donnez vous tant d'alarmes

A ceste pauvre femme, ayant assez d'ailleurs

De sujet de se fondre en souspirs & en pleurs,

Depuis le iour qu'elle a perdu toute esperance

De reuoir son mary perdu pour assurance?

Mais sçanez vous que c'est, mangez si vous voulez

Sans bruit & sans rumeur, ou sortez & allez

Lamenter là dehors, laissant au plus habile  
 De nous de s'essprouver à cet arc difficile.  
 Mais ie ne pense pas que l'on le puisse ainsi  
 Bander & manier: personne n'est icy  
 Tel qu'estoit Vlysses en force & en puissance,  
 Ie l'ay veu & i en ay tresbonne souvenance,  
 Tout enfant que i'estois. Ces propos il disoit,  
 Ce pendant en son cœur à croire il se faisoit  
 Qu'il pourroit bander l'arc & passer les sagettes  
 Si tost qu'il tireroit, par les trous des boucletes.  
 Mais c'estoit bien plustost qu'il devoit, sans mentir,  
 La fleche d'Vlysses le premier ressentir,  
 Dont il deshonoroit par son outre-cuidance  
 Le trosne & la maison, & poussoit à la dance  
 Ses autres compagnons. Telemachus alors  
 La parole prenant mit ces propos dehors:  
 O pauvre, pour le vray Iupiter m'a faict naistre  
 Sans grand entendement, (ie le fay bien paroistre)  
 Car ma mere que i'ayme & que i'honoré tant  
 Bonne & sage qu'elle est, me laisse nonobstant,  
 Son fils, & sa maison quitte, se remarier,  
 Et depourueu d'esprit il faut que ie m'en rie.  
 Mais puis qu'il est ainsi, & que voicy le point  
 D'acquérir vne femme, à qui certes n'est point  
 Sa semblable en valeur en toute la contree  
 D'Achaïe, en Argos, en Pyle la sacree,  
 En Micene, en Epire, & sans aller si loin  
 Non pas mesme en Ithaque, & qu'est-il de besoin  
 De chanter le merite & la loüange extrême  
 De ma mere en ce lieu? (vous le sçavez vous même.)

Telemachus in-  
 cite les  
 pour sui-  
 uans à  
 l'exerci-  
 ce de  
 l'arc.

Puis qu'il est donc ainsi, venez & comencez,  
 Ne vous excuscz point, & ne tergiverser,  
 Voyons qui seront ceux qui auront le courage  
 D'entrer en cest esbat, sans tarder davantage:  
 Moy i en veux estre aussi: si ie le puis bander  
 Et au trauers des ronds la sagette darder,  
 Ie n'auray mal au cœur que ma mere me laisse,  
 Ie n'auray pas regret qu'ailleurs elle s'adresse,  
 Quand i ensuiuray mon pere & que ie seray seür  
 De n'estre de ses faits indigne successeur.

Il s'y  
 veut es-  
 gayer le  
 premier

Ce disant il se leue & dispotement saute.  
 Son manteau de dessus ses espauls il oste,  
 Son espee au costé pendit superbement,  
 Puis commença le ieu, donc tout premierement  
 Il renga les aneaux, & creusit vne place  
 Pour les loger trestous, & dedans ceste espace  
 A la ligne les renga: vn esbahissement  
 Les saisit, le voyant faire si proprement  
 Vne chose à leurs yeux, qu'il n'auoit iamais faite:  
 Ayant accoustré tout, lors en place il se iette,  
 Commence à prendre l'arc. Trois fois il l'enfonga  
 Comme prest à tirer, trois fois il le laissa  
 Afin de prendre haleine, ayant grande esperance  
 De tirer, & passer les fers. Il recommence  
 Pour la quatriesme fois, & de fait eust atteint,  
 Sans qu'Ulysses luy fit vn signe & le retint.

Il feint.  
 de ne l'a-  
 uoir  
 peu bâ-  
 der.

Adoncques il leur dit, ( helas ! quelle infortune,  
 Quel grand malheur me suit ? ) faut de deux choses l'une,  
 Ou que ie ne vaudray cy apres du tout rien  
 Que ie feray vn lasche, vn delicat, ou bien

Que ie suis ieune encore, & n'ay pas assez seure  
 La main pour repousser qui me feroit iniure:  
 Mais vous qui en roideur & force me passez  
 Tendez l'arc, & les traits dedans les ronds poussez.

Ily in-  
 uite les  
 poursu-  
 uans.

Quand il eut dit ainsi, doucement il se baïsse,  
 Sur les beaux aïx colez pose l'arc, & y laisse  
 La fleche viste & belle; & sa place reprend  
 D'où il estoit party; Lors à dire se prend  
 Alors Antinoüs. Or compagnons, de grace  
 Que donc chacun de nous se leue de sa place  
 Par ordre, en commençant par celuy iustement  
 A qui on a versé du vin premierement.

Antinoüs  
 aussi.

On fut de son aduis. Alors le fils d'Oenope  
 Leodes se leua le premier de la trope,  
 Il estoit leur deuin, & toujours il estoit  
 Au bas bout, & plus pres du buffet se mettoit,  
 Ennemy tout afaict de leurs façons de faire,  
 Toujours fâché contre eux, & toujours en colere.  
 Il prit l'arc le premier, sur le paue se mit,  
 Atteint à la saïette, & de tant se promet  
 Qu'il le pouroit bander, mais luy fallut se rendre,  
 Car son bras se lassa trop delicat & tendre.  
 Si dit aux poursuuans: ie me rends quant à moy,  
 Qu'un autre vienne icy: cest arc, ie le preuoy,  
 En priuera plusieurs & de vie & d'enuie,  
 Et seroit bien meilleur de perdre un coup la vie  
 Que de faillir viuant celle pour qui sans fin  
 Nous demourons icy, & l'esperons en vain.  
 Mais si quelcun pourtant se sent fort, & espere  
 D'espouser d'Ulysses la femme chaste & chere

Leodes  
 le pre-  
 mier l'es-  
 saye.



Il en  
quitte  
l'essay  
aux au-  
tres.

Qu'il s'en vienne à cet arc, mais qu'il y ayt esté  
Quelque temps, & qu'il vienne à voir d'autre costé  
Quelque Princeesse Greque entre les mieux vestuës,  
Qu'il quitte ceste cy & ses peines perduës,  
Demande l'autre à femme, & la Keyne au surplus  
Prenne le fortuné qui luy donra le plus.

Antino-  
le redar-  
gue.

Il quitta ce disant le fort arc admirable,  
Et se baissant un peu le posa sur la table,  
Et la vire au beau fer, puis sa place reprit  
D'où il s'estoit leué. Lors à dire se prit  
Encor Antinoüs, & griefuement le touche.  
Liodes, quel propos t'est sorty de la bouche?  
I'en suis fort irrité, que cet arc ce dis-tu,  
En prinera plusieurs de vie & de vertu?  
Pour ce que tu n'as peu à ton plaisir en faire?  
Mais ce n'est pas cela. C'est plustost que ta mere  
Faillit à te donner la force & la bonté  
De pouuoir à propos bander cet arc vouté,  
Et d'en lascher le trait, c'est chose toute vraye,  
Mais que quelque autre vienne apres luy, & l'essaye.  
Puis au maistre cheurier il tint ces propos cy.

Or sus Melanthius apporte nous icy :  
Force bois, fay bon feu, mets nous force escabelles,  
Et les couure de peaux & doüilletes & belles,  
Donne ordre puis apres qu'il nous soit apporté  
Del onguent de ceans en bonne quantité,  
Asin que bien chauffe & oints à toute force,  
Nous voyons qui aura plus d'adresse & de force  
Ceste ieunesse & moy, (qu'on estime si peu,)  
A manier cest arc & parfaire le ieu.

Dit qu'il eut, le cheurier faict en grand diligence  
 Bon feu, sieges apporte & dessus eux agence  
 Les delicates peaux. Apres il apportoit  
 De l'exquis oignement qui là dedans estoit  
 Vne tres-bonne masse : eux chauffez, s'en froterent  
 Et s'en allans à l'arc l'exercice tenterent,  
 Mais ils ne peurent pas le courber seulement  
 Tant lasches ils manquoient de force entierement.

Antinoüs pourtant n'entroit point en carriere,  
 Mais fin & cauteleux se tiroit en arriere,  
 De mesme Eurymachus les principaux tous deux  
 D'entre les poursuiuans & les plus hazardeux.

Or comme ils s'essayoyent à ce rude exercice,  
 Le bouuier bellement & le porcher d'Vlysse  
 Se suiuirent, sortans de la sale, où les Grecs  
 Prenoient leurs passe-temps, & Vlysses apres  
 Prenant occasion les suit en diligence.

Quand il les tint dehors, alors il leur commence  
 Ces propos gracieux. A vous seuls que voicy  
 Vous doi-je dire un mot? mais me tairay-je aussi?  
 Le cœur me dit pourtant que ie ne me doy taire.

Aimez vous Vlysses? ça, & de quel affaire  
 Seriez vous avec luy si fortuitement

Il suruenoit asteure & que presentement  
 Vn Dieu vous l'enuoyast? Seriez vous au seruice  
 Ou de ces poursuiuans, ou du diuin Vlysse?

Quel party prendriez vous? que vous en dit le cœur?  
 Dittes ouuertement. Car cest bien le meilleur.

Lors le bouuier des beufs. Le Dieu du haut empire  
 Parfist presentement ce que tu viens de dire:

Antinoüs  
 & Eurymachus  
 se tirent  
 arriere  
 l'exercice.

Eumèus  
 Philæti  
 & Vlysses  
 sortent de  
 la sale.

Vlysses  
 les es-  
 prouue.

396 LE VINGT-UNIÈME LIVRE  
Vint il cest homme là: un Dieu benin & doux  
L'amenaſt maintenant au beau milieu de nous,  
Tu verrois à leſſect, comme & de quel courage  
J'aurois la force au cœur & la main à l'ouvrage:  
Autant en dit Eumæe, inuoquant ardamment  
Les Dieux de ramener Vlyſſes promptement.

Vlyſſes  
les ayât  
ſondez  
ſe deſ-  
couure  
à eux.  
Les a re-  
cogneus  
ſeuls à  
luy fide-  
les.  
Quand Vlyſſes cogneut auoir à ſuffiſſance  
Sondé leur loyauté, de rechef il commence  
A leur dire en ces mots. Or donques me voicy  
Qui apres mille maux ſuis de retour icy,  
Me voicy reſchappé des eaux & de la guerre,  
Et dans le vingtième an reuenu dans ma terre,  
Dedans mon cher païs: & i'ay eu le loiſir  
D'eſprouuer que vous ſeuls auez ioye & plaiſir  
De tous mes ſeruiteurs de reuoir ma preſence.  
Ie n'en ay veu pas vn regretter mon abſence,  
Ne prier qu'Vlyſſes reuint finalement  
Sur le ſueil de ſon huis, que vous deux ſeulement.  
Mais ie vous iure auſſi choſe tres-veritable,  
Si Dieu met en ma main la bande de teſtable,  
De ces gens, & permet que i'en aye raiſon:  
Ie vous mariray bien, vous donneray maiſon,  
Grandes poſſeſſions vous ſeront departies,  
Et vos maiſons ſeront pres des miennes baſties,  
Et n'aurons à iamais moy ny mon enfant doux  
Ny freres, ny amis ſi reſpectez que vous.  
Mais ça, pour vous oſter de toute incertitude,  
Pour ne vous laiſſer plus en nulle inquietude,  
Et me faire cognoiſtre à vous ouuertement,  
Que ie vous face voir icy preſentement

Vne marque sur moy, & vous monstre la place  
De la place que j'eus sur le mont de Parnasse,  
Que me fit un sanglier, quand avecques ses fils  
Du fort Autolychus chassant ie le deffis.

Leur  
monstre  
sa cica-  
trice.

Ils l'em-  
brassent  
& le bai-  
sent.

Ce faict, il leur fit voir à plein sa cicatrice.  
Eux regardans de pres recogneurent Vlysse,  
Luy baisèrent la face, & les bras estendans  
Autour de luy serrez alloient en pleurs fondans:  
Tout de mesme Vlysses & de tendreur & d'ayse  
Et la teste les mains leur embrassant les baise:  
Sur eux pleurans toujours Titan se fust couché  
Si le sage Vlysses leurs pleurs n'eust empesché,  
Cessez dit-il vos pleurs, que quelqu'un ne nous sorte  
Et vous voyant pleurer leans ne le rapporte:  
Mais remettez vous bien, & r'entrons bellement  
Non pas tous à la fois, j'iray premierement  
Et vous viendrez apres: voicy un signe au reste  
Qui sera entre nous. Quand la troupe moleste  
Des superbes amans d'opiniaistre vois  
Deffendra qu'on me baille & l'arc & le carquois,  
Tu le prendras Eumæ, nonobstant leur defence,  
En main me le mettras contre leur resistance,  
Puis tu t'en iras dire aux femmes de là haut  
D'aller soudain fermer les portes comme il faut  
Par toute la maison, que si dedans la sale  
Elles oyent du bruit, que nulle ne deuale  
Et ne sorte dehors: entendent seulement  
A faire leur besongne & toy semblablement  
Loyal Philétius, pren bien garde à la porte  
De la sale, & la ferme avec la barre forte

Cōplot  
& deli-  
beratiō  
entre  
Vlysses  
& eux.  
Le si-  
gnal.

Ils r'en-  
trent en  
la sale.

*Qu'on ne puisse sortir. Ce disant, il r'entra,  
En son siege se mit que vuide il rencontra:  
Et ses gens apres luy. En ce temps Eurymaque  
Tenoit entre ses mains l'arc du fort Roy d'Ithaque,  
Le chauffant, le tournant à la splendeur du feu  
Il le vouloit courber & bander peu à peu,  
Mais il ne put iamaïs. Dont son ame orgueilleuse  
Vne plainte en iettoit & grande & merueilleuse,  
Si dit en soupirant à tous ses compagnons.*

Euryma-  
chu. ne  
peut bā-  
der l'arc  
d'Vlyf-  
ses.

Peid l'e-  
spoir  
pour luy  
& pour  
les au-  
tres.

Antino-  
trouue  
vn expe-  
dient.

*Amis (certes en vain nous nous embesongnons)  
Vous & moy en aurons & vergongne & tristesse:  
Ces nopces ie ne plains: car par toute la Grece  
Et à l'entour d'Ithaque assés se trouuera  
De femmes pour nous tous, mais ie crain qn'en dira  
Que nous aurons manqué de force, à l'exercice  
Mis en auant de l'arc du magnanime Vlysse,  
Auelquel Antinoüs: Certe il n'en fera rien,  
Gentil Eurymachus, toy mesme le sçais bien.  
Au surplus ausourd'huy est la feste ordinaire  
De l'archer Apollon, qui donc si temeraire  
Pense bander cet arc? que donq tout doucement  
On le remette là, les traits semblablement  
Auecques les aneaux, personne que ie pense  
D'où on les aura mis n'aura l'oultre-cuidance  
De les en enleuer, de ceux qui ont accez  
Et viennent d'ordinaire au chasteau d'Vlysses.  
Or que le sommelier à boire nous apporte,  
Quitte pour ce iourd'huy de ceste iouste forte:  
Demain Melanthius en diligence ira  
Aux champs à son bestail, & nous amezera*

D'entre tous ses troupeaux les cheures les pl<sup>us</sup> grasses,  
 Afin qu'ayans rendu à Phébus vœux & grâces,  
 Brulé sur son autel cuiffots en quantité  
 Venions à bon escient au ieu de l'arc voué,  
 Et mettions une fin à ce rude exercice.

Il discouroit ainsi dans la maison d'Ulysse,  
 Et son opinion vn chacun approuua,  
 On apporta de l'eau, les mains on se lava,  
 Et les ieunes garçons le bon vin departirent.  
 A tous les assistans & les tasses remplirent:  
 Après qu'ils eurent beu selon leur volonté,  
 Le prudent Ulysse qui auoit medité  
 En son entendement ceste dernière ruse,  
 En se tournant vers eux de ces propos leur vse.

Amoureux de la Reyne, oyez patiemment  
 Ce que ie viens de mettre en mon entendement;  
 Mais principalement i'en supplie Eurymaque  
 Et toy Antinoüs, puissant Prince en Ithaque,  
 Qui certes viens de dire vn propos vertueux,  
 Qu'il falloit laisser l'arc & respecter les Dieux,  
 Et qu'Apollon demain pourroit sa force estendre  
 Sur qu'il luy plairoit, pour l'arc courber & tendre,  
 Mais si vous le voulez ie voudrais bien aussi  
 Le manier vn peu, pour esprouuer icy  
 Deuant vous, si i'aurois la vigueur & la force  
 Qu'e i'ay eüe autresfois sous ceste vieille écorce.  
 Ou si avec le temps pour ne m'estre exercé  
 Ceste roideur de nerfs ne m'auroit point laissé.

Il disoit, & chacun se mit en grand colere,  
 De crainte qu'ils auoient qu'il ne vint à le faire,

Ulysse  
 aux  
 pour sui-  
 uans,  
 sur le de-  
 sir qu'il  
 a de s'el-  
 fayer à  
 l'arc.

Ils le  
trouuēt  
mauuais  
& sur  
tous An  
tinoüs.

Sur tous Antinoüs grandement le reprit,  
Tresfort le menaça, & à dire se prit.  
Miserable passant, tu n'a pas peu d'audace.  
Quoy? n'estimes tu rien qu'on t'ay fait tant de grace  
De te laisser icy avec nous banqueter,  
Qu'on t'ayt daigné de tout seruir & presenter,  
Qu'ayes participé à nos propos de table,  
Que nul autre que toy ne m'ait eu si traittable  
Que de venir s'assoir & mangerauec nous  
Et nos discours ouyr? Pour le vray, ce vin doux  
„ T'a blessé le cerueau, comme certe il offence  
„ Tout homme qui en prend avec intemperance.

Dis-  
cours  
de la  
querelle  
des La-  
pithes &  
Centau-  
res.

Le Centaure vaillant Eurytion le fort  
Du vin jadis sentit le rayneur effort.  
Quand chez Pirithoüs allant voir les Lapithes  
Il s'enjura par trop, & sortit des limites  
Et des gonds de raison, temeraire, insolent,  
Et sans nulle vergongne. Vn courroux violent  
Ces Princes embrasa, dessus luy se ietterent,  
Les oreilles ensemble & le nez luy coupperent,  
Puis le mirent dehors : il sortit tout troublé  
De vin & de misere, & de honte accablé,  
Grand deuil & grand dépit les Centaures en prirent,  
Et la guerre asprement aux Lapithes en firent:  
Mais le premier malheur sortit d'Eurition,  
La seule cause en fut son indiscretion,  
Et le vin par trop pris: ainsi t'en pourra prendre,  
Si de ce que tu veux maintenant entreprendre.  
Tu veux venir à bout, tu trouueras, ie croy,  
Vn qui aura la teste aussi folle que toy:

En vain tu nous feras & priere & requeste:  
 Car pour te mettre en mer la barque est desia prestee,  
 Qui au Roy Echetus tout droit te conduira;  
 Qui t'ayans en ses mains tout vif t'escorchera.  
 Mais croy moy seulement, boy, mange & te repose,  
 Ne vueille je te pry te mesler d'autre chose,  
 Et n'entre point encor en dispute avec eux  
 Qui plus ieunes que toy ne sont moins vertueux.

Antino<sup>s</sup>  
 vsc de  
 mena-  
 ces en-  
 uers V.  
 lysses.

Auquel Penelopé la Princesse honorable,  
 Il n'est, Antinoüs, iuste ne raisonnable  
 De menacer ainsi & chasser sans raison  
 Ceux que Telemachus reçoit en sa maison.  
 Mais voudrois tu penser, bien que cest hôte nostre  
 Vint à bander cest arc, & fist plus que tout autre,  
 Qu'il m'espousast pourtant & m'emmenast d'icy ?  
 Non, ostez de vos cœurs la crainte & le soucy  
 Qui s'ypourroient loger, n'en faites pire chere,  
 Il ne m'aura iamaïs pour son espouse chere,  
 Ce seroit indecence à moy, à luy abus.

Penelo-  
 pé le  
 defend.

Alors Eurymachus le fils de Polybus.  
 O fille d'Icarus, Reyne de grand' prudence,  
 Nous n'auons iamaïs eu si sottte la creance,  
 Qu'il fust pour t'espouser: nous ne craignons sinon  
 Qu'on ne vienne à parler, blasmant nostre renom.  
 Nous craignons le caquet des hōmes & des femmes,  
 Et que quelcun des Grecs, mesmes des plus infames  
 Et qui vallent le moins, ne parlent de cecy,  
 Nous tienne sur les rangs, & ne se mocque ainsi.

Euryma-  
 chus.  
 à elle.

Ces gens ont le corps foible, & imbecille l'ame,  
 Sont moindres que celuy dont ils veulent la femme,



Ils ont tenté son arc & bander ne l'ont peu.

Mais un pauvre passant qu'on n'auoit iamais veu  
Aysement l'a bandé, a passé les sagetes

Au trauers des pertuis a franchi les bouclettes.

Voila ce qu'ils diront, chacun s'en mocquera,

Et honte & des-honneur sur nous en tombera.

Penelo-  
pé cōte  
la leçon  
aux  
Pour sui-  
uans.

Lequel Penelopé de ce propos vint suivre:

Certes Eurymachus, ce n'est nullement viure

En gens ayans l'honneur, qui ont affection

De s'acquérir bon bruit & reputation

Parmy vn menu peuple & dans vne Prouince,

Que de des-honorer la maison d'un grand Prince

Et consumer son bien. Que n'estes vous aussi

Ialoux de vostre honneur, vous comportans ainsi

Pour nostre hôte. qu'a-t-il? n'a-il la force belle,

La taille comme il faut, la vigueur naturelle?

Il est de bonne race & venu de bon lieu.

Donc, qu'on luy porte l'arc, & qu'il se mette en ieu,

Afin que nous voyons au moins ce qu'il peut faire,

Ie le veux, & que nul ne me chante au contraire.

S'il le fait, qu'Apollon vueille luy accorder

La grace & la faueur de le tendre & bander,

Ie luy feray present & d'une manteline

Et d'un bon haubergeon, & d'une robe fine,

De force habits en somme, outre plus il prendra

Un iauelot de moy, dont il se deffendra

Des hommes & des chiens: i ay encore vn espee

Tranchant des deux costez, (bien forte, bien trāpee)

Que ie luy donneray, couriray ses talons

Et ses pieds ainsi nuds de souliers forts & bons,

*En tous lieux qu'il voudra ie le feray conduire  
Et l'accommoderay d'une bonne navire.*

*A qui Telemachus respondit puis apres.  
Ma mere, ie ne sçay nul d'entre tous les Grecs  
Qui ayt dessus cet arc plus de droit & puissance  
Que ie sçay en auoir, (qui voudra s'en offencer)  
Dés ceste heure ie puis le donner & l'oster  
A qui il me plaira, ie dy sans excepter  
To<sup>s</sup> les plus grâds d'Ithaque, & les plus forts d'Elide  
Propre à nourrir cheuaux (qu'on manie à la bride)  
Nul d'eux ne me sçauroit empescher qu'à present  
Si mon plaisir est tel ie n'en face un present  
A ce bon homme icy: mais ie vous pry, ma mere  
Retirez vous là haut, songez à vostre affaire,  
Et à vostre besongne, ayez tant seulement  
Soin de vostre quenouille, & mettez gentiment  
Vos fêmes au travail. Car le temps où nous sommes  
Donne de manier ces affaires aux hommes,  
Et à moy dessus tous, qui ay & veux aussi  
Auoir entier pouuoir sur ceste maison cy.*

*La mere l'entendant bellement se retire,  
Rauie, & ruminant ce qu'il venoit de dire,  
Monte en haut en sa chambre, & ses femmes apres  
Où elle se remit à faire ses regrets  
Sur son pauvre mary, & tant que la guerriere  
Pallas, luy vint fermer l'une & l'autre paupiere  
D'un gracieux sommeil. Mais le braue porcher  
Ala diligemment le bel arc à destacher,  
Et desia le portoit à son Roy, d'un grand ayse,  
Quand les fiers poursuuans firent vne grand noise,*

Telemachus à  
Penelope.

Elle se  
retire  
en sa  
chambre  
où Pal-  
las l'en-  
dort.

Eumæe  
porte  
l'arc à  
Ulysses.

*Et crians hautement menoient un fort grand bruit:*

*Lors un presomptueux d'entr'eux parla & dit.*

*Où portes tu cest arc, vilain porcher infame?*

Vn  
d'eux  
menace  
Eumæus

*Pendart, si ie te prens ie t'arracheray l'ame,*

*Et donneray ta chair à tes chiens par morceaux,*

*Qui te deuoreront mort entre tes pourceaux:*

*Tu auras le loyer de tous tes malefices,*

*Si Phæbus, si les Dieux au moins nous sont propices,*

Eumæe  
le repor  
te de  
crainte.  
Telemach  
us luy  
cōman-  
de de le  
rappor-  
ter, & le  
menace.

*Il dit & le porcher remit tout bellement . .*

*L'arc d'où il l'auoit pris, craignant extremement:*

*Car plusieurs contre luy vsoient de grand menace.*

*Telemachus d'ailleurs luy crioit de sa place*

*Et le menaçoit fort. Eumæ, dit-il, hola,*

*Reporte moy cest arc à l'hoste que voila,*

*Fay ce que ie te dy. Il n'est en ta puissance*

*De rendre à tant de gens semblable obeissance.*

*Autrement, ie t'assure aux champs ie t'enuoyray*

*Bien que ie sois fort ieune, & te lapideray,*

*Croy moy, ie suis encor assez fort pour le faire,*

*Que puissay-je aussi bien sous ma force deffaire*

*Ces poursuiuans icy, tel eussay-je le bras*

*Qu'il les pust surmonter, ie ne tarderois pas*

*A les mettre dehors, ils ont trop d'arrogance*

*( Et ie me fens par trop las de leur insolence.)*

*Il estoit; & ces gens ne s'en estomaquoient,*

*Mais plustost se prenoient à rire & s'en moquoient.*

Après  
qu'Eumæe a  
mis l'arc  
entre les  
mains  
d'Ulys-  
ses, il  
court  
vers Eu-  
ryclea  
faire fer-  
mer les  
portes.

*Donc Eumæ, prenant l'arc que luy dit Telemaque*

*Le mit entre les mains du fort Prince d'Ithaque,*

*Puis sortant de la sale accourt hastiuement,*

*Faict venir Euryclea & luy dit bellement.*

Telemachus par moy te mande que tu barres  
 Les portes & de clef & de tres-fortes barres,  
 Que si vous entendez du bruit, de la rumeur,  
 Ne sortez nullement, faictes vostre labour.

Il dit, elle soudain alla fermer les portes,  
 Les ferra de la clef & de barres tres-fortes:  
 Philatius d'ailleurs tacitement s'encourt,  
 Ferme diligemment la porte de la court.

Or sus le porche estoit un grand bois par fortune  
 Quel on auoit tiré des pieces d'une hune,  
 La porte il en barra, puis reuint vistement  
 Se soir d'où il estoit party premierement,  
 Regardant Vlysses s'il luy feroit point signe:

Qui tient l'arc en sa main, le vire, tourne & guigne  
 Si les vers n'auroient point l'encornement rongé,

Vlysses  
 reuistite  
 l'arc.

Ou s'il ne seroit point ailleurs endommagé,  
 Tandis qu'il fut absent. Lors l'un d'eux (voulât rire)

Se tourna vers un autre & se prit à luy dire:

Voicy quelque madré, quelque bien entendu  
 A cognoistre les arcs, maistre il s'en est rendu.

O qu'il en a chez luy bien d'autres tous semblables,  
 Ou bien en veut polir d'autres plus admirables,

Voyez comme il le va en ses mains maniant,

Le resolu qu'il est, l'asseuré mendiant,

De bourdes controuueur: l'autre vint à l'encontre:

Que tousiours ce dit-il, il ayt telle rencontre

Pour ses commoditez, comme presentement

Il pourra se iouer de cest arc aysément.

Ainsi deuisoient-ils, mais Vlysses à l'heure  
 L'ayant bien visité, de formais s'en assure.

Comme un ioueur de lut bien expérimenté  
 Accorde sans travail son instrument vouté  
 L'appuyant à son sein, & au chant de ses lèvres  
 Marcles boyaux des brebis ( & des cheures)

Vlyſſes  
 rend &  
 bande  
 l'arc ay-  
 ſément.

Ainſi ſans ſe pener Vlyſſes l'arc tendit  
 Et de ſa droite main la corde il eſtendit.  
 Vne ſtrideur s'ouyt du ſon qui prouient d'elle,  
 Qui ſembloit rapporter la voix del'hirondelle,  
 Cela faſcha tresfort les orgueilleux amans,  
 Leur viſage en changea: & ſur ces errements  
 Iupiter fit ouïr en l'air force tonnerre,  
 Et fit voir quant & quant les prodiges ſur terre.  
 Cela reſiouyt fort le Cephalelien  
 Le diuin Vlyſſes, que le Saturnien  
 Pour le fortifier ſes foudres ainſi ſiet.

Il par-  
 fait le  
 ieu de  
 l'exerci-  
 ce.

Si print ſoudainement vne viſte ſagette  
 Qui eſtoit ſur la table & toute a decouuert:  
 Car les autres eſtoient dans le carquois couuert,  
 Dont il deuoit bien toſt les Grecs à mort eſtendre.  
 Lors déployant les bras il vint la corde tendre  
 La tirant, & courbant ſon arc des deux coſtez  
 Le faiſoit enluner en ſes concavitez.

Il parle  
 à Tele-  
 machus.

Puis placé à propos il met hors de la coche  
 Le nerf qui tient la fleſche, & en l'air la decoche  
 Viſant ſi iuſtement que droit il la pouſſa  
 Dans les trous des aneaux & les haches paſſa:  
 Puis il dit à ſon fils. Ton hoſte, ô Telemaque,  
 Ne te faiçt des-honneur logé en ton Ithaque,  
 Il a viſé bien droit, il n'a point longuement  
 Tourné, viré ton arc, ny inutilement.

*J'ay encores de l'homme, & ne suis pas si proche  
De rêver, que ces gens m'en ont fait de reproche.  
Mais il faut vistement leur soupper apprestier  
Aux torches, puis iouer sur le lut & chanter  
Pour leur donner plaisir & toute esiouissance,  
C'est cela des festins toute la bien seance.*

*Il tenoit ces propos, puis fronçant les sourcils  
Comme disant c'est l'heure, il fit signe à son fils,  
Qui ceignant son espee affilee & luy sante,  
Prend vne partuisane en sa main bien-duisante,  
Armé d'un corselet qui iette un fier éclat,  
S'approche de son pere & s'appreste au combat.*

Il fait le  
signal à  
son fils  
qui s'a-  
proche  
de luy.

**Fin du vingt-vniesme liure.**



LE  
**VINGTDEUXIESME**  
 LIVRE DE L'ODYSSEE  
 D'HOMERE.

ARGUMENT.



Lyfſſes de la premiere fleſche tuë Antinoüs.  
 Les pourſuiuās ſe deffendent. Grand combat eſt fait entre eux , & Vlyſſes ſon fils, Eumæus & Philætius. Tous les pourſuiuans ſont mis à mort. Phæmius le chantre & Medon le Heraut ſont ſauuez. Il faiët eſtrangler les ſeruantes ribaudes, & mourir cruellement Melanthius.

---

AUTRE SOMMAIRE.

*Vlyſſes les amans met à mort ſans mercy,  
 Mais il ſauue le chantre & le heraut auſſi:*



Or ſle fort Vlyſſes ſes vieux penailloſ iette,  
 Saute ſur le paué, ayant plein de ſagette  
 Le reſonnant carquois, & l'arc, qu'il en-  
 Et ſoudain à ſes pieds les fleches il verſa: (ſonça,  
 Puis

Puis dit aux poursuivans. Le ieu s'est fait sans nuire  
 Jusquicy à personne, or ie vous veux bien dire  
 Qu'il en faut inventer d'autres dorefnauant  
 Et ie l'essayeray : Tels que par cy deuant  
 Nul autré que ce soit n'atiré coups semblables:  
 Voyons si ie sçauray les rendre conuenables  
 Comme ie me promets. Apollon dessus tout  
 Me force auoir l'honneur d'en venir bien à bout.

Ce disant, il atteint vne sagette dure  
 Encontre Antinoüs, qui vouloit d'auenture  
 Leuer un vase alors d'or massif, qu'on tenoit  
 Par l'anse aux deux costez: de fait il le prenoit  
 Pour boire, entre ses mains, n'ayant en sa pensee  
 Nulle apprehension de ceste mort forcee.  
 Car qui eust iamais creu qu'un homme tant rusé  
 Et tant brave fust-il, estant seul, eust osé  
 Sur tant d'hômes vaillâs qui s'assembloïent pour boire  
 Hazarder un massacre, & vne mort si noire?  
 Or droit dans le gosier Vlysses le blessa,  
 Et derriere le col la pointe outre passa:  
 Lors la teste luy panche, & sur son sein succombe  
 Hors des mains le hanap luy eschappe & luy tombe,  
 Vne bouteille grosse & espaisse de sang  
 Luy grenouille aux nareaux, il chet dessus le banc,  
 Et demenant des pieds tombant à la renuerse  
 Il pousse ce qu'il trouue & la table renuerse.  
 Les morceaux il vomit qu'il auoit aualez,  
 Et le pain & la chair ensemblement meslez  
 La terre salissant. Au bruit de ceste cheute  
 La trouppes des beueurs fait vne grande esfmente,

Vlysses  
 tué An-  
 tinoüs  
 d'un  
 coup de  
 fiesche.

Rumeur  
 entre les  
 pour sui-  
 uans.



Fremissant fierement : d'horreur & de dédain  
 Chacun quitte son siege & se leue soudain,  
 Regardant les parous , & n'y voyent ny hache,  
 Ny pique, ny espieu, ny casque, ny rondache,  
 Alors contre Vlysses crians, & l'outrageans :

Ils me-  
 nacent  
 Vlysses.

Méchant, luy disoient-ils, tires tu donc aux gens  
 Tu n'emporteras onc l'honneur de ton adresse.  
 Voicy tu as tué le meilleur de la Grece  
 Tu mourras méchamment, les Vautours mangeront  
 Ta vilaine charrongne & te déchireront.

Ils s'abstiennent pourtant: car personne ne pense  
 Que volontairement il ayt faict ceste offence,  
 Et à son escient. Sots qui ne voyoient pas  
 Qu'ils estoient arrivez à leur dernier trespas,  
 Qu'il falloit tous mourir. Alors le Roy d'Ithaque

Vlysses  
 se dōne  
 à co-  
 gnoistre  
 aux  
 poursui-  
 uans.

Les guignant de trauers en ces mots les attaque.  
 Chiens, vous ne pensez pas que iamaïs Vlysses  
 Deust reuenir de Troye, en faisant ces exces  
 Icy dans ma maison, menans ce train infame,  
 Ruinans tous mes biens, voulans auoir la femme  
 D'un homme encor viuant, arrogans, insolens  
 Les femmes de ceans soüillans & violans,  
 N'ayās crainte des Dieux deffoux lesquels nous sōmes,  
 Et ne vous soucians des reproches des hommes,  
 Mais vous mourrez aussi tant que vous estes-là.

Les me-  
 nace  
 tous de  
 mort.

Il dit, & chacun d'eux en son ame trembla,  
 Vne frayeur les prit, iettant deçà leur venüe,  
 Et delà pour fuir ceste mort non preuenüe.  
 Le seul Eurymachus ce mot luy a tenu.

Puis donc, ô Vlysses, que te voila venu,

Tout ce que tu as dit, certes, est equitable,  
 On s'est mal comporté, c'est chose veritable,  
 On a fait des excès & dedans & dehors  
 En grande quantité. Mais tu vois cy le corps  
 De celuy qui de tout estoit la seule cause.  
 Ce n'estoit pas ta femme, il vouloit autre chose  
 Que le grand Iupiter n'a voulu terminer.  
 Son desir, son dessein, son but fut de regner  
 Icy dans ta maison, de gouverner Ithaque,  
 Et de donner la mort à ton fils Telemaque.  
 Ores le voila mort reçois nous en pitié,  
 Et te reconcilie à nous par amitié,  
 Nous qui sommes ton peuple, & sur ton assurance  
 Nous nous assemblerons, te donnons recompense  
 De tout ce qu'on t'a pris. Ce qu'on t'a dépendu  
 Te sera remboursé, tout te sera rendu,  
 Nous te ferons mener vingt bœufs pour chacun homme,  
 D'airain, d'argent & d'or te pairons si grande somme  
 Que ton cœur en sera tout content & joyeux,  
 Appaise seulement ton courroux ennuyeux.

Auquel respond ainsi le vaillant Roy d'Ithaque  
 Regardant de travers: Quand même, ô Eurymaque,  
 Tous vos biens paternels me viendriez presenter,  
 Et avec eux voudriez d'autres y adjoûster:

Je ne retireray mes mains de la vengeance,  
 Que ie suis resolu de prendre, pour l'offense  
 Que j'ay receu de vous, maintenant c'est à vous  
 Ou de vous bien defendre, ou de parer aux coups,  
 Eschappe qui pourra, mais ie croy qu'à grand peine  
 Vn seul se sauvera de la mort inhumaine.

Eurymachus  
 taché de  
 l'adou-  
 cir, & re-  
 iette  
 tout le  
 tort sur  
 Antinoüs.

Vlysses  
 ne luy  
 respond  
 que me-  
 naces &  
 mort

Il dit, & les genoux leur alloient tremblotant.  
Alors Eurymachus leur dit, les irritant.

Eurymachus incite les autres à se bien deffendre  
Amis, puis qu'il a pris ces flesches malheureuses  
Il ne retiendra plus ses mains malencontreuses,  
Tant qu'il nous ayt trestous tuez & terrassez :  
Mais pensons à nous battre, & serrez & pressez,  
Allons donner à luy, tirons tous nos espees,  
Et mettons au deuant de ses flesches trempées  
Ces tables & ces bancs: Soyons vaillans & forts,  
Si nous le pouuons ioindre & le pousser dehors,  
Tant seulement d'icy sortons tous de furie,  
Et par la ville allons leuer vne crierie,  
Tout le monde acourra au cry de nostre voix  
Et de l'arc il iouëra pour la dernière fois.

Tire l'espee & donne sur Vlysses.  
Ce disant, son espee hors du fourreau il tire,  
Iette un cry furieux, & plein de rage & d'ire  
Saute vers Vlysses. bruyant horriblement:  
Vlysses le suiuoit de l'arc tout bellement,  
Luy décoche vne flesche, & droit sous la mammelle  
Vlysses le tuë.  
En l'atteignant luy fit vne playe cruelle  
Qui donna iusqu'au foye. A ce coup inhumain  
L'espee qu'il tenoit luy tomba de la main,  
La table cheut à bas, l'eau, de la violence  
Fut épanchée à terre, & le vase à double anse  
Aussi en terre versa. Luy tombant & panchant  
La terre de son front heurta en trebuchant,  
Iettant un grand sousspir, & de son pied qui tremble  
Secouant le iaret, il fait tomber ensemble  
Et siege & marche pié: un broüillas nuageux  
Se vint finalement espandre sur ses yeux.

Alors Amphinomus dégainé son espee,  
 S'en vient contre Vlysses, & la voye occupee  
 Se veut faciliter, pour sortir vistement,  
 Sans que Telemachus le preuint fierement,  
 Il luy tire un grand coup & de grand violence  
 Dans le milieu des reins il luy fourre sa lance.  
 Il cheut, & un grand cry en cheant il ietta,  
 Et contre les carreaux de son front il heurta.  
 Mais le fils d'Vlysses d'aupres de luy se tire,  
 Au corps d'Amphinomus qui contre terre expire  
 Laisse son iavelot, il craint qu'en l'arrachant  
 Quelqu'un prenne le temps, de son estoc trenchant  
 Ne le vienne perfer, ou d'en haut ne luy iette  
 Comme il se baisseroit un grand coup sur la teste,  
 Courant donc vistement vers son pere il reuint  
 Afin d'estre plus fort, & pres de luy se tint.  
 Adonques il luy dit: Mon pere, que te semble,  
 Si ie montois là haut & t'apportasse ensemble  
 Un couple de bons dards, un rondache luisant,  
 Et un casque bien-faict, à ta teste duisant,  
 Que ie m'armasse aussi d'une cuirasse dure,  
 Et fissé à ces deux cy prendre une bonne armure,  
 Au bouvier, au porcher, ne vaudroit-il pas mieux  
 Combattre bien couuerts? Vlysses tout ioyeux:  
 Va vistement, mon fils, parauant que me faillir  
 Ces flesches en la main, de peur qu'ils ne m'assailent  
 Me voyans desarmé, & restans les plus forts  
 Ne me forcent en fin & me iettent dehors.  
 Ce disant Vlysses, Telemach' ne fûct faute  
 D'obeir vistement, monte en la salc haute

Amphino-  
 mus  
 contre  
 Vlysses.

Telemachus le  
 depef-  
 che.

Il demã-  
 de aduis  
 à son pe-  
 re s'il ira  
 querir  
 armes  
 pour  
 s'armer  
 & le por-  
 cher &  
 bouvier.

Où les armes estoient: oste des rateliers  
 Huit puissans iaelots, prēd quatre grands boucliers,  
 Et tout autant d'armets dont la splendeur éclaire:  
 Il prend tout, les apporte, & se rend à son pere  
 Il s'arme le premier, & les pastres apres  
 Se couurent vistement des puissans halecrets,  
 Se rengent pres du Roy, qui autant que ses fleches  
 Luy durent en la main, autant faiēt-il de breches  
 Aux Grecs, iusqu'à la mort. Au prix qu'il choisissoit  
 Son homme avec son arc, au prix il le perçoit  
 Et le renuersoit mort. Mais dès que luy faillirent  
 Les fleches, & les traits entre ses mains tarirent,  
 Soudain il appuya son arc contre le mur,  
 Et pendit à son col son grand rondache dur  
 Couuert de quatre cuirs, accommode en sa teste  
 L'esfouuentable armet à l'effroyable creste,  
 Vn pennache au dessus faiēt ondoyer ses flots,  
 Puis il prend en sa main deux puissans iaelots  
 De fer tres-reluisant & de pointe tres-forte.  
 Or là dedans auoit vne certaine porte  
 Bastie dans le mur, & dans le pied estoit  
 Vne issue, par où quelques fois on sortoit  
 Pour aller à la ville, elle estoit dauenture  
 Rembarree pour lors de mainte table dure.  
 Vlysses au porcher la deffence en donna,  
 Car on pouuoit sortir tant seulement par là,  
 Adonc Agelaius. Compagnons, ie vous prie  
 Qu'on gagne ceste porte, & qu'au peuple lon cri  
 Car à nostre clameur tout le monde accourra,  
 Et pour le dernier coup cestuy cy tirera.

Vlysses  
 à coups  
 de fle-  
 ches ab-  
 bat les  
 pour sui-  
 uans.  
 Les fle-  
 ches fail-  
 lies il  
 s'arme.

*Auquel Melantius. Las ! il est impossible,  
 Vaillant Agelaüs, tant est inaccessible  
 La porte que tu dis, elle est en un destroit  
 Si serré, qu'àysément un seul la defendroit,  
 Tant eust-il peu de cœur. Plustost, si ie m'aduançe  
 Et que ie vous apporte armes en diligence  
 Vaut-il pas mieux s'armer, esprouvant le hazard?  
 Ie vay monter là haut, car c'est en ceste part  
 Qu'Ulysses & son fils leurs armes ont soustraittes.  
 Il leur disoit ainsi, & en ces entrefaites  
 Il monte vistement par les grands escaliers:  
 Douze rondaches forts dépend des rateliers,  
 Autant de forts espieux, autant d'armets de teste,  
 Dont les pennaches grands ondoyent sur la cresse:  
 Chargé qu'il fut, soudain en bas il descendit,  
 Et aux fiers poursuivans pour s'armer les tendit.*

Melan-  
thius ap-  
porte  
des ar-  
mes aux  
poursui-  
uans.

*Ulysses le voyant, tous ses sens luy troublerent,  
 Tout le cœur luy faillit, les genoux luy tremblèrent,  
 Ces espieux qu'ils prenoiët, ces armes qu'ils vestoiët,  
 Vne grande besongne encor' luy apprestoient.  
 Si dit à Telemach. Mon fils, c'est chose seure  
 Que là haut contre nous quelque femme coniure,  
 Et d'armes & bastons, nos ennemis fournit,  
 Ou bien Melanthius. A ces mots respondit  
 Soudain Telemachus : Mon pere i'en suis cause,  
 Moy seul ay fait le mal, il n'y a autre chose  
 N'ayant l'huis apres moy tant seulement fermé  
 De haste que i' auois. Mais, ô gentil Eumæ,  
 Va mettre ordre à ce mal, & ferme bien la porte,  
 Et pren garde si c'est quelque femme qui sorte*

Ulysses  
en est  
troublé

Il craint  
quelque  
trahysō

Telema-  
chus y  
mēt or-  
dre.

Et nous trahisse ainsi: ou bien Melantius  
(Comme mieux ie le croy) le fils de Dolius.

Côme ils parloient encor, le cheurier ne fait faute  
De remonter soudain, & de la sale haute  
Tirer d'autres bastons ainsi qu'auparavant,  
Et les descendre bas: Eumæ l'apperceuant  
S'en courut viftement le monstrier à son maistre,  
Et luy dit en ces mots: Voilà le méchant traistre  
Qui nous cause le mal. Mais dy moy si tu veux  
Que ie l'aïlle tuer, ou si tu aymes mieux  
Que ie l'amene icy, pour prendre en ta presence  
De ses méchancetez une horrible vengeance,  
Car il a faict ceans infinité d'excez.

Eumæ  
decou-  
ure Me-  
lanthius

A ces mots respondit le prudent Vlysses.  
Telemachus & moy pour un temps ferons teste,  
Et nous opposerons à ceste troupe infeste:  
Vous deux allez à luy, prenez-le, & luy liez  
Les mains dessus le dos, & contremont les pieds,  
Puis le iettez en bas, & qu'une chaisne forte  
Le prenant par le corps le suspende & supporte,  
Liee à vn pilier pour soutenir le faix.  
Qu'il ayt contre le dos encores vn grand aix.  
Que sans pouuoir mourir un long temps il endure  
Le tourment excessif d'une peine tres-dure.

Comme il eut acheué, ils courent viftement  
Où ~~il estoit~~ allé, montent soudainement  
Afîn de l'attrapper. Luy qui ne se repose  
Armes cherche par tout, ne pense à autre chose,  
Chacun d'eux aux costez de la porte attendant  
Demeure là tout coy, & luy sort ce-pendant

Vn casque en vne main, en l'autre vne grand targe  
 A la vieille façon, mais puissante & fort large,  
 Que jadis Laërtes étant ieune portoit,  
 Mais on n'en faisoit conte, & par terre elle estoit  
 Pleine de salleté, (les courroyes brulees)  
 Et les peaux de dessus par les bords décolees.  
 Ils se lancent sur luy, le prennent furieux,  
 Le tirent au dedans, le trainent (aux cheueux)  
 Le iettent contre terre, & sur le dos luy lient  
 Et les mains & les pieds, & tout le corps luy plient  
 De cordes sans pitié: selon le mandement  
 Du diuin Vlysses ils font entierement:  
 Luy mettent au trauers vne cruelle chaisne,  
 Le pendent, & luy font souffrir horrible gesne.

Eumæe  
 & Philæ-  
 tius pré-  
 nent Me-  
 lanthius  
 sur le  
 fait, & le  
 lient.

Lors Eumæ le gaussant luy haranguoit ainsi:  
 Tu peux Melanthius, passer la nuit icy,  
 Dedans ce liêt molet, (certes tû le merites.)  
 Et quand l'aube du iour sortira des limites  
 Du profond Ocean; lassé de sommeiller,  
 Tu pourras si tu veux soudain te réveiller:  
 Prenant de tes troupeaux les cheures les plus belles  
 Pour faire des festins à tes amis fideles.

Eumæe  
 apres l'a-  
 uoir lié  
 & suspé-  
 du le  
 gausse.

Lors ils laisserent là Melanthius pendant  
 A vne chaisne forte: & eux ce temps-pendant  
 S'estans tresbien armez, la porte refermerent,  
 Coururent secourir Vlysses, qu'ils trouuerent  
 Brauement resistant. Ces quatre seulement  
 A la porte rangez combattoient vaillamment,  
 Les autres sont dedās, en grand nombre au possible,  
 Braues & hazardoux, & de force inuincible.

Vlysses  
 Telema-  
 chus, &  
 Eumæe  
 contre  
 tous les  
 pour sui-  
 uans.



Vlyſſes  
ſouz la  
ſemblā-  
ce de  
Mentor  
vient à  
leur ſe-  
cours.

Lors Pallas vint à eux, de voix, de face encor,  
Et de taille du tout reſſemblant à Mentor.

Vlyſſes la voyant ſ'eſiouyt & luy crie:  
Aye nous à chaſſer ces peſtes ie te prie,  
Mentor, vien ſecourir ton amy ancien:  
Reſſouuien toy de luy, quantes fois & combien  
Enuers toy i'ay vſé de bien-faits conuenables,  
Et nous ſommes encor tous deux d'aage ſemblables.

Ce diſoit-il, croyant eſtre certainement .

La Deeſſe Pallas, qui garde ſeulement

Agelaüs  
menace  
Pallas, la  
penſant  
eſtre  
Mentor

Les peuples de tout mal. Mais là dedans la place

Les aſſiegez, d'ailleurs luy uſoient de menace:

Entre eux Agelaüs le fils de Damasto:

Qu'il ne t'aduienne pas, diſoit-il, ô Mentor,

D'aider à ceſtuy-cy, & que ſon beau langage  
N'attire point ſur toy ta perte & ton dommage.

Car ſi nous parſaiſons ceſte entrepriſe icy,

(Comme ie ſuis certain qu'il aduiendra ainſi)

Quand nous aurons tué & le fils & le pere,

Nous te ferons ſouffrir mort cruelle & amere:

Voy bien ce que tu fais, car tu le payeras

Aux deſpens de ta teſte, & te ruineras,

Car dès que nous aurons rabatu vos courages

Par le fer, nous irons piller les heritages

Tant dehors que dedans, nous les aſſemblerons

~~Auſſi~~ ceux d'Vlyſſes, & de tout iouyrans:

Nous ne permettrons pas que ton fils ne ta fille

Viuent en ta maiſon, ta femme & ta famille

Seront ſoudain par nous mis hors de la cité.

Il diſoit, & Pallas eut le cœur irrité

Plus fort pour ces propos. Adonc elle s'advance  
 Soudain vers Vlysses, le reprend & le tance:  
 Tu n'es plus, Vlysses, de ces forts & hardis,  
 Tu n'es plus celuy-là qui combatois iadis  
 Souz les murs d'Iliou pour Helene la belle,  
 Portant neuf ans entiers peine continuelle:  
 Où tu as mesmement de tes mains mis à mort  
 Infinis combatans, tombez souz ton effort.  
 En fin par ton conseil, & par ton entreprise  
 La cité de Priam a esté arse & prise:  
 Et or' que te voicy de retour sur tes champs,  
 Quoy? tu fais le retif d'assommer ces méchans,  
 Or' que tu as le pied dessus ton heritage  
 Pour des effeminez tu manques de courage?  
 Mais ça, approche toy, vien pres de ton amy,  
 Et voy comme il faiët bien contre ton ennemy,  
 Voy comme Mentor sçait rendre le benefice  
 Qu'il a iadis receu de son amy Vlysse.

Elle l'accourageoit ainsi, mais tellement  
 Qu'elle ne luy donnoit la force entierement  
 De vaincre tout d'un coup: mais la Deesse sage  
 Du pere & de l'enfant esprouvoit le courage.  
 Puis tout soudainement se changeant en oyseau,  
 Elle s'alla percher dessus un solineau  
 De la belle maison, telle qu'une hyrondelle.

Alors Agelaüs excitoit de plus belle  
 Les autres poursuivans, avec Eurynomus,  
 Pysandre Amphimédon, & Demoptolemus,  
 Et Polybus le sage. Ils estoient de la bande  
 Qui encores restoit, la force la plus grande.

Agelatis  
 incite  
 les au-  
 tres  
 pour sui-  
 vans.

*Ceux qui vivoient encor pour l'ame combattoient  
Et pour sauver leur vie: & les autres estoient  
Succombez deffouz l'arc, & les fleches mortelles,  
A eux Agelaius disoit parales telles.*

*Mes amis, son effort s'arrestera en fin,  
Et tout ce que Nestor luy a dit sera vain,  
Car les voila tous seuls restez entre les portes.*

Leur re-  
solution

*Parquoy n'esbranlons point sur luy nos piques fortes  
Tous ensemble à la fois. Six doncques d'entr nous  
Dressent premierement la fureur de leurs coups.  
S'il bon Iupiter de tant nous favorise  
Que nous puissions auoir dessus luy quelque prise,  
Et acquerir l'honneur de le ruer à bas.*

Assaut  
premier

*Des autres puis apres ce sera peu de cas,  
Il ne nous faut que luy. A ces mots ils haussèrent  
Les bras, & dessus luy tous leurs coups ils dresserent,  
Mais Pallas les rendit inutiles & vains.  
Car l'un d'eux fit tomber la forie de ses mains  
Contre le seuil de l'huis, l'autre contre la porte  
Vainement reboucha sa pertuisane forte,  
L'autre de son espieu la muraille frappa.*

Pallas  
rend  
leurs  
coups  
inutiles.

*Ainsi chacun des quatre à leurs coups eschappa,  
Ausquels Vlysses dit: Amis, il faut asteure  
Que nous dressions nos coups de fortune meilleure*

Dem o-  
ptolen  
né par  
Vlysses.  
Eurya-  
des par  
Telemachus.

*Dessus nos ennemis, qui ont fait leur effort  
De nous mettre aujour d'huyls premiers à la mort.  
Il dit, & eux soudain les autres regarderent  
Et leurs forts iavelots tout à la fois darderent.  
Là Demoptolemus d'Vlysses fut persé,  
Et par Telemachus Euryades blessé:*

On vit par le porcher Elatus mort estendre,  
 Et par Philæus fut renuersé Pisandre,  
 Ces pauvres amoureux le froid pauë mordans  
 Secoians le iarret, tomberent sur les dents.  
 Les autres, de la sale au fonds se retirerent:  
 Le Roy donnant sur eux avec les trois, tirerent  
 Leurs bastos des corps morts, puis d'un effort nouveau  
 Les autres poursuuans darderent le plus beau  
 Leurs ianelots contr'eux, que rendit inutiles  
 La Deesse aux yeux pers, dompteresse des villes.  
 L'un d'eux frappa le seuil, l'autre son dard ficha  
 Contre la forte porte, & l'autre deslacha  
 Son coup contre le mur. Amphimedon s'adresse  
 Contre Telemachus, & à la main le blesse  
 L'effleurant, & sans plus le cuir est entamé.  
 Ctesippus atteinint sur le bouclier Eumæ,  
 Et un peu le blessa sur le haut de l'espaule:  
 Mais le dard outre-passe, & legerement volle,  
 Puis chet à terre à bas. Puis les trois compagnons  
 D'Ulysses vont encor assaillir les mignons,  
 Minerue leur donnoit le courage & l'adresse  
 Pour choisir les plus beaux au trauers de la presse.  
 Là fut Eurydamas d'Ulysses renuersé,  
 Le fort Amphimedon par son fils transuersé,  
 Polybus par Eumæ, & de sa ianeline  
 Le bouvier, Ctesippus frappa par la poitrine,  
 Puis tout fier de ce coup il luy parla ainsi:

Audacieux chanteur d'iniures, te voicy:  
 Te chastiras-tu point de tes pensees folles?  
 Or dy nous maintenant magnifiques paroles

Elatus  
 par Eu-  
 mæ  
 Pisandre  
 par Phi-  
 læus.

Second  
 assaut.

Telema-  
 chus vn  
 peu bles-  
 sé.

Eumæ  
 vn peu  
 blessé.

Ulysses  
 tuë Eu-  
 rydamas  
 Telema-  
 chus Am-  
 phime-  
 don.  
 Eumæ  
 Polybus  
 Philæus  
 Ctesippus.

*Laisant l'effect aux Dieux, qui sont, comme ie voy,  
Plus forts, plus belliqueux, & plus puissans que toy.  
Cecy te soit rendu pour digne recompense  
Dupié, que de ta grace en ta magnificence  
Tu donnas à Vlysse, alors qu'il mendoit  
En sa propre maison, & qu'il te supplioit.*

Autre  
carnage  
des  
pour sui-  
uans par  
Vlysses  
& ses  
gens.

*Il insultoit ainsi sur le Polytherside,  
Mais Vlysses encor sur le Damastoride  
Vn iavelot branla, & le renuersa mort.  
Telemachus apres tua par grand effort  
Le preux Leocritus, son dard penetre & entre,  
Tant le coup fut bien pris, dans le milieu du ventre.  
Il chet dessus la face, & en tombant à bas*

Pallas  
branle  
l'Ægide

*Du front heurte la terre. Au mesme temps Pallas,  
La fille à Iupiter, la guerriere homicide  
D'en haut où elle estoit ébranle son Aegide.  
Leur esprit fut troublé à sa grand resplendeur,  
Fuyans par la maison, tous glacez de froideur.  
De la mesme façon qu'une troupe farouche  
De vaches par les chäps, que va piquant la mouche,  
En la saison d'Esté vers le temps des longs iours.  
Ou, cōme on void des monts les Faulcōs, les Autours  
Fondre sur les oyseaux, descendre à tire d'aïles,  
Et sur eux se ietter de leurs serres cruelles,  
Des pauvrets, poursuiuis les troupeaux éperdus  
Fuyans deçà delà par les champs épandus,  
De nuës mesme ont peur. L'ennemy ne les quitte,  
Les poursuit & les perd, la force ne la fuitte  
Ne leur seruent de rien, qu'ils n'aillent repaïssans  
Au moins pour la plupart le ventre des passans*

*Qui ont part à la proye: Vlyſſes en la ſorte  
Et ſes gens ſe iettoient ſur la triſte cohorte  
Des pauvres pourſuivans. Par pieces les hachøient,  
Et par tous les endroits du chasteau les cherchoient.  
Ils iettoient de grãds cris ſous les grãds coups d'eſpee,  
Et de leur ſang eſtoit la ſale détrempee.*

*Lors Liodes l'un d'eux (faiſant l'humble & le doux)*

*S'en vint à Vlyſſes, & tenant ſes genoux,  
Je te prie Vlyſſes, (par tes pieds que j'embrasse)  
Diſoit-il en criant, fay moy mercy & grace,  
Ayez égard à moy: car nulle ne ſera*

*Liodes  
prie  
Vlyſſes  
pour ſa  
vie.*

*Des femmes de ceans, qui me condamnera  
D'avoir commis chez toy deſordre ou inſolence,  
Teſmoignera pluſtoſt que j'ay de ma puissance  
Taſché de moderer leurs folles actions,  
Mais ils ont mépriſé mes admonitions,  
Vne vie menans que j'ay fort deteſtee,  
Auſſi ont-ils la mort qu'ils ont bien meritee.  
Moy donc qui n'ay rien faiét, n'eſtant que ſeulement  
Leur augure & devin, mourray-je pauvrement?  
N'y a-il point pour moy de pitié ny de grace?  
Faut-il que leur forſaiét mon innocence efface?*

*Vlyſſe, apres l'avoir longuement eſcouté,  
D'un regard de trauers: puis que tu'as eſté  
Leur augure, dit-il, il ne ſe ſçauroit faire  
Que tu n'ayes porté faueur à leur affaire,  
Leur diſant que iamais ie ne retournerois,  
Te flattant en ton cœur que tu débaucherois  
Ma femme bien-aymee, & en aurois lignee.  
Doncques dedans ton ſang ma main ſera baignee,*

*Vlyſſes  
le met à  
mort.*

Tu ne chapperas point. Ce disant, il saisit  
 Vne espee aussi tost, que contre terre il vit,  
 Qu'Agelaius mourant laissa choir par la sale:  
 Il la hausse sur luy, & du coup qui deuale  
 Luy fend la teste en deux, comme encore il parloit  
 Il tombe sur la place, & son sang se mesloit  
 Versé par les carreaux, avecques la poussiere.

Phæmi<sup>us</sup>  
 se sauue.

Le chantre Phæmius fuit sa main meurtriere,  
 Luy qui parmy ces gens auoit tousiours chanté  
 Mais c'estoit par contrainte, & de necessité,  
 Pres la porte il tenoit sa doucereuse lire  
 En grand perplexité, & ne sçauoit que dire,  
 Ou s'il deuoit sortir & gagner viftement  
 L'autel de la maison, sacré deuotement  
 Au puissant Iupiter, où Laërte & Vlysse  
 Auoient accoustumé de faire sacrifice  
 Et bruler les bœufs gras: ou s'il se ietteroit  
 Aux genoux d'Vlysses, & luy demanderoit  
 La vie. En cet estat il craint, il doute, il tremble:  
 Mais le dernier aduis plus à propos luy semble.  
 Il pose incontinent en bas son luy vouté,  
 Entre les vases d'or gentiment l'a bouté,

Phæmi<sup>us</sup>  
 à Vlysse:

Et le buffet cloüé de marques argentees.  
 Puis ayant les deux mains à ses genoux iettees,  
 Il le prioit, disant: Ie te prie, ô grand Roy,  
 Fay moy misericorde, & ne pren garde à moy,  
 Car si tu mets à mort vn chantre en ta furie  
 Tu en auras vn iour regret & fascherie:  
 Ie chante pour les Dieux, & au contentement  
 Des hommes d'icy bas: Ie suis aucunement

En la musique expert, i'ay assez de science,  
 Et Dieu a mis en moy en tresgrande abondance  
 Toute sorte de vers, mesme asteure, je croy  
 Chanter deuant un Dieu en parlant deuant toy:  
 Ne me tuë donc pas. A tesmoin i'en appelle  
 Ton fils Telemachus, que dans ta maison belle  
 Ie ne suis point uenu de bonne volonte  
 Pour y manger ton bien, ne pour necessité,  
 Mais pour donner plaisir, & d'un air delectable  
 Resiouyrees messieurs quand ils estoient à table:  
 Lesquels m'ont fait venir par contrainte chez toy,  
 Car ils estoient plus forts & plus puissans que moy,  
 Telemachus oyant luy tenir ce langage,  
 A son pere rendit pour luy ce tesmoignage.

Retien ta main, mon pere, & ne la iette point  
 Sur le sang de cet homme innocent de tout poinct:  
 Sauuons aussi Medon le Heraut honorable,  
 Qui m'a tousiours aymé, m'a esté favorable,  
 A eu tout soin de moy dès que i'estois enfant,  
 Si dauenture au moins Eumæus en tuant,  
 Ou bien Philætiüs, ne l'ont par malencontre  
 Allans. cherchans par tout trouué à la rencontre,  
 Ou peut estre toy-mesme. En ces termes il dit,  
 Et le sage Medon clairement l'entendit.  
 Or s'estoit il caché en un bout de la salle,  
 Soux un banc, effroyé, blesmé, tremblant & passé,  
 S'estant enueloppé tellement-quellement  
 Dedans la peau d'un bœuf écorché fraichement.  
 Aussi tost il se leue & iette en diligence  
 La peau de dessus luy, aux genoux il se lance

Telema-  
 chus in-  
 tercede  
 pour  
 Phæmi-  
 & pour  
 Medon.



626 LE VINGT DEUXIÈME LIVRE  
 Du Roy Telemachus, puis le prioit ainsi.  
 O mon fidelle amy, retien les, me voicy,  
 Je me vien rendre à toy. Helas! dy à ton pere  
 Qu'il ne me vueille point tuer en sa colere,  
 Debile que ie suis, irrité iustement  
 Contre ces gens icy, qui trop insolemment  
 Ont ruiné son bien, ne t'ont en son absence  
 Porté comme ils deuoient honneur & reuerence.

Lors en se souriant le Roy luy dit ainsi.

Vlysses  
 à Medon

Assure toy, Medon, ne crain point, cestuy-cy  
 T'a sauué pour le coup : seulement pour t'apprendre,  
 Et qu'aux autres aussi tu le faces entendre.  
 Qu'il vaut mieux faire bien que mal: mais quand à  
 Sortez vn peu dehors, & vous tirez des coups (vo)  
 Tant Phemius que toy, attendant que t'achene  
 Ce qu'il faut que ie face. A ces mots il se leue  
 Et le chantre avec luy, sortent sans s'arrester  
 Et courans embrasser l'autel de Iupiter,  
 Ils s'assent aupres: Regardent en grand creinte,  
 N'attendent que la mort, (tant ils ont l'ame atteinte  
 De frayeur & d'horreur.) Vlysses cependant  
 Alloit par la maison visitant, regardant,  
 Si quelqu'un seroit point (deffous quelque escabelle)  
 Mussé, pour eschapper l'ocision cruelle.  
 Mais il les voyoit tous dedans leur sang veautrez,  
 Couchez par la pousiere, (& de grâds coups outrez)  
 Estendus par la place & de façon semblable,  
 Que quelquesfois on voit les poissons sur le sable  
 Hors de la mer tirez, & ça & là espars  
 Par le pefcheur, iettant ses rez de toutes pars,

Vlysses  
 cherche  
 par la  
 maison.

*Ils ne voudroient que leau, car c'est leur auantage,  
Mais le pescheur les a iettez sur le riuage,  
Et le Soleil les fait desseicher tellement*

*Qu'on les void depouillees de vie entierement.*

*Ils estoient tout ainsi. Quand tout fut fait, Vlysse* Vlysses  
fait ap-  
peller  
Eury-  
clea.  
*Dit à Telemachus, fay venir la nourrice,  
Ie luy veux dire un mot. Il n'eut pas si tost dit,  
Que le fils aussi tost à son pere obeit,*

*Deuerrouille la porte, & Euryclea appelle;*

*Descen tost, luy dit-il, ô nourrice fidelle,*

*Qui as bien obserué les femmes de ceans,*

*Sur elles as eu l'œil, car mon pere est leans*

*Qui veut parler à toy. La parole estant ditte*

*Qu'elle ouyt clairement, elle deloge viste,*

*Descend, ayant ouuert la porte auparauant.*

*Mais son Telemachus alloit tousiours deuant.*

*Quand elle fut venue, elle voit par la sale*

*Vlysses, & de sang & de poussiere sale,*

*Enuironné de morts, semblable entierement*

*A un lion cruel, qui vient expressement*

*Pour rencontrer sa proye, & iette sa furie*

*Sur un gras beuf, paissant de nuit par la prairie:*

*On luy voit haleter superbement le flanc,*

*Sa moustache, ses dents se rougissent de sang,*

*Ses pieds, son estomac sont sanglans au possible;*

*Et son regard hydeux est encor plus terrible:*

*Tel estoit Vlysses des pieds des mains saly*

*Du sang qui regorgeant estoit sur luy ialy.*

*Quand la nourrice vit ce massacre effroyable;*

*Ce sang par tout espars, & le nombre admirable*

Des corps morts estenduz, elle ne put parler  
 Et ne put seulement que se prendre à heurler.  
 Mais Vlysses la prend, la retient, la console,  
 Et en la reprenant luy dit ceste parole.

Vlysses  
 à Eury-  
 clea.

Resiouy toy plustost ma mere, ie te pry  
 Ne pleure dauantage, ains modere ton cry:  
 Car ce n'est pas bien faict, de lamenter, de pleindre,  
 Des homes que les Dieux (lesquels ils n'ont peu crain-  
 Laparque iusticiere & leur mechancetez (dre  
 Ont au dernier trépas, de droict, precipitez:  
 Ils ne portioient respect, honneur ny reuerance  
 A bons ny à meschans, & leur intemperance  
 Est cause de leur mal, & tu les vois icy

Luy dit  
 de luy  
 mōstrer  
 les fem-  
 mes qui  
 s'estoient  
 mal gou-  
 uernees  
 Eury-  
 clea luy  
 rend  
 raison:

Accoutrez comme il faut. Or monstre moy aussi  
 Les femmes de ceans, qui trop desordonnees  
 Auecques ces vilains se sont malgouuernees,  
 M'ayans des-honoré par leur train eshonté.  
 Certes ie te diray la pure verité  
 Respond Euryclea, cinquante chambrieres  
 Sont dedans ta maison toutes bonnes ouvrieres,  
 Car ie leur ay monstreé comme il faut traualier,  
 Souffrir la seruitude, & filer, & veiller,  
 Douze de celles là se sont malgouuernees,  
 Se sont aux poursuiuans salement adonnes,  
 M'ont faict du des-honneur, (mon espoir ont trōpé,)  
 N'ont respecté aucun, non pas Penelopé:  
 Ton fils Telemachus s'est faict depuis naguere  
 Vertueux & puissant, mais toutesfois sa mere  
 N'a iamais trouué bon qu'en rien il se meslast  
 De ses femmes ceans, ne qu'il leur commandast.

*A propos permets moy, ô magnanime Vlyffe,  
Que ie monte là haut & que ie l'aduertisse:  
Car elle est endormie, & ie croy qu'un des Dieux  
Benin luy a coulé ce sommeil gratieux.*

Veutré-  
uciller  
Penelo-  
pé.

*Non, ne l'euille pas, mais fay venir les femmes  
Luy dit-il, qui ont fait ces saletez infames.*

*La vieille incontinent s'en alla les chercher,  
Et pour reuenir tost se hasty de marcher.*

*Mais luy s'en retournant à ses amis feables,  
Et à Telemachus, leur tint propos semblables.*

*Commencez moy d'oster ces charongnes d'icy,  
Aux femmes de ceans faictes le faire aussi,  
Enuoyez-les à l'eau, & qu'elles me nettoient  
Ces tables & ces bancs, toutes qu'elles s'employent  
Des esponges, des mains, tant que tout soit lauë.*

*Puis si tost que cela sera paracheué  
Qu'on me tire dehors ces chiennes detestables  
Et entre le donjon, & la court des estables  
Baillez leur tant de coups que vous leur arrachiez  
La vie à coups d'espee, & ainsi estanchiez  
Leurs ribaudes chaleurs, de leur incontinence  
Leur ostant pour iamais l'entiere souuenance.*

*Il n'eust pas acheué, qu'on voit ensemblement  
Ces femmes arriuer criants amererent  
Faisans de grands regrets, iettans force pleur tendre.  
Elles vôt ces corps morts tout premierement prendre,  
Les emportent dehors, les mettent en un tas  
Au dessous du portail, (aupres d'un galetas)  
S'entr'aydant l'une l'autre. Vlysses fort les presse,  
Elles font son vouloir de crainte & de detresse,*

Les fem-  
mes dé-  
bau-  
chees ar-  
riuent.

Portent apres force eau: vont frottans, vont lauans  
Des mains & de l'esponge, escabelles & bancs  
Et tables & tresteaux, & du tout les nettoient  
Le porcher, le bouuier, & Telemach balayent  
Les ordures apres, & elles les portoient,  
Et hors de la maison en un coin les iettoient.

Après que tout fut net: soudainement ils prehnent  
Les femmes, & dehors du logis les entraînent,  
Et entre le logis & le donion vouté

Telemachus à elle.

Les serrent pres apres, (comme il auoit esté  
Enuoint par Vlysses,) leur estant impossible  
D'en sortir nullement. Lors (d'une voix terrible)  
Telemachus leur dit, ie ne vous tueray pas  
D'une mort honorable, & si mon contelas  
Ne boira vostre sang, qui m'auez, orgueilleuses  
Si fort d'eshonoré, qui n'auez malheureuses  
A ma mere porté l'honneur que vous deuiez,  
Mais avec ces mechans trop d'acointance auez.

Il les pend avec des cordes.

Quand il eut diët, il prend des cordes de navire  
Et leur met dans le col, & les guinde & les tire  
En haut aux soliveaux, tant qu'elles n'auoient pas  
Le moyen de toucher des pieds en terre à bas.  
De la mesme façon qu'on void les tourterelles,  
Les ramiers, les bisets, se debatre des ay'es,  
Et dedans les rameaux des bocages pendus  
Se demener aux lacs qu'on leur auoit tendus:  
Ainsi les voyoit on, les cordes effroyables  
Attachees au col, pendiller miserables,  
Secouer le iarret, & pauvrement mourir.  
Cela faiët, ils s'en vont Melanthius querir,

Accou-  
stre mal  
Melan-  
thius.

Luy couppent d'un cousteau le nez & les oreilles,  
Et luy font endurer des douleurs nonpareilles.  
Luy arrachent apres les parties d'embas  
(Tout vivant qu'il estoit) les iettent pour repas  
Aux chiens & aux mastins, par morceaux les decou-  
Et bras & pieds & mains de colere luy coupët, (pès  
Avant que de mourir. Apres s'en vont laver  
Et les mains & les pieds, puis viennent retrouver  
Ayans tous acheué dedans la sale Vlysse,  
Lequel les ayant veus, appelle la nourrice.

Apporte moy du soufre & de l'ardant brazier,  
Afin, ce luy dit-il, d'oster le mauvais air,  
Et parfumer la sale, & puis apres appelle  
Soudain Penelopé, mon espouse fidelle,  
Qu'elle descende en bas & les femmes aussi  
Qui sont en la maison: fay venir tout icy.

C'est tres-bien dit, mon fils. Je vay querir au reste  
Un vestement qui soit un petit plus honneste  
Que ceux cy que tu as. Car de te voir seant  
Chez toy, en ces haillons, il n'est pas bien seant.

Mais Vlysses luy dit. Avant cela, ma mere  
Ayons plustost du feu. Adonc elle obtempere,  
Apporte soufre & feu, & Vlysses ators  
Parfume la maison & dedans & dehors.  
La vieille de rechef, la nourrice fidele  
Monte aux chäbres en haut, & les femmes appelle,  
Elles incontinent en haste descendoient  
Portans fläbeaux en main qui gräd clarté rendoient.  
Lors autour d'Vlysses en foule elles s'amaissent,  
L'environnent par tout, le baisent & l'embrassent,

Rr iiij

*Et teste, & corps, & mains. Alors un doux plaisir  
De souspirs & de pleurs embraza son desir,  
Et ne se peut tenir de le faire paroistre  
Dans le msme moment qu'il les peut recognoistre.*

Fin du vingt-deuxiesme liure.



LE  
 VINGT-TROISIÈME  
 LIVRE DE L'ODYSSEE  
 D'HOMÈRE.

ARGUMENT.

**E**N fin apres auoir longuement dilayé, & l'auoir esprouué, penelopé reconnoist Vlysses, luy faict vne recapitulation de tous ses erreurs. Il couche avec Penelopé: luy dit les trauerses qu'il luy conuient encor souffrir. Le iour approchant il se leue, s'arme, & avec Telemachus, Eumæe & Philetiüs, sort de la maison & va trouuer aux champs son pere Laërtes.

AUTRE SOMMAIRE.

*Vlysse est reconnu de sa Penelopee,  
 Ayant bien delayé craignant d'estre trompee.*

**E***n* A vieille ce pendant se hastoit de monter  
 Tressaillant de plaisir: afin de rapporter  
 A sa Penelopé les premieres nouvelles  
 De son mary venu: ses pieds auoient des aîles,



Et d'ayse, ses genoux ne trembloient nullement:  
 Estant à son cheuet, Leue toy vistement,  
 Ma fille, & t'en vien voir la nouvelle assuree  
 Que tu auois le plus au monde desirée,  
 Vlysses est venu, le voila de retour  
 Chez luy, tout tard qu'il est: il a fait vn bon tour  
 A tes bons amoureux, dont l'insolence extrême  
 Ne respectoit personne, & non pas ton fils meisme,  
 Qui mangeoient tout ton bien, ruynoient ta maison,  
 Sans cesse s'atristoient, il en a eu raison,  
 Il les a tous tuez. Lors la femme d'Vlysse:  
 Certes les Dieux t'ont mise, ô ma bonne nourrice  
 Hors de ton bon esprit: ils peuuent aysement  
 Mesmes aux plus prudents, oster l'entendement,  
 Et à qui radoient donner sens & prudence:  
 Comme toy qui auois sagesse en abondance,  
 Et as presentement le cerueau renuersé,  
 Pourquoy me troubles tu l'esprit, ja trop pressé  
 D'ennuis & de douleurs, me paissant de mensonges,  
 Et me viens destourner de mes gratieux songes,  
 Et d'un si doux sommeil, dont le paisible effort  
 Aux yeux m'auoit colé les paupieres si fort,  
 Que ie n'auois depuis le iour tant lamentable  
 Qu'Vlysses s'en alla contre le non nommable  
 Ilion guerroyer, dormy si fermement?  
 Mais oste toy d'icy, redescen vistement,  
 Si vne autre que toy auoit esté si folle  
 Que de m'entretenir de si sottie parole  
 Et de me reueiller, ie luy ferois sentir  
 Que c'est de me venir effrontément mentir:

Mais toy pour ceste fois la vieillesse t'excuse.

A qui Euryclea. Certes ie ne t'abuse  
Ma fille, ie dy vray, Vlysses est venu,  
Et pour te dire plus, c'est cest homme incognu  
Que l'on mesprisoit tant, nul n'auoit cognoissance  
De luy, que ton fils seul, qui de grande prudence  
Onc ne la decouuert, mais comme ils pretendoient  
De punir ces galants, eux seuls en attendoient  
Et le temps & le point. Lors de grande allegresse  
Du liēt saute la Reyne, embrasse, estreint & presse  
En ses bras la nourrice, & de ioye pleurant  
Luy alloit à plaisir ces propos proferant.

Ie te pry, dy moy vray, ô ma chere nourrice,  
Dis tu la verité, est il venu, Vlysse?  
Helas ! comme a til peu tuer tous ces mechans  
Luy seul, veu qu'ils estoient infinité de gens?

I'en'ay point veu comment, respondit Euryclea,  
I'ay seulement ouy comme vne voix troublee  
De gens qui soufpiroient comme s'on les tuoit.  
Nous ne pouuions rien voir, pour ce qu'on nous auoit  
Enfermees deuant qu'on fit ce sacrifice:  
Ton fils me vint après appeller, car Vlysse  
Luy auoit commandé. Sortant donques dehors  
Ie le voy là debout entre tous ces corps morts  
Et eux autour de luy estendus par la place,  
Dedans leur sang veautre & couchez sur la face.  
Tu eusses pris plaisir émerueillable, si  
Tu t'eusses veu de sang tout degoutant, ainsi  
Qu'un genereux lion. Ceste pauvre ieunesse  
Est dehors en un tas, & luy plein d'allegresse

Eury-  
clea cō-  
tinuë à  
l'en  
asseurer

Parfume la maison pour purifier l'air,  
 Et m'enuoye deuant afin de t'appeller,  
 Vien-t'en donc vîstement, que tu te resiouysse  
 A la fin à ton ayse avec ton cher Vlysse,  
 Et luy avecques toy, & vous recompensez  
 Du passé, vous auez eu des ennuis assez,  
 Or les voila finis, vos souhaits sont asteure  
 De tout point accomplis : il est à la bonne heure  
 Vif de retour chez luy, contant & triomphant,  
 Il vous a trouuez vifs & toy & ton enfant,  
 Et de tes poursuiuans qui enflez d'arrogance  
 Te faisoient mille ennuis, il a faict la vengeance,

Penelope conti-  
 nuë en son in-  
 creduli-  
 té.

Et Penelope' encor. Ne me dy point cecy  
 Je te pry, ma nourrice, & ne te mocque ainsi:  
 Car, & tu le sçais bien, la verité est telle  
 Qu'il peut venir tousiours en son Ithaque belle  
 Bien recueilly de tous, & principalement  
 De moy & de son fils qu'il ayme vniquement  
 Et nostre enfant commun, mais qu'il soit veritable  
 Qu'il ayt tué ces gens, c'est vne pure fable,  
 C'est plustost quelque Dieu d'entre les immortels  
 Prouoqué iustement de leurs actes cruels,  
 Esmeu de la douleur des maux & des iniures  
 Que nous faisoient ceans ces lasches creatures:  
 Car ils n'auoient respect à quelconque estranger  
 Soit bon, ou soit mauuais qui vint ceans loger:  
 Il les a donc payez de toute leur malice,  
 Ils ont eu le loyer meritè: mais qu'Vlysse  
 Soit venu, c'est à toy certes mal entendu,  
 Il ne peut reuenir pour ce qu'il est perdu.

Lors elle. Qu'as-tu dit, chere Penelopee,  
 Quelle parolle t'est de tes dents échappée?  
 Que dis-tu d'Ulysses; Qu'il ne reuiendra pas,  
 Qu'il est mort, & perdu? & le voila là bas  
 Assis auprès du feu, où de l'encens il brule:  
 Tu as certainement l'ame trop incrédule,  
 Que si ie t'en disois signe très-euident?  
 N'a-t'il pas dessus luy une marque de dent  
 De sanglier; l'autre nuit ie l'auois reconnuë  
 En luy lavant les pieds. S'il ne m'eust retenuë  
 Tu l'eusses sceu deslors, mais soudain il me mit  
 Les deux mains sur la bouche, & iamaïs ne permit  
 Que ie disse un seul mot, (tant fut sa preuoyance  
 Extrême à se celer.) Or vien en diligence,  
 Et si ie ne dy vray, ie seray avec toy,  
 Pren moy, fay moy mourir, fay en somme de moy  
 Tout ce qu'il te plaira. Lors la femme d'Ulysses,  
 Il t'est fort malaysé, ô ma chere nourrice  
 Que des Dieux immortels qui n'ont commencement  
 Tu sçaches les secrets, fut ton entendement  
 Cent fois encor meilleur. Allons à la bonne heure  
 Toutesfois voir mon fils, & si c'est chose seure  
 Que ces mechans soient morts, nous les verrons aussi,  
 Et qui les a tuez. Parlé qu'elle eut ainsi,  
 Elle descend en bas: mais sa douce pensée  
 Est merueilleusement de troubles balancee,  
 Si se tenant de loïn elle interogeroit  
 Celuy qu'elle aymoit tant, ou si elle courroit  
 A luy les bras ouuerts, & sur la mesme place  
 Elle luy baiseroit & les mains & la face,

Penelope  
 en fin  
 descéd;  
 en la sa-  
 le, & est  
 en gran  
 de dou-  
 te.

Se met  
à l'oppo-  
sité d'U-  
lysses.

*Estant entree, ayant passé entierement  
La porte, elle s'en vint mettre oppositement  
Vis à vis d'Ulysses, vers le paroy contraire  
Où le feu allumé iettoit sa splendeur claire.  
(Ainsi Penelopé bonnement ne sçauoit  
Ce qu'elle deuoit faire, & un grand trouble auoit:)*

La con-  
tenance  
d'Ulyss-  
ses voïât  
sa fem-  
me.

*Et luy contre vn pilier (deuers la cheminee)  
Se tenoit appuyé, la veüe en bas tournée  
Encontre les carreaux, pour voir ce que feroit  
Son espouse fidelle, & s'elle parleroit.*

*Vn long temps, sans rien dire elle se tint assise,  
De grand rauissement son ame estoit surprise,  
Et en le regardant tantost elle pensoit  
Le recognoistre bien, puis cela la laissoit  
Regardant ses haillons, & ne sçauoit que faire.*

Telema-  
chus à  
Penelo-  
pé.

*Adont son fils luy dit: mere, fascheuse mere,  
Tant tu as le cœur dur, te veux tu reculler  
De mon pere tousiours? ne veux tu point aller  
Le receuoir en fin? qu'est-ce que tu ne sonde  
Pour le moins si c'est luy. Je ne sçay femme au monde  
Qui fit cela que toy, qui se püst abstenir  
D'aller à son mary, le voyant reuenir,  
Après auoir sauué sa vie demenee  
De mille aduersitez dans la vintiesme année:*

Penelo-  
pé en  
perple-  
xité luy  
respôd.

*Mais pour certain ton cœur est pl<sup>9</sup> dur qu'un rocher.  
A qui Penelopé. Helas! mon fils trescher,  
J'ay le cœur si perplexe, & ie sens ma pensee  
Si merueilleusement de douter renuersee  
Que ie ne puis parler, ne me puis hasarder  
De m'enquerir de luy, non pas le regarder.*

Mais s'il est Vlysses, & que tel il te semble,  
 Nous nous cognoistrôs bië quâd nous serôs ensemble,  
 Et si sera meilleur, par ce que nous auons  
 Des signes entre nous, & des marques sçauons  
 Que personne ne sçait. Elle acheua de dire,  
 Et Vlysses se prit en soy mesme à sourire,  
 Puis à Telemachus: mon fils donne congé  
 De venir à ta mere; afin qu'yant songé  
 Comme il me faut sonder elle me reconnoisse.  
 C'est pour ce que ie suis couuert de crasse espesse,  
 Rompu & déchiré, qu'elle fait peu de cas  
 De son pauvre mary, & presque ne peut pas  
 Confesser que c'est moy: mais avant tout affaire  
 Auisons entre nous ce que nous deuons faire,  
 Et conseillons nous bien: car il est apparent,  
 Si quelqu'un tuë un autre en quelque different  
 Encore qu'il ne soit de bien grand parentage,  
 Ses amis soient petits, & nul ne le soulage,  
 Qu'il faut que le meurtrier s'en fuye du pais,  
 S'absente de chez luy, delaisse ses amis:  
 Et nous auons tué la force de la ville,  
 La fleur de la ieunesse & les premiers de l'Isle:  
 Je suis d'opinion d'aduiser quant à moy  
 De nous resoudre bien. Mon pere, c'est à toy  
 Respond Telemachus, & à ta diligence,  
 D'y bien remedier: tu passes en prudence  
 En aduis, en conseil le reste des humains:  
 Les bons expediens tu les tiens en tes mains,  
 Tu sçais pouruoir à tout, c'est le bruit qu'on te donne  
 Et c'est à tref-bon droit. Partant, cõmande, ordõne,

Vlysses  
 à Tele-  
 machus.

Nous executerons brauement, & verras

Que nous ne manquerons à ce que tu diras.

Vlyſſes

aduise

Telema

chus de

ce qu'il

conuiēt

faire.

Or ie te diray donc, luy reſpondit ſon pere,  
Tout cela qu'il me ſemble eſtre meilleur de faire.

En premier lauez vous, & vous parez auſſi

De vos plus beaux habits, faiētes en faire ainſi

Aux femmes de ceans, puis que l'on voiſe dire

Au chantre Phœmius de iouër de ſa lire,

Et qu'on châte, & qu'on danſe, & (au feu qui reluit)

En ſautant, en courant on face force bruit,

A ſin que les voiſins, ou ceux qui d'auanture

Paſſeront icy pres entendans ce murmure

Preſument que l'on fait quelques nopces ceans,

Et qu'on ne ſçaſche point qu'on a tué ces gens,

Qu'on n'oye rien de nous, ny de ceſte deffaite,

Que n'ayons fait premier aux champs noſtre retraite:

Puis quand nous y ſerons on ſe conſeillera

Selon l'expedient que Dieu nous donnera.

Eux donc incontinent ſon aduis approuuerent,

Et luy obeiffans, ſoudain ils ſe lauerent,

Priront leurs beaux habits, & les femmes auſſi

ſçachants ſa volonté, en firent tout ainſi,

Puis le chantre diuin prit ſa lire voutee,

Mainte chanſon deſſus a iouée & chantee

Et chacun d'eux ſautant (au feu qui reluiſoit)

Des pieds & de la voix grande rumeur faiſoit,

Hommes, enfans, garçons, tout eſtoit à la danſe

Si que quelcun paſſant, oyant la reſonnance

De dehors, dit ainſi: à ce coup pour le ſeur,

De la Reyne quelqu'un ſe rend le poſſeſſeur;

Quelqu'un s'en va iouir du tresor desirable  
 Que tant de gens cherchoient : Chetive & miserable,  
 Qui n'a pas eu le cœur d'acheuer tout à fait  
 Le beau commencement qu'elle auoit si bien fait :  
 De garder la maison & la mesnagerie  
 De son premier mary tant qu'il seroit en vie.

C'est ainsi qu'il parloit, (de colere poussé,)  
 Mais il ne sçauoit pas ce qui s'estoit passé.

Tandis Eurynomé la gouvernante habile  
 L'aua d'eau Vlysses, & de precieuse huyle  
 Luy delassa le corps: puis sur luy vistement  
 Jetta un magnifique & riche vestement:  
 La Deesse Pallas luy rendit lors la face  
 Plus pleine de beauté, plus tendue & plus grasse,  
 Sur sa teste friza ses cheueux blon dorez,  
 Comme ses belles fleurs par les prez peinturez:  
 Ne plus ne moins qu'on voit l'industriex orfeure  
 Qui met l'or precieux avec l'argent en œuvre,  
 Que Vulcan, que Pallas ont instruit tout à fait  
 Pour rendre de tout point un ouurage parfait:  
 De la mesme façon Pallas donna la grace  
 Au maintien d'Vlysses, & versa sur sa face  
 En ieunesse & beauté, en équipage tel  
 Il sort du bain, semblable à un Dieu immortel,  
 Et rentrant dans la sale il retourne reprendre  
 Sa place, & vis à vis de sa femme se rendre.  
 Pauvre femme, dit il, certes les puissants Dieux  
 Qui d'un estre eternal habitent sur les Cieux,  
 T'ont bien formé le cœur plus dur plus intraitable,  
 Qu'autre femme qui viue en la terre habitable.

Eurynomé l'aua  
 & nettoye  
 Vlysses.  
 Pallas  
 le rend  
 encore  
 plus  
 beau.

o —  
 Vlysses  
 à sa fem-  
 me Pe-  
 nelope.



*Je n'en sçache que toy qui se pust abstenir  
D'aller voir son mary le voyant reuenir  
Après auoir sauué sa vie, pourmenée  
Par mille aduersitez, dans la vingtième année.  
Nourrice fay mon liét, que ie m'aille coucher  
Le cœur de ceste cy est plus dur qu'un rocher.*

*Pauvre homme que tu es, ie ne suis si légère,  
Luy dit-elle, d'aller si viste faire chère  
Ny carresser un homme, aussi ne suis-je pas  
Si pleine de dédain, que de ne faire cas  
Des hommes de respect. Mais i'ay bonne mémoire  
Quel homme tu estois, quand dessus l'onde noire  
Tu montas pour aller à Troye guerroyer,  
Abandonnant Ithaque & ton propre foyer,  
Toutesfois, Euryclee, accour tost & t'aduançe,*

*Elle es-Valuy dresser son liét en toute diligence  
proue Hors la chambre là haut, que luy mesmes a fait:  
Vlysses L'ayant dehors dressé, iettez coïste & cheuet  
pour la L'ayant dehors dressé, iettez coïste & cheuet  
dernière fois Et des linceux dessus, & force couuerture,  
par vne (Qu'il ne puisse sentir nullement la froidure.)  
gentille Par ces mots, son mary prudent elle tentoit:  
inuen- Mais luy, prompt à ce coup, grandement s'irritoit  
tion. Et crioit, luy disant. (Quelle triste nouvelle  
Vlysses Est-ce que tu me dis?) qui auroit force telle  
en cole- Que de pouuoir oster mon liét hors de son lieu;  
re sur ce Non pas le plus expert, non pas mesmes un Dieu  
qu'elle S'il l'auoit entrepris, n'en auroit pas l'adresse,  
auoit Homme tant fust-il plein de force & de ieunesse  
proposé N'en pourroit pas venir à bout facilement.  
de son Pour ce que i'y ay fait moy mesme expressement  
liét.*

Les marques qui y sont. Vne branche esbandüe  
 De feüilles d'oluiery estoit estendüe  
 Florissant, verdissant, grosse comme un pilier.  
 Puis i'y dressay ma chambre, & la voulus lier  
 Industrieusement au contrefaiët branchage,  
 Tant que i'eusse parfaiët entierement l'ouurage,  
 Puis ie l'environnay de cartiers bien polis,  
 La couury par dessus, l'enfermay de bons huis,  
 Apres grana y dessus comme vne rame vine  
 De feüillars recourbez de verdissant olive,  
 Et le tronc entaillé proprement au cizeau  
 Poli mignonnement, rabotay au niveau  
 Tout le bois du chalit, perçay chasque mortaisé,  
 ( Afin que les tenons entrassent à leur ayse.)  
 Le liët fut par moy seul non par autre grane  
 Ne le laissant, que tout ne fust paracheué,  
 Le diuersifiant d'or, d'argent, & d'iuoiré,  
 D'art si industrieux que lon ne scauroit croire.  
 Puis, le tout fut par moy d'un cuir de boeuf encoint  
 Paré, resplendissant, en escarlatte teinte.  
 Voicy, iet en ay dit l'indice sans fallace,  
 Et ne sçay si mon liët est encor' en sa place,  
 Ou si quelqu'un pourroit len auoir arraché,  
 L'auroit porté ailleurs, & poluiier tranché  
 Embas par là racine. A ces propos la Reyne  
 Sentit troubler son cœur d'emotion soudaine,  
 Les genoux luy craquoient. C'estoit la verité  
 Tout cela qu'Vlysses luy auoit raconté.  
 Adonc fondant en pleurs, de ioye transportée,  
 Elle court l'embrasser, chaque main aiettee

Penelo.  
 De l'air  
 tout a  
 faiët re-  
 cogneu,  
 accourt  
 l'embras-  
 ser.

*À l'entour de son col, luy baise mille fois*

*Et la bouche & les yeux, puis de tremblante voix:*

*Ne te courrouce point, Vlysses, tu abonde*

*En sagesse & prudence autant qu'homme du monde,*

*Tu as du iugement. Or les tout-puissans Dieux*

*Ne nous ont pas permis, sur nostre aise enuieux,*

*De demeurer ensemble en nostre grand ieunesse,*

*Mais nous ont trauezsez iusqu'en nostre vieillesse.*

*Ne te fasche donc point, & ne m'accuse pas*

*De ce que ie n'ay faict en premier un tel cas*

*De toy que ie deuoïs, que ie ne suis couruë*

*Vers toy pour t'embrasser dès la premiere veuë,*

*Pource que j'ay tousiours merueilleusement craint*

*Que l'on ne me trompast dessous un semblant feint,*

*Tant y a de trompeurs & d'affronteurs au monde.*

*Iamais la belle Helene à la perruque blonde*

*Son amitié n'eust mise au coursaire Paris,*

*S'elle eust sceu que les Grecs (de cet affront marris)*

*L'eussent deu ramener encor en sa patrie:*

*Quelque Dieu luy émeut ceste forcenerie,*

*Ne luy faisant preuoir en son entendement*

*Les maux qu'en sentirons, elle premierement,*

*Et nous tous puis apres, par ses malheureux vices.*

*Mais puis que tu m'as dit les assurez indices*

*De nostre liët commun, qu'au monde nul n'a veus,*

*Mais toy tant seulement & moy les auons sceus,*

*Et la seule Actoris la seruante secrette*

*Qui garde de tout temps l'huis de nostre chambrette,*

*Celle qui me donna partant de la maison*

*Mon cher pere Icarus, ie suis par la raison*

S'excuse  
en-  
uers luy

*Amenee à le croire, & force est de me rendre  
Où ma durté n'a peu me faire condescendre.*

*Elle disoit ainsi, & un plus fort desir  
De pleurer, tout à fait vint Vlysses saisir:  
Il pleuroit tendrement de ioye en son courage  
De se voir une femme & si chaste & si sage.*

*Comme ceux que Neptune a long temps agitez  
Espars decà delà sur les flots irritez,  
A qui les vents cruels ont fait mortelle guerre,  
Ont brisé leur vaisseau, voyent en fin la terre  
De grande audité, mais peu s'accourageans  
D'entre eux, à la par fin se sauuent en nageans,  
Et viennent au huiage avec grande allaigresse  
Couuerts de la saieure & de l'escume espaisse:  
Avec un tel plaisir Penelopé pressoit  
Vlysse entre ses bras, le serroit, l'embrassoit,  
De tous costez son col, ses mains, sa bouche assiege,  
Et n'en peut pas tirer ses bras blancs comme neige.  
Et l'Aurore les eut trouuez encor pleurans,  
Si Pallas la Deesse aux yeux pers éclairans,  
N'eust pensé à leur fait, retenant dauantage  
La nuit dessus la terre, & fermant son passage,  
Et l'Aurore gardant souz l'Océan là bas  
De peur qu'elle sortist, & ne permettant pas  
D'atteler à son char ses cheuaux aux pieds vistes  
Lampius & Phaëton, ny sortir de leurs gistes.  
Adoncques Vlysses rompant ce doux repos  
Vint à Penelopee entamer ces propos.  
O femme, ce n'est pas la fin de nos miseres,  
Nous aurons bien encor du mal & des affaires,*

*Vlysses  
encore  
à Penc-  
lope.*

Il me reste à passer des hazards bien diuers,  
 Le bon Tiresius me le dit aux enfers  
 Lors que i'y descendsy, pour dessus le passage  
 De mes gens & de moy entendre son presage.  
 Mais allons nous coucher, afin que nous passions  
 Le reste de la nuit, & nous reposassions  
 Souz le plaisant sommeil. A lors l'Icarienne,  
 Toutes & quantes fois que la volonté tienne  
 Sera de te coucher, ton lit sera dressé,  
 Puis que les Dieux benins i'ont si bien adressé  
 Que de reuoir en fin ta maison desirable,  
 Et d'estre retourné en ta patrie aymable.  
 Mais si tu sçais, & Dieu t'a voulu aduertir  
 De ce qu'il te conuient par cy apres patir,  
 Y auroit il danger aussi que ie le sceusse?  
 Ne seroit-il pas mieux que tu ne me le teusse?  
 Raconte le moy donc. A ces mots Vlysses.

Curiosi  
 té de  
 Penelo-  
 pé.

Pourquoi me presses-tu, pauvrette que tu es,  
 De te dire cela? Es tu si curieuse

Vlysses  
 la con-  
 tente en  
 sa curio-  
 sité.

Que de vouloir sçauoir ma fortune ennuyense?  
 Je te la diray donc contentant ton desir,  
 Encor que toy ny moy n'y aurons grand plaisir,  
 Le Prophete me dit qu'il falloit que i'allasse  
 En pays fort loingtains, & que ie me melassse  
 Parmy peuples diuers, & n'oublasse point  
 En auiron en main, le portant en ce poinct  
 Tant que i'eusse attrappé des terres ignorantes  
 Du fait de la marine, & des barques courantes  
 Sur le profond des eaux, n'ouyrent onc nommer  
 Ce qui faiët les vaisseaux voler dessus la mer,

Cordages, avirons, rames, & voiles belles  
 Qui poussent le navire, & qui luy servent d'ailes,  
 Et ne sçauent que c'est que de saller la chair.  
 Et qu'en continuant, me dit-il, à marcher,  
 Viendra quelqu'un vers moy, qui dira que ie porte  
 Un gentil éventail sur mon espaule forte,  
 (Nommant ainsi ma rame) en terre il conviendrois  
 Ficher mon aviron, & puis il me faudroit  
 Soudain sacrifier à Neptune fils de Rhee,  
 Un agneau, un sanglier à la hure mirée,  
 Et un Taureau encor. Puis il me dit ainsi,  
 Qu'il me faudroit de là m'en reuenir icy,  
 Où ie sacrifierois à la troupe immortelle  
 De tous les Dieux du Ciel une hecatombe belle.  
 Et que la mort debile en fin m'attrapperoit  
 Du costé de la mer, d'un qui me frapperait,  
 Mais que ce ne seroit qu'une extrême vieillesse,  
 Et mon peuple viuroit en paix & en liesse.  
 Voila comme il me dit ma mort & mon destin,  
 Et ce qui me deuoit aduenir par certain.

Puis que les puissans Dieux, dit la sage Princeesse,  
 T'asseurent d'arriuer en extrême vieillesse,  
 Nous deuons esperer que tu te sauueras  
 Des dangers que tu cours & les eschapperas.

Pareils discours tenoient Penelope & Ulysse.  
 Tandis Eurynomé & la vieille nourrice  
 Dressoient le liét en haut, aux rais, à la clarté  
 Des torches & flambeaux: quand tout fut appresté,  
 La vieille se retire, & l'autre chambriere  
 En leur chambre les mene & porte la lumière

Vlyſſes & Pénélope ſe couchèrent enſemble. Leur éclairant devant. Entrez dedans qu'ils ſont  
Elle ſe retira: Et eux ſoudain ſ'en vont  
Renouveler le droit & reprendre le gage  
Des anciennes loix du premier mariage.

La danſe au meſme temps commença de ceſſer,  
Eumée & le bouvier quitterent le danſer,  
Si fit Telemachus, & laſſez ſ'endormirent  
Et le meſme apres eux toutes les femmes firent.

Penelope racô-  
te à Vlyſſes les inſolences des amans.  
Mais le Roy & ſa femme ayans à grand plaifir  
De mille embraſſemens contenté leur deſir,  
Se remirent encor' aux diſcours, aux paroles,  
La Reyne luy contoit les inſolences folles  
Que ces Princes auoient faictes en ſa maiſon,  
Conſumans tout ſon bien, égorgeans ſans raiſon  
Ses vaches, ſes brebis, mettans ſes vins en perſe.

Vlyſſes luy raconte ſes erreurs.  
Vlyſſes luy raconte ſes erreurs.  
Qui eſt  
vne recapitulation de toute l'Odyſſée.  
Vlyſſes luy raconte ſes erreurs.  
Comme à beaucoup de gens il auoit apporté  
Du mal, de la trauerſe, & que de ſon coſté  
Il en auoit eu faute, & la fille d'Icare  
En ſes diſcours prenoit vn contentement rare,  
Et ſon œil ne fut onc de ſommeil agraué,  
Ne ſe laiffa fermer qu'il n'eût tout acheué.  
Son commencement fut, comme (au partir de Troye)

Il mit quelques citez des Cicones en proie,  
Comme il vit puis apres eſtant échappé d'eux  
Des Lotophagiens le pays oublieux,  
Luy conta du Cyclops, du hideux Polyphème,  
Comme il mangea ſes gens en ſa preſence meſme,  
Et comme il ſ'en vengea, de quel bon traitement  
Le receut Aeolus, & favorablement

Le renvoya sur mer d'une prospere halene,  
Qu'il restoit de retour sans la Parque inhumaine  
Qui si tost aborder chez luy ne le laissa:  
Et comme la tourmenté en la mer le poussa,  
De la façon qu'il prit terre en Listrigonie,  
Où il vit submerger toute sa compagnie,  
Sa nef seule eschappa: Les ruses de Circé,  
Et comme il descendit en l'Auerne poissé,  
Y vid Tirestias, & les Princes de Grece  
Ses chers compagnons, quela Parque traitresse  
Avoit là faict passer: comme en ce pays là  
Il vid sa mere mesme, & à elle parla.  
Il ne mit en oubly les chansons des Syrenes,  
De Scylle & Charybdis les roches inhumaines,  
Comme il les eschappa par hazard nonpareil,  
Et le malheur qui vint des vaches du Soleil,  
Qu'à leur occasion Iupiter mit en poudre  
Son malheureux vaisseau des éclats de son foudre,  
Submergeant ses amis, luy nageant se sauua,  
En l'Isle d'Ogygie à peine se trouua  
Où il fut retenu de Calypso la belle,  
Qui faire le vouloit de nature immortelle,  
S'il vouloit l'espouser: comme elle le flatta  
Longuement, mais tousiours ferme il luy resista:  
En fin vint en Corfou, où les gens l'honorèrent  
Ainsi que quelque Dieu, escorte luy donnerent  
Pour trauffer la mer, chacun sa nef chargeant  
De presens precieux, d'habits, d'or & d'argent.  
Comme il fut venu là, le sommeil sur luy tombe  
Et luy serre les yeux, Ulysses y succombe,



650 LE VINGTTROISIÈME LIVRE  
S'endort profondement : & luy font tréue ainsi,  
Les pēssers, les travaux, le chagrin, le soucy.

Mais Pallas aux yeux pers ce-pendant qu'il repose  
A son aise endormy, pense bien autre chose:  
Car comme il pensoit estre au comble de son bien,  
Plongé dans les plaisirs, voicy qu'en moins de rien  
Elle tire des eaux l'Aurore matinier  
Pour donner aux mortels le bien de la lumiere.  
Vlysse la sentant se leue vistement,  
Donne à Penelopé cet aduertissement.

Femme, iusques icy personne ne se treuve  
Qui ayt, comme nous deux, esté mis à l'esspreuve:  
Tu as en m'attendant force ennuy supporté,  
D'autre part, Iupiter & les Dieux m'ont ietté  
En beaucoup de tourmens, m'ont liuré forte guerre,  
Et m'ont fermé long temps le retour en ma terre.  
Or puis que nous voicy, suivant nostre desir,  
En nostre liēt reioints avec tresgrand plaisir,  
Pren soin dans la maison de la mesnagerie,  
Et quant à nos troupeaux, dont extrême turie  
Ont faict les poursuiuans, i'ay en moy arresté  
D'en aller prendre ailleurs certaine quantité.  
D'autre costé les Grecs, s'ils nous sont equitables,  
En fourniront leur part pour remplir nos estables.  
Or ie m'en vay aux champs mon pere visiter,  
Qui, à ce que l'on dit, ne faict que s'attrister,  
Je te veux ce-pendant faire vne remonstrance,  
Bien que tu ayes assez d'esprit & de prudence.  
Si tost qu'il sera iour sans doute l'on sçaura  
Le meurtre de ces gens, & le bruit en courra.

*Par toute la cité. Tien toy sur toute chose  
Et tes femmes & toy dans la maison bien close,  
Ne parle ne respons, ne t'enquiers nullement  
A homme que ce soit. Il dit, & vistement  
Ses armes endossa de beauté nompareille,  
Telemachus appelle, & Eumæus réveille  
Avec Philatius, leur dit de se vestir  
De leurs armes soudain, & qu'il falloit sortir:  
Ils ne font nul refus, de leurs armes se vestent,  
Les portes font ouvrir, en campagne se iettent,  
Il faisoit desja clair, mais Minerve tendit  
Vn nuage autour d'eux, & dehors les rendit.*

Fin du vingt-troisiesme liure.



LE  
 VINGTQVATRIESME  
 ET DERNIER LIVRE  
 de l'Odyssée d'Homere.

ARGVMENT.



Mercure conduit les ames des poursui-  
 uans occis aux enfers. Quelques dis-  
 cours desdictes ames. Celle d'Amphi-  
 medon raconte à celle d'Agamemnon  
 comme Vlysses les a fait mourir. Vlysses se dissi-  
 mule du commencement à Laërtes son pere, puis  
 se donne à cognoistre. Tumulte s'esleue en Itha-  
 que pour la mort des poursuiuans, où Epitheus  
 pere d'Antinoüs se fait chef de la faction, sort  
 avec troupe des habitans pour aller tuer Vlysses  
 chez Laërtes. Ils combattent, est tué par Laërtes.  
 Vlysses les met en route, & voulant poursuiure la  
 victoire, Pallas les retient, qui les accorde & fait  
 paix entre luy & ses sujets.

AUTRE SOMMAIRE.

*Le tumulte en Ithaque, on viét aux mains. La paix  
 Entre Vlysse & les siens est faite pour iamaïs.*



*Ais le Cyllenien touchoit les esprits  
pasles  
Des poursuiuans occis aux riués infer-  
nales,*

Mer-  
cu-  
re.

*Il tenoit en sa main sa belle verge d'or  
Dont il endort les vns, & les autres encor  
Réueille comme il veut. Il mene ceste bande  
Qu'il suit, de bruit pleine & d'émotion grande.  
Tout ainsi que l'on voit dans le creux d'un rocher  
Force Chauue-souris qu'on a fait trebucher,  
Fremir & faire bruit, & au pris qu'on les presse  
Cà & là voleter en multitude espaisse:  
De mesmes ces esprits fremissans rauquement  
Après le fils de Maie alloient confusément,  
Et le Dieu non mauuais marchât deuant, leur mostre  
La voye grande & large. Ils vont à la rencontre  
Du flux de l'Océan. & vont outre passant  
Du roc Leucadien le sommet blanchissant,  
Penetrent du Soleil les portes releuees,  
Et du sommeil blaffard les nations voilees,  
Puis sur un pré herbu aussi tost sont venus,  
Où les esprits des morts, simulacres menus,  
Leur demeurance font. Là estoient du Pelide,  
De son cher Patroclus, & du preux Nestoride  
Les esprits deliez, celui d'Ajax aupres,  
Qui estoit le plus fort & le plus beau des Grecs,  
Horsmis Achilles seul, avec qui se r'allie  
Celuy d'Agamemnon plein de melancolie,  
Et à l'entour de luy tous ceux qui sous l'effort  
Du perfide Aegystus endurerent la mort.*

Mer-  
cu-  
re ame-  
ne les  
esprits  
des  
poursui-  
uans aux  
enfers.

L'esprit  
d'Achil  
les à ce-  
luy d'A-  
gamem-  
non.

Auquel ainsi premier l'esprit du magnanime  
Achiles: Fils d'Atreus, nous t'auions en estime  
D'estre le plus chery du puissant Iupiter,  
Deffus tous les Heros qu'on scauroit habiter  
Sur la terre pour lors, pour ce qu'à ta puissance  
Infinité de gens rendoient obeissance:

Mesmemment les plus forts, quand nous estions aupres  
Des portes d'Iliou, où le peuple des Grecs  
Endura tant de maux, & là te deuoit prendre  
Certainement la mort, dont ne se peut defendre  
Nul au monde viuant, & à ma volonté  
Que la mort t'eust alors deuant Troye emporté  
Comblé de tant d'honneur, dont en toute abondance  
Tu auois parmy nous entiere iouissance:  
Où tous nous autres Grecs t'eussions fait vn tombeau  
(Comme à nostre Empereur) & magnifique & beau,  
Pour seruir à ton fils de gloire perdurable.  
Mais sans doute c'estoit qu'une mort miserable  
Te deuoit attrapper. Auquel Agamemnon.

Celuy  
d'Agamemnon  
luy res-  
pond.

O fils de Peleus d'un immortel renom,  
Que ie t'estime heureux d'auoir esté la proye  
De la mort qui prend tout deuant les murs de Troye,  
Et loing de ton pays, de ce que les plus forts  
Des Troyens & des Grecs aupres de toy sont morts  
Combattans à l'entour, & tu estois à terre  
De ton long estendu, de cheuaux ny de guerre  
Nullement soucieux, ce pendant nous estions  
Attaquez au combat: sans cesse combations  
Tant que le iour duroit, & nos mains acharnees  
Ne se fussent iamais de l'estour destournees,

*Sinon que Iupiter, se mettant au devant  
Ne nous eust separé d'un tourbillon de vent:  
Nous te prîmes alors, aux vaisseaux t'emportâmes  
T'ayant tiré des coups, sur un lit te iettâmes  
Après avoir ton corps lavé premierement,  
Puis oint & embaumé d'un tres-riche oignement.  
Or à l'entour de toy les Princes Grecs en armes  
S'estans coupé le poil fondoient en chaudes larmes:  
Quand ta mere accourut au bruit inespéré  
De ce triste accident, hors du flot azuré,  
Et les Nymphes des eaux près d'elle se rendirent.  
Un son sort de la mer, les Grecs qui l'entendirent  
En eurent telle peur, qu'en fuite ils se mettoient,  
Et dans leurs creux vaisseaux en foule se iettoient,  
Sans que le vieux Nestor Prince d'experience,  
Et dont avoit tousiours paru la grand' prudence,  
Jugeant ce que c'estoit, en ces termes expres  
Les retint sagement. Demeurez fils des Grecs,  
Ne fuyez Argiens, sans doute c'est sa mere  
Que suit mainte Deesse & Nymphes mariniere  
Qui s'en vient voir son fils hors des flots azurez.  
Il dit, & tous les Grecs resterent assurez.  
Alors du Dieu marin les filles l'entourerent,  
Et miserablement autour de toy pleurerent,  
Des robes qui jamais ne s'ysent se vestans,  
Les neuf Muses aussi à ta mere assistans,  
Fort pitoyablement de voix alternatives  
Lamentoient dessus toy leurs querelles plaintives.  
Nul des Grecs, quel qu'il fust, ne put là demeurer  
Qui se pust retenir de plaindre & de pleurer,*

Tant les auoient émeus les Nymphes immortelles.  
 Durant dix & sept nuits tousiours continuelles,  
 Et par autant de iours tristes & soucieux  
 Nous pleurasmes sur toy autant hommes que Dieux,  
 Jusqu'au dix & huitiesme. Alors no<sup>t</sup> te brulasmes,  
 Et dessus le bucher ardent, nous égorgeasmes  
 Les vaches au poil noir & les grasses brebis:  
 Tu brulois ce-pendant dans les propres habits  
 Des Dieux, d'as force vnguent de prix inestimable,  
 Et dans force miel doux. Lors maint Prince hono-  
 D'entre le peuple Grec se rua tout armé (rab le  
 Tant à pié qu'à cheval, sur le tas allumé  
 Tandis que tu brulois, & au dedans des bandes  
 On ouyt retentir lamentations grandes.

Or si tost Achilles, que l'ardant élément  
 De Vulcan, eust destruit ton corps entierement,  
 Dès le matin les os tous blancs nous recueillismes,  
 Et dans vn doux vnguet & du vin pur les mismes  
 L'vrne pour les loger la mere la donna,  
 C'estoit vn vase d'or qu'autrefois façonna  
 L'industriens Vulcan, & Denys, disoit-elle,  
 Luy en auoit fait don. Dans ceste vrne si belle  
 Tes os furent posez, ô Heros renommé,  
 Et ceux de Patroclus ton amy tant aymé  
 Furent meslez parmy, mais on ne fit le mesme  
 De ceux d'Antilochus, qui d'amour tant extrême  
 Tu affectionnas durant ta vie & plus  
 Que tous les autres Grecs, estant mort Patroclus,  
 Car on les mit à part. Alors toute l'armée  
 Des Gregeois belliqueux contre Troye animée,

A l'entour

A l'entour de vos os fit dresser un tombeau,  
 Honorable, superbe, & magnifique & beau,  
 Aupres de l'Helespont sur son hautain riuage,  
 Afin que les passans faisans quelque voyage,  
 Tât de ceux qui sont nez, que de ceux qui viendroiet,  
 Le vissent de la mer, au prix qu'ils vogueroient.  
 Ta mere puis apres requit en ta memoire  
 A tous les puissâs Dieux des beaux prix de victoire,  
 Afin d'en honorer les principaux des Grecs  
 Qui combatoient autour. I'en ay veu à plus pres  
 Des plus beaux de la terre, & où force ieunesse  
 Estalloit à l'envy sa valeur & proïesse,  
 Quand quelque Roy mouroit, mais iamaïs ie n'en vy  
 De pareils à ceux là, tu eusse esté rany  
 Si tu eusses peu voir la grandeur, l'excellence  
 Des ieux & des combats, & la magnificence  
 Que ta mere Thetis au pied d'argent & beau  
 Fit faire à ton honneur autour de ton tombeau,  
 Tant tu estois chery de la troupe immortelle.

Ainsi, quoy que tombé sous la parque cruelle,  
 Tu ne te vois frustré du bien de ton renom:  
 Ains à iamaïs viura la gloire de ton nom,  
 O vaillant Achilles. Mais moy, que me profite  
 D'auoir esté le chef d'un si brane exercice,  
 Et quelle volupté me reuiet d'auoir mis  
 Troye à sac, & deffaict un millier d'ennemis?  
 Si Iupiter m'auoit tramé en sa colere  
 Vne si triste fin, qu'une femme adultere,  
 Vn perfide Aegysthus deffous un traistre effort  
 Tant malheureusement me renuersassent mort?



Ils deuisoient ainsi, quand aupres d'eux arrive  
 Mercure, conduisant dessus la passerie,  
 Des pauvres poursuiuans les desolez esprits  
 Qu'*Vlysse* auoit deffaits. Eux les voyans, surpris  
 De grand estonnement, ceste ieunesse admirent,  
 Et pour sçauoir que cest vers eux vistement tirent.  
 Dés qu'ils furent aupres, l'ame d'*Agamemnon*  
 Reconneut tout soudain celle d'*Amphimedon*  
 Le fils de *Melanthe*: car allant en *Ithaque*  
 Il n'auoit point d'autre hôte. Ainsi donc il l'attaque.

L'esprit d'*Agamemnon* à celui d'*Amphimedon* qu'il auoit reconnu  
*Amphimedon*, qui faict que descendiez ainsi  
 Du regne de là haut en ce triste & noircy,  
 Tant de beaux ieunes gens, & d'age tout semblable;  
 Je croy que qui voudroit faire un choiz agreable  
 D'une belle ieunesse & d'hommes vertueux  
 Dans toute vne cité, ne choisiroit pas mieux.  
 Seroit-ce que *Neptun* bouleuersant ses ondes  
 Vous auroit renuersez souz les vagues profondes?  
 Ou de mauuaises gens vous auroient-ils meurtris  
 Combattans dessus terre, apres vous auoir pris  
 Vos brebis & vos bœufs? ou, faisans resistance  
 Contre vos ennemis, pour la iuste defence  
 De vostre cher pays, de vos femmes aussi  
 Qu'on vouloit enleuer, estes vous morts ainsi?  
 Satisfais en cela, s'il est en ta puissance,  
 Ton hôte & ton amy. N'as-tu point souuenance  
 Que ie logeay chez vous quand i'allay recercher  
 Le prudent *Vlysse* avec mon frere cher  
 Le preux *Menelaüs*, d'abandonner sa terre  
 Et de monter sur mer, compaignon de la guerre

Qu'on alloit faire à Troie? Auquel Amphimedon,  
 Je m'en souiens fort bien, ô grand Agamemnon,  
 Et te conteray bien la funeste aduerture  
 Qui nous a fait tomber deffous ceste mort dure.

Tout tant que tu nous vois accoustrez en ce point Et, L'esprit  
 La femme d'Ulysses qui ne reuenoit point d'Am-  
 Nous recerchions d'amour, mais la fine & couuerte don luy  
 Ne nous esconduisoit de façon toute ouuerte, raconté  
 Ces nopces ne semblant auoir à contre-cœur, comme  
 Et ne les paraisant. Nous tramant dans son cœur Ulysses  
 Vn mortel repentir, & pour pretexte & voile les a  
 De ses dilayemens, elle auoit vne toile tous  
 Outre mesure grande, & fine extremement, mis à  
 Qu'elle auoit commencé de tistre. excellemment. mort.  
 Sur quoy elle nous dit: Princes de grand lignage  
 Qui or' me recerchez de second mariage  
 Pource qu'Ulysses est mort, ie vous prie atendez  
 Ne precipitant point ce que vous pretendez,  
 Tant que i'aye acheué pour euitier la perte  
 De malaine & mon lin, la robe qu'a Laërte  
 I'ay entrepris de faire en cet ouurage icy,  
 Afin de l'honorer, (lors qu'au tombeau noircy  
 Il sera deuulé,) de ceste couuerture,  
 Et vestement de deuil: de peur que d'auenture  
 Quelque Dame en courroux ne me donnast le tort  
 D'auoir enseuely vn si grand Prince mort,  
 Et si plein de moyens, sans vn drap honorable.  
 Elle nous amusoit de parole semblable,  
 Et nous y donnions foy. Ainsi elle tissoit  
 Son ouurage de iour, mais elle en depeffoit

Tant qu'elle en auoit fait de nuit à la chandelle  
 Et par trois ans entiers dura sagrand cautelle.  
 Mais sur le quatriesme an, que les temps & les mois  
 Les heures & les iours finirent vne fois:  
 Nous fusmes aduertis d'une certaine femme  
 Qui sçauoit tout le cas, de sa trompeuse trame,  
 Et dans sa chambre entrez la prîsmes sur le fait.  
 Ainsi fut à la fin son ouurage parfait,  
 Ne pouuant plus fuir, qu'elle monstra semblable  
 Aux rais esblouyssans du Soleil admirable,  
 Ou à ceux de la Lune. En la mesme saison  
 Je ne sçay quel malheur amene en sa maison  
 Son mary Vlysses, qui de prime arriuee  
 Voulut se retirer en la maison priuee  
 Du pastre de ses porcs, & tout au mesme instant  
 Son fils fut de retour sur son vaisseau flottant  
 De Pyles, de Nestor. C'est là qu'ils comploterent  
 Le malheur, que depuis fiers ils executerent  
 Dessus les poursuuans. Car Layans arresté,  
 Ils s'en vindrent soudain tous deux en la cité,  
 Le fils le beau premier, & apres luy son pere  
 Qu'un porcher amena, ce sembloit de misere  
 Et d'aage tout courbé, habillé pauurement,  
 S'appuyant d'un baston tellement quellement,  
 Deffaict & deguisé ce qui se pouuoit estre,  
 Si bien que nul de nous ne le put recognoistre,  
 Non mesmes les plus vieux, mais fols que nous estîes,  
 Nous luy disions iniure & encor le battons,  
 Et il endureoit tout, souffrant en patience  
 Mesme dans sa maison nostre extreme insolence.

*Mais quand la sage fille au puissant Iupiter  
Le vint à la par fin contre nous exciter,  
Et que Telemachus toutes ses armes fortes  
Eut osté de la sale, & rembarré les portes,  
(Au signal que son pere avec luy accorda)  
Il vint trouver sa femme, & luy persuada  
De nous mettre en avant les fatales sagettes  
Et le ieu du fort arc & des claires boucliettes,  
L'introite premier de nostre proche mort.  
Mais personne de nous ne peut estre si fort  
De pouvoir bander l'arc, tant nos bras imbecilles  
Estoient à ce mestier & lasches & debiles.  
Or quand ce vint au tour d'Ulysses de l'avoir,  
(Ce qu'il desiroit fort) faisant tout son pouvoir  
De l'avoir quoy qui fust, nous vîsions de menace  
Que l'on ne luy donnast: mais de force & d'audace  
Son fils luy fit porter. Alors treisayement  
Il vint à bander l'arc, passa facilement  
Les fleches par les trous: puis de grande secoisse  
Il se ietta en place, espendit de la trouffe  
Les mortiferes traits, sur l'arc les atteinta  
Et le premier de tous Antinoüs ietta  
En terre roide mort, puis tira sur les autres  
Prenant bien sa visee, & la pluspart des nostres  
Tomboient deffous ses coups: Chacun bien se doutoit  
Que quelqu'un des hauts Dieux l'aidoit & l'assistoit  
Pource qu'en moins de rien deffous leur vaillantise  
Toute ceste ieunesse à dure mort fut mise,  
On n'oyoit que souspirs, leur teste chanceloit  
Deffous les coups mortels, & le sang déconloit*

*Par tout sur le pavé, spectacle lamentable.*

*Voilà Agamemnon, vostre fin misérable,*

*Et nos malheureux corps gisent confusement*

*Espars par la maison, sans aucun ornement:*

*Pour ce que nos amis desquels chacun ignore*

*Ce sinistre accident, ne sont venus encore*

*Redemander nos corps, ne les ont enleuez,*

*N'ont nettoiyé le sang, ne les ont pas lauez,*

*Et n'ont versé dessus leur plaintes lamentables,*

Agamē. *Qui est l'honneur dernier des deffuncts misérables.*

non ex- *A lors Agamemnon: Q'ue bienheureux es tu*

alte Vlyf *Possédant vne femme accomplie en vertu,*

ses d'a- *O prudent Vlysses. Point n'a esté trompée*

voir vne *Ton amitié première en ta Penelopee,*

femme *Elle a gardé son cœur sans reprehension,*

vertueu- *Elle n'a destourné de toy l'affection*

se. *Dont t'auoit espousé sa première ieunesse.*

*Aussi son beau renom en durera sans cesse,*

*L'honneur de sa vertu iamaïs ne perira,*

*Et de Penelopé vn poëme se fera*

*A la posterité de durée éternelle.*

*Mais de Clytemnestra, iamaïs ne sera telle*

*La reputation, ayant osé tramer*

*La mort à son mary qu'elle deu it aimer,*

*Commettant felonnie. Aussi à ceste femme*

*Vn poëme se fera rempli de tout diffame,*

*Car dessus tout son sexe elle a totalement*

*Mais vn grand deshonneur, aux chastes mesmemēt.*

*Ils deuissent ainsi dans l'Auerne effroyable*

*Sous les obscuritez de la terre habitable.*

Mais Vlyſſe & ſes gens ſortis de la cité  
 Vindrent tout auſſi toſt dans le champ habitê  
 Du vieillard Laërtes, qu'avec trauail extrême  
 Il auoit agencé & cultivé luy meſme.  
 Là ſa maiſon eſtoit, autour d'elle eſtoient mis  
 Des petits baſtiments & ſieges infinis,  
 Sur les vns ſes valets venoient leur repas prendre,  
 Sur les autres apres ils ſe venoient eſtendre  
 Pour repoſer la nuit. Or aupres du vieillard  
 Vne Sicilienne auoit fort bonne part  
 Agee extremement, au reſte femme habile,  
 Qui le traittoit tres-bien, ainſi loing de la ville,  
 Et avec vn grand ſoing. Eſtant là paruenus  
 Vlyſſe à ſes paſteurs ces propos a tenus  
 Et à ſon fils auſſi. Allez vous en m'attendre  
 Au logis de mon pere, & ne faillez de prendre  
 Le meilleur des pourceaux, de ſoudain l'égorger,  
 Et de nous appreſter viſtement à manger.  
 Quant à moy, ie m'en vois eſſayer ſi mon pere.  
 Me recognoiſtra point : car ie me delibere  
 De le tenter vn peu, auoir le paſſe-temps  
 De le faire debattre, & voir ſi le long-temps  
 Que i'ay eſté abſent aura de ſa notice  
 Peu du tout effacer les traits de ſon Vlyſſe.

Ce diſant, il donna ſes armes à ſes gens,  
 Et eux vers le logis tournerent diligens:  
 Luy deuers le verger en diligence tire,  
 En deſſein deſſayer ce qu'il venoit de dire.  
 Il ne rencontra pas deſcendants, Dolius  
 L'ancien iardinier, ny ſes enfans non plus,

Vlyſſes  
 ſort d'I-  
 thaque  
 & va  
 trouuer  
 Laërtes  
 ſon pere  
 aux  
 champs.

Il veut  
 eſprou-  
 uer ſ'il  
 le reco-  
 gnoiſtra

Nypas un de ses gens, aux brossailles voisines  
 Ils s'en estoient allez pour couper des espines,  
 Et boucher le verger, & le vieillard soigneux  
 En travaillant toujours, alloit au deuant d'eux

En quel  
 estat V-  
 lysses  
 trouua  
 Laërtes

Dans le plaisant verger, tout le long d'une sente,  
 Vlysses le trouua, qu'il nettoyoit une ante,  
 Il estoit habillé pour lors fort pauvrement,  
 D'un déchiré, fort sale, & vieux accoustrement,

De ses iambes autour il auoit ta gamache  
 Liee estroittement, faicte de peau de vache,  
 Et des gans de cuir fort, afin de destourner  
 Les ronces qui pourroient ses mains égratigner:  
 Vn chapeau d'une peau d'une cheure velue,  
 Tesmoins de sa tristesse & peine continuë.

Quand Vlysses le vid si rompu, si cassé

Le voiât  
 est en  
 doute  
 de ce  
 qu'il  
 doit fai-  
 re.

De vieillesse & de mal si maigre & harassé,  
 Il ne se put tenir de plorer en soy mesme  
 Sous un poirier à part, pour le regret extreme  
 Qui luy serroit le cœur. Ne scauoit bonnement  
 S'il deuoit accourir à luy hastiuement,  
 Le baiser, l'embrasser, & de son arriuee  
 Luy conter la façon de premiere abordée,  
 Ou bien si parauant il l'interrogeroit,  
 Et sans se declarer si tost, le tenteroit.

Il luy sembla meilleur d'un peu se contrefaire  
 Et de propos couuerts à son dessein l'attraire.

Sur cela resolu à son pere il s'en va

Tout droit sans plus tarder, en tel point le trouua  
 Que le visage en terre il deschaussoit une ante:  
 A donc à l'improuiste à luy il se presente,

Vlyſſes  
à Laër-  
tes.

Et luy tient ces propos: Certes gentil vieillard  
 Tu entens comme il faut, l'agriculture, & l'art  
 De bien faire un verger, outre la vigilance  
 Tu ne manques ie croy de bonne experience:  
 Ie ne voy plante icy, ne vigne, n'olivier:  
 ( Car i'ay pris garde à tout ) ne figuier, ne poirier,  
 Non meſme les carrez, de tout ce iardinage,  
 Que tout ne ſoit tenu en tresbon labourage,  
 Et bien entretenu. Mais te diſant un cas,  
 Pren l'en gré ie te prie & ne te faſche pas:  
 Tu n'as comme il faudroit ſoucy de ta perſonne,  
 Ta vie ainſi qu'elle eſt n'eſt ſeante ne bonne,  
 Tu traines ta vieillesſe un peu trop rudement,  
 Tu es ſale & crasseux, & ceſt accouſtrement  
 Ne reſt pas honorable. Or n'eſt-ce que ie penſe  
 Que ton maiſtre ayt de toy trop grande negligence,  
 Pource qu'à ta façon tu ne me ſemble point  
 Un eſclave, un valet, mais parois de tout point  
 Ou un Prince, ou un Roy, tel de port, tel de grace,  
 Lors que ſorty du bain, magiſtrale la face,  
 Il ſe va mettre à table, & puis donne ſes yeux  
 Au ſommeil, cōme font la pluſpart des gens vieux.  
 Or dy moy, ie te pry, de qui es tu aux gages,  
 Et de qui dresseſ-tu ces plaisans iardinages?  
 Et ne me trompe point, afin qu'aſſurement  
 Ie ſçache ſi ie ſuis arrivè iuſtement  
 Où ie te diray bien: C'eſt en Itaque, comme  
 I'ay eſté aduerty de ie ne ſçay quel homme  
 Que ie viens dōttrouuer, & qui certainement  
 Comme il me ſemble aduis n'a grand entendement.



Car presqu'il n'a pas eul l'assurance d'attendre  
 Que ie parlasse à luy; m'entendant, de comprendre  
 Ce que ie luy disois, ne respondre à demy  
 De ce que ie voulois sçavoir d'un mien amy,  
 S'il estoit vif ou mort: pour ce que ie desire  
 Sçavoir ce qui en est. Car ie te veux bien dire  
 S'il te plaist m'escouter, qu'autres fois i'ay logé  
 Un homme en ma maison, qui a fort voyagé,  
 Qui m'a esté si cher & si recommandable  
 Que ie ne pense point qu'amy tant agreable  
 Me visite iamais. Il estoit, ce disoit,  
 D'Ithaque, & si son pere appeller se faisoit  
 Laërte Arcesides. C'est celuy là, mon pere,  
 Que ie menay chez moy, luy fis tres-bonne chere,  
 Le chery, l'embrassay, l'accueilly sur tous ceux  
 Qui m'estoient venu voir: Luy fis de precieux  
 Et de riches presens, pour gage & tesmoignage  
 Et de nostre amitié & de nostre hostelage:  
 Comme, de sept talents d'or tres-bien façonné  
 D'un grand vase d'argent, bien gravé, bien tourné,  
 De douze beaux manteaux, de douze camisoles,  
 Tel nombre de tapis, & tel de tauoyoles,  
 Quatre femmes aussi exquisés en beauté,  
 Telles qu'il les voulut prendre à sa volonté,  
 Le vieillard tout esmeu, de pleurs la face pleine,  
 Mon bon amy, dit-il, c'est chose tres-certaine .

Laërtes  
 à Vlysses  
 ne le re-  
 cognois-  
 sant pas.

Que tu es arrivé au lieu que l'on t'a dit.  
 Mais des hommes méchans assure y ont credit,  
 S'y sont fortifiés: En vain comme ie pense  
 Tu as fait tes presens, n'en atten recompense.

(Car l'homme que tu dis n'est encor arriué,  
 On ne sçait où il est) Si tu l'eusses trouué  
 Icy en sa maison d'Ithaque, plein de vie,  
 Certes tu n'aurois pas perdu ta courtoisie,  
 Chargé de riches dons il te renuoyeroit,  
 Ne seroit pas ingrat, & recompenseroit  
 „ Ton hospitalité: Car celuy qui commence  
 „ Reçoit de son bien faict en fin la recompense.  
 Mais dy moy verité, y a-il longuement  
 Que celuy que tu dis aymer si cherement  
 Logea en ta maison, ce mien fils misérable  
 Si i'amaïs il en fut, que le sort deplorables  
 A exposé en proye aux poissons souz les eaux,  
 Ou bien dessus la terre aux bestes, aux oyseaux,  
 Si loin de ses amis, & de sa terre chere,  
 Et n'a esté pleuré de pere ny de mere  
 Qui l'ayent engendré, dessus son corps versans  
 Pour son dernier honneur le precieux encens:  
 Penelopé non plus son espouse amiable  
 Ne l'a point lamenté comme il est conuenable,  
 N'a ietté sur son liét ses regrets ennuyeux,  
 Et comme on fait tousiours, n'a point fermé ses yeux.  
 Mais es tu de contree ou proche ou esloignée?  
 De quelle ville es tu & quelle est ta lignee?  
 La nef qui t'a conduict & tes amis aussi  
 Où a-telle pris terre? est-elle loin d'icy?  
 Ou bien aurois-tu point entrepris ce voyage  
 Pour faire le trafique en vn vaisseau de loüage,  
 Qui t'ayant dechargé auroit repris le vent?  
 A ces mots Vlysses d'un parler decenant,

Vlysses -  
 luy don-  
 ne des  
 bourdes  
 à son ac-  
 coustu-  
 mee.

Je te diray le vray, ie suis fils d'Aphidante  
 Le Polypemonide, & ie suis d'Alybante,  
 Mon pere est Roy de là, i'ay nom Eperitus,  
 Mes vaisseaux ont esté de l'orage battus,  
 I'ay failly mon chemin, & contre mon enuie  
 Suis abordé icy, venant de Sicanie,  
 Mon nauire est au bout de ce champ escarté  
 De mes autres vaisseaux, & loin de la cité;  
 Mais il y a cinq ans. que de mon territoire  
 Vlysses débarqua, (si i'ay bonne memoire)  
 Et comme le pauvre se mettoit sur les eaux  
 A sa dextre voloit nombre de bons oyseaux  
 Desquels il receuoit vne alaigresse extrême,  
 Car illes reputoit pour bon heur, & moy mesme  
 M'en resiouyssois fort: Car i'esperois vn iour  
 Le voir en sa maison d'Ithaque, de retour,  
 Où il me receuroit, où sans feintise aucune  
 De reciproques dons nostre amitié commune  
 Seroit renouvellee. Ayant ainsi parlé  
 Le bon homme se vid de tristesse accablé,  
 Comme s'on l'eust couuert de quelque noire nuë,  
 Et à terre prenant de la poudre menüe  
 Ardante du Soleil, sur son chef blanchissant  
 A deux mains se spandoit, griefuement gemissant.  
 Vlysses ne peut lors se tenir dauantage,  
 Ains il sent là dedans boüillonner son courage  
 De pitié de son pere, vn soufle vehement  
 Luy monte des nareaux: Il court hastiuement,  
 Il le baise, il l'embrasse, & d'vne ardeur extrême.  
 Mon pere, me voicy, C'est cet Vlysses mesme

Que tu desirer voir il y a si long temps,  
 Me voicy de retour à la fin de vingt ans  
 Dans nostre cher pays. Mais ie te suply cesse  
 Tes larmes & tes pleurs, tes cris & ta tristesse.  
 Ie te dis en un mot. I'ay mis en la maison  
 Les poursuiuans à mort, I'ay tiré la raison  
 De leurs méchancetez & de tant d'insolence  
 Qu'ils cōmettoient chez nous, j'ay pris digne vëgeâce.

Vlysses  
 embras-  
 se son  
 pere,  
 & se dô-  
 ne à co-  
 gnoistre  
 à luy.

A ces mots Laërtes. S'il est comme tu dis  
 Que tu sois de retour & que tu sois mon fils,  
 Monstre m'en maintenant quelque marque & indice.

Laërtes  
 luy de-  
 mande  
 des mar-  
 ques &  
 ensei-  
 gnes.  
 Vlysses  
 les luy  
 donne.

Volontiers, luy dit-il, voy ceste cicatrice  
 Qu'un grand sanglier me fit sur Parnasse autres fois,  
 Comme nous le chassions à force dans les bois.  
 Ma mere & toy alors m'enuoyastes, mon pere,  
 Deuers Autolychus le pere de ma mere,  
 Tant pour le visiter, que de luy recevoir  
 Les dons qu'il me promit un iour qu'il vo<sup>u</sup> vint voir.  
 Mais ie te monstreray encor pour tesmoignage  
 Certains arbres fruiçtiers dedans ce iardinage  
 Lesquels tu me donnas, petit ie te suiuois  
 Par le iardin par tout, & tu me les nommois.  
 Ce sont treize poiriers, dix pommiers, & quarante  
 Figuiers, pour des augeons tu m'en promis cinquante.  
 Tu les nommois ainsi, chacun d'eux estoit  
 De fertile rapport, infini fruiçt iettoit,  
 Se chargeant de raisins, en la saison d'Automne  
 Que le ciel les thresors de ses pluyes nous donne.  
 Il acheuoit de dire: A ce souuenir doux  
 Le vieillard tressaillit du cœur & des genoux,

Laërtes  
 tressaut  
 de ioye.

670 LE VINGTQUATRIÈS. LIVRE  
Reconnoissant fort bien & l'enseigne & l'indice  
Que luy auoit donnez le magnanime Vlysse.

Alors à corps perdu il court à son enfant,  
Luy ouure les deux bras, le serrant, l'embrassant,  
Il pleure de plaisir & de ioye se pafme.  
Vlysses le soustient, car presque il rendoit l'ame,  
Puis quand il eut un peu rappellé ses esprits  
Ces mots il prononça de transport tout surpris.

Il prie  
Iupiter.

O pere Iupiter, vous estes certe encore  
Des dieux dedans le Ciel que maint-bel astre dore,  
Si ces mechans sont morts, s'ils ont esté traittez  
Comme il appartenoit à leurs meschancetez.  
Mais il y a danger qu'à ces promptes nouvelles  
Ne se ruent icy les citadins rebelles,  
Et n'enuoyent encor barques & messagers  
Par la Cephalenie accourir aux dangers.

A cela Vlysses. Non, vy en assurance,  
Repose toy sur moy, & n'entre en desffiance.  
Allons en la maison qui est dans le verger,  
Là mon fils nous attend, qui appreste à manger  
Auec Philatius & le porcher Eumae.

Ils s'en vont là deffus, & à leur arriuee  
Trouuent Telemachus & les deux pastres chers  
Le bouvier, le porcher, assaisonnant les chairs,  
Et apprestans le vin. Or la Sicilienne  
Prend tandis Laërtes, droit vers le bain le mene,  
Le laue, le nettoye & l'oint finalement  
D'un huille pretieux: luy donne vn vestement  
Et magnifique & beau. Pallas est là presente  
Qui la taille luy croist, la maiesté augmente

Au Roy des nations : finalement l'a faict  
 Plus disposé & plus gay, plus gras & plus refaict.  
 Têl il monte du bain, son fils qui le regarde  
 S'en esmerueille fort, va vers luy, & ne tarde  
 Le voyant tel qu'un Dieu, de luy parler ainsi.

Mon pere, pour le vray quelque Dieu est icy  
 Qui t'a tout raieuny, accru, rendu en somme  
 Et plus grand & plus fort. Adoncques le bon homme.

Que le bon Iupiter, Apollon l'immortel,  
 Et la sage Pallas, ores me fissent tel  
 Que j'estois quand ie pris la Cité de Nerice  
 Sur le bord de la mer, superbe en edifice,  
 Des Cephaliens estant Roy approuvé,  
 Et que le iour d'hier ie me fusse trouué  
 Au chasteau avec toy, bien couuert de mes armes:  
 J'eusse à ses gens donné de si rudes alarmes,  
 Je les eusse chargez de tant & tant de coups,  
 Que ie leur eusse à tous faict plier les genoux.

Ils deuisoient ainsi, les autres apprestèrent  
 Le disner cependant, puis de rang se ietterent  
 Sur les sieges rangez : comme ils estoient assis  
 Le vieillard Dolius arrive avec ses fils  
 Tous las & travaillez : car la Sicilienne  
 Les auoit appelez : La vieillotte ancienne  
 Les auoit tous nourris, & auoit grand soin pris  
 Du bon homme, si tost que l'aage l'eut surpris.

Or comme ils eurent veu Vlysses en presence,  
 Et leussent recogneu presque de souuenance,  
 Ils resterent debout, tous quasi hors de soy,  
 De merueilles ravis, Lors Vlysses le Roy

Dolius  
 & ses fils  
 arriuent

D'un parler gracieux l'appelle à soy, le nomme  
 Et ses enfans aussi: *sieds toy, sieds toy bon homme,*  
*Et ne t'estonne plus, nous t'attendons icy*  
*Long temps a pour disner, & tes enfans aussi:*

Courët  
 d'ayse  
 embras-  
 ser Vlyf  
 ses.

*A ces mots Dolius accourt, tressaillant d'ayse,*  
*Luy ouvre les deux bras, & l'embrasse & luy baise*  
*Les mains de grand ardeur. Certes amy parfait,*  
*Tu es, dit-il, venu à nostre grand souhait,*  
*Mais tu nous as surpris les Dieux de ta venue*  
*Eux mesmes ont eu soin, doncques ie te saluë,*  
*Et les prie humblement pour ta prosperité:*  
*Vy donc en tout plaisir, & me dy verité*  
*Penelopé t'a-elle encor' veu? Le sçait-elle?*  
*Enuoïrons nous quelcun luy dire la nouvelle?*

La ru-  
 meur en  
 villedes  
 poursui-  
 uas tuez  
 par Vlyf  
 ses.

*Lors Vlysses le sage, Elle le sçait fort bien,*  
*Mon pere, luy dit-il, & ne seruiroit rien*  
*De la faire aduertir. Lors le vieillard Dolie*  
*Apporte vne escabelle & luisante & polie,*  
*Et à table se met, ses fils semblablement*  
*Viennent à Vlysses, saluent humblement*  
*Et leur Prince & leur Roy, dessus ses mains se iettët,*  
*Puis aupres de leur pere à la table se mettent.*  
*Ainsi repaissoient-ils des viures à foison,*  
*Et de chairs dechargeoient la champestre maison.*

*Tandis la renommee & di fposte & legere*  
 Courut par la cité, annonçant messagere  
*Par tout deçà delà des poursuiuans meurtris*  
*Le trespas odieux. Adonc chascun s'est pris*  
*A courir vistemēt, bruits & soupirs s'entendent,*  
*Et deuant le chasteau de tous costez se rendent.*

Lors de chaque maison chascun son mort tira  
 L'emporta du chasteau, puis l'ensepultura,  
 Mais pour eux de dehors sur des naüfs les chargerent,  
 Et par diuers pescheurs chez eux les enuoyerent,  
 Puis le cœur accablé de tristesse & de deuil  
 Ils allerent soudain s'assembler en conseil.  
 S'estans tous amassez. Lors Eupithée se leue  
 Et parle aux assistants: car beaucoup il luy greue  
 De la mort de son fils Antinoüs le fort,  
 Qu'Ulysses le premier auoit reuerse mort:  
 Il en ressent son ame estrangement troubee,  
 Qui fait que soupirant il dit à l'assemblee.

Le conseil s'assemble.

Certes cest homme icy des long-temps, mes amis,  
 D'estranges & grands faits s'est beaucoup entremis,  
 Enuers les Achiens: sur les ondes muables  
 Il nous a emmenez des troupes innombrables  
 D'hommes bons & vaillärs. Peris sont ses vaisseaux,  
 Et tant de braues gens submergez sous les eaux:  
 De retour, il a mis ceux-cy à mort cruelle,  
 Des Cephaliens la fleur plus leste & belle,

Eupithetis  
 pere  
 d'Antinoüs  
 nous à  
 l'assemblee.

Mais mon opinion est qu'on l'aille saisir  
 Et que lon le preuienne auant qu'il ait loisir  
 De fuir ou à Pyle, ou de prendre la route  
 D'Elyde, aux Epeens, nous en aurions sans doute  
 Vn regret pour iamais, & la posterité  
 Nous blasmeroit de droit, si nous auions esté  
 Si lasches, de n'auoir voulu prendre vengeance  
 D'un homme qui nous tient vne si grande offence,  
 Si nous ne punissions, par le glaïue trenchant,  
 De nos freres, & fils l'homicide méchant,

7



*Si cela passe ainsi, non, je ne veux plus vivre,  
Mais qu'avec les deffuncts au sepulchre on me liure.  
Mais allons droit à luy l'en faire repentir,  
Et deuant que quelqu'un coure l'en aduertir.*

*Ce dit-il en pleurant. Et toute l'assistance  
Eut un grand deuil au cœur. Lors deuant leur presence  
Medon vient arriuer du chantre accompagné*

Medon  
& Phæ-  
mius  
viennēt  
vers eux

*Après que le sommeil se fust d'eux eslongné,  
Ensemble du logis d'Ulysses ils sortirent,  
Et deuant l'assemblée aussi tost se rendirent,  
Chacun s'esbahit fort, un grand silence fit,  
Lors le prudent Medon à dire ainsi se mit.*

Medon à  
l'assem-  
blee.

*Escoutez Ithaquois. Ulysses, (chose vraye)  
Sans les dieux n'a point fait une si grande playe :  
J'ay veu visiblement un Dieu qui l'assistoit  
Semblable de tout point à Mentor il estoit.  
Ce Dieu là, quelquesfois deuant luy faisoit rage,  
Apparoissoit visible, & luy donnoit courage:  
Quelquesfois ça & là par la sale il alloit,  
Et tous les poursuiuans estrangement troubloit,  
Qui tomboient roides morts à la premiere atteinte.*

Alithers-  
ses à l'as-  
semblee

*A ces propos chacun trembla de grande crainte:  
Alors Alitherses sage fils de Mastor  
Qui scauoit le present & le futur encor,  
Se leua & leur fit ceste harangue sage.*

*Ithaquois mes amis, cest estrange carnage  
Prouient de la malice, & faute de vous tous.  
Iamais Mentor ne moy n'auons peu dessus vous  
Ceste creance auoir, que vos enfans s'abstinsissent  
De leur outrecuydance, & leur rageretinsissent,*

*Estants trop insolents fols & intemperez:  
 Ils ont trop hardiment tous les biens deuorez  
 D'une grande maison, pourchassé le diffame  
 Tant qu'en eux a esté du lit & de la femme  
 D'un tres homme de bien, qu'ils pensoient en effect  
 Ne deuoir reuenir. Or voila, s'en est faict,  
 Croyez moy à la fin: n'allons point à l'encontre,  
 Que n'attirions sur nous quelque autre malencontre.*

*Il leur disoit ainsi, mais la plus grande part  
 De tant qu'ils estoient là se leue & se depart  
 En desordre & en bruit, faisans vn grand murmure,  
 Ils passoient la moitié, la moindre part demeure:  
 Cest aduis n'estoit pas suivant leur volonté,  
 Ils suivirent plustost le conseil d'Eupithé,  
 Aux armes ils s'en vont d'impetueuse audace.*

Les Itha  
quois  
pour la  
plupart  
se met-  
tent en  
armes  
contre  
Vlysses.

*Quand chascun fut armé, ils viennent sur la place,  
 Se mettent en vn corps, Eupithé seul estoit  
 Le chef de la folie, à tous il protestoit  
 Qu'il feroit de son fils vne rude vengeance,  
 Mais il n'eut du destin vne telle influence,  
 Le pauvre ne deuoit iamais en reuenir,  
 Il y prendra la mort plustost que la punir.*

*Lors la sage Pallas vers son pere s'aduançe.  
 Pere Saturnien, dont la toute puissance  
 Surmonte tout pouuoir, ie te suply, dy moy,  
 Ce que de tout cecy tu penses dedans toy.  
 Les lairras tu entrer en bataille cruelle  
 Ou les rendras amis appaisant leur querelle?  
 A qui le collecteur du nuage noir cy,  
 Fille, dit-il, pourquoy demandes tu cecy?*

Pallas à  
Iupiter.

N'est-ce de ton conseil qu'est de retour Vlysse,

Qu'il a fait de ces gens le digne sacrifice?

Poursuy donc, & fay tout selon ta volonté,

Iupiter

Mais ie te diray bien, puis que tant a esté

l'induit

Que ces fols se sont veus punis de leur offense

de faire

Faisons leur contracter une bonne alliance:

paix en-

tre Vlysses & les

Nous donnons à ceux-cy un oubly de la mort

Itha-

quois, De leurs freres & fils, & faisons qu'ils s'entr'aymēt,

Ainsi qu'auparavant, que noises ne se sement

Cy apres parmy eux, qu'ils ayent de formais

Voire en toute abondance, & richesses & paix.

Ce disant, il émeut Pallas la diligente,

Qui du sommet du Ciel fit soudain sa descente.

Les autres au verger ayants traittez leurs corps,

Vlysses dit ainsi, quelcun sorte dehors

Pour voir s'il ne vient rien. Alors en diligence

Vn fils de Dolius hors la porte s'avance,

Vn des

Il ne fût pas sorty, qu'il les voit tous marcher

fils de

Encontre eux, & desia du verger approcher.

Dolius

Lors il tourne tout court, & tant qu'il peut s'escrie,

voyant

Les voicy tout aupres, Armons nous ie vous prie.

venir les

Itha-

A ces mots vn chacun se leue viftement,

quois en

S'arme en grand diligence, & sans estonnement,

armes,

Quatre avec Vlysses, & six fils de Dolie,

donne

Auecques Dolius Laërtes se rallie,

l'alarme

à Vlysses

Ils prennent la cuirasse, & bien qu'ils fussent vieux

Vlysses

Et tous blancs, ils faisoient des forts & courageux.

auec

Laërtes

Quand ils furent conuerts de leur armure forte

& les au-

(S'entredonnans courage) ils font ouvrir la porte,

tres s'ar-

ment.

Commencent à marcher: & Vlysses le fort  
 Les mene & les conduit. Lors au deuant d'eux sort  
 La guerriere Pallas, Deesse formidable,  
 A Mentor & de voix & de taille semblable,

Ils vont  
 au com-  
 bat.

Vlysses l'apperçoit & fort s'en resouit,  
 Lors à Telemachus il se tourne, & luy dit.

Vlysses  
 encourage  
 Telemachus

Donne Telemachus, car tu en as enuie,  
 Charge sur les plus beaux de ceste compagnie,  
 Monstre ce que tu sçais, fay toy paroistre aux lieux  
 Où se trouuent tousiours les hommes courageux,  
 Et ne fay rien qui tourne à honte à nostre race,  
 Qui a tousiours esté grande en force, en audace,  
 Et generosité. Tu verras, Monseigneur,  
 Que ie ne feray rien qui tourne à deshonneur  
 Dessus nostre maison. Il disoit, & Laërte  
 Y prit vn grand plaisir, & dit à face ouuerte.

O bös dieux l'heureux iour, quel gräd plaisir ie voy,  
 Mon fils, mon petit fils, contendant deuant moy,  
 Et tout pour la vertu. Lors la forte Deesse  
 En s'approchant de luy ces propos luy adresse.

Pallas à  
 Laërtes.

O fils d'Arceſius que i'ayme chèrement  
 Sur tous mes compagnons, prie deuotement  
 La Deesse aux yeux pers & son pere: puis lance  
 Tant fort que tu pourras sur l'ennemy ta lance.  
 Ce dit elle luy met vne grand' force au bras:

Alors il fit soudain sa priere à Pallas,  
 Puis sa lance ietta. Elle par l'air portee  
 Vint tomber iustement sur l'armet d'Epitée.  
 Il ne soustint le coup, mais elle penetra,  
 Et du fer au trauers dans ses temples entra.

Laërtes  
 tué Epi-  
 teüs.

Il tombe, & en tombant faiët un son effroyable,  
Et sous luy reſona l'armure eſpouuantable.

Vlyſſes  
& Tele  
machus  
à la  
charge.

Lors Vlyſſe & ſon fils ſeruent promptement  
Deſſus les ennemis, frappent horriblement,  
Et mettent tout à ſang. Il les mettoient en route,  
Et ſi les euſſent tous exterminex ſans doute,

Pallas  
les re-  
tient &  
exhoire  
les Itha-  
quois à  
la paix.

Sans la ſage Pallas qui ſoudain les retint.  
Areſta tout ce peuple, & ces propos leur tint.  
Laiſſez ô Ithaquois ceſte guerre barbare,  
Et retenez vos mains, Afin qu'on vous ſeptre  
Le pluſtoſt qu'on pourra & le plus viſtement  
Sans eſpandre entre vous le ſang ſi follement.

Ils fuiët  
de crain-  
te.

Ainſi cria Pallas, eux palliſſent de crainte,  
Et d'eſtonnement grand ſentent leur ame atteinte,  
Les armes hors des mains leur volent à la fois  
Et leur tombent des poings à l'horreur de la voix  
De la grande Deeſſe. Ils reprennent carrière,  
Et pour ſauuer leur vie ils tournent en arriere,

Vlyſſes  
les pour  
ſuit.

Regagnans la Cité: ſur ceſt eſtonnement  
Le vaillant Vlyſſes s'eſcrie horriblement,  
Se iette deſſus eux, & legerement ſaulte,  
Comme un aigle qui prend ſa volée, en l'air, haute.  
A l'inſtant Iupiter ſon foudre de laſcha  
Et Vlyſſes aux pieds de Pallas trebucha.

Pallas  
le faiët  
ceſſer.

Qui luy dit: ceſſe Vlyſſe, & me iſ fin au carnage,  
Ceſſe en fin de tuer, ne poursuy dauantage,  
De peur que Iupiter au tonnerre eſlancé  
Ne ſoit à la parſin contre toy courroucé.

A ces mots il faiët ferme, & preſte obeyſſance,  
Fort ayſe & fort content. Alors la porte-lance

*La fille à Iupiter son Aegide branslant,  
 Et de voix & de taille à Mentor ressemblant,  
 Entre les deux partis a tant fait que iuree  
 Se vid pour l'aduenir une paix asseuree.*

La paix  
 faite  
 entre  
 Vlysses  
 & les  
 subiects.

Fin de l'Odysee d'Homere.

DE LOSME CORONANT.



AV ROY HENRY LE  
GRAND, APRES LVY  
auoir presenté l'Odysee.

**R**OY, le Roy vostre ayeul autresfois guer-  
onna  
D'une grand pension, d'une bonne Abbaye,  
Salel, qui l'Iliade à demy ne tourna,  
Ne fit voir à la France à demy d'Achaye:  
Vous son sang, auez vous la Muse tant haye  
Que vous ne pensiez à la recompenser?  
L'Odysee confuse en demeure esbahye,  
Entiere s'en estonne, & ne sçait que penser.





CE QUI SE TROUVE

EN DICTYS DE CRETE, EN



*son liure sixiesme de la guerre de  
Troye, touchant Vlysses.*



N ce mesme tēps Vlysses fut pouf-  
sé en Crete avec deux nauires  
Phaniciennes qu'il auoit loüees,  
car il auoit perdu ses gens, & ce  
qu'il auoit gagné à Troye, le tout luy ayant  
esté osté par Telamon, offensé de ce que son  
fils à son occasion auoit esté tué. Et à peine  
luy mesme put-il eschapper avec tout son  
artifice: Et Idomenee luy demandant par  
quelles infortunes il estoit tombé en si grāds  
desastres, il commença à luy raconter ses tra-  
uerfes, comme estant abordé à Zimare, il en  
partit avec force butin cōquis en guerre: puis  
delà aux Lotophages, où n'ayant sceu vser  
de sa bōne fortune, il vint en Sicile, où ayant  
receu de grands affronts par Cyclops & Le-  
strigon freres, en fin il perdit beaucoup de  
ses compagnons par le moyen de leurs en-  
fans Antiphates & Polyphēmius. Depuis



estant receu en l'amitié de Polyphemus, il s'efforça de raurir Arené la fille du Roy, laquelle bruloit de l'amour d'Elpenor l'un de ses compagnons, ce qu'estant découuert, la fille fut enleuee par l'interuention du pere, & luy passant par les Isles Æoliennes paruint chez Circé, & de là chez Calypso, toutes deux Reynes d'Isles, esquelles elles residoient, & par certains allechemens attiroient à elles l'amour des passans: Qu'estant eschappé d'elles il paruint en vn certain lieu, auquel par quelques expiations, les choses futures s'apprenoient par les esprits des trespassez. Puis comme il aborda les rochers des Sirenes, dont il se sauua par grande industrie, & pour la fin, le desastre qu'il eut entre Scylla & Carybdis, dans le destroiët trescruel desquelles il perdit beaucoup de ses nauires, & de ses compagnons: Ainsi mal-méné, comme il tomba avec le reste de ses gens, entre les mains de quelques Phæaciens pirates qui eurent compassion de luy, & luy firent grace. Apres qu'il eut conté ses infortunes il prit de nostre Roy deux nauires qu'il luy auoit demâdees, & ayant receu de luy beaucoup de presens, il fut cōduit vers Alcinoüs Roy des Phæaciens, là fut-il tres-bien receu pour la renommee de son nom, y sejourna quelque temps, & apprit que Penelopé estoit recherchée en mariage de force grands sei-

gneurs de diuers endroits , comme de Zacynthé , des Isles Echinades, de Leucade & d'Ithaque , par lesquelles choses avec beaucoup de prieres, il persuada au Roy de venir avec luy pour vanger l'iniure faite à son mariage; ce qu'estât fait, & eux y estans arriuez, Vlysses apres s'estre celé quelques iours, iusqu'à ce qu'il eust fait certain Telemachus de de son entreprise , ils arriuerent tous secrettement dans la maison d'Vlysses , où ils tuerent tous ses beaux amoureux assoupis de vin & de viandes. Puis le bruit estant par la ville & parmy le peuple, qu'Vlysses estoit de retour, il fut biē receu de tous, & avec grand applaudissement. Apres s'estant informé de ce qui s'estoit passé en sa maison, il recōpensa de presens ou de supplices ceux qu'il en cogneut dignes. Touchant Penelopé & sa pudicité, la reputation en courut tres-belle, & peu de temps apres , par les prieres & intercession d'Vlysses, Nauficæe fille d'Alcinoüs, fut donnee en mariage à Telemachus.

*Et sur la fin dudit liure.*

**A**V mesme temps Vlysses espouuanté par frequents augures & songes facheux, fit venir vers luy tous les plus experimentez & subtils deuins & interpretes de songes du pais: entre autres choses il leur fait

entendre que souuēt il luy est apparu vn certain simulacre d'vne forme tres-agreable, & d'vne face tenant du diuin & de l'humain, lequel comme il desiroit d'embrasser d'ardante affection, luy tendant les mains, il luy fut respondu par luy en voix humaine: Que ceste conionction estoit meschante, comme estant de mesme sang & de mesme origine, pour ce que d'elle l'vn par le moyen de l'autre deuoit mourir: & comme il s'enqueroit encore avec plus de vehemence, & desiroit entendre la raison de telle chose, il luy sembla qu'vn certain signe sortant de la mer interuint là, lequel s'estant ietté contre luy à son instante priere les separa tous deux. Ce que tous ceux qui assistoient là affermerent luy estre pernicieux & de mauuais augure, adioustant qu'il se gardast des menées de son fils. Pour ceste occasion Telemachus estant rendu suspect à son pere, fut confiné en Cephallenie, & luy furent donnez gens fideles pour prendre garde à luy. Outre cela Vlysses se retirât en lieux écartez & non frequentez, prenoit peine d'éuiter l'inconuenient de ses songes. Auquel temps mesme Telegonus que Circé auoit eu d'Vlysses, & l'auoit nourry en l'Isle d'Aea, estant deuenu grand & s'estant mis en queste de son pere, arriua en Ithaque, portant en ses mains vne espee de dard, duquel le bout estoit armé

du cuir de quelque tortuë de mer, comme pour enseigne de ceste Isle là, où il auoit esté esleué. Ayant appris le lieu où residoit Vlysses son pere, il s'y rend à la parfin. Mais pour estre suspect aux gardes du lieu, l'entree luy en fut empeschee du premier abord, & comme il s'y opiniastroit avec plus d'instance, & se vid repoussé, il commença à s'escrier & se pleindre del'indignité & du tort qu'on luy faisoit de l'empescher de voir son pere. Cela fit croire dauâtage qu'il venoit pour faire effort contre le Roy, & luy résista t'on fermement, pour ce qu'on ne pensoit pas qu'Vlysses eust vn autre fils. Mais le ieune Prince se voyant repousser avec plus de violence & de force, outré de douleur met à mort plusieurs des gardes, & blesse les autres grandement: Ce qu'estant venu à la cognoissance d'Vlysses, & croyant que ce ieune homme eust esté enuoyé par Telemachus, sortit, & tenant vn iauelot qu'il auoit de coustume de porter ordinairement pour sa defence, le ietta contre Telegonus, qui esquiua au dard, & prenant son à propos lança le sien contre Vlysses: lequel tombant au coup se prit à remercier la fortune, & declara que ce luy estoit vn grand heur d'estre tué de la main d'vn homme estranger, qui par ce moyen auoit exempté de parricide son tant cher Telemachus. Cela fait & auant que de rendre

l'esprit, il s'enquiert du ieune homme, qui il estoit, de quel lieu issu, d'auoir esté si hardy de donner la mort à Vlysses fils de Laërtes, si renommé en conseil & en guerre. Par là Telegonus apprenant que c'estoit son pere, se frappant la teste avec les deux mains, ietta vn cry tres-pitoyable, se tourmentant infiniment de ce qu'il auoit donné la mort à son pere. Puis fit entendre à Vlysses, suiuant ce qu'il l'auoit requis, son nom, celui de sa mere, l'Isle en laquelle il auoit esté engendré, & finalement luy monstra le signal de son iaelot. En ceste façon Vlysses apres s'estre souuenu de la force de ses songes, par lesquels les deuins auoient prédit sa mort, & se voyant blessé par celui qu'il eust le moins pensé, trois iours apres sa blessure, mourut vieux & fort auancé en aage, mais nullement affoibly de ses forces.

F I N.







anonym



h. n

